





Capo.
18.

ORTHODOXARVM EXPLICATIONVM LIBRI DECEM,

In quibus omnia ferè de religione capita, quæ his tempo-
ribus ab hæreticis in controuersiam vocantur,
apertè & dilucidè explicantur;

*Præsertim contra Martini Kemnicij petulantem audaciam, qui Colo-
niensem Censuram, quam à viris societatis Iesu compositam esse
ait, una cum eiusdem sanctissimæ societatis vitæ ra-
tione, temerè calumniandam suscepit.*

AVCTORE R. D. DIEGHO PAYVA
ANDRADIO LVSITANO.

Quæ hoc volumine continentur, sequens pagina indicat.

*Accessus rerum, & verborum memorabilium, nec non locorum sacra scri-
ptura, quæ in his libris illustrantur atque explicantur,
Index locupletissimus.*



CVM PRIVILEGIO.

VENETIIS, M. D. LXIIII.
EX OFFICINA IORDANI ZILETI.

INDEX EORVM, QVAE HOC
Opere continentur.

<i>De Origine societatis Iesu, liber</i>	I.
<i>De Sacra scriptura liber</i>	II.
<i>De Peccato liber</i>	III.
<i>De Libero arbitrio liber</i>	IIII.
<i>De Lege & Euangelio liber</i>	V.
<i>De Iustificatione & Fide liber</i>	VI.
<i>De Cena Domini liber</i>	VII.
<i>De Pœnitentia, Confirmatione et Extrema unctione lib.</i>	VIII.
<i>De Veneratione sanctorum, & Imaginibus liber</i>	VIII.
<i>De Calibatu liber</i>	X.



VENETIS, M. D. LXIII.
J. BELLICINI IORDANI LIBRARI

INVICTISSIMO

ATQVE RELIGIOSISSIMO

SEBASTIANO PRIMO,

Diuino beneficio Lusitaniæ & Algarbiorum
Regi, Africa, Aethiopiæ, Arabiæ,
Persiæ, Indiæque Domino
Opt. Max.

Dieghus Payua Andradius

S. sempiternamq, felicitatem D.



*1. exigua essent Maiestatis
tua in me merita, aut uulga-
ribus pater meus, uniuersaq,
eius familia ab auo, atque
proauo tuo Augustissimis Regibus benefi-
cij aucta, atque exaggerata esset, omnes
quidem neruos contendissem, ut singula-
rem meam erga Maiestatem tuam pieta-
tem & obseruantiam, summumq, tui co-
lendi, & maximis in rebus tibi gratifican-*

Epistola

di studium uerbis aliqua ex parte declararem. At cum tot illa, ac tanta sint, ut nullam eorum partem non modo referenda, sed ne cogitanda quidem gratia consequi possim, in multorum sanè reprehensionem incurrerem; fœdissimamq; ingrati animi notam subirem, si quæ officijs testari debeat, oratione explicare cogitarem, atque pro innumeris tuis beneficijs tam uili orationis munere desungerer. Cum præsertim Ferdinandus Alvarez Andradius pater meus omni semper officiorum genere, non solum singularem grati animi erga patres maioresq; tuos significationem dederit, sed satis apud omnium animos testatum reliquerit, omnem suam posteritatem eximio quodam tui colendi studio inflammata iri, nihilq; antiquius habituram, quàm salutem ipsam pro Maiestatis tue amplitudine in quoduis summum discrimen inijcere. Quem egregium animum atque uoluntatem

Nuncupatoria.

tem omnes spero, qui ab illo originem ducimus, in dies magis ac magis re ipsa declarabimus. Ne uero aliquam ipse tibi gratificandi occasionē pratermisisse uiderer, Tridentum à te missus ueni, ubi perstiti quousque tandem sacrosanctum et œcumenicum Concilium feliciter perfectum, & magna cum laude, & diuini honoris amplificatione absolutum est; atque ibi quidquid in me ingenij fuit (quod sentio quàm sit exiguum) adhibui, ne quidquam eorum pratermitterem, quæ ad Christianam fidem illustrandam, diuinam gloriam amplificandam, Maiestatisq; tuæ Augustissimum nomen exornandum facere posse, existimarem. Ea enim tua est erga Deum pietas, & religio, eoq; es diuinarum rerum studio incensus, ut quidquid diuinam gloriam augeat, tuam etiam mirabiliter illustrare putes. Cum igitur Tridenti uersarer, & in præclaris hisce studijs toto corpore, atque

Epistola

omnibus ungulis, ut dicitur, incumberem, ecce incidi in libellum quendam Martini Kemnicij, Theologia Iesuitarum propria capita, inscriptū, quem eò avidius perlegi, quò existimabam acriori ingenio, maioriq̃, acumine opus esse, ut Iesu sanctissimam societatem omnium uirtutum genere spectatissimam, eruditionisque præstantia ornatissimam calumniari posset, qui tamen egregium illud uitæ institutum tam procaciter irridet & condemnat, tam perfidè eruditissimorum hominum doctrinam exagitat, atque tam petulanter omnia ferè de religione capita deprauat, & corrumpit, ut maximo illius profligandi studio subito exarserim, cū præsertim ea sit Iesu societas, ut illius non modò patrociniū lubenter susceperis, sed Maiestatis tuæ præclarissima adolescentia, in qua eximia quædam paterna auitaq̃, uirtutis significatio elucet, eruditione ab illa instituat, atq;
ad

Nuncupatoria.

*ad pietatem mirificè informetur. Quibus
accescit summa Ferdinandi Martinez,
Maſcarenij multis nominibus illuſtriſſimi
& integerrimi uiri, Maieſtatis tue ad ſa-
crum Tridentinum Concilium oratoris
auctoritas, qui cùm multorum ſermone in-
tellexiſſet, hos Kemnicij commentarios
magno cum hereticorum omnium applau-
ſu et gratulatione exceptos fuiſſe, uehemen-
ter me incitauit, ut tempus omne à Con-
ciliij negotijs liberum, in hoc unum, quod
ipſe piorum omnium commune eſſe duce-
bat, conſerrem: quippe quod & diuino nu-
mini gratiſſimum, & Maieſtati tue non
iniucundum fore affirmabat. Ego uerò, qui
morum illius integritatem ab omnibus ſa-
croſancti Concilij Patribus ſuſpici & uene-
rari intuebar, qui illius ſingularem pru-
dentiam à ſapientiſſimis quibuſque uiris
mirum in modum commendari; qui illius
de grauiſſimis rebus iudicium, & plurimi
ab*

Epistola

*ab omnibus fieri, & auidissimè à multis
requiri conspiciebam, ignari & stulti ho-
minis esse existimaui, illius cohortationes
& consilia pietatis plenissima abijcere, que
alijs ueluti ex Apollinis Pythij (quod in fa-
bulis est) oraculo edita complectebantur.
Quare quanuis doctorum hominum iudi-
cium ancipitesque scribendi euentus ualde
formidarem, his tamen stimulis concita-
tus, omnem uituperationem subire, atque
temeritatis famam sustinere statui, ut o-
ptimos & eruditissimos uiros, qui labori-
bus immensis ab uniuersa ferè Germania
pestem redimunt, florentissimamque pro-
uinciam paucorum scelere perturbatam,
in pristinum iustitiæ splendorem, & anti-
quam religionis puritatem restituant, ab
acerrimis, & grauissimis calumnijs in-
dicarem, Christianamq; doctrinam Kem-
nicij perfidia deprauatam, quoad eius fieri
posset, dilucidè aperirem. Quam omnem*
cum

Nuncupatoria.

cum Martino Kemnicio disputationem, Orthodoxam explicationem inscripsi; quia omnia ferè de religione capita, quæ ab hæreticis his temporibus in controuersiam uocantur, decem libris explicauit. Quos etiã antequàm scriberem, Maiestati tuæ destinaueram, eò quòd nihil aptius mihi uidebatur, quàm societatis Iesu defensionem ad illum deferre, cuius illa innumerabilibus beneficijs in dies magis ac magis augeatur, & amplificatur, Orthodoxarumque explicationum libros illi despondere, cuius auspicijs orthodoxa fides non in Lusitania modò, sed in omnibus Lusitano imperio subiectis prouincijs, in tanta rerum omnium perturbatione sacra tecta conseruatur. Nam cum ego præsentẽ Christiana Reip. statum considero, florentissimorum Regnorum, amplissimarumque prouinciarum perturbationem mecum expendo, cum fidem uariè dissectam, religionem miserè concul-

Epistola

conculcatam, pietatem passim spretam
intueor, omniaque ita perturbata esse ui-
deo, ut tot sint de religione sententiae, quot
capita; non possum non Maiestatem tuam
felicissimam iudicare, quippe quam diui-
na clementia elegerit, ut Lusitaniam mi-
seris hisce calamitosisque temporibus in-
corruptam, nullaq; haereticis labe respersam
conseruaret ac tueretur; Et cui diuino be-
neficio contigit, ut Henricus Cardinalis
patruus tuus, Princeps clarissimus, &
Antistes uerè Apostolicus, qui Regnum
tuo nomine integerrimè nunc administrat,
fidei rebus praesset. is enim incredibili pro-
uidencia pestilentissimis erroribus aditum
obstruit, & Iudaica perfidia funestas radi-
ces euellit, ac funditus extrahit, uitio-
rum licentiam comprimit, uirtutis studia
incendit, Regnum denique florentissimum
in fide, ac religione continet: et qui nun-
quam, ut ingentes opes sibi compararet, la-
borem

Nuncupatoria.

borem ullum suscepit; dum uerò pro fidei integritate dimicat, nullum uel laborem, uel uoletudinis periculum recusat. Quid igitur à me fieri potuit elegantius, quàm libros de Orthodoxis explicationibus illi destinare, cuius numine, atque auxilio uera & integra fide Lusitania fruitur? quibus Maiestatis tuæ pijsimis studijs, non dubito quin diuina prouidentia perpetuò faueat, salutem tuam, ut optamus, tueatur, uitam diutissimè conseruet, uires amplificet, potentiam exaggeret, quam omnem in diuina gloria augenda, atque illustranda insumis.

P R A E F A T I O.



VANTVM momenti positum sit in liberali puerorum educatione, atq; honesta iuuentutis ingenuaq; institutione, uel ad Rempubicam conseruandam, uel funditus euertendam, omnes, qui de administrandis rebus publicis sermonem instituunt, satis apertè demonstrant. Cum enim Respublicæ cum ipsis mortali-

bus hominibus non intereant, sed ciuium assidua uicissitudine diutissimè conseruentur; illarumq; felicitas non ex urbium natura & situ, non ex ædificiorum pulchritudine & nobilitatè, non ex agrorum ubertate, rerumq; omnium abundantia, sed ex optimorum ciuium frequentia existat: quis dubitare poterit, nihil esse Reipublicæ utilius, quàm eam erudiendæ iuuentutis rationem inire, ut uberes & optati ex eius studiis, cum usus fuerit, fructus constare possint? Quare Xenophon præstantissimam atque florentissimam Persarum Rempubicam descripturus, talem Cyri pueritiam, talemq; omnium iuuenum educationem principio descripsit, ut ex ea non nisi præclarissimus Princeps, atque optimi ciues existere possent. Ferè enim fit, ut teneræ ætatis institutioni uniuersæ uitæ actiones respondeant. quæ causâ fuit, ut etiam Diuus Paulus piam atque honestam parentibus filiorum disciplinam sæpius commendarit. Ita enim ad Ephes. scribit. Et uos patres nolite ad iracundiam prouocare filios uestros, sed educate illos in disciplina & correptione Domini. Siue ut uerba Græca habent, *ἐν παιδείᾳ κυρίου καὶ ἐν ἐλέει κυρίου*, hoc est in castigatione non acti & acerba, sed quæ ira & concumelia uacet, Christianamq; lenitatem deceat: cum qua tamen *καὶ ἐν ἐλέει κυρίου*, idest admonitio (ut Hieronymo placet) coniuncta sit. Quod ipsum repetit in epistola, quâ ad Colossenses scribit, Patres (inquit) nolite ad indignationem prouocare filios uestros, ut non pusillo animo fiant: quam enim timiditatem, quam uel uirtutis desperationem ætas illa conceperit, serò deponit: Sicut & nihil tenacius nostris inhæret præcordiis iis rebus, quas simul cum la-

*Ad Eph.
cap. 6.*

P R A E F A T I O.

*Aug. con
fessionum
lib. 3. c. 4.*

Et exuimus. Quare Diuus Augustinus adhuc Manichæus, & à uera fide ualde abhorrens, cum libri illius, quæ Cicero Hortensium inscripsit, lectione mirificè delectaretur, non potuit tamen non fateri, sibi magnam uoluptatis partem præreptam fuisse, quod in illo Christi sanctissimum nomen desideraretur: quod cum ipsi à piissima matre cum lacte propinatum fuisset, ita in ipsas quasi uenas permanauerat, atq; adeò ipsis etiam uisceribus infederat, ut, quæ sanctissimo illo nomine uacua essent, ea sordescere & ueluti putida existimaret. Hinc factum est, ut etiam Christi hostibus solenne esset, puerorum mentibus simul cum primis elementis peruersam doctrinam & Christi odium instillare; quod una cum ætate coalesceret, atq; ita intimis animis hæreret: ut ab illis nulla unquã posset ratione diuelli. Atque id quidem à Maximino tam acri Christi hoste, ut illo nullum acerbiorum, aut truculentiorum experta unquam fuerit antiqua Ecclesia, uasfrè, ac ueteratoriè factitatum legimus. Is enim ut sanctissimo Christi nomine, quod immani, & crudeli odio insectabatur, ex hominum mentibus exempto, impium eis dæmonum cultum infunderet, tueretur, quædam acta sub Pilati nomine confinxit execrandis blasphemiiis innumerisq; in Christum opprobriis & contumeliis plena: atque Imperatorio edicto præcepit, tum, ut in omnibus imperio subiectis ciuitatibus, locis, ac agris affigerentur: tum ut ludorum magistri ea pueris diligenter honestarum disciplinarum loco traderent: omnemq; operam nauarent, ut illa animo accuratè percepta æterna memoria custodirent. Neq; enim fieri posse putauit, ut quam in prima pueritia peruersam de Christo opinionem concepissent, postea unquam abicerent. Hanc teneris annis insitam esse naturam poeta quoque lyricus scitè admodum iis uersibus pinxit.

*Horat.
epist. 1.
lib. epist.
2.*

*Fingit equum tenera docilem ceruice magister,
Ire uiam, quam monstrat eques uenaticus: ex quo
Tempore, ceruinam pellem latrauit in aula,
Militat in siluis catulus. nunc adhibe puro
Pectore uerba puer: nunc te melioribus offer.
Quo semel est imbuta recens seruabit odorem*

Testa diu.

Cum

Cum uerò huius nostri temporis hæretici, in eodem gymnasio cum Maximino fuerint uersati, atque eodem præceptore, dæmone inquam usi, nihil mirum si eisdem præceptis abundant, eisdemq; armis ad euertendam Christianam Rempublicam satis sint instructi. Omnem enim operam, industriam, atque cogitationem ponunt, in puerorum animis falsa doctrina imbuendis, uerâq; Ecclesiæ odio inflammandis. Quod inter cæteros fecit quidam Ioannes Monhemius ludimagister Dusseldorpenſis, qui nulla in re magis se, aut parentibus, aut pueris gratificari posse est ratus, quàm si simul cum primis grammaticæ elementis, Lutheri, Caluini, aliorumq; similibus sordibus, teneras puerorum mentes inquinaret. Quod ut cumulatius præstaret, catechismum composuit non modò impium, sed & uersutum ac calidum: ut quem præceptorem tenera puerorum ætas parentis loco obseruaret & cerneret, impiam eius doctrinam imis sensibus exceptam, ad extremum usque uitæ cursum perduceret, pertinaciterq; defenderet. Cui tanto malo florentissima Colonienſis Academia graui errorû, quibus Satanicus ille catechismus scatebat, censura, & accurata quadam explicatione, repente occurrendum putauit, ut technis reſeratis, atque exitiosa fraude patefacta, parentes reſpicerent, & filiorum ſaluti, quæ sub impio præceptore periclitabatur, conſulerent, atque proſpicerent. Quam prouinciam totam Academiam dedisse doctissimis, & religiosissimis uiris inſtituti ſocietatis Ieſu (quos uulguſ Ieſuitas uocat) Martinus Kemnicius illorum capitalis hoſtis, auctor eſt. In eadem enim Colonienſi ciuitate inſigne illorum quoddam collegium poſitum eſt, magis quidem uiris egregia doctrina, ſingulari pietate, integra in Deum fide, ſumma religione inſſamataq; quadâ i proximos charitate, illuſtre, quàm ſplendidis magnificisq; ædificiis florens. Quòd ſi patres Academiae illius moderatores, tale tantumq; munus talibus hominibus ut Kemnicius teſtatur, detulerant, eſt ab illis non modò prudenter (quod ex libri præclara eruditione conſtat) ſed iuſtè ac legitime factum. Eſt enim puerorum patrociniũ illis propemodum ſuo iure debitum, qui hac noſtra ætate præ

P R A E F A T I O.

æteris uiris omnibus, in teneris annis pietate, informandis, diuino timore ac charitate, omnisq; Christianæ disciplinæ præceptis, literarumq; cognitione imbuendis, accuratissimè & providentissimè inuigilant. Cum enim uiri isti & uitæ integritate sanctissimi, & in diuino honore amplificando prudentissimi, satis intelligerent, uirtutum semina, quæ in teneram ætatem ueluti in concipientem comprehendentemque naturam, iaciuntur, uberrimos ac præclaros fructus edere, qui cum ætate con crescant & augentur; nullis uigiliis parcunt, nullos labores detrectant; nullam non molestiam perferunt, nullam occasionem prætermittunt, ut pueros ad Christum perducant, utque in illius amplexibus adolescant, & cum eo perpetuò uiuant. Quo labore quantum profecerint, felix infelici hoc sæculo, Lusitania cumulatè testari potest. cum enim ualde abundet collegiis sanctissimorum huius instituti hominum copia abundantibus, postquam eorum curæ ac fidei uniuersa ferè Lusitana iuuentus commissa & credita est; quantum cum literis pietas simul aucta sit, uix dici potest, addè ut uel solum propter piam iuuentutis educationem, Regni illius christianissimi fides & religio facta tecta esse posset. Suntque inter cætera illorum collegia, in Lusitania duo, omni ex parte florentissima, alterum in ciuitate Conimbricensi, & loci natura amœnissima, & Academia omni literarum genere clarissima, admodum celebri, in qua ipse ab ineunte ætate literarum studiis incubui: alterum in urbe Eburenfi nobilissima, munificentia clarissimi Henrici Cardinalis, Lusitanæ Principis, eiusdemque ciuitatis præsulis uerè apostolici constructum, & egregia liberalitate sustentatum. In quo non solum in iuuentute diuinis institutis omnibusque liberalibus disciplinis excolenda operam nauant, sed & sacras literas summa cum laude, doctorumque omnium applausu atque gratulatione tradunt. Quodd si Academiæ gloria magis literarum, & uirtutum splendore quàm antiquitate constat, hæc certè paulò ante constituta, cum antiquissimis & toto Orbe celeberrimis iure certare poterit. Satis enim illa præ se fert specimen integritatis, prudentiæ, pietatis, fidei, & religionis, quibus

quibus mirum in modum excellit Henricus Princeps clarissimus, qui illam egregiè fundatam, mirificè auctam, omnibus necessariis rebus munitam nobis & posteritati exædificauit. In hæc igitur duo potissimùm loca ex omnibus ordinibus Lusitana iuuentus confluit, ubi sub disciplina societatis Iesu educata, omnibus bonarum rerum disciplinis exculta, Christiana noq; homini necessariis uirtutibus ornata, tandem donum reddit. Neque uerò in solis Lusitaniæ urbibus hoc uerè Christiani hominis officio perfunguntur, sed etiam in exteris ac barbaris prouinciis, quæ Lusitano Imperio longè lateque patenti sub sunt; non minus agrestibus, feris, ac barbaris moribus, ab humanitate disidentibus, quàm locorum interstitio à nobis disunctis. Vt autem solos Brasilienses populos commemorem, uel solo humanarum carnum esu horribiles & formidabiles, quos *ἀνθρωποφάγους* Græci scriptores appellant, ad quos si humano cōsilio carnis'ue prudentia societatis Iesu uiri ducerentur, nihil certius quàm esus eorum fieri sperare potuissent: cum tamen diuino spiritu impellerentur, ardentis charitatis flammam, barbaræque gentis commiserationem, omnibus uitæ periculis prætulissent, Deo eorum uotis annuente, uix credi potest, quàm breui innumeri feritate exuta, execrando atheismo abiectò, puram diuinæ cognitionis lucem, Christi charitatem, Euangelii suaue iugum, sint amplexati. Quod ut præclarum opus & cumulatiùs præstarent, & diutius conseruarent, puerorum sibi maximam rationem habendam esse, sunt rati: atque ædibus extructis, puerorum magnam multitudinem sibi asciuerunt, quos summa cura & perennibus laboribus, ex natiua illa feritate ad iustitiam, mansuetudinemq; transferunt, fide instruunt, pietate informant, uirtutibus excollunt, præclarissimisq; disciplinis exornant: ita ut in multis iam cernere liceat patrium stridorem potius, quàm linguam, in Latini sermonis elegantiam atque lenitatem conuersum, & in animo religione & bonis literis exornato neque uestigium quidem pristinae belluarum feritatis reperiri. Vnde illorum puerorum multi, ad uicinas uillas & castella commeant; ut parentes, affines, cognatos, uniuer-

P R A E F A T I O .

uniuersam denique plebem, diuinam legem doceant, & uitia immanitatemque increpent: non sine magna agrestis gentis admiratione, diuinæque gloriæ amplificatione. Qui igitur ultimas terras lustrant, ut omnibus gentibus diuini uerbi lumen affulgeat, inque barbaris pueris excolendis, plurimos maximosque labores infumunt, ut ita tandem Christo Iesu nouam terram nouumque cælum restituant, paterentur ne domi in patrio solo, propriisque laribus Monhemii impudentiam & impietatem? illi omnibus conatibus obsistere: an non horum hominum proprium est ac peculiare munus? quos si quis publicos eosdem optimos Christianæ iuuentutis magistros ac moderatores nominet, is sanè uerissimo eos nomine appellabit. sed Monhemio iam superato, illiusque imposturis, fallaciis, & impietatibus, summa cum doctrina, perspicuitate, & euidencia referatis, ecce tibi Satan alium rursus pseudopphetam Martinum Kemnicium Braunscientium ut audio Doctorem excitauit, qui clarissimæ ueritati tenebras obducere conaretur. Is libello quodam edito, quem Theologix Iesuitarum præcipua capita inscribit, in sanctissimum illud seuerioris cuiusdam, & ad ueterem Ecclesiæ disciplinæ normam conformata uitæ institutum inuehitur, illudque contumeliosè damnat, atque in morem rabidi canis, quos dilacerare dilaniareque uitiorum commemoratione non ualet, latratibus immodicis prosequitur: omnesque eruditionis scilicet, & eloquentiæ vires comparat, ut catholica, ueræ, piæ, & excellentissimæ doctrinæ impietatis notas inurat, aliosque ut id abundantius præstent, prouocat. In quem libellum cum incidi, uenit mihi in mentem illustris ille Philo Iudæus, qui cum legatus à Iudæis Alexandrinis ad C. Cæsarem Romam missus esset, ut lites inter Iudæos & Gentiles obortas coram Cæsare dirimeret, à Caioque contumeliosè exciperetur, ad collegas suos sese conuertens ait. Bono animo estote, iam enim re ipsa Deus demonstrat causæ nostræ patrociniū suscepisse; quando iratum ac aduersarium Caium experimur. Ita cum ego Kemnicii iudicium de uiris instituti societatis Iesu, cum ipsorum uita mihi satis perspecta & explorata, animaduersionesque;

*Eusebius
hist. Eccl.
lib. 2. c. 5*

nesq; illius, cum Coloniensi censura, quā ipse carpit, conféro, eius impudentiam satis quidem demirari non possum. Illud tamen interim persuasum habeo, illos non tantum gloriæ ex multorum commendatione, quantum ex impia & petulanti Kemnicii improbatione, comparere potuisse. Neque enim ab improbis atque sceleratis uiris improbari, quā ab egregiis atque laudatis commendari, minore in laude ponendum existimo. Quare cum sæpe & multum mecum cogitarem de societatis Iesu uitæ instituto, à petulanti Kemnicii animaduersione uindicanda, me retardabat egregia hominis procacitas & impudentia, quam non fieri posse putabam ut quenquam latere ulla ratione posset. Quod uerò attinet ad religionis nostræ dogmata, quæ petulanter ipse redarguit & refellit, satis uidebam tam accuratè, diligenter, & circumspectè in Coloniensi censura explicata esse, ut in profligando Monhemio, Kemnicii etiam impietatem ante præuiderit & exterminauerit. Quare existimo illum cum adscribendum animum appulit, iudicium iniquitate fretum magis, quā causæ æquitate id fecisse. Cum tamen intueor magnam Germaniæ salutis spem, in societatis Iesu opera, diligentia, & laboribus positam esse, uereor ne illius gloriam & exstimationem apud aliquos magis infringat nostra intèpestiua taciturnitas, quā Kemnicii importuna loquacitas. Quamobrem tum diuini honoris amor, tum Lusitaniæ meæ debitum officium, me ad hanc optimorum uiuorum suscipiendam defensionem incitauit. Cum enim Sebastianus Lusitaniæ Rex, Dominus & Princeps meus clementissimus, à religiosissimo & doctissimo huius ordinis uiro Luisio Gonzalez à Camara, & bonis artibus instituatur, & ad pietatem informetur, quamplurimiq; eiusdem instituti uiri, in omnibus Lusitaniæ ditionis, prouinciis, latè & uariè diffusis, salutis animarum, Euangelii luci amplificandæ, non sine sanguine incumbant, si hanc causam deseruissem, non tam societati Iesu, quā debito patriæ meæ officio defuisse iure uideri possem. Quia uerò hominis istius, cum quo mihi res est, in laceffendo procacitas me cogit, ut principio de origine, moribus, & uitæ instituto, societatis Iesu, agam, Deum testem inuoco

P R A E F A T I O .

inuoco in animam meam,quòd neque calumniandi libidine,
neque commendandi studio uel tranſuerſum unguem à uero
diſcedam . Quòd ſi æquis utamur iudicibus, non dubito
quin nuda ueritate propoſita, nullis uerborum lenociniis
eloquentiæ uel luminibus exornata, nullaq; argumentorum
ui fulcita, cauſam facile obtineam . neque enim fieri poteſt, ut
qui ſcelere & inuidia non fuerit cæcus, illuſtris atque candē
tis ſolis radios non uideat.

DIEGHI PAYVA

ANDRADII LVSITANI,
ORTHODOXARVM EXPLICA-
TIONVM LIBER PRIMVS.

De origine societatis Iesu.



DEI Optimi Maximi prouidentia mun-
dum administrari, eumq; consulere
rebus humanis, non solum uniuersis,
sed etiam singulis, qui rerum admi-
rabilem ordinem, & uicissitudinem,
temporum commutationem, euen-
tuumq; certissimam cum suis causis connexionem,
atque eorum omnium, quæ naturæ opera & admi-
nistratioe fiunt, dispositionem considerauerit, sa-
tis intelliget. neque enim tam constans, & tam pe-
rennis ordo in rebus mentis consilijque expertibus
temerè euenire, aut casu conseruari ullo modo po-
tuisset. & nisi Dei nutu, atque potestate cuncta re-
gerentur, fieri certè non poterat, quin inuersa es-
sent, & immutata omnia, atque admirabilis hic to-
tius uniuersitatis concentus excisus & euersus iacè-
ret. Quæ, etsi magna sint diuinæ prouidentię ar-
gumenta, si cum ijs tamen, quæ singulis diebus e-
dit, inflammati cuiusdam studij, ardentisq; desi-
derij, homines ad sui amorem felicitatisque com-
munionem pertrahendi conferantur, exigua illa sa-
nè, & exilia uidebuntur. Ita enim in hanc quasi cu-

ram

B ram

ram æterna bonitas incumbit, ita omnes rationes
 inquit, omnes uias persequitur, quibus mortales ad
 sui amorem cultumq; alliciat; ita omnes machinas
 adhibet, ut durum, & ferreum humanum cor ad pie-
 tatem & religionem flectat, ac si inde illius uniuersa
 dignitas, deitas, felicitas, omnipotentia & ampli-
 tudo pendêret. Cum igitur rebus prouidere, sit eni-
 ti ut res omnes, fines sibi à Deo atque à natura per-
 scriptos consequantur; earum uerò mentium, quæ
 rationis sunt participes, finis sit cœleste ipsum nu-
 men, in quo solo & feliciter conuiuiscunt, & in
 quem concitato cursu ferri debent, in illis profectò
 diuinæ mentis consilijs, & operationibus, quæ hu-
 manæ uitæ cursum, ad hunc præclarissimum finem
 dirigunt, arcana prouidentia magnitudo & excel-
 lentia magis elucet, & splendescit; atque: quò ani-
 mi hominum, qui hac prouidentia ratione procu-
 rantur, ceteris corpore constantibus longius præ-
 stant, illorumq; finis est longè præclarior, eò magis
 in illis administrandis uberior quædam Dei sapien-
 tia, cura, ac prouidentia enitet. Si enim ad præcla-
 ros uiros, qui se per omnes ætates diuino cultui mā-
 ciparunt, animum aduertamus, planè uidebimus,
 eorum uitam, non modò singulari rerum omnium
 auctoris atque opificis prouidentia gubernatam, am-
 plissimisq; beneficijs auctam semper fuisse, eumq;
 illis leges, uitæq; instituta tanquam sapientissimum
 dominum præfixisse, sed ut patrem fouisse, aluisse,
 texisse, & omnia, quæ illorum in pietate & religio-
 ne progressum retardare, ac impedire poterant, cu-
 riosè remouisse; atque arcuisse. Vnde sunt sancto-
 rum

rum perennes illæ uoces, quibus æternæ prouidentia, atque erga se liberalitatis magnitudinem prædicant, illi omnes suas fortunas atque bona referunt accepta, pro acceptis beneficijs gratias agunt, & quam de suis curam gerit, admirantur. Hinc Moses cœlum ac terram conuocat, utq; Israeliticos homines summæ ingratitude condempnent, obtestatur; quippe qui summi amoris, quo illos iam inde ab initio Deus fuerat prosequutus, & curæ, quam illorum commodis impenderat, memoriam deposuissent, Memento (inquit) dierum antiquorum, cogita generationes singulas, interroga patrē tuum & annuntiabit tibi, maiores tuos & dicent tibi; Quando diuidebat altissimus gentes, quando separabat filios Adam, constituit terminos populorum iuxta numerum filiorum Israel. Hoc est, ita Deus omnia condidit, & administrat, ut solis populi sui Israelitici rebus prospicere uideatur. Prætermitto quam Christus Iesus Dei filius operam nauauit, ut humanum genus, grauiſſimo Dæmonum iugo expulso, sempiterna felicitate perfrueretur. Quanta uigilantia cœli uiam cōmonstrauit; quot labores per tulit, ut illam firmissimis sacramentorum præſidijs muniret; quantis sudoribus ac cruciatibus illius obſeratas & occlusas fores nobis reſerauit; quæ ac quanta in terris reliquit ardentissimæ charitatis in nos suæ pignora, felicitatisq; sempiternæ obſides, qui infirmitatem nostram leuarent, debilitatem repellerent, algidas mentes inflammarent, languentem spem excitarent, tepentem charitatem magis ac magis accenderent, atque dimissos animos & ter-

*Deuter.
cap. 32.*

restitutum rerum curis oppressos cœlestium recordatione erigerent, & recrearent: adeò ut nihil sit, quod cursum nostrum ad Deum remorari aliqua ex parte possit, cui ipse non multò ante prouiderit, atque præcauerit, ne quidquã saluti nostræ, præter nos ipsos incommodare aliqua ratione posset. Quam hominum curam haud quidem cum mortalitate Christus deseruit, neque cœlestis principatus functione nostri memoriam abiecit, & uigilantissimam procuracionem deposuit; sed ita nostræ saluti de cœlo prospicit, ita nostris ægritudinibus medicinam adhibet, nouasq; rationes continenter inuit, ut nos à caducis cupiditatibus alienatos ad se pertrahat, ut faciliè intelligamus, illum non tam sese à nobis subtraxisse, quàm cerni corporeis oculis noluisse.

C V I V S diuinæ prouidentia, & in hominum salute curanda flagrantis studij, maximo documento sunt clarissimi uiri, qui cœlestis charitatis facibus accensi, uitæque melioris amore incitati, se ipsos ab hominum cœtu familiariq; consuetudine abducentes, diuinis se rebus solum tradere, humana contemnere, cœlestia meditari, arctius uiuendi genus & ad perfectam Euangelicæ disciplinæ normam accommodatum ingredi, non modò in animum induxerunt, sed quamplurimis, ut idem facerent, auctores fuerunt: quorum opera & exemplo, languens christiana disciplina, æternarumq; rerum memoria, quæ in multorum mentibus extincta propè, & deleta erat, maxima ex parte erecta & excitata fuit. Nanq; eorum, qui in fragilium & caducarum rerum amorem immersi, nihil perenne & sempiternum cogita-

gitabant plurimi, rei miraculo perculsi, & caligine, quæ mentem obscurabat, discussa, nouoq; splendor illustrati, atque de arctissimo quasi somno experfecti, quæ in oculis ferebant, contempsere; temporalium rerum amores in grauissima odia conuertunt; coelestia, quæ paulò antea despiciebant, admirati arctissime complexi sunt; atque ita christianæ uitæ institutio sensim instaurata fuit; non inter eos solum, qui ad noua illa monastica uita, coelestiaq; castra confugiebant, sed apud illos etiam, qui sanctissimorum hominum monitis & exemplis prouocati, non tam sensibus, quàm Sancti spiritus fulgore ducti, uitam ad Euangelicæ legis regulam componebant, quanquam domicilia, sedes, fortunasq; ipsas cum uestibus retinerent. Neque enim uitæ magni illius Antonij admiratio, pauciores ad ueræ pietatis cultum in medijs urbibus incitauit, quàm ad horridam eremum, uitæq; monasticæ æmulationem allexit. Quod satis quidem ardentissimæ illæ Augustini, innumeris adhuc cupiditatum uinculis constricti, ad Alipium uoces indicant, Quid patimur? quid hoc est, quod audisti? surgunt indocti, & coelum rapiunt, & nos cum doctrinis nostris sine corde ecce ubi uolutamur in carne & sanguine. An quia præcesserunt, pudet sequi? & non pudet neque saltim sequi? Ita enim, audita à Potitiano magni Antonij illustri atque planè angelica uita, permotus fuit, ut sui ipsius pudorem, scelerumq; conscientiam ferre nullo modo posset. Quibus autem fluctibus illius fuerit mens agitata, cum narrantem Potitianum audiebat, hisce uerbis ornatissime explicauit, Tu autem

*Aug. 8.
lib. de cō
fess. c. 8.*

Confess. autem Domine inter uerba eius retorquebas me ad
lib. 8. c. 7 me ipsum, auferens me à dorso meo, ubi me posue-
 ram, dum nollem me attendere, & constituebas me
 ante faciem meam, ut uiderem quàm turpis essem,
 quàm distortus, & sordidus, maculosus, & ulcero-
 sus, & uidebam, & horrebam, & quò à me fugerem
 non erat: etsi conabar à me auertere aspectum, nar-
 rabat ille quod narrabat, & tu me rursus opponebas
 mihi, & impingebas me in oculos meos, ut inueni-
 rem iniquitatem meam & odissem. noueram eam,
 sed dissimulabam, & conuiuebam, & obliuiscabar.
 Tunc uerò quântò ardentius amabam illos, de qui-
 bus audiebam salubres affectus, quòd se totos tibi sa-
 nandos dederant; tantò execrabilius me compara-
 tum eis oderam. Quo circa existimo, sanctam Dei
 ecclesiam diuino illi Antonio magna ex parte debe-
 re, quòd sanctissimo Augustino tanta nunc cum uo-
 luptate, atque commodo fruatur. Nam ille, qui nul-
 lis unquam persuasionibus cessit, uitæ magni Anto-
 nij commemoratione, sanctissimorumq; duorum mi-
 litum pia æmulatione ad uirtutum studia flecti at-
 que commoueri potuit. Cùm igitur nouæ, & inusi-
 tatæ uirtutis admiratio, ad animos hominum picta-
 re & religione informandos plurimùm ualeat; Chri-
 stus Iesus Ecclesiæ suæ prouidentissimus moderator,
 singulis propè ætatibus, novos quosdam soles uelu-
 ti lumina quædam accendit, qui uitiorum tenebras
 Christiani Orbis finibus arceant; novosq; Moses ex-
 uscitat, qui plebis suæ corda ab Aegyptiorum tyran-
 nidè eripiant, à foedissima spurcitia, turpissima lue,
 profigatissimisq; moribus, ad flagrans uirtutis stu-
 dium

dium traducant. Magnos illos uiros planeque diuinos, rigida solitudinis incolas, quibus tota olim Græcia uniuersa; Aegyptus felicissime abundauit, taceo; qui cum in retrusis locis, magisque abditis terræ penetralibus uitam degissent, ferarumque familiaritatem, hominum aspectui & consuetudini quàm longissimè anterulissent, illorum tamè sola uitæ admiratio maiorem uim habuit, ut multorum animos percelleret, & obdurata longa peccandi consuetudine pectora leniret, elata flecteret, algentia charitate inflammaret, à uitijs ad uirtutum studium conuerteret, quàm doctissimorum & eloquentissimorum hominum ornatissimæ orationes. Quòd si ad illa tempora cum monasticum uiuendi genus lenius ac mansuetius diuina prouidentia factum est, illiusque sectatores incultis eremis relictis, urbes habitare, inque hominum luce uersari cœperunt, animum conuertamus, uidere sanè existimabimus, ardentes charitatis flammæ de cœlo decidisse, quæ hominum mentes inflamarent, atque ita pristina illa nascentis ecclesiæ tēpora magna ex parte restituta fuisse. Humani enim animi tanto splendore, tantaque pulchritudine illecti, in omne se uirtutis studium tradebāt. Cum præsertim egregij illi uiri omnes neruos contenderent, ut quem ipsi humanarum rerum contemptum cœlestiumque amorem animo inclusum habebant, ad omnes alios transfunderent. Ut uerò cæteros uiros sanctissimos taceam, qui ad duo illa Orbis lumina Dominicum & Franciscum animum diligenter aduerterit, satis perspiciet, diuina illos fuisse prouidentia incitados, ut homines à uitijs ad uirtutem

ORTHODOX. EXPLIC.

tutē auocarent, perfectissimamq; apostolicæ uitæ regulam Orbi restituerent. Quòd ut cumulatius præstarent, sapienter existimarunt, externis indumentis, & corporis cultu, suos à cæteris omnibus secerari, ac seiungi debere; non quòd in uestium squalore & situ uirtutem & pietatem potissimum inesse ducerent, sed ut eorum filij, & imitatores perpetuo essent admoniti, non minus pœnitentiæ austeritate, morum puritate, uitæque sanctimonia cæteris præstare debere, quàm essent uestibus externoq; corporis cultu ab alijs discreti: illosque puderet, non eam humilitatem, integritatem, innocentiam, humanarumque rerum contemptionem moribus exprimere, quàm uestibus polliceretur: omnium etiam suorum actiones & uoluntates ab unius uoluerunt arbitrio pendere, ut cum unam eandemq; uoluntatem diuinis rebus addictam omnes conseruarent, peccatorum omnium fibræ facilius extirparentur, essetq; illis peccandi licentia simul cum impunitate & occasione præcisa. Cum igitur omnes suas rationes ad gloriæ Christi amplificationem, integramq; euangelicæ disciplinæ restitutionem contulerint, quis non uidet, strenuam eos Satanæ operam nauare, qui sanctissimorum hominum præclara studia damnant, & rectam uiuendi rationem oppressam & extinctam cupiunt? Cum uerò Kemnicius instituti Diuorum Francisci & Dominici studiosos calumniatur, quòd regulas ab hominibus excogitatas Christi mandatis præferat, satis indicat, odio se atque inuidia obcœcatum non perspicere, in euāgelica perfectione monasticæ uitæ rationem potissimum sitam esse:

Sanctissimis

Sanctissimis uerò Dei præceptis atque uoluntati ad uersari illa minimè possunt, quæ ab apostolicis sacra; legis studiosissimis uiris, ad perfectam eiusdè legis conseruationem inuenta atque excogitata fuerunt. sed nihil miror caligantes Kemnicipi oculos, tetrâ; inuidiæ nebula circumfusus, illustrem diem, cadiginosam esse noctem arbitrari, neque tantam supremæ prouidentiae magnitudinem percipere; cum audiui Diuum Paulum asserentem, hominem carnis cupiditatibus immersum, sordidis & abiectis desiderijs implicatum non percipere, quæ sunt spiritus Dei, stultitiamq; illa esse existimare, quæ admirabilia diuinæ mentis consilia continent.

1. ad Corinth. c. 2.

HAEC uerò uigilans & industria Dei prouidentia, quæ præteritis sæculis excitauit Antonios, Basilios, Augustinos, Benedictos, Franciscos, Dominicos, cæterosq; egregios uiros monasticæ uitæ parentes, qui torpentes animos uirtutis stupore percellerent, nostris hisce tēporibus cœlesti beneficio Christiano Orbi donauit Ignatium Loyolam Cantabrū, non minùs generis claritate; quàm singulari prudentia infracta; fortitudine illustrem: cuius plurimis maximisq; in rebus, multa ac præclara documenta dedit. eo præsertim tēpore, quo Galli arcem Pompeiopolitanam munitissimam obsederunt, uehementissimeq; oppugnarunt. in qua obsidione tam strenuè se Ignatius gessit, ut illi uni Hispani omnes primas facillè deferrent. Qui tamen honos tanti illi constitit, ut altero trure bombardæ ictu comminuto; in altero uerò grauissimò uulnere accepto, à Gallis captus fuerit: quorum tamen lenitate & humani

ad. 1. 1.

ad. 1. 1.

tate usus, liber paulò post domum redijt. Quæ cor-
poris uulnera, cœlestia quædam medicamenta fue-
runt, quibus mens, quæ cupiditatum erat ictibus
saucia atque intermorta, integram ualitudinem
recuperauit. Nanque grauissimis illis doloribus
diuturna; ægritudine tãquam diuinis quibusdam
uocibus excitatus, & labentium rerum uanitatẽ
intueri, æternarumq; amore inflammari cœpit; at-
que adedò oculos, quos illi honorum uoluptatumq;
illecebræ occluserant, ærumnæ, & calamitates rese-
rarunt. Cum enim iam non tam externis, quàm do-
mesticis ac proprijs exemplis admonitus, rerum uni-
uersarum statum debitis pòderibus examinare cœ-
pit, facile fuit humana, quæ antea admirabatur, con-
temnere, diuina uerò, quæ prius non admodum cu-
rauerat, prosequi & admirari. Cum præsertim is
esset, quem Christus Seruator præelegerat, ut eo-
rum dux foret, qui sanctissimum eius nomen porta-
rent coram gentibus & populis, & ijs, qui sunt ueri
filij Israel. Corpore igitur aliquantulum firmiore,
non dum tamen omnino confirmato, Cæsareis ar-
mis repudiatis, omnibusq; humanis curis & cogita-
tionibus abiectis, Christianæ se militiæ addixit, at-
que sub eo duce stipendia mereri decreuit, qui men-
suram bonam, & confertam, & coagitatam, & su-
pereffluentem in eorum sinum dat, qui se illi uerè
& ex animo tradunt. Quare ut uerus Abrahæ filius
haberi, benedictionumq; illius particeps esse posset,
in ipso ætatis flore (erat enim 26. annos natus) do-
mo, patria, ac proprijs laribus relictis, in templum
Deiparæ Virgini dicatum, antiquitate & quamplu-
rimis

Mat. c. 9.

Luc. c. 6.

Genes.
cap. 12.

rimis miraculis illustre, quod Montem serratum uocant, semigrauit; atque cum ueterem hominem ibi prorsus exuere statuisset, neque antiquas quidē uestes retineat uoluit. Quocirca sacco indutus, immodicas illas delicias, quibus eius fuerat corpus delibutum, ueterem fastum, insolentiam, temeritatem, cæterasq; animi cupiditates, rara quadam & insolita uitæ austeritate, humilitate, patientia, uirtutumq; omnium flagrante studio cœpit compensare. in quo tam diu, & tanta cum omnium admiratione perstitit, ut multorum postea animos, non tam eruditionis præstantia, qua tunc erat destitutus, quàm illustris sanctitatis exemplo, ad uerum Dei amorem à uitæ prauitate conuerteret. cum præsertim consilia prudentiæ, pietatis, amorisque plenissima sæpius cum illo coniungeret. Nam postquam aliquandiu tam austera acerbâq; pœnitentia cupiditatum impetus coërcuisset, & refrenasset, ut omnibus corporis uoluptatibus sibi sponte interdixisse uideretur, repentina quædam ac cœlestis lux illi exorta fuit; tantaq; sancti Spiritus dulcedine fuit delibutus, atque diuinæ cognitionis tanto lumine illustratus, ut in terrarum cœlum raptus ibique arcana Dei uerba quodam modo audiuisse uideretur. Tanta item in proximis charitate subito exarsit, ut in illorum salutem omnem operam, atque laborem non sine maximo fructu & admiratione collocaret.

2. ad Cor.
rint. c. 12

Cum uerò in hac pœnitentiæ, charitatis, uirtutumq; omnium palæstra se aliquandiu egregius hic uir Ignatius exercuisset, Hierosolymam sanctissimam urbem se contulit, sanctissimi illius sepulchri ado-

randi, & cætera loca, in quibus adhuc Christi extant expressa uestigia, uisendi gratia: quorum fuit aspectu tantopere animatus, ut nihil iam ardentius optaret, quàm cum Christo unà pro fratribus sanguinem fundere; uitamq; sibi esse acerbam putaret, quam non in eorum salute curanda infunderet. Hierosolyma uerò discedens, in Hispaniam redijt, ubi miris modis exagitatus, atque sicut olim Abraham, & Iob à Deo tentatus, illustrissima dedit singularis cuiusdam fidei & pietatis documenta. Quibus laboribus tantum profecit, ut familiaribus dicere solitus fuerit (quod ipsis referentibus, sæpius ipse audiui) nihil esse in rebus creatis tam amplum atque egregiũ, quo ipse perpeffas calamitates & ærumnas libenti animo commutaret. Quia tamen intelligebat, plurimũ ad uitæ rationem, quam inierat, literarum cognitionem ualere, illarum se totum studijs tradidit, non tam eruditionis pulchritudine, uoluptate uel illectus, quàm charitatis in proximos ignibus incitatus. In quibus studijs cùm aliquantulum profecisset, in Parisiorum Lutetiam bonarum omnium literarum altricem se contulit, ubi unà animarum salutis, & eruditioni operam nauabat. At quantis laboribus in his rebus perfungeretur, uix dici potest, cum & summa quadam paupertate oppressus, & uarijs esset corporis ægritudinibus penè confectus. Sed tamen in his omnibus superauit propter eum, qui dilexit nos, & tradidit semetipsum pro nobis. In quâ amplissima academia cùm decem annos in literarum studia impedisset, tantosq; in illis progressus fecisset, quanti animarum salutis, quam sitienter optabat,

Rom.
cap. 8.

optabat, procurandæ sufficere uiderentur, atque socios aliquot æmulos, & imitatores studiorum suorum sibi adiunxisset, in Hispaniam rursus proficiscitur, anno salutis nostræ 1536. deinde Romam, quod etiam illius in pietate optimi filij & commilitones Petrus scilicet Faber, Franciscus Xanier, Iacobus Laines, Claudius Gaius, Ioannes Coduri, Alphonsus Salmeronius, Simon Rodericus Lusitanus, & Nicolaus Bouadilha se cōtulerunt, ut à Christi Vicario Romano Pōtifice facultatē accepta, sacra Hierosolymæ loca peragrarent. Ex quibus hodie quatuor ad huc uiuunt superstitēs, Iacobus scilicet Laines huius sanctissimæ societatis Præpositus generalis dignissimus, atque de Dei Ecclesia bonorum omnium iudicio optimè meritis, Alphonsus Salmeronius, Simon Rodericus, & Nicolaus Bouadilha. quia uerò totum iter pēdibus confecerant, neque aliud uaticum præter mendicitatem, inedia, poenitentiaq; ardens studium sibi quæsiuerant, ad urbem maximis laboribus penè cōfecti appulerunt, sub initium Quadragesimæ, anno subsequēti 1537. Cum tamen suauissimum iam Christi odorem Venetijs aliquandiu sparsissent, & tanta cum humilitate in pauperum hospitij, quæ *ταξόδοια* uocantur, uersati essent, tantamq; diligentiam ac sollicitudinem in eorum morbis curandis, uulneribus obligandis, molestis, graui, ac putida sanie abstergenda, impendissent, totq; edidissent raræ cuiusdam uirtutis & charitatis documenta, ut omnes in sui amorem admirationemq; pertraxissent, impetrata à summo Pontifice, quam optabant facultate, Venetias ubi recentia

recentia adhuc erant eorum pietatis uestigia reuertuntur, ut unà cum ijs, qui ad sacra Palæstinæ loca singulis annis religionis ergò nauigant, commearēt. Cum tamen æterna Prouidentia, quæ Christiani gregis utilitatibus semper inuigilat, statuisset, ex paruis hisce initijs, & quasi seminibus, magnam quandam syluam exsuscitare, quæ nutanti Ecclesiæ suæ plurimum opis adiuuentiq; afferret, pijsimi uoti compotes fieri pijsimi uiri non potuerunt. Cum enim pacis foedera, quæ felix illa, amplissima, atque uerè illustis Venetorum Resp. cum Thureis percussarat, eo anno fracta fuissent & uiolata, nemini Hierosolymam nauigare licuit. Quod tamen nihil religiosos uiros ab incœptis charitatis studijs retardauit. Nam cum non sibi, sed Deo placere studerent, intellexerunt, quasi cœlestibus se uocibus admoneri, ut quæ amoris officia Christi hostibus tribuere cogitabant, in fideles, Christianosq; homines tunc conferrent. quod ut commodius præstarent, ex ipsis aliqui sacris initiari uoluerunt. Cum uerò ecclesiastica lege caueatur, nequis sacris initietur, qui aut hæreditarijs, aut ecclesiasticis bonis, unde honestè uiuere possit, caruerit; amplissimam sibi hæreditatem esse Deum ipsum, lautissimumq; patrimonium, nudos nudum Christum sequi affirmarunt, pro quo egere, extremamq; penuriam pati, maximas opes ducerent. Quod copiosissimum esse, & Christiano sacerdote dignissimū patrimonium cum sumus Pont. Paulus eius nominis tertius iudicaret, facultatem dedit, ut spontaneæ paupertatis, atque sufficientis eruditionis nomine ad sacros, quos uocant,

cant, ordines prouherentur. Quam pontificiam uereq; Apostolicam facultatem cum Verallus Archiepiscopus Rosanensis, qui per id temporis Venetijs Apostolicæ erat sedis Legatus, postea uerò Cardinalis factus est, admisisset, atque egregia illos esse eruditione exornatos pronunciaffet, perpetuam spontaneamq; paupertatem Deo ante eius pedes promiserunt, egregioq; illo patrimonio ita constituto, sex illis septem sacerdotio inaugurati sunt, facultasq; ipsis data est, ut secretas, atque occultas peccatorum confessiones liberè audire ubique possent. Prætermitto quanta cum diuini honoris amplificatione, christianæq; Reip. utilitatē, docendi populū sanctissimum munus auspicati sint: Nam cum illi proprii nominis & existimationis cura prorsus abiecta, se totos ad Dei gloriam illustrandam, salutemque mentibus afferendam conferrent, atque per eas Italiæ urbēs, quæ Illustrissimæ Venetorum Reip. subiectæ sunt, Euangelium sparsissent, uix credi potest, quàm breui plurimos in sui admirationem æmulationemq; pertraxerint.

Cum autem iam tempus illud aduentaret, quod Dominus firmando & amplificando sanctissimo huic uitæ Instituto præfixerat, Romam rursus se omnes contulerunt, anno 1538. datisque in ea urbe singularis fidei, pietatis, modestiæ, integritatis, egregiæq; eruditionis clarissimis documentis, grauissimis sunt molestijs exagitati: quæ tamen magis ad eorum nomen & innocentiam illustrandam, quàm aliqua ex parte obscurandam fecerunt. Nam cum Satan diuini honoris, Christi antiq; nominis perpetuus hostis, iam

iam sibi à tam egregijs initijs timere inciperet, omnibus opibus, uiribusq; elaborabat, ut ea in ipsis quasi faucibus cōprimeret, atque sanctissimorum hominū animos frangeret, salutaressq; conatus irritos faceret. sed Deus, qui nouit, pios de tentatione eripere, iniquos uerò in diem iudicij referuare cruciandos, effecit, ut probatio fidei illorum multò preciosior auro, quod per ignem probatur, inueniretur, in laudem, & gloriam, & honorem in reuelationem Iesu Christi. illorum nāque fides atq; integritas tam fixa tēpestate iactata, omnibus euasit notior atque testatior. Cum uerò aliqui illustri eorum exemplo incitati, se illis iam socios ascripsissent, ne sanctissimum uitæ institutum unà cum ipsis interiret, à Paulo III. Pontifice Maximo, Reuerendissimo Cardinale Contareno uiro integerrimo & prudentissimo internuntio, petierunt, ut si Diuino id honori expedire iudicaret, ratum illud ac firmum haberet, ut apostolica auctoritate munitum atque firmatum, conseruari perpetuò posset. Quod sapientissimus Pontifex cò libentius fecit, quò magis experientia didicerat, quantum ea uitæ ratio extremis Ecclesiæ necessitatibus esset accōmodata, quantumq; calamitabantē iuuare, Christianaq; reipublicæ usui esse posset, atque adcò diuino quodam spiritu, qui in Pontificibus peculiari quadam ratione residere solet, afflatus, prædixit, hanc uitæ rationem maxima instaurandæ Christianæ reip. antiquæ disciplinæ restituentæ, Ecclesiæq; puritati atque candori resarciendo auxilia esse allatūram. Ne uerò inconsideratè tantam rem gessisse uideretur, principio cauit, ne plures

plures quàm sexaginta uiri ad eam societatem ascriberentur. Quæ acta sunt anno salutis nostræ 1540. At posteaquàm idem Paulus III. Pontifex prudētissimus, & in rebus agendis circumspectissimus intellexisset quàm illi se indies præclarius in curâda animarum salute gererent, & quâtum pietate, fide, honestate, grauitate, innocentiaq; excellerent, ne Spiritui sancto, quem instituti huius auctorem, atque procuratorem esse apertissimis indicijs cognouerat, resistere uideretur, anno à Christo nato 1543. illud ipsum rursus firmavit, & apostolica auctoritate communiuit. Neque ullis ipsum terminis, aut uirorum numero circumscriptum esse uoluit, quod augeri atque amplificari summopere iam optabat. præuidebat enim sanctissimus Pontifex, nullam fore tam barbaram & incultam gentem, ad quam horum hominum ardentissima charitas non esset peruasura, nec ullum tam apertum ac ingens periculum, cui se pro Christi gloria non illi libenter offerrent. Hæc sunt, Kemnici, societatis Iesu initia, hæc illius prima origo, quam tu falsò à Ioanne Petro Carapha, qui postea Cardinalis, & tandem anno 1555. Pontifex factus, Paulus Quartus dictus est, priusquàm ad fastigium illud eueheretur, Venetijs primùm institutam fuisse asseris. Cum tamen nullum sit uitæ institutum, quod Paulum Quartum auctorem potissimum, primumq; institutorem habuerit. Immo uerò Clemente Septimo Pontifice Maximo uniuersalem Ecclesiam moderante, magnæ quidam auctoritatis uiri pietatis ardore accensi in separatam quendam, & à uulgi consuetudine secretum locum unâ conuenire

lib
D frequenter

frequentē solebant, ut precationibus, sacramentorum frequentationi, pietatis, charitatisq; officijs sedulo uacarent. Quæ idē Diuini amoris sodalitas dicebatur. Quorum exemplo Paulus Quartus Pont. Max. qui tum Ioannes Petrus Carapha dicebatur, excitatus, eorum se numero aggregauit. Cum uerò se aliquandiu in illis præclaris operibus cum reliquis exercuisset, ex pijs illis ac religiosis uiris quatuor, Paulus hic scilicet Quartus, tum Episcopus Theatinus, Caietanus nobilis Vicentinus, Protanotarius Apostolicus, Bonifacius nobilis Pedemontanus, domo Alexandria; & Paulus quidam Romanus, peculiari nescio qua Spiritus sancti impulsione incitati, cœlestis amoris singulari ardore inflammati, magnoque & iusto dolore commoti, quod scilicet hic noster clericorum ordo à primæua sinceritate ac puritate tam turpiter degenerasset, ac magno Ecclesiæ detrimento obsolesceret, egregiam quandam rationem inierunt, qua illius antiquum splendorem, aliqua ex parte reuocare ac conseruare possent. Omnium nanque bonis in communem usum sepositis, ut pro cuiusque necessitate in singulos dispertirentur, rerumq; omnium humanarum curis abiectis, se totos diuinis laudibus concinendis rerumq; cœlestium meditationi tradiderunt; illamq; in rebus omnibus uiuendi rationē sunt ingressi, quam antiquæ puritati simillimam esse iudicarunt. Quare presbyteri regulares appellati sunt. At quoniam Paulus III. Pont. Max. relicto tunc Episcopatu Theatino, hanc uiuendi rationem magna cum omnium admiratione suscepit, uulgo Theatini omnes dicti

dicti sunt. is tamen inter eos sicut episcopali dignitate; ita auctoritate, ut par erat, plurimum semper excelluit, estq; uitæ illud institutum religiosissimum eius opera auctum & amplificatum. Quod quidem non Venetijs, ut ais, sed Romæ initium habuit. Venetias tamen haud multò post Diuina prouidentia magis, quàm humano consilio uenit. Nam, cum Caroli Quinti Augustissimi Imperatoris exercitus, eo inscio, atque adeò inuito (erat enim per id temporis in Hispania) sub Borbonio duce in urbem Romanam inuasisset, illamq; latrocinijs & excursionibus depopulatus esset, uiri isti quietis amantissimi, Venetorum triremibus, quæ tunc fortè ad Tyberinum ostium erant, uesti, Venetias pacis & quietis egregium domicilium appulerunt. Quorum sanè uiuendi genus, ut est societate Iesu antiquius, ita in uiuendi ratione ab illa ualde differt. Illi enim sacrarum æternarumq; rerum meditationi atque psalmodiæ potissimum uacant; isti uerò cum Diuinorum mysteriorum assidua contemplatione, docendæ plebis, Euangelij amplificandi, sacramenta administrandi, atque reliqua omnia apostolica munera cōiungunt. Illi nondum Italiæ finibus excesserunt, in qua magna cum laude uersantur, & uitam degunt omnium iudicio spectatissimam: isti uerò ultimas iam Orbis oras lustrarunt, atque Christum Iesum crucifixum uniuerso ferè generi humano annuntiarunt. usque adeò, ut nulla sit tam barbara & inculta gens, cui societatis Iesu nomen non sit notissimum. Neque mihi persuadere possum, alia te ratione fuisse indutum, ut Paulum Quartum Pont. Max. societatis Ie-

su auctorem fuisse diceret, quàm ut tuis omnibus pro odio, quod in sanctissimos Romanos Pontifices conceperunt atque exercent, fieret illa suspecta & inuisa. Quæ quidem satis ostendunt, quæ sit uobis, Kemnici, fides habenda in his, quæ passim in magnum Romanæ Ecclesiæ dedecus, sanctissimorumq; Pontificum ignominiam iactatis. Cum enim in eam curam atque cogitationem potissimum incumbatis, ut innumeris fraudibus ac calumnijs adhibitis, Romanæ Ecclesiæ nomen in summam populi inuidiam adducatis, neque in ueritate inquirenda diligentes, neque in mendacijs peruulgandis atque amplificandis tardi estis. Quare nihil miror si comilitonum tuorum libri ita mendacijs scateant, ut cum leuissimis Poetis certare meritissimò possint. Neque enim ita multò antea in quendam incidi, qui quorundam hominum ineptissimorum Augustanam confessionem profitentium, protestationem aduersus sacrosanctum & Oecumenicum Tridentinum Concilium continet, qui ex fraude totus atque mendacijs compositus de industria fuisse uidetur, atque adeò tam multa nefanda accidisse Tridenti mentitur, ut ad risum nobis, qui testes illic perpetuò adfuimus, mouendum, confictus fuisse uideatur. Sed de huic uestre procacitati ueniã. Nam cum iniquissimæ causæ diffidere iam incipiat, illaq; excidere uerecimini, nihil mirum si omnibus eam fallacijs, & imposturis fulcire, & sustentare conemini.

U T uerò ad institutam narrationem reuertamur, Firmato iam atq; communito, à Paulo Tertio Pont. Max. sanctissimo uitæ instituto societatis Iesu, per omnes

omnes se uiri illi officiosissimi Italix urbes spargebant, omnesq; neruos in sacramentorum uirtute atq; efficacitate inculcanda contendebant, in quibus iustitiæ, sanctitatis, salutisq; nostræ præsidia Christum collocasse intelligebant. Quantum uerò ea in re profecerint, locupletissimus testis est Bononiensis ciuitas florentissima, quæ eorum persuasionebus induc-ta, tanto cum ardore ac pietate sanctissima eucharistiæ, & poenitentix sacramenta per id temporis frequentabat, ut plurimi noctu ædium, in quibus illi habitabant, parietes conscenderent, quò illis primo diluculo confitendi peccata locus patèret, neq; aduenientium multitudine retardari, atq; impediri possent. Erat fortè per id temporis Romæ Petrus Mazcarenhas, uir & maiorum nobilitate & maximarum rerum usu & experientia illustrissimus, ab inuictissimo Ioanne Tertio Lusitaniæ Rege ad summum Pontificem orator, qui cùm singularem quandam prudentiam haberet cum egregia pietate & religione coniunctam, religiosissimiq; Regis sui animum uirtutum omnium domicilium, satis notū haberet, & exploratum, intellexit quàm præclare & de pijs-simo Rege, & de charissima sibi patria mereretur, si ex illis uiris aliquot eius opera atq; industria in Lusitaniam concessissent. Quare acceptis ab optimo Rege literis, pietatis in sanctissimum hoc uitæ genus amorisq; plenissimis, multis cum Paulo Tertio Pontifice Maximo egit, ut ex uiris illis duos in Lusitaniam mitteret: quo tandem impetrato, illò profecti sunt, Franciscus Xauier, & Simon Rodericus Anno 1541. raræ cuiusdam atque spectatæ uirtutis uiri, quam maximis

ORTHODOX. EXPLIC.

maximis postea & grauissimis documentis declararunt . Alter in India ultimisq; Orientis regionibus, alter in Italia & Lusitania . Nam cum Ioannes ille Tertius Lusitaniæ Rex Opt. Max. ex India ac cæteris Orientis prouincijs, quæ Lusitano imperio subsunt, cœlestes magis, quàm terrenas opes quæreret, diligentiusq; cûraret, diuinum ibi nomen amplificari, quàm summam inde auri copiam transportari, relicto apud se Simone Roderico, qui cùm Lusitanus esset, sanctissimæ Iesu societatis in Lusitania prima fundamenta iacere commodius poterat, curauit, ut Franciscus Xauier in Indiam nauigaret, ut & Christum Iesum barbaris hominibus cum reliquis religiosis uiris, qui illud iam ibi munus præclare obibant, annuntiaret, & nostros, qui ibidem degunt, in officio, religioneq; contineret . Quàm uerò hæc Francisci nauigatio Ecclesiæ faustè feliciterq; successerit, paulò post aperiemus.

D V M hæc in Lusitania geruntur, Ignatius, qui omnes cogitationes in Christi gloriam Ecclesiæq; splendorem conferebat, cùm intueretur, quàm esset miserandus religionis status in Germania, quæ paulò antea Lutheri in Apostolicam sedem maleuolentia, ab illa, hoc est, ab ipsa Christi Ecclesia magna ex parte defecerat: atque intelligens, non aliter huic malo mederi, quàm per pios, religiosos, fideles, officiosos, eruditosq; concionatores posse, aliquos huius instituti uiros eodemq; charitatis ardore inflàm-
tos in Germaniam misit, qui neq; aperto discrimine deterriti, neque rei difficultate retardati, sola uerò spe atque charitate erecti, & animati, officiosissimam
prouin-

prouinciā acceperunt, qua tam præclare perfuncti sunt, atque tam multos ab errorum tenebris ad claram fidei lucem reuocarunt, ut in magnam omnes salutis Germaniæ spem uenerint, si operarij tantæ messi pares ac conuenientes non deessent. Quod cum intueretur Reuerendissimus Ioannes Moronius S.R.E. Cardinalis, Episcopus Prænestinus perquam dignissimus, singularemq; quandam haberet prudentiam cum egregia pietate, religione, integritate, uitæ quæ innocentia coniunctam (cuius ut plurimis alijs in rebus tum maximè nuper in Sacrosancto Cõcilio Tridentino, in quo Apostolicæ fuit sedis Legatus ac Præsides in Reuerendissimi Cardinalis Mantuani demortui locum, præclara documenta dedit) atque Germaniæ mores percalleret, ubi Apostolicæ sedis legatione tam feliciter functus erat, ut non minori Ecclesiæ hostes eius singularem prudentiam & integritatem obseruantia, quàm pij & catholici homines pietate, atque amore prosequerentur: cum inquam intueretur quantum societatis Iesu uiri, qui Apostolico munere in Germania felicissimè perfungebantur, calamitosæ illi prouinciæ utilitatis afferrent, cum Ignatio, quem propter egregiam prudentiam cum admirabili sanctitate coniunctam suspiciebas, communicauit, quanto Christianæ Reipubl. usui esse posset, si Romæ amplissimum Collegium construere tur, in quo maxima Germanorum adolescentium multitudo bonis literis instrueretur, & ad fidem pietatemq; institueretur, ut tandem in patriam redeuntes, collapsam atque conculcatam religionem instaurare aliqua ex parte possent. Quæ tamen oratio hæud
qui-

quidem officiosissimum Ignatij animum imparatum offendit. Nam cum uerissimo in Germanos Romanæ Ecclesiæ olim decus & ornamentum amore æstua-
ret, atq; intueretur, ex Italia, Gallia, Hispania, cæterisq; adhuc integris & incorruptis prouincijs doctores illò commodè ire propter Germanicæ linguæ difficultatem non posse, omnes uias persequenda-
tur, ut tantæ huic necessitati succurrere aliqua ratio-
ne posset. Quare tanti Antistitis auctoritate & auxi-
lijs animatus, uehementiusq; incitatus, egregium o-
pus aggressus est Anno 1553. Quoniam uerò Ger-
manos hosce adolescentes erudiendi munus, officio-
sissima Iesu societas, & ad communem Christianæ
Reipub. utilitatem nata suscepit, atque maxima cum
laude & omnium gratulatione obit, fuit Ignatij ope-
ra & prouidentia illorum collegium haud procul à
societatis Iesu collegio Romæ constructum, atq; ædi-
ficatum. cui Reuerendissimus Moronius usque a-
dèd fauet, ut non minorem ad illud sustentandum
& amplificandum, quàm ad instituendum opis adiu-
mentiq; afferat. Quantum uerò hæc res utilitatis
Germanis afferat, satis conijci ex Kemnicio potest,
qui tantopere ab ea sibi ac suæ factioni timet, ut hac
una de causa affirmet, societatem Iesu in Germaniæ
Euangelijq; perniciem fuisse potissimum compara-
tam. Neque dubito quin diuino beneficio horumq;
adolescentium opera & diligentia, Germania prære-
ptam sibi fidei lucem aliquando recuperet, atque pa-
trum corda in filios Deus tandem, imperfectosq; ad
scientiam iustorum conuertat. In eo tamen maximè
fallitur, ut solet Kempicius, quòd Germanos hosce
adoles-

adolescentes non alia de causa in illud Collegium conuenire affirmat, quàm, ut in societatis Iesu ordinem tandem cooptentur. Nam etsi illos alendi sustinendi, moderandi, instituendiq; curam, societatis Iesu uiri gerant, non tamen ad eorum uitæ institutum suscipiendum, aut impelluntur, aut ratione aliqua inducuntur. Nam cum ad hunc laborem suscipiendum solum salutis Germaniæ desiderio fuerint incitati, nihil habent antiquius, quàm illi quacunque ratione consulere atque prospicere. Quare, uiri Germani, si aliquem adhuc grati animi sensum retinetis, si humanitatē, si antiquam uestrorum morum suauitatem, si in reddendis officiis integritatem, si illam omnium sermone prædicatā comitatē lenitatemq; conseruatis, hi certē uobis debent esse in primis grati, hi quāmaximē chari, qui cum nullam à uobis gratiam inire, aut sibi à uobis referri cupiant, cum nulla beneficia ambiāt, honoribus uel ullis augeri uelint, solis calamitatibus uestris commoti, charitate induti, amore incitati, omnem operam, industriam, cogitationem in uestram salutem conferunt: & qui sibi ostiatim uictum frequenter quærunt, filiis uestris omnium, quibus natura indiget, abundantiam, & copiam suppeditant, pietate imbuunt, religione informant, eruditione excolunt, ut & illis uos frui maiori cum uoluptate possitis, & ipsi uobis Euangelii clarissimam lucem flagitiosorum quorundam hominum atrocissimo scelere præreptam, aliquando restituant.

NEC uerò in his solum adolescentibus erudien-

dis operam nauant, sed tam Romæ, quàm omnibus aliis in locis, ad quæ eos uenire contigit, non modò

E facras

sacras literas, sed eas etiam, quæ ad humanitatem spectant, magna cum laude profitentur, ut pietatem simul cum eruditione pueri imbibant. Quocirca hanc inquit Kemnicius uiuendi rationem à Romanis Pontificibus fuisse excogitatam, ut labantem Ecclesiâ fulcire aliqua ex parte possent, quod à cæterorum ordinum religiosissimis uiris non posse iam fieri calumniatur. quippe quia partem (inquit) illam regulæ Francisci, quæ sic habet, *Nescientes non curent literas discere. omnes sollicitè obseruant: quare ordinem (inquit) fratrum ignorantia factum fuisse uniuersalem.* Quod caluminiam esse maleuolentiæ, falsitatisq; plenissimam, uos sanè omnes, Kemnici, non sine maximo animi uestri dolore experimini. Nisi enim tot uiri ex omnibus ordinibus religiosissimi & eruditissimi extitissent, qui nefarijs uestris conatibus obisterent, petulantiam coercerent, uenatos impetus comprimerent, assiduoq; diuini uerbi ministerio populum in officio religioneq; continerent, & contra pestiferos uestros ictus munirent, infelicius sanè Christianæ Reipub. commodis consultum foret, uestra autem impietas longius tanquam uibratus quidam draco serpsisset, atque progredere-
tur. At cum illi pro fratribus salutem libentissimè exponant, & ne fidelium animæ falsis pestiferisq; persuasionibus concidant, uestris ictibus uitam sponte obijciant, uires uestre pluribus in locis fractæ, potentia debilitata, impetus, ueluti æneo quodam muro opposito, propulsati sunt. Quod quanti illis constiterit, testatur locupletissimè Gallia, quæ martyrum sanguine adhuc madere inundareq; uidetur. Cum enim in his ciuilibus bellis, quibus nuper exarsit, à
Dei

Dei Opt. Max. Regiæq; maiestatis hostibus sacerdotum circiter sex millia capta fuerint, qui reiecta salutis impia conditione, maluerunt diuersis cruciatuum generibus affecti interire, quàm debitam Romano Pont. obedientiam abijcere, atque ueram sanctissimi corporis Christi in Eucharistia præsentiam cum Caluino sceleratè denegare, ex illis tria ferè millia fuerunt omnium ordinum monachi religiosissimi, quorum sanguis ad Deum è terra clamans, non minorem sanè sceleribus uestris ultionem comminatur, quàm uniuersæ Galliæ, totiç; Christiano Orbi pacis religionisque instaurationem pollicetur. Quanta uerò eruditione omnes monachorum ordines abundent, testantur quidem libri, qui ab illis passim eduntur, et quæ ad populum summa cum eloquentiâ & doctrina conciones habentur. Quòd si antiquorum temporum memoriam repetas, faciliè uidebis, Theologos scriptores magna ex parte ex monastico ordine fuisse, usque adeò ut diuinarum rerum studia, illorum uigilantia conseruata, industria aucta, operaq; amplificata & illustrata fuisse uideantur. Neque uideo qua tu fronte ordinem D. Francisci fratrum, ignorantia ordinem uocare audeas, qui innumeris semper uiris eruditione præstantissimis abundauit ac floruit, nisi fortè uestras fallacias detegere, imposturas explicare, impietatum fontes aperire, strenueq; refellere, ignorantia tu nomine digna existimas. sed non memineram tam tibi esse inuidiosa Alphonsi à Castro, Andreæ à Vega, Titelmani, Adami Sasbout, Ioannis Feri, cæterorumque huius ordinis eruditissimorum uirorum, qui ma-

ne facetè ludit, illudq; uariè interpretatur. Nam & Iebusitas, & dempta priori syllaba, Suitas, eos uocat. Nulla tamen ei interpretatio magis arri sit ea, quæ ex Romanorum historijs desumpta est, *sicut* (inquit) *olim Romanorum Imperatores dicebantur Africani, Germanici, Asiatici, non quòd amici & socij essent illorum populorum, ita dicti sunt Iesuitæ, quasi professi & coniurati hostes Iesu.* Illius scilicet, (ut ego interpretor) qui Islebij (quam uos in Lutheri gratiam, nouam Bethlem appellatis) natus est, illiusq; Euangelij, quo ipse uerum Christi Euangelium sceleratè corrupit & deprauauit. Sed agendum, uitæ eorum instituta cum Christi Euangelio conferamus, ut de illis sententiam ferre æquè & legitimè possimus. Nam si fidem aliquam Christo esse habendam existimas, ueros à falsis prophetis ex operibus esse internoscendos confiteberis. Diuinæ legis summam in charitate positam esse, omnium est Euangelistarum & Apostolorum monumentis consignatum. nouum nanque mandatum suumq; præceptum, idest, legi Euangelicæ quàm maximè peculiare uocauit Christus, sese mutuò diligere, & D. Ioannes, eos dixit plenè & cumulatè legem obseruare, qui diligunt fratres, non quidem lingua & uerbo, sed opere & ueritate; hoc est, qui charitatis Christi æmuli atque imitatores, sese in apertum discrimen pro fratrum salute coniiciunt, quemadmodum Christus pro humano genere seipsum truculentissimæ morti deuouit. Paulus uerò hac oratione fideles omnes ad charitatis officia incitat & allectat, Alter alterius onera portate, nam sic adimplebitis legem Christi. Cùm igitur Iesu hæc societas ad charitatis

*Islebia
Lutheri
est patria*

Ioan. c. 3.

*Epist. 1.
c. 2.*

Gala. c. 6

*In bulla
prima cō-
firmatio-
nis.*

ritatis officia uniuerso humano generi præstanda, sit potissimum comparata, nullumque tam molestum ac difficile officium excogitari possit, quod sibi prætermittendum esse uiri isti arbitrentur, non nideo quid tibi in hoc uitæ genere cum Iesu sanctissimo nomine atque gloria pugnare uideatur. Esse uerò in charitatis muneribus uitæ huius rationem potissimum positam, satis uiri illi sanctissimæ huius societatis primi institutores explicarunt, cum uitæ atque consiliorum suorum rationem his uerbis Paulo Tertio Pont. Max. expresse-
 runt. Quicunque in societate nostra, quam Iesu nomine insigniri cupimus, uult sub crucis uexillo Deo militare, & soli Domino atque Romano Pontifici eius in terris Vicario seruire, post solenne perpetuæ castitatis uotum, proponat sibi in animo, se partem esse societatis ad hoc potissimum institutæ, ut ad profectum animarum in uita & doctrina Christiana, & ad fidei propagationem, per publicas prædicationes & uerbi Dei ministerium, spiritualia exercitia & charitatis opera, & nominatim per puerorum ac rudium in Christianismo institutionem, ac Christi fidelium in confessionibus audiendis spirituales consolationem præcipuè intendat, curetque primò Deum, deinde huius sui instituti rationem, quæ uia quædam est ad illum, semper ante oculos habere, & finem hunc sibi à Deo propositum totis uiribus assequi: unusquisque tamen secundum gratiam sibi à Spiritu sancto subministratam, & uocationis suæ proprium gradum (ne quis fortè zelo utatur, sed non secundum scientiam) proprii cuiusque gradus iudicium, & officiorum

rum discretio, ac distributio tota sit in manu præpo-
 siti seu prælati per nos eligendi, ut congruus ordo
 seruetur in omni bene instituta cõmunitate necessa-
 rius &c. plurimisq; alijs demonstrant, esse in potissi-
 mis sodalitatis huius legibus, ire in mundũ uniuersum, prædicare Euangelium omni creaturæ quoties-
 cunque illorũ quiuis à Romano Pon. aut à supremo
 ipsorum generaliq; prælato missus fuerit, nulla non
 modò mercede accepta, sed ne itineris quidem sub-
 dio postulato. quippe qui amplissimum esse uaticũ
 ducunt, in illius prouidentia conquiescere, qui uola-
 tilia cœli, quæ non serunt, neque metunt, neque con-
 gregant in horrea, abundantissimè pascit. Quæ
 quàm præclare ipsi præstare soleant, uobis quidẽ, ui-
 ri Germani, locupletissimi sanè testes sunt, Colonia,
 Moguntia, Treuer, Ingolstadium, Henipontum, Au-
 gusta, Monachium, Trinauia, Tellingua, Vienna, Pra-
 ga plurimæq; aliæ Germaniæ urbes, in quibus istor-
 um hominum Collegia diuina prouidentia cõstru-
 cta sunt, qui sceleratis hominibus cum Deo reconci-
 liandis, infirmis in fide suscipiendis, collapsis erigen-
 dis, nutantibus confirmãdis, pueris piẽ atq; religio-
 se instituendis, atq; omnibus iis officijs, quæ ad hu-
 manas mentes cœlesti amore inflãmandas ualent,
 præstandis, uigilantissimè, atq; sine ulla cupiditatis
 significatione, incumbunt, usq; adẽ ut si in iudiciũ
 uos omnes uocare uellent, rectè sanè uerbis illis uo-
 biscum agere potuissent, quibus olim Samuel in cor-
 ruptam suam iustitiã atq; æquitatem uniuerso popu-
 lo Israelitico exprobrauit. Ecce (inquit) præstò sum,
 loquimini de me coram Domino. & coram Christo
 eius.

Marc.
c. 16.

Matth.
c. 6.


1. Regum
c. 12.

Gallia, Hispania, Lusitania, Hungaria, Bohemia, Brabantia, atque in omnibus ferè terrarum Orbis prouinciis, quæ Romanum Pont. tanquàm Christi Vicarium colunt & obseruant. Et quod in uiris hisce potissimùm admirari soleo, ita excellentissimis istis charitatis officijs addicti sunt, ut nullo patriæ amore tangi, nulla parentum sollicitudine commoueri, fratrum charitate affici, amicorum uel consuetudine cōstrikti teneri uideantur: quippe qui incertis semper sedibus uagantur. neque enim ulla ipsis incertior est ea, in qua diutissimè uiuunt. Nam cum primùm sese diuini honoris amplificandi maior quæuis occasio offerre uidetur, ita facilè solum omnes, sedesq; immutant, ac si nullibi nati essent, aut omnem naturæ sensum exuissent. Nam qui in Lusitania sunt, in Indias; qui in Indijs, in Germaniam; qui in Germania, in Aethiopiam; qui in Aethiopia, in Italiam; qui in Italia, in Africam; qui in Hungaria, in Brasiliū, ad mutasq; regiones & sola terrarum ultimarum nihil minus sæpe cogitantes proficiscuntur. Atque quæadmodum Helias abire continenter solent quocunque eos fert uoluntas, non ipsorum quidem propria, sed diuina, præpositorum illis imperio significata, quorum uoluntati quantopere sint mancipati, hæc eorum lex apertè indicat; Ne qua (inquit) possit esse inter nos missionum, aut prouinciarum huiusmodi aut ambitio uel detrectatio, profiteantur singuli, se nunquā directè aut in directè de huiusmodi missionibus quidquam cum Romano Pontifice curaturos, sed omnem hanc curam Deo & ipsi Pontifici tanquàm eius. Vicario & societatis præposito

F dimissuros.

3. Reg. 6. 19.

In institutionis & confirmationis societatis Iesu bulla.



dimissuros. qui quidem præpositus, sicut cæteri, etiam profiteatur, se nihil de suimetipsius missione in alterutram partem, nisi de societatis consilio cum dicto Pontifice esse curaturum. Quare mirum esse minimè debet, si tam præclarè suis muneribus perfunguntur, quæ non ab ipsis quidem conquesta, sed diuino consilio ad eos delata sunt.

QVOD si Indiæ oras mente & cogitatione lustremus, atque quæ ab illis ibi suscipiuntur charitatis officia debitis momentis ponderemus, planè existimabimus, Apostolicum illum spiritum, qui uniuersum Orbem sub fidei iugum olim misit, in obsequium Christi de coelo decidisse, atque istorum hominum mentes illustrasse & informasse (ut uerò egregios aliorum ordinum uiros, præsertim instituti D. Dominici, atque Francisci, qui in eisdem prouincijs Euangelio amplificando summa cum laudè incumbunt, & de Christi Ecclesia perclarè admodum merentur, taceam) uix sanè dici potest, quot hominum millia, diuina in primis uirtute, societatis uerò Iesu opera & industria Idolorū impietate abiecta fideique lumine illustrati, sacro sunt lauacro expiati, adeò ut non semel Goæ, quæ inter omnes Indiæ ciuitates, quæ Lusitano imperio subsunt, regia est, atque præcipua, tria circiter hominum millia simul baptizati fuerint. Et ut ex eorum ducum, qui in India regis locum ac uicem tenent, literis nuper ad Lusitaniæ Regem potentissimum dominum meum missis constat, intra unum aut duos annos ex barbaris illis hominibus uiginti ferè millia Christi militiæ sese sacramento obligarunt. Quos diligenter salutaribus

*Figinti
hominū
millia in-
trannum
aut duos
annos nu-
per bap-
tizi sūt.*

lutaribus documentis societatis Iesu uiri imbuunt, atque pietate & religione instituunt. Quid commemorem eos, qui illorum opera & incredibili diligentia quotidie omnem impietatem abijciunt, & sacro lauacro expiantur: in Tana, Cochim, Malacha, Malucho, Amboim, Ormuz, Damam, Coulam, Mannar, ubi octuaginta iam circiter hominum milia in Christi Iesu Euangelijq; dilucidam cognitionem uenerunt. Cum nullus ferè sit angulus in latissimis illis Orientis regionibus, quem officiosissimi hi uiri præclara Euangelij luce non aliqua ex parte illustrauerint. quibus uerò ac quantis laboribus his in rebus perfungantur, satis intelliget, qui navigationum discrimina, in perdiscendis barbaris & incultis linguis difficultatem, atque in abducendis a gressibus animis ab ea, in qua nati & educati sunt, perfidia & superstitione negotium secum perpenderit. Inter egregios uerò sanctissimæ huius societatis uiros, qui de Christi Ecclesia perclarè admodum in Orientis regionibus promeriti sunt, fuit Franciscus ille Xauier uaticinandi spiritu (ut ex Lusitanis hominibus, qui cum eo familiariter uixerunt, accepimus) cum primis exornatus, quem omnes Indiæ incolæ ueluti alterum Franciscum Minoritarum parentem habent, & illius corpus (quod integrum huc usque non sine miraculo cõseruatur) religiosissimè colunt & uenerantur: qui cum crebris aliquorum sermonibus Iapanicæ gentis ingenium, morumq; suauitatem intellexisset, in magnamque spem uenisset fore, ut Iapanici innumerabilibus dijs, quibus maxima cum superstitione sacra facere

F 2 solent,

solent, abiectis & repudiatis, ueram Christi fidem complecterentur, Christiani quæ nominis gloriam consecretarentur; illò nauigauit, Christianæque religionis ibi prima fundamenta iecit, quam alij deinde eiusdem societatis uiri, nouem iam templis exædificatis, maiorem in modum auxerunt & amplificauerunt. quanquam temporum iniuria, bellorumque, quibus ea prouincia diutissime conflagrauit, tumultus, eorum uotis admodum obstiterint. Nunc uerò cum genti illi Dei prouidentia pax restituta sit, speramus, ut breui egregia illa atque amplissima prouincia, Euangelij luce splendeat. cum præsertim societatis Iesu uiri neque præteritis laboribus atque ærumnis frangi, neque sacrilegorum sacerdotum, qui omnes suos conatus in eorum perniciem comparare solent, perfidia & impietate deterri unquam potuerint: quin immo continenter noui doctores illò proficiantur, qui miserorum animos maximarum uirtutum exemplo & admiratione diuiniq; uerbi ui, ab impietate, ad pietatem & ueram religionem traducunt.

-INFINITVM (quidē esset numerando perferre, quot huius sodalitatis uiri in hoc docendi Euangelij atque Indicos homines ab impietate auocandi munere, uerberibus cæsi fuerint, quot uinculis obstricti, quot in carceres miserè contrusi, quot inedia ferè consumpti, quot denique ob Christi nomen uariis cruciatuum generibus interierint. Ut uerò exteros taceam, silentio sanè præterire non possum Goncali de Silucira Lusitani, ultri cum primis nobilis, mihiq; quondam charissimi, nunc uerò martyris sanctissimi

Goncali
de silucira
rectes mar
tyrium.

Atissimi mortem, cuius & recēs memoria in omnium
 animis adhuc uersatur, & sanguis quasi feruescere
 atque ebullire uidetur. qui postquā diligenter in
 animo pietate uirtutumq; omnium ornamenti ex-
 colēdo magna cum omnium admiratione incubuit,
 plurimosq; ac maximos labores in Euangelio an-
 nunciando suscepisset, ardentissima quadam charita-
 te accensus, sanctoq; Spiritu incitatus, ascito sibi fide-
 li quodam interprete, unā cum septem Lusitanis,
 qui oras illas sæpius lustrauerant, ex ciuitate Mocam-
 bique mercatorum frequentia florentissima, in am-
 plissimum Manamotapiæ regnū proficiscitur. in ma-
 gnā nanque spem egregius uir uenerat, posse Imper-
 ratorem iuuenem, unā cum matre anu, ad Euangelij
 lucem adduci. Quanta uerò cum difficultate illuc
 peruenerit, uerbis sanè explicari uix potest. Nam
 cū regio illa plurimis aquis inundet, quā sæpissi-
 mē sacratīs uestibus, quibus sacra facere debebat, ca-
 piti impositis, maxima flumina nauit, quandoq; ue-
 rō ingenti olla inclusus, atque Indorum manibus e-
 ductus rapidissimos amnes traiecit, quibus omni-
 bus difficultatibus superatis, Manamotapam ciuita-
 tem amplissimā tandem appulit, anno à Christo
 nato 1561. ubi à Rege & ipsius matre liberaliter atq;
 humanissimē exceptus, Christi Euangelium quod
 Dei uirtutem continet in salutem omni credentia-
 lis tanta cum dexteritate annunciauit, ut breui ipsi
 atque ex primoribus regni quadringenti, omni im-
 pietatis significatione abiecta, sacro lauacro fuerint
 expiati; quorum exemplo tantopere uniuersa plebs
 fuit prouocata, ut in magnā spem salutis amplissi-
 mæ

Rom. c. 1

ma illius prouinciæ sanctissimus uir adduceretur, quæ nequaquam eum fefellisset, nisi dæmonis astutia, qui suæ iam ditioni summopere timebat, impediretur. Nam Maurorum quorundam, qui Christianæ religionis capitales hostes, & Lusitano nomini infestissimi esse solent, animos incitauit, qui iuueni Imperatori diuinarum rerum inscio, humanarumque inexperto persuaferunt, sanctissimum uirum præstigiatores esse, omnesque illas ceremonias, quibus in baptismo uti Ecclesia solet, nefarias esse artes, quibus regium ipsius animum à regni curis & administratione auertere, atque ita in Lusitanorum potestatem latissimum Imperium tradere facile posset. qua oratione ita commotus est iuuenilis animus, ut religionem unà cum sanctissimi uiri amore abiecerit, pristinasque amicitias in graues inimicitias conuerterit, atque decreuerit, accepta beneficia sacrilega morte remunerare. A quibus nefarijs conatibus cum abduci nulla unquam ratione potuerit, en sceleratissimi quatuor satellites multa de nocte sanctissimum uirum, qui Diuino spiritu admonitus, præsentem mortem iam socijs antea exposuerat, atque martyrij palmam summa cum alacritate præstolabatur, inuadunt, & crudelissimè strangulatum in fluuium conijciunt. Cuius sanguis cum maximis clamoribus à Deo misericordiam genti illi deponat, atque deprecetur, non dubitamus, quin eam aliquando tandem sit impetraturus. Nam societatis Iesu uiri sanctissima hac & illustrissima martyris fratrisque eorum charissimi morte, ita animati sunt, ut nihil ardentius exoptent, quàm aut pari mortis genere occumbere,

cumbere, aut præreptam miseris hominibus Euangelij lucem restituere, fratrisq; semen quoad eius fieri poterit resuscitare. Hæccine, Kemnici, Euangelij Christi; hostium munera esse existimas? hæc lebusitarum officia? Nisi fortè Petrum ipsum, Iudæorum apostolum, Paulum gentium, Thomam Indorum, Iacobum Hispanorum, Ioannem Asianorum, cæterosq; Apostolos omnes coniuratos Christi hostes esse ducis, aut certè Euangelij leges ita inuertis, ut prædicare Euangelium omni creaturæ, sese omnibus periculis pro Christi gloria obijcere, pro eius nomine innumeras contumelias pati, pro eo illustrando & amplificando mortem oppetere, atque Ecclesiæ amplitudinem & splendorem omnibus commodis, uoluptatibus, fortunis, uitæq; antepone-
re, hostium Christi officia esse arbitreris. Sed iam uideo quid tam petulanti oratione significare uolueris, Euangelium scilicet à societatis Iesu uiris corrumpi, fidem peruertere, diuinâq; iura uiolari. Quocirca omnia, quæ in Coloniensi censura, quam ab illis compositam esse ais, reprehensione digna esse censeres, perpendamus, ut compertum fiat, non minus eorum doctrinam, quàm uitæ institutum cum Euangelio, Christi; institutis conuenire.

DIEGHI PAYVA

ANDRADII LVSITANI,

ORTHODOXARVM EXPLICA-

TIONVM LIBER SECVNDVS.

De sacra Scriptura.



VI miseram, & infelicem illorum conditionem, qui diuinæ cognitionis lumine orbat, per uaria sectarum, opinionum, religionumq; mōstra errant, consideratē perpēdunt, facillē intelligunt, quanto illi Dei beneficio deuincti sunt, quibus ueritatis præclara lux ita affulsit, ut omnibus ignorationis tenebris expulsis, liberē eius usura frui possint; neque ulla erroris uel minima nebula relinquatur, quæ iucundum illis ueritatis aspectum præripiat. Quocirca cū filii Israel infinitis Dei beneficiis essent cumulati, hoc unum uelut omniū caput Dauid sæpius prædicauit; atque seipsum ad Dei laudes celebrandas, maximorum beneficiorum recordatione incitans, hoc in primis commemorat, cum ait, Notas fecit uias suas Moysi, filiis Israel uoluntates suas. Miserator & misericors Dominus, longanimis & multū misericors. Siue, ut Hebræa uerba sonant, ad uindictam tardus & segnis, ad miserandum uerò ualde propensus & cōcitatus. Quos enim Deus tantopere dilexit charosq; habuit, ut illos præ cæteris gentibus in obscura impietatis nocte

noctē cœlestiumq; rerum ignoratione uersantibus;
deligeret, quibus illustrē sui cognitionē exhiberet;
nūquā sanē nouis miserationum generibus cumula-
re intermittebat. est enim hoc unū ueluti omnium cœ-
lestium beneficiorum fons, atque origo. Quem di-
uini numinis in suos amorem rursus idem sanctissi-
mus uates prædicauit, Notus (inquit) in Iudæa Deus,
in Israel magnum nomen eius; & factus est in pace, si-
ue in Salem; locus eius, & habitatio eius in Syon.

Psal. 75.

Quæ Prophetæ uerba ego sic interpretor, Cum per
uniuersum terrarum Orbem diuinæ uoluntatis igno-
ratio simul cū nefario cultu; & impietate peruade-
ret, omniumq; animi impiâ religionē inuolueretur,
Deus tamē filios Israel elegit; quibus sese indicaret,
diuinæq; uoluntatis suæ arcana patefaceret. Quæ
Dei certa cognitio ita intra terminos Israelis cōclusa
est, ut in eius regionis urbibus, domicilium collocas-
se uideatur. Quam si diuini numinis, diuinæq; uo-
luntatis cognitionem quibusdam inuolucris, & qua-
si uelis tectâ, tam studiosè iactat sanctissimus David;
quid si perspicua illa omniq; obscuritate uacua frui
Israelitica gens potuisset, quæ Christi Iesu beneficio
ac opera, Apōstolorum uerò, ministerio, uniuersum
terrarum Orbē illustrauit? quo studio animiq; ardo-
re cunctos ad Deum amandum & obseruandum pro-
uocaret? quā alacritate ad diuinas laudes conci-
nendas omnes alliceret, & incitaret? Fuit enim Dei
notitia, quam uetus lex suppeditabat, uera quidem
omnisq; expers erroris, minimè tamen clara & perspi-
cua, sed quæ tot ac tantis figurarum inuolucris Chri-
sti dignitatem occultabat, ut rari admodum fuerint;

Psal. 75.

& ij non modò literarum cognitione præditi, sed etiam singulari quodam Dei spiritu donati, qui ex illis latebris occultam, & abditam ueritatem eruere potuerint. Quas omnes nebulas paternæ gloriæ splendor Christus Iesus fugauit, ignorationis caliginē pepulit, abdita reserauit, ueritatemq; dilucidam & perspicuam omnium oculis obiecit. Fuit enim ipsius, dum inter homines degeret, potissimum munus, testimonium perhibere ueritati, quam non modò non inuidit nobis, sed eadem docuit, quæ à patre in æternitate acceperat, ut ipse sæpius testatur: Quæ cum multis in locis explicauerit Diuus Paulus, tum maximè in posteriori epistola ad Corinthios, cum ad splendentem Moisis faciem alludit, in quam filij Israel fulgøre obruti, fixis luminibus intueri non poterant. Non sicut Moyses (inquit) ponebat uelamen super faciem suam, ut non intenderent filii Israel in faciem eius, quod euacuatur. siue ut græca habent, *εις τὸ τέλος τῆ κατάρτουμένης*, idest, in finem illius, quod aboletur. Quibus uerbis existimo, Diuum Paulum aperire allegoriam, qua utebatur, de splendore, quo Moisis facies enitebat, cum enim dixisset, gloriam uultus Moisis nō tantam fuisse, quæ oculorū aciem hebetare ui sua potuisset, cum finem paulò post habitura esset: Nunc iam, inquit, non temerè, sed diuino consilio factum fuisse, ut splendens Moisis facies uel obduceretur, ut gloria uultus promulgantis legem, filij Israel illecti, diuina iussa in precio haberent, illorum tamen interitū, ueli tegumento præpediti, cernere nequaquam possent. Quod ipsum magis explicat cum mox addit, Sed obtusi sunt sensus eorum.

usq;

Ioann. c.

18.

2. ad Cor.

c. 3.

2. ad Cor.

c. 3.

usque in hodiernum enim diem, id ipsum uelamen in lectione ueteris testamenti manet non reuelatum, quod in Christo euacuatur: sed usque in hodiernum diem, cum legitur Moses, uelamen positum est super cor eorum. Quare, te quaeso Paule, tanta, obscuritas & obnubilatio, omnium, qui legem studiosè legunt, mentes occupat? Audi iam quantam lucem secum Christus Orbi inuexerit, ut intelligas unde perspicuè ueritatis tanta ignoratio exoriatur. Cum autè, inquit, conuersi fuerint ad Dominum (Iudæos, de quibus sermo est, intellige) auferetur uelamen. Dominus autem, spiritus est: ubi autem spiritus Domini, ibi libertas. Nos uerò gloriam Domini reuelata facie speculantes, in eandem imaginem transformamur, à claritate, in claritatem, tanquam à Domini spiritu. Cum enim Christus Iesus æterni Patris sapiëntia, hominum mentes è crassis ignorationis tenebris in lucem solus euocare possit; illum prophetarum omnium oracula, legis statæ solennesq; ceremoniæ atque scita potissimùm intueantur, fieri certè non potest, ut claram illi ueritatis lucem aspiciant, qui in diuinarum literarum meditatione ita incumbunt, ut à Christo mentis oculos aliqua ratione auertant. Superfedeo innumeris alijs locis, quibus Paulus idem apertè significat. ad Këmnicij enim calumnias ita properat oratio ut illius cursum cōtinere uix possim.

QVANDIV igitur Dei populus expressam ueritatem intueri minimè poterat, sed soli adumbratæ adhærēcebat, neque legis spiritum; sed intermortuam literam complectebatur, atque terrenis quibusdam pollicitationibus in officio contineba-

G 2 tur,

tur, tabulis lapideis compræhensam legem habere æquum fuit: quarum intuitu, & labentium rerum recordatione, faxeum illorum pectus extolliretur. Tanta est enim Dei Optimi Maximi in humanarum rerum administratione prouidentia; tantoq; nostræ salutis amore et desiderio tenetur, ut se ad omnium infirmitates blandissimè accommodet. Cum uerò Dei filius humanam naturam induit, doctorisq; hominum munere fungi, humanas mentes terrenis rebus immerfas, ad cœlestes euocare; ab inani expectatione ad diuinam & sempiternam erigere; atque diuina mysteria, quæ crassis occultata, & circumfusa tenebris latebant, patefacere uoluit, lapideis tabulis simul cum carnali sensu reiectis, in hominum mentibus intimisq; præcordijs legem exarauit; non calamo aut atramento, sed spiritu suo diuino: id, quod est fœdus illud nouum, quod cum filiis Israel ferire pollicetur Deus apud Ieremiam, uetere, quod cum gente Israelitica ex Aegypti ergastulo diuina bonitate educta icerat, antiquato & reiecto. Hoc est inquit pactum, quod feriam cum domo Israel. Post dies illos, dicit Dominus, dabo legem meam in uisceribus eorum, & in corde eorum scribam eam; & ero eis in Deum; & ipsi erunt mihi in populum. Quibus uerbis cum Paulus utitur, in ea, quam ad Hebræos scribit, epistola, disertè admodum & ueterem legem deprimit, & nouam extollit. *u. s. 101 b. l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.* Civim igitur Evangelicæ legi propositum & ueluti scopus, in quem omnes Christi actiones atque consilia referuntur, sit, humanam mentem à sensibus, neca-

*Ierem. c.
31.*

Ad Hebr. c. 8.

nefarijsq; cupiditatibus abducere, & cum Deo tam
 arcto charitatis uinculo coniungere, & conglutina-
 re, ut unus atque idem spiritus diuinus humanusq;
 (quoad eius fieri potest) efficiatur : chartam aliam
 querere, præter hominum animos, in qua Euange-
 liū ueluti suo digito depingeret, minime opus fuit.
 Quare Christus Iesus humani generis Doctor, non
 quidem spectauit, ut Euangelium literis descriptum,
 aut in membranis exaratum iaceret, sed ut uerbis ex-
 plicatum, omni creaturæ promulgaretur : Nam ad *Marc.*
 patrem iam iam ascensurus, sæpe suos admonuit, ut *c. 16.*
 Euangelium intimis hominum sensibus & præcor- *Matth.*
 dijs insigendum curarent. Atque ideo potissimum *c. 28.*
 Euangelij Doctore futurum dixit Spiritum sanctū, *Ioan. c.*
 qui omnem ueritatem patefaceret, illamq; humanis *14. et 16*
 animis insculperet. Nulla enim esse potest tanta in-
 genij uis tanta ue dicendi facultas, quæ diuini uerbi
 uim, quam piarum mentium recessus Spiritus sancti
 opera experiuntur, consequi oratione possit. Sæpe e-
 tiam fit, ut permulti in sacrarū literarum studijs, ma-
 gnis ac assidujs laboribus defuncti, abdita aliqua Spi-
 ritus sancti mysteria consequi nunquam potuerint,
 quæ in piorum hominum uita graphice delineata in-
 tucri liceat. Nam cum piæ mentes promptuaria sint
 diuini uerbi, sanctiq; Spiritus magisterio familiariter
 utantur, clarius quidem in illorum moribus est Euā-
 gelium expressum, quam literarum monumentis cō-
 præhensum. Quocirca Diuus Paulus, Corinthios *2. ad Cor.*
 non modò suam, sed & Christi epistolam appellat; à *c. 3.*
 se, quidem ministratam & scriptam, non atramento,
 sed Spiritu Dei uiui; non in tabulis lapideis, sed in
 tabulis

tabulis cordis carnalibus : ex quarum uita diuinæ legis integritatem, solidam & expressam iustitiæ, uirtutumque omnium formam discere omnes potuissent. Quòd si Ecclesiæ annales euoluas, faciliè intelleges, barbaras & indomitas gentes, nullo Euangelio scripto, uerbi uerò perquam exiguo ministerio, Christianarum autem uirtutum admiratione, & quasi miraculo perculsas, idolorum cultum repudiasse, Christi; Euangelium sponte amplexatas fuisse. Tanta est enim religionis pulchritudo, ut mirabiles sui amores in agrestibus etiam animis excitare soleat. Cuius præclarum extat documentum apud *Rufinū*, qui non modò narrat, sed uerissimis etiam testibus confirmat, Iberorum gentem, Christianam religionem suscepisse, uirtutum pietatisque splendore mulierculæ cuiusdam captiuæ illectam, & excitatam. Quare cùm tanto studio Apostoli, Christi præcepto in Euâgelij prædicatione obsequeretur, atque per uniuersum Orbem dispersi, Christi nomen barbaris hominibus, à Deoque alienatis inueherent, nihil tamè operæ & studiū posuere, ut illam, quam denunciabāt, nouam fidem, literis cōsignarent, sed cùm uerbo, tum insolitæ uirtutis specie, barbaras gentes docebant : & ut Christus mente potius quàm chartis, ab eis exciperetur, quantum maximè poterant contendebant atque elaborabant. Quòd si nascentis Ecclesiæ primordia memoria repetas, faciliè reperiēs, uiginti annis, aut plus, scripto Euangelio, Ecclesiā caruisse. Sed Orbe propè terrarum ad fidem pietatem que traducto, diuina mysteria ab Ecclesiæ principibus per manus longè lateque propagata fuisse. Cum enim

Rufin.
lib. 1.
c. 10.

enim ex Hieronymi, Eusebij, Epiphaniij, Theophila-
 cti, multorumq; aliorum grauissimis testimonijs con-
 stet, Diuum Matthæum omnium primum, Euange-
 lium literis mandasse: illum tamen non antea quàm
 Petrus, & Paulus Romæ, Nerone imperante, Christi
 legem promulgassent, ex Irenæo Eusebius grauis &
 uerax Ecclesiasticarum rerum cum primis auctor,
 constanter asserit. Inter annum uerò 18. Tyberii, quo
 Christus humani generis peccata morte expiauit, &
 initium imperij Neronis, anni intercessere unus &
 uiginti, & menses undecim. nisi malueris illorū sen-
 tentiæ inhærere, qui Claudij imperio tribuunt men-
 ses nouem supra annos tredecim. tunc enim ante
 Matthæi Euangelium supputabis annos duos & ui-
 ginti, & menses septem. Quem non alio consilio scri-
 pisse testatur Eusebius ex Irenæo, nisi ut apud He-
 bræos, quos primos Apostolus docuerat, ad gentes
 diuino impulsu profecturus, testatum suum amorē
 relinqueret, atque quos uerbo non poterat, scripto
 saltem in fide erga Christum, & officio contineret.
 quare patria ipsorum lingua, hoc est, Hebraicè scri-
 psit. Non tamen sum nescius, Theophilactum arbi-
 trari, Matthæum scripsisse, anno octauo post Christi
 in cœlos ascensum; Nicephorum uerò anno quin-
 todecimo: at quibus coniecturis ducti, Irenæi, qui
 temporibus Apostolorum uixit, & Eusebij grauissi-
 mis testimoniis refragentur, non satis uideo. Neque
 mirum est, in hoc falli Theophilactum, sicut & in
 tempore, quo reliqui Euangelistæ scripserunt: quod
 non magno negotio docere possem, nisi longius mi-
 hi esset à meo instituto digrediendum.

*Eusebius
hisl. Eccl.
lib. 5. c. 8*

*Euseb.
hisl. Eccl.
lib. 3.
c. 23.*

*Theophi-
lact. i pro
amio in
Euangel.
Matth. ei.
Niceph.
lib. 2.
c. 45.*

AD quod ut reuertamur, tam fuit solenne, nascentis Ecclesiæ temporibus, solo uerbo Euangelium tradere, atque uisceribus magis, quàm chartis, commendare, ut Diuus Ioannes Euangelista, cùm longo tempore in Asia uersatus esset, atque in instruenda plebe, tantum operæ atque laboris posuisset, ut Euangelium per uniuersam, ferè Asiam breui tempore disseminasset: non tamen prius ad scribendum animum admouit, quàm nonagesimum annum attigisset: idq; fecit magis Hebionitarum scelere impulsus, quàm sponte sua: quippe quæ humilitas (ut D. Epiphanius auctor est) à tanto munere retardabat, quam tamen ardens in Christum amor superauit: cuius diuinitatem ab Hebionitarum impietate uindicare oportebat. Quare si ætatis Ioannis annos ad rationem reuocemus, faciliè uidebimus, illum scripsisse Euangelium ante suum obitum anno octauo: post uerò Christi mortem plusquàm sexagesimo. Quæ igitur leuissimorū, perditissimorūq; quorundā hominum tanta est insolentia, atque impudentia, quæ leges nobis per manus traditas, præscriptis contemnit? Quæ tanta temeritas, quæ hanc tradendi Euangelium rationem, qua Christi Ecclesia nata & educata est, qua longè lateq; propagata, diuq; conseruata fuit, inanem ac leuem existimat? Qualis per Deum immortalem, & quanta hæc est uesania, quæ leges, quas Ecclesia intimis animi sensibus, uisceribusq; infixas semper retinuit, & conseruauit, à diuinarum legum consortio ablegat, neque in cœtum institutionum Christi admittit? Quæ tamen si contemnendæ sunt, miserrimum illud certè fuit nascentis

*Epiphan.
contrahæ
reses. lib.
2. hæc. 51
agens con
tra Alo-
gos.*

tis Ecclesiæ sæculum, cui tam inane Euangelium cō-
 gigit: tardi sanè & imperiti admodū ij Apostoli exti-
 terunt, qui insculpenda hominum mentibus diuina
 lege, inanem operam posuerunt, literarum uerò mo-
 nimentis consignanda minimè insudarunt. Quinim-
 mo si istorum hominum sententiam diligentius ex-
 pendamus, facillè uidebimus, & ipsum etiam Chri-
 stum Dei filium, patrisq; sapientiam, segnem illos &
 improuidum facere, qui talem amplificandi, & con-
 seruandi Euangelium, quòd illi tantis laboribus cō-
 stitit, rationem inijt. Quòd si hos nouos Euangelij
 sui oppugnatores, uerius quàm propugnatores in cō-
 silium adhibuisset, nihil unquam humanis animis
 commisisset, sed consilium quidem diuinitatis mu-
 tasset, Ieremiāq; uaticinio contempto, omnem indu-
 striam, atque laborem ad scribendum comparasset. *Ierem. 631.*
 Qui tamen horum hominum consilio destitutus, a-
 nimum hominis potissimam suæ legis atque consi-
 liorum sedem, præcipuamq; chartam, in qua scribe-
 retur, elegit. Cum uerò fragilitati memoriæ Euan-
 gelio scripto succurrendum putauit, ita breue sua-
 rum rerum compendium literis tradi uoluit, ut pars
 maxima, tanquàm magni precij thesaurum, homi-
 num mentibus inclusa, relicta fuerit, ut uel inde con-
 staret, potissimum Christiani hominis officium esse,
 diuinæ legis diuinorumq; beneficiorum memoriā
 studiosè conseruare. Quàm uerò multa sint Chri-
 stianæ religionis instituta, quæ chartis comprehensa
 non habemus, apertè Diuus Lucas testatur; cum ait *Act. c. i.*
 Christum post resurrectionem per dies quadraginta
 apparuisse discipulis, & de regno Dei per multa fuis-

se loquutum: quæ tamen à nemine Euangelistarum scripta extant: nisi fortè tam parui momenti fuisse illa existimes, quæ Christus tanto studio iam iam ad patrem profecturus docuit, ut prætermittenda esse Euangelistæ omnes iudicauerint. Diuus item Paulus accuratè diligenterq; omnia seruari uult, quæ ipse cum scripto, tum solo uerbo tradiderat.

2. ad
Thessal.
c. 2.

Clemens
Alexan-
dr. lib. 1.
Stromat.

NE VER O in inculcandis notis iam, & compertis scripturæ sacre testimoniis, difficiles & morosifimus, unum Clementem Alexandrinum testem adducam, quem multum momenti ad propositum confirmandum, habere posse existimo. Qui priori libro Stromaton testatur, se ad scribendum animum adhibuisse, non quidem ostentandi ingenij gratia, sed ad commendationem senectæ, obliuionisq; remedium. Atque quò in ijs (inquit) mihi adumbratio rerum magnificarum, diuinorumq; uerborum, quæ autem dire merui à uiris sanctis & beatis, quorum ab alio apud Achaïam, ab alio apud Syriam, ab alio in Orientem, & maximè apud Palæstinam institutus sum, ex Hebræorum origine ueniente, ad ultimum autem ipso magisterio usus sum uiri ueritatis & scientiæ meritorum maximè deferendi (Papiam intelligit) post quæ, uelut thesauro in absconditis reperto, aliud querere ultra cessauit. & illi quidem diuinæ doctrinæ ueritatē mihi, quæ ab ipsis statim primis auctoribus Petro, Iacobò, Ioanne, & Paulo, sanctis Apostolis tradita fuerunt, tanquam Patres filio commendarunt. Quid autem erat, quòd tanta contentione Clemens à maiori bus uiris sanctissimis accepta, literis mandare, atque ab obliuionis iniuria uindicare conaretur, si omnia aut

1. 1. 1.

aut sacris literis forent comprehensa, aut ad Christianorum animos pietate, fide, & religione informandos, parum momenti habuissent? omitto Ignatium, qui se Christum uidisse testatur; qui apud Eusebiū præter diuinum uerbum, traditiones etiam Apostolorum, ut ad perficiendam Christianam religionem ualde necessarias inculcat; utque in omnium mentibus penitus inhærescerent, cōsulit, & hortatur: quippe quia nouarum hæresum medicinam & antidotum, illas continere arbitrabatur. Quare minimè mirandum est, si sepulcrarum hæresum instauratores, illas tam acerbo odio, tanquā rationum atque consiliorum suorum perniciem, insectentur, ablegareque ipsas quā maximè possunt, contendant. Neque prætermittam Irenæum, qui accepit à magno Polycarpo disciplinam; Florini impietatem apud Eusebiū solo Ecclesiæ communi consensu refellentem, præconceptamque fidelium sententiam tanquā firmissimū argumentum obiicientem, atque paulò inferius multa se à Polycarpo Ioannis Apostoli auditore accepisse asserentem de Christi tum rebus gestis, tum etiam doctrina; quæ non chartis, sed mente se retinuisse ait. Quod si uiris ijs, qui aut Christum Apostolosque audierunt, aut Apostolorum temporibus fuerunt proximi, fides est adhibenda; dubitare certè nemo poterit, non omnia à Christo primoribusque Ecclesiæ tradita, sacris esse literis consignata, sed multa per manus ad posteros permanasse. Hæc, quæ à me paucis demonstrata sunt, splendide uerò & illuminatè, summaque cum pietate in Coloniensi censura à uiris societatis Iesu cōtra Monhemium, qui præ unica scri

*Euseb.
hist. Eccl.
lib. 3.
c. 38.*

*inter. 2. 2
-013. 17
Euseb.
hist. Eccl.
lib. 5.
c. 20.*

ptura cetera omnia contemnenda esse putat explicata: Kemnicius non modò redarguit, sed diuini uerbi illos proculcatores uocat, omnesq; perfidiæ suæ participes ad nefarii sceleris, summæque impietatis & quasi communis exitii animaduersionem conuocat; putatq; Iesuuitarum (ut Kemnicii uerbo utar) nomen impudenter illos usurpasse, qui summis conatibus Euangelii Iesu Christi sacræq; scripturæ auctoritatem deprimere, demoliri, & labefactare nituntur. Cuius hæc sunt uerba, post multa non tã ridiculè (ut ipse putat) quàm per summam impudentiam dicta.

1. Kemni-
cij axio-
ma.

1. *AVDI* igitur nuper creatæ factionis Pontificiæ axiomata de sacra scriptura. quorum hoc est primum, Scriptura sacra, est doctrina mutila, manca & imperfecta, quæ non continet omnia, quæ ad fidem moresq; pie uiuendi pertinent; sed ille defectus sarcieendus est, assumentis traditionum, quarum certitudo & ueritas, usque adeò ex nullo authentico scripto potest probari, ut ab ipsis Pontificijs idè appellentur tacita. Huius axiomatis sententia extat fol. 230. in scripto Colonienfium.

AGNOSCIS, opinor, Kemnici uerba: neque enim alijs quàm tuis uti constituimus, ne pari tecum iniquitate inuolueremur, ne ue tuæ perfidiæ nos infimulare potuisses. Nam si Christianæ modestiæ par ticularum aliquam animo retinuisses, nunquam profecto societatis Iesu nomine, tã indecora, turpia, & contumeliosa uerba, & quæ à singulari moderatione, probitate, & eruditione optimorum uirorum plurimum absunt, iactare in sacram Scripturam potuisses: cum præsertim principio recepisses, uerba te ipsorum, signatis in censura Colonienfi folijs, descripturum. *Ut scilicet linguam & mentem Iesuuitarum lector quasi in tabula spectare possit.*

Vbi

VBI uerò in istorum hominū scriptis offendisti, scripturam sacram esse mancā, mutilam & imperfectam, quam ipsi uerbis egregiè commendant, moribus mirabiliter exprimunt & effingunt; mente uerò colunt & obseruant? Quæ uerò esse potest maior impudentia, quàm uelle; numeratis folijs, cunctis imponere, quæ te folia magni mendacij apertè conuincant? Sed tot sunt alia in tuis scriptis uituperio & contumelia digna; ut hoc unum tibi libenter condonem. fecisti enim id callidè & ueteratoriè. Cum enim, uel tua conscientia teste, quàm turpem causam tuearis, intelligeres, non tibi posse constare laboris tui rationem putasti, nisi e mentitis atrocibus & inuidiosis uerbis, plebè in illos concitares, quos ueritate satis tutos esse atque munitos intuebaris. Sed iam te præsentio dicentem, perparum aut nihil à te peccatum fuisse cùm sententiam eandem mutatis uerbis expresseris; quod quàm sit fucatum & fallax etsi disputationis progressio satis monstrabit (neque enim solum uerba, sed sententiam ipsam Deo hominibusq; ut aiunt; inuitis scelerate inuertisti, atq; corrupisti) sed esto sensum retinueris; quis, quæso, esse potest in sanctorum Patrum lectione tantum uersatus, quantum præferre studes, qui non intelligat, quanti referat, quibus uerbis, quæue moderatione diuinæ res tractentur? Sed quid sanctos Patres commemoro? tuam conscientiam testem cito, quàm latere nullo modo poterit quo consilio tam inuidiosis uerbis sacram scripturam incesseris. Neque enim unquam fidem, quam principio dedisti, fefellisses, nisi hanc uerborum mutationem, ad causam

sam tuam confirmandam, illorum uerò infirmandam, plurimum ualere arbitrare. Sed illa, quæ arguis, & enumeratis folijs citas uerba, patienter ausculta, ut horum hominum modestia, tua uerò procacitas testata omnibus relinquatur.

DE sanctorum inuocatione sermo erat, quos nullo modo inuocandos esse Monhemius cõtendebat; quia nullo id constare scripturæ testimonio dicebat; cui Colonienfes Patres sic respondent. Quorsum hoc (inquiunt) ingenue lector tendit argumentum, nisi ut nihil planè sit recipiendum, aut credendum, nisi quod scriptura apertè docet. Non igitur celebranda erit dies Dominica, quam scriptura non docet? non credendum erit, symbolum esse Apostolorum, quia nusquàm scriptura hoc docet, ab Apostolis compositum esse? Cum igitur hæc hæresis inter alias pestilentissima sit, operæpretium, immo necessarium fore putamus, eam solidissimis sanctæ scripturæ, atq; sanctæ Ecclesiæ conuellere testimoniis, ac Apostolicas maiorumq; nostrorum traditiones diligenter conferre: quas tanti D. Paulus fieri uoluisset comprobatur, ut non minoris eas, quàm epistolas suas faciendas esse censuerit. Idquè cum multis scripturæ sacræ testimonijs probassent Colonienfes, addunt, An non tibi uidetur, Monhemi, si conscientiam tuam & sanctam scripturam consulas, plura docuisse & fecisse Christum, & Apostolos similiter, quàm chartis commendata habeamus? ut nobis tacentibus, tonat filius tonitruï Ioannes Euangelista inquitens, Multa quidem & alia signa fecit Iesus in conspectu discipulorum suorum, quæ non sunt scripta

scripta in libro hoc. Et infra, Sunt & alia, quæ fecit Iesus &c. Quoties uerò apud eundem pollicetur Christus Apostolis Spiritum sanctum, qui docturus sit eos omnia, quæ, Christo adhuc superstitè, aut capere non poterant; aut scire non expediebat? Multa igitur fecit Iesus, quæ non sunt scripta, multa etiam proculdubio docuit, quæ Euangelistæ scripto complexi non sunt: idque ipsum sanctorum Patrum communi consensu probare pergunt.

¶ Quid, quæso, Kemnici hic est, quod de dignitate sacræ scripturæ quicquā detrahat? quid his uerbis potest esse modestius? quid temperatius? illis uerò in horum locum à te ueteratoriè, sub ipsorum nomine positus, & e mentitis, quid immodestius, procacius, petulantius? Sed iam uidcamus quibus machinis ueritatem tam egregiè à Colonienfibus constitutam, & firmatam; labefactari posse sperat. Ex multis sacrarum literarum firmissimis testimonijs, quibus traditionum auctoritatem Colonienfes confirmarunt, sola Ioannis uerba elegit Kemnicus, quibus responderet: quia Augustini & Cyrilli auctoritate, illorum se posse lucem obscurare, est arbitratus. Ex quorum sententia fatetur, multa Christum fecisse; quæ scripta non sunt; electa fuisse tamen, quæ scribentur, quæ scilicet saluti credentium sufficere uidebantur. Quæ uerba si de Kemnicij sententiâ intelligantur, perspicuam sanè præ se ferunt coniecturâ, eâ, quæ scripta non sunt, minimè fuisse aut ad mores informandos; aut ad fidem necessariâ; quæ si uerâ sunt, & quæ animorum salutem Ecclesiæ quæ ædificanda; cui Christus insudabat; necessaria erant, tam paruo

*Augusti.
trahat.
in Ioann.
49.*

paruo poterant uolumine compræhendi, inanem certè laborem, & ociosam operam in cæteris omnibus Christus posuit; quæ nihil erant futuris sæculis profutura. Quæ & absurda, & à mente Augustini ualde aliena sunt; quam ut teneamus, rem paulò altius repetamus oportet. Cum miris modis D. Augustinus, stupendam Lazari resurrectionem efferre conaretur, ait, miraculum illud Christianis hominibus, non tã admirationis quàm lætitiæ causâ esse debere, cum Deû fuisse operis auctorem intuentur. Cuius opera omnia ita sibi mutuò sunt similia, & maximè gemina, ut unum alteri fidem faciat. Quis enim (inquit) dubitare poterit, Deum illum, putidum ac qua triduanum cadauer ad uitam reuocasse, qui omnia; quæ uniuersitatis ambitu continentur, creauit? Mox illa uerba adiungit, quibus Kemnicius suam tuetur sententiam, Nam cum multa, inquit, fecisset Dominus Iesus, non omnia scripta sunt. Sicut idem sanctus Euāgelista testatur, multa Dominum Christum fecisse, & dixisse, quæ scripta non sunt, electa sunt autem, quæ scriberentur: quæ saluti credentium sufficere uisa sunt. Qui uerò putat, Augustinum his uerbis docere, omnia fidei nostræ sacramenta, Euangelistas paruo uolumine fuisse complexos, satis prodit se neq; in doctrina Augustini uersatum fuisse, neq; horum uerborum connexionem considerasse. quæ hanc esse Augustini mentem, faciliè declarat. Cum omnia Christi opera stupenda sint, institutioq; uiri Christiani à cõmuni hominum sensu, uiuendiq; ratione ualde sit aliena, non temere quidem & sine delectu Euangelistæ, ex tanta diuinarum rerum congeste pauca

rie pauca illa, quæ scripta sunt, ad scribendum delegerunt, sed admirabile Spiritus sancti, qui Ecclesiæ est institutor atque moderator, consilio & prouidentia factum est, ut sanctissimi illi uiri ea literis consignarent, quæ ad constituendam fidem aliarum rerum omnium, quæ literis comprehensæ non sunt, satis sufficere poterant. Quam sententiam mox idem Augustinus magis appetit: nam in mortuis, de quibus erat sermo, persistens, ait, Audistis quia Dominus Iesus mortuū suscitauit, sufficit tibi ut scias, quia si uoluisset, omnes mortuos suscitaret: & hoc quidē sibi ad finem sæculi reservauit. Et paulò inferius, sed oportebat, ut modò aliqua faceret, quibus datis, ueluti suæ uirtutis indicijs, credamus in eum. Sed cum Kemnicio eiusq; similibus ganconibus, moris sit, inutilis & decurtatis sanctorum testimoniis agere, nihil mirum, si imperitam multitudinē, quæ illis plus æquo fidei, facile possint circumuenire.

DIVVS uerò Cyrillus nihil à D. Augustino diuersum docet, quod satis hæc ipsius uerba indicant, Non igitur omnia, quæ Dominus fecit, conscripta sunt, sed quæ scribentes, tam ad mores quàm ad dogmata putarunt sufficere, ut recta fide & operibus ac uirtute rutilantes, ad regnum cœlorum perueniamus. Quibus quidē uerbis non asserit, fidei omnia sacramenta sacris esse literis explicata; sed ea, quæ ad omnia diuina mysteria credenda sufficere possunt, Ioannis Euangelio contineri. Nam qui orationis Cyrilli seriem, & quasi consequentiam confideret, negare non poterit, Cyrillum non de uniuersa scriptura sacra hæc, sed de solo Euangelio Ioannis;

*Cyroll. li.
12. in Io-
ann. c. ult.
ti.*

3. 3. 3.

3. 3. 3.

α υ υ ο

I quod

quod explicabat, dixisse. Quod ex iis, quæ paulò superius dixerat, satis erit exploratum. similem enim sententiam ex Ioannis persona, his uerbis profert; Magna (inquit) multitudo signorum Domini, & immensus numerus est: sed hæc, quæ retulimus, sufficiunt ad plenissimam fidem attentè legentibus faciendam. Quòd si Diuus Ioannes omnia ad fidem & iustitiam necessaria complexus est; nihil certè aliud aut facere aut credere oportebit, quàm quæ à Ioanne scripta sunt. Neque igitur impius ille erit, qui Christum in stabulo natum dubitet, qui à Magis adoratum, qui infantes occisos, qui circumcissum Christum, qui in eremo ieiunasse, qui deniq; reliqua omnia, quæ à Ioanne omissa, à reliquis uerò Euangelistis scripta sunt, neget? Quòd cùm impium sit cogitare, liquidò sanè constat; nihil aliud Cyrillum significare uoluisse, quàm quædam in Ioannis Euangelio Christianorum dogmatum fundamenta posita esse, ex quibus faciliè uniuersum fidei opus consurgere poterit. Quod & Ioannes apertè innuit cum ait, Hæc autè scripta sunt, ut credatis quia Iesus est Christus filius Dei; & credentes uitam habeatis, in nomine eius. Cùm enim Christianæ fidei quasi status sit, credere Iesum Christum filium Dei, uerumq; hominem, ut Christus ipse cum Patre loquens, testatur; Hæc est (inquit) uita æterna, ut cognoscant te uerum Deum, & quem misisti Iesum Christum, qui hoc satis firmè habet animo conceptum, reliqua etiam omnia, quæ ex hac uelut radice oriuntur, faciliè adducuntur ut credat. Quod ex eodem etiam Cyrillo discere qui uis faciliè poterit.

Ioann. c.

30.

Ioann. c.

17.

*Cyrl. in
Ioann. li.*

12. c. 61.

Q V O D

Quod uerò ad Christianam disciplinam attinet, quam etiam Cyrillus commemorauit; Ioannis Euangelium compendiarium esse quandam Christiani hominis institutionem, satis intelliget, qui in flammam erga Deum & proximos charitatem summam esse legis Euangelicæ cum Paulo confitetur: quæ ita exactè D. Ioannes scriptis complexus est, ut nullum illius uerbum sit, quod ardentis diuini amoris flammam non spirare uideatur. Reliqua uerò, quæ sacræ literæ docent, cum ad hanc unicam charitatē referantur, sunt effrenati animi moderationes, lan-
guentisq; incitationes. Quod D. Augustinus aperte docet, cum agens de doctrina Christiana, demonstrat, nullo modo illum, in scripturæ sacræ sensu errare, qui ex quibusuis uerbis sententiam elicit, quibus animus flagrante charitate incenditur. Ita enim ait, Qui igitur scripturas diuinas, uel quamlibet earum partem intellexisse sibi uidetur, ita ut eo intellectu non ædificet, istam geminam charitatem Dei & proximi nondum intellexit. Quisquis uerò talem inde sententiam duxerit, ut huic ædificandæ charitati sit utilis, neque tamen hoc duxerit, quod ille, quem legit eo loco sensisse probatur, non perniciosè fallitur, nec omnino mentitur. & paucis de mendacio interiectis, ita concludit, Sed tamen ut dicere cœperam, si ea sententia fallitur, quæ ædificat charitatem, quæ finis præcepti est, ita fallitur, ac si quisque errore deserens uiam, eò tamen per agrum pergat, quò etiam uia illa perducit. &c. Cum igitur ea sint sacris literis consignata, quæ ad omnia fidei sacramenta uiam faciliè muniunt, atque ad Deum

Quomodo omnia, quæ ad Christianam fidem atque disciplinam sunt necessaria, sacris literis comprehensa sint.

August. lib. 1. de doctrina Christi. c. 36.

totis uiribus diligendum, non modò hortantur, sed incitant & impellunt, præclarè admodum sancti Patres, omnia ad dogmata & disciplinam Christianam necessaria, illis esse compræhensa dixerunt.

Sed fac, Kemnici, eam esse mentem & sensum Augustini, & Cyrilli, quem tu fingis; an communem Ecclesiæ consensum, traditionum auctoritatē, Patrum constantem, eandemq; sententiam euertere, labefactari, opprimi ab illis arbitraris? An non magis firmari & stabiliri? O puerilem stultitiam, o delirationem incredibilem. non te pudet sanctorum Patrum testimoniis uti, ad communem omnium sensum euerendum? Si Patrum omnium constans fides, nihili facienda est, quid nobis Augustini, & Cyrilli sententias obijcis? Si te illorum auctoritate satis munitum ac tutum arbitraris; si ijs tantū tribuis, quantum illorum eruditioni, & sanctitati debetur, quæ tua dementia est, ut omnes contemnendos ducas? Si tibi constas, parum te horum auctoritas mouebit: sin minus, non est quòd digladiemur: omnes unà sanctorum Patrum fidem, doctrinamque, simul cum sacra scriptura suspicimus, obseruamus, amplectimur: nisi ita fidem pietatemq; prodidisti, ut nihil ab illis aliud, quàm ipsorum in contemptum mutuari uelis. Sed iam tibi denus quod tu Augustinū Cyrillumq; sentire arbitraris, omnia scilicet ad fidem & mores necessaria, sacris esse literis compræhensa. Quid tum postea, Kemnici? quid inde consequitur? nullus ne iam relinquitur traditionibus locus? o egregium Dialecticum. sed non meminit, traditiones ex sacris literis multum firmamenti, uiriumque habere,

habere, illasq; ut ueneremur, ex eadem nos scriptura sacra accepisse. Cùm igitur traditionum auctoritas, scripturæ sacræ testimoniis satis firmata sit, quomodo illos arbitraris harum uim deprimere, qui omnia ad fidem necessaria sacris literis comprehensa esse dicunt? Quinimmo, quia diuinis etiam oraculis accepimus, cùm multa ad nos per manus dimanasse, quæ scripta non sunt; tum constantem totius Ecclesiæ sententiam, Euangelij instar accipiendam atque amplectendam esse; pariq; pietatis affectu (ut sacrosanctum Tridentinum concilium loquitur) ac reuerentia suscipiendam atque uenerandam esse, Ecclesiæ quæ iudicium, fidei esse regulam exactissimam: uerè sanè atque scitè admodum à sanctis istis Patribus dictum est, omnia ad fidem necessaria, scripta esse. eorum enim, quæ scripta non sunt, firmitudo, scriptis satis est oraculis confirmata.

*Conc. Tri
den. sub
Pau. III.
Sess. 4. c.
1.*

Iam uerò si fidei nostræ arcana, memoria repetas, multa reperiēs, (Diuo etiam August. teste) quæ sacris literis apertè explicata haudquaquā sunt: sed eorum aperta & certissima ueritas cùm Ecclesiæ communi consensu constet, sacræ scripturæ auctoritate satis munita esse, hoc solo nomine uidetur. Cum enim contra Cresconium de sententia Cypriani agit, qui ab Hæreticis baptizatos, rebaptizandos duxit; ita scribit, Proinde quanuis huius rei certè de scripturis canonicis non proferatur exemplum, earundem tamen scripturarum etiam hac in re nobis tenetur ueritas: cùm hoc facimus, quod uniuersæ iam placuit Ecclesiæ, quam ipsarum scripturarum commendat auctoritas; ut quoniam sancta scriptura sal-

*August.
cōtra Cre
sconium.
l. 1. c. 33.*

*August.
Euodio,
epist. 99.*

Iere non potest, quisquis falli metuit huius obscuritate quæstionis, eandem Ecclesiam de illa consulat, quam sine ulla ambiguitate sancta scriptura demonstrat. Idem Augustinus Euodio scribens, his uerbis probat, Christum eduxisse Adamum cum cæteris Patriarchis ex Inferno, Et de illo quidem primo homine patre generis humani, quod eum ibidem soluerit, Ecclesia ferè tota consentit: quod eam nõ inaniter credidisse, credendum est, undecunque hoc traditũ sit, etiamsi canonicarum scripturarum hinc expressa non proferatur auctoritas. Sed iam præsentio, te apud tuos de uera Ecclesia obgannientẽ, atq; eam apud uos esse, obmurmurentem (ut uestri moris est omnia immiscẽre, ne unquam ueritas patẽre possit) nihil tamen moror Kemnici, finge quam tu uoles ueram Ecclesiam, siue in Geneuensi ganea illam, siue apud Thurcas (si mauis) colloca; illi tamẽ, quæcunque sit uera Ecclesia, credendum est, etiam in ijs, quæ in sacris literis non satis aperta sunt, illiusq; iudicium apud probos piosq; uiros diuini oraculi instar, firmum, ac constans esse debet. neque enim omnia (si Augustino credis) ita sunt sacris literis explicata, ut fides non egeat Ecclesiæ patrociniõ atque auctoritate.

QVOD ut clarius cognoscas, memoria quæso repete ea fidei nostræ capita, quæ hodiẽ extra omnem sunt controuersiam, unaq; omnes confitemur. Multa nanque reperies, quæ nõ ita apertis sacrarum literarum testimonijs demonstrari possunt, quin egeant Ecclesiæ traditionumq; subsidio, & auctoritate, quam si tollas, nutare iam & uacillare uidebuntur.

tur. Quo, quæso, scripturæ loco apertè demonstra-
bis, Deiparam Mariam post partum, Virginem per-
petuò durasse? Quòd si Hieronymum perlegas, ma-
gis quidem ex Patrum, quàm scripturæ sententijs;
constare disces. Si Ecclesiæ communem sensum,
Patrumq; doctrinam de medio tollas, qui diuina my-
steria in uerbi, siue λόγου uoce abdita enodarunt, un-
de constare poterit, Patrem tum Filium generare,
cùm seipsum intelligit? Aut Spiritum sanctum pro-
duci, cùm sese mutuò Pater Filiusq; amant? unio-
nem diuini Verbi non in natura factam esse, sed in
persona, si concilium Calcedonense euoluas, non
modò scripturæ sacræ testimonijs, sed sanctorum e-
tiam Patrum traditione, qui ibi conuenerunt, Pa-
tres firmasse, faciliè disces. ita enim magnus Cyril-
lus scribit, Sic sanctos Patres sensisse comperimus;
sic ausi sunt Dei genitricem sanctam Virginem di-
cere. Lege lepidam & uerè catholicam disputatiun-
culam inter Theophilum Mamamq; presbyteros,
& Eutichetem, & cernes hunc nihil aliud obfir-
mato animo unquam dixisse, quàm duas Chri-
sti naturas nullibi in scripturis reperiri: illos uerò
communi Patrum sententia impium dogma refellis-
se. In quò celeberrimo concilio tanti fecerunt Pa-
tres Ecclesiæ communem consensum, ac ueterum
doctorum sententias, ut Dioscorus Alexandriæ E-
piscopus impij Eutichetis fautor & comes, cum ui-
deret suam ad nudam scripturam prouocationem
nihil à Concilio fieri, Athanasij, Gregorij, Cyril-
liq; Hierosolymitani sententijs falsò adductis, ut hæ-
reticorum moris est, suam impietatem tutari cona-
tus

*Hiero. cō-
tra Helui-
dium.*

*Cyrill. ad
Nestori-
um.*

*Concil.
Calcedon.
act. 1.*

tus fuerit, profundisq; clamoribus dicitare cœperit, magnam se sustinere iniuriam, qui cum Patribus eijceretur. atque Patrum sententias se defendere, neq; ab illis aliqua ratione discedere, clamaret. Quia tamen hæc oratio mēdacij erat atq; peruersæ calliditatis plenissima, simul cum Eutichete damnatus est. Quòd si in ea adhuc opinione perstas, ut in scripturis sacris omnia ad salutem necessaria satis esse explicata arbitreris, quid uos sabbato relicto, die Dominico festum agitis, quod sola traditione nos accepisse, etiam ignari nouerunt? Sed reprimo me. uereor enim ne si pluribus urgeā, Kemnicus (ut huiusmodi homines sunt ad fidem deferendam procliuēs) cū pro scripturæ dignitate pugnare se arbitrabitur, ex Lutherano, Arrianus, Apollinarius, Nestorianus, Heluidianus, Iudæus uē euadat: malitq; se omnium impietatibus inquinare, quā semel procaciter susceptam opinionem deponere & abijcere. Sed non præmittam magni illius Basilii hac de re uerba, quæ uel sola poterunt Kemnicij petulantem audaciam compefcere, Dogmata, inquit, quæ in Ecclesia seruantur ac prædicantur, partim ex conscripta doctrina habemus, partim ex Apostolorum traditione ad nos delata, in mysterio recepimus. Quæ utraque eandem ad pietatem uim habent, & nemo his contradicit, qui uel modicam saltem Ecclesiasticorū iurium experientiam habet. Si enim aggredieremur, non scripto proditas consuetudines, uelut non magnam uim habentes reiicere, imprudentes etiam ipsis principalibus Euangelij partibus damnum inferremus, immo potius ipsā Euangelij prædicationem, ad nu-

*Bas. lib.
de Spiritu
sancto
c. 27.*

ad nudum nomen contraheremus; uelut (uerbi gratia) ut eius, quod primum & cōmunissimum est, primam mentionem faciam, figura signare eos, qui in nomine Domini nostri Iesu Christi spem habēt, quis scripto docuit? Ad Orientem conuersos esse nos, dum oramus, quæ scriptura nos docuit? Inuocationis uerba, dum ostenditur Eucharistia, & poculū benedictionis, quis sanctorū scripto nobis reliquit? non enim his contenti sumus, quorum Apostolus; aut Euangelium mentionem fecit; sed & ante, & post, alia quædam dicimus, uelut magnum robur ad mysteria habentia, ex doctrina scripto non prodita assumpta. Benedicimus aquam baptismatis, & oleū unctionis, insuperque ipsum, qui baptizatur, ex quibus scriptis? non ne à tacita & arcana eruditione? Ipsam uerò olei illitionem, quæ doctrina scripta docuit? At ter immergi hominē, unde est? reliqua itē quæ circa baptismum fiunt, & renuciare Satanae, & Angelis eius, ex qua sunt scriptura? non ne ex hac non publicata, & arcana doctrina, quam in minimē curioso ac sollicito silētio Patres nostri cōseruarunt? Rectē illi, utpōte dictorum mysteriorum reuerentiam ac auctoritatem silentio custodiri. Hæc Basilius

SE D. age nunc Kēnici uideamus, quis magis auctoritati & integritati sacræ scripturæ consulat, tu ne, qui præ illa una, omnes traditiones contemnis, an societas Iesu, quam tu tibi aduersariam spontē constituisti, quæ sacræ scripturæ traditiones Patrum ut indiuiduos comites annectendas esse ducit? Tu qui factam scripturam omnia complecti ad salutem necessaria arbitraris, numeras ne in necessariis cre-

K dere,

dere, hanc, quæ omnium manibus circumfertur, esse illā sacrā scripturā, quæ à Spiritu sancto inspirata, ab Apostolicis uiris est exarata? in quo si hæres, quī fieri potest, ut uel minimam fidem scripturæ habeas, aut quicquam certi tibi in fide esse possit? Si uerò nō modò summè necessarium (ut æquum est) sed fidei id esse quasi basim, & fundamentum iudicas, unde id, quæso, habes? unde accepisti? ad tantam scripturæ auctoritatem confirmandam, cuius uteris testimonio? Quod si librorum fronti nimium fidis, in quibus scriptum est, Euangelium Iesu Christi secundū Matthæum, aut Ioannem. & Paulus Apostolus Iesu Christi, integra quidem adhuc manet quæstio, & minime expedita. quī enim scis aut Paulum unquam fuisse, qui ista scripserit, aut si fuit quidem, illa, quæ ipse scripsit, temporis iniuria non periisse, quæ nunc uerò extant, ab alio non fuisse conficta, qui res simul cum nomine finxerit? Si in has salebras tua incidat fides, quod te uertes? quid capies consilij? aut quomodo te iis angustiis liberabis? Antiquitatis testimonio nihil tribuis, Patrum auctoritatem nihilipendis, Ecclesiæ approbationem, fidem; maiestatemq; labe-factas. De firmitudine uerò ipsius scripturæ, cui soli fidis, agitur: An non uides, quod scripturam sacrā traditionum testimonijs, Ecclesiæq; auctoritate priuare, est ipsam sacram scripturam quodad eius fieri potest euertere, firmissima illius propugnacula dei-jcere, fidemque uniuersam in apertum discrimen cō-ijcere? Qui uerò diuinæ scripturæ traditiones an-nectunt, quā facilè ijs angustiis liberentur, & quā maximis illam præfidijs muniant, attende. Quæren-
ti

tenim, an Christus sit Dei filius, qui hominum scelera suo sanguine expiauit; Respondent, id ex diuinis scripturis esse satis compertum. Sciscitantirursus, unde habeant, scripturam illam; cui tantopere fidunt, diuinam esse; Ecclesiam Catholicā & Apostolicam, quæ Romanorum Pontificum perpetua successione ab Apostolis dimanauit, id docere respondent. Si quis uerò de illa Ecclesia ultrà dubitare pergat, illi omnium ætatum consensu, antiquitatis testimonio, atque nobis per manus tradita certa & constanti persuasione, occurrunt, ultra quam progredi nemo potest: estque in fide axioma, quod probatione non eget, sed fidei beneficio ac Spiritus sancti impulsu credimus, uera esse illa, quæ omnium optimorum, doctissimorum sanctissimorumque uirorum, qui cunctis retro sæculis floruerunt, sunt consensione approbata: de quibus qui dubitat, indiget sensu, aut flagro, ut Aristotelis uerbis utar. Id quod aperte docet D. Ioann. Chrysostom. cum explicat illa Pauli uerba, Tenete traditiones, quas didicistis siue per sermonem, siue per epistolam. Hinc patet, inquit, quòd non omnia per Epistolam tradiderunt, sed multa etiam sine literis, eadem uerò fide digna sunt tam ista quàm illa. itaque traditionem quoque Ecclesiæ, fide dignā putamus. Traditio est, nihil quæras amplius. Quocirca neque de traditionum ueritate dubitare fas est, neque quicquā reliquū sit, quo illa, quæ per manus accepimus, probari aut possint, aut debeāt.

D V O, nanque sunt principia, quibus & humanus animus ad credendum, quæ hominum captum excedunt, inducitur, & fides semel concepta fulci-

*Chrysost.
i Epist. 2.
ad Thes-
sal. c. 2.
Hom. 2.*

*Duo fidei
principia.*

tur, & sustentatur. Alterum internum, externum alterum. Internum est Spiritus sancti impulsio, quæ mentem mouet ad credendum diuina mysteria, quæ humana uis ingenij consequi non potest. Quam quidem animi motionem Spiritus sanctus efficit, medio fidei habitu à Deo infuso, ut illo fragilis & infirmus intellectus confirmatus diuinis uerbis firmè, & constanter adhæreat. Externum uerò est, eorum, quæ credenda sunt propositio, quæ si desit, fides incerta uagatur, neque certò alicubi consistere potest. Fides, inquit Paulus, ex auditu, auditus autè per uerbum Christi. quomodo uerò audient sine prædicatione? Etsi uerò eorum, quæ Christianum hominem credere oportet, maxima pars, sacris literis contineatur, hæc tamen literarum monimenta sacra esse, & diuina oracula continere, non nisi Ecclesiæ auctoritate accepimus, atque demum ipsa traditione. Quare si firmum fidei assensum spectes, in Deum ipsum referas, ut in causam & rem obiectam necesse est. Deum enim ueracem fides potissimè intuetur, certa & minimè fallax. Diuina ueritas in causa est, ut omnia à Deo reuelata credantur; Spiritusque ipse diuinus mentem ad credendum incitat, & commouet. Quod si ad propositionem respicias, in Ecclesiæ auctoritate, & antiquæ traditionis testimoniis demum conquiescere te cōuenit: à quibus solis accepimus, & hanc, quæ circumfertur scripturam, sacram esse, & quæ illa continentur, à Deo fuisse reuelata. Quod D. Augustinus contra Faustum Manichæum agens, qui sacre scripturæ testimonia ita illudebat, ut illa pro arbitrio aut complecteretur, aut contemneret, satis

*Ad Rom.
c. 10.*

*Aug. contra
Faustum Ma-
nichæum,
lib. 11.
c. 2.*

fatis apertè his uerbis docet, Quid ages, inquit, quò te conuerteres? (quando scilicet, quæ tu probaueris scripturæ loca, alius improbauerit) quam libri à te prolati originem, quam uetustatem, quam seriem successionis testem citabis? Nam si hoc facere conaberis, & nihil ualebis, & uides in hac re, quid Ecclesiæ catholicæ ualeat auctoritas, quæ ab ipsis fundatissimis sedibus Apostolorum, usque ad hodiernum diem succedentium sibimet Episcoporum serie, & tot populorum consensione firmatur. Idem D. August. alibi inquirens, An substantiæ spirituales coniungi cum mulieribus possint, ita scribit, Omittamus earum scripturarum fabulas, quæ apocryphæ nominantur, eo quòd earum occulta origo non claruit Patribus, à quibus usque ad nos auctoritas ueracium scripturarum certissima & notissima successione peruénit. Et paulò inferius cum de ijs libris, quos Enoch scripsisse Iudæ Apostoli testimonio certissimo constat, ageret, inquit, eos non esse in canone uerarum scripturarum, quia ob antiquitatem suspectæ fidei iudicati sunt. Quare quæ illius nomine circumferuntur, sicut & multa nomine aliorum Prophetarum & Apostolorum, sub nomine apocryphorū auctoritate canonica, & diligenti examinatione, remota sunt. Qui igitur antiquitatis & Ecclesiæ auctoritatē abrogat, an non simul scripturæ ipsius fidem labefactat? In Confessione. uerò ijs uerbis Deo gratias agit, Sed me non sinebas ullis fluctibus cogitationum auferri ab ea fide, qua credebam & esse te; & esse incommutabilem substantiam tuam, & esse hominibus curam & iudicium tuum,

*Aug. lib.
15. de ci-
uit. Dei.
c. 23.*

*Aug. lib.
Confessio.
7. c. 17.*

*Aug. ad
Honorii
de Vtilit.
cred. c. 17.*

um, & in Christo filio tuo Domino nostro, atque in scripturis sanctis, quas Ecclesiæ tuæ sanctæ commendat auctoritas, uiam te posuisse salutis humanæ, ad eam uitam, quæ post hanc mortem futura est. Quibus uerò coloribus Augustinus depingat, quibus quæ indiciis & testimonijs hanc Ecclesiam demonstraret, ab eodē discere, qui ad Honorium sic scribit, Du bitamus nos Christi Ecclesiæ condere gremio, quæ usque ad confessionem generis humani ab Apostolica sede per successiones Episcoporum hæreticis frustra circumlatrantibus (erige aures Kemnici) & partim plebis iudicio, partim Conciliorum grauitate, partim etiam miraculorum maiestate damnatis, culmen auctoritatis obtinuit? cui nolle primas dare, uel summæ profectò impietatis est, uel præcipitjs arrogantia. An non uides ueræ Ecclesiæ, cuius omnia metienda sunt iudicio, & cuius fides atque auctoritas nobis debet esse sacrosancta, indicia esse Episcoporum successiones, communem populorum consensum, & naturæ uim superantia miracula, de scriptura nulla facta mentione? utpote quia scripturam non nisi huius Ecclesiæ iudicio suspicimus, & ueneramur. Si igitur scripturæ certitudo, in qua tu fidei & religionis Christianæ summam collocas, non nisi traditione constat, quæ tua hæc est audacia, ut illam tanquam uanam & inanem contemnas, & abijcias? nisi fortè ita insaniuisti, ut existimes, fidei non interessere, sacræ scripturæ auctoritatem ita esse tutam atque munitam, ut de illa dubitare nemo possit: aut fortè eo consilio traditionum auctoritatem tanto conatu conuellis, ut illis antiquatis, Ecclesia simul colla-

collabefiat, ſcripturæq; ſacræ firmitudo corruat, atque ita unâ fides, religioq; pereant, uirtutis ſtudiû, pudorq; abijciatur, nihilq; reliquum ſit, quod uos aut in officio continere, aut cœcas & temerarias cupiditates coercere poſſit, aut ab omni nefario ſcelere retardare.

At illas ideò te contemnere ais, *Quia ex nullo autentico ſcripto probari poſſunt: quapropter à Pontificibus tacite appellantur.* Quæ cum legerem, non ſatis mihi conſtabat, riſu'ne, an commiſeratione potius hominem proſequerer. Nam prætermitto, nullam eſſe ferè traditionem, quàm ſanctorum Patrum ſcripta non complectantur: quæ ſi autentica non ducit, iam uidere quiuiſ poteſt, quorſum euadat. Sed eſto, nullis ſanctorum Patrum monumentis conſignata ſint, quis tã erit à communi ſenſu alienus, ut maiorem fidem habendam arbitretur paucorum quorundam hominû ſcriptis, quàm totius terrarum orbis communi conſenſui, & approbationi? quod omnium gentium, quæ integram & incolumen fidem ſemper conſeruauerunt, & quæ Eccleſiæ gremio continentur, conſuetudo, communisq; ſententia clamat, librorum tu egerè teſtimonio arbitraris? cum præſertim, ut aperte paulò antea demonſtrauimus, diuina lex, Chriſtianaq; inſtitutio, principio in hominum fuerit mentibus exarata, multaq; in eiſdem incluſa permanſerint, quæ ab Apoſtolicis illis uiris fidei propagatoribus literis tradita non fuerunt. Quæ uerò de hac ſit Auguſtini ſententia, cuius ſtudium uendicare

maximè niteris, aduerte. ita enim ſcribit, Illa autem, quæ non ſcripta ſed tradita cuſtodimus, quæ

Auguſt.
ad Ianu-
ariu. Epiſ.

quidem 118.

quidem toto terrarum orbe obseruantur, dantur intelligi, uel ab ipsis Apostolis, uel plenarijs Concilijs, quorum est in Ecclesia saluberrima auctoritas, commendata atque statuta retineri. Et paulò inferius, Ecclesiæ consuetudines nō scriptas, ijs uerbis cum scriptura sacra connectit. Ad hæc autem ita respondeo, ut quid horum sit faciendum, si diuinæ scripturæ præscribit auctoritas, non sit dubitandum quin ita facere debeamus ut legimus; ut iam non quomodo faciendum, sed quomodo sacramentum intelligendū sit, disputemus. Similiter etiam, si quid horum tota Dei per Orbem frequentat Ecclesia, nam hoc quin ita faciendum sit, disputare, insolentissimæ insanix est. Et alibi, Quam, inquit, consuetudinem (non rebaptizandos, ab Hæreticis semel baptizatos intellige) credo ab Apostolica traditione uenientem, sicut multa non inueniuntur in literis eorum, neque in Concilijs posteriorum, & tamē quia per uniuersam custodiuntur Ecclesiam, non nisi ab ipsis tradita, & commendata creduntur. Quare Eusebius Cæsariensis refert, nouam illam consuetudinem à Cypriano introductam, baptizādi ab Hæreticis redeuntes, magnum stomachum mouisse Stephano summo Pontifici, eò quòd antiquam Ecclesiæ consuetudinē deferere, scelus esset cum summa temeritate coniunctum. D. etiam Epiphanius uniuersales Ecclesiæ consuetudines tam literarum monumentis consignatas, quàm nobis quasi per manus traditas, Dei uoces matrisque nostræ sanctas leges appellat, quas cū Hæreticis obicit, tanquàm insigni parua uictoria, triumphat. Sed quid immoror in sanctorum Patrum testimoniiis

*Augusti.
de bap. cō
tra Dona
tist. lib. 2
c. 7.*

*Euse. his.
Eccl. lib.
7. c. 3.*

*Epipha.
lib. 3.
Hæresi.
75.*

testimonijs inculcandis, quos tu nō modò præ te uno contemnis, sed eorum auctoritati lixarum talonum, opilionum, ac denique impurissimi cuiusuis hominis iudicium præfers; eisdem profectò furijs agitata, quibus Euangelium illustrare, fidemq; ab optimorum hominum tyrannide uindicaretur, tu tuiq; omnes coniurarunt.

S E D age, Kemnici, omissis auctoritatibus, ipsa re & ratione ueritatem exquiramus. Vt uerò aliquis tādē controuersiarum modus fiat, in aliquibus ueluti geometricis postulatis, conueniamus: quæ tui omnes libenter cum concedant, tu, puto, non inficiaberis. Quorum sit primum, Veram, & incorruptam fidem, atque sacræ scripturæ uerum sensum, in sola uera Ecclesia reperiri. quod Christus ipse apertè testatur apud Matthæum, Vobis datum est (inquit) nosse mysteria regni Dei; cæteris autem in parabolis. Deinde constituamus, ueram Ecclesiam nunquā mutari, sed eandem nunc esse, quæ fuit Christi, & Apostolorum temporibus. Etsi .n. sedem sæpe mutauerit, atq; ad diuersa loca non semel cōmigrauerit, si tamē ad Ecclesiæ immutabilem naturam essentiamq; respicias, una sēper eadēq; permāsit, quod tui nō modò nō inficiātur, sed multis & apertis testimonijs cōcludunt. Immo ut nullā habuisse Ecclesia unquā mutationē uideatur, hāc noui testamenti Ecclesiā, unā & eadē esse cū illa ueteris populi Israelitici, probant ex illis Christi uerbis apud Ioannē, Scrutamini scripturas, quia ipsæ sunt, quæ testimonium perhibent de me. Item, Si crederetis Moysi, crederetis forsitan & mihi, de me enim ipse scripsit. fuit enim in ueteri lege

Matth.
c. 13.

Ioann.
c. 5.

L eadem

eadem de Christo fides, quæ nunc uiget, sed obnubilata illa & obtenebrata, hæc uerò dilucida & explicata.

*Cent. 1.
li. 1. c. 4.
tit. de Ec-
cles.*

VERVM in Ecclesiæ ratione, tui non modò à nobis, sed & mutuò ualde dissentiant. nos enim hunc nostrum cœtum certò scimus esse ueram Ecclesiam; unicam Christi electam, in qua est perpetua successio sacerdotum, unaque fides perpetuò fuit; cuius unum caput est Christi Vicarius, Petriq; successor, Romanus Pontifex uniuersalis Ecclesiæ pastor & moderator, cui Christi promissiones factæ sunt. Ex uestris uerò quidam, sic diffiniunt Ecclesiam, Est cœtus amplectentium sinceram Euangelii doctrinam, & rectè utentium sacramētis ab ipso Christo institutis. Quā tamen nulli capiti sub Christo subiectam esse uolūt. Ex aliorum uerò officina, qui propriæ impietatis magis, quàm alienæ propugnatione uolunt nomen cōparare; nuper alia Ecclesiæ descriptio prodijt. Esse scilicet prædestinatorum cœtum. Quam tu uerò Ecclesiam magis probes, ex tuo libello non satis potui aucupari. finge tamen quam uoles, illam quidem semper fuisse uerā Ecclesiam, & nunquàm mutatā, atque perpetuò duraturam, confitearis necesse est, nisi noui aliquid monstri alis. Tandem constitua-
mus, scripturæ sacre sensum fidemque ipsam mutari nunquam posse, sed unam eandemque perpetuò fuisse, uenturisq; temporibus duraturam: quod ex ipsis diuinis literis, quæ hanc firmiorem terra esse ac cœlo testantur, apertè constare potest. Nam cū ueritas enunciati, ex rebus significatis pendeat, fieri minime potest, ut illud enunciatum, quod principio
uerum

uerum fuit, tandem falsum euadat; nisi significata res mutetur. Cum igitur fides circa diuinas prorsusque immutabiles res uersetur, quò fieri potest, ut illa mutetur unquam? Non inficior, aliqua fidei arcana magnam Ecclesiæ partem diu latuisse, quæ temporis progressionem diuina benignitas omnibus tandem aperuit. Quòd tamen uniuersalis Ecclesia falso, & mendaci alicui pronunciato, firmè & constanter, tanquàm fidei dogmati certissimo & indubitato aliquandiu fuerit assensa, fieri nequaquam potuit. nam cum Ecclesiæ ratione id prorsus pugnat: & quanuis scripturæ sacræ loca aliqua ignoratione demersa aliquandiu permanserint, quæ sunt temporum successione diuino beneficio illustrata, fides tamen semper salua perdurauit: et quem uniuersalis Ecclesia scripturæ sensum ita recepit, ut illum obseruandum, & amplectendum posteritati tradiderit, firmum ac certum esse, dubitare nemini sine scelere licet, nisi Ecclesiam dono interpretandi scripturam priuare uelis, quod uestrum ad huc nemo ausus est.

Ex quibus quasi initijs & fundamentis an non manifestum euadit, ueram illam esse fidem, quam semper uera Ecclesia antiquis temporibus retinuit, & conseruauit? idque à nobis firmiter tenendum esse, quod à maioribus ut uerum, & minimè dubiū accepimus? nisi aut fidem, aut Ecclesiam temerè existimes mutata esse. Quæ si mutari nulla ratione possunt, eadem certè nunc uera est Ecclesia, quæ olim fuit, eademque uera fides. Nam cum uera Ecclesia à uera fide seiungi, separarique non possit, an non uera illa nunc est fides habenda, quam uera Eccle-

Ha quondā perpetuū custodiuit, & tutata est? Quin-
immo illa nunc uera est Ecclesia, quæ eādem fidem
obtinēt, quam uetus Ecclesia olim, semperque reti-
nuit. Manifestum igitur sit, necessariū nobis creden-
dum fore, quidquid certō constiterit, siue scripto,
siue traditione, ueram Ecclesiam perpetuū credidisse,
se, quanuis nullo scripturæ testimonio probari possit,
nisi ueram Ecclesiam, uera fide, tamdiu caruisse
dicas. Illud etiam perspicuum euadit, ueteris Eccle-
siæ sensum, normam esse exactissimam, de cœlo dela-
psam, quæ mutari non potest: ad quam dirigenda &
formanda nostra est fides: à qua qui uel transuersum
unguem deuiauerit, miserandos errores euitare mi-
nimè poterit. Quod si Ecclesiæ annalium monimen-
ta euoluas, facillè reperiēs, antiquos Patres, ex qui-
bus incorruptam fidem, & religionem integram acce-
pimus, quoties quæstio aliqua oborta & excitata est,
ex antiquorum sententiis, Ecclesiæque uulgata con-
suetudine, omnem difficultatem conclusisse: quam
certissimam fidei regulam, semper existimarunt.

NOS & D. sentio quæstionem de uera Ecclesia oriri,
cuius demonstrauimus standum esse traditionibus;
de qua quidem non pluribus agam, quam instituti
mei ratio postulat, causæq; fuerit accommodatum.
Finge igitur, Kempnici, quam uoles ueram Ecclesiā;
& quæ tibi magis arriserit, definitionem eius ample-
ctere. Quod si in solis illam prædestinatis incluseris,
uera profectō illa erit fides, quam semper prædesti-
nati uenerati sunt, illæq; conseruandæ sunt traditio-
nes, quas à uiris sanctitate, omniumq; uirtutum ge-
nere clarissimis accepimus: Si tales fuisse sententiæ

huius architecti cōfiteantur, Augustinum, Basilium, Cyprianum, Irenæum, Ambrosium, reliquosq; similes pietate & eruditione Patres, quos ad diuorū sanctimoniam & beatitudinem commigrasse, certò scimus, ad exitum iam quæstio adducta est, atque quas sanctissimi isti uiri traditiones, tanquàm à Christo & Apostolis profectas, comprobarunt, ut certissimam fidei regulā suspicere, & obseruare debemus. Quòd si de illorum prædestinatione quidquam dubitant, quid de ijs sentient, qui adhuc uitam degunt? quæ ratione illorum prædestinatio, illis constare poterit? Quare quādiu prædestinatorum cœtus ignotus est, uera Ecclesia, certaue fides, perspicua esse minimè potest. Quòd si nos in has coniciunt angustias, ut omnibus alijs præsidijs destituti, à sola scriptura fidem mutuemur, cū scripturam interpretandi donum, soli ueræ Ecclesiæ promiserit Christus, atque extra illam esse nusquàm possit, hæc si lateat, quī fieri potest, ut scripturæ uerus sensus pateat? Quæ igitur tanta est istorum hominum insolentia, superbia & infamia? quæ tanta impudentia & temeritas, ut sese fidei magistros sponte sua, Deo, hominibusq; (ut aiunt) inuitis, constituent, interpretandiq; scripturam minus arripiant, quos an ad Ecclesiam pertineant, ignoramus? Immo si sancti mores, pura & inculcata uita, prædestinationis sunt indicia, tam longè quidem à prædestinatione, quantum à pietate, modestia, innocentia & integritate absunt. Quare in tantis huius temporis calamitatibus, nihil mihi maiorem admirationem adfert, quàm perduelles hosce, Euangelij ostentatione quamplurimos fallere, quorum turpitudines,

tudines, arrogantiae, auaritiae, effrenataeque cupiditates Euangelium execrantur, & detestantur. Quod satis magno argumento est, illorum sectatores non Euangelij ueritatem, sed Euangelii prae-textu, peccandi quærere licentiam.

Q V O D si latius patere Ecclesiam arbitris, omnesque complecti fideles confiteris, illius quidem communis consensus nobis debet esse sacrosanctus: illumque summa prosequi obseruantia & pietate debemus. Nihil moror, ubi illam praeteritis temporibus positam fuisse ducas; siue in Asia illa, siue in Africa, siue ad orientem, siue ad occidentem solem sita fuerit. illius certe Ecclesiae, quae sub Christi nomine congregata, Christi cognitione & promissionibus nixa, sacram scripturam semper recepit, unam & eandem fidem perpetuo conseruauit, contrarias persuasiones repudiauit, perpetuaque Episcoporum successione ab ipsis Apostolorum temporibus propagata est: illius, inquam, Ecclesiae sententiae quin retinendae sint, fides quin sit amplectenda, in fide & religione sensus quin sit suspiciendus, siue scripto siue per manus traditus sit, siue scripturarum testimoniis nixus, siue illis destitutus sit, dubitare is solus poterit, qui nouam nunc esse Ecclesiam, nouamque fidem, pristina mutata atque antiquata, delirans somniet. A quo Ecclesiae consensu, cum uel tantillum discessit D. Martyr. Cyprianus, sanctitate alioqui, & eruditione clarissimus, subortaeque de baptismo quaestionis ueritatem ex nuda scriptura proprio sensu intellecta, magis, quam ex communi Ecclesiae consensu eruere uoluit, quam turpiter non modo errauerit, sed errandi multis

Cyprian.
Epist. ad
Pompeium
contra e-
pist. Ste-
phani.
tom. 2.

multis causam præbuerit, nemo nescit. Satis igitur constat, quàm piè atque sapienter à uiris societatis Iesu dictum sit, sacræ scripturæ, Ecclesiæ traditiones necessariò annectendas esse, si salua fides esse debet. Pergit tamen ultrà calumniari Kemnicius, proponitq; secundum hoc axioma societatis Iesu nomine.

SACRA scriptura in illis ipsis siue dogmatibus, siue præceptis, Axioma quæ continet & proponit, est uelut nasus cæceus, non præbens certam aliquam & immotam sententiam, sed quæ in quamuis interpretationem flecti potest; in Coloniensi censura sol. 117.

CUM sæpe mecum animo uoluerem illorum hominum miseram & infelicem conditionem, qui huius calamitosi temporis erroribus, non implicati modò, & obcæcati tenentur, sed aliis etiam errandi auctores sunt: non poteram non illorum uicem uehementer dolere, quos putabam, sophisticis aliquibus rationibus deceptos, fucataq; quadã ueri specie hallucinatos, aut prauis persuasionibus inductos, tetra errorum nocte immerfos esse. neq; poteram illorum miseranda sorte, non uehementer commoueri, quos ducebam, sola ueritatis ignoratione, in errore detineri; quibus si aliquândo clara ueritatis lux affulisset omnibus eam bonis opinabar esse antelatu-
 ra. Qua commiseratione hæreticos prosequi, me docuit D. Augustinus, qui suo magno malo, & misera deceptione (Manichæorum enim hæresi, diu implicatus mansit) se didicisse ait, quo labore uerum inueniatur, quàm arduũ & rarum sit, carnalia phantasmata piæ mentis serenitate superare, atque qua difficultate sanetur oculus interioris hominis. Quare in eos, qui hisce erroribus implicati tenentur, læuare, se nullo modò

Aug. contra Epistolam Manichæorum, quam uocant fundamenti. c. 2.

modò potest affirmat. Tandiu autem in hac commiseratione perstiti, quandiu à lectione librorum, qui ab illis passim eduntur, me abstinui. quos cum primum excepi legendo terere, diligenterq; ac curiosè euoluerè, omnem commiserationem exui, magisq; illos indignatione & stomacho dignos esse, quàm miseratione sum arbitratus, qui adeò frõtem perfricuerunt, ut omnem operam & industriam collocent, in fallacijs & imposturis excogitandis, quibus seipsos miserè decipiant, ac perdant, illustri ueritati tenebras obdunt, imperitæ uerò multitudini, quæ illos admiratur & suspicit, ueritatis simulatione illudant, & in profundum, atq; inmensum errorum pelagus abijciant. Quòd si libros, quibus eorum placita & doctrina continentur, perlegas, in solis mendacijs excogitadis, illos ingeniosos esse, facilè perspicies. At uti nã ingeniosi, ac non potius tam crassi essent, & hebetes, ut magis intoleranda ad effrenatas cupiditates licetia, omniumq; uitiorum impunitate, homines ad dissolutam libertatem procliuces alliciant, quàm ueri aliqua similitudine decipiant. Non secus, ac olim idolorũ sacerdotes, qui noua semper mēdacia summo ingenio excogitabant, ut imperitum uulgus in tanta illa impietate continerent: nō tam in deos, quos falsos esse satis sciebant, pietate cōmoti, quàm quæstus, & honoris, quem ueritate periclitari intelligebant, cupiditate inducti, & prouocati. Kemnicius uerò ut præclarum se Lutheri, cæterorumq; similiũ discipulum præbeat, in fingendis mendacijs nulli noluit esse inferior: multis uerò ita superior euasit, ut non pauciora ipse paruo uolumine, quàm alii magnis,

gnis, fuerit complexus. In hoc uerò Axiomate ita sensum cum uerbis inuertit, ut pro pulchro, deforme; pro decoro, & honesto, turpe, ac sordidum, lectoribus obiecerit. Sed si in numerandis modò foliis ueracem se & diligentem arithmeticum præbeat, ueritatis omnis numeros expleffe, & quæ postea dicit cūcta, extra omnem reprehensionem sita esse putat. Est enim eius præceptoribus solenne, in ijs, quæ parum aut nihil ad rem faciunt, diligentes esse ueritatis inquisitores, ut in reliquis eis liceat impunè mentiri. Dicunt quidem, fateor, Colonienses Patres, eò loco, quem citat Kemnicius, scripturam sacram, esse uelut nasum careum; sed quid ea sibi uelint similitudine, apertè explicant. Quia, inquit, apud rudem populū facile est scripturam, sacram in quamuis interpretationem flectere, qua aut Principū, aut uulgi palpentur uitia. Vbi uerò, Kemnici, de doctrina, siue dogmatibus mentio fit? ubi in illis esse scripture incertum sensum dicunt? Relege, relege, inquam, accuratius, quem citas locum, neque enim fieri poterit, nisi impietas iam callos obduxit, quin te tui ualde pudeat. De fidē sermo erat, quam apertè probarunt Colonienses Theologi, cum charitate non esse necessariò conglutinandam, sine charitate tamen parum prodesse. Atque ad Ioannis locum, Qui credit quoniam Iesus est Christus, ex Deo natus est. uobis quidem ualde familiarem, perperam tamen, ut multa alia, intellectum, respondebant: atque cū de fide cum charitate copulata intelligendum esse, ex sanctorum Patrum sententijs asserant, sciolos & impudentes homines tui similes perstringunt, qui sua

M somnia

1. Ioann.
c. 5.

sonnia nouaꝗue dogmata præclaro sacra scripturæ titulo insignita, uelut oracula quædam uulgo credenda proponunt: atque omnibus operibus spoliata ac intermortuæ fidei prædicatione, effrenatam populi libidinem incitant. Ad quod commodius efficiendum, sacram scripturam coram imperito uulgo inquamuis sententiam pertrahere, minimè esse difficile aiunt, cui facile est uerba dare, in ijs potissimùm rebus, quæ cupiditatibus & luxui, quibus maximè est deditum, fauet.

AG E iam, Kemnici, uideamus quantum uales differendi arte: elice ex hac sententia tuum hoc axioma, ex ijs antecedentibus argutus homo concludere, scripturam sacram in dogmatibus & præceptis non præbere certam aliquam & immotam sententiam: uide quo nam modo ratiocineris. neq; enim alio quàm isto, formare ex datis rationem poteris. Sophista qui uis impurus, proteruusque aliquis hæreticus, poterit in scripturæ sensibus imperitos facile decipere, falsosque sensus ignaris, pro ueris persuadere. Ergo scriptura in dogmatibus & præceptis non continet immotos & certos sensus. O præclarum dialecticum, o acutum sophistam. prætermitto, quòd ex particulari sententia uniuersalem facis. Quis, quæso, dialecticæ non modò peritus, sed etiam rudis, hoc enthymema non irrideat? Quis ad tam ineptam, anilem, & deliram calumniandi rationem risum teneat? debuisses profectò aut in elenchis, fallendiq; arte magis esse instructus, aut tam petulanti calumnia supersedere. Quis enim tam est demens, & diuinarum rerum inscius, qui ignoret, scriptura sacra, quæ à Deo inspira-

ta,

ta, continet Christianæ fidei, diuinæq; uoluntatis mysteria, nihil esse uerius, certius, firmitus & immutabilius? & ubi præceptiua locutio est, aut flagitium, aut facinus uetans, aut utilitatem, aut beneficentiam iubens, non esse figuratam sed certam, & minimè ambiguum, ut D. Augustinus docet? Satis enim non modo certa, & immota, sed perspicua esse decalogi præcepta nemo nescit. Verùm cum Colonienses Patres animaduertent, multa esse loca in diuinis literis, quorum uerus sensus non faciliè pateat, sed quæ quibus in uarias & diuersas sententias pro libito trahere possit, illam nasum cæreum, & Pighius, quem etiam Kemnicus carpit, plumbeā Lesbæ ædificationis regulam, aptissima similitudine appellarunt. Hinc fit, ut D. Augustinus sæpe doceat, multa fuisse in scripturis diuinis loca, quæ latuerunt, quoadusque hæretici illorum praua interpretatione Dei Ecclesiam exagitarunt. Vnde sumpta occasione, aperta sunt, quæ latebant, & intellecta est uoluntas Dei. Alibi uerò ait, omnia diuina eloquia, salutaria esse bene intelligentibus, periculosa uerò ijs, qui ea uolunt ad sui cordis peruersitatem detorquere, potiusquàm suum cor ad eorum rectitudinem corrigere. Quæ cum à uobis fieri Colonienses theologi uideant, uestrisque effrenatis cupiditatibus, fidei inani confidentia fauere, ad idque diuina testimonia, magna cum illorum contumelia, & profanatione accommodare, sacram scripturam nasum cæreum appellant: quippe quam ad uestri cordis peruersitatem detorquetis: In quibus Coloniensium uerbis, si uel minima inest impietas, eadem & D. Augustinum inuoluas necesse est; cum-

*Aug. de
Doctr.
Christ.*

*Aug. in
psal. 54.
& de Ci-
uit. li. 6.
c. 2.*

*Aug. in
psal. 48.*

quo mauult societas Iesu, impietatis à uobis damna-
ri, quàm cum tuo Luthero à te tuisq; commendari.

MIRARI tamen satis nequeo, Kemnici, ita
Colonienſium hoc dictum abs te inſimulari, ac ſi
Germanus non eſſes, neque in Germania uiueres:
in qua cum tot ſint de religione ſententiæ, quot ca-
pita, tot fides, quot uoluntates, omnes tamen uni-
cam ſacram ſcripturam patronum inducunt, omnes
Dei uerbum iactitant, omnes uerum ſe ſcripturæ
ſenſum tenere dictitant; uſque adeò ut nulla tam
mollis & commutabilis cæra eſſe poſſit, quæ ita fa-
cilè queat ad cuiuſque arbitrium formari; & fingi
ut diuina eloquia à ueſtris ad quamuis impietatem
detorquentur. In quot, quaſo, formas inuertunt
Act. 15. uerba illa Petri, Fide purificans corda eorum & quot
Mat. 26. portentosis modis immutant illa Chriſti, Hoc eſt
corpus meum & quot ſcripturæ loca huius temporis
ſectarij miſerè dilaniant, atque in uarias ſententias
diſtrahunt? Quod quidem ut percipias, non tam e-
ruditione aut iudicio, quàm auribus opus habes:
quas ſi tuorum uocibus accommodes, omnes ur-
bes, pagos, lucos, angulos percrepare illorum uo-
cibus audies, qui nihil aliud quàm Euangelium, &
diuinum uerbum iactant: qui tamen non minus in
illius ſenſu inter ſe, quàm à nobis diſſentiant. Ad
quod ſi aduertas, fieri certè nequit, quin ſocietati
Ieſu ſuccenſere deſinas; quæ etſi omnis antiquitatis,
eſſet ignara, ex uobis tamen hanc diuinarum litera-
rum tantam quaſi mollitudinem, ut in quamuis par-
tem flexibilis ſit, didiciſſet. Quod iam olim diuus
Baſilius deplorauit, Hilarius uerò aperte docuit, cū
dixit,

dixit, formam fidei, certam esse, sed quantum ad hæreticos, omnes sensus incertos esse. Et D. August. ad Pascendum Arrianum scribens conquerebatur, aliquos esse homines, qui cum scripturas non diligenter scrutarentur, pertinaciterque aliquam opinionem defendendam suscepissent, & sapientes magis uideri, quam esse uoluissent, scripturæ uerba à proprio & germano sensu, ad longè diuersum transferrent. Vt Arriani, qui de forma serui dicta, ad formam Dei transferebant. Quod ipsum multis demonstrat D. Hilarius. Sed quid Patrum sententijs opus est, cum Petrus ipse Apostolorum princeps, affirmet, quædā esse in Epistolis Pauli intellectu difficilia, quæ multi indocti instabiles, *ερίβλουσι*, hoc est, distorquent: sicut & cæteras scripturas, ad suam ipsorum perditionem? Lege quæ D. Epiphanius de Gnosticis scribit, & faciliè uidebis, quàm cærea scriptura sit, atque adeò in quàm impuros, sacrilegos, & obscenos sensus, plurima illius loca impurissimi homines ita flexerint, ut non paucos suæ impunitatis socios asciuerint. quos ad id impuritatis, atque impietatis peruenisse idem Epiphanius ait. Quod si aliqua scripturæ sacræ sententia ad similitudinem concupiscentiæ ipsorum formari poterat, non ut haberet uerbum, sed ut habet mens ipsorum decepta, ad cupiditatem suam transmutantes, dicunt ex spiritu ueritatis processisse. In quo neque uos à Gnosticeis estis ualde dissimiles, qui uestram cupiditatum omnium licentiam, & cum spiritu ualde pugnantem libertatem, ex diuinis uerbis haurire dictitatis. Quæ uestra procacitas effecit, ut scripturam sacram

nasum

*Augusti.
ad Pascē.
epist. 174*

*Hila. lib.
de patris
& filij u.
nit.
2. Pet.
c. 3.
Epiphan.
hæresi.
26.*

naſum cæreum accommodatè admodum Colonienſes uocarent: non tam illius incertum ſenſum, quàm ueſtram in contorquendo ipſam petulanteim audaciam notantes: Tertium uerò axioma, quod in Coloniienſi cenſura reprehendendum ſuſcipit Kemnicius, hoc eſt,

3. *Axioma.* OMNIA & ſingula, quæ in ſcriptura comprehenſa ſunt, tantis inuoluta ſunt obſcuritatibus, ut ne doctiſſimi quidem certam cognitionem inde colligere poſſint; niſi illam aliunde mutuentur; ex prætoria ſcilicet prælatorum Eccleſiæ interpretatione. Et idè qui ſaluam uolunt eſſe religionem, omnino debent Laicis interdicerè in uniuerſum lectionè ſacrarum literarum, & inde ne quidem hiſtoriam paſſionis excipiunt. Articuli. Prim.

EN tertium fictum & commentium axioma, tertiæque Phariſaica calumnia. Neque enim aliter ſocietas Ieſu à Kemnicio hîc accuſatur, quàm olim Paulus Apoſtoliq; cæteri à Iudæis in crimen uocati ſunt. Ita enim omnia inuertit, atque deprauat, ut neque uerbum quidem huius axiomatis in Coloniienſi cenſura reperiri poſſit. Sed tale ab ipſo confictum eſt, quale in illa offendere peroptaſſet, ut ei liberior patère calūniandi campus potuiſſet. Quod ut euadat exploratius, Coloniienſium mentem, paucis aperiamus. Monhemius, cuius inſaniam Coloniienſes theologi cenſoria grauitate reprimere meritò uoluerunt, teſtatur, ſe in ſupremis gymnaſii ſui claſſibus, prouectioribus diſcipulis interpretari, ſcripta uatum, & Apoſtolorum, ad quod ſtudium alacriori animo compescendum, ut incitarentur iuuenes, multis contendit, & maximè D. Chryſoſtomi auctoritate demonſtrare, ſacrarum literarum lectionem

tionem cunctis fidelibus, quanuis sint de uulgi fece, ita esse necessariam, ut sine illa salutem sperare nullo modo possint. Quam incredibilem delirationem, multis & magnis rationibus, apertissimisq; testimonijs Colonienſes reprimunt, atque principiò ostendunt, Sacram scripturam tot ac tantis esse difficultatibus implicatam, ut satis id magno argumento esse debeat, minimè consultum fore, omnes passim ac temere ad eius lectionem admitti. Id quod ex difficultatibus, quibus primum ac secundum Geneseos caput scatet, perspicuum faciunt. Neque facilia esse permulta loca in nouo Testamento, in quibus explicandis cum antiqui Patres multum insudauerint, plurima tamen non prorsus penetrarunt, aliqua uerò silentio suppresserunt. Quod ex ijs, quæ D. Augustinus scripsit in illa Ioannis uerba, Et ego nesciebam eum. & ex libro Apocalypsis satis constare dicunt. adeò ut neque Dominicæ passionis enarratio, quæ omnibus clara uideatur, suis magnisq; difficultatibus in conciliandis præsertim Euangelistis careat. Quas difficultates prouenire dicunt, tum ex peregrinis linguis, in quibus primum conscriptæ sunt (quam peregrinitatem cum in Latina, atq; adeò uulgari lingua exuere non omnino possint, ad earum exactam cognitionem linguarum peritia maximè est necessaria) tum ex tropis ac figuris, quibus sæpe abundant: quæ qui non percipit, fieri non potest, quin crebrò labatur ac decipiatur. Præter quæ oïa in primis scripturæ sacræ lectio inquit requirit excultos, & exercitatos sensus, hoïesq; eo spiritu afflatos, quo illæ dictatæ sunt. Quare iustissimè cautum esse dicunt, ne qui imperi

ti

*Aug. lib.
1. de Mo-
rib. Eccl.
Catholi-
ca.*

ti sunt, & ad discernendum uerum à falso, nondum purgatam mentem habent; de scripturarum difficultatibus unquam disceptent: sed id negocij ijs, qui probè hac in re uersati sunt, committant. Quod D. Augustinus non modò docet, sed usque adeò per spicuum ac facile ducit, ut qui uis uel mediocriter sanus, id facilè intelligere possit: semperque accideret ait, ut multa indoctis uideantur absurda, quæ cum à Doctoribus exponuntur, cò laudanda uideantur elatius, quò abiectius aspernanda uidebantur. Iuuenes uerò, quibus potissimùm sacras se literas tradere Monhemius profitetur, Colonienfes iudicant, ad earum lectionem aptos non esse, ut neque philosophiæ moralis accommodatos auditores ob immodicas animorum suorum perturbationes Aristoteles esse dixit. Non prohibent tamen quin illi, & populares homines, lectioni sacrarum literarum domi uacent, & scripturas illas euoluant, quas ad explicandum faciliores esse constat: deq; arcanis fidei nostræ mysteriis inter se conferant; quæ tamen in cõcionibus ac lectionibus didicerunt. quãdoquidem talibus colloctionibus, & timor Domini magis accrescit, & charitas uehementius excitatur. Omnibus tamen promiscuè totam scripturam legendam tradere, deq; illius difficultatibus iudicium imperitæ plebi committere, nihil esse aliud, quàm fidem in apertum discrimen conicere. Hæc ad summum est Colonienfium sententia.

HANC Kemnicius ea, qua pollet ueritate, modestia, integritate, ita peruertit, ut ex aliquibus locis, quos in sacris literis obscuros esse dicunt, omne

nes & Singulos tenebricosos dicat, usquædò ut nihil obscuritate uacuum reliquum fecerit: quæ de popularibus, uulgiq̃ue hominibus, & elatis iuuenibus dicuntur, ad doctissimos quosque accòmodet: quæ ex scripturis uulgi hominibus legenda permittuntur, interdìcta prorsus esse dicat. Vnde, quæso Kemnici, tam subita ista mutatio exitit? ò indicibilem conuersionem, ò inauditam metamorphosim, in qua neque uestigium quidem pristini status, reliquisti. Sed ut tua in mentiendo audacia illustrius pateat, ea, quæ adiungis uerba, referam.

Multis (inquis) Patrum testimonijs probant esse in scriptura quadam loca difficilia, & obscura, & inde inferunt; Ergo omnia & singula in scriptura sunt obscura; & illa per partes ita enumerant, ut ne historiam quidem passionis excipiant. Quàm sophisticum hoc argumentum sit, etiam pueri nostri intelligunt. Hiccinè candor est Evangelicus, Kemnici? hæc Christiana sinceritas? hæc inferenda sententia integritas? Hoc nam est Euangelium instaurare, fidem redintegrare, religionem renouare atque restituere? Quod, quæso, illud est Euangelium, de quo tunc uos præclarius mereri arbitramini, cum in fingendis calumnijs, inueniendis mēdacijs, fraudulētisq; interpretationibus excogitādis, ut famā optimorum hominum denigretis, acuti admodum fueritis & diligentes? Vbi, quæso te, uoces illas, omnia & singula, reperisti? ubi illam tam ineptam argumentationem, ubi puerilem illam collectionem legisti, ut ex obscuris aliquibus scripturæ locis, omnia esse obscura concludant? Si in numerandis folijs tam es diligens, de signa locum; & si quis apud tuos te etiam iniquior

ORTHODOX. EXPLIC.

iudex reperiri potest, qui Coloniensium uerba cum tuo axiomate conferre uoluerit, illius iudicio stemus, ille nobis ius dicat. Quod si facere non audebis, ij, quorum ortatu tam egregium opus aggressum te esse ais, intelligant, nihil te aliud quam illis, & uniuersæ Germaniæ imponere studuisse: & quatenus sit certa fides, præclara doctrina, pium religiosumque uiuendi institutum societatis Iesu, cognoscant, quam non nisi apertissimis mendacijs potuisti calumniari. nisi fortè te illa sefellit per partes numeratio sacrorum librorum, neque percepisti quorsum spectaret. Ausculta igitur diligenter. probant illa enumeratione apertè & euidenter, in singulis sacræ scripturæ libris, esse locos aliquot difficiles, ita ut nullus integer liber reperiri possit tam apertus & intellectu facilis, qui suis difficultatibus careat. Quod cum in omnibus singulatim demonstrèt, in Dominica etiam passione, summa inquit dexteritate opus esse, ut quatuor illa Euangelia inter se conciliari possint. Ex quo quàm præclarè sequatur, omnia, & singula, quæ in sacra scriptura comprehensa sunt, obscura esse, non tam es rudis ac stupidus, quin uideas. Quantum uerò tuum hoc axioma, ab illorum mente & uerbis abhorreat, si perlegas, quæ ipsi scribunt, cum interpretantur locum Chrysostomi, quo omnes ad sacrarum literarum lectionem inducit, apertè admodum uidebis. Docent enim, Chrysostomi exhortationem de ijs esse scripturis intelligendam, quas faciliores & explicationes esse constat: uel quia historiam continent, uel quia aliquando à sacerdotibus in publicis concionibus

nibus fuerunt exposita. Id ne est, Kemnici, omnia & singula obscura dicere? aut plebem ab omni scripturarum lectione detertere? an potius quæ ab eâ legenda sunt piè & sapienter consulere?

PLVRIMO s uerò locos in sacris libris tantis esse obscuritatibus obuolutos, ut sine magnis laboribus, multisq; ad Deum deprecationibus intelligi non possint, & ex sanctorum Patrum scriptis, qui in eo studio uniuersam ætatem consumpserunt, accepimus, & experientia discimus. Diuus enim Hieronimus cum Paulinum ad sacrarum literarum studiū horatur, uelamen inquit, non solum in facie Mosi, sed in Euangelistis & Apostolis positum esse. Quare illum & ad labores in sacrarum literarum meditatione exantlandos, & ad deprecandum intelligentiam assidue ab illo, qui habet clauem David, qua aperit quod nemo claudit, claudit quod aperire nemo alius potest, tanquam ad res ad hoc studium summè necessarias incitat. David enim sanctissimus cum diuino esset spiritu afflatus, diuinam tamen clementiā precatur, sibi ut nouam opem peculiareque auxiliū ferat, ut diuinæ legis meditationi tutò possit incumbere; quo si destituatur, labi ac decipi ueretur, Reuela, inquit, oculos meos, & considerabo mirabilia siue (ut Hebræa uerba sonant) recondita de lege tua. Plurima enim in sacris literis sub uerbis, quæ aperta uidentur, latent, quæ non nisi assidua meditatione patere queunt. Est enim uel hoc maximum diuinæ sapientiæ argumentum, quod omnes antiqui Patres cum in sacrarum literarum studium uigilantissimè incubuissent, & inde multa abstrusa & arcana

*Scripturâ
sacrâ dis-
ficilem es
per obscu-
ram esse.*

*Hierony.
ad Pauli.*

psal. 118

rogun

N 2 in lu-

in lucem edidissent, non tamen illud immensum pelagus ita potuerunt exhaurire, quin novos thesauros singulis diebus reperire detur. quæ abdita sacrarum literarum penetralia qui intropicit, solus ex Diui Hieronymi sententia sacras literas percipere dicendus est. Id uerò quàm longè à uulgi captu positum sit, quiuis sanus facillè intelliget. fuerunt enim uel hoc nomine maximè à Philone commendati egregij illi pietatis studio uiri, quos cultores uocat, qui temporibus Apostolorum mirum in modum eam maximè de causa floruerunt, quia omnem uitam, labores, cogitationes, uigilias, mentem denique ipsam ad sacrarum literarum lectionem compararunt. Qui uerò accuratè legerit, quibus illi optimi & sapientissimi uiri laboribus perfungebantur, ut earum germanum sensum compararent, facillè intelliget quàm longè ij absint ab illarum uera intelligentia, qui ita faciles eas esse arbitrâtur, ut imperito uulgo committi posse dicant. Esseos uerò illos siue cultores non in uerborum superficie hæsisse, sed occultos sensus assidue studio inquisiuisse, ijs uerbis Philo narrat, Videtur enim uiris istis uniuersa legis scriptura animantis similis esse; ita ut superficies uerborum, corporis, sensus uerò in uerbis reconditus, animæ sit loco. Quæ ipsorum religio præcipuè quasi per speculum nominum, eximiam sententiârum pulchritudinem relucentem obseruans contemplari cœpit. Quare ad scripturas intelligendas, non solo labore aut iudicio fidebant, sed ueterum etiam commentarios, ut idem Philo tradit, adhibebant.

*Euse. his.
Eccl. lib.
3. c. 17.*

Philo Iudeus.

*Cent. 1.
li. 2. c. 7.*

Sed uideo auctores earum Centuriarum, quæ nuper

nuper Basileæ excusæ in lucem prodierunt, præcipientanter atque petulanter (ut infinita propè alia) iudicare, hos Esseos, Christianos, haudquaquam fuisse. Quod nullo alio argumento persuadere conantur, nisi inuidia & penitus insito odio, quod in uoluntariam paupertatem, & in monasticum uiuendi genus sanctissimum, habent. quod quia à primis illis florentissimisq; Ecclesiæ tēporibus, ualde fuisse alienum putant, minimè etiam Esseos illos, qui in monastico uiuendi genere mirificè excelluerunt, Christianos fuisse ducunt. Qui tamen antiquitatis iniquissimi corruptores, si cogitatè perpendissent argumenta, & ex Philone ipso ducta testimonia, quæ ipsi ut leues coniecturas contemnunt, quibus ductus Eusebius, Christianis illos annumerat; minimè quidem tam temerè sententiam præcipitassent. Neque enim quæ de his sanctissimis uiris dicunt, in alios, quàm in Christianos quadrare ulla ratione possunt. Sed quid sperandum fuit de his centuriatis auctoribus, qui pudore semel abiecto, odio in omnem ueritatis speciem, tanquàm quibusdam furiis agitati, nihil non si bi licere, nihil se non posse fingere arbitrantur? neq; quod uis cōmentum petulantissimè inculcare dubitant? Quare per uiscera misericordiæ Domini nostri Iesu Christi oro atque obtestor omnes ueritatis amatores, ne mendacissimis illis uoluminibus fidem ullam habeant; in iis præsertim rebus, quæ ad impia sua dogmata confirmanda, nostra uerò euerrenda, spectant; sed cuncta ad suas origines diligenter reuocare studeant. Nihil enim perdit i isti homines non machinantur, nihil non torquent, ac luxant, nihil non

*Centuria
rum per-
fidia.*

*Hist. Ecc.
li. 2. c. 17*

*U. 2079
1. 1. 1
1. 1. 1
1. 1. 1*

non deprauant, nihil non fingunt, ut sua dogmata uerum omnium consensu fuisse comprobata mentiatur. Quare eos, qui sanctorum Patrum, & uniuersæ antiquitatis iudicio tantum tribuunt, quantum illorum est fidei auctoritati & sanctitati debitum, oratos uolo, ut quæ ab istis hominibus afferuntur, cum ipsis ueris exemplaribus conferant. neque enim late re eos poterit, quantam iniuriam sanctis Patribus & toti antiquitati fecerint. Etsi enim aliis in rebus, quæ ad rerum gestarum historiam pertinent, fallantur non semel; est tamen in illis decipi minus periculosum. In iis uerò quæ ad religionem attinent, ut periculosiora, ita & crebriora apud illos sunt atque intolerabiliora figmenta. Hæc ut nunc admoneam, inflamata in proximos mihi in Christo coniunctissimos charitas cogit, cum præsertim uideam, hos libros, in eorum potissimum manibus maximo cum applausu uersari, qui cum sanctos Patres aut nunquam aut minus attentè legerint, his perditissimis auctoribus plus æquo fidunt.

SED ut ad sacrorum uoluminum obscuritatem reuertamur, si Patrum sententias, Kemnici, diligenter expendas, uidebis sanè, quàm multis sudoribus, omnes sacrarum literarum intelligentiam compararint, eos tamen semper excipio & secerno, qui miraculo insolentiq̃ue Dei beneficio tam sunt gratiam consequuti, quæ alijs, magnis laboribus constitit. ut de magno illo Antonio Augustinus narrat. Diuus enim Hieronymus omni linguarum cognitione mirificè ornatus, testatur, se totam ferè adolescentiam in hisce studijs insumpsisse: neque

*August.
proem.
lib. 1. de
doctr.
Christi.*

que seipso tantum præceptore fuisse contentum, sed nunquam cessasse, doctos viros consulere, atque abditos scripturæ sacræ sensus ab illis perquirere. Quam tamen diligentiam, cum non satis esse putaret, ad rem tantam comparandam, Alexandriam perrexit, ut Didymum egregium illius tempestatis uirum, etsi luminibus orbatum, conueniret, & ab illo ea omnia sciscitaretur, quæ sibi in diuinis scripturis difficultatem afferebant. Hieronymi uero præceptorem Gregorium Nazianzenum, & Basilium, pietate, charitate, eruditione, uitæque instituto eius uerè sociū, splendidissima illa quidem duo Orbis lumina, tradit Ruffinus, disciplinarum omnium, quæ ad humanitatem pertinent, cognitione mirificè ornatos, ad monasterium, & locum ab hominum consuetudine remotū se contulisse, ibique per annos tredecim in sacrarum literarum studia incubuisse, earumque intelligentiam, non ex propria præsumptione, sed ex maiorum scriptis & auctoritate esse secutos, quos & ipsos ex Apostolica successione intelligendi regulam suscepisse constabat. Si diui Augustini acre ac propè diuinum ingenium, & in euoluendis abstrusis scripturæ sensibus incredibilem solertiam (ut par est) suspicis, per lege quibus uerbis; D. Hieronymus eum hortatur, ne miretur, si in eius libris quædam à recta linea discedant, & calumniæ ac reprehensioni pateant, cum scripturæ adeo obscuræ sint, ut in illis falli non sit difficile. Quare de scripturarum tam immensa altitudine ut oculorum aciem præstingat, ita cum Deo Augustinus loquitur; Mira profunditas eloquio-

*Hierony.
proem.
in epis. ad
Ephes.*

*Ruffinus
lib. 2. c. 9*

*Inter epi
stol. Au-
gust. e-
pist. 14.*

*Confessio.
lib. 12.
c. 14.*

*Dionys.
Alexan.
apud Eu-
seb. lib.
7.c.25.*

quorum tuorum, quorum ecce ante nos superficies blandiens paruulis, sed mira profunditas, horror est intendere in eam, horror honoris, & tremor amoris. Sanctissimus item, planeque diuinus Apocalypsis liber tâta est obscuritate inuolutus, ut ideò ab aliquibus de illius auctoritate, fuerit olim dubitatum. De illo tamen Dionysii Alexandrini, uiri sanctitate & eruditione illustrissimi apud Eusebiũ, iudicium modestiæ pietatisque plenissimum, atque à uestra intolerabili arrogantia ualde alienum ausculta, Maiori de hoc libro (inquit) existimatione concepta, quàm ut à me possit intelligi, arcanam quandam & admirabilem in singulis illius capitibus futurarum rerum expectationem contineri suspicor. etenim ubi illum non intelligo, altiore quendam sensum uerbis inesse cogito. neq; de istis meo intellectu inquiero, & iudico, sed fide potius acquiescens, sublimiora illa, quàm quæ à me intelligantur, esse puto; neque refuto ea, quæ non considerauì, sed magis admiror quod non & ipse perspexi. Has tu, quæso Kemnici, scripturas, agrestibus hominibus, colonis, sartoribus, rigidis opilionibus, fullonibus, uetulis, totique imperito uulgo, qui excolendo bonis artibus ingenio nauare nunquam potuit, committedas, esse, ut de illis sententiã ferant, arbitraris? Confer, quæso, quæ à uiris societatis Iesu in Coloniensi censura dicuntur, cum ijs sanctorum Patrũ testimonijs, & uide, an diuersum quid aut dicant, aut innuant, & an tuorum sophismatum ui possis in aliam sententiam illorum uerba trahere.

V I D E O quid suspiceris, & quàm temerè arbitris,

ris, scripturarum lectionem eos interdicere rudi uulgo, nisi ipsorum doctrina ad regulam scripturæ sacre exigatur, eorum fides & eruditio simul cum religione, uiuendiq; instituto sanctissimo periclitetur, quod ab errore imperitæ multitudinis potissimum pendere ducis. An non tibi sat erat, Kemnici, uerborum, sententiarumq; censuram tibi uindicare, nisi etiam animorum, intimorumque sensuum, & cogitationum iudicium tibi arrogasses? Quibus oculis illorum mentem & intentionem, quæ soli Deo patet, perlustrare potuisti? quæ iudicia tam iniquam suspensionem tibi mouere potuerunt? Interdicunt quidem imperitæ plebi lectionem diuinorum librorum, fateor, sed quo consilio? quia scilicet, in ijs multa sunt perobscura, in quibus cum hallucinari facile quiuis possit, qui illorum lectionem uulgo hominibus permittunt, illorum fidem in apertum discrimen coniiciunt. Hoc, quæso, est, nolle fidem ad regulam sacre scripturæ exigere, aut diuinorum uerborum iudiciū detrectare? Non meministi, Colonienſes Patres principio affirmasse, sacram scripturam, fidei esse regulam certissimam, cui qui repugnat, miserandis falsarum opinionum erroribus inuoluitur? Nam etsi non pauca sint fidei arcana, quæ in sacris literis apertè non explicantur, qui tamen ijs repugnat, quæ in diuinis literis continentur, impius certè, ac sacrilegus, non minùs illorum, quàm uestro sermone censetur. Quare omnia diuinarum literarum iudicio ita quidem metienda sunt, ut nihil probemus ab ijs diuersum, atque alienum, quæ scripta sunt: fides tamen catholica non ita est scripturæ sacre finibus circumscribenda, ac co-

arctanda, ut nihil credamus, amplectamur ue, quod in sacris literis scriptum non sit. Nam etsi omnia sacris literis comprehensa, uerissima sint, omnique erroris suspitione prorsus libera, non tamen omnia, quae Christiana fides credit, religio ueneratur, sacrarum literarum sunt monimentis consignata. Age igitur, Kenici, liberè & curiosè exige quaecumque in Coloniensi censura à uiris Societatis Iesu dicuntur, ad normam sacrae scripturae: audacter cõfer illorum placita cum diuinis oraculis, à quibus si quid abhorruerit, tibi herbam porrigam, & in illos te ipso etiam acerbius inuehar insectaborque uehementius, & quem ad illos defendendos conatum adhibeo, totum ad oppugnandos conuertam. Solum enim mendacium tenebris gaudet, ueritas uerò lucem amat: neque iudicis æqui conspectum reformidat. Sed si de ipsius scripturae sacrae uero sensu (quem non semper peruium esse, sed aliquando in obscuro delitescere ostendimus) quaestio oriatur, quis dirimendae controuersiae modus erit? quem iudicem sumemus? quis controuersiam sedabit? Nam dum quisque, quae sibi magis arridet, interpretationem mordicus defendendam suscipit, minimè quidem potest quid uerius sit, aut cum scriptura sacra magis consentiat, ultra ratione patere. Cum uerò omnis excitata controuersia legitimis iudicibus dirimatur, quem legitimum magis iudicem asciscere in quaestione de scripturae sensibus possumus, quam Ecclesiam ipsam, cui interpretandi scripturas spiritum promisit Christus? Quod si ut apertè paulò ante demonstrauimus, ad Ecclesiam pertinet, ea proponere, quae fidelibus necessario credenda sunt, hoc sanè proponendi munus,

Scripturas interpretari Ecclesiae est.

tam est cum interpretandi functione coniunctum, & copulatum, ut disiungi ac separari nulla ratione possint. Nam cum fides non feratur in externa scripturæ uerba, sed in ea fidei mysteria, quæ illis uerbis significantur, an non fucatus ac fallax proponendi modus est, si diuina tantum uerba & incognita sup-
 pedit, & illis uerò obuoluta sacra initia minimè aperire possit? Qui legendi imperito librum, in quo omnia fidei mysteria continerentur, porrigeret, & literarum Hebraicarum ignaro scripturæ sacræ uolumen Hebraicis literis conscriptum exhiberet; poteritne unquam ita insanire, ut dicat, se rudi huic & imperito homini proposuisse & demonstrasse quæ credere illū oporteat? Cum igitur permulta scripturæ sacræ loca uulgari lingua conscripta nihilo sint nobis persæpe clariora, quàm Hebræa, eius linguæ ignaris esse poterunt, quis dubitare queat, illius esse scripturam sacram exponere, cui fidelibus proponere quæ credenda sunt, ex officio incumbit? neque enim aliter officio suo fungi ullo modo poterit. Quod D. Paul. apertè his uerbis docet, Nunc autem si uenero ad uos linguis loquens, quid uobis prodero? nisi uobis loquar, aut in reuelatione aut in scientia, aut in doctrina, id quod in Musicæ instrumentis apertè demonstrat, Tamen, inquit, quæ sine anima sunt uocem dantia, siue tibia, siue cithara, nisi distinctionem sonituum dederint, quomodo scietur id, quod canitur, aut quod citharizatur? Etenim si incertam uocem det tuba, quis parabit se ad bellum? Ita & uos per linguam nisi manifestum sermonem dederitis, quomodo scietur id, quod dicitur? Eritis in aera loquentes.

I. ad Corinth. c. 14

ORTHODOX. EXPLIC.

Cumque longa oratione id ipsum amplificat, per
 spicuum tandem facit, inane esse, si diuina oracula
 is Christianæ plebi proponat, qui non est diuino
 spiritu donatus, quo illorum difficultates possit ape-
 rire. Quare qui interpretandi scripturas officium,
 & auctoritatem, cum summa sapientia coniun-
 ctam, Ecclesiæ denegat, non Ecclesiæ modò, sed di-
 uino etiam Spiritui illius rectori, atque gubernato-
 ri, insignem ignominiam inurit. Quò enim, quæ-
 so, semper spectauit Conciliorum frequentia, & cum
 etis retro sæculis illorum sacrosancta auctoritas, cum
 ingens aliqua de fide, atque religione digladiatio
 excitabatur, & de scripturæ uero sensu inter Catho-
 licos & hæreticos controuertebatur? Quorsum tota
 Ecclesia unum in locum conueniebat, illiusque de-
 creta ut diuina oracula pij omnes complectebantur,
 si aut diuina uerba ualde omnibus sunt manifesta,
 aut de abditis scripturæ sensibus sententiam ferre,
 Ecclesiæ munus proprium non est? Quare sapien-
 ter admodum in sexta synodo diffinitum est, ut om-
 nes, qui Ecclesiis præfunt, diebus Dominicis po-
 pulum doceant: et si qua ad scripturam pertinens
 controuersia excitata fuerit, non aliter quàm ex
 sententijs Doctorum ab Ecclesiâ probatorum di-
 rimatur; maioremque laudem ex illorum sensibus,
 quàm ex proprijs, intelligant se consequutos. Age
 uerò, Kemnici, perpendamus, quis magis uerita-
 tem uereatur, quis uehementius scripturæ sacræ se-
 uerum iudicium formidolosè declinet, ijne, qui in
 perobscuris scripturæ locis Ecclesiæ grauissimorum
 hominum auctoritatem, integerrimæ antiquitatis
 iudicium,

Can. 19.

iudicium præstolantur, aut qui hanc clarissimam lucem declinantes, imperiti vulgi, lixarum, calorum, opilionum, insanæque multitudinis sententiam audissimè quærunt? Ad horum uos sanè iudicium pro-uocatis, istos uestre causæ iudices expetitis, istorum sententiam in diuinis uerbis optatis, quos faciliè posse à uobis circunueniri quibuscunque uerborum lenocinijs longa experientia didicistis. Nos uerò, qui ueritatem unicè charam habemus, imperitæ multitudini, quæ non delectu aliquo, aut sapientia, sed impetu potius & quadam temeritate ad iudicandum ducitur, in re tanta iudicium aspernamur; clarissimam Ecclesiæ Prælatorumque lucem, quos Christus audiendos esse uoluit, sententiam, & auctoritatem ueneramur; conciliorum decreta, antiquorum Patrum sanctissimorum & doctissimorum interpretationes; summorumque Pontificum iudicium, qui spiritu Christi ad docendum, simul cum ip-sius uicario munere sunt exornati, exosculamur; horum iudicio standum esse, quando de diuinis uerbis quæstio oritur, arbitramur. qui enim ad colores discernendos, cæcos aduocat, an non falli ac decipi affectat? Quæ igitur maior temeritas excogitari potest, quàm, Ecclesiæ luce relicta, ad cæcutientis multitudinis iudicium confugere? an non apertè demonstratis, non ueritatem uos, sed decipiendi miseros & ignaros homines modum diligenter quærere? cum tales iudices efflagitatis, qui de comicis histrionibus, mimis, ac parasitis, qui ad auram popularem captandam se totos fingunt, potius quàm de uerbis Dei, sententiam ferre apti sunt? At, in-
quis,

quis, nullis alijs iudicibus quàm eadem ipsa sacra scriptura opus est, illa sui ipsius est præclarissimus expositor. ex clarioribus enim eius locis satis esse poterit perspicuum, & manifestum, quis sit obscurioris sensus. Sed quid tandem, Kemnici, fieri oportet, si quem tu locum clariorem esse, & obscurioris interpretem ducis, ego diuersam longè sententiam continere ualdeque dissimilem existimem? Cadere enim sæpe potest, ut loci illius, quem tu obscurioris interpretem asciscis, sententia plana & aperta sit, minimè tamen erit apertum, esse obscurioris, de quo controuertimus, eandem germanamque sententiam. Nam etsi tibi concefferim, nihil obscurum esse in uno loco, quod in alio non sit apertius & explicatius, (quod tu causæ quasi fundamentum collocas) minimè tamen concedam, semper constare posse, obscuri huius loci sensum, illum esse, quem his aut illis apertioribus uerbis scriptura explicauit. Aliter enim omnes iam scripturæ sacræ recessus paterent, omnesque illius essent difficultates enodatæ, atque nihil in illa esse potuisset tam reconditum, quod ex clarioribus locis non euaderet Patribus, & maioribus nostris manifestum. Quod ipsi non modò non agnouerunt, sed multa esse dicit, Irenæus tam recondita, ad quæ mortalium nemo possit penetrare; sed quæ soli diuinæ cognitioni committenda sint.

SED Kemnicus arbitratur, Colonienfis censuræ compositores, ueteratoriè omisisse distinctionem illam, quæ tam apud Irenæum, quàm apud Augustinum extat; omnia scilicet ad fidem moresque uiuendi

uendi necessaria, inueniri in planis & apertis scripturæ sacræ locis, etsi multa in ea sint ualde difficilia & obscura. Vt uerò de Augustino primùm loquar, fateor illum non semel id planè & apertè asserere. Ita enim scribit, Magnificè igitur & salubriter Spiritus sanctus, ita scripturas sanctas modificauit, ut locis apertioribus fami occurreret, obscurioribus autem fastidia detergeret. nihil enim ferè de illius obscuritatibus eruitur, quod non planissimè dictum alibi reperiatur. Quæ uerba de ijs esse mysterijs intelligenda, quæ credere hominem necesse est, non obscurè idem Augustinus docet, ad Volusianum ad hunc modum scribens, Tanta est, inquit, Christianarum profunditas literarum, ut in eis quotidie proficerem, si eas solas ab ineunte pueritia, usque ad decrepitam senectutem, maximo ocio, summo studio, meliore ingenio conarer addiscere. Non quod ad ea, quæ necessaria sunt salutis, tanta in eis perueniatur difficultate.

*August.
lib. 2.
de Doct.
Christiana.*

Epist. 3.

I R E N A E V S uerò contra Valentinianos agēs, qui præter unum Deum omnium fabricatorem, aliud principium & Deum esse tradebant, idq; ex obscuris & parabolicis scripturæ sacræ locis persuadere nitebātur; apertis uerbis ait, regulam ipsam ueritatis in scripturis sacris in aperto positā esse: satisq; ex ipsis constare, unum esse deum, qui omnia fabricauit, conseruat, & procurat. Quare nihil magis decere hominem Christianum, quàm in hac Dei clara & dilucida cognitione immobiliter hære, animumq; suum pro innumeris à Deo acceptis beneficiis charitate augere. Quòd si multa in scripturis offendit

rit

ORTHODOX. EXPLIC.

rit quorum intelligentiam consequi minimè possit, alterum tamen Deum præter eum, qui est non requirat. Quod ego sic interpretor, ab ea tamen fidei persuasione, quam ex scripturæ planis locis est consequutus, diuelli se nulla ratione patiatur. Persuasi enim (inquit) esse debemus, sacram scripturam à Dei uerbo ac spiritu dictatam esse: quare perfectissima est, nihilq; continet non magnum, egregium & uerum. Sed tamen minimè mirandum est, si cœlestia mysteria, & quæ diuina reuelatione opus habent, nos lateant, quos eorum etiam, quæ quotidie manibus uersamus, & oculis ituemur, multa fugiūt. Quod cum multis doceat exemplis, & rationibus, tandem concludit, multa in iis, quæ in scripturis sanctis posita sunt, Deo committenda esse: illiusq; cognitioni reseruanda. Diuina enim prouidentia ita sacras literas temperauit, ut in iis semper sint, quæ homo discere, quæq; Deus docere possit, tam in hoc, quàm in futuro sæculo: & inter hæc exempli gratia numerat hanc quæstionem, Antequàm mūdum faceret Deus, quid agebat? Quo exemplo ita triumphat Kemnicius, ac si Irenæus significare uoluisset, talia esse cuncta, quæ in diuinis latent scripturis: quæ scilicet neque ad fidem augendam, confirmandam aut amplificandam, neq; ad mores informandos ualeant. Non tamen aduertit, Irenæum hoc exemplo usum fuisse, quia contra Valentinianos, cum quibus illi res erat, ualde esset accommodatum, & ex causæ uisceribus desumptum.

Quæ sententia à me fuit latius fortè, quàm par erat explicata, quia magnam spem in ea collocat Kemnicius persuadendi, scripturæ sacræ obscuritatem

tem minimè impedimento esse debere, quominus à
uulgo promiscuè legatur, cum omnia ad salutem ne-
cessaria nullis sint obstructa difficultatibus, nullisq;
obscuritatibus inuoluta; atque idè truncatè, & de-
curtatè in Colonienfi censura prolatam fuisse, petu-
lanter calumniantur. Illam uerò qui consideratè per-
penderit, faciliè intelliget, ita ea, quæ ad salutē sunt
necessaria, apertis esse uerbis in sacris literis explica-
ta, ut quæ latent, eius modi sint, in quibus faciliè deci-
pi, ac falli, Valentinianus, eiusque sectatores potue-
rint. Quod periculum quānam quæso ratione im-
perita plebs euadere poterit? Nam ut tibi liberali-
ter demus quod tantopere præter rem optas, omnia
scilicet, quæ quemuis credere, ac agere necesse est, in
scripturis satis esse explicata, consequi ne inde pu-
tas nihil periculi in obscuris esse scripturæ locis? O'e-
gregium dialecticum, o' subtilem & acutum disputa-
torem. Ignoras ne, homo disserte & argute, permul-
ta esse, quæ ignorare tutò quis potest? in quibus ta-
men errare ac falli nemo sine magno scelere, & aper-
to fidei discrimine potest? multaq; esse Christianæ fi-
dei arcana, quæ quidem omnes comperta habere mi-
nimè tenentur; quorum tñ oppositum sibi obfirma-
to & pertinaci animo persuadere, impietas est, cum
summo scelere coniuncta? Quot in tuis hisce scrip-
tis sunt temerariè asserta, procaciter scripta, perti-
naciter defensa, quæ præstaret cum multis ignorare?
Quot portenta in Ecclesiam inuexerunt Adamiani,
Gnostici, Apostolici, Melchisediani, Sabelliani, Enc-
ratici, Manichæi, Donatistæ, Pelagiani, atq; reliqui
mōstrorū inuētores, & excogitatores, curiosa aliquo

rum myſteriorum indagacione, quæ ſi perpetuò deliteſcerent, potuiſſent quidem ſine periculo à fidelibus ignorari? poſtquam tamen excitata, multorumque furore uentilata ac deprædicata ſunt, in illis errare ſine funeſta animorum ſtrage, multorumque perditione non potuerunt. Nam cum D. Auguſtinus cæteriſque ſancti Patres docent, omnia ad ſalutem neceſſaria in propatulo loco poſita eſſe, haud quidem ſentiunt, omnia fidei myſteria patère, ſed illa ſolum, quæ ignorare nemoque fidelis, ſine crimine poteſt. Multa hancque in ſcripturis deliteſcere, quæ ex hæreticorum inſania & deliriis occaſione accepta ſunt illuſtrata, idem Auguſt. ſæpe docet. ita enim ſcribit; Multa quidem ad fidem Catholicam pertinentia, dum hæreticorum callida inquietudine exagitantur, ut aduerſus eos defendi poſſint, & conſiderantur diligentiſſus, & intelliguntur clariſſus, & inſtantius prædicantur, & ab aduerſario mota quæſtio, diſcendi exiſtit occaſio. Et in epiſtola, quam citat Kemnicius, & cuius nos uerba paulò ante retulimus, Poſtquam ait ad neceſſaria ſaluti non tanta perueniri difficultate, mox addit; Sed cum quiſque ibi fidem tenuerit, ſine qua piè recteque non uiuitur (uide Kemnici quæ patère in ſcripturis dicat Auguſtinus) tam multa, tamque multiplicibus myſteriorum umbraculis opaca, intelligenda proficientibus reſtant; tantaque non ſolum in uerbis, quibus dicta ſunt, uerum etiam in rebus, quæ intelligenda ſunt, latet altitudo ſapientiæ, ut annoſiſſimis, acutiſſimis, flagrantiffimiſque cupidi- tate diſcendi, hoc contingat, quod eadem ſcriptura quodam loco habet; Cum conſummaverit homo,

tunc

Auguſti.
lib. 16.
de ciui. c.
2.

Auguſti.
Epiſt. 3.

tunc incipit. Finge igitur, in eum locum, quem Augustinus describit, non modò uerbis, sed rebus etià obfcurissimum, ut quis incidat, an non poterit illa abstrusa mysteria sine salutis periculo ignorare? quæ tamen si uelit sibi nimio plus fidens, curiosè & audacter perferutari, non ne impia atque sacrilega opinione sese faciliè induere poterit? An non ex pio impius, ex catholico, fidei desertor, ex religioso nefarius euadere faciliè poterit? His profectò exordiis quàm plurimæ hæreses natæ sunt: hoc quasi pabulo altæ, auctæ, & in immensum propè amplificatæ, longè lateque peruagatæ sunt. neque alia quidem ratio ne uestre conseruari hucusque potuerunt: è quibus perpauce admodum in iis rebus uersatur, quas explicatè, enodatè & distinctè siue, ut Theologi nostri loquuntur, explicitè rudem plebem scire oporteat; aut quarum cum ignoratione pietas, religio, diuinusq; minor existere, augeri, conseruarique non satis possit. Cum tamen imperita plebs uestris consiliis importunisque suasionibus decepta, & altius sapere quàm ipsius uitæ institutum patiat, & de religionis nostræ arcanis mysteriis scripturarum temeraria lectione iudicare uult, pari uobiscum scelere & impietate inuoluitur.

Et si enim Christianæ religionis fundamentum in fide positum sit, non tamen ad unum omnes, una, eademque lege tenemur sed, pro muneris caputisque ratione, diuina sapientia obligationem temperauit. Nam qui Ecclesiæ sunt pastores, doctorumque munere perfunguntur, explicatius credere astringuntur omnia, quæ Ecclesia uera esse docet:

& ita esse instituti debent, ut cum necessitas postulauerit, errores exortos refellere, pseudo Euangelistas redarguere, fidei aduersarios profligare, Satanæ emissarios ab Ecclesiæ finibus propulsare, probè sciant. Cum enim illorum potissimum sit munus, super gregem sibi traditum semper animo excubare, doctrina sana uitæque inculpatæ exemplo cum pascere, fide instituere, Christianamque disciplinā docere, quis erit tam bardus, qui ignoret, oportere illos eisdem præceptis abundare, quibus alios instituere debent: talibus esse disciplinis instructos, quibus fidei, cuius sunt doctores, rationem reddere, præclarè ualeant? talibusque armis esse munitos, quibus gregem sibi traditum à luporum moribus ualeant uindicare? Neque enim de his, quæ ignorat, iudicium ferre quis commodè potest. Quare Diuus Paulus in potissimis Episcopo necessarijs uirtutibus, ad Titum Cretæ Episcopum scribens numerat, amplecti eum, qui secundum doctrinam est, fidelem sermonem, siue debere *ἀντιχρίστου* hoc est animi sensibus illum comprehensum ac notatum habere, ut potens sit exhortari in doctrina sana, & eos, qui contradicunt, arguere. Neque dissimilis est Diui Petri sententia, qui, non satis esse putat, si Ecclesiæ maiores in fide sint apprimè instructi: nisi & de ea, quæ in ipsis est spe, rationem reddere probè norint.

ad Titū
C. 1.

Petri 1.
C. 3.

I A M equidem uestros cachinnos, atque in quorundam Episcoporum ignorantiam schismata præsentio: quam tamen Ecclesiæ calamitatem, non esse minimam confiteor, illamque cum Hieronymo & Chry-

& Chrysostomo simul lugeo; lugeo (inquam) non eorum Episcoporum solum, sed omnium communem miseriam, eoque impensius lugeo, quo illis uos magis deuincti, & obligati estis, magisque uestris impijs conatibus improuidè fauerunt. Prælatorum enim partim inscitia, partim negligentia factum est, ut uestra impietas tantopere aucta, tam latè propagata, atque tandiu conseruata permanserit. Si enim talibus pastoribus Christi Ecclesia frueretur, qui Lutheri tui nefarijs conatibus, & scirent, & ualerent obsistere: ouesque suas uel uita sanguineq; redimere uoluissent, fuissent quidè haud dubiè illius impiæ blasphemix in ipsis quasi faucibus compressæ. Quare me ualde pudet, quòd illos neque possim omnes, neque debeam excusare. non enim inficior, tales esse aliquos Episcopos, qui cum instruendi alios munus libenti animo susceperint, tanta nihilo secius diuinarum rerum ignoratione laborant, ut Doctorum tam sui, quàm ouium causa egeant patrocínio. quos tamen confitemur eò in maiori periculo uersari, quòd lubentius prouinciam susceperunt, quam minimè sustinere posse sciebant, aut certè ignorare non debuissent, sæpe enim fit, ut D. Chrysostomus auctor est, ut Ecclesiæ Christi antistites, qui uitam agunt innocentissimam, & ab omni sibi scelere temperant, alienorum scelerum, quibus uerbo & auctoritate occurrere atque obsistere debuissent, causa damnentur. Quare nos Ecclesiæ fidem ita suspicimus, obseruamus, exosculamur, ueneramur, ut ministrorum illius nati, quibus est coinmaculata, & quibus prorsus carere quandiu do-

*Chrysost.
in Ioan.
bom. 85.*

mos luteas habitauerit, non potest, nobis ualde displiceant. de quibus non possumus sine multis lacrymis, & magno dolore cogitare; diuinamque bonitatem ut eos diluat, obnixè studioseque precari. Verùm quemadmodum perditorum hominum latrocinia, diuinæ legis uim atque integritatem, qua prohibentur, non tollūt; & reliqua sceleratorum crimina, diuinorum decretorum sanctitatem non minuunt, ita neque quorundam Prælatorum inſcitia tollit, quominus, natura etiam ipsa docente, teneantur, in diuinis scripturis, Ecclesiæ fide & disciplina ijs esse perquam instructi, qui docendi alios munus sustinent. Acquitatis enim iusticiæque ratio postulat, ut tantò quisque in diuinarum rerum cognitione alios excellat, quantò Ecclesiastica dignitate longius antecellit.

AL. VERVM plebs cuius potissimum est munus, maioribus fidem adhibere, & eorum præceptis obtemperare, non dubito quin præcipua fidei capita credere explicitè obligetur; ut pote, Deum trinum esse ac unum; Dei filium nostra sese mortalitate induisse, cruci affixum fuisse; mortem oppetiuisse, ut hominum scelera dilueret; à mortuis resurrexisse; ad coelos conscendisse; sub panis uiniq; speciebus, uerum subesse Christi corpus ac sanguinem, ac tandem reliqua omnia Christi mysteria, quæ Ecclesia anniuersaria celebritate colit. Sunt enim Ecclesiæ festiuitates, ac reliquæ ceremoniæ, tacitæ quædam uoces, & perennis doctrina, qua Christiana plebs fidei mysteria discere, atque ad gratiam & charitatem beneficiorum commemoratione incita-

ri possit. Quare nix ulla esse potest tanta ruditas, quæ hæc ignorare sine crimine queat, si præsertim non desint, qui plebē instruant, tacitasque hæc Ecclesiæ voces explicent. Abstrusiora uero magisque recondita religionis nostræ mysteria, satis erit, si rudis plebs implicatè credat, confiteaturque omnia, quæ sacris literis continentur, & catholica docet Ecclesia, uera esse: paratæque sit an imo, ea tunc explicatè credere, cum illi constiterit, inter fidei placita contineri, quibus profectò armis contra omne infidelitatis genus satis erit tuta. neque possum, non illorū sententiam maximè commédare, qui existimat, non fore consultum, plebis fidem subtilius indagare, aut perdifficiles & perobscuras de religione nostræ quæstiones coram illa copiosè discutere, cum neque uiuendi genus, neque ingenium illis habeat accommodatum. nisi fortè hæreticorum prauitate & impietate imbuta, deceptionibusque hallucinata fuerit; tunc namque nullum est prætermittendum persuasionis genus, nullum tam reconditum abstrusumque mysterium esse potest, quod non sit illi explicandum, ut ab impietate ad pietatem ueramque fidem reuocari possit. quod ut luculentius pateret, libenter admodum retulissim integræ Imperatoris Constantini Magni epistolam, pietatis prudentiæque plenissimam, qua Alexandrum Alexandriæ Episcopum, uirum sanctissimum, & Arriū hæreticum carpit, quod perobscuras de Trinitate quæstiones coram plebe principiò discusserint, Qua incōsiderantia pax turbata, mutua charitas, populo in diuersa studia diuiso, in graues inimicitias conuersa, fides labefactata est, omnesque

D. Thomas, secundæ secundæ.

q. 2. art. 6. ad secundum.

Euseb. li. 2. de uita Constantini et So. crat. scol. lib. 1. c. 7

omnesque illæ tragœdiæ atque incendia, quibus Ecclesia tandiu conflagrauit excitata sunt. aliquot tamen uerba non possum non transcribere, non minus Kemnicio, quàm Arrio accommodata. Quantus est (inquit) unusquisque hominum ut possit ita magnarum rerû, & ualde difficilium uirtutem, aut ad perfectum inspicere, aut interpretari dignè? Aut si quis hoc facere (difficilimè tamen) possit, quantæ parti populi suadebit? aut quis tantarum quæstionum subtilitates extra lapsus sui periculum sustinebit? Ergo scienda sunt in talibus multiloquia, ne fortè dum infirmitati nostræ minimè, quod proponitur, explicatur, mente discentium creditorum profundiori intellectu, ad perfectam quæstionis perceptionem peruenire non ualente, ad necessitatem blasphemix aut schismatis, populus adducatur. Neque diuersum sentit Magnus ille Dionysius Areopagita, Pauli auditor, qui admonet Timotheum, ut recondita illa mysteria, quæ ipse de Ecclesiastica hierarchia scribit, nemini tradat, nisi æqualibus suis reuerentissimis præsulibus, quibus sacra tractare institutum est, Ipsosque (inquit) pontificio iure monebis, munda ut munda contingant, solisque communicent diuinadiuinis. Et paulò inferius testatur, ab Apostolis fuisse institutum, ut sacræ res corporearum, & aspectabilium rerum inuolucris regerentur; ceremoniisque occultarentur; ne uniuersa plebs ea tractaret, quæ minimè capere poterat. Quis uerò ita infaniet, ut Apostolos arcanorum mysteriorum cognitionem plebi inuidisse dicat? quam ut à nefario dæmonum cultu, ad ueram religionem Dei quæ certam cognitionem

*Dionys.
lib. de Ec-
clesias.
Hierar-
chia.
C. 1.*

gnitionem reuocarent, nullum non laborem pertulerunt? At diuino Spiritu afflati, prudentissimè existimauerunt, tamdiu plebis fidem saluam ac tutam fore, quandiu se intra suos terminos contineret, neque ea uoluisset curiosè perscrutari, quæ quidem cum ad salutem minimè necessaria essent, ad peruestigandum certè ualdè erant lubrica & periculosa. Quod D. Basil. uberius ac fusius tradidit.

*Basil. lib.
de Spiritu
sancto.*

SCIO maledicta & probra, quæ in nostros theologos asperè, ferociter, & liberè cōfers, propter distributionem illam fidei in implicitam & explicitam. Fidē enim implicitam, *Babylonicam seruitutem* appellas, quæ nec sciat, nec cogitet, nec quærat num incertis & perspicuis scripturæ testimonijs fundata sit, sed tātū seruēt. C. Si Papa. Est enim (inquis) fides implicita simpliciter seruilis opinio, non ex uerbo Dei, sed ex humana persuasione concepta. Atquē hęc non est uera illa fides, quam scriptura celebrat.

*De fide
implicita,
& explicita.*

TAM crassa inscitia, rerumque, de quibus agitur, tanta ignoratio, simplex quidem docendi genus potius, quàm acrem disputationem requirit. Neque enim fieri potuisset, ut fidem implicitam tam acriter insectareris, & tam turpiter uituperasses, si illam aliqua ex parte cognitam atque perspectam habuisses nisi tam es insolens & amens, ut omnium te diuinorum consiliorum participem esse, & in omnia scripturæ sacræ arcana penetrasse (quod nemini hominum adhuc contigit) arbitreris. Cum enim implicitum illud dicatur, quod aliqua in re absconditum latet, fides implicita, constans est ac firma persuasio, quod omnia sacris literis contenta, & ab Ecclesia credita, uera sint; quantumuis mihi ignota sint. Omnis enim

*Quid sit
fides implicita.*

Q. nim

nim fides implicita in re aliqua explicitè & enodatè
 credita fundatur. Omnes uerò cùm implicitè creda-
 mus, sacram scripturam à Deo reuelatam fuisse, atq;
 adeò diuinam ueritatem continere; etsi certò scia-
 mus eorum, quæ ibi continentur, multa nostram
 cognitionem fugere, firmiter tamen omnes cuncta
 diuinis literis comprehensa uera esse credimus, quæ
 cum primùm diuina bonitate enodata, Ecclesiæ quæ
 reuelata claruerint, & in illorum cognitionem quis
 uenerit, explicitè tum illa credere incipiet, quæ im-
 plicitè, hoc est, in fide scripturæ sacræ occultata cre-
 debat. Qui igitur implicitam omnem fidem execra-
 tur, an non satis prodit, se aut sola illa scripturæ loca
 uera esse existimare, quæ intelligit, aut arbitrari om-
 nia illius penetralia ita lustrasse, secreta quæ ita habere
 cognita, & animo comprehensa, ut nullius intelligē-
 tiam desiderare possit? qua insania, quæ maior esse
 potest? Sancti enim Patres fidem sapienter ad mo-
 dum cum luce compararunt; quæ cùm principio ob-
 nubilata appareat, magis tamen ac magis consequē-
 ter splendescit. Multa enim fidei mysteria illis fue-
 runt quondam ignota, quæ nobis sunt nunc comper-
 ta satis, & explorata. Cum tamen omnia sacris lite-
 ris complexa uenerarentur, & suspicerent, multa sa-
 nè implicitè illi crediderunt, quæ nos explicitè & e-
 nodatè credimus. Neque dubium cuiquam esse po-
 test, secretorum Dei thesaurū adhuc exhaustum mi-
 nimè esse; sed multa superesse uenturis temporibus
 reuelanda, nobis prorsus ignota. Quocirca fidem im-
 plicitam, abominari & detestari, est aut effrenati præ-
 cipitati quæ furoris, aut profligatissimæ & perditissimæ
 impietatis.

impietatis indicium. Interea uerò quæ Christianorum uulgus explicatè credit, hoc unum profectò est maximè necessarium, unam scilicet esse Ecclesiam Catholicam & Apostolicam, quæ columna est, & firmamentum ueritatis. Cum uerò omnia, quæ hæc Ecclesia credit, particulatim ille nosse, aut propter ingenij tarditatem, aut doctrinæ inopiam non possit, quæ admodum reliqua omnia fidei mysteria implicata in articulo de Ecclesia continentur, ita uulgus implicatè illa credere, quæ explicatè minimè nouit, censetur, cum ueram illam & incorruptam fidem esse animo obfirmato, & sine ulla dubitatione credit; quàm hæc Ecclesia colit, & obseruat. Quàm ineptè uerò à te dictum sit, hanc uulgi nostri fidem, non ex uerbo Dei, sed ex humana persuasionem conceptam esse, satis is perspiciet, qui humanis persuasionibus, non alia ratione Christianum populum fidem adhibere intelligit, quàm quia diuinis uerbis illas niti certò credit. Neque enim Ecclesiæ Catholicæ fidem certissimā esse, alio nomine fideles persuasi sunt, quàm quia diuinis oraculis illam inniti & sustentari, exploratum habent. Quare qui persuasionibus ministrorū Ecclesiæ parèt, magis quidē diuinis se uerbis, quàm humanis persuasionibus credere constāter arbitrantur. quia enim non humanas sed diuinas uoces illas esse ab humano ore emissas ducunt; omni mentis elatione semota, intellectum sub iugum fidei mittūt, in obsequium non hominis quidē, sed Christi. Nihil enim ad ueritatem, certamq; rei cognitionē refert, uerbo ne an scriptura illa tradatur. Vt autē cū sacras literas perlego, non chartæ aut atramento cha-

*primæ
ad Tim.
6.3.*

*Caieta -
nus fecit
da fecun
da. q. 2.
art. 3.*

raâteribus'ue ipsis, sed scribentis auctoritati fidem adiungo, ita & dicentis Dei auctoritas, cuius uoces audire puto, cùm Ecclesiæ ueros ministros audio, me sola mouet, ut magnas & à uulgari sensu maximè remotas res, firmiter credā. Quare quæadmodum qui ex sacris libris diuina quædam mysteria haurit, recôditaq; in illis alia ueneratur, nō characteribus ab hominibus compositis, scriptori'ue ipsi, sed diuinis uerbis, quæ ibi contineri certò credit, se fidem adiungere arbitratur; ita qui ministros Ecclesiæ audit, illorū monitis & præceptis paret, diuinis uocibus parère, non humanis persuasionibus commoueri, arbitratur. Cùm præsertim eadem Ecclesia, quæ scripturam illam diuinam esse testatur, hæc in illa contineri; & uera esse doceat: cuius testimonium aut ubiq; contēnendum, aut ubiq; certè amplectendum est. Quare consideratè admodum ab aliquibus magni nominis Theologis dictum est, quòd si quis rudis, & imperitus in aliquibus abstrusis magis & reconditis fidei mysteriis, quæ ille explicitè credere minimè astringitur, ab Ecclesiæ primoribus, quos fideles esse iudicat, decipiat, non est fidei proditor & hæreticus habendus, quandiu errori pertinaciter non adhiæserit, sed ueram se Ecclesiæ fidem tenere imperitè iudicauerit. quales apud uos aliqui esse fortasse poterunt, quibus non minùs ingenii tarditas rerum quæ omnium ignoratio, in tanta religionis perturbatione, fideiq; iactura salutis occasio sit, quàm uobis eruditionis insolens ac uana ostentatio, Euāgelijque inanis opinio sempiternum interitum certò afferet, nisi aliquando diuino beneficio resipiscatis:

tis. fidem enim Christiana plebs in abstrusioribus fidei quæstionibus, Ecclesiæ primoribus idèd solùm adhibet, quia uerum illos & incorruptum Ecclesiæ sensum, conseruare iudicat: cui tanquàm ad immotam quandam columnam adhærescit.

At non memineram te calumniandi effrenata libidine ita infaniuisse, orationemque tam temerè præcipitasse, ut *omnem illam fidem falsam esse dicas, seruitutemque Babylonicam appelles, quæ nec sciat, nec cogitet, nec querit, num incertis & perspicuis uerbi Dei testimonijs fundata sit.*

Quæ si uera sunt, ò infelices agricolas, miserandas anus, infelix, sordidum, & abiectum uulgus, duram & crudelem eorum fortunam, qui nec characteres ipsos nouerunt, neque unquam sacras literas legere præ ingenij tarditate poterunt. Quam enim, quæ so, salutis uiam ingredi poterunt? quis aditus illis ad Christum patere poterit? Sine fide impossibile est, placere Deo: fides, quæ nescit, an in perspicuis uerbi Dei testimonijs fundata sit, uera. (ut ais,) non est: id sine sacrarum literarum cognitione esse non potest, illas legendo terere rudes omnino, & ignari non possunt. Quæ iam igitur illis relinquitur salutis spes? quam poterunt salutis consequendæ ratio, nemini inire? cum antea ex Christi & Pauli uerbis didicissem, fidem & constantem persuationem de articulis fidei, cum ardenti charitate coniunctam, ad salutem consequendam satis esse, nullam esse existimabam tantam ingenij tarditatem, nullas tam barbaras & incultas gêtes, quibus non esset ad Christum facilis aditus, cum præsertim quæ ad fidem necessaria esse diximus, capere quiuis possit; & ad

Hebr. II.

chari-

charitatem Spiritus sancti impulsu omnes incitentur. Nunc uerò cum audio sine sacrarum literarum cognitione, egregiaque doctrina, fidem constare non posse, incipio iam (si Kemnicio fides habenda est) de agrestium hominum salute desperare, solisq; peritis uiris, regnum coelorum patere posse arbitrari. Vt uerò reliquas gentes duras, agrestes, nullaq; re magis quàm mentis stupore insignes taceam, solosq; Aethiopes commemorem, quorum plurimi iumentorum ruditatem potius, quàm hominum ingenium præferunt, adè ut magna cum difficultate, & assidua consuetudine, uix Dominicam orationem, Apostolorum symbolum, præcipuaque fidei nostræ capita retinere, aut capere possint; nullam'ne illis salutis spem reliquam facies? gratis pro illis Christum mortuum fuisse iudicabis? Non te pudet Christi benignitatem, Euangelij suaue iugum, in tantam immanitatem & crudelitatem cōuvertere? Omnes neruos si syluestris quiuis homo ad Christianam disciplinam capeffendam comparet, articulos fidei memoria complectatur, ac constantissimè credat, Deum totis uiribus totoq; animi affectu diligat, sacras tamen literas nec assequi, nec mente retinere ullo modo possit, huic erit'ne aliqua salutis spes relicta? Si nulla, satis quidem patet, huic perditionis causam non tam esse animi peruersitatem, quàm naturæ ipsius hebetudinem, & stuporem, quas naturales affectiones neque in laude, neque in uituperio ponendas esse sancti Patres semper cū philosophis omnibus iudicarunt. Si uerò ad salutē aditus ei patere adhuc potest, est igitur in illo uera

fides

fides: etiam si nesciat, quibus diuini uerbi testimonijs fundata sit. Diuum Antonium eremitarum omnium parentem, quem meritò omnis est admirata antiquitas, literarum cognitionis omnino expertem, ac rudem per diu extitisse, diuinorumque uerborum præclaram cognitionem, tandem fuisse peculiari Dei beneficio consequutum, tradit D. Aug. *Lib. 1. de doc. Chri- stia. in proæ- mio.* Atque item seruum quendam barbarum triduanis præcibus, ut legendi peritiam consequeretur, Deum exorasse. Hos igitur antequàm talibus à Deo cum larentur beneficijs, uera fide fuisse destitutos diceres? Cùm tantum gratia apud Deum ualebant, ut maximū hoc donum impetrare potuerint, neque semina quidem Christianæ religionis habuisse iudicabis? Nam si cum diuinorum uerborum cognitione, simul fides incipit, hos sanè ante infideles fuisse, dicas necesse est. Plurimos uiros sanctitate illustres numerare possem, quorum uirtutum documentis, antiquæ sunt historiæ exornatæ, qui quanuis sacrarum literarum fuerint omnino ignari, cum tamen admirabilem quādam uitæ innocentiam cum ardenti Dei dilectione copularint, raræ cuiusdam sanctitatis exemplar uniuersæ Christianæ Reip. existerunt. Il igitur cùm nesciuiissent, in quibus uerbi Dei testimonijs eorum fides fundaretur, fide ne erant uera destituti, omnisque illorum opera, quam in uirtutum maximarum studio tandiu collocarunt, inanis fuit ac uana? Quòd si inquirere illos saltem oportere ais, quæ nam Dei uerba articulorum fidei sint fundamenta; non uides iam necesse esse, ut humanis persuasionibus fidem adiungerent, & id uerbum

bum Dei esse crederent, quod Ecclesiæ maiores uerbum Dei esse dixissent, illorumque dicta diuinorum oraculorum instar, uenerarentur, fidei enim essentia & natura, satis quidem completa est, & absoluta, si credam, Iesum Christum, uerum esse Deum, ac hominem; quia id à Deo reuelatum est, etiam si ignorem quibus scripturæ uerbis id fuerit reuelatum. Sed quoniam Diuinitate Augustini uestigijs insistere præ te ferre, callidè studes, illius; quæso, hac de re apertam planamque sententiam ausculta, ut aliquando tandem Christi Ecclesiæ insultare desinas: sic enim scribit, Homo, ita fide, spe & charitate subnixus, ea inconcussè retinens, non indiget scripturis nisi ad alios instruendos. Itaque multi per hæc tria etiam in solitudine sine codicibus uiuunt; unde in illis iam arbitror completum esse quod dictum est, siue prophetiæ euacuabuntur, siue linguæ cessabunt, siue scientia destruetur.

Aug. 1.
lib. de
Doct.
Christiana.
c. 39.

KEMNICIUS uerò quia semel cum suo Luthero insanire cœpit, cum eodem ait, *Dei filium non tantum libertatem dedisse, sed præcepisse suis auditoribus, ut omnem doctrinam ad regulam scripturæ sacræ exigent, cum ait apud Ioannē, Scrutamini scripturas.* Ita enim suis est præceptoribus ad dictus, ut nihil afferat apud suos non putidum & protritum, à nostris uerò sæpius profligatum: aded ut ne modestiæ quidem specimen aliquod nouum exhibere uoluerit. Secundò idē probat, *ibid.* inquit, *Act. 17. Berrehenfes laudantur, quod quotidie scrutabatur scripturas.* Quare concludit, impium esse, & à lege Christi longè alienum, temeraria lectione scripturarum uulgo interdicare.

Principiò

PRINCIPIO uerò lectorem oratum uelim, ut animum aduertat, quàm sibi iste homo minimè circumspectus non constet, quantumq; secum ipse pugnet. quæ enim disuncta magis, atque contraria esse possunt, quàm unà cum suis præceptoribus fateri, nō omnibus datum esse interpretandi scripturas munus, & tamen uelle ad iudicandum de doctrina fidei, ex uero scripturarum sensu omnes auctorari? Nā qui interpretandi scripturas spiritu caret, quī fieri potest, ut de illarum uero sēsu certum iudicium faciat, aut certò intelligat, an quod in quæstionem uocatur cum scripturæ sacræ germano sensu, consentiat? At inquit, aliquo præmōstrante uiam opus habet, ut Cādaces Eunuchus, qua manu ductione illustratus poterit iam de quauis re iudicium faciliè ferre. Quid, quæso, excogitari potuit ineptius, quàm carentem interpretandi spiritu, censoriū iudiciū de illo ferre, qui tali spiritu est à Deo abundè exornatus? cum præsertim ita eum iudicare necesse sit, ut ab habente spiritu edoctus atque institutus fuit. Quare personatum magis et adumbratum iudicium, quàm uerum, illud esse necesse est.

Vt igitur ad duo illa diuinarum literarum testimonia breuiter iam respondeamus, quis erit tā bardus et stolidus, qui cum ad contextum Ioannis animum diligenter aduerterit, nō uideat, Christum nō ad futurum omnem Christianum populum, ut Kemnicius fingit, sed ad legis doctores sermonem direxisse? qui cū grauius illum calumniarentur, quòd Dei filium se diceret, atq; ex operum excellentia & amplitudine, & Dei patris firmissimis grauissimisque

R testi-

Ioan.
6.5.

testimonijs comprobare diuinitatem suam uellet, scripturam sacram testem citat, quæ apud illos maxime erat sacrosancta, & in qua diuina testimonia contineri certò arbitrabatur. Scrutamini, inquit, scripturas, quia uos putatis in ipsis uitam æternam haberi, & illæ sunt, quæ testimonium perhibent de me. Neque enim imperitum uulgus ignaros & infima de plebe homines, qui nunquam in sacrarum literarum meditationem incubuerant, sed illos, quibus clauē sciētiæ aliàs exprobrauerat, qui in Mosis cathedra sedebant, quos uniuerſa plebs docentes auscultabat, quorum iussis parebat, dictisq; integram fidem habebat, cum diuinam legem per omne sabbatum enarrabāt, alloquebatur, illos adhortabatur, ut uitam ætæ que eius cum sacrarum literarum oraculis conferret, ad quos de diuinis institutis iudicium semper spectauit.

Cyrillus i
Euang.
Ioan. lib.
3. c. 4.

QVOD si Diui Cyrilli illustrem & perpolitam explicationem, atque Christi uerbis quàm maximè consentaneam sequamur, nullam sanè illa dubitandi occasionē asferre poterunt. Nanque ipsam orationis seriem apertè inquit demonstrare, Christum non quidem sacrarum literarum studium Phariseis commēdasse, sed exprobrasse; quippe qui cum in ijs studijs perpetuò uersarētur, quæ nihil nisi Christum docebant, in quem unum omnia diuina oracula tanquàm in finem referuntur, ita erant inuidiæ, cupiditatumq; nebula obcæcati, ut in illius cognitionem nulla ratione uenirent; neque cum illo indissolubili se amoris uinculo copularent: quod illa, quæ mox sequuntur uerba satis indicant, Et non uultis uenire ad me.

ad me. Neque enim minus Græcum uerbum, ἱερὸν, quàm Latinum, scrutamini, præsentis temporis indicantis modi esse potest. Quare germanus hic est loci huius sensus, Nihil est quòd uos Dei, sacram'que literarum cognitionem tantopere uendite tis, uobisq; solis illius esse mysteria cognita in solentissimè iactetis. inanis enim omnis est labor, uanum est omne studium, quod in diuinis literis ponitis, cum me unum, quem ipsæ potissimùm prædicant, & quem maximè indicant, non cognoscatis. Nunquàm enim ille diuina uerba sacris literis consignata percipere integrè poterit, aut Deum uerè cognoscere, qui mihi eius filio, cui ipse testimonium perhibet, non credidit.

BEREHENSES uerò, quos Diuus Lucas testatur, solitos fuisse quotidie scrutari scripturas, ut certiores redderentur, an quæ à Paulo dicebantur, ita se haberent, obserua, quæso, nō fuisse de uulgi fece homines, quales tu ad scripturas excutiendas excitas, sed de primariis Iudæorum, & qui apud illos plus ualebant genere, & auctoritate. neq; enim temerè Lucas dixit illos fuisse ἀγχιτέροις καὶ ἐν διασπορῇ, idest nobiliores & præcipuos omnium, qui erant Thessalonicæ, sed ut indicaret, eorum de fide Christiana, non quidem temerè, sed magna cum consultatione, & diuturna meditatione suscepta, iudicium, & approbationem, non uulgarem fuisse. Sed esto, nō huiusmodi ii uiri fuerint, quales à nobis, & Lucæ uerbis describuntur, similia ne tu prorsus iudicas, nouā ac rursusquam antea auditam fidem religionemq; recipere, & illam in qua educatus & altus es, quamq; à

Act. c.
17.

*Chryso-
stomus i
acta A-
post. ho-
mil. 37.*

maioribus accepisti, tueri, & conseruare illam, quam multò antea à Deo traditam, receperas fidem, abijcere, & repudiare, & eandem constantissimè retinere? Cum igitur maximum sit inter hæc interiectum interuallum, magni quidem ad Thessalonicensium laudem refert, quòd cum Paulus nullis signis, ut diuus Ioannes Chrysostomus annotat, sed ex scripturæ sacræ uisceribus, ualidissimis ductis argumentis, cum illis ageret, ita cum scripturis sibi familiaribus & maximè propriis illa conferrent, ut cum uera à Paulo dici constaret, non temere, sed cœlesti spiritu ductos, cōscientiaq; cōuinctos, antiquam disciplinam atque ritus, quos ipsorum maiores à Deo acceperant, deseruisse uiderentur. Christum nanque ipsum necesse fuit, stupenda opera, & qualia nemo unquam hominum fecerat, edere, ut Iudæorū peruicacia, nulla excusatione tegi potuisset. Si enim trita solum & uulgaria fecisset, illorū quidē i credēdo pertinacia, quā magnum ipsorum peccatum, atque cætera omnia complectens, D. Augustinus uocat, ipso etiam Christo teste, omni culpa, ac peccato uacasset. At ueterem fidem antiquitate, & communi consensu satis firmatam, si quiuis unus scripturæ ponderibus examinare uoluerit, & dubitationum omnium, quæ innumeræ existere possunt, se iudicem constituere, quando fides, religioque firma ac stabilis manebit? quando altissimis radicibus defixa, nullis opinionum procellis, hinc inde uerberabitur? Nam si quæ firmissimè credere oportet, quisque expendere ita tentet, ut quæ uera esse iudicauerit, credat; quæ minùs, reiiciat; in tanta ingeniorum uarietate,

an non

*Aug.
tract. 91
in Ioan-
nem.
Ioan. c.
15.*

an non uniuersam fidem infinitis quæstionibus per
misceri, dubitationibus implicari; atque apud mul
tos nutare uacillareque oportebit? an non ad om
nem infidelitatem aditus aperietur? Cùm præser
tim uel minima in fide hæsitatio, infidelitatem quan
dam præferat; Animorum uerò coniunctio dissue
tur, Christiana charitas abijcietur, amicitia in gra
ues inimicitias, conuertentur, (neque enim grauior
es ullæ esse possunt ijs, quæ religionis causa excitā
tur) pacis denique fœdera omnia rumpentur. Qua
re libertatem exigendi dogmata fidei ad normam
scripturæ sacræ cunctis promiscue deferre, nihil est
aliud, quàm publicam pacem, ciuile statum, unà
cum Christiana religione funditus euertere. At cū
noua dogmata, & ab Ecclesiæ fide, in qua natus &
educatus fuit (qualia uestra sunt) ualdè dissidentia
populus audit; quando noua monstra, & inaudita
portenta illius auribus à uobis ingeruntur, non illis
temerè assentiri, sed Ecclesiæ iudicium audissimè
expectare debet, ab illa postulare ut diuinas scri
pturas euoluat, noua dogmata cum ueteribus & ue
ris scripturæ sensibus, conferat: atque quæ Christia
num hominem credere oporteat, commonstret. Nā
si, ut quiuis dogmata ad scripturam exigat, Chri
stus præcepit, est id quidem non modò uobis Lu
theranis integrum, sed Sacramentarijs, sed Zuin
glianis, sed Suencpheldianis, sed Anabaptistis, sed
omnibus huius tempestatis portentosis atque uel
ipsis iā nominibus horribilibus sectarijs: Licuitq;
profectò olim Arrianis, Sabellianis, Catharis, hoc
est, Nouatianis, cæterisque in religione monstros.

Tam malè, quæso te, putas Christum Ecclesiæ suæ consuluisse, ut arcana sua mysteria diuinis scripturis consignata cuiusque iudicio permetteret, unde tot monstra extarent? Immo potius ita sanè cunctos uoluit, diuina uerba scrutari, ut ueterum integras, pias, & catholicas interpretationes, ab Ecclesiæ quæ amplissima auctoritate approbatas ab omnibus. amplecterentur, sensa exoscularentur, neque ab ijs quidquam diuersum in Ecclesiâ inuchere quis auderet. Nam si omnes sunt scripturarum & fidei iudices à Christo constituti, quo nã, quæso, modo sacramentarium poteris impudentiam reprimere, dum illi illum, tu uerò hunc esse scripturæ sensum dixeris? maximè cum non minorem sibi ad iudicandum de scripturis, deque dogmatibus libertatem à Deo fuisset concessam, quàm tibi (tè etiam auctore) iactare possint. Tu cum ad scripturæ normam illorum placita confers, ea damnas: illi contrà cum tua uicissim eadem trutina expendunt, sua confirmant, tua damnant, quem tandem exitum res habere poterit? Non uides Kemnici, qua diuinam sapientiam iniuria afficias, cum sacras literas dissensionis & inimicitiarum seminaria magis, quàm pacis aut charitatis incitamenta facias? Non uides, dum omnes legitimos iudices fidei & religionis constituere conaris, Deum improuidum te facere, atque Ecclesiæ suæ malè consulentem, & diuinas literas, quas oratione tantopere extollis, reipsa ualde deprimere & abijcere? Illas enim omnium iudicijs subijcere, nihil est aliud quàm affirmare, perobscuram, dubiam, nutantem, caliginosamque fidem illa continere.

nere. Si enim ab ijs, quos scripturæ sacræ legitimos iudices Deum fecisse arbitraris, in tam uarias sententias distrahitur, quis certam ac ueram se tenere existimare poterit? quis in tanta sententiarum uarietate ad uerum se scripturæ sensum penetrasse, si ne temeritatis nota sibi persuadebit? Quare non est, quod tam acriter Albertum Pighium, huius nostræ ætatis egregiæ eruditionis uirum reprehendas, quod asseret, non esse aduersus hæreticos, solis scripturæ testimonijs agendum. Nam nisi Ecclesiæ sensum cum scripturæ uerbis colligemus, apertam ueritatem constare nunquam posse & Tertullianus olim prudenter admodum sensit, & Ecclesiæ magno malo à uobis didicimus. Cum enim ex solis scripturis cum tuo Luthero eiusque similibus perduellibus, antiquitatis iudicio abiecto, agere quidam instituerunt, ut impietatem semel conceptam, Lutherus suique sustinerent, ita scripturas detorquebant, ut permultas sepultas iam hæreses, tanquam cerberum, quod in fabulis est, ab Acheronte excirauerint. neque enim una impietas sustentari potest, nisi cum multis connexa sit, & implicata, atque alijs ueluti adminiculis, quibusdam fulciatur. Propter hanc igitur uestram in detorquendis scripturis licentiam, effrenatâque audaciam, non solum Pighius, sed omnes prudentes uiri semper existimauerunt, minime disputationis fructum constare posse, si sanctorum Patrum sententijs, tanquam uerissimis & sapientissimis iudicibus semotis, sola flexibili scriptura uobiscum agatur. Id quod non est sacræ scripturæ purissimum grauissimumque iudicium, à disputationibus

nibus arcere, ut falso interpretaris, sed illius uerū & germanum sensum à ueteribus sanctitate & eruditione clarissimis patribus petere. Nam si (ut apertè demonstrauimus) Spiritus sanctus non ita Ecclesiā deseruit unquam, ut scripturæ uero sensu illam prorsus carere pateretur, quid est, quòd illum tanquàm inanem & superuacaneum aspernentur, qui totius est antiquitatis suffragijs comprobatus, atque omnium sanctorum Patrū qui per Orbem longè lateque dispersi erant, consensu ascitus? Quibus æquifimis iudiciis in disputationibus cum hæreticis, atque exponendis scripturis si careamus, nihil consequemur aliud, quàm stomachi aut cerebri euerisionem, ut Tertullianus ait. Quam Plghij uerissimam sententiam, si reprehendendam ducis, reprehendas in primis oportet Diuum Augustinum, qui ueterum Patrum iudicium tam esse æquum & sincerū arbitratur, ut ne iniquissimus quidem illud posse detrectare dicat. Cum enim Iuliani Pelagiani nefarias sentētias Sactorū Patrū grauissimis testimoniis refelleret, ad hunc modū scribit, Omnes iudices ab odio, inuidia, amicitia, inimicitia, ira uacuos esse decet: pauci tales potuerunt inueniri. Sed Ambrosium aliosque collegas eius, quos cum illo commemorauī, tales fuisse credendum est. Verū et si tales non fuerunt in ijs causis, quas ad se delatas, & inter Patres cognitās cum hīc uiuerent, suo iudicio diffinierunt, ad hanc tamen causam tales fuerunt, quando de illa sententias protulerunt, nullas nobiscum neque uobiscum amicitias attenderunt, uel inimicitias exercuerunt, neque nobis neque uobis irati sunt;

*August.
lib. 2.
contra Iu-
lianum
Pelagianum.*

ti sunt; neque nos neque uos miserati sunt, quod inuenerunt in Ecclesia, tenuerunt. Nondum uobiscum apud istos iudices aliquid agebamus, & apud eos acta est causa nostra. Nec uos nec nos eis noti fuimus, & eorum pro nobis contra uos, latas sententias recitamus, nondum uobiscum certabamus, & eis pronunciantibus uicimus. Horum uerò æquifimorū & incorruptissimorum iudicum qui iudiciū formidat, an non satis prodit, pertinaciæ, contentioni, fuco, & fallacijs magis quàm æquitati & ueritati fidere?

C I L L V D uerò, quod per Alberti Pighij personā dicis, in disputationibus scilicet cōtra Lutheranos, simpliciter ponendum esse hoc principium, *Quicquid Pontifex Romanus cum sua coniurati caterua decernit, statuit, & proponit, statim amplectendum, & firmiter credendum esse sine ulla cōsentitione, an cōsentaneum sit scripturæ sacræ, an uerò manifestè pugnet.* Hoc inquam, quale sit, manifestum illi fiet, qui legerit sextū caput prioris libri, quem Pighius de Ecclesiastica hierarchia scripsit. atque pari fide hīc agere, ac in cæteris rebus alijs satis intelliget. Qui postquam pudorem semel abiecasti nullam tibi ueritatis rationem habendam esse putasti. Pighius igitur cum inquirat modum inueniendi in quacumque quæstione proposita communem totius Ecclesiæ sententiam, inquit, potuisse quidem se, breuiter & cōpendiariè cum Irenæo respondere, solius Romanæ Ecclesiæ iudicium instar iudiciorum aliarum omnium Ecclesiarum habendum esse, cū illa sanctissima sedes fidei integritatem, religionisq; puritatem, satis abundè semper præ cæteris omni-

*Pighius
lib. primo
de Eccle-
siastica
Hierar.
c. 6.*

S nibus

nibus conseruauerit. Sed quoniam illius auctoritas & amplitudo, omnium huius ætatis controuersiarum est quasi status, & in quam omnium hæreticorum copiarum irruunt, atque cæco impetu feruntur, subeundum esse laborem putat, in inuestiganda antiquitatis sententia, in rebus controuersis, ut fidem, quam ex ueterum Patrum monimentis uenabimur, illam exosculemur, & suspiciamus. Sed tu Caiphæ minimè dissimilis, nesciens quid diceres, uerè admodum, Patres illos, qui omnibus retro sæculis sanctitate & eruditione illustres, Ecclesiæ Orbisq; lumina extiterunt, appellasti cateruam Romano Pontifici addictam, consecratam & obstrictam. Ita enim illius auctoritatem tuentur omnes, ac si illi essent sacramento obligati & deuincti. Pighius nanque horum tantummodò fixas, immotas & inter se consentientes sententias amplectendas atque sine ulla controuersia suscipiendas esse docuit. Neq; prætereundum silentio puto, Kemnium summæ aut ignorantiæ aut impietati tribuere, quòd Dauidis illas sententias, Præceptum Domini Lucidum illuminans oculos. item

Psal. 119. Lucerna pedibus meis uerbum tuum. non de uniuersa sacra scriptura, sed de solis præceptis diuinæ legis, societatis Iesu uiri intelligendas esse arbitrentur. Cum enim ijs præclarissimis sententijs Monheimius abuteretur, ut omnes ad lectionem sacrarum literarum alliceret, & incitaret, Colonienfis censura contra non de sacra scriptura mentionem fecisse regium Prophetam admonet, sed de solis præceptis diuinæ legis, quæ ideò lucem lucernamq; appellat, quia in caliginoso loco nobis prælucrent, uiamque

que clarissimè præmonstrant, cum quid faciendum quid uè fugiendum sit, docent, atque ita à teterimis tenebris & profunda caligine nos prohibent. Hoc uerò quàm uerum sit, satis perspiciet qui ad Hebræarum uocum uim, animum aduertent. Nam psal. 19. utitur Dauid uoce נצח quæ propriè significat id, ad quod faciendum quis astringitur, & obligatur; atque aliquando pro ipso imperio usurpatur, sicut & radix נצח est præcipere seu decernere faciendum. Quod ipsum ex ijs, quæ consequuntur, uerbis, satis patet. Etenim, inquit, seruus tuus custodit ea, siue (ut Hebræa uerba sonant) illis dilucidè commonefit, & in custodiendis illis merces magna. Quæ nullis magis quàm diuinis præceptis quadrare, custodiendi ac mercedis uerba satis indicant. Neque enim custodiri, nisi sola præcepta & leges dicuntur. Psal. uerò. 119. totum in diuina lege exornanda & amplificanda positum esse, nemo nescit. Sunt autem in eo significantia prorsus idem, uerbum, lex, testimonia, uiæ, mandata, iustificationes, multaquæ alia eiusmodi nomina, quibus diuina præcepta non temerè sed peculiaribus rationibus appellantur. Cum uerò decimam illam quartâ pericopem ita concludit Dauid, Inclinaui cor meum ad faciendas iustificationes tuas in æternum propter retributionem. satis declarat, de diuinis se præceptis duntaxat agere. Quare has Dauidis sententias de omnibus scripturæ sacræ partibus intelligendas esse is sanè existimare solus poterit, qui in uniuersa scriptura nihil præter diuina scita atque iussa contineri arbitrabitur. Quàm fictè uerò & fallaciter Kemni-

cuius affirmet, societatis Iesu uiros, traditiones non scriptas intelligere, per lucem illustrantem corda, satis intelliget, qui perspexerit, quàm longa illi oratione duas illas Davidis sententias ad præceptum dilectionis Dei & proximi accommodent. quod an satis sit diuinis literis comprehensum, Kemnicus uideat.

4. Axioma.

QVARTVM Kemnicii axioma est, *Iesuitæ assereunt, Lectio sacræ Scripturæ non tantum non est utilis sed multis modis perniciosa Ecclesiæ. Hæc enim Coloniensium sunt uerba. ut audentius dicamus, nulla unquam reperta est hæresis, quæ non ex scripturis occasionem acceperit. Multis quidem ac magnis rationibus Colonienses ostendunt, non esse scripturæ sacræ lectionem temerè populo permittendam. In primis uerò argumentum sumunt ex infinita hæresum uarietate, quibus Dei Ecclesia fuit tot sæculis exagitata quæ ex diuinis scripturis occasionem habuisse uidetur. Quare ualde metuendum esse, ne imperiti ex eadem impietatem hauriant, unde debuissent fidem pietatemque trahere. Quæ si tibi dubitationem aliquam habere uidentur, perlege quæso quæ de hæreticis ab Augustino, Epiphanio, Theodoro, cæterisque uiris sanctissimis, qui in hoc argumento insudarunt, scripta sunt. Neque enim te latere poterit, nullam fuisse unquam tantam impietatem, nullamque insaniam, quam eius auctores sacrarum literarum testimonijs non sibi conformasse uiderentur. Nam quid Nicolaitarum promiscuis uxoribus esse inhonestius potuit? quas tamen solis scripturarum testimonijs inuexerunt. Quid turpius, deformius, fœdus Gnosticorum insanijs potest excogitari? à*
Christiana

Christiana quidē honestate tā alienis, ut nec proferri sine impietate possint: sentētiarum tamen diuinæ scripturæ crebritate nullis fuerunt inferiores, ut D. Epiphanius auctor est. Si Ophitarum arbitantium Christum colubrū illū fuisse, qui Euā decepit, demētiā aīo teneas; Si Manē Manichæorū parentē se spiritū sanctū esse multis persuadentē; Si Caianos Cainū Iudamq; proditorē, uenerantes; Si Valentiniani sōnia anilesq; fabulas; Si bideum Apellem; si reliquorum omnium hæreticorum examina memoria repetas, nihil erit profectò, quod diuinis uerbis destitutum esse uideatur: adeò nanque hæreticis familiare semper fuit, scripturæ se auctoritate communire, ut Marcio cum uideret, triplex à se confictum principium, triplexq; baptisma cum diuinis uerbis stare, haud quaquam posse, illa uerò defferere, prorsusq; contemnere minimè auderet, eam scripturæ sacræ partem, quam recipiebat, & maximè Lucæ Euangelium, turpiter ualde truncauit & corrupit, ut tradit D. Epiphanius. quo factum est, ut ex Diui Pauli Epistolis, à se corruptis per multa educeret testimonia, ad diuinam potentiam emolliendam, cultum, & uenerationem ex hominum mentibus euellendum, Christi dignitatem labefactandam, uniuersamq; religionem nostram funditus euertendam. Si illas uerò, quæ in Germania, nostra hac ætate excitatæ sunt, portentosas opiniones in memoriam reuoces, uidebis sanè, nullam esse tantam delirationem, quam ex scripturis non elicere posse perditū, & insani homines sibi uisi sint. Ut uerò cæteras taceam, quàm nefanda illa sunt, quæ Præmonstratensis scripturatum infana

Epiphanius contra hæreses lib. 1. Hæresi 27. Euseb. Hist. Ec. lib. 7. c. 31.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

Epiphanius contra hæreses lib. 1. tom. 3. hæresi 42.

infana quadam iactatione contra Christum Iesum Dei filium dictitare ausus fuit? quæ nemo quidem; uel acerbissimus Christi hostis cogitare unquam potuit. Quod si ab illo quæras, unde acceperit, Christum Iesum, qui, ut omnes homines ab inferni miserimis, & crudelissimis cruciatibus eriperet, de coelis descendit, in eisdem inferni perpetuos cruciatus fuisse detrusum, sempiternisq; illis ignibus mancipatum, quemadmodum per summum scelus, & profligatissimam impietatem Anno 1527 asseruit, nulum tibi alium doctorem proferet, quàm laudes, quibus Deus illos cumulat, qui omnem suam spem in illo collocant, & miserandam eorum conditionem, qui diuinæ misericordiæ diffidunt, atque simul illa Christi uerba cruci afixi, Deus meus, Deus meus, ut quid dereliquisti me? quibus de diuina misericordia illum desperasse, impiè somniauit. Quod si ab Anabaptistis rationem quæras tantarum blasphemiarum, quas eodem anno Morauia in eundem Christum iaciebant, non minorem diuinorum uerborum congeriem afferent, quàm tuus Lutherus, qui cum tantam suo exemplo delirantium multitudinem cerneret, diuinam scripturam hæreticorum librum appellare non est ueritus. D. uerò Cyrillus ad Ioannem quædam Episcopū scribens, illum admonet, cuiusuis hæresis sectatores ex diuinis scripturis hæresis suæ causam suscipere, & quæ à Spiritu sancto præclare dicta sunt, prauis opinionibus corrumpere, atq; ita in sua ipsorum capita inextinguibilem flammam excitare. D. etiam Hilarius ait de intelligentia scripturæ hæresim nasci, non de ipsa scriptura, & ita sensum,

Matth. c.
27.

D. Cyrill.
Epist. 28.

Hilarius
lib. 2. de
Trinit.

sum, non sermonem fieri crimen. Lege etiam diligenter quot idem contra Arrianos exemplis, & rationibus apertè probat, sacram scripturam ansam dedisse hæresibus omnibus, ut se in uarios errores præcipites darent.

*Hilarius
lib. 2. de
synodis cō
tra Ar-
rian.*

¶ Quid si nullum nobis hac de re exēplum antiquitas suppeditaret, insignis certè illa, nec usquam antea audita, quorundam hominum, qui cœlestes Prophetæ dici uolunt, insania, atque incredibilis furor, apertè demonstrasset; nullum esse tam audax facinus, quod ex uestra in contorquendis diuinis oraculis licentia, occasionem non acceperit. Cum enim perditī illi ac profligati homines intuerentur, crudelissimum dissidium, quo inter se Lutherus, Zuinglius, & Balthesar Pasimontanus, de scripturæ sensu digladiabantur, atque unumquenque nouas ac portentosas opiniones ingerere, ac summa etiam cum temeritate & audacia contendere, uerum se ac germanum scripturæ sensum tenere, omnem prorsus scripturæ fidem abrogarunt, secumque statuerunt, nihil sibi credendum esse, nisi quod cœlestis Pater eorum animis instillaret, illudque solum Dei uerbum esse, quod Spiritus sanctus illis enuntiaret. Cætera uerò omnia pro humanis figmentis non pro diuinis oraculis habenda esse. Quos Reuerendissimus Stanislaus Hosius S. R. E. Cardinalis, Varmienfis Episcopus, uerè Apostolicus ita loquentes inducit, Quousque eandem hanc excuculatorum istorum tyrānidem feremus, ut, quod productis ē scriptura uoculis aliquot eorum alicui uisum est, id tāquàm expressum Dei uerbū statim adorare necesse habeamus.

*Hosius li
bro de ex
presso uer
bo Dei.*

mus? Cum tamē sic ipsos inter se pugnantes uideamus, dum hoc quisque contendit, ut non quæ Apostoli aut Euangelistæ, sed quæ propria ipsius est sententia, eā pro expresso Dei uerbo sectatores habeāt. ficcine iam isti se tanquāminumina coli uolunt? quid aliud restat, quāmin ut incuruemur corāmin hoc aut illo, & quicquid eorum aliquis dixerit, ē uestigio tanquāmin Dei uocem adoremus? Nos uerō Dei de cœlo sententiam potius expectabimus, ac tum istos pro sua, non pro scripturarum sententia dimicantes, tum ipsas etiam scripturas, quarum totiam, non diuerfas modō, uerū & contrarias interpretationes adferri uidemus, faceffere iubebimus: & quod nobis cœlestis ille magister dignatus fuerit reuelare, tanquāmin expressum Dei uerbum, ea, qua par est, reuerentia recipiemus: ac ipsum loquentem potius audiemus (sicut etiam Propheta dicit, Audiam quid loquatur in me Dominus) quāmin ut ad egena ista elemēta nos conuertamus, & in illis, quæ nunc in hunc, nunc in illum sensum inflecti uidemus, salutem nostram cōstituamus. Non oportet legis aut scripturæ esse peritum, sed à Deo doctum. uānus est labor, qui scripturæ impenditur. scriptura enim creatura est, & egenum quoddam elementum. Non conuenit Christiano, nimium creaturæ addictum esse: Deum audire oportet, huius uoces de cœlo expectandæ sunt, ut nos erudiāt. Beatus uir (inquit Dauid) quē tu erudieris. Aeq; nos docet hodie atq; olī Patriarcas & Prophetas. Prohibuit Christus, ne plures magistri fiāt, quod unus est magister noster in cœlis. Ex quibus concludit uir piissimus, & eruditissimus, nihil quidē sacris

literis

literis diuinis, nihil augustius, Ecclesiæ uerò earum studiis nihil utilius excogitari posse, dummodò intergrum quisque ac sincerum Ecclesiæ sensum teneat, neque ita insolescat, ut sibi scripturas subijcere magis, quàm se illarum iudicio atque auctoritati submittere studeat. fit enim ut dum quisque sibi licere scripturas contorquere arbitratur, & ipsas maxima iniuria afficiat, & Spiritui sancto illarum auctori summam ignominie notam inurat. Quam tamen Reuerendissimi Cardinalis egregiam sententiam, ita, Kemnici, ex tuis aliquot inuertunt, ut quæ per coelestium Prophetarum personam ab illo dicta sunt, illi ipsi ascribant, atque ut scripturæ sacræ proculcatorem acriter insectentur. Quam ego calumniam cum primùm in libello quodam, qui Apologia Anglicana inscribitur, legissem, egregiam auctoris impudentiam summopere sum demiratus, atque existimaui ob tanti sceleris conscientiam, illum nomen suppressisse. At cum eandem calumniam in protestatione quadam contra sacrosanctum Tridentinum Concilium, hominum quorundam, qui Augustanam confessionem profitetur, nomine editam reperissem, uix credi potest quanta fuerim uoluptate perfusus. felicissimum nanque amplissimum illum Antistitem iudicaui, cuius scripta omnes fidei ac religionis Christianæ hostes tantopere premunt, ac cruciant, ut omni mendaciorum genere illustre illius nomen obsecrare, fidem inquinare, splendorem commaculare, auctoritatem labefactare idè contendat, ut suos à lucubrationum illius lectione deterreant atque auocent.

T Sed

*Aug. 1.
lib. de Do
ctri.
Christ. c.
3.*

*Prim. e
ad Tim.
c. 4.*

SED ut ad institutam disputationē reuertamur, uide iam, quæso homo argutule, genio tuo dignam collectionem. Societatis Iesu uiri tradunt, hæreses omnes ex scripturis occasionem accepisse; ergo tradunt, scripturæ sacræ lectionem esse inutilem, multisquē modis perniciosam Ecclesiæ. Quid potest esse ineptius? quid infantilius? Quod perinde est, ac si quis argumentetur; Nullum peccatum est, quod ex creaturis occasionē nō accipiat, dicente Augustino, Mentis nostræ in Deum cursum tunc retardari; cum ijs frui uolumus, quibus nobis utendum foret; ergo creaturæ non solum non sunt utiles, sed multis modis perniciosæ, contra Mosis testimonium, qui, Deum, inquit, omnia, quæ condiderat, uidisse, & approbasse, quia ualde erant bona. atque contra D. Pauli sententiam, qui omnem Dei creaturam bonam esse, testatur. Neque dissimilis erit argumentatio; Christus positus est in ruinam, & in signum, cui contradicetur, ut Simeon ille iustus prædixit; ergo Christi aduentus perniciosus est hominibus, præstaretque, Christum nunquàm uenisse? Quæ quàm non modò inanis, sed impia sit argumentatio, tu ipse iudica, atque de tua iudicium iam ferre, faciliè poteris. Neque enim fieri ulla ratione poterit, ut ignores, sceleratis esse animis peculiare, eis fieri exitiosum, quod probis est salutare; Atque ita optimis in rebus offendi, non tam rerum ipsarum improbitatem, quam animum impurum, nefarium, sceleribusque coopertum declarat, qualis est hæreticorum animus, qui ex diuinarum literarum lectione errandi sumunt occasionem.

sionem. Neque enim in solis splendorem culpa est transferenda, si oculorum aciem hebetet, aut lippos lædat, sed in oculorum infirmitatem, qui tanti splendoris uim ferre non valent.

De Peccato.



DIEGHI PAYVA

ANDRADII LVSITANI,

ORTHODOXARVM EXPLICA-

TIONVM LIBER TERTIVS.

De Peccato.



I tantum studij, & diligentie in cognoscenda peccatorum turpitudine, & deformitate, inq; deprauatione, & foeditate, sua rectitudine spoliati ac corrupti animi perspicienda, omnes ponere mus, quantum in mente omnibus flagitijs inquinanda, cœcis ducti cupiditatibus permulti collocant, nihil quidem opus esset, tanta nunc contentione, de peccatorum ratione, natura que disputare, sed omnes tota animi contentione illa declinaremus: & uelut funestum quoddam contagium deuitemus, detestaremur, ac deprecaremur: atque ita neque Kemnicius tam intemperanti calumniandi pios, optimosq; uiros libidine deflagraret, neque nobis hic in tuenda ueritate labor subeundus foret. Sed quando ipse, ut de peccato impiè dissereret, magis est falsa quadam nominis interpretatione illectus, quàm uera peccati ipsius atrocitate, & deformitate deterritus, atque auocatus, non minus hîc, quàm in superioribus peccare eum & falli, iam ostendamus necesse est. Hoc autè primum est

Axioma

Axioma, quod in Coloniensi censura reprehendit.

DISERTI reſciunt, & explodunt Ieſuitæ illam definitionem; 1. Axioma.
Quicquid legi Dei repugnat, eſſe peccatum. At qui hanc definitionem eſſe Spiritus ſancti & quidem totidem uerbis tradit 1. Io. 3. peccatum eſt aſſerit. & hoc uocabulo in multis alijs ſcripturæ locis peccatum deſcribitur. cumq; multa congeſſiſſet ſcripturæ ſacræ loca, quædam uerè, quædam autem falſè, tandem concludit, Ieſuitas non inraſſe quidem, ſed coniuraſſe cõtra ſententiam, & contra ipſa uerba Spiritus ſancti.

LUTHERVS eiꝯq; diſcipuli, ut apud imperitos poſſint obtinere, peccandi illa incitamenta & illecebras ſiue concupiſcentiam, quæ in ipſis membris ineſt, ex natiuo & originali peccato, poſt ſacrum lauarii relictæ, uerè peccatum eſſe, hanc peccati definitionem populo plauſibilem excogitarunt, Quicquid legi Dei repugnat, peccatum eſt. Nam concupiſcentiam legi Dei repugnare, uel ex Pauli teſtimonio factis eſt omnibus exploratum. quam tamen definitionem non eſſe ſoli peccato accommodatam, aperte admodum demonſtrant Coloniẽſes; quia non modò peccata ipſa, ſed homines etiam ſcleribus contaminati, dæmonesq; ipſi cum lege Dei non minus pugnant quàm concupiſcentiæ. Quæ uerò definitio ſeſe extra rem definitã fundit, inepta eſt, & inutilis prorſus. Neque tamen inſiciantũr, omne peccatum diuinæ legi repugnare; cum id non minus peccato inſit, quàm homini ſentiendi uis & facultas. Cum enim omnis bonitatis ſumma in Deo poſita ſit, & collocata, ut qui bonitatis nullam particulam aliunde mutuatur, ſed naturam habet non modò omni perfectionis genere cumulata, ſed quæ perfectio ipſa eſt, & ex qua

ex qua bona omnia oriuntur, fit certè perspicuum, bonitatis omnem rationem in diuina similitudine positam esse. Et quemadmodum res omnes, à Deo productæ, & quæ natura constant, eo magis perfectæ sunt, & absolutæ, quò diuinam illam incomprehensibilemque naturam expressius præ se gerunt, & referunt, ita diuina uoluntas, norma est, ad quam dirigenda & formanda est uita nostra, et ad quam quo magis nostræ actiones accedunt, meliores, quò uerò defleunt magis, deteriores habendæ sunt. Veteres enim Philosophi quia nullam aliam probitatis regulam præter rectam hominis rationem agnouerunt, uirtutem diffinierunt, esse animi habitum naturæ modo rationi consentaneum, hoc est, certissimam normam, rationis scilicet, descriptum. Nos uerò, quibus clarior diuinæ cognitionis affulsit lux, præclare intelligimus, rectam hominis rationem, minimam esse in exhaustæ illius diuinæque perfectionis & bonitatis scintillam. atque idè non iam rectam rationem solum nobis boni, & æqui regulam præfigimus, ad quam nostras actiones formemus, sed diuinam ipsam uoluntatem, & in recta ratione impressam, & diuinam lege luculentius compræhensam. Quò alludit illud

Psal. 118 Dauidis, Confitebor tibi in directione cordis. quod Hebræum uocabulum **יֶשֶׁר** idest, rectitudo, magis explicat. Quam tamen inquit Dauid, sibi comparasse, eo quòd didicit iudicia iusticiæ Dei, unde omnis rectitudo ac bonitas dimanat. Quò etiam spectant

Prover. 3. uerba illa Solomonis, In omnibus uijs tuis cogita illum (Deum scilicet) & ipse diriget, siue **יֶשֶׁר** idest rectos faciet gressus tuos. Tunc enim quisque rectè incedit,

incedit, neque quidquam mali admittit, cum omnes
 suas actiones diuina uoluntate metitur. Eam ob rem
 uirtutum omniū actiones peculiari scripturæ phrasi
 rectæ coram Domino appellantur, hoc est, ad rectissi-
 mam regulam diuinæ uoluntatis formatæ: malum
 uerò contrā, cum sit à bono, hoc est, à cœlestis Patris
 uoluntate defectio, quicquid diuinæ legis quasi li-
 neas transilit, malum esse dubitare nemo potest. non
 tamen illud omne peccatum est: nam si ad naturas
 cū sceleratorum & perditorum hominum, tum dæ-
 monum respicias, minimè quidem illos malos dice-
 re poteris, immo non dubito quin aliqui sint dæmo-
 nes naturā permultis beatissimis spiritibus præstan-
 tiores. neque enim in illis præclara natura mutata
 est, etiā si deprauata atque sceleribus deturpata sit.
 mali nihilofecius & dæmones & homines dicuntur,
 quia mentem habent, & uoluntatem à diuina uolun-
 tate ualde alienatam, & cum diuina lege maximè pu-
 gnantem. quos tamen peccata appellare nullo mo-
 do poteris. Quod si iniquas leges spectes, quales
 illæ sūt antiquorū, quas Christus apud Matth. impro- *Matth.*
 bat, & quales hodie inter homines magnā uim & au- *6.5.*
 thoritatē, diuina lege sprete & conculcata, obtinēt,
 dubitare minimè poteris, diuinæ atq; sēpiternæ legi
 illas non repugnare modò, sed eò uehementius Dei
 legem oppugnare, quò & legis nomine, & obligan-
 di ratione, quam hominum scelere sibi compara-
 runt, cum illa magis conueniunt. Quas tamen non
 ita infamies, ut peccata appelles. Sed quid externa
 commemoro? non meministi quoties nobis Eccle-
 siæ scita exprobras, quæ cū uerbo Dei pugnare inui-
 riosè

riosè iactas? at decreta ipsa chartis aut tabulis comprehensa, peccata appellare audebis? Et si enim inquam legem ferre, aut seruare, in peccatis sit enumerandum, lex tamen ipsa non peccatum quidem, sed scelerata institutio est, quæ peccandi impunitatem adfert, atque ad peccandum incitat & allectat. Quare non quidquid repugnat diuinæ legi, peccatum est; etiam si libenter, & necessariò confiteamur, peccatum esse non posse, quod diuinæ legi non aduersatur. est enim diuinæ legi repugnare, peccati ueluti genus, quod ad plures differèntias pertinet, pluresque amplectitur; ut animal, cui equus ac homo, plurimæque aliæ animalium differentiæ subsunt. neque enim peccatum dici potest, nisi hominis actio diuinæ legi repugnans; quod D. Augustinus, apertè significauit, cum peccatum dixit, esse legis transgressionem. neque enim omne cum diuina lege pugnans, in peccatis numerat, sed actionem solùm, qua diuina lex uiolatur. Sub nomine uerò actionis, etiam necessariæ actionis intermissionem, Philosophorum more includo, qui affirmationem, et negationem, ad idem genus recurrere tradunt, quare D. August. ingeni uocem, quæ Deo patri attribuitur, luculèntissimè demonstrat, in eorum categoria, quæ cum alio conferuntur, collocandam esse, quia geniti mera negatio est. Quocirca nisi ea, quæ diuinæ legi repugnant, humanæ sint actiones, aut necessariarum functionum prætermisiones, peccata dici non possunt. Quod idem August. non obscurè docet, cum ita peccatum definit, Est factum, uel dictum, uel concupitum aliquid contra æternam legem.

*Aug. lib.
2. de con
sensu Enā
gelis. c.
4.*

*Augusti
nus lib.
3. de Tri
nit. c. 6.
¶ 7.*

*Aug. con
tra Fau
stium, lib.
22. c. 27*

legem. Quæ omnia humanas esse actiones quis non uidet? Legem uerò æternam, mox ita definit, Est ratio diuina, uel uoluntas Dei, ordinē naturalē cōseruari iubens, perturbari uetans. Vnde fit, ut Theologi nostri omne peccatum contra hominis naturam esse affirmant. quæ cum non illa dicatur, qua cum brutis animantibus homo conuenit, sed qua ab omnibus rebus alijs seiungitur & secernitur, in ratione quidem potissimum sita est, & collocata, qua quid bonum, & quid malum sit, uidet; quid fugiendum aut amplectendum sit, non ignorat, diuinamque legem menti ipsi habet tenacissimè infixam. Quocirca quidquid sceleris admittit, quo rationis legem uiolet, ac prodat, contra ipsam naturam agit. Nam quæadmodum solida ac pōderosa terra, leuis ignis, à qua, aer, & reliqua demum omnia, quæ natura constant, tunc à natura quodam modo deficere dicuntur, cum ab ijs actionibus retardantur, ad quas naturæ ipsius ui, & impulsione ducuntur, ita & homines naturam ipsam deserunt, quoties rationis rectæ, hoc est, naturæ ipsius leges uiolant. Quare qui mentis & rationis, diuinique numinis legibus spretis, sensui, carnisque cupiditatibus obtemperant, magis quidem belluarum, quàm hominum officio perfunguntur, quia ratione, hoc est hominis natura sprete, illius sequuntur naturæ impulsu, quam cum brutis habent communem. Cum quibus mirabiliter consensit D. Cyrillus Hierosolymitanus Archiepiscopus, qui opera diaboli, in quibus omnia peccatorum genera comprehendi asserit, definiens, in prima catechesi mystagoga ait, esse actiones &

D. Thom.

2.2.9.77

ar. 2.

cogitationes quas cunque, quæ cum recta ratione non conueniunt. Non sum nescius, non pauca esse diuinæ legis præcepta, quæ neque rationis luce perspicui, neque naturæ uero cognosci possunt, qualia illa sunt, quæ ad sacramenta, resque alias, quæ naturam excellent, attinent. Cum tamen ratione dictante, Deo esse parendum discimus, postquam illa præcepta diuina esse fide percepimus, contra naturam agit, qui ea aliqua ex parte uiolat. Cum igitur omne peccatum, adeo sit in diuinæ legis transgressione positum, ut ea ratione contra naturam esse dicatur, rectè quidem in diuinis literis sæpius ἀνομία, quasi legis uolatio dicitur. Nam quæadmodum ἄνομος ille dicitur, qui sanctas leges proculcat, & contemnit, effrenis uiuit, ac ex legem se esse putat, ita ἀνομία illa actio appellatur, qua legem quis transgreditur. minimè uerò omnia, quæ legi repugnant, siue actiones illa sint, siue ab actionibus multum longæque, absint ἀνομία siue peccata dici possunt. Quapropter D. Augustinus, illud propriè, ait peccatum dici, quod libera uoluntate, & à sciente committitur. Et alibi, peccare, nihil esse aliud affirmat, quàm in ueritatis præceptis, uel in ipsa ueritate errare. D. uerò Ambrosius, peccatum inquit, esse diuinæ legis præuaricationem, & cœlestium inobedientiam præceptorum. Quæ omnia non nisi in humanis actionibus cerni, satis quidem perse patet. Infinitum esset, omnia sanctorum patrum testimonia inculcare, quibus peccata humana nos esse actus docent. fuit enim illa, perpetua constansque persuasio, quod & Christus ipse non obscure docet, cum uirtutum officia in diuinæ uoluntatis obtem-

*Aug. lib.
3. de libe-
ro arbit.
c. 19.*

*Augu. de
fide con-
tra Ma-
nich. c. 8.*

obtemperacione collocat. apud Matthæum, Non omnis, inquit, qui dicit mihi, Domine Domine, intrabit in regnum cœlorum, sed qui facit uoluntatem patris mei. Virtuti uerò cum uitium atque peccatum sit contrarium, illudque solum regnum cœlorum occludat, nihil certè aliud uitium seu peccatum esse potest, quàm non facere uoluntatem patris cœlestis. facere autem & non facere, quis actiones esse dubitare poterit? Quæ tamen externis interdum corporis motibus, non nunquam uerò sola interna uoluntatis operatione perficiuntur. Originale autem atque natium peccatum, nunquàm uerè peccatum dici potuisset, nisi in ipsa origine unde deductum est, & promanauit, humana fuisset actione admissum. Quare uerè admodum dici solitum est, idem in nobis esse peccatum originale, quod in origine, hoc est, in Adamo fuit olim actuale. Quocirca D. Augustinus, multis apertissimè demonstrat, paruulos, qui peccato sunt originali obstricti, legis illius, quæ Adamo in Paradiso data fuit, præuaricatores esse, atque ita uerè in omnes quadrare, quod Dauid diuino Spiritu afflatus dixit, Præuaricatores reputaui omnes peccatores terræ. Idque inquit, non secundum suæ uitæ proprietatem, sed secundum communem generis humani originem esse intelligendum.

LOCUS uerò Epistolæ Pauli ad Romanos, ubi (scilicet) non est lex, peccatum non imputatur. & Peccatum non agnouissem nisi per legem, nam concupiscentiam nesciebam nisi lex diceret, Non concupisces. quibus Kemnicus potissimùm fudit, quàm sint extra causam, qui orationis Pauli seriem, & quasi cō-

Rom. c. 5

Rom. c. 7.

sequentiam considerauerit, satis intelliget. Principio enim cum de peccato originis, quod per unum hominem in mundum intrauit, Paulus loqueretur, inquit, Usq; ad legem peccatum erat in mundo, peccatum autem non imputabatur, cum lex non esset; hoc est, ut præclare interpretatur Diuus Augustinus, peccatum quidem natium & originale, neque uilegis Mosaicæ ablatum fuit, neque deletum. nam si data lex esset, quæ posset uiuificare, omnino ex lege esset iusticia, quare non solum ante legem peccatum in omnes peruasit, sed etiam usque ad legem, id est, uigente lege. at ante legem peccatum non imputabatur, quia natiam illam uiciositatem peccatum esse, homines minimè arbitrabantur. Quod tamen per legis sacrificia & peccatorum expiationes cognitum est, & propalatum. Nam cum hostiæ etiam pro paruulorum peccatis offeri solitæ essent, satis quidem eua-
debat exploratum, peccatis illos esse contaminatos; à Deo tamen non minus ante, quàm post legem puniebantur. Nam quicumque sine lege peccauerunt, si ne lege peribunt. Hunc autem esse uerum & germanum Pauli sensum, quæ mox sequuntur uerba declarant, Sed regnauit (inquit) mors ab Adam usque ad Mosem etiam in eos, qui non peccauerunt in similitudinem præuaricationis Adæ. hoc est, ij uerò, qui originali culpæ nullam addiderunt, à Deo tam antea, quàm post legem morte mulctati sunt, neque natia illius uiciositatis ignoratio, illos potuit à debita peccati pœna (morte inquam) liberare. At cum Paulus ait, peccatum se non cognouisse nisi per legem, nihil aliud studet, quàm infirmitatem Mosai-
cæ

*Augu. de
peccator.
merit. &
remis. lib.
1. c. 10.*

Rom. c. 5

Rom. c. 7

cæ legis explicare, quæ cum ad euitandum peccata uires non suppeditaret, illorum uerò atrocitatem luculenter demonstraret, nihil aliud quidem efficiebat, quàm peccati fœditatem augere. eò enim uehementius peccatur, quò peccati pernicies, & labe magis est perspecta & explorata. Quod ipsum significant illa eiusdem Pauli uerba, Lex autem subintrauit ut abundaret delictum. Quare priori epistola ad Corinthios Paulus legem appellat uirtutem, siue *duramus*, id est, uim atque potentiam peccati; quia scilicet, ut D. Augustinus ait, legem accepimus, non ut emendatione finiremus peccatum, sed ut transgressionem augeremus. Quis enim dubitare poterit, illos impensius peccare, quibus peccatorum indignitas, & intolerabilis fœditas magis est cõperta & cognita? Cùm igitur legis lumine accedente, quanta insit sceleribus perversitas, illustrius multò quàm antea omnes conspexissemus, quantumq; diuinæ uoluntati, atq; bonitati aduersetur, diuinis uocibus accepissemus, peccatorum profectò prauitas & deformitas longè multumq; aucta, & amplificata est. multò enim iniquior & petulantior ille est existimandus, qui, cognita peccatorum infinita obscœnitate & turpitudine, sese illis contaminat, quàm si tali cognitione illustratus nunquã fuisset. Ex ijs uerò, & quæ paulò post sequuntur Pauli uerbis, quibus peccatum legi mentis suæ repugnare ait, & si sequi fateamur, omne peccatum legi Dei repugnare; minimè tamen colligi, omne legi Dei repugnans, peccatum esse, abundè satis demonstrauius. Cum uerò nullis alijs præfidijs definitionem illam peccati Kemnicius muniuerit,

mirum

Rom. c. 5

Prior ad
Corint. c.

15.

mirum est quàm pueriliter garriat, & quântum infirmis hîscè argumentis triumphet. Qua tamen solet fide & ueritate ait, ita Colonienſes deſperè, ut quod diuinis legibus denegant, Pontificum deſerant traditionibus, atque adeò ea omnia nefaria ſcelera habere, quæ cum illis pugnant. Vt uerò Eccleſiaſtica-
rum legum auctoritatè interim prætermittam, quã cum de lege agemus (ubi eandem repetit Kemnicius calumniam) ut potero tuebor; utque inſtituti mei rationem perſequar, nunquam proſectò tantopere Colonienſes inſanierunt, ut humana præcepta diuinis eſſe anteferenda exiſtimarent, ſed actiones ſolùm cõtra Eccleſiaſticaſ legum inſtituta ſuſcepas, peccata eſſe affirmât, nõ aliter ac de operibus cum diuina lege pugnantibus, à nobis dictum eſt. Nam & ſi unũ peccatum alio ſit longè atrocius, atque ſũeſtius; tamen cùm peccare, nihil ſit aliud, quàm legis lineas tranſilire, nihil, quod ad peccati eſſentiam atque rationem attinet, refert, diuina ne an humana lex ſit, quæ uiolatur, dummodò eius modi ſit, qua homines teneantur.

2. Axioma.
ma.

II. Axioma. *hanc cenſores iſti peccati definitionem conſtituunt, Peccatum eſt non quicquid legi Dei repugnat, ſed hoc propriè uocatur peccatum, quod libera uoluntate, & à ſciente cõmittitur. fol. 44. Item, Peccatum nihil eſt. peccatum eſt priuatio & boni abſentia, uoluntatis-que à lege diuina auerſio, tamque eſt uoluntarium, ut ſi uoluntas non foret, peccatum non eſſet. fol. 46. Sicut humana natura à bel-luarum ſenſuq; carentium naturis, intellectu & ratio-nè maxime diſiungitur, ita humanæ actiones uolun-tate potiffimùm, quæ rationis pars eſt nobiliſſima, ab operationibus aliorum corporum ſecernuntur, & diſtinguuntur.*

stinguuntur. nam etsi homo illis actionibus, quas non sponte sua, sed inuitus sæpe, naturæ etiam ipsius impulsu aliquando suscipit, non sit priuatus, illa tamē agendi ratio, quæ non est hominis propria, & peculiaris, uerū cum cæteris corporibus illi communis, non est humana propriè appellāda. actiones enim eius esse dicuntur, cui sunt maximè propriae. Quare si quis casu ab eminenti loco præceps decidat, atque corporis pondere deorsum uelocissimè feratur; quis hanc humanam operationem appellare audebit, quæ non homini magis, quàm ingenti alicui molæ conuenit? si quis etiam actionis finem, & id, quo quasi instrumento ipsum consequatur, ignorans, nulla consultatione præeunte, non sciens, neque sponte sua ac liberè operetur, sed aliunde agatur, & ad operandum impellatur, quis hanc hominis actionem magis, quàm equi aut bouis esse dixerit, qui naturæ ductum, non uoluntariè, sed necessitate quadam sequitur? Quocirca tunc actio dicenda est humana, quando homo rationis particeps finem, quem actione cōsequi optat, præuidet, ad illum assequendum res necessarias præeligit, à se ipso adoperandum inducitur, neque uel aliunde impellitur, aut naturæ necessitate adigitur, quæ uoluntaria dicitur, illisquæ solis naturis, quæ ratione constant, peculiaris; ut præter cæteros auctor est D. Ioannes Damascenus. Qui igitur humanam actionem dicit, uoluntariam intelligat necesse est, hoc est, illi hominis parti accommodatam, qua homo est, in ratione uerò uoluntarij, ut à sciente actio fiat, necessariò ingreditur. Cum igitur peccatum, humanam esse actionem apertè demonstrauerimus,

*Damascenus lib. 2
de fide orthodoxa. c. 24.*

uerimus, qui uoluntarium illud esse, & à sciente cō-
 mittere pernegat; hominem propria & excellentissima
 natura spoliat, atque cum brutis animantibus ac fe-
 ris connectit, & copulat. quod non modò est Philo-
 sophorum omnium summa cōsensione, sed diuinis
 oraculis, sanctorum patrum conspiratione, atque
 maximè Diui Augustini sententiā firmatum; cui
 hanc peccati rationem, magnum fecisse negotium,
 falsò Kemnicius arbitratur. Vt uerò apertissima alia
 sacrarum literarum testimonia taceam, uel unico
 Iesaiæ id satis comprobatur: quem cū Deus adhor-
 taretur, ut clamaret quantum maximè posset, & qua
 si tuba clamorem attolleret, atque populum Israeli-
 ticum inani iustitiæ & sanctitatis opinione insaniē-
 tem redargueret, & in quanto scelere uersaretur, &
 quàm multis criminibus se contaminasset, clarissi-
 ma uoce pronunciaffet, omnia tamen scelera & hor-
 rendi flagitia propriæ uoluntatis operatione con-
 clusit, Ecce (inquit) in die ieiunij uestri inuenitur
 uoluntas uestra. in sceleratæ enim uoluntatis actio-
 nibus, omnia flagitiorum genera cōtinentur. Quod
 ipsum paulò pòst ad hunc modum repetit, Si autem
 auerteris à sabbato pedem tuum, facere uolunta-
 tem tuam in die sancto meo, & uocaberis sabbatum
 id est delictiarum & sanctum Domini gloriosum,
 & glorificaris eum, dum non facias uias tuas, & non
 inuenietur uoluntas tua, ut loquaris sermonem,
 tunc delectaberis super Domino etc. Quibus uerbis
 an non manifestum sit, non quidem peruersa uolun-
 tate ad flagitia incitari, sed illius suasionibus assen-
 tiri, illaque præstare, quæ præpostera uoluntas præ-
 scribit,

Iesaiæ. c.
 58.

scribit, peccati esse ueluti definitionem? atque peccare nihil esse aliud, quàm iniquæ uoluntati parere, temeritati cupiditatis obtemperare, sensibus indulgere, atque nefarijs desiderijs satisfacere? Id quod uerba illa Iesaiæ satis significât, Vt non facias uias tuas. Quæ sententia D. etiam Augustino tam est familiaris, ut nulla in re sit frequentior ac crebrior, quàm in docendo, peccatum ita uoluntate perfici, ut sine illa peccatum esse nulla ratione possit. Siquidem non esse peccatum, inquit, nisi prauum liberæ uoluntatis assensum, cum inclinamur ad ea, quæ iustitia uetat, & unde liberum est abstinere. & alibi apertissimis, & lucidissimis rationibus non solum edocet, sed quasi in præsentia, & ante oculos ponit, omnem mentem apud se diuinitus conscriptum legere, sine uoluntate peccatum esse nullo modo posse. quibus quasi machinis duas illas à Manichæis confictas animas funditus euertit, & unicam à Deo procreatam confirmat. Quæ sententia ita cōstanter & perpetuò illi placuit, quoties de peccatis sermo incidit, ut multis, atque ualidissimis rationibus probet, uirginem inuitam, & per uim uiolatam, non modò internam animi puritatem non amisisse, si uoluntate nefario stupro non annuat, sed neque corporis quidem ipsius, quod uim pertulit, castimoniam perdidisse, quā cum animi pudicitia indissolubili uinculo constrictam esse, & colligatam arbitratur. Infinitum esset numerando per censere loca omnia, in quibus firmissimis argumentis D. August. probat, uirtutes & uitia sine uoluntatis actione extare non posse.

*Augu. de
Genesi ad
literam
imperfe-
cto. c. 1.
August.
libro de
duabus
anima-
bus. c. 11.*

*Aug. lib.
primo de
Ciuit. Dei
c. 18.*

ORTHODOX. EXPLIC.

S E D Kemnicius ea, qua pollet charitate, admonet lectorem, hanc Colonienſium, immo ſcripturæ ſacræ, & Auguſtini aſſertionem, ad Pelagianiſmum uiam munire; quippe quia Pelagius cū olim uellet euertere doctrinam de peccato originis, arcem quaſi cauſæ ſuæ collocaret in hac definitione. ſic enim (inquit) colligebat, *Si illud tantū uerè & propriè eſt peccatum, quod libera uoluntate à ſciente committitur, ergo uicium originis non eſt uerè & propriè ex ſe & natura ſua peccatum, ſed impropriè, & abuſiuè.* Quam argumentationem magnum aſſerit feciſſe negotium Auguſtino in diſputationibus contra Pelagium de peccato originis; quàm ideò paulò accuratius expendamus oportet.

Q V I diuerſa ualdeq; diſſimilia eadem uolunt regula metiri, & quæ una in re conueniunt, in cæteris etiam coire & cohærere arbitrantur, uix poſſunt ſummis ſe difficultatibus extricare. què enim fieri poteſt, ut qui oſtreis, conchilijs, muricibus, cæterisque nulla ex parte perfectis animantibus conuenientia, ex equi, Elephantis perfectiſſimorumq; animalium proprietatibus aucupetur, non fallatur miſerè atque decipiatur? Qui fortitudinis muneribus ex temperantiæ functionibus, quia in uirtutis ratione cōueniūt, uoluerit cognoscere, quo tandē modo in ueritatis cognitionē uenire poterit? Eſt enim cuiuſq; rei natura perſpiciēda prius & curioſè exquirēda, & quibus in rebus cum alijs conueniat, quibusue differat, diligenter & circumſpectè inueſtigandum, atque ita cum ex proprijs, & non ex alienis, atque extraneis principijs ratiocinabimur, erroris omnis tenebras poterimus deuitare. Peccatorum
igitur

igitur duo sunt genera, quoddam genus est eorum, quæ personis ipsis sunt peculiaris, & propria. quæ quia sola eorum culpa, & actione, qui peccatis sunt infecti, admitti possunt, actualia uocantur. Aliud uerò peccatorum genus ipsius est naturæ magis, quàm personæ proprium, quod quia naturæ necessitate contrahitur, & nulla personæ turpificatæ culpa suscipitur, originale dicitur, hoc est, quod per originem, & ab origine ad nos dilabitur: nā in ipsa contaminamur omnes origine. Cum enim in Adamo unde originem ducimus, natura ipsa humana fuisset uiciata, & corrupta, fieri certè nequit, ut quis naturam ab Adamo accipiat, quæ illius sit corruptionis expers, & libera; nisi diuina munificentia, quam solet conferre gratiam, sacramentorum opere, atque uirtute, animæ in primo eius satū, atque ortu infundat; ad eum modum quo Angelos sanctificauit, quorum naturam gratia exornatā in lucem edidisse docet Augustinus. Quocirca si rem exactè expendamus, originale peccatum, naturæ potius quàm personæ culpam uocabimus, cū persona nullo à se edito admissoque flagitio, ex sola naturæ uiciositate, impura atque scelerata euasserit. Cum igitur dissimilissima sint, & maximè diuersa duo ista peccatorum genera, quis dubitare poterit, omnia, quæ peccati rationem ingrediuntur, non aliter horum cuique conuenire, quàm & peccatum esse competere? Si enim uno eodemque modo utrique, peccati ratio conueniret, non iam duo & dissimilia, sed unum atque idem esset peccati genus. Cum igitur de peccato, quod per se & non aliunde personæ conuenit, quod

*August.
lib. 12. de
Cini. Dei.
6.9.*

que propria homo operatione committit, sermo erit, omnia, quæ in definitione peccati collocantur, persona ipsa ex se, & non aliunde habeat necesse est. Cum uerò de natiuo originali que peccato agemus, naturæ quidem potissimè ratio habenda est, & singulæ diffinitionis partes ipsi maximè naturæ aptandæ sunt, cui potissimùm hoc peccati genus inhæret, & ex qua in personam diffunditur, & ob quâ homo peccator & sceleratus dicitur. Est igitur in peccati definitione, quòd sit actio libera, & quæ à uoluntate profiscatur. Cuius, quæso Kemnici, in peccatis deposcendam arbitraris uoluntatem? illius ne, qui nihil per se ipsum sceleris admisit, aut eius, cui & peccatum maximè inest, & cuius causa homo peccator censetur? Non uides quòd qui uoluntarium in ratione peccati ponendum existimant, illius uoluntatem requirant, necesse est, cuius præcipuè est peccatum, eodemque prorsus modo, quo & peccati rationem induit? Quare sicut in peccato, quod actuale uocant, uoluntas personæ necessariò requiritur, quia in ipsius actione positum est, ita in originali, quod præcipuè est naturæ crimen, atque per naturam personæ conueniens, qui aliam, quàm naturæ, ipsiusque originis uoluntatem desiderat, ab originalis quidem culpæ ratione discedit. Quomodo enim illius explicatam, & propriam uoluntatem deposces, cuius actio minimè fuit ad peccandum necessaria? Cum igitur nulla nostra propria actione, sed solius naturæ, idest ipsius originis foedo ac flagitioso facto fuerit natura ipsa inquinata, & ex eo tanquàm ex pestifero & funesto fonte in omnes peccati

foeditas

fœditas profluxerit, colligitur sanè, ex nostra in ipsa
 natura, atque origine existente uoluntate, peccatū
 originalis rationem perfectam esse, & omni ex parte
 absolutam. Nam sicut peccatū originale est, ita
 & uolūtas originalis esse debet, sicut in origine con-
 tractū, ita in origine, ut dici solet, uolitū; sicut in Ada-
 mo peccare oēs potuimus, ita ī Adamo peccatū uel-
 le. Estq; ita uolūtas cum peccato cōiungēda & cōglu-
 tinanda, ut illius uolūtas necessaria sit, cuius pecca-
 tū fuerit potissimū, eodēq; modo sit uolitū, quo &
 peccatū esse illi cōuenit, perīde ac sētiēdi uis, ita cui
 uis cōpetit, sicut & esse animal. quod ut manifestius
 euadat, animū, quæso Kemnici, aduerte, fuisse origi-
 nalē iustitiā Adamo tāquā naturæ humanæ princi-
 piū à Deo donatam, unde in omnes homines debuisset
 simul cum naturā latē diffundi, & dissipari. quod
 circa si in diuinæ legis obediētiā perstitisset, omnes,
 qui ab eo procreantur liberi, fuissent sanè illi non na-
 tura modò, sed iustitia etiam similimi. neque enim
 immortalis parens mortales filios generasset: & quē-
 admodum omnes, qui ab eo sumus parente orti, &
 procreati, naturā fuimus necessitate in illo inclusi,
 ita & eadem fuimus cum illo diuina liberalitate &
 gratia aucti, quæ non erat cum Adamo interitura,
 sed in omnem posteritatem longē latequē dispergē-
 da, & dissipanda. Transgreditur Adamus diuinam le-
 gem, diuinorum beneficiorū immemor; maluit He-
 uæ suæ morem gerere, quā Deo, & ne suas delitias
 suosque amores contristaret, ut ait D. Augustinus, di-
 uinis uoluit amoribus sempiternisque delitijs care-
 re. Quare non modò naturæ humanæ magnam cladē
 attulit,

Aug. de
 Genesi ad
 literam
 lib. II. c.

42.

attulit, cùm corpus infinitis miseriis calamitatibusq;
inuoluit, sed & supremi illius doni, iustitiæ inquam
originalis iacturam, uniuersum hominum genus si-
mul cum ipso fecit. Nam quemadmodum, si ipse sibi
manus intulisset, non se ipsum solum, sed naturam ip-
sam humanam interemisset, quæ in illo uno inclusa
erat, ab illoque tota penderat; ita cùm diuinam le-
gem perfregit, ipsius crimen in omnem posteritatem
redundauit, illamque diuinis beneficijs spoliata,
atque denudata, pari secum miseria circumplica-
uit. Neque enim minùs nostra iustitia in illo quàm
natura inclusa erat. Cùm igitur omnes, illius iustitiæ
quam in Adamo accepimus, in eodem iacturam fe-
cerimus, peccatores quidem meritò coram Deo su-
mus, non personæ culpa, sed naturæ uitio. Quod ut e-
uadat manifestius, aduerte, quæso Kemnici, si à te
quæram, quare iustitiam Adæ collatam, in illo acce-
pisse censemur? quia in illo tanquàm in origine era-
mus conclusi, atq; inde in omnes tanquàm ab uber-
rimo fonte diffundi debuisset, rñdeas necesse est. Si
rursus quærà, quare, illo peccante, oēs iustitiam ami-
simus? idem respondeas oportet, Adamūq; non solū
priuatam sed publicam, atque totius humani gene-
ris personam gessisse, cuius stirpis parens, ac proge-
tor erat. Si iterum quæram, quoniam modo uerum
fit, quod D. Paulus ait, in illo omnes peccasse? ad
idem recurras oportet, esse enim hæc Pauli uerba de
peccato originis intelligenda, & Concilium Mileui-
tanum, & omnium sanctorum Patrum communis cō-
sensus, etiam reclamante Erasmo, asserit. Quid igi-
tur est quòd dubites, eodem modo omnium uolun-
tates

Ad Rom.

5.

*Con. Mi-
leu. c. 2.*

rates in illo conclusas censerī, sicut & naturas? eodē-
 que pacto omnes in illo uoluisse diuinam legem trā-
 sgređi, sicut in illo peccauimus? Quare sicut Adami
 peccatum, totius naturæ in illo inclusæ meritò crimē
 habetur, ita & uoluntas non illius solū, sed omniū
 est æstimanda. Et quemadmodum in illo peccare
 omnes potuimus, ita in eodem peccare uelle. Et sic
 ti cum ad paruuli personam & actiones respicis, mi-
 nimè illum appellare iniquum poteris: cum tamen
 ad naturam animum aduertis, quæ in Adamo fuit
 uitata, peccator uerè dicitur: ita cū uoluntatem
 paruuli intueris, minimè quidem illius consensu
 peccatum est ullum admissum: si uerò ad Adamum
 recurras, ubi illius erat uoluntas simul cum natura
 conclusa, uoluntariè à diuina lege illum discessisse,
 et liberè diuinam iustitiam repudiasse, quando in
 Adamo peccauit, facilè intelliges. Quod D. Aug. sæ-
 pe docet, ita enim scribit, Et illud, quod in paruulis
 dicitur originale peccatum, cum adhuc non utantur
 libero arbitrio uoluntatis, non absurdè uocatur etiā
 uoluntarium, quia ex prima hominis mala uolunta-
 te cōtractum, factum est quodāmodo hæreditarium.
 Non itaq; falsum est quod dixi, usq; ad eò uolunta-
 rium esse peccatum, ut nullo modo sit peccatum, si
 non sit uoluntarium. Idem quoq; scribit ad hunc mo-
 dum, Quod dixi, nusquā nisi in uoluntate esse pec-
 catum, possunt Pelagiani pro se dictum putare, pro-
 pter paruulos, quos idè negant habere peccatum,
 quòd eis in baptismo remittatur, quia nondum ar-
 bitrio uolūtatis utuntur. quasi uerò peccatum, quod
 eos ex Adam dicimus originaliter trahere, idest rea-
 tu eius

*Aug. re-
tract. lib.
1. c. 13.*

*Aug. re-
tract. lib.
1. c. 15.*

Aug. lib.
16. de Ci
uit. Dei.
c. 27.
psal. 118.

Gen. c.
17.

tu eius implicatos, & ob hoc pœnæ obnoxios detine-
 ri, nusquam esse poterit, nisi in uoluntate, qua uolun-
 tate commissum est, quando diuini præcepti facta est
 transgressio. Idem Augustinus fatetur alibi, non mo-
 dò peccatum ab Adamo in omnes extensum fuisse,
 & dilatatum, sed eo modo cunctos diuinam legem il-
 lisisse, & conculcasse, quo & peccatores sunt, quare &
 in omnes illam Dauidis sententiam quadrare, Præ-
 uaricatores reputauì, omnes peccatores terræ. cum
 uerò Catholica fides doceat, paruulos nasci non pro-
 priè, idest propria aëione, sed originaliter peccato-
 res, ita inquit non propriè, sed originaliter diuinam
 legem conuulsiſſe. Inquam sententiam interpretatur
 illa Dei uerba ad Abrahamum, Masculus, qui non
 circumcidetur carne præputii sui, octauo die, inter-
 bit anima illa de genere suo, quia Testamentum
 meum dissipauit (ita enim Genesis uerba refert, quæ
 & ab Hebraicis & à uulgatis ualde differunt) hoc in-
 quàm Testamentum, præceptum illud esse ducit,
 quod Adamo in Paradiso traditum, infirmatum est,
 & dissolutum à paruulis, cùm communis parens A-
 damus peccauit. Nam (inquit) nulla in se negligen-
 tia sua iustè interire incircūcisi animam paruuli, nisi
 originalis obligatione peccati. Quid igitur est, quin
 pari ratione dicamus, originis peccatum non pro-
 priè, sed originaliter uoluntarium esse? et quemad-
 modum, Adamo peccante, omnes peccare, diuinam
 quæ legem transgredi uisi sumus; ita & illius quæ na-
 turæ principium est uoluntas, omnium fuisse censea-
 tur? Nam qui in peccato originis aliam uoluntarij
 rationem desiderant, quàm originalem; iam pecca-
 tum

tum à ratione originalis abducunt, & in aliud longè diuersum genus transferunt. Ita enim, uoluntarium in peccati ratione & essentia inest, ut par prorsusque idem futurus sit, & peccati, & uoluntarij modus, tale què peccatum unum quodq; sit, qualis in illo reperi-
tur spontanei ratio. Quare sicut qui in peccato origi-
nali uoluntarij partem nullam agnoscunt, peccati prorsus ratione diluunt, ut ostendimus, ita qui aliud in eo quærunt uoluntarij modum, quàm originale, illud ab originalis natiuitate peccati ratione auocare conantur. Vnde fit, ut D. Cyprianus, originis peccatum, alienum appellare non fuerit ueritus, quam uocem etiam D. Augustinus non aspernatur, & tamen ad hunc modum interpretatur, Nec sic (inquit) ita peccata dicuntur aliena, tanquàm omnino ad paruulos non pertineant, si quidem in Adam omnes tunc peccauerunt, quando in eius natura illa insita, in qua eos gignere poterat, adhuc omnes ille unus fuerunt; sed dicuntur aliena, quia nondum ipsi agebant uitas proprias. Quis igitur dubitare queat, quin D. Augustinus ita uoluntatem Adæ omnium fuisse ducat, sicut & omnes in illo unum fuisse fatetur? Vt igitur paucis rem tandem complectamur, talis est in originis peccato uoluntarij ratio, qualis & peccati, atque in Adamo, eodem planè modo peccare uoluimus, quo & in illo peccauimus. Qui uerò duo ista ita secer-
nit & separat, ut in peccato originis uoluntatem requirat actualem; rerum ordinem prorsus & naturas inuertit. Quod uerò Kemnicus Pelagium in hac, quam assignauimus peccati definitione, arcem qua si causæ collocasse dicit, ad peccatum originale euer-

*Aug. lib.
3. de
pecc. me-
ritis &
remissi.
6. 7.*

Y tendum,

tendum, nihil prudentem hominem mouere debet, cum satis sit compertum, hæreticos nunquam ita infaniuisse, ut ex ijs, quæ perspicuè & apertè falsa sunt, impietates suas concluderint. Quem si fuissent secuti persuadendi modum, paucissimos profectò potuissent circumuenire. sed cum sæpe ex ueris, & necessarijs, falsa & nefaria captiosè & uafre concludant, imperiti & improuidi homines, qui latentes captiones & fallacias introspicere non possunt, faciliè illorum technis & imposturis irretiti tenentur; suntq; dæmonis illius, qui Christi infinitam & inexhaustam pietatem diuinis oraculis, & religionis simulatione tentauit, ut illum in summam impietatem præcipitaret, minimè dissimiles. quæ fallendi ars nequaquam sanè illos fugere poterit, qui istorum hominum scripta consideratè, attentè & circumspèctè legerint. Quod uerò ad D. Augustinum attinet, cui Kemnicius ait, magnum negocium fecisse in disputationibus contra Pelagium, hanc sententiam, ad rationem scilicet peccati pertinere, ut sit uoluntarium; non satis meminit, quæ Diuus Augustinus hac de re latè fuseq; scribat, & quàm disiuncta sit, & discreta quæstio illa, quæ ipsum maximè torset, ab hac nostra controuersia de necessario uoluntatis assensu in peccato. si perlegas Kemnici duas Augustini epist. ad Hieronymum, & tertium librum de peccatorum meritis & remissione, multaq; alia eiusdem sanctissimi uiri loca, faciliè discas, nihil aliud sollicitum illum habuisse, anxissetq; uehementer in disputationibus de peccato originis, nisi inuestigare modum, quo peccatum potest ab Adamo in posterorum animas diffundi,

*August.
epist. 28.
& 29.*

di, & dimanare, cum illi solam carnem acceptam referamus, animas uerò minimè. Nisi fortè hominum animæ etiam ab una Adæ anima pro ueniunt, sicut et à corpore corpora omnia: neque singulatim à Deo creantur, ut introducantur in corpora. neque enim uidet Augustinus, quo nam modo fieri possit ut corpus, quod solum ab Adamo habemus, quantumuis infectum sit, & inquinatum, animam possit uitiare. quòd si animæ ex traduce non sunt, idest, ab Adami illa anima non deriuantur, sed nouæ quotidie à Deo procreantur, quo se pacto ijs liberet angustijs, non satis uidet. haud quaquã enim ignorabat Augustinus, quo pacto in peccato originali uoluntarij ratio cernatur, quod & sæpe docuit, & nullo modo Pelagianis fauere posse asseruit; sed uiam, qua animæ, quæ ab Adamo non exoriuntur, illius potuerint scelere contaminari, cognitam se non habere fatetur. Cum enim Pelagius quæreretur, per quas rimulas (ut illius utar uerbis) hoc peccatum in animam illaberetur, quæ nõ est ex traduce sicut caro, & nulla se culpa, propria actione suscepta, inquinauerat, uacillat sæpius Augustinus, nutat, quæstionis difficultate implicatus, hæret, & suam hac in re ignorance apertè, & ingenuè confitetur. Ego autem (inquit) & si refellere istorum argumentationem non ualeam, uideo tamen inhærendum esse ijs, quæ in scripturis sunt apertissima, ut ex his reuelentur obscura; aut si mens nondum est idonea, quæ possit ea uel demonstrata cernere, uel abstrusa inuestigare, sine ulla hæsitatioe credantur. Et ab Hieronymo multis precibus contendens, ut illi tam abstrusam difficultatem enodaret, & tan-

*De peccatorum
meritis
et remissione lib.
3. c. 4.*

*August.
Hieronymo
epist.
28.*

ORTHODOX. EXPLIC.

tis cum angustijs & anxietatibus liberaret, totus est in inquirendo modum, quo animæ in corpora immituntur, unde etiam & propagationis peccati cognitionem pendere arbitratur. Vnde (inquit) illa de animarum nouarum creatione sententia, si hanc fidem fundatissimam (paruulos damnari propter peccatum originale intelligit) non oppugnat, sit & mea, si oppugnat, non sit et tua. Quam Augustini hæsitatio nem si diligenter, Kemnici, et accuratè expendas, fatis puto intelliges, non modò cum hac nostra de uoluntarii peccati controuersia implicatam non esse, & colligatam, sed quamuis uoluntarium à peccati ratione auferamus, non tamen Augustini dubitationem dilutam & ablatam esse. nam si peccatum illud, quòd uoluntatis operatione non egere arbitraris, in sola anima inest, per quas rimulas ab Adamo in nos defluxit, à quo sola corpora & non animas accepimus? Nisi fortè ita omnia inuertis, ut de uoluntate quidem peccatum auferas, & in carne ipsa colloques. nam quam diù illius sedem animam esse confiteberis, quæ cum Adæ anima nulla sit originis cognatione coniuncta, quantum uis illud uoluntarij ratione spolies, Augustini tamen dubitationem non sustulisti, quæ non à uoluntarij necessitate in peccato, ut fingis, sed à ratione originis animarum pendet. Sed esto concedamus tibi, hanc peccati definitionē multum negotij fecisse Augustino, non uides quantum inde uirium, quantumque roboris & firmitudinis assumat, cū uir & sanctitate & eruditione illustrissimus, neque quæstionis difficultate commotus, neque Pelagij argumentorum ui deterritus, neque ignora-

gnorationis pudore ductus, ab illa potuerit ulla ratione abduci? cum præsertim non is sit Augustinus, qui temerè aut præcipitater sententiã defendat, sed qui palinodiam sæpe (ut aiunt) cecinerit. Nemo enim unquam alienorum operum tã seuerus cẽsor extitit, quã ille suarum sententiarum & uerborũ omniũ est exagitator. Cum enim à se dicta omnia debitis ponderibus examinare, ac retractare soleat, minimè quidem erubescit, plurima corrigere, luculentiusque explicare, atque in se ipso maximopere illa reprehendere, & utiuperare, quæ paulò antea approbauerat. Quoties tamen de peccatis sermo incidit, apertissimis uerbis fatetur, sine uoluntatis operatione, esse illa nõ posse. Argumentum uerò, quod Pelagius ex peccati definitione educebat, ad originis culpam euertendam, non efficere, quo minus illa & peccatum sit, & uoluntarium, non obscure sæpius asseuerauit. Nam paulò post illa uerba, quæ antea adduximus, addit, Cur igitur (inquiunt Pelagiani) peccatum dicitis paruulorum, quorum uoluntatem non tenetis ream? Respondetur, non eos proprietate uoluntatis, sed origine reos teneri. omnis enim homo terrenus, quid est origine, nisi Adam? Porro autem Adam habebat utique uoluntatem, quã uoluntate, cum peccasset, peccatum per eum intrauit in mundum. Itẽ cum pertractat quod dixerat lib. 2. de Genesi contra Manichæos, nulli naturæ scilicet nocere peccata nisi suã, ait, Possunt sanè Pelagiani ad suum dogma trahere istam sententiam, & ideo dicere, paruulis ideo aliena non nocuisse peccata, quia dixi nulli naturæ nocere peccata nisi suã, non intuentes,

*Aug. Re
tract. lib.
1. c. 15.*

*Aug. Re
tract. lib.
1. c. 10.*

intuentes, ideò paruulos, qui utique pertinent ad humanam naturam, trahere originale peccatum, quia i primis hominibus natura humana peccauit, ac per hoc naturæ humanæ nulla nocuere peccata nisi sua exaggera igitur uerbis quantum uoles, Kem nici, negotium, quod D. Augustino hæc peccati de finitio peperit; quam illi attulit difficultatem, oratione amplifica: nam nihil uel ueritatem hanc illustrare, uel nutantes animos confirmare magis poterit. qui enim audit D. Augustinum, nullis difficultatibus commoueri, ut transuersum unguem ab illa, quam perpetuò & constanter tribuit peccato, de finitione defleat, aut certè ut de ea uel minimum timeat, quomodo poterit aut cuiusquæ oratione commoueri, aut de illa aliquantulum dubitare? Quòd si fidei, aut ueritatis rationem aliquam habere, mentiq; tuæ consulere & prospicere uoluisses, hic certè Augustini labor istum tuum animum tot opinionum mōstris fatigatum sedare, illius dubitatio tuā fidem confirmare, illius negotium Christianæ Rei pub. ocium, atque tranquillitatem restituere, uestramque istam insolentissimam audaciam reprimere debuisset. Si uerum est (ut dicis) D. Augustino tantum negocij fecisse peccati hæc, de qua agimus, definitionem, neque illā tamen unquam reiecit atque repudiauit, quid illustri hoc modestiæ, & pietatis exemplo non discis, in ijs fidei mysterijs, quæ percipere non satis potes, tuum intellectum sub Ecclesiæ sensum, sanctorumque patrum communem consensum, tanquàm sub iugum mittere in obsequium Christi? nec malis ignorantiam tuam candide

dè fateri, quàm sententiam temerè præcipitare? longè nanque multumque præstat, ignorantem haberi, quàm impium esse. Qui uerò in omni proposita quæstione eruditionem ostentare prægesti, peritosque in sui admirationem pertrahere optat, fieri certè non potest quin sæpius prudētibus ludibrio sit, & miserandis erroribus inuoluatur. Cum igitur abs te audio, D. Augustinum hæsitare, neque satis se posse quæstionis difficultate explicare, quàm illè sententiā firmam in hac quæstione tenet, cuiusmodi esse puto, quàm nemo pius & cordatus homo possit sine scelere deferere. Quocirca quò magis, Kemnici, Augustini difficultatem ex hac definitione profectam exaggeras, eò in piorum & fidelium animis altioribus radicibus defigatur necesse est, neque minùs roboris & firmitudinis huic definitioni peccati ex hac, quam fingis D. Augustini dubitatione, quàm ex apertissimis alijs eiusdem testimonijs accedet, fietque perspicuum, Adami in peccando uoluntatem, non priuatam sed publicam, totiusque humanæ naturæ extitisse, sicut & is ipse non priuatam, sed publicam, atque totius posteritatis personam gerebat. Quia uerò in hoc peccato minima reperitur uoluntarij ratio, quia non personæ propriæ uoluntate, sed aliena, originis scilicet, est susceptum, à Theologis nostris minimum esse omnium peccatorum censetur. quod innuit D. Aug. cum inquit, paruulos, sine baptismo è uiuis excedentes, in damnatione omnium mitissima futuros. quam sententiam cum repetit contra Iulianum Pelagianum, addit, quæ damnatio, qualis & quanta erit, quan-

Aug. lib.
1. de pecc.
meritis, et
remiss. c.
16.

Aug. lib.
5. contra
Iulianū.
uis c. 8.

uis definire non possum, non tamen audeo dicere, quòd eos ut nullibi essent, quàm ut ibi essent, potius expediret. Dicitur uerò aliquando originis peccatum omnium maximum, quia latius cæteris alijs diffunditur, & per omnes homines peruat.

*Quid sit
peccatum
originale,
questio
est perdis-
ciliis &
ambi-
gua.*

SED cum hac quæstione alia est perdifficilis, & perobscura coniuncta & copulata, in qua uideo uiros ingenio, & eruditione clarissimos plurimum sudare. quòd scilicet illud sit in nobis originis uitium, quo rei sumus, & scelerati corâ Deo, & quo qui contaminati sunt, omnem habent, ad æternam felicitatem aditum occlusum. nam cum originis uitium in nobis uerè habeat rationem peccati (ut est ab Ecclesia sæpius definitum) quia in origine à nobis est uoluntum, & primo generis humani parente peccante, omnes peccare uisi sumus, non aliud quidem in nobis, neq; ab illo diuersum esse debet, quod is, à quo originem trahimus, suscepit, cum diuinam legem irritam fecit. nam si peccatum nostrum dispar est atque dissimile, quò nam, quæso pacto, in origine peccasse censendi sumus? aut primi parentis uoluntas, nostra haberi potest? quò nam pacto in Adamo peccatum illud potuimus admittere, quod ipse non admisit? Quòd si non idem, quòd Adamus peruersa, & deprauata uoluntate est profectus, in nobis peccati rationem ullam habet, neque profectò, in Adamo uoluisse illud uideri possumus, quod ipse minimè uoluit. Quare si hoc originis uitium, naturæ peccatum dici debet, eò certè maximè, quia cum naturæ principium, & quod totam naturam repræsentabat, illud suscepit, ab uniuersa fuisse posteritate admissum

admissum uisum est: atq; ita idem prorsus in nobis est peccatum originale, quod in ipso fuit actuale. Quomodo uerò diuinæ legis nefaria illa uiolatio, qua diuinam in se iram & indignationem uniuersum genus humanum concitauit, in nobis peccati rationem habeat, peccatoresque efficere nos poterit, ut explicent illustres admodum Theologi laborant, & sacrosanctum Concilium Tridentinum cū definiret, peccatum originis uerè esse peccatum uniuscuique proprium, illius tamen propriam rationem consultò silentio inuoluit, quod multò ante ab aliis est factum, quæ cū nullam certam & expressam peccati originalis rationem tradiderint, liberum sanè cuique reliquerunt opinari, dummodò uera peccati ratio integra conseruetur. D. uerò Augustinus, nihil esse dixit ad prædicandum promptius, nihil uerò ad intelligendum secretius. Quare non quidem magnum scelus suscepisse, aut iniuriam anti-quitati (quā mirum, ut par est, in modum obseruo) inuississe is uideri debet, qui in re libera liberè etiam opinetur. Neque ualde erit abs re, si mentem meā paucis hoc in loco aperiam; de aliorum uerò senti- tijs nihil dicam, qui non tam institui aliena reselle- re, quàm mea confirmare.

*Conciliū
Trident.
sess. 6.
sub Paulo
3.
Conciliū.
Mileuita
num. et
Arausi-
canum.
Augusti.
lib. de mo-
ribus Ec-
clesiæ.*

PRINCIPIO uehementer probo illam pec- cati originis definitionem, quam à D. Anselmo ac- cepimus, esse scilicet priuationem iustitiæ origina- lis, quam habere debuissimus. Hæc enim, quæ no- bis insunt ad peccandum incitamenta, & quasi pru- rigines, peccati ratione prorsus carerent, nisi pul- sa fugataque iustitia illa post se reliquisset. Nam si

*Quid sit
peccant
origina-
le.*

essent solius lasciuiantis naturæ pulsus, & agitationes, atque ita sola natura affecti essemus, ut caro cū sibi grata & iucunda concupiscit, contra spiritum resisteret, & repugnaret, & à præscriptione rationis esset auersa, innati quidem magis defectus, qui naturam ipsam ex diuersis partibus inter se minimeq; consentientibus constantem, consequeretur, quàm peccata essent existimanda. Cū uerò omnibus donata fuerit iustitia originalis, quæ simul cum natura exorta, perpetuò durare potuisset, quæ carnis lasciuiam & petulantiam comprimeret, & omnes animi & corporis partes in officio cōtineret, omnesq; sceleratos animi motus cohiberet, quia quia spoliati, ac denudati sumus, caro spiritui obstitit & repugnat, & ad modum intraçtati & indomiti equi præcipitibus, & ferocibus cupiditatibus rapimur; fit, ut tanta animi effrenatio & insolentia peccatum sit. Quare & ipsa originalis iustitiæ amotio, atque priuatio, præcipuè peccati rationem habet, imo ipsa est peccati originalis forma, ex qua scilicet ī nostris cupiditatibus omnis sceleris, & turpitudinis ratio inest. quæ tamen iustitiæ spoliatio peccatum esse nullo modo potuisset, nisi aliqua diuina lege illam conseruare astringeremur. quo modo enim illius rei priuatio, ad quam ipse retinendam nulla lege, aut ratione obligor, peccatum esse potest? Cum enim peccatum sine legis trāsgressionē esse non possit, ut abundè satis demonstrauimus, si priuatio originalis iustitiæ, peccatum meritò habetur, aliqua certè lege tenebāmur iustitiam illam perpetuò tueri & conseruare. Quòd si sacrarum literarum monimē

ta euoluas, nullam hac de re à Deo legem explicatè,
& enodatè latam fuisse agnosces. Adamo enim solū
esum arboris scientiæ boni ac mali, diuina lex ue-
tuit. Quare ad naturæ ipsius leges rem exigamus at-
que examinemus oportet, quibus omnes unà ob-
stricti atque obligati tenemur. quis uerò dubitare
poterit, in potissimis naturæ legibus contineri, ut
quisque quoad eius fieri potest, naturæ ipsius inco-
lunitatem, salutisque tutam, ac integram conser-
uationem curet? hinc fit, ut qui sese oculis orbat,
membris mutilat, in aliquam ægritudinem temerè
præcipitat, uitæ aut naturæ ipsius perfectæ constitu-
tionis lubens iacturam facit, naturæ legem uiola-
re censeatur. Qui uerò iustitiæ originalis uim atque
munera considerauerit, satis intelliget, naturæ abso-
lutam et exactam perfectionem illa maximè conti-
neri atque conseruari. cum non solū, ut à sanctis
patribus, præsertim uerò à D. Augustino accepimus;
hominem Deo gratum, diuinæque naturæ consor-
tem faceret, sed integrum perpoliret, & perfectum
redderet; atque efficeret, ut omnes illius animi &
corporis partes admirabilem quendam concentum
seruarent, cum unaquæque suo munere absolutissi-
mè fungeretur. intellectus enim, illius beneficio mi-
ra erat diuinarū humanarūque rerū cognitione illustra-
tus, uolūtas rationi exactissimè obsequiebatur, & reli-
quæ omnes inferiores potentie superioribus ita su-
bjiciebantur, ut sibi quàmfacilimè posset homo ab
omni scelerum genere temperare. quo præclarissimo
ornamento, quandiu hominis animus decoratus
existisset, corpus omnibus quidem fuisset miseris

Aug.
priori
lib. de
pecc. me-
ritis, &
remiss. et
14. de Ci-
uit. Dei.

& ærumnis prorsus liberum, nullo mortis metu percelleretur, sed in summa rerum omnium affluentia miseriarumq; absentia felicissimā uitam degisset, ut Diuus Augustinus quā sēpissimē & diffusissimē docet. Quare illa iustitia, quam in Adamo accepimus, quāque originalem uocant, naturale donum, omnium est sermone dicta, quippe quæ erat ueluti præstantissimum quoddam antidotum, quod animum & corpus omni ægritudine & noxa liberum, conseruare potuisset. quare ligni uetiti esus, quo iustitiæ originalis iacturam fecimus, fuit quasi uenenatum quoddam pomum, quo Adamus sibi & nobis omnibus mortem consciuit, & his tantis animi ac corporis bonis se ipsum omnemque posteritatem spoliauit, atque ingentem cladem naturæ ipsi intulit. Cū animus iustitia illa destitutus tanta pace, tantaque felicitate frui non potest, sed uarijs cupiditatibus tanquā furij quibusdam agitur, estque ad peccandum longē procliuior, & propensior, intellectus densa ignorantium caligine offunditur, uoluntas rationis imperium decretat, illaque potentiarum præclara harmonia admirabilisque concentus inuersus est, & in magnam quandam perturbationem atque confusionem immutatus, corpus uerò innumeris est cladibus expositum, ærumnis obnoxium, ægritudinibus cooperum, miserijque implicatum; mors denique ipsa cum infinita malorum omnium Illade iustitiæ originalis priuationem est subsecuta: quare si infinita a natura lege omnes naturæ ipsius salutem, conseruationem, incolumitatemque curare astringimur, il-
lam

lam tanta felicitate, tantisque bonis spoliare, & tanta malorum omnium congerie onerare, atque opprimere, omni culpa uacare arbitramur? Qui digitum unum sibi aut alteri abscidit, oculo uel altero orbauit, naturæ legem nefariè uiolasse censetur. qui uerò animam illa, quæ naturam decebat, perfectione, & ordine priuauit, ad peccandum procliuatatem attulit, corpus necessitati moriendi addixit, innumeris, miserijs inuoluit, & omnibus, quas patimur, calamitatibus fores aperuit, nullum hoc facto scelus admisisse putabimus? si quis se ipsum solum tantis cladibus & miserijs sponte affecisset, non dubito quin omnes magni criminis reum illum ageremus, atque se magno scelere contaminasse, confiteremur. Cum uerò primus parens Adamus in se totamq; posteritatē iniuriōsus & immanis, omnibus, quæ numerauimus, bonis cunctos spoliauerit, & quàm recensuimus malorum multitudinem inuexerit, in commodisq; preferit, naturalem legem, quæ, ne quis sibi alteri uel in cōmodare audeat cauet, diligenter uerò sancit, ut se atque alios quisque seruare studeat, non illum per fregisse & dissoluisse ducemus? qui detrimentū infert cū ijs nulla ex parte conferendū, legē istā deseruisse dicimus? qui maiora multoq; trūculentiora dedit, ab omni crimine solum ac liberū ex istis abimus? sicut uerò uniuersa illa, felicitas ex unica natua iustitia pendebat, ita illius amotio, omnium exitit malorum causa. quare priuare se iustitia originali, in Adamo summa fuit scelus. neque solum quod de prohibito ligno ederit, sed quod se posteritatemq; uniuersam tantis ærumnis inuoluerit, tantisque bonis spolia-

ORTHODOX. EXPLIC.

spoliauerit, peccati rationem habet. Id quod cum in sola priuatione iustitiæ originalis positum fuisset, quæ omnium natura bonorum fons erat: & scaturigo, iustitia se quidem originali priuare, in Adamo non minus peccatum fuit quàm de prohibito à Deo ligno edere. Quôcirca in illa unica edendi de ligno uetito actione, duo peccata simul coniuncta & implicata agnosco; alterum, quo præceptum sibi à Deo impositum, est transgressus; alterum, quo sibi suâq; posteritati tantum iustitiæ donum eripiens, tam miserrè naturam scedauit; tantaq; malorum Iliade pressit. Cum præsertim Adamus incredibili rerum cognitione præditus ignorare non potuerit, ex se uno torius posteritatis uitam interitum, uel, felicitatem, aut infelicitatem; fortunas, aut infortunium, extremamque miseriam pendere. Et quemadmodum si quis eodie, quo ecclesiastica lege carnibus abstinere tenetur, ijs se carnibus ingurgitauerit, quas certò sciebat summum uitæ discrimen, & ualitudini dispendium allaturas, illa comedendi actione non modò reus est uiolata ecclesiasticæ legis, sed etiam naturæ, quæ seruare uitam, ualetudinemq; præcipit: ita Adamus cum diuino Imperio repudiato, prohibitum pomum comedit, non solum illam Dei legem sceleratè perfrexit, & conculcauit, sed naturalem, qua ut se, suamque posteritatē seruaret, astringebatur, atq; omnium maximum charitatis præceptum cum se totumq; humanum genus iustitia originali orbatum tantis incommodis, tantisq; animi, & corporis calamitatibus obsedit. Quod si ad rationem uoluntarij in omni peccato maximè necessariam animum aduertamus, satis intelligemus, quod quemad-

quemadmodum uentris ille magis quàm uitæ, uale-
tudinisquæ studiosus damnum sibi ultro intulisse iu-
dicatur, cùm illas uoluit carnes ligurire, illamq; in-
gluuiem, ex qua tantum illud damnum necessariò
consequabatur; ita Adamus, & si nihil cogitaret, in
animoque haberet nisi Heuæ suæ moremgerere, &
de pomo ab illa sibi oblato edere, omnia tamen illa
uoluisse habetur, quæ ex ijs, quæ uoluit, ita ex neces-
sitate sequebantur, ut prohiberi nulla humana ui,
aut uirtute potuissent. Velle enim causâ, & id, quod
illa efficit, necessariò nolle, perinde est, ac si quis ue-
lit seipsum in ardentem rogam coniecere, & nolit cõ-
buri. Cùm igitur diuinæ legi non parère, iustitiæ ori-
ginalis priuationem, tantorumq; malorum multitu-
dinem esset necessariò illaturum, sicut omnia sunt
una actione, ita una uoluntate implicata, & si diuer-
sam habeant uoluntarij rationem. Nam quæ explica-
tè, et per se uoluntas eligit, primariò; quæ uerò inde
consequuntur, necessariò concomitantur, esse uolun-
ta Theologi scholastici aptissimè dicunt; quia & si ad
illa uoluntas non aduertat, illa tamen, quæ sponte e-
ligit, ex necessitate comitatur. Quare persuasus sum,
priuationem iustitiæ originalis in Adamo, peccatum
fuisse, non quidem originale, quia non aliunde fuit
per originem contractum, sed actuale, quia propria
operatione, & sponte se perfectissimo illo naturæ or-
namento, iustitia nimirum, priuauit, quam retinere
naturali lege tenebatur. Quæ cùm ab illo ad nos fuit
per originem, uerè peccatores sumus. & sicut in Ada-
mo iustitiam accepit, ac amisit tota humana natura,
ita peccatum in illius amissione susceptum, multò
magis

magis ad naturam pertinet, quàm quoduis aliud. Quòd si uniuersitas generis humani tenebatur iustitiam illam originalem conseruare, illiusq; priuatio in nobis peccatum est, quis hac obligatione Adamū liberauit, aut legem condidit, unde unum solum hominem, in quo omnium uolūtales inclusæ erant, eximeret? Quòd si inane est cogitare, & pari Adamus autoramento tenebatur, illa profectò se iustitia spoliare, quàm conseruare tenebatur, non minus in illo actualis peccati, quàm in nobis originalis rationem habuit. Neq; est quòd mihi quis obiiciat iustificantē gratiam, cuius iactura omni culpa caret, sed illa sola actio, qua gratiæ iacturam facimus, peccatum est, gratiæ uerò ipsa iactura, potius pœna, peccatiq; comes dicenda est. Nam etsi gratia diuinum quoddā donum sit, sicut iustitia originalis, illa tamen ad illos solos effectus, animiq; ornāmēta sese fundit, quæ nos diuinæ efficiunt consortes naturæ, & quæ conseruare nulla lege tenemur. Hæc uerò, iustitia inquam originalis, naturam etiā ipsam omni ex parte perficiebat, & perpoliebat, omniq; incōmodo liberabat, quare illam ira conseruare, sicut & naturam tenebamur. Quæ sententia tunc cœpit mihi magis placere, cū illam innuere mihi uisus est Franciscus Siluestrius Ferrariēsis, cum interpretatur quartum librum D. Thomæ contra Gentes, uir profectò inter eos, qui hac nostra ætate gymnicum dicendi genus secuti sunt, eruditione, summaq; ingenij perspicuitate clarus.

QVÒD uerò ad alteram attinet peccati definitionem, quam inquit Kemnicius, se apud Colonien-

D. Th. prima secundæ .q. 8. art. 3. ad 3.

Francisc. Siluestri. Ferrariēsis in. 4. lib. cōtra Gentiles c. 32.

ses Patres reperisse, quamq; maxima irrisione ludit, peccatum scilicet nihil esse, sed solam boni priuatio-
nem, tam est omnibus nota atque comperta, ut nul-
lius egeat aut propugnatione, aut assertionem. Vt uero
reliquos sanctos patres omittam, lege, Kemnici, qui-
bus argumentis Diuus Augustinus probat, eò nos
minus esse, quò mali sumus; quia eò magis à Deo de-
ficimus, qui solus uerè dicere potest, Ego sum, qui
sum. Quare uerba illa Ioannis, Et sine ipso factum est
nihil. de peccato interpretatur, quod nihil esse ait.
Et in libello, quem Soliloquia animæ ad Deum, in-
scripsit, qui Augustini Spiritum diuini amoris flam-
mans quatientem, & ardenti charitate inflammatum
satis præsefert, cùm peccati miseriam deplorat, ita il-
lius rationem cum Deo loquens explicat, Et sine ip-
so factum est nihil: quia nihil bonum sine summo
bono est, sed malum est ubi non est illud bonum,
quod utique nihil est, quia nihil est aliud, quàm pri-
uatio boni; sicut nihil est aliud cœcitas quàm priua-
tio luminis. Malum itaque nihil est, quia sine uerbo
factum est, sine quo factum est nihil; illud autem ma-
lum est, quia priuatur illo bono, per quod omnia fa-
cta sunt, quæcunque sunt. Et in capite sequenti, se in-
quit, peccati uulnera, & animæ cruciatus idè non
sensisse dum ad peccandum inducebatur, quia nihil
erat, quia sine uita erat, quæ est uerbum, per quod
facta sunt omnia. In quo mirabiliter quidem consen-
tit Augustinus cum magno illo Dionysio Areopagi-
ta, egregio Pauli discipulo. Neque uerò ita pecca-
tum nihil esse dicimus, ut alteram ipsius partem,
quæ in actione consistit, rem quandam esse nege-

Aug.
lib. 1. de
Doctr.
Christia-

7.1.
Aug.
trac. in
Ioan. 1

Aug. So
liloq. c. 5

Aug. So
liloq. c. 6.

Dionysi-
us Are-
op. de Diui-
nis nomi-
nibus. c.

A a mus, 4.

mus, & quam nisi diuina operatio concurrat, homo per se efficere nulla ratione possit. Deus enim omnibus rerum functionibus ita assidet, ut nisi uires ad agendum suppeditet, & unà cum rebus ipsis oporetur, nulla sit tanta uirtus, quæ per se, & à se quidpiam agere possit. Alteram tamen peccati partem, quæ illius est ueluti forma, & essentia, quam à diuina lege, diuinaq; uoluntate auersionem atque defectionem dicimus, nihil esse satis constat, cum solum sit à bono desciscere. Quare neque summum, atque omni ex parte, & in omni genere absolutum Deum, auctorem habere potest. Si enim ex calido algidum, aut ex frigido calidum extare nullo modo potest, sed omnes effectus causæ suæ respondere necesse est, quis poterit existimare, ex perfectissimol, & omni defectione carēte Deo defectum ad nos posse permanere? aut quis sibi persuadere poterit, illud aliquid esse, quod à Deo non sit? Quare cum peccati illa pars, quæ in auersione à Dei lege posita est, deprauatam humanā uoluntatē tantummodo causam habeat, nihil planè est aliud, quàm mera boni, perfectionisq; priuatio, hoc est, nihil. Quod tertio Kemnicius in Colonien- si censura reprehendit, illud est;

3. Axioma.

*De peccato originis non manifeste se aperiant Iesuitæ quid sentiant, & tamen quid uelint non obscure colligi potest: nam sol. 28. mo-
nent, ne quis peccata hominū, aut naturam nimium exaggeret, ut nihil
in ea boni insit. Quæ Colonienſium uerba Pelagianismi
insimulat Kemnicius.*

Quam dispari studio societatis Iesu uiri ad Mon-
hemij impietates referendas, & Kemnicius ad illorum
dicta calumnianda ducti fuerint, & incitati, satis ex

eo patet, quòd hic uizio uertat exactam peccati originis explicationem fuisse ab illis prætermiffam, illi uerò confultò eam omiserint, quam sub opinionem cadere posse intelligebant. Cum enim neq; fidei mysteria omnia exactè enodare in animum induxerint, neque calumniandi libidine flagrarent, prudenter admodum illis supersederunt, quæ opinari integrum cuique esse uidebantur; ad ea uerò refellenda se totos compararunt, quæ aut apertam impietatem continere, aut latètem inuoluere, & occultare, aut errandi occasionem afferre posse, ducebant. Cum igitur quæ sit peccati originis ratio, atque definitio non inter hæreticos modò, sed inter Catholicos etiam in quæstione uersetur, & ancipiti contentione in contrarias sententias omnes distrahantur, ex tot tamen Concilijs, quæ de peccato originis exortos errores, profligarunt, nullum adhuc extitit, quod quæstionem hæc dirimendam, controuersiamq; sedandam esse existimaret. Atque ita Mileuitanum Concilium, uel eo solo nomine quàm maximè egregium, quòd Diuum habuit Augustinum, & quod hoc sequutum est, non multò post secundum Arausicanum, cui D. Leo primus Pontifex Maximus interfuit; atq; ultimò hoc præclarissimum, & sacrosanctum Tridentinum, cum definierint, omnes trahere originis peccatum ex Adamo, quid nam illud sit peccatum, confultò præterierunt, & missum fecerunt. Quam igitur tot, ac tanta Concilia nobis opinandi libertatem reliquerunt, præripuissent societatis Iesu uiri modestissimi, & circumspèctissimi? certamq; nobis fidem in re dubia perscripsissent? cùm præsertim Monhemius, qui ad

*Quid sit
peccatū
originale,
cōtro-
uersum
adhuc est.*

peccandum propensionem, & cupiditates, quas simul cum natura induimus, peccatum uocat originale, non ualde abhorrere uideatur à, multorum peritissimorum hominum mente, qui Augustini sententiam se tenere arbitrantur. quas tamen ijs immiscet, atq; ex ijs concludit falsas, & sceleratas sententias, apertissimè redarguunt Colonienfes. Qualis illa est oratio, qua naturæ corruptionem originis peccato cōtractam ita exaggerat, ut dicat, nihil à tali posse natura scaturire, præterquàm mala, nihilq; ab illa edi, aut effici non peruersum, & contaminatum, nihilq; non malum illi inesse arbitretur, ad quod efficiendum cum illo testimonio Gen. utatur, Cogitatio cordis humani mala est à pueritia. Inquiunt Colonienfes, maluisse quidem, ut fuisset usus Hieronymi uersione, Cogitatio cordis humani ad malum prona est ab adolescentia sua. cum ita Hebræorum uerborū sensum aptissimè contineat, ut omnem errandi occasionem eripiat. Nam & si humanam naturam perquam deprauatam esse, ad peccandum promptam, & expeditam negare nos non patiatur perenne illud bellum, quod caro cum spiritu, & Dei lege continenter gerit; hanc tamen naturæ corruptionem tantopere amplificare, ut nihil in illa pium, nihil bonum, nihil nō contaminatum agnoscamus, & à ueritate plurimùm abesse, & ad Manichæorum delirationes quā maximè accedere uidetur. Neque enim naturæ illa turpificatio, & deprauatio tollit, quin liberum arbitrium diuinis auspicijs, atq; munere possit lasciuien-
tes animi motus, seq; contra rectam rationem erigentes comprimere, aliquas actiones rectæ rationis lege
con-

conformatas edere, diuinæ bonitatis amplitudinem, humanarū rerū procuratiōē, sapiētiā plurimaq; diuini numinis myſteria cognoscere. Quæ tamē quæſtio, quia eſt cum ijs, quæ à nobis in 6. Axiomate, & de arbitrij libertate dicenda ſunt, ualde connexa, & copulata, non eſt quòd earundem rerum crebra repetitiō ne ſatidiōſi ſimus.

QV O' D uerò ſpectat ad locum illum Gen. Figmentum cordis humani malum ab adoleſcētia ſua. Genef. c. 10. cuius uerum, & germanum ſenſum ex Rabinorum Commentarijs depromptū Coloniēſes afferunt, per irriſionem uerò referre Kemnicius uidetur, qui in Hebraicis literis uel parum fuerit uerſatus, ſatis intelliget, uocem צֶרֶךְ quam diuus Hieronymus cogitationem, reliqui uerò figmentum, uertunt, ſæpe uſurpari in ſcripturis diuinis ad ſignificāda mētis deſideria, animi commentationes, & concupiſcentias. Quāquā ſi ex uerbo צֶרֶךְ quod eſt fingere, ac formare etymologiam ſpectes, figmentum propriè ſignificet. nam (ut R. Daut Kimchi auctor eſt) ea animus fingit, atq; format, quæ concupiſcit, cuius paſſim eſt in diuinis literis exempla reperire. Quare hæc Genēſis uerba צֶרֶךְ לֵב הָאִדָּם id eſt, figmentum cordis hominis, non cor ipſum humanum, humanasq; oēs actiōes, ſed id, quòd cor ipſum humanū primo conatu fingit ac format, ſignificāt: qua circuitiōe, & anfractu, hominū cupiditates, & deſiderij igniculi intelligendi ſūt, qui non ab alio opifice, quā à corde ipſo humano finguntur. Quare ſiue figmentum cordis, ſiue quoniam alio modo uertas, ad cupiditates certè, quæ in humanis cordibus formantur, referenda ſunt. Neq; diſſimilis

lis huic sententia est illa, qua Moses causam reddit
 tantæ iracundiæ diuinæ, ut quem summo studio, &
 charitate hominem formauerat, delere inundanti-
 bus aquis animo obfirmato statueret. Videns (in-
 quit) Deus quòd multa malitia hominū esset in ter-
 ra *Genesi. 6* וְכָל יֶצֶר מַחְשְׁבוֹת לְבוֹ רָק רָע כָּל הַיָּם, id est, & omne
 figmentum, siue omne desiderium cogitationis cor-
 dis eius certè malum omni die; quo sanè in loco uo-
 cabulum יֶצֶר solam ad peccandum propensionem,
 effrenataque desideria doctorum omnium iudicio
 significat: quæ idèò à Deo crimini dabantur, quia
 diuinæ gratiæ, liberiq; arbitrij uirtute non erant
 coercita atque compressa, sed illorum impulsione
 ad atrocissima scelera omni impetu ferebātur; quod
 quidem uerba illa apertè indicant. Videns Deus,
 quòd multa malitia hominum esset in terra. Quare
 idem prorsus Moses per figmentum cogitationū cor-
 dis *Genesis. c. 6.* & per figmentum cordis. *c. 8.* intelle-
 xit, cupiditates scilicet, & desideria, quæ mala,
 ac scelerata idèò dicuntur, quia ad malum propen-
 dent, & inclinant. Quare accommodatissimè D. Hie-
 ronymus uertit, cogitatio cordis humani ad malum
 prona est, atque propensa omni die.

Vt igitur ad instituti nostri rationem reuertamur;
 Kempnicius contendit, illam Colonienfium
 sententiam, quæ nihil boni in ijs, qui nondum per
 Christi gratiam renati sunt, reperiri posse negat; ad
 Pelagianismum plurimùm accedere, quod duo-
 bus Augustini locis probat. principio enim inquit;
*Pelagius ita locutus est, sicut recitat Augustinus libro secundo de Bo-
 no perseuerantiæ c. 11. Ignorantiam, & difficultatem, sine quibus*
 nullus

nullus homo nascitur, esse primordia non supplicia naturæ. & de Peccato originali lib. 2. cap. 13. Omne bonum, uel malum, quo uel laudabiles uel uituperabiles sumus, non nobiscum oritur, sed agitur à nobis. capaces enim utriusque rei non pleni nascimur, & ut sine uirtute, ita & sine uitio procreamur, atque ante actionem propriæ uoluntatis id solum in homine est, quod Deus condidit. Quibus Pelagij uerbis, non oppugnatam modò, sed funditus euersam Colonienſium ſententiã putat. Quæ cū legerem, & attentius cum Colonienſium uerbis conferrem, aliquantulum hæſi, & dubitauī, an per incuriam forte Kemnicius hæc loca, quæ prorsus extra rem esse uidebam, attulisset. Neque enim fieri posse putabam, ut qui ſui omnino compos eſſet, tantopere hallucinaretur, atque extra cauſam tam turpiter in re tanta ageret. Nam Pelagius, qui nullum originale peccatum in paruulis agnoſcebat, hanc ad peccandum propenſionem, concupiſcentiã, atque pruriginem dicitabat, minimè ex peccato originis naſci, ſed naturæ ipſius eſſe conditionem, ac neceſſarium modum, neque aliter nos affectos eſſe potuiſſe, ſi Adam ab omni ſcelere ſe temperaſſet. hominem enim ex diuerſis, atque propè cōtrarijs naturis conſtātem, non ijs eſſe deformitatibus præditum, prorsus ducebat impoſſibile. Quam Pelagij mentem explicat, & reſellit D. Auguſt. eo loco, quem Kemnicius refert ex lib. 2. de Bono perſeuerantiæ. Quam rectè uerò inde concludi poſſit, nihil in homine boni ineſſe, tu ipſe, Kemnici, iudica. Nam fatentur quidem Coloniēſes cum Auguſtino, ignorantiam, ad peccandum incitamenta, difficultates, quas patimur, quicquid demum mali in homine ineſt, ex peccato

Aug.
 lib. de Bo
 no perſe-
 uerantiæ
 c. 2.

ORTHODOX. EXPLIC.

cato originis oriri, sed inde concludere, peccatum originale efficere etiam, ut nihil insit in homine boni, delirantis est argumentatio. Nisi enim peccato originis essemus infecti, & iustitia originali spoliati, omnibus ijs, quæ patimur malis, careremus fateor, ut abundè paulò antea explicauimus. sed qua nam ratione colligi inde putas, tantas fuisse peccati vires, ut nihil in nobis boni reliquum fecerit? ò disertum, & argutum hominem? ò inauditum acumen? Hoc tam latè patens peccatum uniuersa hæc mala secum inuexit, ergo omnibus nos bonis spoliauit? naturam uitiauit, ergo funditus prostrauit? concidit ergo, necauit? vires perfregit, atque debilitauit, ergo exhaustit, & prorsus consumpsit? Quis hanc argumendi rationem facillè ferat? quis tantam amentiam cum tanta insolentia coniunctam non irrideat? Colonienſes uerò & si Monhemium reprehédant, quòd significare uideatur, nihil in homine boni inesse, malorum tamen tantam multitudinem, quanta premimur, ex peccato originali fuisse profectam, & non ex naturæ ipsius conditione impressam, satis apertè docent, cùm hanc rationem reddunt; quare post baptismum, quo peccatum originale, est planè deletum, & abrasum, concupiscentia adhuc manet, ut scilicet (inquiūt) agnoscamus, quātum malum sit, Deum opt. max. uel minima inobedientia offendere: dum aduertimus illud protoplasti peccatū, quod cum illo in lumbis eius patrauimus, tantam etiam nunc connexam habere poenam, quod maximis sudoribus reprimere, laboribus, ac uigilijs superare, ac totis deniq; animi neruis extinguere conueniat.

Puras

Putasne, Kemnici, uoces hasce esse negantium cum Pelagio omnem hanc naturæ deprauationem, & corruptionem ex peccato originis extitisse? Ad locum uerò libri secundi de peccato originali, satis Augustinus ipse respondet, cum mox addit, nihil illis uerbis aliud uoluisse Pelagium, nisi peccati originalis persuasionem ex hominum animis conuellere, cum omnia hæc, quibus conflictamur, animi, & corporis incommoda non ex peccato originali, sed ex natura ipsa effluere dicitabat. Quæ quantum contra eos faciant, qui & peccatum originis in omnes peruasisse, & ab illo omnia nostra mala & incommoda profecta esse satètur, uidere quiuis iam facile poterit. Quartum Kemnicij Axioma illud est,

*Aug. lib.
2. de peccat. origi-
nale. 13.*

ASSEVERANT Iesuitæ, post susceptū baptisma, peccatum in renatis nullum remanere uel quod apertum sit, uel etiam quod tegatur, & operiatur. Bone deus, quanta est impudentia istorum hominum cum Rom. 4. consensu ueteris, & noui testamenti hic constitutur, Beati quorum testis sunt peccata. Iesuitæ contra dicunt, Beati, qui nullum habent peccatum, siue testum, siue apertum.

4. Axioma.

SI truculentissimæ sunt & mortiferæ maximè inimicitia, quæ amicitiarum simulatione geruntur, nulli profectò magis feri, & immanes hostes diuinæ misericordiæ esse possunt, quàm perdit, & profligati homines, qui amplificandæ, & illustrandæ illius simulatione, inaniq; ostentatione, meritorum Christi sanguinisque pro nobis fusi, uirtutis, atque potestatis augendæ specie, illam eneruant, debilitant, de gradu deiciunt, & proculcant. Nam qui nullam orationem parem reperire possunt diuinæ misericordiæ commendandæ, Christi meritis amplifican-

B b dis

dis, sanguinis ipsius potentiae extollendae, & praedicandae, cum docent eos, qui uel minima fide Christi passionem suscipiunt, omni esse mox crimine liberos, & solutos, neque esse quoddam incestuum turpitudinem, sacrilegiorum impietatem, caedium immanitatem, rapinarumque conscientiam amplius uereantur; quippe, quia sanguis Christi sola fide susceptus, omnia delere crimina, omnia tollere, radicatusque extrahere, omnemque potentiam Inferni infringere facile potest. qui temeritate maxima dictitant quoddam quanuis innumeris se quisque sceleribus audacter contaminet, si Christi merita sola fide, & firmissima spe susceperit, ipsiusque sanguine crimina asperferit, omnem mox impietatem in excellentissimam quandam iustitiam immutari: qua oratione peccandi licentiam, & impunitatem afferunt maximam: ij inquam cum de sacramentis sermonem faciunt, quae & fidem habent coniunctam, & Christi sanguine ita respersa sunt, ut quasi promptuaria esse uideantur, quae illius merita continent, atque efficiunt utin omnes copiose, & abunde permanent, infirma illa, debilia, atque ad peccati foeditatem abstergendam, maculam eluendam, potentiam emolliendam ualde imbecilla esse dictitant, tamque esse peccati uires arbitrantur, ut nulla possint sacramentorum ui, atque uirtute superari. Quid enim, amabo te Kemnici, aliud est, sacro lauacro negare uim abstergendi peccata, quam Christi sanguinem imbecillum, illius merita infirma, redemptionisque nostrae mysterium, quod nobis baptismo communicatur, impotens dicere? Cum enim Christus

*Baptismo
omnia
prorsus
peccata
delet.*

stus mortuus fuerit ad multorum exhaurienda peccata, quibus id, quæso, alijs quasi instrumentis efficit, quàm nouis sacramentis (ueteribus antiquatis, & reiectis) à se institutis? Quibus cum sanguinem suum diuinum, inluserit, nihil certè est aliud, aqua baptismatis corpora aspergi, quàm animam Christi sanguine respergi, & perfundi. Quare qui sacramenta exhauriendi prorsus peccata potentia priuat, non quidem sacramentis, sed Christo ipsi iniuriam facit, qui omnem meritorum suorum uim sacramentis impressit. Si sacramentum baptismi (ut cætera taceam) crucis, mortis, meritorumque omnium Christi uim non continet inclusamque habet, quæ tanta est eius potentia ut peccata possit tegere (ut ais) diuinamque indignationem ita retardare, & comprimere, ut ea flagitia puniri nunquam possint? si continet, quod nemo unquam fidelium negauit, Quæ tanta est sanguinis Christi infirmitas, & imbecillitas, ut peccatorum foeditatem, & turpitudinem tollere nullo modo possit? Cum legis apud Diuum Paulum, Christum semel oblatum fuisse ad multorum exhaurienda peccata, quid, exhauriendi uerbo intelligis? ita ne operiri, & non imputari, ut integra tamen peccata maneant? Vt homo Christi oblatione sanctificatus, & liber, peccatorum sit nihilominus turpitudine infectus, scelere contaminatus, pedore corruptus, & uerè sceleratus ac flagitiosus dici possit? Non uides quantum id cum exhauriendi uerbo pugnet? Nam quorum uel tenues reliquæ manent, exhausta dici nullo modo possunt. Paulus uerò non peccatorum supplicia, sed peccata ipsa exhausta est.

Heb. c. 9.

se dicit. Si igitur Christi mors multorum peccata exhaurit, prorsusque tollit, quoniam id modo efficere putas? An solum quia id efficiendi uim habet? At non iam multorum, sed omnium peccata exhaustisse Christi oblationem, dicere debuisset. Nam cum pro omnibus mortuus fuerit, mortis illius tanta est uis, tanta potentia, tamque inexhausta uirtus, ut nunquam tantum possit uniuersitas generis humani extendi, & dilatari, aut peccatorum multitudo crescere, ut cum illa exæquari ullo modo possit. Cum igitur non omnium, sed multorum dicat Paulus peccata esse exhausta, de illis sanè uerba facit, qui crucis, & mortis Christi fructum percipiunt, neque illius uirritatem in seipsis, atque uanā faciunt. Quos quoniam modo consequi tantum Dei beneficium posse existimas? De coelo ne repentinum illud & inexpectatum delatbitur, nulla sacramentorum uirtute, aut humana operatione interueniente? Inania igitur sunt sacramenta, inutilis prorsus est illorum opera, & institutio.

*Marci.
6. 16.*

Quod si uera sunt Christi uerba, quibus, salutem sempiternamque uitam ijs solis pollicetur, qui crediderint, & baptizati fuerint, felicitatis autem aditum sola peccata ocludere, Christi uerò sola merita recludere possunt, an non satis constat, baptismatis sacramentum, Christi passionem, & merita ita habere colligata, ut animam peccatis expunctis sanctificet, & beatitudinis aditum aperiat? Cum igitur ex Pauli sententia, Christi oblatio, & mors eorum, quos sanctificat peccata non quomodocumque tollat, sed exhauriat, & baptismatis sacramento ad id quasi instrumēto Christus mentium sanctificator utatur, quantam putas esse

esse impietatem negare, post susceptum diuinum lauacrum, nullum remanere peccatum? cum sit aperte D. Paulum, mēdaci, & Christi mortem, infirmitatis, & imbecillitatis arguere? Quod si te ista parū mouēt, Kemnici, quid, quæso, illa Pauli uerba significāt in ea epistola, quam ad Hebræos scripsit Purgatione peccatorum per se ipsum facta, sed & ad dexteram maiestatis in excelsis? An purgatæ illæ mentes dici possunt, quæ sceleribus sunt infectæ, & cōtaminatæ? an purgare non est, quod sordidum erat, abstergere, quod impurum mūdare, quod turpe, & maculatum abradere? Quod si passionis Christi uis peccata, quæ ex Adamo contraximus, non delet omnino, sed ita operit, ut perpetuò illis maneamus cooperti, & infecti, quomodo cum purgasse nostras mentes Paulus dicere potuit? Quod si scripturæ sacræ uerba luxare & extra proprios sensus in alios longè alienos abducere fas est, omnibusq; uestris commentis patere illa pōtest, nihil profectò ex ea ueri, nihil, quod certum, ac definitum sit, habere unquam pōterimus. In epistola uero ad Romanos cū idem Paulus confert incommoda, quæ nobis Adæ peccatum attulit, cum commodis à Christi morte profectis, longè superare quæ à Christi morte dona accepimus, ab Adamo illata damna, aperte ijs uerbis asserit, Sed non sicut delictum, ita & donum. si enim unius delicto multi mortui sunt, multò magis gratia Dei, & donum in multos abundauit. Minimè uerò Christi bonitas in eo Adæ malitiam superat, quòd illa plures seruentur homines, quàm ista perdantur. Nam multos solo Adæ crimine interire, quibus Christi sanguis salutem non

Hab. c. 1.

Rom. c. 5.

I. J. J. J. J.

Rom. c. 5

non dedit, compertissimum est. Neq; item in eo solum, quod multò plura crimina Christus suis condonet, quàm ex Adamo contraxerimus, sed quod longè maiori opum, et dignitatum abundantia Christi passio animas exornet, quàm Adæ peccatum turpitudinis, & malorum copia contaminet. Quod idè Paulus explicat cum ait, Si enim unius delicto mors regnavit per unum, multò magis abundantiam gratiæ & donationis & iustitiæ accipientes in vita regnabunt per Iesum Christum. Ista enim nominum multitudo & numerus, infinitam bonorum affluentiam designat, sicut & vox *negotia*, quæ non quâmcunque abundantiam, sed redundantiam & profluentiam innuit. Expende igitur, Kemnici, paulisper ista Pauli uerba, & cum tua, immo Lutheri tui sententia diligenter confer. neq; enim fieri potest, quin uideas quantum inter se pugnent. Nam si peccatum ex Adamo contractum ita immobile hæret hominum animis, illorum quæ est infixum mentibus, ut nulla sacramentorum ui, & meritorum Christi efficacitate diuellatur unquam, sed operiatur solum, an non maior est peccati Adæ, quàm Christi uis, & potentia? an non plura nobis intulit Adamus incòmoda, quàm Christus comoda? nisi tu peccatis esse contaminatum, & turpificatum, in animi damnis non esse numerandum ducis. Duo enim in peccato, te etiã auctore, insunt, Peccati scilicet turpitudine, quæ nos Deo facit odiosos, ipsiusq; iudicio contaminatos, atq; sceleratos, quæ uera est peccati ratio, & Reatus pœnæ, hoc est, quòd ob admissa scelera æternis simus supplicijs obnoxii, & mancipati. Quæ si inter se conferas, & aliquem religionis

gionis pietatisq; sensum retines, satis intelliges, primum esse longè funestius, turpius, horribilius, multoq; formidabilius. mētes enim, quæ diuina charitate exardescunt, cū Deum esse summum, & infinitū bonum satis intelligant, ab illo esse peccatis alienatas, summum malum iudicant, atq; illius amore & cōspectu carere, cæteros omnes Inferni cruciatus quā longissimè præcellere arbitrantur. Quare si quis in beatorum coetum, à Deo peccatis alienatus esse posset, miser sanè, & calamitosus meritò iudicaretur. Iter Inferni uerò horrendos cruciatus, si criminis omnis expers quis esset, arctissimisq; charitatis uinculis cū Deo coniunctus, felix, ac beatus haberetur. Quod Dauid diuinæ dulcedinis memoria delibutus, ita explicat, Quid (inquit) mihi est in coelo, & à te quid uolui super terram? Deficit caro mea, & cor meum Deus, siue in *in* idest petra firmitudo, & robur cordis mei, & pars mea Deus in æternum. hoc est, nihil præter te unum, siue in coelo, siue in terra uolo; reliqua præ te mihi omnia sordent, uiliaque ac uulgaria sunt. Quare cū is, qui peccatis est contaminatus, & Deo infensus Deum intra se habere nullò modo possit, qui Christi sanguini sacramentis insito, & quasi cōsignato, operiendi peccata, & reatum poenæ auferendi potentiam tribuit, illorum uerò dedecus & labem abradendi uiribus ipsum spoliatur, an non infra peccati potentiam ipsum collocat, peccati uires mirum in modum extollit, Christi uerò uirtutem deprimat, & abijcit? Quæ si uera sunt, mendacem dicas certè Paulum necesse est, qui Corinthios his uerbis ad uirtutis studium hortatur.

Plas. 72.

2. ad Cor. 13.

prima. ad Corinth.

c. 6.

aut aliquid huiusmodi, sed ut sit sancta, & immaculata. Quod si Ecclesia ex solis fidelibus christianisq; hominibus constat, baptismo sanè eorum peccata planè deleta esse, & absterfa confitearis necesse est, nisi, aut Paulo repugnare uelis, aut peccatorum sceditatem, & turpitudinem, maculam non esse, ac rugā arbitrere.

NON meministi etiam quibus uerbis propheta Michæas Dei misericordiam, hominum peccata condonantis illustret, & amplificet, atque ita paulatim extollat, ut quæ prius condonata dicat, diuinamque ultionem euasisse, tandem omnino abrafa, deleta, atq; prorsus expūcta esse asserat? Quis Deus (inquit) similis tui, qui aufers iniquitatem, & transis peccatum reliquiarum hæreditatis tuæ? non immitteret ultra furorem, quoniam uolens misericordiam est. Reuertetur, & miserebitur nostri, deponet iniquitates nostras, proijciat in profundum maris omnia peccata nostra. quæ in nobis uiuunt peccata, quæ nos contaminant, atque inquinant, in profundum maris proiecta esse ducis? Infinitum esset omnia scripturæ sacræ loca numerando precesse, quæ cuncta peccata nostra Christi passione prorsus tolli, & præcidi docent, cum in hunc ueluti scopum omnia prophetarum uaticinia, Apostolorumque scripta dirigantur, usque adeò ut si nullis alijs argumentis incredibilis Lutheri tui deliratio, amenia, furor, & horribilis cæcitas pateret, uel ex eo sanè, quod hanc clarissimam lucem tenebris obscurare uoluerit, constare liquidò potuisset.

QVOD si sanctorum Patrum monimenta euol-

Cc uas,

*Cypr.
serm. de
ablutio-
ne pedū.*

*Clemens
Alexan-
drinus.*

*Cyrillus
Hierosol.
in Cate-
chesi my-
stagogi
prima.*

*Cyrillus
Hierosol.
2. Cate-
chesi my-
stagogi.*

uas, apertè uidebis, eam esse omnium sententiam, quam in Coloniensi censura reprehendis, neque tã illi quàm totius antiquitatis fidei te repugnare. In sermone de Ablutione pedum, qui sub nomine D. Martyris Cypriani circumfertur, in hunc modum baptismi uis explicatur, Sic lauans, quos parentalis labes infecerat, ut nec actualis, nec originalis macula aliqua sui post ablutionem illam uestigia derelinquat. Nec diuersum sentit Clemens Alexandrinus cum baptismi gratiam uocat lauacrum, & illuminationem perfectam, quia scilicet ad animam sanctificandam, & peccata abstergenda nihil desit. D. Cyrillus Archiepiscopus Hierosolymitanus, qui temporibus Constantij, filij Constantini Magni, floruit, in prima Catechesi mystagogica id ipsum apertissimis uerbis sæpius edocet. Dæmonem nanque cum Pharaone, qui in Iordane immersus interiit confrens, ait, Tyrannus ille ad mare usque, ueteres sequebatur, iste uerò imprudens improbitatis princeps dæmon, ad ipsas usque salutare undas te insequabatur; ille in mari submersus est, iste in aqua salutis suffocatur. & cū paulò post uerba illa explicat, quæ de Ecclesiæ more, fidei candidati usurpant, Renuncio scilicet tibi Satana, ostendit Christi sanguinis, qui in baptismo communicatur, uirtutem tãtam esse, ut dæmonis uires obterat, contundat, ac deleat. Et in secūda Catechesi chrismatis ante baptismum, usum his uerbis explicat, Deinde uerò iã exuti, exorcizato oleo à sūmis capillis ad infimos usq, pedes peruncti estis, & participes effecti fructiferæ illius oleæ Iesu Christi, excisi enī ex oleastro, in oleam frugiferā inserti

infecti estis, & pinguedinis illius ueræ oleæ quisq; uestrum particeps effectus. Illud ergo exorcizatum oleum symbolum est pinguedinis Christi nobiscum communicatæ, & quod omne uestigium diabolicæ operationis in nobis deletum est. & paulò inferius, Sic exorcizatum oleum per orationem, Deiq; inuocationem, tantam uirtutem consequitur, ut non modò ardentia peccatorum uestigia expurget, uerùm etiam omnes inuisibiles dæmones expellat. Cùm uerò D. Hieronymus proclamat, in baptismo Adamum ueterem totum mori, & nouum cum Christo suscitari; perire choicum idest, terrenum, & nasci supercœlestem, peccatum ne aliquod manere post baptismum tectum, atq; celatum arbitratur? maculam ex Adamo contractam adhuc uiuere in eo ducit, in quo Adamum prorsus interiisse asserit? Et cum ad Occæanum ait, baptismum ex toto nouum hominem facere, nihilq; ueteris relinqui, solum ne reatum pœnæ deletum fuisse, peccati uerò turpitudinem, & deformitatem menti tenaciter inhærere fatebitur? Vt uerò D. Basilium dicentem in baptismo, ueterem hominẽ exui cum actibus suis, & nouum indui prætermittam, Epiphanium, Gregorium Nazianzenum, Nicænum, Ioânem Chrysostomum, Ambrosium, reliquosq; sanctos Patres taceam, quando D. Augustinum patrum tuæ insanix potissimum asciscis, tantam hanc iniuriam, & dedecus ab illo propulsemus oportet, apud quem nihil est crebrius, atq; frequentius, non modò cùm contra Pelagianos agit, sed etiam quàm plurimis alijs in locis, quàm baptismi uim ita commendare, & extollere, ut in baptizatis nihil prorsus

Hieronymus aduersus lucifer. & lib. primo aduersus Rufinum. Hieronymus in Epist. ad Occæanum.

*Aug.
priori li-
bro de pec-
cat. meri-
tu & re-
mis. c. 39*

peccati reliquum fieri asserat, atq; cum Angelis illos conferre non uereatur. In Priori enim libro de peccatorum meritis, & remissione, In paruulis (inquit) certè gratia Dei per baptismum eius, qui uenit in similitudinem carnis peccati id agitur, ut euacuatur, caro peccati: euacuatur autem non ut in ipsa ineunte carne cōcupiscentia conspersa, & innata repente absumatur, & non sit, sed ne obsit mortuo, quæ inerat uiuo: & cum in adultis concupiscentiam etiam manere dixisset, & quicquid (inquit) mali ab homine factum, dictum, cogitatum est, cum eidem concupiscentiæ subiecta mente seruiret, totum aboleatur, ac ueluti factum nō sit, habeatur; ipsa uerò soluto reatus uinculo, quo illam diabolus animam retinebat, & interclusione districta, quæ hominē à suo creatore separabat, manet in certamine. An nō uides, Kénici, omnia suscepta scelera, abolita esse, & quidquid animam dæmoni subijciebat, à Deo uerò abducebat, abrasum esse, & prorsus deletum? Et contra duas epistolas Pelagianorum, Baptismus (inquit) abluit quidem peccata omnia, prorsus omnia (erige aures Kénici) factorum, dictorum, cogitatorum, siue originalia, siue addita, siue quæ ignoranter, siue quæ scienter admissa sunt. Quantum hæc, quæso, à commentitio illo tuo peccatorum tegumento absunt? Paulò uerò inferius, illos fidei corruptores uocat, qui hac tanta uirtute baptismum spoliunt. Qua igitur fronte (sic eam fidem, quam dicitis, Augustino habes) tuum Lutherum fidei assertorem, & Christianæ religionis uindicem iam appellare audebis? Et contra Iulianū Pelagianum idem Augustinus ait, baptizatos omni peccato

*Aug. lib.
3. contra
secundas
epist.
Pelag.*

*Aug.
lib. 6.
contra
Iulian.
Pelagi.
c. 5.*

peccato carere, non omni malo. Quod sacrosancta Tridentina Synodus sub Paulo Tertio Pont. Max. ijs uerbis definiuit, Si quis per Iesu Christi domini nostri gratiam, quæ in baptismo confertur, reatum originalis peccati remitti negat, aut etiam asserit non tolli totum id, quod ueram, & propriam rationem habet peccati, sed illud dicit tantum radi, aut non imputari, anathema sit. Quod & multò antea explicarunt Concilij Mileuitani Patres, cum tradunt, par uulos ueraciter in remissionem peccatorum baptizari, ut in eis regeneratione mundetur, quod generatione traxerunt. Neq; tamen pudet Kemnium affirmare, consensum ueteris, ac noui Testamenti cum hac tam certa & minimè dubia fide pugnare. *Beatos* (inquit) *illos David prædicat, quorum tecta sunt peccata. quam uocem D. Paulus ad Rom. 4. etiam usurpauit: Iesuitæ contra dicunt, Beati, qui nullum habent peccatum sine apertum sine tectum.* sed quod maius cõmentum potuit excogitari, quàm peccata ita à Deo regi, ut uia tamè, & ueluti sub aliquo inuolucro, ac pauimento occultata permaneant? Quorsum, igitur spectant; Kemnici, quæ mox apud prophetam sequuntur? *Beatus, uir in cuius spiritu dolo non est. si peccata solū sunt occultata, quomodo spiritus omni dolo caret? quomodo, & dolos occultatos atq; nebula aliqua obductos esse non dixit? Quod si illius, cuius tecta sunt peccata, spiritus, omni dolo caret, quomodo peccatis potest scaterere? Neq; enim ullus esse potest maior dolo, Augustino auctore, quàm cum in ore habere ostentationem iustitiæ, cuius conscientia peccatis est plena. Si iusti à te dicuntur hi, si sanctificati, si puri, qui peccatorum sunt maculis cooperti, an non ingens,*

*Trident.
Concilium
sess. 5. canon. 5.*

*Concilium
Mileuitanum
c. 2.*

Psal. 31.

hic

apertius significauit, cum ait, Lauabis me, & super niuem dealbabor. hoc est, cum diuino beneficio fuero Spiritus sancti aqua coelestique unda respersus, ita sordes omnes eluentur, ut illarum ne uestigium quidem relinquum fiat.

At inquis, hanc societatis Iesu, immo totius catholice Ecclesie sententiam pugnare cum Ioannis uerbis, qui ait, Si dixerimus quia peccatum non habemus, ipsi nos seducimus, & ueritas in nobis non est. Atque cum D. Augustini, & D. Bernardi placitis, qui peccatis cunctos homines contaminatos esse docent. Sed si ad D. Augustini doctrinam aduertisses, satis profecto intellexisses, illum de actualibus solum peccatis agere, & de adultis hominibus, qui propria se operatione possunt commaculare. hos enim quam sepe assertit non ita omnia peccata posse euadere, saltem minuta, & leuia, quin semper uere dicere possint, Dimitte nobis debita nostra. omnes enim, qui hanc ad Deum precem fundunt, uere id quidem, & non falso usurpant. In quem etiam modum D. Ioannis uerba idem Augustinus interpretatur. Sic enim ait, Hac excepta magna indulgentia (baptismus intelligit) unde incipit hominis renouatio, in qua soluitur omnis reatus, & ingeneratus, & additus, ipsa etiam uita cetera iam rationis utentis ætatis, quantalibet perpolleat fecunditate iustitiæ, sine remissione peccatorum non agitur, quod ipsum prorsus docet ad Macedonium scribens, & in Epistola ad Bonifacium Comitē, ubi tam aperte animi sui sensa hac de re explicat, ut testetur, baptismum ita peccata omnia extirpare, ac funditus tollere, ut ob illorum

*Aug. En-
cherid. c.
64.*

*Epist. 54
Epist. 50*

lorum interitum, qui illo suscepto mox mortem ob-
Ephē. c. 5 eunt, uera illa Pauli sententia esse inueniatur, Dei
 scilicet Ecclesiam omni macula, ac ruga carere. mox
 uerò addit, propter scelera à nobis admissa post susce-
 ptum baptismi lauacrum, omnes debere dicere, Di-
 mitte nobis debita nostra. quam etiam fuisse D. Ber-
 nardi mentem, cum dixit, neminem peccato posse om-
 nino carere. atque idcò eum solum uerè beatum
 esse, cui non imputauit Dominus peccatum, *satis ip-*
Ber. in cā. ti. serm. 23. se docuit cū baptismi uim atq; uirtutem explicat.
 Nam illo omnia prorsus peccata deleri, tandiuque
 mentem puram & candidam. permānere, quandiu
 non se proprio arbitrio inquinauerit, aperte asserit.
 Quapropter liberè cum Ioanne, Aug. Bernardo, san-
 ctisq; omnibus patribus confitemur, omnes, qui ra-
 tionis, atque uolūtatis utimur liberis functionibus,
 peccatis esse implicatos, & circumretitos: at qui post
 baptismum, pristina peccata manere arbitrantur, pas-
 sionis Christi uirtutem eneruant, Spiritus sancti uim
 comminuunt, scripturæ auctoritatem proculcant, to-
 tiusq; Ecclesiæ fidem contemnunt, & labefaciunt.
Ioan. Epi sto. I. c. 3. Quòd si natos ex Deo peccatum non facere, Ioannes
 affirmat, & per baptismum, filij Dei efficimur, ex
 Deoq; orimur, qui fieri potest ut in ipso Dei satu,
 cœlestiq; ortu peccata non oblitterentur & restinguā-
 tur? Quocirca mirari quidem iam non poterit, tam
 multa Kemnicium de societate Iesu petulantissimè
 mentiri, qui animaduernerit, ipsum eiusdē Iesu Chri-
 sti uetus, nouumq; testamentum ita adulterare, ut il-
 lius consensui aduersari procacissimè asserat, quæ cū
 illo mirabiliter conueniunt. sed homo uersutus, &
 cal-

lidus ut concupiscentiam in renatis peccatum esse astruat, nihil erit tam absurdum, quod non audeat affirmare. hoc enim quintum est ipsius Axioma.

MAGNAS agitant Iesuitæ tragædias, concupiscentiam, quæ reliqua est in renatis, licet repugnet legi Dei, tamen non esse propriè, uerè in se, uel ex se, & sua natura peccatum. hæc enim sunt ipsorum uerba. 5. Axioma.

Ex ijs, quæ de peccati ui, & natura, deq; sacrosancti lauacri uirtute ad peccata exhaurienda, & funditus euertenda, hæcenus disseruimus, satis, ut puto, sit planum, & perspicuum, concupiscentiam, quæ in renatis relinquitur, peccati rationem habere nullo pacto, posse, neq; quidquam turpitudinis, sceditatis uel continere æternis cruciatibus dignum. Sed quoniã Kemnicius, tùm causæ bonitati, tùm D. Augustini testimonijs tantopere fidet, ut omnes sanos uelit hac de re liberè iudicare, quod sit Coloniensum, hoc est D. Aug. fidelium omnium, totiusq; Catholicæ Ecclesiæ de concupiscentia iudicium, paucis aperiamus, ut qui se æquos præstare iudices uoluerint, ueritatè in promptu habeant, & si inter se utraque conferantur, quantum ualeant Kemnicij argumenta, manifestum fiat, & exploratum.

CONCUPISCENTIAM ante baptismum, quia ex iustitiæ originalis destitutiõe profecta homini inest, peccatum esse, unà omnes cum Colonien-sibus fatemur, ita tamen ut in originalis iustitiæ destitutione peccati ratio potissimùm posita sit. Quare concupiscentia peccatum est, quæ iniustitia originali in formatur, & ex illa inest. Nam si à natura ita essemus affecti (ut Pelagius temerè effutiebatur) aut animus quouis alio miserando casu, qui culpa uacaret, diræ con-

D d cupiscentiarum

cupiscentiarū tyrānidi, & importunitati subijceretur, miser quidem, & afflētus meritò haberi, nusquam tamen peccator dici potuisset. Cum igitur in sacro la-
o. A. 1. 7
1. 1. 1
 uacro iustitia nobis fuerit restituta, omnis sanè peccati ratio simul abolita, & abrasa est, manentq; concupiscentiarum aculei, qui nos pungant, & torqueant, nosque miserix nostræ perpetuò admoneāt, sed peccati fonte obturato, & oppilato, omnis rationis peccati sunt prorsus expertes. Atque ita quæ post baptis-
 mum concupiscentia manet, omni prorsus peccati turpitudine atque ratione caret. Cum uerò in sacris literis peccati nomen latissimè pateat, quā sæpissimè docet Aug. concupiscentiam in renatis ideò peccatū dici, quia ex peccato tanquàm ex pestifero fonte dimanauit, atque peccato exhausto, adhuc manēt illius in humanis mentibus expressa uestigia, quæ ad peccandum nos alliciunt, & quasi impellunt.

A T uideo Kemnium inane prorsus, & puerile existimare, ex peccati uenia, illius mortificationē, & destructionē cōcludere. Quocirca quāuis cōcupiscētiæ peccatum remitti dicat, mortificari tamen, nullo pacto induci potest ut confiteatur. Quòd si rem illā, quæ in paruulis peccatum fuit, hoc est concupiscentiam ipsam, intelligat, non abstergi, & extinguī, nemo sanè unquam tātōpere insanire poterit, qui id neget. At peccati ipsam turpitudinem elui, & mortificari, atque ita extinguī, ut concupiscentia peccatum propriè dici minimè possit, & explicauimus abundè, & luculentissimè docet D. Paulus in Epistola, quæ est ad Romanos, cū ex forma, & similitudine, quā sacrum baptisma habet cū morte, & sepultura Chri-
1. 1. 1
 sti,

Rom. 6.

sti, peccato nos mortuos esse, non semel concludit. An ignoratis (inquit) fratres, quia quicumque baptizati sumus in Christo Iesu, in mortem ipsius (id est, ad imaginem mortis illius) baptizati sumus? Consepulti enim sumus cum illo per baptismum in mortem. Quid uerò est aliud, baptismum nostrum imaginem gerere mortis Christi, illiusq; præclaram humationem, & sepulturam representare, quàm peccata omnia non aliter baptismi uis, & robore extinguere, atque deleri, quàm & Christus uerè pro nobis mortuus, & sepultus est? atque cum Christo renatorum crimina ita sepeliri, ut ex ueteribus turpitudinibus nihil iam prorsus appareat? Quem locum elegantissimè mea quidem sententia illustrat Cyrillus Hierosolymitanus, cum trinam illam mersionem, quæ in baptismo fieri solet, exponit, Illa (inquit) salutis aqua, & sepulchrum nobis, & mater effecta est, & quod Solomò dixerat de alijs, hoc in uos optimè quadrat. Dicebat ille, Tempus pariendo, & tempus moriendo. De uobis dici contrà potest, Tempus moriendo, & tempus generandi. nam id utrumque uno eodemque fit tempore; simulq; mors, & generatio uestra concurrit. ò nouum, & inopinatum mysterium: nos quidem non reuera morimur, non reuera sepelimur, nec uerè cruci affixi sumus, sed in imagine tantum nostra est imitatio, in ueritate autem salutis assecutio: Christus uerè crucifixus est, uerè sepultus, & uerè surrexit, & hæc omnia nobis donauit, ut cum imitatione passionis eius communicauerimus, reuera salutem lucremur. O' excellentem benignitatem, Christus manus, ac pedes suos incontaminatos clauis perfodi passus est,

*Cyrillus
Hierosol.
catechesi
myologo
gica 2.*

.b...mox

& per hosce tantos dolores mihi nihil eiusmodi patienti salutē confert. Nemo itaq; existimet, baptismā tantū remissionis peccatorū, uerū etiā adoptionis filiorū sese accipere, sicut Ioānis baptismā solā peccatorū condonationē præstabat. Nos uerò de Christi baptismo certi sumus, quòd ita ut est peccatorū ablutio, & donum sancti Spiritus conciliat, sic & Christi passionum imaginem gerit. propterea & Paulus paulò ante exclamabat, An ignoratis (dicens) quòd *qui* cunque baptizati sumus in Christum Iesum, in morte ipsius baptizati sumus. consepulti ergo sumus ei per baptismum in mortem. hæc dixerat declarans quòd baptismus remissionem peccatorū, & adoptionem filiorum conciliat, non autem iam ueras Christi passiones imitamur, ita ut ibi passio fiat. Vt igitur discamus, quòd quæcunque Christus pro nobis nostraq; salute sustinuit, uerè & non apparenter perpeffus est, nosque participes earundem passionum efficiamur, iccirco accuratè docens clamat Paulus, Si. n. insiti facti sumus illi, similitudine mortis ipsius, certè & resurrectionis erimus participes. Pulchrè autē uocat insitos. quia enim hîc uitis uera plantata est, nos quoque communione baptismi complantati sumus morti eius. Adhibe autem magna cum attentione mentem uerbis Apostoli. Non dixit enim, complantati sumus morti, sed similitudini mortis. uera nanque mors Christi fuerat, anima eius à corpore separata, & uerè sepultus: in nobis autem mortis quiddem, & passionum quædam est similitudo, salutis uerò non similitudo, sed ueritas. hætenus Cyrillus. Quæ uerò mox apud Paulum sequuntur uerba, Vt quo-

quomodo (inquit) Christus surrexit à mortuis per gloriam Patris, ita, & nos in nouitate uitæ ambulemus. eò sanè tendunt, ut doceat, non minùs necessesse esse nouo uiuendi genere Christi resurrectionem imitari, quàm baptisinate mortem, & sepulturam representare. et sicut Christus mortuus, & sepultus est, non quò perpetuò in sepulchro delitesceret, sed ut paulò pòst resurgens uitam gereret à priori abiectione, & mortalitate ualde dissimilem; ita peccatorum ille interitus in baptismo eò spectat, ut uita deinceps renatorum non quidem cupiditatum impulsio nem; carnisque pruriginem sequatur, sed secundum spiritus leges informetur. Hæc enim tanta baptismi uis imaginem mortis, & sepulturæ Christi gerens, parum ijs hominibus proderit, qui postquàm sacro fuerint lauacro expiati, nefarijs sese criminibus infecerint, turpitudinibus cõtaminauerint, atque sub cupiditatum tyrannidem, importunissimumque dominatum subiecerint. Quæ paulò pòst clarius idem Paulus his uerbis explicat, Vetus homo noster simul crucifixus est, ut destruatür corpus peccati (idest quicquid peccati rationem habet) ut ultrà non seruiamus peccatò. Quomodo autem cohærere inter se possunt, ueteris hominis peccata, Christi cruci esse affixa, & uiua in nobis perpetuò manere? dirutum esse, & euersum illorum importunissimum dominatum, & concupiscẽtiam, peccati rationem nunquam exuere, nullaque baptismatis ui, aliorum uel sacramentorum uirtute sœditatem istam extinguui, atque deleri posse? Quare, Kemnici, remissum illud crimen, & condonatum dici nulla ratione potest, cuius

Rom. 6.

Grego-
rius.

ius turpitude, & foeditas in nobis adhuc infixæ hæ-
ret, & uiuit? unde fuit, ut sanctissimus ille Pontifex
Gregorius appositissimè dixerit, post baptismum: sola
peccatorum cadauera in mente relinqui: quia scili-
cet, concupiscentia manet nulla macula informata,
& polluta. At Augustini auctoritas te sola mouet,
cui hac in re repugnare nefarium ducis, & sacrile-
gum, à cuius placitis uitæque instituto utinam nun-
quàm tuus Lutherus sceleratè defecisset, & quam fi-
dèmi illi habendam esse Caluinus affirmauit, ei per-
petuò adiunxisset. neque enim unquam uestram
cum Ecclesia coniunctionem dirimeretis, aut hac de
re esse nobis ulla contentio potuisset, cum ab Aug.
sententia ut cæteris in rebus, ita in hac una nullo
modo discedamus; sed qui à Caluini delirationibus
summo opere abhorremus, qui illius impietatem exe-
cramur, perfidiam detestamur, non possumus illud
Caluini de Augustino elogium non approbare: ita
enim scribit, Neque opus est multum inuestigando
laborare quid ueteres senserint, quando unus Au-
gustinus sufficere ad id potest, qui fideliter, ma-
gnaque cum diligentia omnium sententias collegit.
Ex illo igitur sumant lectores, si quid de sensu anti-
quitatis habere certi uoluerint.

Cal. insti-
tutionum
lib. 3. c. 3
de Augu-
stino iudi-
cium.

Aug. lib.
de Nup-
tius & co-
cupiscen-
tia. c. 23.

QV I D uerò Aug. de concupiscentia, quæ in re-
natis manet, sentiat, manifestè sanè tunc aperuit, cum
multis demonstrauit, concupiscentiam in ijs, qui sa-
cro sunt lauacro sanctificati, peccatum dici nullo
modo posse, nisi quia per peccatum introducta fuit,
illamque post se peccatum reliquit, aut quia ad pec-
candum inuitat, & allecat, cuius tamen impulsio-
nibus

nibus quandiu humanus animus non paret, peccator dici uerè non potest. & contra duas Epistolas Pelagianorum; infidelium illas esse uoces asserit, in baptismo non auferri prorsus crimina, sed ita radi, ut peccatorum radices in mala carne resideant; illorum uerò, qui ueram, & integram fidem colunt, firmam esse, & constantem sententiam, baptismatis uide peccata non radi, sed radicitus extrahi, & conelli. Abrasorum uerò pilorum radices, quæ infixæ in cute relinquuntur, cum dissimiles à pilorum natura non sint, alios rursus procreare natæ sunt. Quocirca, qui peccata rasa tantummodò esse aiunt, altissimis illa defixa radicibus manare innuunt, quæ nulla unquam ui labefactari possint. quod cum impium sit cogitare, abradi in baptismo peccata non pij, atq; Christiani hominis, sed sacrilegi, & scelerati uoces esse arbitrat. Quod ut luculentius explicet, addit, Sed de ista concupiscentia carnis falli eos credo, uel fallere, cum qua necesse est, ut etiam baptizatus, & hoc si diligentissimè proficit, & spiritu Dei agitur, pia mente configat. Sed hæc etiam si uocatur peccatum, nõ utique quia peccatum est, sed quia peccato facta est, sic uocatur; sicut scriptura, manus cuiusque dicitur, quòd manus eam fecerit. Peccata autem sunt, quæ secundum carnis concupiscentiam, uel ignorantiam illicitè fiunt, dicuntur, cogitantur, quæ transacta reos tenent, si non remittantur. Et paucis interiectis addit, Et idè iam nõ sit peccatum, sed sic uocetur, siue quòd peccato facta sit, siue quòd peccandi delectatione moueatur, & si ei, uincente delectatione iustitiæ, non consentiatur. Neque propter ipsum, cuius

Aug. 1.
lib. contra duas
epistolas
Pelagianorum, capite 12.

ius iā reatus lauacro regenerationis absumptus est ,
 dicitur in oratione baptizati, Dimitte nobis debita
 nostra, sicut & nos dimittimus debitoribus nostris .
 sed propter peccata, quæ sunt, siue in eius consensio-
 nibus, cū ab eo; quodlibet uincitur, quod placet,
 siue cū per ignorantiam malum quasi bonum pla-
 cet ei . A quibus consensionibus neminem prorsus
 liberum reperiri mox docet Augustinus . Quod si in
 memoriam reuoces, Kemnici, quoties D. *Augusti-*
nus ex illis à Christo ad orandum institutis uerbis,
 Dimitte nobis debita nostra . probare soleat, nemi-
 nem peccati esse expertem; satis intelliges, concupi-
 scentiam, peccatum ab illo nullo modo iudicari,
 cū concupiscentiam illa deprecatione minimè
 contineri, atque comprehendi asserat, quod ipsum
 repetit in Epistola ad Asselium Episcopum, multisq;
 ostendit, præcepto illo, Non concupisces. non quidē
 concupiscentiæ motus prohiberi, sed uoluntatem
 comprimi ne concupiscentias sequatur. Perlege, Kē
 nici, quæ elegantissimè scripsit idem Aug. contra Iu-
 lianum, præsertim cū sæpius repetit D. Ambrosij
 sententiā, in baptismo omnia mortua esse uitia, sed
 eorum nos curare debere quoddammodo sepultu-
 ram. Nam cū maneat concupiscentia, quæ peccati
 ratione extincta nos tamen exagitat, & torquet, pec-
 cati solum cadauer præse ferre uidetur: hanc, inquā
 sententiam cū ornatè, & subtiliter admodum ex-
 plicat Augustinus, ait, In hoc bello (quod scilicet cō-
 cupiscentia cum mente, & ratione continenter gerit)
 laborantes, quandiu uita humana, tentatio est super
 terram, non idēd sine peccato non sumus, quia hoc,
 quod

*Augu. in
Epi. 200.*

*Aug. lib.
2. contra
Iulianum
Pelagia-
num.*

quod eo modo peccatum dicitur, operatur in membris repugnans legi mentis, etiam si non sibi ad illi-
cita consentientibus nobis. Quantum enim ad nos
attinet, sine peccato semper essemus, donec sanaretur
hoc malum, si ei nunquam cōsentiremus ad ma-
lum. Quid, quæso, dici ab Augustino potuit enuclea-
tius? quid explicatius? si concupiscentiarum acu-
leis puncti, atque illarum stimulis, & ignibus sepi,
peccatores dici, contaminati, sceleribusque infecti
haberi non possunt, quandiu concupiscentiarum
impulsibus non succumbunt & cedunt, quis iam cō-
tendere audebit, cōcupiscentiam, uerè peccatum ab
Augustino dici, atque censerī? Infinitum esset, & mi-
nimè necessarium singula loca connumerare, in qui-
bus idem Augustinus constanter docet, concupi-
scentiam peccatum nequaquam esse; dici uerò ali-
quando peccatum, tum quia ex peccato originali
profluxit, tum quia ad peccandum allicit, & quasi ti-
tillationibus trahit. quare nihil nos mouere debet,
si offendamus aliquando concupiscentiam peccatū
ab illo dici, cū eundē habeamus sui interpretem,
nobisque animi sui sensum ita aperientem, ut non
propriè peccati uocem accipiendam esse uelit, nisi
cū mens illius impulsione succumbit, atque ti-
tillationum consilia sequitur. Qua ratione lib. 5. cō-
tra Iulianum Pelagianum, quo loco potissimū fi-
dit Kemnicius, concupiscentiam cum cœcitate cor-
dis conferens, & peccatum esse dicit, & pœnam pec-
cati, atque illius causam, quid tamen senserit, mox
aperuit, cū ait, peccatum esse, quia inest illi ino-
bedientia contra dominatum mentis, hoc est; Tunc

*Aug. lib.
5. contra
Iulianum
c. 3.*

E c con-

concupiscentia peccatum dicitur, quando mens cupiditatum procellis agitata, diuinam legem conculcat, sicut & cœcitas mentis, peccatum dicitur, quando in Deum non creditur. Id nanque, quod propriè peccatum dici debet, non in sola impulsione, sed in actione impulsione imperium sequente consistit, ut ex eodem Augustino abundè demonstrauiamus; pœna uerò peccati, cōcupiscentia appellatur, quia red data est meritis inobedientis, & causa (inquit) peccati, dicitur defectione consentientis, uel contagione nascentis. Kemnicius uerò tam longè ab Aug. mēte aberrat, ut multa illius congerit testimonia, quibus affirmat, cōcupiscentiā malā esse: ex quibus cōcludit homo argutus, & disertus, in peccatis fore numerandam, neq; item illū pudet asseuerare, summam sententiæ Coloniensium esse, *Concupiscentiam in baptismo per gratiam credentibus non tantum remitti, ut non imputetur ad damnationem, sed effici ut ipsa concupiscentia in se, & sua natura non sit amplius res mala, & displicens Deo: & etiam si Deus cum illa uellet in iudicium intrare, remoto gratiæ umbra cula, non tamen posset reum facere æternæ damnationis.* Non possum autem satis mirari, tam esse Kemnicium acerbo odio, & præcipiti, effrenatoque furore obcæcatum, ut non uideat, non omne malum, peccatum esse. Quare neq; Colonienses cū cupiditatem peccatum esse negant, malam esse inficiari, neque D. Augustinum cū malam esse asserit, peccatum esse ullo pacto existimauisse: nam cū malum boni sit sola destitutio, peccatum uerò illud solū dici possit, quod nos Deo facit odiosos; quis non uidet, permulta esse mala, quæ peccata nequaquam sunt? Diuinarum enim

enim humanarumque rerum ignoracionem, stultitiam, insaniam, in malis tu numerandas ducis? Si mala esse minimè existimas, neque quæ ijs oppositæ sunt, animi dotes, bona dices. Cum igitur mala illa esse, negare nemo sui compos possit, ita ne insanies, ut ingenitas istas similesque alias animorum ægrotationes, & morbos magis peccata ducas, quàm corporis quasvis ægrotudines, & imbecillitates? D. uerò Augustinus, quem tu potissimum causæ patronum asciscis, cupiditatem in ijs rebus numerat, quæ mala quidem sunt, peccata uerò dici nulla ratione possunt. Ita enim scribit, Tu autem, qui putas, quòd si malum esset concupiscentia, careret ea, qui baptizatur, multum erras. omni enim peccato caret non omni malo. quod planius ita dicitur, omni reatu omnium malorum, non omnibus malis. Nunquid enim caret corruptione corporis? an non est malum, quod aggravat animam? Nunquid caret ignorantia malo, per quod à nescientibus innumerabilia perpetrantur mala? An parum malum est, per quod homo non percipit quæ sunt spiritus Dei? & cum multis probet, ignorantiam, magnum quoddam malum esse, addit, Non igitur caruerunt tanto ignorantia malo in lauacro regenerationis, ubi tamen omnibus caruerunt sine dubio peccatis. Ex quibus concludit, cupiditatem, quæ in regeneratis reliqua fit, adèd quidem malam esse, ut cum illa nobis sit perpetuò conflegendum, omnem tamen peccati immunditiem sacro lauacro fuisse abstersam, & planè dilutam; quod ipsum ijs uerbis docet D. Anselmus, De nulla nanque culpa, quæ ante baptismum in il-

*Aug. lib.
6. contra
Iulianum
c. 5.*

*Ansel. de
côcordia
gratia et
lib. arbitrij.*

lis erat, post baptismum arguitur, quanuis ipsa corruptio, & appetitus, quæ sunt pœnæ peccati, non statim in baptismo deleantur, nec ullum illis imputatur delictum, post baptismum, nisi quod sua uoluntate fecerunt. unde apparet quòd corruptio, & mala, quæ fuerunt pœna peccati, & post baptismum remanent, non sunt per se peccata. sola nanque est per se iniustitia peccatum, & illa, quæ sequuntur iniustitiam, propter suam causam iudicantur peccata, donec ipsa remittantur, nam si peccata essent, in baptismo delerentur, in quo omnia peccata in sanguine Christi lauantur. Hætenus Anselmus. In æternos uerò ignes cum nemo à iustissimo & integerrimo Iudice Deo detru-di possit, nisi sceleribus sit contaminatus, & infectus, qui illis caret, & diuini spiritus cœlestisq; iustitiæ est muneribus abundè exornatus, nihil herclè est, quòd Dei ultionem iurè, ac meritò uereatur. Quamobrem scitè admodum, & religiosè Colonienses Patres docent, solis cupiditatum aculeis incitatum, haud quaquam esse diuinæ ultionis reum, quæ in solos nefarios, & sceleratos animaduertit. Id quod non modò diuinam gratiam, & misericordiam non deiicit, sed mirum in modum extollit, & erigit, quæ tam abundè peccata nostra deleuit, ut nullo diuinæ ultionis metu tangi meritò possimus, quandiu iustitiam, & innocentiam à Deo nobis largiter donatam sanctam rectam conseruabimus. Quod D. Augustinus uoluit significare, cum sæpius ait, concupiscentiæ reatum in baptismo prorsus extingui, hoc est, ita ratione peccati spoliari, ut iam nequeat hominem facere æternæ

æternæ damnationis reum; quandiu illius suasionibus libera uoluntas non obtemperauerit, eiusq; cesserit impulsibus.

Idem 6. Axiomate carpit Kemnicio Colonienſes; quod arbitrentur duram eſſe atque, aded *ad id id id* Monhemij ſententiã aſſerentis; opera non renatorum quantumuis ſpecioſa eſſe uideantur; inter peccata recensenda fore; atque hanc eſſe contendit D. Aug. mentem, libro præſertim 4. contra Iulianum Pelagianum c. 3.

De R. E. S. u hæc, quæ à Kemnicio in quæſtionem uocatur, controuerſa eſt, & diſſenſionis plena inter doctiſſimos, nõ recentiores modò; ſed antiquiſſimòs Theologos: quidam enim omnes eorũ hominũ, qui à uera Dei cognitione ualde ſunt alieni, cogitatas actiones, & cõſultò ſuſcepras ita deiſciunt, ut peccato nullã uacare arbitrentur. Alij uerò nullã horũ hominum uirtutẽ uerã eſſe, perfectã; omniq; ex parte abſolutã; atq; aded æternis præmijs dignam cõſtituntur quidẽ poſſe tamen aliquando humanas uires generalibus tantũ auxilijs ſultas, & ſuſtentatas, omnem peccati turpitudinem uitare arbitrantur. Quæ hac tanta in re fuerit Auguſtini ſententiã, paulò poſt aperiemus. Diuus tamen Proſper maximus Auguſtini aſſectator, cum horum hominum actiones, quas præ infidelitate referre in Deum non poſſunt, nil illis prodeſſe aſſeruiſſet, plurimũ etiam obeſſe, his uerbis teſtatur. Et quid dico, nihil eis proſuerunt, immo etiam nocuerunt, dicente Apoſtolo, Omne, quod non eſt ex fide, peccatum eſt. non dixit omne, quod non eſt ex fide, nihil eſt, ſed dicendo, omne, quod non eſt ex fide, peccatum

Proſper
lib. 3.
de Vita cõ
templati-
ua. c. 1.

*Cōcilium
Trident.
sub Paulo Tertio
Sess. 6.
can. 7.*

*Aug. lib.
3. Hipog.
de spiri-
ritu & li-
tera.*

tum est, declarauit; quòd omnia bona, aut ex fide, gesta uirtutes sunt, quæ profectò iustificanti, aut si nō fuerint ex fide, non sunt aliqua bona credenda, sed uitia; quæ nō inuant suos operarios, sed condemnāt inflatosq; præcipitant, atque à finibus æternæ salutis eliminant. Cum Prospero uerò ut multi cōsentiunt, ita plurimos ab eò dissentire; & Kemnicus confitetur, & satis, ut spero, ostendemus. Quare circumspectissimè sanè Colonienses Patres censuram ita temperarunt, ut non impiam Monhemij sententiam appellarent, aut cum Ecclesiæ sensu, sed cum uera, & cōmuni huius tempestatis doctorum sententia pugnare dicerent. Tridentini uerò Concilij decretum cum anathemate in eos animaduertit, qui opera omnia ante iustificationem facta, peccatum esse dicunt, Lutheri, Melancthonis, Bucerii cæterorumq; huius factionis hominum insaniam, comprimit, qui non solum infidelium opera, peccata esse censebant, sed ut iustitiam extollerent, ita naturam deprimebant, ut neque ullo cœlesti beneficio exornari posse, quin prius iustitia informaretur, neque ab ea quidquam, quandiu iustitiæ esset expers, emanare non scelerat, atque nefarium dictarent. Quod quàm sit, & à communi Ecclesiæ iudicio, & à Diui Augustini sententia alienum, satis intelliget, qui animo, ac ratione lustrauerit loca illa, in quibus non semel Augustinus prædicat, mirisq; laudibus effert, permulta sceleratorum opera, neque quicquam in illis criminis agnoscit: & præsertim perpenderit, quæ hac de re uno atque altero loco scribit. Ab hac igitur Lutheri insania cum non longè absit Monhemius, qui non tam diuinæ

diuinæ cognitionis, quàm iustitiæ defectui hanc fide carentium peccandi quasi necessitatem ascribit, ut ex ipsius quinto dialogo luculenter constat, meritò sanè hoc Concilij decreto Colonienſes uſi ſunt, ut tantam hanc delirationem reprimerent. Cuius ſacro ſancti Concilij auctoritatem cùm Kemnicius protegit, & proculcat, facit id quidem uafre, & latronum, proſtigatiſſimorumq; hominum more, qui crucem, quam ſclerum conſcientia uerentur, ut ſupplicium infandum, crudele, & ab humanitate longè alienum procaciter execrantur, et eiectum cupiunt. Hæc uerò Concilij Tridentini integerrima definitio, quàm ſit diuinis uerbis, quæ ſolùm à nobis illorum aduerſarij expetunt, conſentanea, planum faceremus, niſi quàm longiſſimè ab inſtituti noſtri ratione abſcedere uideremur.

U T igitur ad inceptam diſputationem reuertamur, quo genere infidelium opera cenſenda ſint, nō dū eſt ab Eccleſiâ ſacriſq; Concilijs (ut arbitror) definitum: ſed quemadmodum cuique liberum eſt opinari, ita multis, magniſq; rationibus Colonienſiū ſententia ſapienſiſſimis uiris uera, & ſana uidetur, quæ non ita humanas uires extollit, ut ſtatuar, generali ſolo, lateq; patenti Dei auxilio, quod rebus omnibus, quæ natura conſtant, pro cuiuſque natura cōmune eſt, præclaras, omniq; ex parte abſolutas actiones ſuſcipi ab homine poſſe: ſed peculiaribus diuinæ bonitatis ſubſidijs opus eſſe docet, ut omni turpitudine careant, uirtutiſq; nomen mercantur, quantum ſola moralis philoſophiæ trutina examinentur. Quod Diuus Auguſtinus ut multis in locis à Coloniſibus

Aug.
lib. 4. cō
tra Iulian
num c. 3.

nienſibus recitatis aſſerit, tum maximè ubi in hæ uerba loquitur, Quanto (inquit) tolerabilius illas, quas dicis in impijs eſſe uirtutes, diuino muneri potius, quàm eorum tribueres, tantummodò uoluntatiſlicèt ipſi hoc neſciant, donec ſi ex illo ſunt prædeſtinatorum numero, accipiant ſpiritum, qui ex Deo eſt, ut ſciant, quæ à Deo donata ſunt eis. quum uerò in omni humana aſſione generale Dei auxilium neceſſariò includatur, impiorum autem uirtutes *non ipſorum uoluntati, ſed diuino beneficio* aſcribendas eſſe Auguſtinus ait, ſatis indicat, peculiarius quoddam illud eſſe, & non idem auxilium, quo in uniuerſis aſſionibus omnes utimur. Verùm & ſi fateamur eos, qui à uera, & expreſſa Dei cognitione alieni ſſt, diuinis præſidijs peculiaribusq; ſubſidijs indigere, ut opera faciant oīs culpæ uacua, minimè tamè arbitramur, oēs illorū aſſiones cōſultò, & cū deliberatione ſuſceptas, peccata eſſe. Neq; .n. Dei ignoratio ita naturā, mētēq; euertit, ut neq; boni quicquā cognoſcere, neq; quæ agnoſcit, proſequi diuinis auxilijs ſubleuata poſſit. D. enim Aug. poſtquàm multis demonſtrauit, illa Pauli uerba, Gentes, quæ legem non habent, naturaliter quæ legis ſunt faciunt. de ijs eſſe homibus intelligenda, qui ad Euangelij lumen non ex Moſis lege, ſed ex gentibus aſciti, naturam habent per Chriſti gratiam reſarcitam, & reparatā, addit, Veruntamen quia non uſque adèò in anima humana imago Dei terrenorum affectu labe detrita eſt, ut nulla in ea uelut lineamenta externa remanſerint, unde meritò dici poſſit, etiam in ipſa impietate uitæ ſuæ, facere aliqua legis, uel ſapere, & hoc eſt

*Aug. De
ſpiritu, et
litera.
c. 28.*

est quod dictum est, quia gentes, quæ legem non habent, hoc est, legem Dei, naturaliter, quæ legis sunt, faciunt. & quia huiusmodi homines ipsi sibi sunt lex, & scriptum opus legis habent in cordibus suis, id est non omnino deletum est, quod ibi per imaginem Dei cū crearetur impressum est. Nā si ad Socratem, Platonem, Philosophorumque omnium facile principem Aristotelem & ceteros antiquissimos philosophos animum aduertamus, præclaros illos quidem fuisse uirtutum magistros, facile intelligemus. neque enim uirtutes nudas, omnibusque insignijs destitutas tradiderunt, sed ijs ornamentis, quæ Græci *καλὸν καὶ ἀγαθόν*, nostri uerò circumstantias uocant, ita decoratas, ut sine illis uirtutes dici minimè posse, sapienter, & copiosè docuerint. Cum igitur ij tum intelligendi ui, & efficacitate ducti, tum maximè diuino lumine illustrati, apertam, & abditam multarum rerum ueritatem percipere, ad uirtutumque ueram rationem penetrare potuerint, non uideo quare non eadem possint cœlestibus adminiculis confirmati studiosè exequi, quæ uerè intellexerunt: cū præsertim humana mens, quanuis uera sit, & integra diuini numinis cognitione destituta, capax sit cœlestium auxiliorum. Quæ & si non ualeant ad homines iustificandum, neque ut opera talibus auspicijs facta æternæ sint felicitatis digna, quæ recta in Deum fide tanquàm firmissimis fundamentis excitatur, tamen ad peccata euitanda plurimum momenti habent, ut ex D. Augustino discimus, qui hæc Dei auxilia sæpius comparat cum muneribus, quæ Abraham dedit filiis concubinarum, ab hæreditate Isaac

Ff ualde,

ualde diffimilibus, quam & si ille solus adierit, nothi uerò, & ex concubinis suscepti filij, tam illa, quàm patrijs laribus fuerint expulsi, suis tamen muneribus non prorsus caruerunt. Quauis igitur ii, qui fide à Christo geniti, charitate aluntur, & sustentantur, Isaac personam gerant, quibus coelestis hæreditas debetur, reliqui tamen, qui & à uera Christi cognitione alieni, & uarijs sunt sceleribus implicati, & si ut nothi & spurii filij exhæredes sint, & à paterna domo extorres, nihilominus liberalitate patria utuntur, diuinisque beneficijs non semel augentur, quibus opera efficere possint nulla culpa contaminata, sed egregia laude digna: fuisse tamen mercedem harum uirtutum longè disparem illi, quæ Christianis uirtutibus est præstituta, luculenter explicat D. Hieronymus in Aggæum prophetam. Christianarum enim uirtutum præmia, æterna inquit esse, & planè diuina; reliquarum uerò omnium exilia, & quæ simul cum tempore intereunt: nam cum uirtus sterilis esse minimè possit, nulla profectò suis præmijs destituetur unquam. Quare D. Augustinus Romanorum uirtutibus tam latè patēs imperium ascribit, & D. Hieronymus, nihil, inquit, ethnicos boni fecisse, quod absque mercede Dei iudicio præterierit, quæ & si dum uiuerent nunquam donarentur, in præmiorum certè loco numerandum ducit D. Augustinus, quòd illi in tartara detrusi mitiora perferant supplicia, qui officium in uita coluerunt atque ita quauis, ut ex Paulo accepimus, præclara opera nihil illis profunt, qui nullis sunt charitatis ornamentis illustrati, ut summa, atque sempiterna felicitate

*Hier. in
Aggæum.
c. 2.*

*Hier. in
Iesai. c.
29.*

*Lib. de pa-
tietia, c.
6. 4. lib.
contra Iu-
lianum.*

citate perfruantur, plurimùm tamen prodesse ad ex-
 tremi iudicij tolerabilius supplicium subeundum,
 sæpe Augustinus asserit. Atque adeò cum sine fide
 impossibile sit quenquam Deo ita placere, ut sem-
 piternis cœlestibusque præmijs afficiatur, non tamẽ
 omnia fide carentium opera illi ita displicere existi-
 mandum est, ut crimina sint cruciatibus, suppli-
 cijsque digna. Qui uerò Augustini diuersa loca di-
 ligenter contulerit, satis, ut puto, intelliget, illum
 censuisse, tum post naturam deprauatam, cupiditati-
 busque infectam, nullum opus perfectum, & abso-
 lutum edi ab homine posse sine peculiari Dei auxi-
 lio: tum uerò eorum hominum opera, qui fidei lu-
 mine sunt destituti, peccata ut plurimùm esse, non
 tam quidem, quia ab impio animo fidei, Christi-
 cognitionis experte profecta sunt, quàm quia non
 omnium conditori Deo, sed inani gloriolæ peculia-
 ribusque commodis, & uoluptatibus seruiunt. Nã
 cum uirtus non solo officio, hoc est, actione ipsa, sed
 sine etiam constet, qui præclaram actionem in pra-
 uum finem dirigunt, turpiter sanè labuntur, ac er-
 rant. Rarò autem cum eueniat, ut qui Dei cognitio-
 ne non sunt exculi, tẽporalibus cõmodis nõ indul-
 geat, & uulgi opinioni deseruiat, rarò etiã actiones su-
 scipere possunt ois culpæ expertes. Quocirca cū D.
 Aug. probasset, officia sine fine, uirtutis dici non pos-
 se, addit, Proinde uirtutes, quæ carnalibus delectatio-
 nibus, uel quibuscunque commodis, & emolumen-
 tis temporalibus seruiunt, ueræ prorsus esse non pos-
 sunt. quia uerò tales fuisse Fabritij, Reguli, Fabij, cæ-
 terorumq; Romanorum uirtutes paulò post asseruit,

*Aug. lib.
5. de Cui-
tate Dei.*

uirtutes appellari nequaquam posse cōtendit. Quod
luculentius alibi explicat, & confirmat Marij exem-
plo, qui Virtuti, & Honori phanū dicauit, quo factō
non obscurē declarauit uir laudis audissimus; Ro-
manos nullum alium uirtuti finem, quā honorem

*Aug. de
Spiritu, et
litera.
c. 28.*

præstituisse. Quare non quidem inficiatur Augusti-
nus, aliqua infidelium opera uirtutum nomine di-
gna esse, cum sæpe doceat, nullum esse tam sceleratū,
& impium uitæ genus, in quō non possint quandoq;
aliqua bona opera reperiri. neque illorum actiones,
quæ nullo absurdo fine contaminantur, omni culpa
uacare denegat. Nam & si infidelis mēs illas in Deū,
quem ignorat, referre nequaquam possit, in maximā
tamen Dei gloriam illæ cedunt, quæ nulla sunt turpi-
tudine inquinatæ. Sed quoniam rari admodum infi-
deles sunt, qui temporalia, inaniaq; commoda stu-
diorum suorum finem non constituent, uirtutum of-
ficia ab illis facta, peccata appellauit Augustinus.

*Aug. de
Spiritu, et
litera.
c. 27.*

quod uoluit significare cū libro de Spiritu, & lite-
ra, ait, permulta esse opera, quæ secundum uisitæ re-
gulam non modō non uituperare possumus, sed etiā
meritō laudare, quanquā si discūtiuntur quo fine
fiant, uix inueniuntur, quæ iustitiæ debitam laudem,
defensionem uē mereantur. Quæ uerō ratio Augusti-
num impulerit, ut diceret, uirtutes, quæ nulli rei ser-
uire uolunt, ueras minimē esse, satis aperuit in libris
de Ciuitate Dei, cū ait, illas esse arrogantia fastus
que plenissimas; quare cū inflatæ, atq; superbæ sint,
non uirtutes, sed uitia dicendas esse.

*Aug. lib.
19. de Ci-
uitate Dei*

2. c. 2. huius

A T præclara illa facta, quæ nulla finis turpitudi-
ne inquinātur, et si uirtutis nomine ac laude digna cē-
seat

feat Augustinus, & ab infidelibus diuinis auxilijs ad
 iutis atque subleuatis quandoque suscipi posse non
 inficitur; perfectas tamen, & cumulas uirtutes
 illas solum dici posse arbitratur, quæ ad sumam, & sæ-
 piternam felicitatem uiam muniunt. Quod alibi ex
 peruulgata illa apud omnes Philosophos definitio-
 ne, Virtus est animi habitus naturæ modo rationiq;
 consentaneus. ad hunc modum probat. Cum beati-
 tudinis cupiditas sit in animis hominum à natura in-
 sita, atque innata, nihil certè humanæ naturæ magis
 est consentaneum, quàm illa omnia, quæ ad beatitu-
 dinem comparandam plurimum ualent: unde effici-
 tur, minimè ueras uirtutes illas esse existimandas,
 quæ ad consequendam felicitatem nobis fide pro-
 missam, nihil conferunt. Quare sæpius eodem capite
 inculcat, in solis iustis pijsq; hominibus uirtutem re-
 periri. Quo fit ut cum Augustinus nō semel affirmet,
 extra ueram Ecclesiam, ueras uirtutes reperiri nequa-
 quàm posse, tamen doceat, nullo modo uituperandā
 esse, immo mirum in modum laudandam schismatici-
 corum, hæreticorumq; hominum animi magnitudi-
 nē, inuictamq; tolerantiam, qui æternæ geennæ me-
 tu consternati, pro Christi nomine quæuis subeunt
 supplicia. cuius calamitosæ perpeffionis & si sempiternum
 fructum percipere impij, & scelerati homi-
 nes non possint, neque ad felicitatem, quam exoptāt,
 consequendam quidquàm momenti habeat, ac pro
 inde nec perfectæ, ueræq; uirtutis nomen mereatur,
 uirtus tamen est meritò nuncupanda, quia cum nul-
 la sit præpostera atque peruersa circumstantia inqu-
 nata, peccatum dici nulla ratione potest. Quæ omnia
 si di-

Aug. lib.
4. contra
Iul. c. 3.

Aug. lib.
de Patie-
tia.

Aug. lib.
4. cont. Iu-
lianum. c.
3.

si diligentius Kemnicius considerasset, & disputatio-
nis Augustini contra Iulianum seriem aduertisset,
percepisset sanè, quæ sit illius mens, cum ait, Si genti-
lis nudum operuit, periclitantem liberauit, ægri uul-
nera fouerit, ad testimonium falsum nec tormentis
potuerit impelli, nunquid quia non est ex fide, pec-
catum est. Prorsus inquantum non est ex fide, pecca-
tum est. quibus uerbis ne amplius fallaris, Kemnici,
memineris quæso, D. Augustinum paulò antea indu-
xisse Iulianum humanas uires tantopere amplifican-
tem, ut assereret, posse quidem illas nullis diuinis au-
xilijs confirmatas quæuis egregia, & præclara opera,
& quæ omnes uirtutis numeros contineant, faciliè e-
dere. quod cum persuadere ueterum Romanorum
exemplis studeret, ualidissimis uerò argumentis re-
felleret, & coarguat Augustinus, omni disputationis
impetu fertur ad probandum, quicquid ab homine
bene, ac studiosè fit, peculiari diuini numinis auxi-
lio debere referri acceptum. Romanorum uerò, ac re-
liquorum infidelium opera quantumuis præclara
esse uideantur, si tamen ab infideli animo, hoc est,
nullis cœlestibus præsidij confirmato oriantur, sce-
lerata esse, ac nefaria: quæ uerò omni culpa carent,
magis quidem Dei beneficio in illis, quàm ab illis
fieri, esse existimandum. Quæ enim solius stultæ, &
sceleratæ uoluntatis impulsione eduntur, fieri certè
nequit, quin aliqua propositi finis labe sint turpifica-
ta. Mala enim arbor bonos fructus edere nulla ratio-
ne potest. Quare cuncta ea bona, quæ ab impiis fiunt,
magis quidem cœlestibus subsidiis, quàm impiæ uo-
luntatis uiribus esse ascribenda, constanter affirmat,
quod

quod cum quæstionis status esset, ijs uerbis demum explicat, Quod si & ipsa misericordia per seipsam naturali compassione opus est bonum, etiam isto bono malè utitur, qui infideliter utitur, & hoc bonum malè facit: qui autè malè facit, aliquid profectò peccat. Ex quo colligitur etiam ipsa bona opera, quæ faciunt infideles, non ipsorum esse, sed illius, qui bene utitur mali ipsorum, aut esse peccata, quibus & bona malè faciunt, quia ea non fideli, sed infideli, hoc est stulta, & noxia faciunt uoluntate. Ex qua Augustini oratione satis (ut puto) constat, illa solum infidelium opera peccata ab illo dici, quæ ab infidelitate, hoc est, ab animo nullis cœlestibus præsidijs munito, peculiariibusq; Dei subsidijs destituto exoriuntur. loci uerò Pauli ad Romanos, Quicquid non est ex fide, peccatum est. interpretatione, quia planè & dilucidè in Coloniensium censura continetur, super sedendum esse existimaui.

MIRARI tamen iam nemo poterit, quòd tam insolenter Kemnicius insectetur singulari pietate clarâ, egregiaq; eruditione insignem societatem Iesu, qui dementissima quadam temeritate neque diuis quidem ipsis parcat.

Ne uè foret terris securior arduus æther, petulanti audacia concitatus, gigantum more cœlitibus bellum infert. nam cum splendidissima tria ueteris Ecclesiæ lumina, Iustinum scilicet martyrem clarissimum, Clementem Alexandrinum, & Epiphanium referat dicentes, in lege naturæ permultos fuisse iustos, qui in Christianis iure numerari debent, ita sanctissimorum uiro-
rate

tate commouetur, ut illos non in scitiæ modò, sed impietatis etiam condemnare, non uereatur. Quis uerò ab omni pietate religionis tam erit alienus, quis ita mentis inops, quis ab omni humanitatis sensu tantopere abhorrens, qui tam effrenatam licentiam, tantamque procacitatem non detestetur? hæc cine, Kemnici, est tua erga diuos pietas; hæc obseruantia, hic debitus et iustus honor? qui tam petulanter cœlestia iura perfringis, sanctis debitum officium, uenerationemque uiolas, auctoritatem labefactare studes, tibi habendam esse fidem arbitraris? si uiros, per quos pietas conseruata, religio aucta, si des longè lateque propagata est, impietatis insinuationulas, quid reliquum est, nisi ut apertis uerbis fidei aduersarios, pios, & sacrosanctos habeas? sed da ueniam, quæso, iusto dolori, qui uereor ne me coegerit modestiæ finibus excedere. Neque enim dubito quin si aliquando diuino beneficio resipueris, aperte intelligas, me nunquam satis tam dementem petulantiam potuisse amplificare. Sed iam uideamus, quàm meritò uiros sanctissimos, atque cruditissimos reprehendas, tantoque cum furore, & insania exagites, atque contemnas, ut cum nullam rationem reddas, tibi credendum esse, sicut olim Pythagoræ arbitrare.

FIDEM ueramque Dei cognitionem, fundamentum iustitiæ perpetuò extitisse, nemo unquam sanæ mentis dubitauit, cum sit non modò D. Pauli testimonijs, sed omnium prophetarum uaticinijs, euangelistarumque monumentis confirmatum. In fide enim ueteres maioresque nostros testimonium iustitiæ

stitiæ fuisse consecutos D. Paulus ait; utpotè ex qua *ad He-*
 iustus uiuit, & iustitia omnis excitatur; ueram au- *brar. 1. c. 1.*
 tem Dei cognitionem non ex factis tantum literis, *11.*
 diuinisquæ oraculis, sed ex rebus etiam ijs, quæ sen-
 sibus subiiciuntur, haberi posse, idem Paulus *ad Rom.*
 testatur, cum uetèrum philosophorum crimina nul- *c. 1.*
 la ignorationis excusatione defendi posse asserit,
 quippe qui abdita maximè, & recondita Dei my-
 steria, & quæ cerni corporeis oculis non possunt,
 per res ipsas creatas tanquàm per fidissimos quos-
 dam interpretes docere diuinum numen solet. Vt. n.
 in rebus creatis diuinæ bonitatis amplitudo omni-
 potentia, felicitatis, sapientiaque splendor elucet, ita
 qui res hæc accurata circumspectiōe consideraue-
 rit, diuinæ gratiæ lumine mentem illustrante (cuius
 sola uis errorum omnium tenebras propulsare po-
 test) in Creatoris cognitionem uenire faciliè poterit.
 Quare qui diuini spiritus fulgore illustrati, cœlesti-
 busque beneficijs aucti, in præclarum illud philo-
 sophiæ genus incubuerunt, ut ex terrenis rebus cœle-
 stia, ex humanis diuina, ex temporalibus sempiter-
 na, ex creatis creatoris ipsius maiestatis amplitudi-
 nem cognoscerent, ab inani illa Deorum multitu-
 dine uehementer abhorruerunt, unicū uerò Deum,
 quem assidua meditatione, totisque animi uiribus
 inquisuerunt, & mente, cogitationeque comple-
 xi, & religiosè uenerati sunt; in ipso omnes suas
 spes collocarunt, illi perpetuò placere studuerunt,
 ab illo uirtutum remunerationem, officiorumque
 gratiam sperarunt; illos tu, Kemnici, illa fide, Dei-
 que cognitione destitutos dices, qua tanquàm ini-
 G g tjs,

11. 11. *11. 11.* & fundamētis excellētissima iustitia excitatur?
Tyrol. 18. Non meministi, Davidem dierum, noctiumque ui-
 11. 11. cissitudinem, & admirabilem ordinem Dei, uoces
 11. 11. appellasse, quas nulla sit tā barbara, & inculta gens,
 11. 11. quæ non percipere queat, atque ab illis admirabi-
 11. 11. lem Dei prouidentiam, infinitamque potentiam di-
 scere possit? Has uoces ad homines instituendos con-
 flatas, tam absonas, atque fuscas tamque inanes pu-
 tabis, ut qui illis fuerit mirabiliter Dei beneficio in-
 structus, fide tamen præditus, & uera Dei cognitio-
 ue exornatus dici nullo modo debeat? Non uides
 quanta iniuria diuinæ bonitati inuratur, si ille, qui
 totas uires cōparat, ut in cognitionem diuini numi-
 nis ueniat, nihil eorum prætermittit, quæ ad hoc
 sunt consequendum instituta, nullum tamen possit
 aut laboris fructum percipere, aut à Deo gratiam cō-
 sequi? Qualem uerò laboris illum esse fructum exi-
 stimabis, si neque in Dei amicitiam uenire, neque
 ecclēstici iustitia exornari possunt? Vt quis cum Deo
 arctissimo charitatis, iustitiæque uinculo prioribus
 illis sæculis constringeretur, nullam aliam fidem re-
 11. 11. *Hebr. c.* quirebat Paulus, quàm credere Deum esse, & in-
 11. 11. quirentium se munificentissimum remuneratorem
 existere. hanc qui, accepta à rebus creatis discipli-
 na, fuerint consequuti, quid est quòd à iustitiæ fini-
 bus excludantur? Quocirca aut uiam aliquam de-
 monstres; Kemnici, oportet, qua ad ueram fidem,
 uigente lege naturæ, peruenire homines potuerint,
 aut satis Dei illam notionē fuisse confitearis, quam
 partim diuinum numen unà cum natura ipsa in ho-
 minum animis impressit, partim diuino splendore
 illustra-

lustrati, coelestibus suppetiis roborati consequi earum rerum, quæ sub aspectum cadunt assidua, circum spectaque consideratione poterant. Nisi fortè iniquum, ferum & immanissimum prioribus illis sæculis Deum fuisse fingas. neque enim diritas, atque immanitas tetrior ulla esse potest, quam sempiternis cruciatibus homines mancipare, propter fidei illius inopiam, ad quam nullus patebat aditus, & quam consequi nulla uia, nullaque ratione poterat. Quod longè fiet promptius & explicatius, si ad fidem nunc fulgente Euangelio, & olim enitente Moisaica lege necessariam, animum aduertamus. Quam enim plurima adhuc supersint, diuina mysteria, quæ in diuturna obscuritate ad hoc usque tempus latuerunt, atque solum beatis illis mentibus, quæ Dei conspectu fruuntur, explorata sunt; si tamen plurimum cognitionem à nobis quis requirat, quam sint diuinis oraculis, & Ecclesiæ definitione explicata, graui quidem iniuria Euangelium, Christumque ipsum afficiet, ut qui non omnia ad salutem suis necessaria compararit, sed illos uana salutis spe deluserit: neque secus uigente Moysis lege illa tantummodò sacra mysteria cognita haberi necesse erat, quæ in lege, & prophetarum prædictionibus apertè fuerant, & enodatè euoluta, atque explicata; nam quæ in caeremoniarum inuolucris delitescabant, ut non erant omnibus enodata, ita nec omnibus erant ad cognoscendum necessaria. Quid igitur est, quòd priscis illis legis naturæ sæculis, & cum nò dum sese diuina bonitas tam largè, ac copiosè effuderat, non illam Dei notitiam fuisse etiam ad salutē

satis arbitremur, ad quam aditus illis hominibus pateretur poterat? aut perspecta illa habere, ac credere astringerentur, quæ neque Deo aperiente acceperant, neque studio consequi, neque labore comparare potuissent? Impossibilia enim in obligationem cadere ferus solum, & teter humanitatisque hostis quispiam poterit existimare. Fuisse quidem Christi cognitionem omnibus ante sæculis ad salutem necessariam, quamvis obscuram, & inuolutam, fateor, sed qui diligenter considerauerit, quam latè pateat Dei prouidentia, & quanta cum uigilantia prouideat rebus humanis, satis intelliget, humani generis per Christum redemptionem in diuinâ procuratiõe implicatè, & absconditè contineri. Quare qui hanc Dei prouidentiam perspectam habebat, & exploratam, si mul sanè intelligebant, nihil Deum prætermisurum ut homines sempiterna felicitate perfruerentur, atq; ita non prorsus ignorasse, Christum Iesum Crucifixum, dicendi sunt, etsi rationem, quam Deus esset initurus humanæ salutis curandæ, compertam minimè habuissent. Si igitur illa fides, & quam ille status, uitæq; conditio ferre poterat, Dei cognitio satis erat ad salutem, profectò si cultum, si pietatem, si religionem aduersus Deum illi adiunxissent, atq; quæ summum esse bonum intelligebant, totis animi uiribus dilexissent, ad illius uirtutis præstantiam, quam contemplatione admirabantur, imitatione quam maxime possent, accedere conarentur (quod uberimum philosophiæ fructum dixit Plato) leges, quas recta ratio præscribit, quoad eius fieri posset, conseruassent, ad illius normam omnes uitæ rationes instituissent

neque

neque officia unquam deseruissent, nihil est certe, quod iustos illos fuisse dubitemus. Quod quidem mihi docere uidetur D. Paulus, Si enim illos, ait, nullo excusatione esse habituros, qui cum ex procreantibus rebus abunde satis in Dei cognitionem diuino beneficio deuenissent, illum tamen non sicut Deum glorificauerunt aut gratias egerunt, sed euauerunt in cogitationibus suis; innuere sane uidetur, excusationis illos plurimum habituros, qui quam de Deo, & de officio, animo persuasionem habuerunt; cultu, pietate, religione, morumque integritate, quoad eius fieri potuit expresserunt: atque adeo iustitiam Dei, nequaquam in iniustitia detinuerunt, sed quae iusta, & pia esse ducebant, iuste, & religiosè executi sunt. uerè item sapientes illos habendos esse innuit, quorum cor non usque adeo fuit obtenebratum, ut uero Deo, quem cognoscebant, repudiato, immundissimis quibusque animantibus diuinos cultus, honoresque deferrent, immo illum solum, quem uerum esse Deum diuino beneficio persuasi erant, piè uenerati debitisque honoribus, ac cultu studiosè prosecuti sunt; ei que tantummodò placere perperuò studuerunt. Si nanque quorundam impietas, nefariaque scelera cum uera Dei cognitione coniuncta iustam occasionem diuinæ indignationi, promeritaque dationi dederunt, quid est, quod aliorum pietas, & religio, cum officio copulata, Dei clementiam non prouocauerit, illum, quæ ad miserendum allexerit? Quare, Kémnici, nisi nunc demum ad Manichæos uelis deficere, confitearis necesse est cum Epiphaniò, cui tantam ignominiam inuris, sine lege Mosis, & Euangelicâ nobis

Rom. c. i

per

ORT HODO X. EXPLIC.

per Iesum Christum data, sola lege naturæ permultos fuisse Dei gratia iustificatos, & saluos. cum præsertim ipse id probet Abelis, Enochi, Iobi, aliorumque sanctissimorum Patriarcharum exemplis, qui plurimis, atque amplissimis fuerunt diuinæ liberalitatis muneribus aucti, diuinæq; cognitionis luminibus illustrati. Neque dubito quin multos ex Philosophis in horum numerum aggregare potuisset, quin nunquam curuauerunt genua sua ante Baal, quod tamen faciunt Iustinus, & Clemens, quos, ut uideas quam immeritò calumnieris, paulò magis aduerte illorum mentem, diligentiusq; introspice.

*Iustinus
prima Apolog.*

QVI Iustini priorem Apologiam consideratè legerit, satis perspiciet, minimè quidem existimauisse, Christum Iesum uerum hominem humani generis redemptorem, admirabilemq; illam diuinæ humanæq; naturæ arctissimam copulationem, ex quibus una, & eadem persona, Christus scilicet, euasit, ueteribus fuisse Philosophis compertam, cum dixit, Socrati non fuisse Christū prorsus incognitum, sed diuinam solū ipsius naturam spectasse, ob quam Christus Dei uerbum Deiq; sapientia, per quam omnia facta sunt, dicitur. Cum enim Dei sapientiam, quæ in rerum procreatione, & administratione maximè splendescit, perspectam Socrates habuisset, illiusq; esse humanam rationem, qua honestum à turpi, uirtutem à uitio discernimus, quandam scintillam minimè ignorasset, Christum etiam hoc est, Dei λόγος ac uerbum cognoscere quodammodo uidebatur, qui uera est Dei sapientia. Quare eodem in loco Iustinus ait, Philosophos ideò pugnantia sæpe docuisse, neq; exactam

exactam uirtutis rationem comprehendisse : quia non integrè mentem illam diuinam, seu uerbum Christum perceperunt. eodemque prorsus modo de Christo loquitur in Apologia ad M. Antonium Pium . Nam nequis existimaret, omnes, qui Christi aduentum ætate præcurreunt, omni culpa caruisse, quippequod disciplinam à Christo accipere non potuerint, quæ sola perfecta uirtutis, iustitiæque ornamenta tradidit, ait, Christum primogenitum Dei didicimus, eundem mentem esse demonstraui-
mus, cuius totum humanum genus est particeps, & qui cum ratione uixerunt Christiani sunt, etiam si nō nouisse Deum existimati sunt. Quales apud Græcos fuerunt Socrates, Heraclitus, aliiq; similes; apud Barbaros Abraham, Ananias, Azarias, Misael, Helias, & multi alij, quorum nomina, & res breuitatis causa nunc non percrebimus. itaque & etiam illi, qui ante Christum natum sine ratione uixerunt, ἀχρηστοί, & inimici Christo erant, & sectatores rationis Christiani, fortes, & imperterriti permanserunt. Hæc Iustinus. Quare non eos hîc appellat Christianos, qui, Christum uerum Deum, ac hominem cognoscunt, sed qui legem, quam Christus docuit, & quam Dei uerbum, ac sapientia humanis animis simul cum natura infixit, studiosè seruant. quæ, si impia ducis Kénici, etiam impium dicas necesse est, naturalem legem ab æterna illa & incommutabili lege profectam fuisse, atque per Christum Dei uerbum, & sapientiam humanis esse mentibus impressam, atque consignatam. Quare illos Christianos appellat Iustinus, qui hanc naturæ legem, quam Dei sapientia ac uerbum
hominum

*Iustin. A-
polog. se-
cunda.*

hominum animis consignauit, studiosè conseruauit.

*Clemens
Stromat.*

CLEMENS uerò Alexandrinus cum dixisset, philosophia fuisse quosdam iustificatos, apèrtè mox docet, non quidem philosophiam ipsam habuisse unquam uim ad iustificandum, sed ad iustitiam comparandam fuisse Græcis olim necessariam, quia diuinorum humanarumq; rerum assidua illa contemplatio in ueri Dei cognitionem ducebat, & in uirtutum studia acrius incitabat. Dei uerò auxilium tanquam excellentissimum thesaurum, ait, recòditum fuisse, & illam consensionem, qua ad Dei cultum, & pietatem in Deum ducebantur. Quibus uerbis satis declarauit uir sanctissimus, non aliter accipiendum esse quod dixerat, philosophiam scilicet iustificare, quam diuinum numè philosophiæ ministerio usum fuisse, ut homines excellentissimæ illi disciplinæ deditos, clarissimis iustitiæ ornamentis illustraret. Quod ipsum significat, cum philosophiam pædagogum ad Christum, Mosaicæ legis instar appellat. Nam sicut Mosaica lex præceptorum numero & multitudine, suppliciorumque terrore Israeliticum populum in officio continebat, & ad maiora munera excellentioraque mysteria perinde præparabat, ac ætatem teneram ad uiri munera pædagogus præmunire, & præfulcire solet, ita philosophiæ meditatio cum mentem Dei cognitione illustrat, pietate informat, uirtutumque institutis, & amore exornat, ad Euangelium quodammodo uiam munit. Animus enim, qui uera Dei cognitione, uirtutumque luminibus est illustratus, atque in diuinarum rerum contempla-

templatione satis uersatus, facilius quidem ad reliqua fidei mysteria adducetur. Est enim (inquit Clemens Alexandrinus) una uia ueritatis, sed in eam tamquam in flumen perenne alia aliunde fluēta influūt. Quare uir idem eruditione, & sctitate egregius, nō modò ex sacris literis, sed ex philosophiæ penetralibus argumenta ducit, ad Euangelicæ fidei ueritatem confirmandam. Memineris autem, Kemnici, ne philosophiæ nomine fallaris, longè multumq; differre ueram philosophiam, de qua Clemens sermonem facit, à falsa, & sophistica, quam sancti patres semper reiecerunt, & aspernati sunt.

*In eodem
Strom.
lib.*

De ueniali peccato ita loquuntur Iesuitæ: leuia illa peccata, in quæ quotidie labimur, non sunt talia, quæ nos sordidos, & Deo exosos reddant. Item; leuia illa nec impios, nec malos nos faciunt, neque operum nostrorum obsunt efficacia.

VII. Axioma

PLURIMUM inter se peccata differre, atq; ueluti gradibus quibusdam disiuncta esse, & maximè diuersa, cū natura ipsa admonet, tū ex diuinis oraculis, sanctorumq; patrum sententijs perspicuum fit, & exploratum. Supersedeo maximis illis, ac grauissimis philosophorum omnium argumentis, quibus, insana de peccatorū æqualitate Stoicorum sententia reiecta, iam olim fuit, & planè repulsa: à quorum mente, & si plurimum se abesse Kemnicus, Lutherus, Calvinus, & reliqui huius factionis homines mentiantur, tamen re ipsa quantum cum Stoicis consentiant, qui illorum uerba diligenter expendere, satis perspiciet. ita enim peccata esse inæqualia dicūt, ut omnia tamen mortifera, sempiternisq; cruciatibus digna esse arbitrentur; illorumq; discrimen in

712116

Hh poenitentia

quomodo
peccata
lethalia
et uenia-
lia inter
se diffe-
rant.

pœnitentia peccantis magis, quàm in actionibus ip-
sis esse ponendam ducant. Illa enim uenialia uocât,
quorum ueniam fide, ac pœnitentiâ impetramus;
mortifera uerò, quæ nostra negligentia nunquam à
Deo dum uitam degimus, condonantur; & quia sce-
leratus animus ita est in peccatis obfirmatus, ut ad
pœnitentiâ induci nullo modo possit. At uerò quan-
tum à ueritate aberrant, qui hanc philosophandi ra-
tionem sequuntur, satis intelliget, qui animaduër-
terit, diuinæ legis finem, ut à D. Paulo accepimus,
in charitate positum esse, atque totam Euangelij in-
stitutionem eò potissimum spectare, ut homines cum
Deo arctissimo amoris uinculo coniungantur, ac co-
pulentur. Quare ille perniciosius diuinam legē ui-
olare cœsendus est, qui actionem suscipit, cum diuino
amore magis pugnantem. leuiora uerò illa sunt pec-
cata, quæ diuinæ dilectioni minùs repugnant. Quis
enim non uideat, diuinum numen execrationibus,
& blasphemijs prosequi, quàm hominem maledi-
ctis incessere eò funestius peccatum haberi, quia ma-
gis illa, quàm hæc maledicendi procacitas, diuinæ
dilectioni aduersatur? Quare si peccatorum ponde-
ra sunt diuinæ dilectione quasi trutina quadam exa-
minanda, illa profectò omnium sunt peccatorum le-
uissima, quæ minùs cum diuina dilectione pugnant,
neque humanas mentes à charitate atque uera iusti-
tia deturbant, quæliâ sunt cum per iocum quis men-
titur, aut multa facere magis, quàm commodè loqui-
tur, aliqua uel turpitudinis prurigine stimuletur, quæ
tamen non comprimit mox, & restinguit. Hæc enim
etsi charitatis impetum retardare aliquo modo uide-
antur,

antur, atque diuinæ dilectionis ardorem, quo humanus animus æstquare debuisset, aliquantulum tepescere, non tamen diuinæ dilectioni, charitatis'ue officijs aduersantur prorsus, & repugnant, cum neq; proximo magnum incōmodum, neque diuino numini, ac legi dedecus, & ignominia afferant. Quæ Theologi nostri dicunt magis esse præter Dei legē, quàm illi cōtraria, quia scilicet leuia hæc peccata ita ab exacta diuinæ legis regula absunt, & ab illius præscriptis aberrant, ut charitati, quæ legis finis, perfectio, atque absolutio est, non sint aduersa, neque repugnantia. Quare qui solis est uenialium maculis, contaminatus, gratiæ certè, & charitatis ornamentis mirificè illustratus, esse potest. unde fit, ut proprijs operationibus, quæ à Christi sanguine, qui nos ab omni peccato mundat, uim, atque efficacitatem habent, possit illorum ueniam à diuina misericordia faciliè impetrare; unde uenialia dicuntur. Qui uerò lethalius est criminibus implicatus, non nisi diuina gratia, & liberalitate ex illis se poterit laqueis expedire. nam cum diuina gratia, ac charitas, uitalis sit quædam uis, salutarisq; spiritus, quo humana mens uitam degit, quādiu illo humanus animus fruitur, ita Deum habet propitium, ut præclaræ actiones illi non possint non esse gratissimæ, neque omnium culparum ueniam non faciliè exorare. Qui uerò cœlesti hoc, & planè diuino spiritu est destitutus, mortiferisque sceleribus sauciatus, ueluti mortuus iacet, nihil sanè uirtutis reliquum habet, qua se possit in uitam reuocare, mortifera'ue illa uulnera obligare, quare hæc scelera mortalia dicuntur, ut quæ sempiternam mortem animæ

afferunt illamq; cœlesti ac sēpiterna uita, quæ in gratia, iustitia, ac charitate posita est, priuāt quod Coloniēses Patres significare uoluerūt, cū affirmarunt, peccata uenialia, nō esse talia, quæ nos sordidos planē, & Deo exosos reddant, hoc est, neq; iustitiam ita delere, ut in Dei odium illico incurramus, neque charitatem ita extinguere quin uirtus maneat, qua possumus sordes ex peccatis uenialibus contractas eluere. Kemnicius autem ea, qua pollet fide, particulam planē subtrahit, ut maiorem calumniandirationem habere uideretur.

Cum uerò suppliciorum atrocitas, peccatorum foeditatem excedere nulla ratione debeat, illa certē flagitia, quæ mentes à Deo prorsus alienant, cœlestique gratia, ac uita priuant, ut mortem animæ afferunt, ita sempiternis cruciatibus illam addicunt, & mancipant. quæ uerò non sunt eiusmodi, ut à Deo nos disiungere omnino ualeant; neque charitatem penitus abradere, uenia quidem digna sunt, hoc est, quæ ijs cruciatibus puniantur, qui exitum aliquando ac finem sint habituri, neque ad omnes æternitates duraturi. Ut enim qui iustitiam ac charitatem abiecit, & sese à Deo per summum scelus disiunxit, cum eo felicitate coniungi nullo modo debet; ita illum, qui iustitiam, ac charitatem perpetuò retinuit, & conseruauit, ob leuiā peccata à Dei consortio perpetuò distrahi, ab omni est ratione alienum. Leuia autem dico, si cum mortiferis conferantur. nam si cum diuino numine, cuius uoluntatis lineas uel minimū trāsilire, nemo sine culpa potest, non adē sunt leuia, quin crudelissimis sint supplicij

cijſ digniſſima. Videre igitur iam poteris Kemnicij, quantam calumniam quantamque perfidiam tua illa oratio contineat, qua aſſeris, Colonienſes quædam peccata adeò leuia ducere, ut digna non ſint, quibus Deus iraſcatur. Viri enim eruditiffimi, & circunſpectiſſimi, & ſi non omnia æquali pœna digna eſſe arbitrentur, nullum tamen eſt, quod non atrociter puniendum fore credant. nam cum Catholica Eccleſia affirmant, Purgatorij ignibus illa uenialia peccata plectenda fore, quæ pœnitentiæ uel non fuerint abraſa prorsus, & deleta.

QVIA uerò te hîc olfacere ais, fetores Theologiæ Scholaſticæ, agedum uideamus, an ſacrarum literarum teſtimonia, & ſanctorum patrum ſententiæ, unde hæc omnia Scholaſtici hauſerunt, putere tibi etiam uideantur. Non uides quanto interuallo diſtent apud Matthæum, fratri irarſci, ^{Matth.} c. 5. illū, hoc eſt, mentis, ac iudicij expertem, aut fatuum uocare? Cum enim tria hæc peccata eſſe ſupplicijs digna Chriſtus doceat, illud tamen ſolum, quod acerbius eſt, & atrocioſiorem iniuriam fratri inferat, atque magis charitati aduerſatur, ſempiternis ignibus dignum iudicat. Non meministi, Solomonem aſſeruiſſe, ſepties in die iuſtum cadere poſſe, & toties reſurgere, atque ſeſe omni culpa liberare? ^{proverb.} c. 24. Quod ſi peccata quæuis iuſtitiam, & ſanctitatem fugant, ac depellunt, non erat quòd Solomon iuſtum eum appellaret, qui tam multa ſcelera quotidie admitteret, & iuſtitie ſplendorem tam frequenter abijceret. Eſſe autem Solomonis uerba non de uitæ, ſalutisque periculis (ut aliqui arbitrantur) ſed de peccatis intelligenda

ORTHODOX. EXPLIC.

genda, ipsemet paulò ante aperuit, cum dixerit, Ne insidieris, & quæras iniquitatem in domo iusti, ne que uastes requiem eius; septies enim in die cadit iustus: hoc est, nihil est, quòd iustorum uitam diligenter inquiras, & quæ illi admittunt, peccata per insidias indagare cures; nam & si labi illum sapius, ac ruere accidat, non tamen peccatorum uinculis ita constringitur, quin diuino Spiritu, iustitiæque uiribus excitetur facile, & resurgat. At impij, qui firmissimis sunt iustitiæ præsiidiis destituti, corruant in malum necesse est. Quibus accedit nominis פסוק uis, quòd Latinus interpres accommodatissimè impietatem uertit: poenam uerò, aut incommodum si gnificare nullo modo potest. Quorsum item, Kemonici, spectat egregia illa Diui Iacobi de concupiscentia peccatorum altrice sententia, quòd scilicet cùm conceperit, parit peccatum; illud uerò cùm perfectum fuerit, & absolutum, generat mortem? An non uides, primum concupiscentiæ foetum, peccatum quidem esse, sed non perfectum, atque còpletum, neque eiusmodi ut sempiternam mortem inferre possit? Nam cùm peccatum non nisi libera uoluntate perficiatur, ut abundè satis demonstrauius, quò actio minus deliberata est, eò sanè minus sceleris in ea insit necesse est. Cum igitur lasciuientis naturæ impetus, qui concupiscentiæ propensionem sequuntur, non tam sint deliberatæ uoluntatis actiones, quàm sese in liberam uoluntatem ingerant, & subrepant, quos priores motus appellamus, peccata quidè sunt, quia cum Dei lege non omnino conueniunt, non tamen mortifera dicenda sunt, neque cum Dei lege

omni

*Iacob.
can. i.*

omni ex parte pugnancia, quandiu uoluntas non fuerit contra diuinæ legis præscriptionem deliberata, atque obfirmata. Quod Diuus Iacobus perfectum peccatum uocat, & sempiternum interitum inducere ui sua asserit. Prætermitto quòd Christus quædam peccata adeò ducit leuia, ut cum gluma, festucis, ac culicibus sæpius conferat; alia uerò adeò atrocia, ut trahibus, atque camelis similia esse doceat. Quod discrimen non in pœnitentis animo, sed in re ipsa situm esse satis ex eo constat, quia si solus pœnitentis animus peccata efficeret leuia, ac uenialia, omnia quidẽ trabes dicenda essent, omnia cameli, omnia consummata esse, ac mortem parere; omnia geenna ignis digna, atque posse homines iniustos efficere. Cum igitur non eisdem nominibus à Christo appellentur, neque parẽm uim habeant aut ad mentes contaminandas, aut ad sempiternos cruciatus inferendos, hoc certè tantum discrimen in re ipsa magis, quàm in penitentis ipsius animo situm est, ac positum. Nò inficior, nullum esse tam scelestum, ac nefarium facinus, quod pœnitentia nò efficiat ueniale, id est quod non ueniam faciliè consequatur per pœnitentiam, ut Diuus Ambrosius docet: sed quàm bellè inde colligere possis, ob solam pœnitentiam omnia peccata dici uenialia, si differendi artem aliquo modo calles, uidere faciliè poteris. Quinimmo si pœnitentiam ex mortalibus peccatis uenialia efficerẽ, idẽ Ambrosius asserit, quia mentes iustitia exornat, peccatorum foeditatem repellit, & propulsat, atque ueniam à Deo impetrat, satis inuinit in uenialium peccatorum ratione inesse, à Deo faciliè condonari, neque

Matth.
c. 7.

Ambr.

ORTHODOX. EXPLIC.

que tantopere cum iniustitia pugnare, quin conuenire simul possint, ac concurrere. Nam si à gratia ita uenialia abhorrent, sicut mortalia, neque illis esset ad ueniam longè facillimus aditus, nulla certè ex cogitari potuisset dicendi forma ineptior, nulla dispar magis similitudo, quàm, mortalia peccata tunc uenialia effici, cùm iustitiæ, & charitatis splendore animus illustratur, & ueniam à Dei bonitate exorat. Esse uerò hoc peccatorum discrimen in re ipsa magis, quàm in personis positum, ex eodem Ambrosio discas, qui tria peccatorum genera enumerat; impietatem scilicet, quam in Dei ignoratione sitam esse ait; grauias, & leuias criminas, quæ omnia in baptismo obliterari dicit: idemque Populum ait posse proleuibus suis peccatis Deum precari, grauiorum autem ueniam, iustorum esse orationibus reseruandam. Quodd si sola uenia, peccata reddit leuia, nihil erat sanè, quodd ante remissionem illa ita distribueret, atque tantum per se ipsa esse disiuncta diceret, ut quædã nō nisi Mosis, Hieremiæ, sanctissimorūq; hominum precibus, quædã uerò uulgi etiã orationibus cōdonētur. Cum itē ad leuium peccatorum cōdonationē satis quædã ualere Ambr. dicat, quæ grauias de lere nullo mō possunt, euidēs certè sit, & perspicuum non ex poenitentia animo cōseruata, sed ex ipsis peccatorum conditionibus tantam hanc differentiã excitari. D. uerò Aug. peccata, ait uenialia, sine quibus hæc uita non ducitur, à uita æterna iustum non impedire. Perlege, Kemnici, quæ hac de re lib. de natura & gratia abundè differit, nam planè uidebis, Abelē cæterosq; sanctos Patres leuia quædam peccata suscipere

Ambr. i
Epist. ad
Rom. c.
4.

Ambr.
lib. de po
nitentia c.
9.

Aug. lib.
de spiritu
et littera
c. 28.

pere potuisse (quorum Aug. per multa connumerat) neque tamen iustitiæ aut charitatis iacturam fecisse. ita enim concludit, Verum quia sæpe in leuissimis & aliquando in cautis obrepit peccatum, & iusti fuerunt, & sine peccato non fuerunt. At, inquires, idè iusti fuerunt, quia poenitentiam integrè conseruarunt, illisq; eà displicuit deprauatio. Age dum, Kemnici, displicebant ne sãctis uiris minutiora peccata, dum suscipiebantur, aut posteaquàm suscepta erant, si dũ suscipiebantur, non uides quanta sit deliratio existimare, & placuisse simul, & ita displicuisse, ut unà, & deleta & admissa fuerint? Quæ enim nulla ratione placent, neque peccata dici ullo modo possunt, poenitentia uerò cum magno quodam dolore, & animi ægritudine necessariò cõiuncta est, & colligata. Quis autem uel mente poterit concipere, uoluntatem in tam contrarias, diuersas, atque inter se pugnantes partes fluere pariter, ac rapi posse? si cum uolupate quis per ludum ac iocum fallere quẽpiã uelit, quĩ fieri potest, ut mœrore simul ea de causã perfundatur? Quòd si posteaquàm admissa fuerunt, sanctis uiris diuino spiritu concitatis, iniucunda illa esse cœperũt, quæ paulò antea placuerunt, age sanè, aut iusti esse eo temporis interstitio desierunt, aut nunquàm: si desierunt, fallitur igitur Augustinus, qui & iustos illos fuisse, & peccato non caruisse ait, immo fallitur Ioannes Euangelista, qui mendaces illos uocat, qui se omni peccato uacare dicunt. Si enim omne peccatum iustitiæ aduersatur, ut præters exisimare, fieri certè nulla ratione potest, ut iustus peccato sit uel minimo contaminatus: nam quamdiu peccato subia-

cet, iustus non est, esse autem iustum denuò incipit, cum peccatum deletur per pœnitentiam, & abraditur. Quòd si leuiora illa & minutiora peccata iustitiam non delent, sed à sanctissimis uiris admitti salua iustitia possunt, hoc est, si illi, qui solis erant minutis peccatis contaminati, iusti esse nunquàm desierunt, non uides, Kemnici, peccatorum mortalium, ac uenialium distinctionem ex natura rei, & non ex pœnitentis animo proficisci? cùm illa iustitiam, & charitatem expellant prorsus, hæc uerò cum charitate cõiungi rectè ac copulari possint? Vnde fit, ualde esse D. Augustino familiare asserere, iustos peccatis quidem omnino carere nullo modo posse, atq; nunquã non uerè dicere, Dimitte nobis debita nostra. iustitiæ tamen ornamenta minimè abijcere, peccata autem illa, quorum nec Apostoli, qui diuini Spiritus erant præsidijs confirmati, neque sancti uiri, qui Dei legem studiosè coluerūt, expertes erant, uenialia esse leuiaq; ista, de quibus agimus, sæpe idem August. Hieronymus, cæteri q; sancti Patres docuerunt. Illa uerò Daudidis uerba, Nō enim qui operantur iniquitatem, in uijs eius ambulauerunt. de atrocioribus eriminibus, quæ mortalia dicuntur, Augustinus ducit esse intelligenda. Idem quoque infirmitatis, ait, & imperitiæ peccata, uenialia esse, malitiæ uerò mortalia, quæ bonitati diuinæ aduersantur. Quis uerò non uideat, hoc discrimen ex re ipsa magis, quàm ex animo pœnitentiam conseruante existere? Hinc D. Hieronymus, multum interesse arbitratur, inter *ῥησμονία*, καὶ ἀμαρτίας. ait enim *ῥησμονία*, siue delicta, peccatorum esse quasi initia, cùm scilicet

*Aug. in
Psal.
118.*

*Aug. lib.
83. quæst.
.q. 26.*

*Hieron.
in Com.
epist.
Pauli ad
Ephes.*

cet cogitatio tacita subrepat, etiam ex aliqua parte conuiuentibus nobis, nec dum tamen nos impulit ad ruinā. Hæc uerò quis peccata esse, quāuis leuia ac uenialia neget? at *ἀμαρτίας*, siue peccata, integrā esse, & cōsummatā diuinæ legis transgressionē miserandā q̄; animi ruinā censet. Quòd si attentè cōsideraueris, Kennici, quā sint diuersa atque seiuncta peccatorum initia, à finibus; inchoata, imperfectaq; scelera à perfectis, & quantum inter se distent nutare & turpiter corrucere, quasi quodammodo labare, & miserabiliter concidere, satis quidem perspicies quā turpiter errent, Caluinus, atque reliqui omnes, à quibus didicisti, uenialia peccata & mortalia, nō rerum naturis, sed pœnitentis animo differre.

QVOD nisi tam esset notum & manifestum, ut in quæstionem uocari nullo modo posset, nunquā profectò Martinus Bucerus, acerrimus, & pertinacissimus præceptoris tui Martini Lutheri propugnator, tantum operæ & laboris posuisset, cū ut doctorem suum ab hac tua opinione tanquā ab insigni quadam ignominia nota, & impietate uendicaret, tū ut demonstraret, hac in re à nobis, idest, à communi totius Ecclesiæ consensu nunquā dissensisse. Nam, cū tria peccatorum genera enumerat Bucerus, Peccatum scilicet ad mortem, idest irremissibile, pro quo Ioannes prohibet ne quis oret: Mortale, & Veniale, mortale docet in eo conuenire cum ueniali, quòd utrunq; meritum mortis infert. Nam, quandiu quis uenialibus fuerit infectus, & contaminatus, non poterit Deo plenè frui, quia cœlestem Hierusalem nihil poterit contaminatum ingredi: differre tamen

*Bucerus
in dispu-
tationi-
bus Ra-
tiss. An-
no. 1546*

Ii 2 inter se,

inter se, quia mortalia à regno Dei excludunt prorsus, dum peccare homo non desinet, uenialia uerò remittuntur, quanuis mēs illis sit implicata & circum retita, at peccandi animum non dimittat prorsus et abijciat. Hoc uerò quantum differat à commentitia illa peccatorū differentia, quam à Caluino accepisti, non ita esse cæcus poteris, quin clarè uideas. Ne uerò suos accusare Bucerus uideretur, ait, ideo peccata omnia à suis mortalia appellari, cum quia meritū mortis omnia inferunt, tum maximè ut piorum hominū studia, peccati terrore uehementius incitata, Christo plenius sese addicerent, iustitiæq; amore magis ac magis inflāarentur. putauit enim uir egregius, suis præceptoribus noui Euāgelij institutoribus integrum fore, pietatis gratia mentiri, & insigne esse Euāgelicæ charitatis indicium, quos ueritate nō possēt, mendaciorum multitudine ad sua studia adducere. Hoc enim ueteri Ecclesiæ incognitum Euangelium, tam est ueritatis inops, ut necesse habeat mendaciorum auxilia sibi adiungere. hæc igitur cum sit de peccatis uenialibus non modò sanctorum Patrum, sed eorum, qui Luthero adprimè studuerunt, sententia, Kemnicius ingenti flagrans calumniandi libidine, à suis maluit dissidere, quā cū Coloniēsisbus aliqua ratione consentire, quos Iebusitica peccora uocat, omniumq; ignorantissimos esse dicitur, quia fundamenta (inquit) huius, qua de agimus, distinctionis non intelligunt. Sed cum illorum causa cum sanctis Patribus non possit non esse communis, nō est quòd tanta procacitas illos mouere debeat.

S E D uir emunctissimæ naris, cui Scholastica omnia

nia foetent, sanctissimi Bonauenturae, & D. Thomae hac de re doctrinam, ferre nullo modo potest. irridet enim D. Bonauenturam, quòd dicat, de peccato ueniali per se, non necesse esse poenitere, sed tantum quia prae parat ad periculum; peccatum uerò originale arbitretur, debere quidem homini adultae ætatis displicere, non tamen necesse esse, ut propterea conteratur. Quòd uerò ad uenialia attinet, si Kemnicius tantum illud discrimen peccatorum mortaliū, & uenialium, quod abundè explicauimus; teneret, minimè quidem ueram istam & ualde accommodatam Bonauenturae sententiā irridendam existimaret. Cum enim egregius hic doctor docuisset, peccatorum illum dolorem, quem contritionem uocamus, ita oportere omnium esse maximum, ut malit poenitens, omnia animi & corporis incommoda perpeti, quàm sese sceleribus contaminare, id appositissimè ex charitate, cui peccatum aduersatur, ostendit. Nam sicut fieri nequit, ut qui charitate exornatus est, Deum præ cæteris rebus non diligat; ita neque contritio; qua amissa charitatis ornamenta recuperantur, uocari ille dolor potest, qui non ita mentem occupat ac possidet, ut reliqua mala minima præ peccatis iudicet. Cum igitur, ut demonstrauimus, uenialia peccata, charitati non aduersentur, neque illam à mente exigant, atque expellant; sicut mortalia, neque contritio quidem, quæ poenitentia uocatur, illis ita est ad salutem necessaria; qui uenialibus tantum sunt culpis infecti, sicut ijs, qui mortalibus sunt sceleribus turpificati, cum hæc charitati repugnent prorsus, illa uerò consistere cū charitate

*Bonauentura. 2.
sent.*

ORTHODOX. EXPLIC.

charitate simul possint. atq; adeò, sicut crimina, quæ uenialia uocantur, leuiora sunt & minutiora, ita leuioribus remedijs ab illis nos uindicari atque liberari necesse est, mitioraq; ac breuiora supplicia sint illis in futuro sæculo constituta. Quia uerò ex D. Augustino idem Bonauentura luculenter docet, tantopere humanas mentes uenialibus peccatis obrui aliquando posse, ut in mortalia quodammodo impellant; ait oportere actutum, animi languore, modisque omnibus à mente illa propulsare, non secus atque omnes illas occasiones præscindere, quæ in grauissima scelera apertamque ruinam præcipitare animam possunt. sed, cum Kemnicius præiudicata quadam opinione cæcus omnia peccata, mortalia ducat, minimè mirum uideri debet, si piam hanc ualdeque disertam D. Bonauenturæ mentem, impiam atque rudem iudicet. Quod uerò ad originalia peccata attinet, nihil est, quòd D. Bonauenturæ, immo doctorum omnium ueram & præclarā sententiam longa oratione confirmare, aut exornare cogitemus. si enim nudas illius rationes proponamus, non dubito, quin omnes in eandem sententiam facillè trahant, quarum hæc ferè est præcipua. Cum medicinæ, morborum generibus respondere debeant, poenitentia uerò nō nisi deliberata uoluntate & propria operatione suscipiatur, illis profectò peccatis ac cōmodata medicina erit & necessaria, quæ propria operatione, atque uoluntate suscipiuntur. originale uerò peccatum cum non fuerit propria uoluntate, sed Adami arbitrio admissum, ut demonstrauimus, illa profectò medicina sola illi erit necessaria, quæ aliena

aliena etiam uoluntate adhiberi potest, qualis baptismus est, qui uagientes adhuc infantes originali crimine liberat: poenitentia uerò, quæ propriam operationem necessariò exigit etsi originali peccato adhiberi possit, qui tamen necessariam esse ducit; originalis peccati naturam non satis perpendit.

A T sanctissimi Thomæ Aquinatis acerbior multò, & seuerior censor est Kemnicius. nā illius sententiam his uerbis refert (puderet enim me uehementissimè, tantam impietatem meis explicare) *Thomas dicit, uenialia sunt reparabilia sine uirtute diuina, & disputat quàm facillimis remedijs curentur, ut non opus sit contritione, non fide apprehendente Christum, sed tantum aspersione aque benedictæ, benedictione Episcopali, & similibus nugis.* Hæc uerò quàm longissimè à D. Thomæ sententia absint, neminem latere posse existimo, qui in illius fuerit doctrina uel mediocriter uersatus. Cum enim illius scripta sint non minus excellentissimæ cuiusdam modestiæ exemplum, quàm præclaræ eruditionis uberrimus fons & scaturigo, tum nulla in re magis uersantur, quàm in diuina bonitate, uirtute, gratia, potentia & maiestate amplificanda, cui omnia docet bona referri debere accepta. Quare, qui hæc Kemnicii uerba petulantia plenissima legerit, mox intelliget, nihil magis à D. Tho. pietate, modestia, egregia doctrina, & uerbis abhorre. De uenialium uerò peccatorum condonatione, cum multa præclare differuerit in tercia parte; illam sanè diuinæ gratiæ atque uirtuti maximè tribuit, cuius sententiam, quàm potero breuissimè, aperiam.

P R I N C I P I O docet D. Thomas, oīa peccata
cūm

*Tertia
p. q. 87.
art. 1.*

lutem, nisi sacrificium obtulerint Deo spiritum contritum per pœnitentiam. Vt uerò D. Tho. sententia magis pateat, illū loquentem audiamus. Vnde sequitur (inquit) quòd ad remissionem peccatorum uenialium requiratur quædam uirtualis displicentia, puta cū aliquis hoc modo fertur secundum affectum in Deum, & res diuinas, ut quidquid sibi occurreret, quod cū ab hoc motu retardaret, displiceret ei & doleret, se commississe, etiam si actu de illo non cogitaret. Quod tamen non sufficit ad remissionem peccati mortalis, nisi quātum ad peccata oblita post diligentem inquisitionem. Haftenus D. Thomas.

HAEC CINE sunt, Kemnici, existimantis peccata uenialia esse reparabilia sine uirtute diuina, neq; opus esse fide apprehendente Christum? in charitatis ardore, in animo diuina dilectione æstuante, nullo tu inesse diuinam uirtutem putas? ijs diuinæ dilectionis flagrantissimis motibus fidem esse coniunctam pernegabis? sed ad ea, quæso, quæ haud multò post idem Tho. ait, paulò magis animum aduerte. In quæstionem uocat, an peccata uenialia sine gratiæ infusione deleri possint. cū uerò gratiæ necessitatem probare conetur ex illis Pauli uerbis, Deus, qui diues est in misericordia propter nimiam charitatem suam, qua dilexit nos, cū essemus mortui peccatis, conuiuificauit nos in Christo, cuius gratia saluati estis. in hunc modum respōdet, Dicendum est, quòd etiam remissio peccatorum uenialium, est effectus gratiæ, per actum scilicet, quem elicit, non autem per aliquid habituale de nouo animæ infusum. Agedū, Kemnici, si peccatorum uenialium condonatio di-

*Ephes.
c. 2.*

*Tertia..
p. q. 87
ar. 2. ad
prim.*

dentēs amoris flammans quatiunt, quibus peccato-
rum uenialium sordes absumuntur. Id uerò sine diui-
nis præsidijs effici posse, ille solus arbitrabitur, qui di-
uinam uirtutem & bonitatem in iustitia, quæ nos di-
uinæ naturæ consortes illiq; similes reddit, inclu-
sam esse dubitabit. Qui uerò mortalibus sunt sordi-
bus turpificati atque deformati, cum tantam chari-
tatis & iustitiæ iacturam fecerint, ut nihil intra se di-
uini spiritus retineant, quo à nefarijs illis sceleribus
emergere, & tantam turpitudinem abicere possint;
singulari quadam Dei uirtute extrinsecus aduenien-
te egent, quæ mentem excitet, illius crimina diluat,
& admirabili iustitia perfundat. Peccatorum igitur
uenialium à mente expulsionem sine uirtute diuina
effici, nunquam D. Thomam existimasse, apertè pu-
to demonstrauimus; sed in iustorum animis illam ef-
se uim diuinam cum iustitia & charitate colligatam,
atque implicatam, quæ uenialia crimina extermina-
re ualet, sæpe docuisse.

Sed asperisionem aquæ benedictæ ceteraq; pec-
catorum uenialium remedia irrides, illaq; nugas ap-
pellas. Neque miror cum maiores tui, à quibus disci-
plinam cum impietate hauisti, grauioribus contu-
melijs omnes Ecclesiæ ritus infestentur. Nam lustra-
lis aquæ usum quidam ab Idolorum cultoribus, qui-
dam à Iudæorum obsoletis iam & antiquatis cere-
monijs profectum esse dicunt: alij anilem supersti-
tionem, alij uerò impiam & sacrilegam profanatio-
nem uocant, nullumq; tantum conuiuium possunt ex-
cogitare, quod in hac benedictam aquam sanctis Pa-
tribus olim admodum uenerandam, non iactant.

quæ sit
aqua be-
nedictæ
ms.

*Palladi-
us Histo-
ria lausia
ce.*

Quod cū legerem, uenit mihi in mentem quod Palladius uetustissimus scriptor de Machario Aegyptio, uiro sua ætate planè diuino refert. ad quem cū deferretur mulier, non minus singulari castimonia quàm forma ægregia, quàm æquæ speciem præ se ferre tam eius uir, quàm qui aderant, omnes falso arbitrabantur (ita enim erant præstigiatoris cuiusdam nefarijs artibus oculorum omnium acies perstrictæ, ut ueram mulieris formam cernere non possent; non siue magno uitæ castissimæ mulieris discrimine) Macharius uir sanctissimus fuis ad Deum precibus, lustralem aquam mulieris capiti infudit, atque subito elusio omnis, quæ astantium oculos occupauerat, euauit, & ueram mulieris formam conspiciere potuerunt. Cum uerò eiusdem dæmonis industria, Lutheri, autè, Caluini, Kemnicij, cæterorumq; huius factionis hominum opera, eorum, qui ab Ecclesia Romana discesserunt, oculi sint tetra caligine circumfusi, ne pulcherrimam ueritatis faciem possint intueri, huius aquæ sanctissimæ, atque eorum omnium, in quibus aliquid diuinæ uirtutis inest, Ecclesiæq; totius auctoritatem demoliri, & labefactare conātur, ne aliquando diuini spiritus afflatu (qui ijs, qui Ecclesiasticæ mysteria religiosè colūt, præstò adesse solet) tenebris fugatis, clarâ & apertâ ueritatis lucē cōspicere, & in quâtis fuerint tenebris uersati, cōtemplari liberè possint. Quâtis uerò miraculis Deus Opt. Max. huius aquæ uim & uirtutem ostenderit, latere certè, Kemnici, te non potuisset, si antiquitatis monumenta, quorum egregiam quandam cognitionem præferre conaris, nullo præiudicio deprauatus euoluisses.

169

Neque

Neq; enim poteris ignorare, amplissimum Iouis templum, quod in Apamenorum urbe olim fuit admodum celebre, nulla uerò ignis ui aut humanis artibus eueri poterat, D. Marcelli eiusdem ciuitatis Episcopi precibus, & lustralis aquæ uirtute, igne, qui dæmonis opera extinguebatur, uehementissimè accenso, tandem ad exustionem usque conflagrasse, dæmone (ut Theodoretus ait) aquæ uim non ferente. Perlege Beati Malachiæ Episcopi res gestas à Diuò Bernardo conscriptas, & huius sacræ aquæ uim multis prodigijs confirmatam faciliè cernes. cuius non minora sunt testimonia apud Diuum Gregorium, quæ recensere esset infinitum. Quæ uerò: cœlestibus sunt prodigijs confirmata, falsitatis aut impietatis aliquid continere, ille solus existimabit, qui Deum mendacij arguere non ueretur. Quocirca in Concilio Nannetensi statutum fuit, ut omnibus diebus dominicis quisque presbyter in sua Ecclesia ante missarum solennia aquam benedictam faceret in uase mundo, & tanto mysterio conuenienti, de qua populus intràs Eccl. aspergeretur, & atrium eiusdè Ecclesiæ cum crucibus circumuendo similiter aspergeretur, et pro animabus ibidem quiescentibus oraret, & qui uellet, in uasculis suis acciperet ex ipsa aqua, & per mansiones & agros & uineas, super pecora quoque sua, atque super pabulorum, nec non super cibos & potum suum conspergeret. Quare iure optimo piòrum est omnium mentibus infixum, ea omnia, quæ Ecclesia benedicere aut religiosa facere solet, illis esse uirtutibus & dotibus abundè exornata, quas Ecclesia precibus à Deo

postulare

Theodoret. hist. Ecclesiastica lib. 5. c. 21.

Bernard. de uita Malachiæ. Grego. lib. 1. dialogorū.

Clement. Rom. c. 1. c. 32.

postulare solita est. Cum enim Christus receperit, ea omnia nos certissimè esse impetraturos, quæ à Deo orantes efflagitaremus, qui preces cõmuni Ecclesiæ consensu fufas, irritas ac uanas arbitratur, magnæ profectò falsitatis Christum arguit. Quare cum Ecclesia Deum precetur, ut uirtutem aquæ infundat, quæ animi & corporis morbos sanare possit, corporis uerò ægritudinibus mederi, cum ex Ecclesiæ annalibus, tum ex multarum rerum experiētia abundè acceperimus, dubitare sanè nemo poterit, ad mândandum etiam animam, non minus uirium momentique habere. Neque enim postulari solum, sed expectari etiam à se omnia Christus uult. Quam lustralis aquæ uirtutem Alexander Quartus à Petro Romanus Pon. satis abundè explicauit. Ab Apostolis uerò fuisse hanc cum benedicendi aquæ rationem, tum uirtutis illius persuasionem profectam, tradit Clemens Romanus, qui ait, Apostolicos illos uiros in gratiarum actione, de aqua & oleo, diuinam potētiā fuisse precatos, ut illis uirtutem donaret sanitatis effectricem, ægritudinum expultricem, dæmonum fugatricem, omnibusque insidijs aduersariam. Quæ si nunquam Ecclesiæ preces impetrarunt, nihil profectò illius auctoritatem iminuere, aut decorem obscurare magis potest, quàm illam precandi rationem à principio excogitasse, & conseruasse perpetuò, quæ inanis esset, & uacua, nihilque à Deo exorare unquam potuisset. Quod si cogitare impium est, Ecclesiæ certè preces nos admonent uirtutum omnium, quæ rebus ab illa sacratis diuinitus insignuntur. Quare minimè mirum esse debet, aquam lustralem

*Clemens
Rom. con
stitut. A-
postolica-
rum lib.
8. c. 35.*

lem ad peccata uenialia delenda plurimum mome-
 ti habere: non quidem quòd mentem contingat, &
 eius sordes ui sua abluat, ut sacramenta efficere so-
 lent; sed quia diuina uirtus in illa impressa, mentem
 ad Deum illa ratione piè & religiosè colendum ex-
 citat, atque elicit. Quos pios & ardentis animi mo-
 tus peccata uenialia delere demonstrauius, quia
 poenitentiam, quam uirtualem uocant, connexam
 habent, & colligatam. Quod D. Thomas satis aper-
 tè ijs uerbis docuit, Omnia ista causant remissionē
 uenialium peccatorum, in quantum inclinant ani-
 mam ad motum poenitentiae, qui est detestatio pec-
 catorum, uel implicitè, uel explicitè. Quòd si hæc san-
 ctificata aqua, ac reliqua, quæ ab Ecclesia benedicū-
 tur, suis destituantur effectibus, magis id est quidē
 animi languori & desidiæ fidelium, quàm celestis
 uirtutis imbecillitati tribuendum. Ex quibus etiā
 est rationibus, quòd nostrum plurimi ijs carent præ-
 rogatiuis, quæ Christus iam iam ad cœlos ascensu-
 rus omnibus in se credentibus promisit. Neque e-
 nim puto negabis, Kemnici, apud uos, qui inte-
 gram euangelij disciplinam uobis falsò arrogatis,
 tum neminem esse, qui dæmonum cruciatibus cor-
 pora liberet, qui ægros diuina uirtutē sanet, qui ser-
 pentes expellat, atque tutò uenena ebibere possit,
 alijsque sit honoris insignibus exornatus, quæ Chri-
 stianis hominibus promisit Christus: tū uerò horum
 defectionem magis esse uestre culpæ quàm fidei in-
 firmitati tribuendam. Quæ si aduertisses, nunquàm
 profectò in Ecclesiam tam fuisses contumeliosus, &
 in sanctissimum Thomam procax, & iniuriosus. qui
 etfi

*Tertia p.
 q. 87.
 art. 3.
 ad pri.*

iram effugere nullo modo poterit. Colonienſes uerò, etſi peccatorum uenialium ſœditatem non tanto pe-
re amplificent, ut æternis cruciatibus dignam eſſe ar-
bitrentur, non tamen ita extenuant, quin aliquo cru-
ciatum genere plectēdā eſſe ducant, quare qui ue-
nialibus ſunt culpis contaminati, maledicti dici nō
ſecus poſſunt, ac illi, qui mortalibus ſunt ſceleribus
inquinati, quanquā non par maledictio: utroſque
inuadat. Si enim uenialibus tantum maculis turpifi-
catus de uita quis deceſſerit, non prius ſanè ſempi-
terna felicitate perfruetur, quā illa maledictio ul-
tricibus Purgatorij ignis flammis expietur. In eos ue-
rò, qui mortiferis ſceleribus ſœdati mortē obierint,
ſempiterna maledictio, hoc eſt, nunquā interitura
ſupplicia, ſunt conſtituta. Nam ſicut crimina paria
non ſunt, ita nec par maledictio eſſe poteſt.

A T inquit D. Iacobus Apoſtolus loquens de pec-
cato in ſe, & ſua natura conſiderato, dicit, Qui delin-
quit in uno, factus eſt omnium reus. Principiò ma-
gnas tibi gratias ago, Kemnici, quòd Epistolæ D. Ia-
cobi auctoritatem (ut par eſt) nobis integram conſer-
uaſti. erit enim iam inde ſumendi argumenta no-
bis liberior poteſtas. ſed aduerte, D. Iacobum de præ-
cepto charitatis ſermonem facere, quod unum qui
uiolauerit, omnium reum fieri ait. ſiquidē legis per-
fectio, eſt dilectio, omniaq; diuinæ legis inſtituta in
hoc uerbo inſtaurantur. Diliges proximum tuum ſi-
cut te ipſum quod ex orationis ſerie apertè conſtat.
Cum enim illos arguat Iacobus, qui plus diuitum

Iacob. c.

2.

Ll gem

gem perficitis Regalem secundum scripturas, Diliges proximum tuum sicut te ipsum: benefacitis. si autem personam accipitis, peccatum operamini, redarguti à lege tanquam transgressores. quicumque enim totam legem seruauerit, offendat autem in uno, factus est omnium reus. Illud uerò unum, præceptum est sanè dilectionis proximorum, quod qui ducitur, in diuitiū obseruantia, præclare fecisse dixit, in personarum uerò acceptione uiolatur. Quam etiam interpretandi rationem sequitur Primasius egregius Aug. auditor, quam ait esse doctorum omnium sententiam: Cum uerò peccata uenialia charitati minimè aduersari, abundè paulò antea demonstrauius, neque ille sanè præceptorum omnium transgressor dici potest, qui uenialiter tantum peccauerit. qui uerò uni co peccato mortali contaminatus è uita excesserit, non secus sempiterna illa felicitate perpetuò excidet, quàm si omnium esset flagitiorum reus, diuinamque legem uniuersam conculcasset.

OBIICIS nobis demum, Christum ipsum, quem dicis Matth. c. 5. reprehendere planè similem distinctionem Pharisæorum, qui fingeant, quædam mandata legis esse magna, quædam uerò minima, quorum transgressio per se leuis sit, non obnoxia iudicio & iræ Dei, etiam si Deus cum illis in iudicium intret: Quam graniter uerò Christus intonet, de minimis apicibus legis, manifestum esse ais. Vnde concludis, Coloniensium de peccatis uenialibus doctrinam Christo planè repugnare.

LEGI equidem quàm maximè potui diligenter 5. illud c. Matth. neque potui quidquàm offendere, quod aut illam, quam fingis, Pharisæorum reprehensionem præ se ferre, aut Coloniensium sententiam

Primasius in Epist. ad Gal. c. 3.

tiam oppugnare aliquo modo uideretur. Nam quæ de minimis ac maximis legis præceptis Christus tradit, non modò reprehensionem non continent, ut ais, sed satis apertè indicant, quasdam Dei leges alijs longè præstare, quia quasi perfectionem & ab-solutionem Christianæ uitæ demonstrant. Quòd si D. Aug. ut par est, credas, tibi sanè perspectum erit, & exploratum, quàm longissimè à Christi mente aberrare eos, à quibus argumentationem illam hauisti. Is enim sæpe, tradit, illa præcepta à Christo appellari minima, quæ sola Pharisei obseruanda esse putabant, nempe, Non occides, non moechaberis, non furtum facies, & alia eiusmodi, quæ in lege Mosi data explicatè continentur. minima autem à Christo dici, quia si cum eorum, quæ ipse enodatus docuit, perfectione conferantur, tantò minora esse uidebuntur, quantò minus est manum quàm cor comprimere; externas corporis actiones, quàm celeres animi motus cohibere, & retardare. Nam Mosaicæ legi, Christi disciplina, in eo longè multumque præstat, quòd illa in externa iustitia, hæc uerò in animo uirtutibus informando, & cupiditatibus compescendis, potissimum posita est. Cum uerò omnis, qui cœlesti illa felicitate fruitur, magnus dici iurè debeat, illos, qui hæc minima legis præcepta soluūt, et sic docet, idèò minimos in regno cœlorum appellari Augustinus affirmat, quia ut contempti & abiecti à cœlestibus illis sedibus perpetuò exulent, necesse est. Quæ quantum ualeant ad Colonien-sium uerissimam sententiam oppugnandā, tu ipse iudica.

QVOD si aliam interpretandi rationē sequi ma-

*Aug. de
serm. Do
mini in
monte c.
17. 18.*

Iueris, atque, minima illa præcepta à Christo appellari existimas, quæ Phariseorum uulgus leuiora iudicabat, Christi certè mens alia esse non potest, quâ de mōstrare, se minimè ueterē legē uelle abrogare, sed perficere, non tollere, sed perpolire, & deformitatem illam, quam Phariseorum hypochrissi cōtraxerat, abstergere. quod apertè illis uerbis significauit, Nulla ratione patiar, ut iota unū, aut unus apex de legē, quā per Moſen Deus docuit, pereat, sed illam tantopere locupletabo, ac perficiam, ut nisi abundauerit iustitia uestra plusquā scribarum, & Phariseorum, qui solam externā iustitiā, & quæ oculis cerni potest, magnificiebant, non intrabitis in regnum cœlorum. Vera enim iustitia, quā Christus docuit, in animo potissimū sita est, magisque est diuino iudicio, quā humano ingenio metiēda. Quare cum ait, Qui soluerit unum de mandatis istis minimis, & docuerit sic homines, minimus uocabitur in regno cœlorum. non quidem inficiatur, quædam esse legis præcepta alijs maiora, cum id ab ordine serie quæ orationis ualde abhorreat, sed Christianæ disciplinæ perfectionem mirabiliter amplificat, quæ tantam requirit in euangelij doctoribus morum integritatem, ut qui uel unam ex minimis illis legibus, quas docēdas suscepit, uiolauerit, minimus in regno cœlorum habeatur. Singulari enim quodam uirtutis splendore cæteris omnibus ij antecellant necesse est, qui doctorum munere perfunguntur, atque omnem curam & operam collocare debent, ut quam uerbis docent legem, moribus mirabiliter expriment. Nam qui soluerit unum de Christi mandatis uel minimis, & sic

hoc

hoc est, illa culpa inquinatus homines docuerit, nō
erit quidem ea gloria & splendore dignus, qui ue-
ris Euangelij doctoribus debetur, sed minimus uoca-
bitur in Regno cœlorum. At qui fecerit, & docuerit,
uita quę ipsa, quoad eius fieri poterit, diuinę legi,
quam docet, omni ex parte, responderit, magnus uo-
cabitur in Regno cœlorum. Quę quàm parum faciāt
ad Coloniensium de peccatis uenialibus doctrinam
euertendam, omnes iudicent sani.

ad illud quod dicitur in libro I. c. 1. §. 1. ubi dicitur
quod si quis in peccato mortali morietur, non
erit in Regno cœlorum. At qui fecerit, & docuerit,
uita quę ipsa, quoad eius fieri poterit, diuinę legi,
quam docet, omni ex parte, responderit, magnus uo-
cabitur in Regno cœlorum. Quę quàm parum faciāt
ad Coloniensium de peccatis uenialibus doctrinam
euertendam, omnes iudicent sani.

DI E G H I P A Y V A

ANDRADII LVSI ANI,

ORTHODOXARVM EXPLICA-

TIONVM LIBER QVARTVS.

De Libero Arbitrio.



NON eram nescius, cùm hanc de libero arbitrio disputationem instituissem, illam in præcipuis esse huius temporis controuersis, atque ad animos pietate, & religione informandos, in primis necessariam. Nam si ignoremus, unde potissimum nostra salus pendeat, an scilicet in solo Dei patrocinio collocata sit, & in sola ipsius misericordia ita sit nobis conquesendum, ut nec nobis tribuere quidquam debeamus, nec in nostra sit potestate quidpiam constitutum, fieri certè non poterit, quin infinitis miserijs inuoluamur, & ueluti portus ignari, aduersa tempestate iactemur, & quasi fluctibus obruamur. Sed quoniam solum cõstitui Kemnicij maledictis respõdere, quæ me sæpius cogunt longius quàm cõstitueram digredi, hac certè in quæstione breuior esse, quàm rei dignitas postulabat, coactus sum; tum quia, quæ hîc Kemnicius reprehendit, magna ex parte à nobis disputata sunt in sexto Axiomate de Peccato; tum quia sex axiomata, quæ ab illo hîc exagitantur, Verbis inter

inter se tantum diuersa, idem sanè re ipsa continent. Quare non esse singula persequenda existimaui, sed ita rerum capita explicanda, ut quæ maximè ad rem facerent, non fuisse à nobis prætermissa uideantur. illas enim tantum quæstiones ingredi, in quas illius nos calumniæ traxerint, in animum induxi meum.

SED quoniam tota ipsius disputatio uersatur in accusando societatem Iesu Pelagianismi, quam eo solo miraculo (inquit) ceteris hominibus præstare, atque canonizari uoluisse, quòd Pelagium ab inferis nunc demum post tot sæcula excitauerit, in uitamq; reuocauerit, facturum me operæ precium existimaui, si paucis aperiam summam opinionum, cum Pelagij tum Lutheri; quam Colonienſes Patres euertere conati sunt, atque unà explicem Colonienſium de libero arbitrio sententiam, quibus inter se collatis, facilius pateat, quàm absit à Pelagianismo sanctissima Iesu societas; Kemnicij uerò calumniæ coerceantur, atque quæ illius dictis uanitatis plenissimis fides debeat, sit oïbus abundè notum & exploratum.

INTER reliquas Pelagij delirationes fuit non minima, quòd tam acerbum bellum cum Christi gratiâ suscepit, humanæ autem naturæ tantopere fuit assentatus, ut dictitaret, humanam naturam, atque uoluntatem tam esse potentem, ut omnia diuina præcepta posset, diuina ope destituta, non minus præstare modò, quàm in ipso naturæ flore, cum nondum illius uires funesta peccati labe debilitatæ fuerant, atque contrafactæ. Neque tam horrendâ stragem primum illud scelus in omnibus naturæ partibus ediderat. Nam etsi peccandi consuetudine usque

*Pelagij
de libero
arbitrio
impia sen-
tentia.*

Ad Rom.

8.

que adeò uoluntatem torpere Pelagius existimaret; ut uirtutum actiones iniucundas ualde & molestas redderet, minimè tamen confitebatur, liberi arbitrij uim ita protritam esse, quin si uires colligere uoluisset, omnem illam molestiam superare; carnis lasciuiantis motus comprimere, atque omnia præclara opera edere per se ipsum posset, quãuis omnibus esset diuinæ gratiæ opibus atque auxilijs destitutum: Ad illam etiam uitæ integritatem, innocentiamque præstantiam peruenire quemuis posse docebat, ut si tota liberi arbitrij uis cupiditates refrenare, atque comprimere conaretur, nullis omnino cupiditatem stimulis tandemque agitaretur, sed ueram *ἀντιθεσιν*, hoc est, affectuum omnium uacuitatem consequeretur. de qua librum scripsisse Euagrium Ponticum Hyperbioritâ pelagianum tradit D. Hieronymus. in Epist. ad Ctesiphontem. Ne uerò diuinam gratiam abijcere prorsus, atque contemnere Pelagius uideretur, necessariam esse dixit, ut perfectæ uirtutis uiam demonstraret, legesque præscriberet, à quibus discedere nefarium esset, & sceleratum. Quia uerò multorum fuit oratione increpatus (ut D. Aug. auctor est) quòd ad Dei legem obseruandam, nihil ipsius gratiæ auxilijs tribuere uideretur, quam esse ad omnia præclara opera in primis necessariam, sacræ literæ frequenter tradunt, respondit, esse quidem Dei gratiam eatenus necessariam, ut quæ facere per liberum arbitrium iubemur, promptius & facilius Dei gratia roborati præstare possimus, atque ita orationem temperabat, ut diuinam gratiam quam commendare uidebatur, libero arbitrio non modò

Hier. ad
Ctesiphon
tem.

Aug.
lib. de ha
resi.
hæresi.
8.

modò non præferret, sed callidè, & ueteratoriè post-
 haberet; atque satis esse naturæ dona, quæ cum li-
 bero arbitrio indissolubili uinculo constricta sunt;
 & colligata; ad omnia excellentissima opera facien-
 da uniuersaque peccata declinanda dictitaret; us-
 que adeò, ut quiuis si modò uellet. *ἀναμάρτητος* esse;
 hoc est, omnibus peccatis carere prorsus posset.
 cuius uocis intolerabilem arrogantiam, cum orien-
 tis Ecclesiæ ferre nullo modo possent, callidè & uete-
 ratoriè, ut auctor est D. Hierony. simulabat, non au-
 dere hominem unica & simplici uoce *ἀναμάρτητος* di-
 cere; sine peccatis uerò esse, superbè affirmabat. . .

*In epist.
 ad Cresi-
 phontem.*

ἐν τῷ 10ῷ

ἡ ἐπιστολὴ

Lutheri

de libero

arbitrio i sa

na senten

tia.

A B hac incredibili stultitia cum longissimè ab-
 scedere Lutherus uellet, alia non minori insania aut
 uerius stupore oppressus est. Neque enim ad uirtu-
 tum solum officia arbitrij libertatem necessariam es-
 se denegauit (quod Caluinus multiq; huius fac-
 tionis homines faciunt) sed illam prorsus sustulit,
 remque dixit esse (ut ille balbutit) de solo titulo.
 cum enim arbitraretur, nihil posse ab homine ulla
 ratione fieri non turpe & sceleratum, satis uidit, li-
 berum illud arbitrium dici non posse, quod in alte-
 ram tantum partem ualet, illamque peiorem. Qua-
 re ne uestigium quidem in nobis liberi arbitrij post
 peccatum extare existimauit: usque adeò, ut ne ma-
 li quidquam per se ipsum facere illud posse dictita-
 ret. assiduis enim ac domesticis suis furijs incitatus
 affirmabat, nulla esse tam horrenda scelera, nulla tam
 indigna facinora, quæ Deus ipse in impijs non ope-
 raretur: quippe qui nulla sunt libertate exornati,
 sed ueluti stipites quidam ac saxa, nec sese loco mo-

uere, neque eorum, ad quæ natura inclinât, quidquam agere ualeant, nisi peculiari Dei impulsione pellantur, atque agitentur. In quâ sententia cum Philippus Melanchthon, impietatum omnium hac nostra ætate quasi primipilus, aliquando fuisset, rei indignitate demum exterritus, sententiam mutauit in locis communibus Anno 1552. editis, esseque hanc Lutheri amentiam cum Manicheorum impietate ualde coniunctam, asseruit.

Coloniensium de libero arbitrio uera sententia.

COLONIENSES uerò totius catholicæ Ecclesiæ & omnium sanctorum patrum fidem sequuti, docent quidem contra Lutherum, esse in nobis uerè liberum arbitrium; non modò quo annuente omnibus nos sceleribus inquinamus, sed sine cuius consensu neque Dei gratia exornari, nec boni quidquã agere integræ ætatis homines possunt. Ne uerò ad Pelagij errorem desicere aliquò modo uiderentur apertè ac planè confitentur, ita esse uires nostras tenues & infirmas, ut nisi diuina grãtia roborentur, nihil perfecti boni, hoc est, quod ad uitam æternam consequendam ualeat, prorsus facere, aut uelle possimus, aded ut neque oblatam à Deo grãtiam ualeamus amplecti, nisi sanctissimi Spiritus ui atque uirtute excitemur. sæpe enim Aug. illas uoces usurpant, gratiam esse nobis necessariam, non solum ut credamus, sed ut credere uelimus, neque tantum ut conuerti possimus, sed ut conuertamur. nisi enim potentissima Dei gratia uoluntati nostræ præeat, & præluceat, fieri certè non potest, ut eorum, quæ præfati boni nomen merentur, quidquam consecrari ualeamus. quæ cum humanam naturam non euerfat, sed perficiat,

perficiat; non perdat, sed instauret, & pristinae dignitati restituat, non quidem liberum arbitrium nobis à natura inditum alligat, illius uel actionem impedit, aut retardat, sed iacentem erigit, languentem excitat, uiresque suppediat, ut quae pulchra sunt, & diuina, ultro prosequatur, & complectatur. Quare minimè quidem sese mutuo gratia & liberum arbitrium impediunt, ut Pelagius somniabat, sed potius ad idem agendum concurrunt, atque alterum ab altero adiuuatur; cum gratia uoluntatem erigit, & confirmat, uoluntas uero Spiritus sancti uocibus auscultat, gratiam amplectitur, & antecedentem illius impulsione sequitur.

H AEC est, Kemnici, Coloniensium sententia, quam Pelagianismi insimulare nunquam desinis, omnibusq; Germanis hominibus longa animi prouisione fugiendam esse dictitas. Quae à Pelagij delirationibus usque adèdò abhorret, ut si cum illis diligenter & accurate conferatur, nulla certè alia defensione opus sit. Quae enim pugnare inter se magis possunt, quàm existimare, diuinum auxilium esse quidem hominibus utile, minimè uero necessariū; & illius necessitatem tantopere extollere, ut ne optare quidem, aut uelle ullum perfectum bonum sine illo possimus? Quae magis sunt inter se aduersa, quàm humanam naturam ita efferre, ut omnia praeclara opera suis tantum uiribus edere posse, gratiae aditum aperire, & mentem ad illam suscipiendam disponere dicas; & eandem usque adèdò deprimere, & deiicere, ut confitearis peccati cōtagio ita enervatam esse, & debilitatam, ut nec oblatam Dei gratiam ample-

xari, nec cogitare quidquam eorum bonorum possit, quæ ad sempiternam felicitatem ducunt, nisi diuini Spiritus ui atque uirtute erigatur, atque confirmetur; sed quoniam Colonienſibus, non cum Pelagio, sed cum Luthero res erat, gratiæ quidem necessitatē paucis explicarunt, arbitrij uerò libertatem contra Lutheri amentiam pluribus firmare & stabilire conati sunt. Ignari enim hominis est, in ea re comprobanda plurimum sudare; de qua aduersarius nunquam dubitauit. Quam ne ipse notam incurram, in diuina gratia explicanda minimè laborabo, in qua tu extollendam, ultus es; sed paucis demonstrabo, tantā hanc Dei gratiam non euertere arbitrij libertatem, sed de missam & oppressam erigere, & excitare, atque simul cum diuina gratia effectiue (ut dici solet) ad quæ uis præclara opera iustificationemque nostram concurrere.

PRINCIPIO igitur ex his, quæ à nobis hætenus dicta sunt, satis constare puto, quàm perperam controuersię huius statum teneas, qui ais, non uersari in quæstione quid liberum arbitrium, diuina gratia erectum & confirmatum possit; *confiteri enim iniquis te cum Augustino, agi filios Dei à diuino Spiritu, ut ipsi agant, non ut nihil agant; sed quid ipsum ex prima natiuitate à natura sua ualeat in rebus spiritualibus, hoc est, ut tute ipse interpretaris, quæ illi sit facultas in hac deprauata natura, ante renouationem Spiritus sancti in rebus ad salutem pertinentibus.* Ac proinde ita Colonienſium uerba interpretaris, ac si de libero arbitrio gratiæ experte ab illis esset sermo institutus, cum illius uim & facultatem efferunt. Quod quantopere ab illorum mente abhorreat, & cum de peccato egimus;

explica-

explicauimus copiosè, & hæc ipsorum uerba in eodem, quem tu citas folio 36. apertè indicant. Et sanè (inquiunt) quanuis nos à diuina misericordia pendeamus, quanuis nihil boni operetur fidelis, quod in illo non efficiat Deus, quanuis non solùm gratia conferatur, ut conuerti possimus, sed etiam ut conuertamur, etsi gratia hæc, quæ ad operandum necessaria est, & uelle facit, non sit quæcunque inspiratio aut cogitatio sancta, seu boni propositi suggestio, sed efficax Dei operatio, quanuis hæc omnia uera admittamus, & ex D. Augustino uarijs locis elici posse concedamus, homini tamen semper liberum relinquitur, diuinæ operationi præbere impedimentum, eamque uel amplecti uel etiam repudiare. Hæccine uerba, Kemnici, sunt liberum arbitrium à diuina gratia seiungentium? cum tam auidè inquirebas, quid calumniari posses, non uidisti, quàm enodatè, & apertè Colonienses confiteantur, mentes peccatorum feruitute oppressas, neque Dei gratiam promereri, neque in illius amicitiam uenire, neque boni, quod ad æternam salutem aliquo modo pertineat, quidquam uelle, aut cogitare ui sua posse? Quare si (ut ais) in quæstionem uocatur, quid solis naturæ uiribus possimus, explicata iam quæstio est, tuæque hæc omnia axiomata fraudulentam magis interpretationem, quàm ueram & iustam reprehensionem continent. Inesse tamen mentibus, foedissimis peccatorum monstris occupatis, liberum arbitrium, ad præclaras actiones suscipiendas, neque ulla scelerum turpitudine deleri illud, aut extinguere posse, multis ac magnis rationibus confirmant Colonienses Patres, sed tamen ueluti

ti ferreis compedibus ita constrictum, ut ex illis se expedire nullo modo, nisi Dei uirtute possit. Quòd igitur nihil perfecti ac spiritualis boni facere scelera ti homines possunt, quandiu eorum mentes flagitiorum sunt maculis coopertæ, non quidem est, quia libera uolūtate carēt, sed quia ad eò illa est peccatorū laqueis implicata, ac scelerum pōdere pressa, ut nec se ab illis extricare, nec emergere ullo modo propria uirtute possit. Non secus ac ligneis soleis deuincti, qui incedendi quidem facultatem habent, etsi ingredi nullo modo possint, nisi uincula rumpantur prius, quæ motum reprimūt, ac retardant. Cùm igitur diuinæ gratiæ splendor sceleratis mentibus elucet, non illis quidem iustitiam obtrudit, aut uim ad tanta illa animi ornamenta capescenda affert, sed iacentem uoluntatem erigit, languentemq; excitat, ut iam sui iuris quodāmodo diuina ope facta, diuinæ uocationi respondere, illiusq; gratiam accipere liberè possit, neque quidquam sit, quod libertatem impedire, aut al ligare queat.

At inquis, minimè dubium esse, animi conuersionem constare nō posse, quandiu mens ita reluctatur gratiæ, seu Spiritui sancto, ut nulla planè fiat applicatio. Quare homo leuis & inconstans, qui aliud sedens, aliud stans, ut aiunt, sentis, tui ipsius im memor ais, non quæri quid liberum arbitrium per se ipsum ualeat in rebus ad salutem pertinentibus, ut principiò asseruisti, sed quæstionem esse de causa efficiente, unde homo habeat, ut in conuersione non reluctetur, sed applicet se ad gratiam. Neque obscurè id diuinæ gratiæ ita tribuis, ut libero arbitrio nullum locū reliquum facias, quod ueluti cœcum, ac stupidum ad iustitiam trahi arbitraris. neque enim liberè ac sponte

sponte sua, sed quasi saxum quoddam à Deo moueri atque agitari præ te fers existimare. à qua sententia non modò Colonienses plurimùm absunt, sed cum Conciliorum decretis; D. Augustini (cuius auctoritatem nobis passim obijcis) iudicio, Ecclesiæq; totius firma & constanti fide ex aduerso pugnat. Est enim communis omnium uox, liberum arbitrium diuina gratia non tolli, sed perfici; non cogi, sed incitari, nō opprimi, sed uires accipere, ut quæ diuina sunt & cœlestia, toto animi ardore prosequatur. Quare aperte confitemur, mentem nefarijs cupiditatibus pressam, & scelerum mōstris occupatam, à miserādo illo statu respirare nunquam posse, nisi diuina gratia allciatur, & diuino spiritu quasi stimulis quibusdam excitetur. Neque item oblatam sibi gratiam amplexari, nisi peculiaribus Spiritus sancti impulsibus adiuuetur, aut (ut tuis utar uerbis) nunquam se ad gratiam applicare hominem posse, nisi eadem cœlestis gratia adiumento sit. quod tamen non impedit quidem, quo minus liberum arbitrium ultrò gratiam apprehendat, sitq; illi liberum eam reiicere & aspernari. Nam cum Spiritus sancti potentissima motio uoluntatem corroboret, ut uelit gratiam amplecti, non quidem nostram libertatem adinire, sed perficere uideri debet. Quod D. Paulus disertis uerbis docuit in epistola ad Philippenses, Deus est, inquit, qui operatur in nobis uelle & perficere, pro bona uoluntate. At quoniam modo poterit in nobis operari uelle, quàm excitando animum nostrum, ut uelit? ita ut animus, qui cœlestia diuinaque bona ui sua uelle nullo modo poterat, accedente diuina uirtu-

Philip. c.

2.

uirtute, amore illa iam, ac desiderio prosequi ualeat, atque ita liberam naturam, rationisque participem perficit, cum uires suppeditat, ut ea liberè uelit, quæ antea minimè poterat. Velle enim, ut D. Hieronymus ad Ctesiphontem ait, & currere, meum est: sed ipsum meum sine Dei semper auxilio, non erit meum. Quod si uoluntas à Deo mota, non ultro uult, hoc est, non liberè sese ad gratiam applicat, uoluntas certè dici nullo modo potest, cuius in natura ac ratione inest, liberè sese ad quamuis obiectam bonitatis speciem adiungere. ¶ Quauis enim bona, quæ omni ex parte perfecta sunt, & absoluta, neque odio prosequi, neque abiecta habere uoluntas possit, animum tamen ad illa potest non adiungere, neque oblatam sibi felicitatem amore complecti: præsertim quandiu diuinæ pulchritudinis faciem, atque infiniti illius numinis bonitatem, apertè & clarè cernere non licet, quæ ita beatorum mentes occupat, ut illas ad se amandum necessariò rapiat. Quare, qui diuina gratia hominum uoluntates ita ad iustitiam allici putat, ut liberum illis nullo modo sit eam aspernari & respuere, magis quidem iustitiam humanis mentibus à Deo obtrudi, quàm efficere ut illam uelint, existimare uidentur.

philip. c. 2. Quod quàm repugnet eidem Paulo, satis indicant, quæ paulò superius Philippensibus dixerat, Cum timore (inquit) & tremore uestram salutem operamini. Quando autem iubentur Philippenses, ut operentur, liberum eorum conuenitur arbitrium (ut D. Aug. ait) sed ideò inquit cum timore & tremore, ne sibi tribuendo quod bene operentur, de bonis tanquàm

philip. c. 2.
Aug. lib. de gratia & libero arbi. c. 9.

quàm suis extollantur operibus . quæ suscipere diuinæ gratiæ præsidij destitutus nemo potest . quæ quò potètiора sunt & firmiora , cò liberius uoluntas , Dei uocibus obtemperat . Quibus accedit præclara illa atque peruulgata magni Dionysij sententia , Dei sci licet prouidentiam ita res omnes gerere & gubernare , ut illorum se naturis & conditionibus blandissime accomodet , neque naturæ uim ullam inferat . Quare nisi liberas uoluntates ita moueat , ad iustitiãque alliciat , ut libertatem nulla ex parte minuat , nõ sanè nobilissimam naturam perficere , sed labefactare , atque deicere uidetur . Ex quibus manifestum sit , atque testatum , efficientem causam applicationis animi ad gratiã , hoc est , internis Dei uocibus auscultandi , uel ingratè aspernandi , esse tùm gratiam ipsã , tùm liberum arbitrium . Quæ duo nisi simul concurrant , fieri certè non poterit , ut humana mens se toto impetu ad iustitiam adiungat . Nam etsi quædã sint , quæ Deus in nobis nullo nostro consensu accedente efficiat , ut ad se nos uocare , uoluntatem nostram ad iustitiæ amorem excitare , huic tamen gratiæ non repugnare , atque obsistere , sed ad illam se applicare , & admouere , atque diuino beneficio ad se delatam nõ repudiare , neq; nostrũ liberum arbitriũ diuini auxiliij expers potest , neque diuinã uirtus in nobis facere , libero arbitrio non consentiente , solet . Vnde liquet , ex gratia & libero arbitrio unicam causam conuari nostræ ad iustitiam applicationis . quare à Theologis nostris appositissime hæc Dei gratia cooperans appellatur , quia unà cum libero arbitrio operatur , ut diuinam gratiam non respuat , sed complectatur .

strā uitiorū turpitudine ita oppressā, ut diuinæ gratiæ opibus destituta, ne aspirare quidē ad iustitiæ ornamēta possit, cœlestibus præsidij magis ac magis roborari, aduentanteq; diuina gratia, perditas uires recuperare, atque persequi iam illa omnia posse, quæ ne optare quidem, paulò ante per seipsum poterat. Denim Paulo auctore, nemo est, qui usurpare Iesu sanctissimi nomē sine Spiritus sancti beneficio queat. Quod ipsum D. Augustinus apertè docet cū liberum arbitrium equo comparat in tractato, & indomito, gratiam uerò equiti, qui iumentum domat, & condocce facit. Quare sicut uniuersum iter eques fecisse eò solum dicitur, quia equum moderatus est, effecitque, ut iter equus conficeret; itineris tamen labor utrique communis est, ita iustitiæ uniuersum iter gratia, & liberum arbitrium unā conficiunt, cum tamen gratia liberum arbitrium ferocitate exultans domet, illudque dirigat, ut Dei uoces audiat, & sese ad illius monita sponte applicet. Quorsum spectant illa Christi uerba, ut Irenæus auctor est, Quoties uolui congregare filios tuos, quemadmodum gallina congregat pullos suos sub alas suas, & noluisti. Nam si nostra cōuersio à sola Dei gratia pendēret, & nihil esset in nostra libertate positum, fieri certè non posset, ut diuina uoluntas humano arbitrio impediretur unquā. uoluntas inquam illa, quam de hominum salute miris, & mansuetus Dominus semper habet. Nam quæ animaduertere in eos statuit, qui illius fuerint gratiam aspersionati, impediri certè nullo ingenio aut industria poterit. Quod efficit, ut diuina uoluntas inuicta

*Aug. lib.
3. Hypo-
gnoſticō.*

*Matth.
23.*

*Aug. lib.
de sp. ritu
et litera
c. 33.
Iesaiæ. c.
1.*

Gen. c. 4.

perpetuò maneat, quanquàm illius legem sceleratè uiolamus, gratiam repudiemus; studia nefariè contemnamus: ut scitè admodum docet D. August. Innumera sunt, Kemnici, sacrarum literarum testimonia, quæ in nostra potestate nostram salutem positam esse docent. Ut uerò cætera taceam, Dei illa uerba apud Iesaiam paulò accuratius considera, Si uolueritis, & audieritis me, bona terræ comeditis. Quod si nolueritis, & me ad iracundiam prouocaueritis, gladius deuorabit uos, quia os Domini locutum est. Si accedente diuina gratia, sine qua neque cogitare quidquàm boni possumus, ita libertas nostra ligatur, ac constringitur, ut nec diuinæ uocationi possimus non parere, nec gratiam ullo modo repudiare, quid hac Iesaiæ oratione esse potest fucatus? quid magis simulatum ac fallax? Si in ijs, quæ ad animæ salutem spectant, nihil prorsus agimus, nihilque nostrum est, quid hac potest esse comminatione ineptius? Quocirca Deus Optim. Maxim. Cainò ægerrimè ferenti diuini amoris erga fratrem significationem, apertè indicauit sibi met potius quàm innocenti fratri irasci, & succensere debuisse, quippe quia penès suam esset uoluntatem, aut diuinis beneficijs augeri, aut ultionem miserè experiri. Non ne (inquit) si bene egeris, recipies, sin malè ecce ad fores peccatum (hoc est supplicium peccatis debitum) aderit? sed sub te est, uel potius (ut Hebræa uerba sonant) penès te est, & à te pender, appetitus eius, & tu dominaberis in illum, ut neque admitti ullum scelus, nisi tua sponse,

te, neque animo conceptum uitari, sine tua uoluntate possit. Prætermitto regium uatem Dauidem crebro asserentem, omnia religionis ac pietatis officia à se suscepta, uoluntaria fuisse, & quàm maximè spontanea, Voluntaria (inquit) oris mei bene placita fac Domine, & haud multo post, Inclinaui cor meum ad faciendas iustificationes tuas, propter retributionem. Qui uerò nihil planè operatur in sua conuersione, non quidem seipsum inclinasse ad parendum diuinæ uoluntati, sed impulsus potius dicendus est. Quocirca Concilium Arausicanum contra Pelagij delirationes coactum, ita diuinam gratiam effert, ut liberi arbitrij functionem non tollat, sed omnia bona, quæ agimus, Deum inquit, in nobis atque nobiscum, ut operemur, operari. neque consensum nostrum superfluum, minimeque necessarium ducit, quanuis gratiam arbitretur necessariam, quæ uoluntatem moueat & confirmet, quò Deo uocanti consentiat. Vnde Cœlestius Pontifex summus, gratiam inquit, præstare, ut bene utamur libero arbitrio. cum quibus conuenit & hoc sacrosanctum Tridentinum Concilium cum ijs uerbis libertatis nostræ rationem explicat. Siquis dixerit liberum hominis arbitrium à Deo motum & excitatum, nihil cooperari assentiendo Deo excitanti, atque uocanti, quo ad obtinendam iustificationis gratiam se disponat, & præparet, neque posse dissentire si uelit, sed uelut inanime quoddam, nihil omnino agere mereque passiuè se habere, Anathema sit. Quæ cum Ioannis uerbis mirabiliter conuenire arbitror, qui gratiam ac iustitiam, Christi meritis nobis compa-

Ps. 118.

Conciliū
2. Arausicanum.
c. 9.

Cælestin.
Papa Epist. 1. ad
Episcopos Gal-
liæ contra erro-
res Pelagij.
Tri. Cœc.
sub Paulo 3.
Sess. 6. c. 4.

ratam

bus, ut de coelo aduentantem gratiam complectantur, ne negligentia evanescat. Quàm mirificè uerò, in hominum iustificatione hæc duo gratia scilicet, & liberum arbitrium conueniant, dilucidè admodum explicat auctor librorum de Vocatione gentium, quos falsò Ambrosio ascribi, apertè indicat disputatio contra Pelagium de industria suscepta, quem Ambrosii ætatem non uidisse, auctor est D. Augustinus contra Iulianum agens. Esse uerò Prosperi Aquitani, & orationis stylus, & antiquissima Vaticani exemplaria testantur. Cum enim de gratiæ opitulatione & necessitate contra Pelagianos agit, inquit. Quòd à multis refutatur (gratiam intellige) ipsorum est nequitia; quòd autem à multis suscipitur, & gratiæ est diuinæ, & uoluntatis humanæ. Siue igitur initia, siue profectus fidelium, siue usque in finem perseverantium cogitemus genus, nulla species cuiusquam uirtutis occurreret, quæ uel sine dono diuinæ gratiæ, uel sine consensu nostræ uoluntatis habeatur. ipsa enim gratia hoc omni genere medendi, atque auxiliandi agit, ut in eo quem uocat, optimam sibi receptricem & famulam donorum suorum præpareret uoluntatem. Et paucis interiectis, addit, Cum timor Domini per quandam uim magni terroris immittitur, non ibi ratio extinguitur, nec intellectus aufertur, sed illa potius, quæ mentem premebat, caligo discutitur, ut uoluntas deprauata prius, atque captiua, recta efficiatur, & libera. Vnde sicut animus nihil uirtutis capit, nisi radium ueri acceperit luminis; ita gratia nihil ei, quem uocat, confert, nisi oculos in eo aperuerit uoluntatis.

Ha-

*Aug. contra Iulianum lib. 2.
Prosp. de uocatione gentium lib. 2. c. 9*

dem sodalitijs monachos, qui tua hac ignoratione occupati erant, scriptum; quibus luculenter probat, fidei catholicæ illos aduersari, qui uel inficiantur liberum arbitrium ad malum & bonum plurimum ualere, uel illi tantum tribuunt, ut sine Dei gratia aliquam uim habere arbitrentur, quo uel à peccatorum foeditate resipiscat, uel in uirtutum studijs progressus aliquos faciat. Quod persuadet præclara illa Solomonis sententia, Dirige semitas pedibus tuis, & omnes uiae tuæ stabiliuntur, ne declines ad dextram nec ad sinistram. Auerte pedem tuum à malo. uias enim, quæ à dextris sunt, nouit Dominus, peruersæ uerò sunt, quæ à sinistris sunt, ipse autem rectos faciet cursus tuos, itinera autem tua in pace producet. Si namque in nostra libertate nulla salutis nostræ particula posita esset, nunquam profectò nos Solomon, ut iustitiæ præclaras uias ingrederemur, tantopere adhortaretur. Diuinorum uerò auxiliorum necessitatem apertè demonstrat, cum illorum certissima spe torpentes animos permulcet, & allicit. Probat uerò Augustinus multis diuinarum scripturarum testimonijs, uoluntatem gratia iuuari, ne frustrà tam multæ leges illi à Deo imponantur; quippe quia sine gratia torpet, qua tamen, si fuerit exornata, præclare omnia præstare poterit. Quæ uberius ac fusius alibi disputat, cuius hæc uerba paulò accuratius expédè. Cum ista cōmemoramus (gratiæ uires intellige) quibus nos Deus ad se trahit, non quidem arbitrium uoluntatis tollimus, sed Dei gratiam prædicamus. Cui enim prosunt ista, nisi uolenti? sed humiliter uolenti, non se de uoluntatis uiribus; tanquàm ad perfectionem iustitiæ

Prouer.

c. 4.

Aug. lib.
de gratia
& libe.
arb. c. 4.

Aug. lib.
de natura
et gratia c. 33.

O o sola

*Aug. in
priorē e-
pist. Ioan-
nis. c. 4.*

Psal. 16.

sola sufficientibus. extollentibus. explicans uerò uerba illa Ioannis, & omnis qui habet hanc spem sanctificat, siue, ut Aug. legit, castificat se ipsum, sicut & ipse sanctus est, ait. Videte quemadmodum non abstulit liberum arbitrium, ut diceret castificat se ipsum. Quis nos castificat, nisi Deus? sed Deus te nolentem non castificat, ergo quòd adiungis uoluntatem tuam Deo, castificas te ipsum; castificas te, nò de te, sed de illo, qui uenit ut habitet in te. tamen quia agis aliquid uoluntate, ideo & tibi aliquid tributum est, ut dicas sicut in Psal. Adiutor meus esto, ne derelinquas me. si Deus adiutor meus est, aliquid certè agis: nam si nihil agis, quò ille adiuuat? Hæc Augustinus. sed quid moror in Augustini de libero arbitrio testimonijs recēsendis? qui contra Pelagianos ita gratiæ usū ac uires passim demonstrat, ut arbitrij necessariae operas spernari atq; respuere nunquā audeat. Ita nostram iustificationē diuinæ gratiæ maximè tribuit, ut uoluntatis consensum, ducat etiam necessarium, ita liberi arbitrii infirmitatem amplificat, ut, illo non cōcurrente, iustificationem compleri nullo modo posse arbitretur. Quare ubi alterum horum desit, nil sanè præclarum effici, aut ab integræ ætatis homine, aut in homine potest. Quod sanè si ad naturæ functiones animum aduertamus, perspicuum magis fiet, & manifestum. Nam etsi rebus omnibus Deus Opt. Max. eas uires facultatesq; suppeditauerit, quibus secundum naturam agere, muneribusque suis fungi commodè possint: ignem enim ui sua calefacere; solem cuncta candentibus radijs illustrare, cœlum ea celeritate contorqueri cernimus, cui par esse

se nulla possit: fruges denique, & reliqua quæ terra parit, occulta quadam naturæ ui ac penitus insita, maturata pubescere, intuemur; tamen diuina uirtus rerum omnium functionibus ita assidet, ut nisi cum rebus ipsis unà ageret, & continenter illis agendi facultatem subministraret, nulla certè ratione munera sua exequi, nec efficere quidquàm possent. Vnde quidam Theologi, & ij quidem magni atque nobiles, ducti sunt, ut existimarent, nihil res ipsas agere, sed Deum per se ipsum illa omnia præstare, quæ sensibus percipiuntur. neq; enim ignem, sed Deum astante igne exurere arbitrabantur; non aquam refrigerare, non solem illustrare, sed Deum ipsum præsentem sole. Quæ opinio tam longè est ab intelligentia sensuq; disiuncta, ut satis quidem per se ipsa quasi labatur & concidat. Diuina enim uirtus idèò maximè cum natura coniungitur, & ueluti quadam necessitate atq; indissolubili uinculo constringitur, ut illam foueat, tueatur, & operandi potentiam ac facultatem suppeditet, atque à diuina uirtute non secus pendeat, ac ab splendète sole lux. Cùm uerò naturæ opera & actiones cunctas à Deo pendere dicimus, non quidem naturæ uires frangere, sed firmare; non actiones impedire, sed expedire illum existimamus. Nam si abesset, ne aggredi quidquam aut conari ipsa quidem natura posset. Si te igitur, Kemnici, rogem, cùm ligneam materiam conflagrare cernis, quæ sit conflagrationis illius efficiens causa, nisi naturam simul cum religione euertere cupis, ignem dicas necesse est, unà cum Deo naturæ auctore & patrono, qui igni exurendi uirtutem suppeditat,

*Gabr. 4.
sentent.
dis. 1. q. 1.*

tat, & ad operandum cum illo conspirat. cum igitur liberi nostri arbitrij motio atque ad iustitiam applicatio non magis à Dei gratia pendeat, quàm à diuina uirtute stipitis ista exustio, quid est, quòd liberum arbitrium efficientis causæ nomine & dignitate spoliatus pendet quidem iustificatio ipsa, atque uoluntatis ad iustitiam admotio à Dei gratia, fateor, sed cum diuina gratia iacentem libertatem erigat & confirmet, uiresque illi addat, quibus oblata iustitiæ ornamenta complecti possit, non secus quidem sui ad gratiam applicationis causa efficiens dicenda est, ac ea, quæ natura constant, earum omnium operationum, ad quæ naturæ impulsione feruntur. Quare præclare quidem Colonienſes affirmant, liberum arbitrium plurimum momenti habere in rebus ad salutem pertinentibus, non quidem gratia destitutū, ut Pelagius arbitrabatur, sed diuina gratia abundè exornatum. Eò uerò procacitatis Kernicius peruēnit, ut hanc de gratiæ uis Colonienſium sententiam *Pelagij artificium* dicere audeat, quem inquit, *gratiam commendare solitum fuisse, ut inuidiā declinaret, et maiori cum sanore falleret.* At qui Pelagij artes tam probè callet, & in ijs tam est gnauiter exercitatus, ignorare certè non debuisset, Pelagium nunquam usque adeò gratiam prædicasse, ut necessariam esse, atque sine illa nihil à nobis boni aut fieri, aut optari posse arbitraretur. Quod si fecisset, nunquàm profectò tantum in se odij, in Ecclesia uerò diffidij concitasset, neque diuinæ gratiæ tam immanis hostis haberetur: nam etsi perutilem Dei gratiam confiteretur, inesse tamen in ipsa natura uires, cum ad uniuersa præclara facta suscipienda

pienda, tum ad gratiam promerendam discitabat; ita enim posse, à uelle, atque ab esse, separabat, ut posse, soli Deo ascriberet, quippe qui cum naturam condidit, suæ creaturæ contulerit, posse omnia bona exequi, ipsamque possibilitatem (ut Pelagij utar uerbis) gratiæ suæ adiuuet semper auxilio. uelle autem, atque esse, hoc est, re ipsa quæ uult præstare, ad hominem ipsum referenda esse censebat, quia de arbitrij fonte illa descendere iudicabat. Quod D. Aug. ita interpretatur, nec uoluntatem nostram, nec actionem diuino credit adiuuari auxilio, sed solam possibilitatem uoluntatis, atque operis, quam solum in ijs tribus nos habere affirmat ex Deo; tantumquam hoc sit infirmum, quod ipse Deus posuit in natura. Cetera uerò duo, quæ nostra esse uoluit, ita sunt firma & fortia, & sibi sufficientia, ut nullo indigeant auxilio. Et ideo non adiuuet ut uelimus, non adiuuet ut agamus, sed tantummodò adiuuet ut uelle & agere ualeamus. Hoc est Kemnici, de gratiæ necessitate Pelagii iudicium. Colonienſes uerò cum Paulo affirmant, nobis non esse integrum cogitare aliquid à nobis quasi ex nobis, sed omnem sufficientiam nostram ex Deo esse, diuinoq; auxilio peropus esse, non modò, ut possimus, sed ut uelimus, atque agamus. est enim Deus qui operatur in nobis uelle & perficere. Si enim gratiæ suæ splendorem comprimat, atque fulgentissimos radios occultet, teterima nocte inuoluamur necesse est, & ad bonum neque niti quidem aut aspirare ulla ratione poterimus: opem uerò infirmitati nostræ diuina gratia adferente, languentem nostram libertatem, incredibili

*Refert
Aug. lib.
de gratia
Christi.*

*Aug. de
gratia
Christi.*

*2. ad Co-
rint. c. 3.*

*Philip.
c. 2.*

dibili firmitate roborat, ut cooperatores Dei esse ualeamus. Quam Coloniensium uerè Euangelicam sententiam, cum à Pelágiano illo artificio non minus abesse, quàm tuas calumnias à ueritate abhorrere, satis constet, nihil est sanè, quòd in illis coercendis diligentiores simus. Cum præsertim ea, quæ à nobis hæcenus dicta sunt, ad illas omnes machinas, quibus Coloniensium doctrinam quaterere, ac euertere, Pelagianismi què condemnare conaris, demoliendas satis sufficiant. Illi enim, ut demonstraui-
mus, nihil prorsus libero hominis arbitrio deferunt, in rebus, quæ ad animæ salutē spectāt, nisi gratiæ opibus, diuinisq; muneribus fuerit exornatum. gratiæ uerò nomine, nō illa sēper intelligenda est, qua iustificamur, et quæ ipsa iustitia est, sed peculiare quoddam Dei munus atq; auxiliū, quo mens ad iustitiam incitatur, quæ etiam gratia dicitur, quia gratis datur. Quare nō est, Kēnici, quòd eradantur sententiæ illæ ex scriptura, ut per summā audaciā calūniaris. Ipse operatur in nobis uelle & perficere. Nō sumus sufficētes cogitare, aliquid à nobis, quasi ex nobis. Auferā à uobis cor lapideum, & dabo cor carneum. Gētes ambulāt in uanitate sensus sui, tenebris habentes obscuratum intellectum, alienum à uia Dei, per ignorantiam, quæ est in illis, propter cœcitatē cordis ipsorum. Et si quæ sunt aliæ eiusmodi, sed, ut diuina oracula, uenerandæ sunt, & suspiciendæ. solū enim nos admonent infirmitatis nostræ, dum diuina gratia, destituti sumus. incredibilis uerò firmitatis, cum illa copiosè & abundè exornamur: atq; quidquid in nobis est boni, Deo debere referri acceptum, à quo omne datum

datum optimum, & omne donum perfectum descendit. Te autem, quæso Kemnici, memineris omnes, qui arbitrij libertatem, cum gratiæ tanta necessitate, cohærere non posse putant, eò se magis ad Pelagianorum causam adiungere, quò ab illa discedere longius cupiunt; quorum erat axioma (ut auctor est D. Hieronymus) liberum illud arbitrium nõ esse, quod alterius ope indiget. Quare si ab illorum impietate tantum animo, quantum oratione significas, abhorres, arbitrii certè libertatè cū excellentissima Christi gratia mirabiliter cohærere dicas necesse est, adeò, ut cum Colonienfibus hac saltem in re consentias.

II. REPREHENDIT rursum Kemnicus Colonienfès, quòd eisdè sacrarum literarum testimoniis, eisdèq; argumentis, quibus olim Pelagius, arbitrii libertatem firmandam susceperint. Hæc enim sunt, quinti Axiomatis ipsius uerba, *Ne quid à patre suo Pelagio degenerarent, planè eisdem utuntur testimonijs, eisdemq; argumentis, ad probandam arbitrij libertatem, quibus olim usus est Pelagius. dicunt enim. Si eligere iubemur Deu. 30. est ergo uoluntas in nobis libera. Et paulò inferius, Cur cõcionibus, cohortationibus, disputationibus, & id genus alijs medijs mutanda uita consulitur, si in eorum facultate posita non est?* quæ omnia Pelagiana esse probat Kemnicus, ex iis Pelagii uerbis apud Augustinum, Non iuberet Deus, quod sciret ab homine non posse perfici. Quæ si Pelagianam impietatem, Kemnici continent, & Augustinum ipsum, quem huius causæ potissimum patronum sceleratè adoptasti, pari scelere inuoluas necesse est, à quo hæc omnia argumenta Colonienfès hauseruñt. Nam Valentino & eius sodalitaris fratribus, hoc potissimum argumento persuadet,

sb. 300.
In epist.
ad Ctesiphontem.

1. Kemnici Axiom.

Lib. de gratia, & libe. arb. c. 16.
August. epist. 46.

runt. audi quo argumēto Aug. agat contra Cœlesti-
um. qui dicit (inquit) fiat cor meum immaculatum,
& itinera mea dirige secundum uerbum tuum, & ne
dominetur mihi omnis iniquitas, & fiat uoluntas
tua sicut in cœlo, & in terra, & ne nos inferas in ten-
tationem, & cœtera huiusmodi, quæ commemorare
longum est; utique orat, ut præcepta Dei faciat, quæ
ut fierent nec iuberentur, si nihil ibi nostra uoluntas
ageret, nec oraretur, si sola sufficeret. Sed funesto tu
odio in sanctissimam Iesu societatem cœcus atque a-
mens, splendidissimam lucem cernere, nullo modo
potuisti. Neque est quod nobis testimoniorum Au-
gustini legis cōseruationem in diuinis beneficijs
numeratis tanquàm immensum aggerem opponas.
Nam diuina hæc esse beneficia, libenter confitemur,
diuiniq̃ue numinis dona in omnibus bonis operi-
bus agnoscimus, sed tamen eiusmodi illa esse, quæ li-
bertatem augeant, atque efficiant, ut ea præstare, &
uelimus, & ualeamus, certò & constanter affirma-
mus, confitemurq̃; cum Augustino, nos mandata ser-
uare posse, si uolumus, sed quia præparatur uoluntas
à Domino, ab illoq̃ue petendum est, ut tantum ueli-
mus, quantum sufficit, ut uolēdo faciamus. Certum
est enim, nos liberè uelle cū uolumus, sed is facit, ut
uelimus bonum, de quo dictum est, à Domino, gres-
sus hominis dirigentur, & uiam eius uolet. Neque
dubitamus ab eodem Augustino docti, liberè nos fa-
cere cum faciamus, sed tamen existimamus, illum fa-
cere, ut faciamus, præbendo uires efficacissimas uo-
luntati, qui dixit, Faciam ut in iustificationibus meis
ambuletis, & iudicia mea obseruetis & faciatis. Hæc

*Aug.
lib. de
perfect.
luliuia.*

*Aug. de
gratia &
lib. arb.
c. 16.*

*de gratia
& libe.
arb.*

uerò quis non uideat ita gratiam exaggerare, ut libertatem etiam mirabiliter amplificent?

NE uerò procacitate aut impudentia cuiquam cōcesſiſſe Kemnicius uideretur, Colonienſes Patres criminis falſi reos facit, quippe qui ijs Auguſtini ſententijs ſuam confirment, quas ipſummet improbaſſe tandē, & acriter reprehendiſſe, certò ſciebant, ſunt aut illæ, uerba Auguſtini lib. de ſpiritu & litera, quæ ſuperius recitauimus, cōſentire ſcilicet uocatio ni Dei, uel ab illa diſſentire, propriæ uoluntatis eſſe. Apponam autem Kemnicij uerba, ut ipſius tam in confirmando ſua, quàm in refellendo aliena, ſicophantiæ, teſtata omnibus relinquantur. Hoc certè (inquit) manifeſtum eſt, & ipſis Ieſuitis non ignotum, Auguſtinū illas ſententias, quas ipſi allegant, diſertè & expreſſè retraſſaſſe de prædeſt. Sanc. lib. 1. c. 2. Dicit enim, ſe erraſſe quòd putariſ, gratiam Dei in eo tantū conſiſtere, quòd Euangelium nobis prædicatur: ut autem prædicato Euangelio conſentiremus, noſtrum proprium, & ex nobis eſſe. & addit, quem errorem quadam opuscula noſtra continent. Qui uerò Auguſtini uerba accuratè perpenderit, ſic ri certè non poterit quin uideat, quàm longè Kemnicius à ſcopo aberret. prætermitto, Auguſtinū ipſum teſtari, opuscula ea, quæ errorem illum continent, ante ſuum Episcopatum fuiſſe conſcripta, quod tamen Kemnicius ueteratoriè ſubticuit, ne latètes doli, atque fallaciæ, quibus miſeros decipere ſolet, detegerentur. Neque enim potuit ignorare, librum de ſpiritu & litera ab Auguſtino ad præclaram Episcopī dignitatem iam euecto fuiſſe compoſitum. Quam uerò ſententiam reprehendat Auguſtinus, non obſcurè ſanè conſtare poterit, ſi locum à Kemnicio

nicio citatum de prædestinatione sanctorum, cum
 23. c. prioris lib. retractationum conferamus, ubi
 eadē de re copiosè se egisse affirmat. Eo igitur in lo-
 co narrat, se cū Carthagine uersaretur adhuc pres-
 byter, legereturque à fratribus, qui cum illo erant
 diligenter, Pauli Epistola ad Romanos, ab illisque
 rogaretur, ut quæ difficiliora uiderentur, quo ad e-
 ius fieri posset, explicaret, illorum tandem precibus
 uictum fuisse, ut literis mandaret, quæ uerbo antea
 docuerat. quem librum, inquit, incipere, Sensus hi
 sunt in Epistola Pauli ad Romanos, qui nunc, Expo-
 sitio quarundam propositionum in Epistola Pauli
 ad Romanos, inscribitur. Erat igitur sermo de lo-
 co illo Pauli institutus, Cum nondum nati fuissent,
 neque aliquid egissent boni aut mali, ut secundum
 electionem propositum Dei maneret, non ex operi-
 bus, sed ex uocante dictum est, quia maior seruiet
 minori; sicut scriptum est, Iacob dilexi, Esau odio
 habui. Quæ oratione in eas difficultates Augustini
 sodales dilabebantur, ut arbitrij libertatem illam
 euertere iudicarent. Quibus Augustinus respondit,
 præscientia Dei factum esse, ut unum odio alterum
 amore prosequeretur, quæ nouit etiam de nondum
 natis, qualis quisque futurus sit. Quod tamen respo-
 sum magis quidem difficultatem augere, quàm ex-
 tenuare uidebatur. Nam præsertim innuere, in eo,
 qui nōdum extabat, bona illa opera elegisse Deum,
 quæ futura esse præcognoscebat, contra Pauli senten-
 tiam, qui electionem nullo modo operibus esse ascri-
 bendam constanter affirmat. Quare multis Augusti-
 nus probat, non prælegisse in nobis Deum præcla-

Rom. c. 9

Aug.
 lib. expo-
 sitionum
 quarun-
 dā prop.
 in Epist.
 Pauli. ad
 Rom. c.
 9. Tom.
 4.

quod

ra opera, quippe quæ sine charitatē suscipi nullo modo possunt, quam Spiritus sancti donum esse scriptura ipsa frequenter testatur; sed ut ex tanta se difficultate expedire posset, affirmat, Deum solam fidem præelegisse, ut scilicet quem sibi crediturum esse præcognouit, elegerit, cui Spiritum sanctum donaret, ut bene operando uitam æternam consequeretur, unde concludit, Quod ergo credimus, nostrum est, quod autem bonum operamur, illius est, qui credentibus in se dat Spiritum sanctum.

*Aug. lib.
de præde-
stinat. san-
ctis. 1. c.
2.*

Quam sententiam postquam Augustinus ipse diligentius expendit, acriter reprehendendam esse existimauit, lib. eo de prædestinatione sanctorum, quæ Kemnicius produxit; quippe quæ nobis fidem ita ascribebat, ut nullum in ea Dei donum agnosceret; nam cum præcognitionem fidei, diuinæ electioni causam quodammodo dedisse arbitraretur, omnis uerò Dei gratia, electionis sit quasi effectus, diuinæ certè gratiæ in fide locum nullum reliquum faciebat. Quem suum errorem his uerbis explicat, Errabam, putans fidem qua in Deum credimus, non esse donum Dei, sed à nobis esse in nobis, & per illam nos impetrare Dei dona, quibus temperanter & iuste, & piè uiuimus in hoc sæculo. Neque enim fidem putabam Dei gratia præueniri, ut per illam nobis daretur, quod posceremus utiliter, nisi quia credere non possemus nisi præcederet præconium ueritatis: ut autem prædicato nobis Euangelio consentiremus, nostrum esse proprium, & nobis ex nobis esse arbitrabar. Hæc uerò quàm absint longè ab ijs, quæ Augustinus tradit lib. de spiritu & litera, quem

quē Kemnīcius reprehēdit, satis perspiciet, qui animaduēterit, illum sapius ibi docere, non modo credere, sed in animū id inducere; Dei donum esse; neque sine praeuenientis gratiae auxilijs fieri. Cum enim in quāstionem uocet, an fides, qua in Deum credimus, in nostrā potestate posita sit, concludit, in nostrā quidem potestate illam esse, quia non nisi uolentes credimus; sed sine diuino beneficio haberi nullo modo posse: quae tamen si te parum mouent, quia fortasse ab ijs uerbis, quae inimice infestaris, aliquot interiectis capitibus distant, relege, quāso, easdem ipsas Aug. sententias, quas in Coloniensium scriptis reprehendis; & facile reperies, sensum eundem his uerbis Augustinum explicasse. Et ipsum uelle credere, Deus operatur in homine, & in omnibus misericordia eius praeueniet nos. Quae quantum ab eo errore abhorreant, in quo aliquando is uersatus fuit, & in se ipso acerbē reprehendit, nisi furore cæcus es, uidere facile poteris. Neque uerò ea solum ratione Deum operari in nobis, Colonienses existimauerunt, quia uerbo nos suo suadet & monet, ut Kemnīcius fictē, & fallaciter, dicit, sed potius, quia singulari quadā & eximia gratia mentē mouet, ut sese ad Dei uoces accommodet, oblataq; iustitiae ornāmēta libenter accipiat. Quod haec Coloniensium uerba satis apertē indicāt. Gratia haec, quae ad operādū necessaria est, & uelle facit, non est quaecunq; inspiratio seu cogitatio sancta, seu boni propositi suggestio, sed efficax Dei operatio. Ad Augustini tamen sententiam, quam Kemnīcius procacissimē lacerat, explicandam reuertamur.

Nequīs

Aug. de
spiritu et
litera c.

20:31.

2:19:25. 1

2:19:25. 1

2:2

2:19:25
2:19:25

*Aug. lib.
1. de præ
dest. sanc.
6.3.*

*Cassian.
colle. 3.*

Ne quis uerò existimaret, hæc Dei præclarissima dona, quæ tantopere commendauerat, arbitrij libertatem extinguere, atque opprimere, admonuit, nihil diuinæ uocationis beneficium prodesse non consentientibus; consentire uerò, cum sine arbitrij libertate esse nullo modo possit, propriæ uoluntatis munus appellauit. Cum ijs uerò quàm mirificè cōsentiant, quæ is ipse docet lib. de prædestinatione sanctorum, planè intelliges, si eundem ita seipsum explicantem rēq; edisserētē audieris. Et quod paulò pōst dixi, Notum est credere & uelle, illius autem dare credentibus, & uolentibus facultatem bene operandi per Spiritum sanctum, perquem gratia diffunditur in cordibus nostris; uerum est quidem, sed ea regula quod utrumque ipsius est, quia præparat uoluntatē, & utrumque nostrum, quia non fit nisi uolentibus nobis. Quæ satis ostendunt, hanc Colonienſium causam tam esse cum Aug. causā coniunctam, ut illorum hostis esse nullo modo possit, qui Augustino quoq; bellū non indixerit. Sed quid miror sanctissimam Iesu societatem ab illo acriter & inimicè exagitari, qui nec singulari quadam uitæ innocentia commotus, nec admirāda morum grauitate retardatus, nec insigni Paphuntij sanctimonia cum ueneranda canitie coniuncta deterritus fuit, quo minùs Pelagij prolem, atque posteritatem illum appellaret, cō quod bonorum initia in hominis uoluntate esse collocata, apud Cassianum dixit? Quod Kemnicius de uoluntate, diuinæ gratiæ opibus destituta interpretatur. Qui uerò totam illam sanctissimi uiri Paphuntij de gratia & libero arbitrio egregiam disputationem accuratè

curatè legerit, nō minus à Pelagianismo cum, quàm
 à Christiana sinceritate Kemnicism abesse intelli-
 get. Neque enim parem ullā orationem diuinæ gra-
 tiæ amplificandæ, reperire egregius uir potest, frequē-
 ter uerò repetit, omnia quæ ad uirtutum perfectionē
 spectant, Deum in nobis incipere & perficere. Ut ue-
 rò ceteras sanctissimi uiri sententias taceam, iudica
 quæso Kemnici, an hæc illius uerba cum Pelagiana
 impietate aliqua ratione consentiant. Non quidem
 (inquit) liberum arbitrium, sed dominus soluit com-
 peditos; non nostra uirtus, sed Dominus erigit eli-
 sos; non lectionis industria, sed Dominus illuminat
 cæcos; non nostra cautio, sed Dominus custodit ad-
 uenas; non nostra fortitudo, sed Dominus eleuat, si-
 ue suffulcit omnes, qui corruūt. Hæc autem dicimus
 non, ut studium nostrum & laborem atque industriā
 quasi inaniter & superfluè impendenda uacuemus,
 sed ut nouerimus, nos sine auxilio Dei nec admitte-
 re illa posse, nec efficaces esse nostros conatus, ad ca-
 peffendum tam immane præmium puritatis, nisi no-
 bis adiutorio Domini, & misericordia fuerit contri-
 butum. Et paulò inferius, Quam sit igitur ineptum
 ac sacrilegum, quidquam de bonis actibus nostræ in-
 dustriæ, & non Dei gratiæ, uel adiutorio deputare,
 manifestè probatur, Dominica protestante sententiā,
 sine sua opitulatione, uel inspiratione, spiritales fru-
 ctus exhibere neminem posse. Omne enim datum
 optimum, & omne donum perfectum defursum est,
 descendes à patre luminum. Zacharias quoque,
 Quia si quid boni, ipsius est, & si quid optimum, ab
 ipso. Et idè cōstanter Beatus Apostolus, Quid enim
 habes

.100. 11.

.211

.82. 11

Iaco. c. 1.

I. ad Co
rint. c. 4.

Ad cor.
6.4.

Ief. 6. 28.

habes, quod non accepisti? quod si accepisti, quid gloriaris quasi non acceperis? Ex quibus satis intelligi potest, Paphuntium non quidem de libero arbitrio diuinis ornamentis nudo, ac uacuo, sed illis mirabiliter aucto atque exaggerato uerba apud Cassianum fecisse, cum ipsi ad iustitiam comparandam aliquid momenti tribuit. Sed cum Kemnecius in eorum numero sit, quos in mendacio spes suas collocasse Iesaias ait, nihil mirum si omnia peruertere & calumniari conetur.

DIEGHI PAYVA

ANDRADII LVSI TANI,
ORTHODOXARVM EXPLICA-
TIONVM LIBER QVINTVS.

De Lege.



PRAECLARE quidem Plutarchus existimauit, uix posse quempiam uirtuosos, & corruptos mores corrigere, prauisq; animi sui affectibus mederi, qui non sese in spectati alicuius uiri potestatem & disciplinā traderet, cuius imperata faceret, monitis & consilijs pareret, praescriptisq; ab illo legibus religiosè obediret. quippe quia amor & odiū, unde uitia omnia oriuntur, & cum quibus indissolubili sunt uinculo colligata, ita animum occupant, ut ueritatem intueri nullo modo sinant. Vnde etiam est, ut oporteat eum, qui ex æquo & bono magis, quàm ex libidine omnia iudicare uelit, hisce animi affectionibus, atque perturbationibus maximè liberum esse. Cùm enim animum inducere nemo unquā possit, ut ea amet, quæ intellectus anticipata cognitione non comprobauerit, odiouè prosequatur, quæ præconcepta opinione non execranda ualde, & derestabilia iudicauerit; qui fieri potest, ut qui præiudicatis hisce opinionibus cæcus fuerit, sententiam rectè & legitimè ferat? Cùm igitur Ké

regulauit

Qq nicias

ORTHODOX. EXPLIC.

nicius infinito quodā & immani odio in sanctissimā Iesu societate æstuet, mirū uideri minimē debet, si illius dicta omnia nefaria, sacrilega, & impiā iudicet, præpostereq; interpretetur; atque nodum(uraiunt) in cirpo quærat, nec constare sibi ullo modo possit. Tanta enim calumniandi libidine tenetur, ut quasi mente permotus, hac illac oberret, nec antecedentia satis meminerit, nec cōsequentia consideret, eadem sentiens obgamniat, nihil probet, plurima mētiatur, ad cō ut furere magis, quā dicere, sæpe uideatur. sed do, Kemnici ueniam, acerbō dolori; Cū enim uideas, tuas tuorumq; machinationes ad ueram & integram fidem non Germaniæ modō, sed totius Christianæ Reipub. euertendam comparatas, societatis Iesu opera, & industria labefactari, præstigias patefieri, quos multo cum labore ab Ecclesia auulseratis, uobis uerō ac satanæ, in expiabili scelere deuinxeratis, horum in primis diligentia, in ueræ fidei lucem libertatemq; filiorum Dei uendicari, non potes non præ dolore, insanire, atque omnes copias ad horum hominum auctoritatem euertendam comparare. quā integra, saluos uos esse nō posse ducitis, sed exitium uestris esse fraudibus allaturam præuidetis. atq; ita superbissimo uos tandem, & importunissimo dominatu pulsos iri arbitramini. Quare cū rationibus illam imminuere non te posse confidas, crebris saltē calumniarum repetitionibus, animum istum tuum exasperatum, & mœrore confectum, explere studes. Quod satis indicant priora ista tua axiomata; quæ ea solum continent, quæ à te quā sæpissimē inculcata, à nobis uero, abundē, dum de peccatis ageremus profligat

profligata sunt. Sed quia in 3. Axiomate potissimum causæ præsidium collocasse uideris, illiusq; inculcandi finem nunquam facis, paucis illum cuoluam, quã uis, aliqua ex parte fuerit à nobis superius explicatum. cuius hæc sunt uerba.

DOCENT Iesuitæ, esse alia multa, quæ uoce legis quidem non arguuntur, & tamen sunt multò grauiora, & damnableiora peccata quàm illa, quæ legi Dei repugnant, scilicet quæ committuntur contra traditiones humanas, contra receptos abusus, & inueteratos errores.

Quod inquit scriptum esse fol. 309. censuræ Colonienf.

*Q*uo in loco, de communione sub utraque specie Colonienfes Patres agunt, illorumque hominum sententiã (uerius furorem) refellunt, & coarguunt; qui hanc suscipiendæ sacrosanctæ Eucharistiæ rationem necessariam esse dicunt, multisque ac magnis rationibus ostendunt, quàm sit Ecclesiæ præceptis sanctè, & religiosè obtemperandum; unde concludunt, illos esse ueluti Ethnicos & publicanos habendos, qui Ecclesiæ præscriptione, ab utraque specie sumenda, non retardantur. Quæ Ecclesiæ æquissima lex, quàm nefariè à te inueteratus error, abususque dicatur, cum de illa agemus, abundè, & copiosè, Deo dante, demonstrabimus. Reliqua uerò Ecclesiastica præcepta, quæ per contemptum humana uocas, non aliter obseruanda esse, quàm diuina; magisq; diuina iussa, quàm humana, esse existimanda, satis Christus docuit, cum se ab ijs contemni testatus est, qui sacerdotes Ecclesiæ suæ præpositos despiciunt; audiri uerò ab illis, qui eorum monitis præceptisque auscultant Qui uos (inquit) audit, me audit, & qui uos spernit me spernit. Nam cum in lo-

Ecclesia in ferendis legis diuina auctoritas.

LUC. c. 10

cum suum illos substituerit, ac maxime Petro Romanisque Pont. uniuersalis Ecclesiae suae curam commiserit, qui illorum iussa petulanter contemnit, illum sanè despectui potissimum habet, cuius personam sustinet, ac uicem in uniuerso terrarum orbe gerunt. Cum enim humanarum rerum status, inconstans maxime sit, & permutabilis, plurimisque, ac maximis uicissitudinibus expositus, illas certè leges tantummodò Christum ferre per se ipsum oportuit, quæ perpetuæ essent, & uariari nullo unquam casu, aut ratione possent. Ut potè, decem illa præcepta, quæ Decalogi appellamus, & quæ ad sacramentorum uim rationemque pertinent, ac denique cæ omnia, quæ in Euangeliorum uolumine continentur. Quæ cum in ijs rebus, quæ mutationem subire nequaquam possunt, uersentur, firma certè ac perpetua, esse oportet. quis enim ita esse stupidus ac tardus queat, qui, diuinæ humanæque dilectionis necessitatem inuerti, atque immutari aliquando posse arbitretur? Quis fraudulenta furta & latrocinia, adulteria, stupra, incestus, homicidia, odia, inimicitias, atque denique, cuncta quæ diuina lege prohibentur, licere unquam putabit? Quis Christiana fide & religione imbutus, existimare poterit, sacrum lauacrum, sacrosanctam Eucharistiam, & reliqua noui testamenti sacramenta, inania esse, aut alijs quàm ijs partibus, quæ à Christo instituta sunt, constare aliquando posse? Quæ igitur tam sunt fixa & stabilia, ut cælo etiam ac terra corridente, nec mutari ulla ex parte, nec antiquari possint, solū Christum habere auctorem & legislatores potuerunt.

Inter

Inter quæ, unum illud fuit, ut Ecclesiæ suæ prælatos, non secus ac se ipsum audirent, illisque omnibus in rebus obtemperarent, quippe quibus potestatem dedit, ut de ijs rebus, quæ tempore mutari possent, pro temporum, morum, gentium, necessitatumq; uarietate, nunc has, nunc illas leges conderent, quibus & Christianam Rempub. prudenter administrarent, & homines in officio religionæque continerēt. Quæ leges, si illorum à quibus sanciantur, personam spectemus, humanas quidem esse, non inficiamur; si uerò auctoritatem, diuinæ sanè, ac Christi sunt; cuius personam Ecclesiæ præpositi referunt, & à quo Ro. Pon. integram, perfectam, atque plenā potestatem regendi uniuersam Ecclesiam accepit. quare qui illas conuellit & conculcat, non minùs sanè Christo iniuriam infert, cuius auctoritate institutæ sunt, quàm si leges ab illo latas contemneret, & posthaberet. quod satis indicarunt Apostoli Hierosolymis congregati, ut exortam de legis Mosaicæ necessitate controuersiam sedarent. Nam cum intelligerent, Christianæ Reipub. paci admodum expedire, aliqua ex parte Iudæis morem gerere, ne si Mosaicam legem inanem prorsus, & mortiferam iudicassent, Christianum nomen illis fieret inuidiosum omnino & detestabile, lege iusserunt, ut ijs, quæ idolis immolata fuerant, sanguine, & suffocato, iuxta Iudaicæ gentis instituta, cuncti abstinerent. quod non sibi modò, sed Spiritui sancto etiam, uisum fuisse, planè & confidentissimè asseuerarunt. Quod si Christi præcepta euoluas, hæc nō solum instituta ab illo nō fuisse, sed cum cæteris omnibus ueteris legis ritibus abrogata

abrogata esse, & antiquata, ex D. Paulo discēs. Ac cum Christi Ecclesia, & diuinam auctoritatem habeat, ferendi leges temporum necessitati accommodatas, & Spiritus sancti consilio fruatur, patrocínio defendatur, ope præfulciatur, diuinisque ornamentis illustretur, meritò sanè ipsius præcepta, Spiritus sancti oracula habentur, cuius auctoritate atque consilio fiunt. Quare non minoris criminis reus est, qui Ecclesiasticas leges uiolauerit, quàm si Christi ore editæ illæ fuissent, ac promulgatæ. Euenire autem sæpe potest, ut maiori scelere inuoluatur, qui illas, quàm qui diuinas leges perfregerit, si præsertim prælatorum despiciētia, legumq; quas sacrosanctas habere oportet, petulanti contemptione feratur. quo fit, ut D. Paulus editas à se leges, Domini mandata appellet. Agatho uerò Pont. summus, omnes apostolicæ sedis sanctiones, non aliter accipiendas esse dicat, quàm si diuini Petri uoce firmatæ essent: Quod apostolicus uir Ignatius aperte significauit, cum Christi interfectores illos appellauit, qui die Dominico aut Sabato: unico Sabato Pasche excepto, contra Apostolicum decretum ieiunassent. Quod in Iudæorum gratiam factum fuisse, quos hisce quasi lenociniis, ad ueram pietatem & religionem inducere, atque in officio continere Apostoli studebant, quidam non ineptè, meo quidem iudicio, arbitrātur. Quamquàm D. Clemens Petri successor & assiduus auditor Sabatum, inquit, & Dominicum diem non esse ieiunandum, quoniam illud naturæ conditæ est monumentum, hic resurrectionis. Quam legem postquam Ecclesia antiquari passa est, die tamen Dominico

tanta

*Prima
ad Corin
thios c.
14.*

*Ignatius
ad philip
pensēs.*

*Canon.
Apost.
65.*

*Const.
Apostoli
carum
lib. 7.
c. 24.*

tanta seueritate ieiunio interdixit, ut satis diuinam eius in ferendis legibus potestatem, declararet. Ita enim habet Concilium Carthaginense, Qui die Dominico studiosè ieiunat, non credatur Catholicus. Et Gangrènsis syn. anathemate percellit eos, qui dominicis diebus, religionis ergò ieiunassent. Quorum decretorum rationem innuere D. Epiphanius uidetur, nam in uniuersalis Ecclesiæ moribus illud numerans, ait, non decere die dominico ieiunare, quippè quia sancta catholica Ecclesia, omnes dominicas ueluti in delitijs habet, ac proinde & Synaxes eo die mane peragere solet. hoc est, ut mihi quidè uidetur, à ratione ualde alienum esse, cum diem in lacrimis & mœrore (quem cum ieiunio coninnctum esse oportet) consumere, quo Christus Iesus, omniū Dominus ac liberator, uitam sibi nobisq; restituit. mortem enim nostram moriendo destruxit, & uitam resurgendo reparauit. At Melchias Papa, decreti huius rationem longè diuersā reddit. Ieiunium (inquit) dominicæ diei & quintæ feriæ, nemo debet celebrare, ut inter ieiunium Christianorum & Gentilium, & ueraciter credentium, & infidelium, & hæreticorum, uera & non falsa discretio habeatur. Cū uerò Lucinius quidam D. Hieronymum per literas interrogaret, An esset Christiano homini integrum, sabbato ieiunare, Hieronymus autem perenne, perpetuumq; ieiunium ualde commendaret, addit, Nec hoc dico, quòd dominicis diebus ieiunandum putem, & contextas sexaginta diebus ferias auferā, sed unaquæque provincia abundet in suo sensu, & præcepta maiorum, leges Apostolicas arbitretur.

*Conciliū
Cartha-
gin. 4. c. 64.*

*Conciliū
Gangrè.
can. 18.
Epipha-
nius cōt.
hæres.
lib. 3. de
Copen.*

*doctr. fe-
dei Catho-
lica.*

*Melchias
Papa
Epiſt. ad
Epiſcop.
Hiſp.*

*Hierony.
Lucino.*

Quæ

Ignat.
Epist. ad
Trall.

Polycar-
pus in
Epist. ad
Philipp.

Cét. 2. c.
4. tit. de
humanis
traditio-
nibus.

Quæ qui inania ac leuia ducit, quantum scelus im-
pietatemque sustineat, apertè quidem docuit D.
Ignatius. Nam cum asserit, Apostolicarum legum
uiolatores eos esse, qui Episcopos nõ sicut Christum
colunt & obseruant, ita Episcopum definit; Quid est
Episcopus, nisi omnem principatum, & potestatem
omnium illorum tenens, quemadmodum deceat ho-
minem tenere imitatore[m] Dei factum, secundum uir-
tutem? Vnde concludit, Qui igitur istis inobediens
fuerit, hic sine Deo omnino erit, & impius, & con-
temnens Christum, & ordinationem ipsius mino-
rans. Cuius sanctissimi uiri epistolas, etsi tantopere
commendet Polycarpus Ioannis Euangelistæ disci-
pulus, & inter egregios felices illius sæculi uiros mar-
tyr clarissimus, ut illarum lætionem animum puri-
tate, uirtutumque omnium ornamentis augere faci-
le posse asserat; centuriarum tamen auctores, qui ni-
hil magis quàm uniuersam sanctorum Patrum aucto-
ritatem labefactare, doctrinamque conspurcare mo-
liuntur, non pudet affirmare, Ignatij temporibus
Euangelicam disciplinam obscurari, iam cœpisse.
quare inter tēporis illius n̄uos ennumerant, quòd
ignatius Ecclesiasticis legibus plurimum tribuat.
Quod satis magno argumento est, illos non tam an-
tiquam Ecclesiæ fidem instaurare, disciplinamque
reuocare, quàm antiquitatis simulatione euertere,
arque demoliri uoluisse. Si enim Apostolorum dis-
cipulis fidem non habent, si disciplinam, quam ab
Apostolis se accepisse sanctissimi uiri affirmant, su-
perstitionibus obscuratā, & obtenebratam ducunt, si
fidei propagatoribus, Ecclesiæque amplificatoribus
superstiti-

superstitibus, si ijs, per quos euangelica disciplina incorrupta ad nos dimanauit præsentibus, egregios illorum ac præcipuos discipulos, puram & integram fidem conseruare non potuisse arbitrantur, quæ maior infania, aut impudentior audacia excogitari potest, quàm confictum à Luthero (si Deo placet) euangelium, excogitatamque ab impurissimis hominibus disciplinam, ut ueram & incorruptam obtrudere, sanctissimorumque hominum scriptis omni auctoritate anteferre? At (inquit) omnia sacrarum literarum trutina examinanda esse, illiusque exquirenda iudicio, à quo, si uel transuersum unguem alia disceserint, ut falsa atque notha esse abijcienda, Sed quid, quæso, cum Christi uerbis dicentis. Super cathedram Moſis ſederunt ſcribæ & Phariſæi, omnia quæcunque dixerint uobis, ſeruate & facite, ſecundum autem opera illorum nolite facere; dicunt enim & non faciunt. conſentire magis poteſt, quàm Ignatij hæc Coloniienſiūque ſententia? Si nō ea ſolū obſeruanda eſſe decernit Chriſtus, quæ Moſes præceperat, ſed illa etiam, quæ ij imperaſſent, qui in Moſis locum ſuccederent; qui Chriſti locum tenēt, minori eſſe obediētia, atque obſeruantia proſequendos exiſtimabimus? quorum ampliſſimum dignitatis gradum D. Petrus ut ſignificaret, Ananiam dixit atque Saphiram, repentinam, & inſperatam necem ſatis fuiſſe promeritos, quippe quia non hominibus, ſed Deo imponere, atque Spiritui ſancto mentiri cogitaſſent. Cum enim auctoritas, qua Antiſtites Chriſti Eccleſiæ præſunt, non humana ſit, ſed cœleſtis, & planè diuina; Spiritui ſancto iniuriam

Matth. c.
23.

Act. 5.

R r riam

*Ad Hebr.
13.*

*Chrysoft.
in Epist.
ad Hebr.
Hom. 34.*

*Cōcilium
Gāgr. cā.
19.*

*c. si quis
eorum.
30. dist.*

riam inferre is sanè uidetur, qui illorum imperia de
trectare, præceptaque contemnere audet. Quare D.
Paulus Hebræos hortatur, ut obediant præpositis
suis, & illis sponte subiiciantur. Ipsi enim (inquit)
peruigilant quasi rationē pro animabus uestris red-
dituri, ut cum gaudio hoc faciant, & non gemen-
tes; hoc enim non expedit uobis. Quæ uerba cūm
D. Chrysostomus interpretatur, eleganti & ornata
oratione exaggerat, quanto in periculo illa Respb.
uerfetur, quæ Principe ac gubernatore caret: mul-
tò tamen in maius & penè extremum discrimen illā
uocari putat, quæ Principis & moderatoris præcepta
petulāter despicit atq; contemnit. Illa uerò Pau. uer-
ba, Hoc non expedit uobis (præpositorum gemitus
intellige) summam Dei uindictam, extremamque in
eos ultionem, qui in superiores contumaces sunt,
continere, longa & eleganti oratione idem Chryso-
stomus demonstrat. Quòd si Conciliorum auctori-
tas, quæ apud pios omnes grauissima semper ac sa-
crofancta fuit, apud te quidquam ponderis habet,
non poteris certè, Kemnici, Ecclesiasticas leges non
susplicere & uenerari, quas perpetuò sacra Concilia
mirificè cōmendarunt. Illud enim, quod Gangris
Paphlagoniæ urbe coactū fuit, anno à Christo nato,
324. anathematis fulmine eos percussit, qui Eccle-
siæ de ieiunio præcepta contempsissent, quæ *πλείους
λογισμούς* hoc est, perfectas sententias appellauit.
Cuius decreti uerba, quæ tam apud Gratianū, quàm
ī priori uoluntine Cōciliorū à Græcis ualde dissidēt,
ita habent, Si quis eorū, qui religionis exercitio stu-
dēt, absq; necessitate corporis insolefcat, in cōmuniq;
tradita

tradita, & ab Eccl. obseruata ieiunia dissoluat, impro-
 bās apud semetipsū, & arrogans præcipuā perfectāq;
 sententiam, Anathema esto. Neque dissimilis lex de
 Ecclesiasticarum legum uiolatoribus, extat in Con-
 cilio apud Lauriacum celebrato, Si quis, inquit, diui-
 næ legis, præuaricator uel pro manifestis criminibus
 sanctorum canonum contemptor repertus fuerit, ac
 sanctorum patrum constitutionibus contradictor, et
 si monitionibus Episcopalibus obtemperare distu-
 lerit, anathematizetur. Cōcilium uerò Carthaginen-
 se sub Syluestro primo coactum, Clericos Ecclesiasti-
 corum canonum cōtemptores, honore, Laycos uerò
 cōmunionē priuādos decernit. In alio item Cōcilio
 Carthaginensi, lege cautū fuit, ne ad Episcopale pre-
 sbiterij ue dignitatem quis eueheretur, cui nō prius
 Conciliorum decreta diligenter fuissent explicata,
 ne quid contra illorum scita, per ignorantiam com-
 mittere potuisset. Quod Cœlestinus Pont. imitatus
 fuisse uidetur, qui nefas esse putauit, sacerdotem Ec-
 clesiasticos canones aut ignorare, aut uiolare. Sed
 quid Concilia commemoro, cū Imperatores ipsi,
 qui totius terrarum Orbis ditionem affectasse sem-
 per uisi sunt, ad Ecclesiæ se pedes summissē abiece-
 rit, legibusq; iusserint, ut illius decretis, tanquā di-
 uinis quibusdam oraculis, omnes sanctē religioseq;
 optemperarent, quibus diuina potius quā huma-
 na auctoritate, se etiam teneri confitebantur. Quod
 quidem satis apud omnes testatum reliquit Iustinia-
 ni Imperator, qui Ecclesiasticarum legum auctorita-
 tem grauissimis atque amplissimis uerbis commen-
 dat, Sancimus, inquit, ut sancti Ecclesiastici canones,

*Burcar-
 dus Dece-
 torū lib.
 15. c. 7.*

*Concil. 3.
 Carth. cā.
 3.*

*Cælesti-
 nus Pri-
 mus Epif.
 3. ad Epi-
 scopos A-
 pulie &
 Calabriae.*

*Iustinia-
 nus No-
 nella. 131*

Rr 2 qui

qui à sanctis quatuor Concilijs hoc est Niceno trecentorum decem & octo, Constantinopolitano centum quinquaginta sanctorum Patrum, Ephesino primo, quo Nestorius condemnatus est, & Calcedonensi, in quo Euthiches cum Nestorio anathemate percussus est, expositi & confirmati sunt, uicem legum obtineant. prædictorum enim sacrorum Conciliorum decreta perinde ut sacras scripturas suscipimus, & canones ut leges custodimus. Quam Iustiniani Nouellam cum inducit Photius Patriarcha Constantino politanus, quatuor hisce sacris Concilijs tria alia, Constantinopolitanum scilicet secundum, ac tertium, & Nicenum secundum annectit. Eorum uero cum secundum Constantinopolitanum Iustiniano adhuc imperante, duo uero posteriora, multò post ipsius tempora celebrata fuerint, rectè mihi sanè sensisse uidetur Theodorus Balsamon, ab illo fuisse Imperatore adiecta, qui leges expurgauit, atque recognouit, inq; unum Basilicorum uolumen coegit, siue Constantinus, Porphyro geneta is, ut Balsamoni placeat, siue alius quispiam fuerit. Cum uero non editis modò, sed confirmatos etiam à sanctis illis Concilijs canones Iustinianus ueneratur, omnes quidem Ecclesiasticas leges sacrosanctas habet. Calcedonensis enim synodus omnes à sanctis Patribus, in quauis synodo conditas uiuendi regulas confirmat, sexta uero synodus, quæ tertia est Constantinopolitana, leges, non à synodis tantum, sed à sanctis etiam Patribus latas comprobatur. Hanc uero Ecclesie amplissimam diuinamq; auctoritatè, Illustrissimi Imperatores non legibus modò, sed factis etiam mirifice declararunt.

ut

*Photius
Nomoca
non. tir.
1. c. 2.*

*Theodo -
rus Balsa
mon.*

*Concilii
Calcedo.
can. 1.*

*Sexta sy
nodus
can. 2.*

ut uerò cæteros pijsſimos Eccleſiæq; iuſſis obtempe-
rantiffimos Cæſares taceam, Philippus, qui inter Ro-
manos Imperatores primus fuit, qui Chriſti ſe mili-
tiæ ſacramento addixit, ut Eccleſiæ monimenta tra-
dunt, cùm ſe Chriſtianorum cætui in Paſchatis per-
uigiliò coniungere, precumq; particeps fieri pero-
pſſet, non prius ab Epifcopo admiſſus eſt, quàm ſe
pœnitentium numero aggregaſſet, ut ſclerum, qui
bus erat infamis, pœnitentiam de more Eccleſiaſtico
faceret. Quibus iuſſis, non aliter religioſiſſimus Impe-
rator obtemperauit, quàm ſi diuina eſſe certò ſciret,
eximiæ cuiuſdam pietatis aduerſus Deum eſſe in-
telligens, maioribus humiliter obtemperare, neque
de eorum præceptis ulla ratione diſceptare. Quod
D. Hieronymus non minus egregia eruditione, quàm
admirabili ſanctitate illuſtris, his uerbis docuit, Præ-
poſitum monaſterij timeas ut dominum, diligas ut
patrem, credas tibi ſalutare quidquid ille præcepe-
rit, nec de maiorum ſententia iudices, cuius offi-
cij eſt obedire, & implere quæ iuſſa ſunt, dicente Mo-
ſe, Audi Iſrael & tace. Quam Eccleſiæ auctoritatem
qui labefactare ſtudet, obſeruantiamq; erga illam
ab hominum animis conueniire conatur, nihil certè
aliud, quàm Chriſtianæ Reip. interitum ruinamq; æ-
machinatur. Quod D. Ioannes Chryſoſtomus aperte
demonſtrat ducis exemplo, cui qui necem intentat,
iaciem quidem ipſam proſtigare, exercitumq; uniuer-
ſum interimere molitur. Cùm tamen Eccleſiæ aucto-
ritas, diuinis præſidijs præfulciatur, non dubita-
mus, Kemnici, tuos tuorumq; omnium conatus irri-
tos fore ac prorsus uanos. Cuius etiam maietas, &
ampli-

*Enſeb.
Cæſ. Hi-
ſtoria. Ec-
cl. lib. 6.
c. 34.
Nice-
phorus
lib. 5. c.
25.*

*Hierony-
mus ad
Ruſſicum*

*- ednota
Chryſoſt.
in Epifl.
ad Hebr.
hom. 34.*

amplitudo ita est cum diuini nominis gloria & honore colligata, ut, qui iustas illius leges contemnendas docent, qui grauissimis cōtumelijs illas lacerāt, conuitijsq; prosequuntur, non in homines quidem, sed in ipsum Spiritū sanctum iniuriosi sint, atque maxima sanctissimum numen, quod illam tuetur, ac fouet, ignominia afficiant.

IN 4. & 7. Axiomate, uehementissimè reprehendit Kemnicius Colonienſes; quòd doceant, legem charitatis seruari à nobis abundè ac perfectè in hac uita nostris operibus posse, si quantum in nobis est præstiterimus: quod non aliunde oriri arbitratur, quam quòd existiment, illa, *quæ lex concionatur de perfecta integritate ex toto corde, tota mente, tota anima, & omnibus uiribus, ita ut nulla sit mala concupiscentia, ad eos, qui in hac mortali uita uersamur, non pertinere, nec nos in terra obligare, sed illos tantum, qui sunt in altera uita.* Cui calumniæ antequàm respondeam, lectorem uelim admonitum, Colonienſes Patres quotics asserunt diuinam legem seruari à nobis posse, non nostris uiribus id, sed diuinæ gratiæ opibus ascribere, quibus qui abundant, præclara omnia præstare facillè posse ducunt. Quod satis declarant cum Monhemij illa uerba exagitant, *Nobis incumbit necessitate, ut legem perficiamus, nō tamen id possumus, sed solus id potuit Christus.* Hæc (inquiunt Colonienſes) uerba duplicem sensum admittunt, alterum catholicum, ut pote hominem sine diuinæ gratiæ auxilio legem implere nūquàm posse; quod utique nullus negabit: immo non hoc solum fatentur ueri Christiani, sed illud quoq; nihil posse quenquam operari, quod bonum sit, quod ue rationem habeat ueræ uirtutis, nisi non generale

Monhemij dialo
go. 3.

nerale tantummodò Deiauxilium præstò sit, sed peculiari gratia roboretur omnino, & adiuuetur. Quæ Coloniensium uerba, qui diligenter perpenderit, satis profectò intelliget, quàm ueteratoriè Kénicius doctissimorù uirorum mentē peruertat, dum eos ait arbitrari, renatos in hac uita suis operibus legi satisfacere posse. at uerò cùm calumnijs extruēdis præcipuam operam nauet, nihilque magis quàm Pelagianismi illos insimulare optet, minimè sanè mirandum est, si quod ueritate efficere nullo modo sperat, confictis uerbis præstare omni ratione conetur: atque adeò si quæcunque Colonienses Patres libero arbitrio diuinis præsidijs confirmato tribuunt, de naturæ uiribus Kemnicius interpretetur. à qua sententia tantopere Colonienses absunt, ut catholicæ fidei illos aduersari asserant, qui ueræ uirtutis quidquam peculiaribus diuinæ gratiæ auxilijs destitutis ascribunt. Quocirca, macte animi Kemnici, fingendi tuam istam licentiam (mihi crede) audacissimè prosequere, nihilque sit, quod te à tam egregio facinore deterreat: sic fama paratur. Neque enim ullus esse tam timidus ac ignauus potest, qui non ea fingere audeat, quæ ueritatis aliquam speciem præ se ferant. at quæ ne umbram quidē ueritatis habeant, audacissimos solùm, & maximè strenuos, hoc est, tui similes, decent. Sed ne nobis ista tua tanta importunitas plus negotij faceffat, ne ue crebra rei eiusdē repetitione lectori satietatem, ac fastidium afferamus, te iterum atque iterum admoneo, humanam nos uoluntatem diuinæ gratiæ præsidijs munitam & confirmatā ponere, quoties de diuina lege obseruāda

da uerba facimus, quorum expertes nihil præclarum efficere posse, Colonienſium ueſtigia perſequentes, copioſè demonſtrauimus. Quæ ſententia tam eſt illis familiaris, & ab iſtis toties inculcata, ut id nō potueris tādē nō ijs uerbis per ſūmā imprudētiā cōfiteri. Hieronymus Pelagianis ita reſpondet, Sunt impoſſibilia natura, ſed poſſibilia gratia. & gratiam intelligit de auxilio & renouatione Spiritus ſancti. Aug. inquit, gratia ſanat uoluntatem, ut uoluntas ſanata impleat legem, & hoc illud ipſum eſt, quod Teſuitæ contendunt. Si hanc eſſe illorum ſententiam intelligebas, quid eſt quod tam frequenter priorum operum iactationem illis exprobandam putaſti? Quid illos Pelagianismi tam audacter inſimulaſti? Sed agedum uideamus, quam camlumniam egregius hic mendaciorum architector inuenerit, ut clariffimæ ueritati, quā inuitus nunc demū cōſpexit, tenebras obducatur. Sed nō debebāt (inquit) ignorare oculatiſſimi iſti Patrū leſtores, quid poſtea ſecutum ſit. Cæleſtius enim Pelagij diſcipulus illud Hieronymi & Aug. axioma arripuit, & cepit docere, hominem in hac uita licet non poſſit naturalibus liberi arbitrij uiribus, poſſe tamen inſtructū gratia, hoc eſt, dono renouationis, legem perfectæ obedientia ſuis operibus implere, ita ut ſine peccato eſſe poſſit in hac uita, quia qui legem perfectè impleuit, in nullo reus eſt in lege, & quando lex nihil poteſt accuſare in homine, tunc eſt ſine peccato, ibi Aug. coælus ſuit ſcriptura & teſtimonia de hac quæſtione penitus conſiderare, & hac occaſione ſcripſit librum de perfectione iuſtitie. Ex quibus concludit callidiſſimus hic ſententiarum omnium æſtimator, Colonienſes à Pelagij diſcipulis haud eſſe diſſimiles, quantum uis gratiæ neceſſitatem efferant & commendent. Quæ oratio ita me commouit, ut Germaniæ uicem, ac potiffimum Braunzuicentium, quorum

rum Kemnizium doctorem esse ac in religione institutorem audio, non possim non uehementer dolere. Quid enim in angulis eū facere existimabimus, quem in frequentissimis quasi theatris, & totius Orbis conspectu, tam impudenter mentiri non pudet? Quid ille apud suos non audebit? quid nō tentabit? quid non finget? quæ impia commenta non persuadere ijs conabitur, qui se in illius disciplinā tradiderunt, qui palam in clara omnium luce cuncta tentat inuertere, & uniuersitati generis humani imponere se posse sperat? Vos ego uiros Germanos, qui Ecclesiæ Christi gloria & ornamentum nō ita pridem fuistis, qui pulsæ atque fugatæ fidei quasi asylum non semel priscis temporibus extitistis, uos inquam, per uiscera misericordiæ Dei nostri oro, per ueram fidē obsecro, & obtestor, ut uestris hisce præceptoribus, uerius, perditissimis deceptoribus, ueritatis uerò acerbissimis hostibus diffidere aliquando incipiatis. Neque enim dubito, quin illorum fides suspecta uobis esse incipiat, neque damnatis eorum perditisque opinionibus adhærescatis, ac fluxam, inanem, fucatam, fallacem, & quàm maximè fraudulentā eorum fidem esse, tandem aliquando intelligatis. Quis enim ita insaniet, ut ueram & integram fidem iudicet, quā mendaciorum præsidij potissimum munitam intuetur? Quis ueritati ita erit iniurius, ut præstigiæ & fallaciæ patrociniis egere arbitretur? Qui uerò istorum hominum lucubrationes accurata circumspectione legerit, atque sententiarum præcipua fundamenta ad suos fontes reuocauerit, neque fidem illis temerè adiunxerit, non dubito quin illorum in fabricandis

bricandis mendacijs audaciam, ne dicam impudentiam, ferre nullo modo possit. A quibus tūc demum sibi temperabunt, cū contra ueritatem insanire desierint. Quod Braunzuicenses in Ecclesiæ suæ ministro Kemnicio facillè cernent, si quæ hic Cœlestij, & Augustini nomine dicit, cum libro de perfectione iustitiæ, quem testē citat, contulerint. Quid enim, quæso, petulantius esse potest, quàm asserere, illam esse Cœlestij sententiam, quam in eo potissimum Augustinus requirit, is uerò semper impugnauit, maximè? Quid procacius, quàm utriusq; sententiam ita inuertere, ut affirmet, eo crimine fuisse Cœlestium maximè liberum, quo eum potissimum condemnat Augustinus? id uerò solum, in ipso, damnare Augustinum, quod si reprehendit, impietatis tamē damnare nullo modo audet? Cum enim Cœlestius tam fuerit Pelagij affectator temerarius & pertinax, ut Pelagiani Cœlestiani etiam dicti fuerint, persuadere sibi nunquàm potuit, gratiam esse ad peccatorum omnium uitationem necessariam, sed solius naturæ uiribus, uirtutū omnium officia ascribebat. Quod aperte docent, tūc Cœlestij argumenta, ab Augustino, libro de perfectione iustitiæ inducta, tum eiusdem Augustini responsiones, quibus cōtorta & aculeata Cœlestij sophismata refellit, & coarguit. Multus enim est Augustinus, in repetēdo, uitari quidem à nobis peccata posse, si natura uitiata sanetur gratia Dei per lesū Christum dominum nostrum, atque naturam tandiu inualidam esse, & imbecillam, quandiu id quod faciendum est, aut cœcitate non uidet, aut infirmitate non implet. Quod uerò Cœlestius semper existimauerit,

*Aug. lib.
de hares.
heret. 88*

existimauerit, legis perfectionem, solis naturæ uiribus comparari à nobis posse, satis quidem ex ratione ipsius constat, qua concludit, liberum arbitrium rem bonam dici nō posse, si magis ad malum, quàm ad bonū pronum sit atq; procliue. Quod sanè eos dicere, inquit, necesse est, qui hoīem per illud in malum posse, in bonum uerò non posse arbitrantur. Quod ratiocinationē 12. magis explicat, cū ita argumentatur. Quærendum est, quomodo non potest homo sine peccato esse, uoluntate an natura? si natura, peccatum nō est, si uoluntate, facile potest uoluntas, uoluntate mutari. Quam arrogātiſsimam insaniam cū ferre nullo modo posset Aug. ita respōdet. respōdemus admonentes, esse cogitandum, quanta sit ista præsumptio, qua dicitur, non solum posse, quod quidem adiuuante gratia Dei negandum non est, sed etiam facile posse uolūtatem, uoluntate mutari, cū dicat Apōstolus, Caro concupiscit aduersus spiritum, & spiritus aduersus carnem. Quare concludit, non alia de causa Cœlestium, tanto in errore uersatum fuisse, quàm quod non aduerterit, nostram propriam uoluntatem uitiatam, sine Dei gratia sanari non posse. Et in responsione ad 16. eiusdem Cœlestii argumentationem ait, nō quidem uersari in quæstione, an possit homo omni prorsus culpa uacare, sed quando, atque per quē, hoc est, neque in hac uita, neque naturæ, sed solius diuinæ gratiæ uiribus. & cū interpretatur scripturæ sacræ testimonia, quibus Cœlestius suā sententiam confirmabat, ait. Ecce nos, ut ualūimus, exposuimus, quomodo accipienda essent testimonia, quæ pro sua causa commemorauit; ipse

audiat.

*Lib. de
persec.
Iust. ratiocina-
tio
9. Cœles.*

*Ratioci-
natio. 12*

*Lib. de
Perfe-
ctione Iu-
stia.*

Sf a autem

autem quomodo sit accipiendum quod scriptum est
 Omnis homo mendax. omnino non soluit, nec sol-
 uere potuit, nisi correcto errore, quo credit homi-
 nem sine adiutorio gratiæ Dei, per solam propriam
 uoluntatem posse esse ueracem. Cum uerò multis
 demonstret, fieri non posse, ut quandiu anima cor-
 poris ergastulo inclusa manet, innumerisque est cu-
 piditatibus impedita, sollicitudinibusq; implicata,
 omni peccato careat, atque omnibus illam precatio-
 nem competere, Dimitte nobis debita nostra. eorum
 tandem sententiam, qui longè aliter sentiunt, damna-
 re nullo modo audeat. Impios tamen Christi que im-
 manissimos hostes declarat eos, qui naturæ uiribus,
 & non potius gratiæ Christi, tantam perfectionem as-
 cribunt: quorum Coelestius fuit quasi antesignanus.
 Quod, ut magis pateat, ipsum, quæso, Augustinum
 loquentem audi. Postremò si excepto illo capite nostro
 sui corporis Saluatore, asseruntur, uel fuisse uel esse
 in hac uita aliqui hoïes iusti sine aliquo peccato, siue
 nunquã cõsentiendo desiderijs, eius, siue quia pro
 nullo peccato habendum est, quod tantum est, ut hoc
 pietati non imputet Deus, quanuis aliter sit beatus si-
 ne peccato, aliter autem beatus, cui non imputat Do-
 minus peccatum, non nimis existimo reluctandum.
 scio enim quibusdam esse uisum, quorum de hac re
 sententiam non audeo reprehendere, quanquàm nec
 defendere ualeam. Sed planè quisquis negat, nos o-
 rare debere, ne intremus in tentationem (negat au-
 tem hoc, qui contendit, ad non peccandum, gratiæ Dei
 adiutorium non esse homini necessarium, sed sola le-
 ge accepta, humanam ait sufficere uoluntatem) ab-
 auribus

*Aug. ad
 finem lib.
 de Perse-
 ctione In-
 fusi.*

auribus omnium remouēdū, & ore omnium anathematizandum non dubito. Apertè igitur iam uides, Kemnici, quid Augustinus in Cœlestio quàm maximè improbet, & quàm ob causam anathematizandū censeat: cuius lucubrationes si legisses, nunquàm profectò sententiam tam temerè præcipitasses.

Ad tua uerò Axiomata ut reuertamur, nō inficior, Colonienſes fateri, cū fieri non poſſe, ut Deum perfectè in hac uita cumulateque diligamus, tum legem plenè & perfectè ſeruari à quouis poſſe. quæ etſi contraria, & inter ſe quàm maximè pugnantia tibi uideantur, eſſe tamen ueriffima demonſtrabo. ut uerò à diuina dilectione ordiamur, qui grauiffimam humanæ uitæ plurimis animi corporisque incommodis agitæ conditionem conſiderauerit, qui præcipitis & lubericæ libidinis, ardentis iniurioſæque auaritiæ, indomitæ audaciæ, effrenatæ iracundiæ, cæterarumque omnium cupiditatum, quibus humanus animus continenter impetitur, uim diligenter expenderit, ſatis quidem intelliget, mentem tantis perturbationibus obſeſſam, non ita ſe in diuini numinis dilectionem tradere totam poſſe, ut ab ea diſtrahi ac diuelli nūquam poſſit. tempeſtatum enim, quibus iactamur, uis tanta eſt, ut nullo nos in loco conſiſtere patiat. Qui uerò Deum toto corde, tota mente, atque omni animo diligit, illum ſolum auidè intuetur, nulla perturbatione afficitur, oblectatione uel alia commouetur, diuiniq; illius amoris æſtu ita abſorbetur, ut per omnes animi latebras, & reſſus peruadat, nullusque ſit humanis curis, & cogitationibus locus relictus. Nam cū toto ad-

di nihil

di nihil possit, qui totum diuinæ dilectioni tribuit, nihil certè rebus cæteris reliquum facit. Quod Hebræa illa uerba satis explicarunt: Diliges Deum tuum in toto corde tuo, tota anima לך לבבך כל quæ si totidè uerbis transferamus, Deum in omni nostro nimis, diligendum esse signifi cant, usq; aded, ut non mō omnes animi ac corporis partes ad Deum amandum cōferamus, sed eò uires omnes intendamus, atque in diuino illo amore consumamus, nec aliò mens nostra feratur unquam.

*Aug. de
perf. In-
sit.*

QVARE D. Aug. ait, Deū tota mente diligi non posse, quādiu aliquid est carnalis concupiscentiæ, quæ uel continendo frenetur. Cū enim cupiditatum impetus & incursiones nos conturbent, & in diuersas partes sua ui trahant, fieri non potest, ut mentem in diuina dilectione ita defigamus, ut immobilis maneat, & in ea perpetuò hæreat, nec alia cura sollicitudine uē tangatur. Quibus accedit misera huius uitæ ratio, quæ tantam felicitatem ne ferat, corporis pondere præpeditur. Vnde est, quòd D. Aug. multis & ualidissimis argumentis probat, Deum nō posse à quoquam perfectè & cumulatè amari, hoc est, toto corde, anima, & uiribus, quandiu mortale hoc, immortalitatem, & corruptibile istud, incorruptionem non induerit. Explicans enim locum Pauli.

*Aug. lib.
de perfe-
ctione In-
sit.*

*Philip.
c. 3.*

Quicumque ergo perfecti sumus, hoc sapiamus, (inquit) quotquot perfectè currimus, hoc sapiamus, quod nondum perfecti sumus, ut illic perficiamur, quò perfectè adhuc currimus, ut cum uenerit, quod perfectum est, quod ex parte est, destruatur. Id est, non iam ex parte sit, sed ex toto, quia fidei & spei
iam

iam res ipsa, non quæ credatur, & speretur, sed quæ uideatur, teneaturque succedet. Charitas autem quæ in his tribus maior est, non auferatur, sed augeatur, & impleatur, contemplata quod credebatur, & quod sperabat adepta, in qua plenitudine charitatis, illud præceptum implebitur, Diliges dominum Deum tuum ex toto corde tuo, & ex tota anima tua, & ex tota mente tua. Quam sententiam quam sapientissime, & in libro de spiritu & litera, his uerbis repetit. At si credendum est, quòd ad tantam dilectionem sancti præuenire potuerunt, qua certè maiorem in hac uita esse non posse, Dominus ipse testatus est, ut animam suam pro fide, & pro fratribus ponerent, cum ab hac peregrinatione, in qua per fidem nunc ambulatur, non per speciem, peruentum erit ad speciem, quam nondum uisam speramus, & per patientiam expectamus, proculdubio & ipsa dilectio non solum supra quam hic habemus, sed longè supra quam petimus, & intelligimus erit, nec ideo tamen plus esse poterit, quam ex toto corde, ex tota anima, & ex tota mente, neque enim restat in nobis, quod addi possit ad totum, quia si restabit aliquid, illud non erit totum. Nam cum amor & odium, ex boni ac mali cognitione, potissimum oriuntur, necesse est sanè, ut quò bonum perfectius cognitum perspectumque habetur, eò maiores sui amores excitet, cum igitur Dei illa cognitio, quæ per fidem est, cum ea quando reuelata facie gloriam Domini beati speculantur, conferri nullo modo possit, necesse quidem est, ut quanta ad cognitionem, tanta ad amorem fiat accessio. Neque tamen maior dilectio

*Aug. de
spiritu et
litera c.
36.
Ioan. c.
15.*

lectio esse in beatis potest, ut Aug. ait, quàm ex toto corde, ex tota mente, & omnibus uiribus. Quo fit etiam, ut Aug. cùm perfectam iustitiam, integram sanitatem, & cumulatam charitatem, sese mutuò necessariò consequi, indissolubiliq̃ue uinculo constringi & colligari sæpe doceat, solos eos, qui diuino cōspectu fruuntur, perfectè sanos ac iustos esse, censeat. Tunc (inquit) erit plena iustitia, quando plena sanitas, tunc plena sanitas, quando plena charitas; plenitudo enim legis, charitas; tunc autem plena charitas, quando uidebimus eum sicuti est; neque enim erit quod addatur ad dilectionem, cùm fides peruenerit ad uisionem. Et paulò inferius, Christi uerba apud Lucam, Nemo bonus, nisi solus Deus. dupliciter posse aptè interpretari existimat, uno modo, si cum Deo summo & infinito bono procreata omnia conferantur: altero, si ipsi filij Dei sibi ipsis comparentur semper eterna iam felicitate donatis. Tantum enim à seipsis differunt, ut quandiu in terris degunt, mali dici meritiò possint. Infinitum esset numerando percensere singula loca, quibus Augustinus tradit, omnes charitatis numeros, in hac uita expleri, nequaquàm posse. Quæ sententia non tam illius propria est, quàm omnium sanctorum Patrum communis, in quam eò libentius descendit Kemnicius, quia diuinæ legi, cum qua ipse immane bellū gerit, plurimùm detrahi arbitratur. Cum enim Colonienses coarguit, & accusat, quòd multis ac magnis rationibus demonstrarent, seruari diuinam legem plenè in hac uita ab illis posse, qui diuinæ gratiæ præsidij roborantur, duobus id potissimùm argumentis efficit: alterum
sumitur

*Lib. de
Perf. lu
stia.*

Luc. c. 3.

fumitur ab iis, quæ de charitatis præcepto, quod in diuina lege potissimum est, à nobis hætenus dicta sunt: alterum ex uitæ huius misera, & infirma conditione, in qua peccata uitari à nemine posse D. Aug. multis contra Cœlestij insaniam demonstrat. Cum uerò peccare sit, diuinæ legis lineas transilire, consequi sanè uidetur, perfectè ab illis legem seruari non posse, qui peccatis carere non satis queunt. Quod si ad D. Aug. de præcepto charitatis sententiam Kemnicius penetrasset, nunquàm professò Colonienses reprehendendos suscepisset, aut certè illum, uesaniæ suæ patronum nunquàm adoptasset. Neque enim tam fuit in æquissimum legislatorem Deum contumeliosus, ut ea diceret dilectionis lege, homines obstrictos teneri, quam seruare nemo unquàm corpore irretitus posset, sed ea solum Deū præcepisse arbitratur, quæ præstare diuinis uiribus adiuti, secundum uitæ huius conditionem possemus, indicasse uerò quid optare, quò aspirare, & quid consequi tandem deberemus. Vocat enim in quæstionem, cur homini tanta fuerit imperata perfectio, quantam in hac uita nemo consequatur, & ijs uerbis respondet, Non certè curritur, si quo currendum est, nesciatur: quomodo autem cureretur, si nullis præceptis ostendèretur? Sic ergo curramus, ut comprehendamus; omnes enim, qui rectè currunt, comprehendunt. Vnde liquet, diuini amoris modos, nempe toto corde, tota anima, ac omni mente, secundum status cuiusque rationem, fore intelligendos, atque ita, qui corporis sumus incommo-
dis implicati, tum toto corde, ac uiribus omnibus

*Aug. lib.
de perf.
Inst.*

T t Deum

Deum diligere censendi sumus, cum perfectissimam
 coelestis patriæ charitatem uotis omnibus experi-
 mus, rectis studijs ad eam contendimus, certisque
 ac constantibus cursibus illam petimus. Quia in re,
 et si cæteris ij longè præstent, qui corporis curis abie-
 ctis, totam mentem & cogitationem ad Dei cultum
 uenerationemque transferunt, atque diuinis tan-
 tummodò rebus uacant, & proficiendo cognoscunt,
 quàm longè sint à perfectione iustitiæ, ut D. Aug.
 ait, quinimo quod hodie perfectum fuisse putant,
 dum ad meliora, & priora mens extenditur, cras im-
 perfectum fuisse intelligunt, ut D. Hieronymi uer-
 bis utar; Deum tamen tota mente secundum infir-
 mitatis nostræ rationem ij etiam charum habet, qui
 ab illis sceleribus maximè abhorrent, quæ charita-
 tem euertunt funditus, & extinguunt: qualia sunt,
 quæ mortalia uulgò dicuntur. Quod Ecclesiæ claris-
 simum lumen Aug. ijs uerbis docet, Ingredi autem
 sine macula non absurdè etiam ille dicitur, non qui
 iam perfectus est, sed qui ad ipsam perfectionem ir-
 reprehensibiliter currit, carens criminibus damna-
 bilibus, atque ipsa peccata uenialia non negligens
 mundare eleemosynis. Et alibi, Aliud (inquit) est
 totam nondum assequi charitatem, aliud nullam se-
 qui cupiditatem. Quamobrem debet homo, quan-
 uis longè minus amet Deū, quā eū potest amare con-
 spectum, nihil tamen appetere illicitum; sicut etiam
 in his, quæ adiacent sensibus corporis, potest ocu-
 lus nullis tenebris delectari, quanuis non possit in
 fulgentissimam lucem in cōniuerter intueri. Quod
 sanè confirmat sententia à Christo sæpius inculcata.

Qui

*Lib. de
 spirit. &
 lit. c. 36.*

*Hierony.
 lib. 1. ad
 uersus
 Pelag.*

*Lib. de
 perf. In-
 stit.*

*Aug. de
 spiritu et
 litera.
 c. 36.*

Qui habet mandata mea, & seruat ea, ille est, qui diligat me, & à Ioanne priori Epistola canonica creberrimè repetita, Hæc est (inquit) charitas Dei, ut mandata eius seruemus, & item, Qui seruat mandata eius, in illo manet, & ipse in eo. & paulò antea, in illo ait perfectam esse charitatem, qui Dei verbum seruat, ac reliqua omnia sacrarum literarum testimonia, quæ diuinam dilectionem in diuinæ legis officijs excolendis positam esse, tradunt. Si enim diuina præcepta, quæ maximè ad proximorum dilectionem attinent, non beatis, & qui Deo fruuntur sanctis, sed ijs, qui mortalem adhuc uitam degimus, præscripta sunt, si non iustis, sed iniustis sunt posita, quis dubitare audeat, illum toto corde ac omni mente Deum diligere, qui nullo se nefario scelere contaminat? Nam cum Christus ab illis se maxime diligere testatur, qui reliqua omnia legis scita religiosè conseruât, satis profectò indicat, & magnū illud charitatis præceptum, quod omnia in se continet, eis impositum esse, qui reliquis omnibus astringuntur, & sanctè augusteque ab illis seruari, qui nullum crimē, quod mortale dicunt, quodque diuinæ legi manifestè aduersatur, admitit. Quod David sanctissimus non obscurè innuit, cum beatos illos ac omnium felicissimos prædicat, qui non abeunt in consilio impiorum, & in uia peccatorum non stant, & in cathedra מִיִּשְׁעֵי non sedent. hoc est, eorum, qui ita frontem perfricuerunt, ut non modò in omni se flagitiorum genus ingurgitauerint, sed sanctissimorum etiam uirorum pietatem, & præclara studia irrideant. Quam sceleratissimorum hominum manum, pesti-

*Ioan. c.**14.**Ioan. pri**ma. E-**pist. c. 4.**17**17**17**Psal. 1.*

lentiæ cathedram Græcus & Latinus interpres prudenter admodum uertit, quia funesta Reipub. pestis, atque uirtutum omnium pernicies illud hominum genus esse solet. Quàm uerò infelices ij sint, qui omnibus animi uiribus Deum non diligunt, satis Ioannes Apostolus indicauit, cùm eum in morte manere affirmat, qui non diligit, atque translatos nos esse de morte ad uitam, quia diligimus fratres, Deumque charitatem appellat, à qua qui abest, à Deo est quàm longissimè disunctus. Quæ si cum regij uatis sententia, diligenter conferamus, minime sanè dubium erit, ardenti illos charitate Deum cōplecti, amorisque munera omnia explere, qui nullo se mortifero scelere sedant, & à profligatissimorum hominum communione, atque conatibus uehementer abhorrent, nisi mortuos diuinæque uita spoliatos, felices esse, arbitremur. Cum enim diuina dilectio in legis, iustitiæque officijs posita sit, perspicuum sanè est, non aliter Deum, à quouis diuinæ gratiæ muneribus aucto, posse secūdam uitæ humanæ rationem perfectè diligi, quàm reliqua præcepta eiusdem gratiæ ope seruari. Quare utraque sanè Coloniensium oratio uerissima est, & charitatis legem à solis beatis, qui corporis molem, simul cum illius incommodis deposuerunt, conseruari, si charitatis tantum uim & amplitudinem consideres; & seruari etiam à nobis perfectè posse, si ad illam legis partē, qua nunc tenemur, animum aduertas, hoc est, ut Deum cæteris rebus omnibus quàm longissimè præferamus, nec ulla humanæ uitæ commoda illi anteponamus, sed stabilis, firmæ, iucundæ, sēpiterne, amplissi-

plissimæq; illius charitatis, quæ beatis mentibus peculiaris est, maximo desiderio inflâmati, ad illam uitæ innocentia, integritateq; exornati, contēdamus.

QVO D uerò ad alterum argumentum attinet, quod à peccandi quasi necessitate sumitur, qui diuinæ legis uim, peccatorumq; discriminē à nobis, cū de peccatis ageremus, abundē explicatum, inter se contulerit, satis intelliget, cū sola peccata uenialia esse, quæ D. Augustinus uitari omnino à nobis posse denegat, rûm ea cumulata, perfectæq; iustitiæ, quæ in charitate diuinæq; legis officijs potissimū posita est, non aduersari. Quare nec diuinæ legis perfectionem is non complere censendus est, qui naturæ infirmitate impulsus, leuiter quandoq; delinquit. Quæ quia multis à nobis iam demonstrata sunt, in septimo axiome de peccato, breuiter nūc perstringam.

Quod uerò ad D. Augustinum attinet (cuius sententiam eò indagamus curiosius quia illa se Kemnicus tanquā firmissimō præsidio communit) multis in locis is docuit, peccata, quæ uitari à nemine posse quā sæpissimē demonstrat, esse leuiora illa, quæ uenialia uocamus. Scribens enim ad Laurentium, cū demonstrasset, humanam uitam iam ratione ualentis ætatis, quantalibet præpolleat fœcunditate iustitiæ, sine remissione peccatorum non agi, addit; de peccatis se, hoc est, de quibusdā motibus humanis, in quibus ob corporis humani corruptibilis conditionem deficimus, sermonem habere, non autē de criminibus, Neque enim (inquit) quia peccatum est omne crimen, idē crimen etiam est omne peccatum. Itaque sanctorum hominum uitam, quandiu in

*peccata
non. non
posse pror
sus uitari
Aug. En
chirid. c.*

64.

hac

*Aug. ibi-
dem. c.
78.*

Iaco. c. 3

*Tractatu
50. homi-
liarum
hom. 19.*

hac morte uiuitur, inueniri posse dicimus sine crimi-
ne, peccatum autem si dixerimus, quia non habe-
mus, ut ait sanctus Apostolus, nos metipsos seduci-
mus, & ueritas in nobis non est. Et haud multò post,
de leuibus peccatis agens, in quibus conuiuendum
esse Paulus duxit, ut si quis uxore propria ob solam
incontinentiam utatur, aut coram sanctis iudicibus
æquo iure disceptet, ad hunc modum scribit. Propter
hæc atque huiusmodi peccata alia, licet ijs minora,
quæ fiunt uerborum, ac cogitationum offensionibus,
Apostolo Iacobo confitente ac dicente, In mul-
tis offendimus omnes. oportet ut quotidie crebroq;
omnes dominum oremus, atque dicamus, Dimitte
nobis debita nostra. Cum item ad eleemosynarum
studium omnes exhortatur, multis docet, illa Domi-
nicæ orationis uerba, Dimitte nobis debita nostra,
(quæ tanquàm machinam comparare solet, ad eo-
rum insolentiam euerrendam, qui peccatis se carere
arbitrantur) ad ueniales culpas delendas potissi-
mum spectare, Non (inquit) me latet, uitam istam
mortalē, & in carne corruptibili cōstitutā, sine pecca-
to esse non posse, sed illa quotidiana, & leuia habent
etiam sua lauacra quotidiana. hoc est, quod peccus tū-
dimus, & dicimus in oratione Domino Deo nostro,
Dimitte nobis debita nostra. uidit. n. quæ cauere de-
bemus, & uidit quæ cauere difficile sit; omnia aut ca-
uere, impossibile iudicauit esse, qui istā orōnem quoti-
dianā, non quoslibet Christianos, sed ipsos arietes A-
postolos docuit. ubi autem Apostoli peccus tundunt,
& dicunt, Dimitte nobis debita nostra, hoc est pecca-
ta nostra, audet aliqua ouicula superbire de sua iusti-
tia

tia? hæc Augustinus. Cum uerò Apostolorum exemplo uisitur, qui iustitiæ & charitatis ornamenta mirifice conseruariunt, satis significauit, de illis se peccatis agere, quæ iustitiæ non aduersantur, sed constare cum illa possunt. & paucis interiectis, eadem uerba, Dimitte nobis debita nostra. explicans, ait, Quod Deus statuit quotidie dici propter leuia peccata, alii qui putant, ad illa graua sibi posse opitulari, à quibus non uolunt discedere, sed in his cupiunt perpetuò permanere. & alibi, non obscure docet, non dånabilia, quidem, sed uenialia esse illa peccata, quæ uitari à nobis non omnino possunt. Nam si de mortiferis, Augustini sententia intelligenda esset, cum ijs sanè scripturæ locis pugnaret, quæ admirabilem quorundam hominum iustitiam, egregiamq; sanctitatem celebrant, & commendant, ut pote Ioannis Baptistæ, quo maior inter natos mulierum nemo surrexit; Abelis; Noah, quem præ cæteris illius ætatis hominibus, iustum ac perfectum coram domino fuisse, sacræ literæ testantur; Ieremiæ; Iobi, quem simplicem ac timentem Deum diuina oracula appellant. Qui si lethalibus fuissent sceleribus inquinati, hoc est, quæ Dei in nos odium excitare solent, iusti certè, ac recti dici haud quaquàm possent. Neque enim tam illustres tituli alijs congruunt, quàm illis, qui in Deum mentis oculos semper erigunt, illius amicitiam studiosè tuentur, & conseruant, legi uerò religiosissime parent. Quo fit, ut Dauid sanctissimus, iustorum uitam dicat Deum habere cognitam, & exploratam, hoc est, secundum Hebraicæ linguæ uim, & proprietatem, illi esse quàm gratissimam. quorum statum mirifice

mea

*Aug. lib.
de perfectione
lustrationis*

*Matt. c.
11.
Gen. c. 6.
Iob. c. 1.*

Psal. 125

Psal.
125.

mea quidem sententia idem regius uates his ferè
uerbis depinxit, Qui, inquit, spectata cæterarum re-
rum imbecillitate purè, ac sincerè Deo confidunt, at
que in illo se suaq; omnia ponunt, non nutabunt,
sed immobiles perpetuò manebunt sicut mōs Sion:
& quemadmodum Hierosolyma circumcirca monti-
bus munitur, sic dominus præsidio populum suum
sepit, ac munit, idq; ne peccatorum uirga permaneat
supra sortem iustorum, ut ne extendant iusti ad ini-
quitate manus suas, hoc est, ne si fortè diuturna
Tyrannorum ui ac potentia oppressi teneantur, ad
peccata, & scelera im pellantur, exemplo & prospe-
ritate improborum incitati. Qui igitur tot ac tantis
Dei præsidijs muniuntur, ne in peccata, cum iustitiæ
integritate ex aduerso pugnancia incidant, nullā ne
ratione ab illis uitari posse existimabimus? Quæ in-
signior quæso iniuria, diuinæ gratiæ inferri potest,
aut quæ maior illi nota inuri? Quocirca confiteamur
necesse est, peccata, in quæ quotidie etiam iusti la-
buntur, iustitiam euertere nullo pacto posse, ac pro-
inde, neque perfectam, & absolutam legis obedi-
entiam quoquo modo impedire. Nam cū diuina om-
nia præcepta charitatem spectent, atque ea prora sit,
& puppis ut in prouerbio Græcorū est, totius legis,
is certè diuinam legem perfectè obseruat, qui chari-
tatis in hac uita perpetuum tenorem non interrom-
pit, neque illius iura deserit, etsi corporis infirmitate
impulsus, minutiora aliqua officia quandoque uio-
let. Quod D. Paulus satis significauit, cū dixit, nihil
damnationis esse ijs, qui sunt in Christo Iesu, qui nō
secundum carnem ambulant, quippe quia lex Spiri-
tus

Rom. c. 8.

tus uitæ in Christo Iesu liberauit eos à lege peccati,
 & mortis. Nam quanuis iusti ac pij homines carnis
 prurigne exagitentur, illiusque ui, & stimulis diue-
 xentur, cum tamen non illis cedant, nec peccati legi,
 quam in membris sentiunt, plenè obtemperent, à
 peccato quidem atque à morte, quæ peccatum con-
 sequitur, sunt prorsus liberi, tamen si mens cupidita-
 tum procella iactata non possit non aliquam leuem
 culpam aliquando contrahere, atque ita mente serui-
 unt legi Dei, quia diuinum amorem non abijciunt,
 quanquam carne legi peccati subijciantur. Quare
 Solomon sapientiæ uires usque adedò effert, ut illius
 munere iustos sine querela, perpetuò conseruari
 asserat: & D. Lucas Zachariam & uxorem eius Heli-
 sabetham iustos fuisse, atque incessisse in omni-
 bus mandatis, & iustificationibus Domini sine que-
 rela dicit, non quidem quòd culpa omni ac peccato
 uacarent, sed quia leuia peccata, sine quibus huma-
 na uita non ducitur, perfectam illam legis obedi-
 tiam, quam uitæ huius ratio patitur, non euertunt.
 cunctorum enim in carne iustorum, imperfecta per-
 fectio est, hominisque uera est sapientia, imperfe-
 ctum se esse cognoscere, ut D. Hieronymus ait. de hi-
 sce uerò peccatis sermonem habuisse D. Ioannem, cū
 mendacij illos coarguit, qui peccato se carere existi-
 mant, satis ipse significauit, cum omne ex Deo na-
 tum, peccatum dixit non facere, quoniam (inquit)
 semen ipsius in eo manet, & non potest peccare, quo-
 niam ex Deo natus est. Nam cum charitas diuinum
 sit illud semen, in quo diuina uis inest, & ex quo fi-
 lij Dei procreantur, illam profectò tantam filiorum

uile

Vu Dei

Sap. c. 10

Luc. c. 1.

Hierony.
 lib. 1. ad-
 uersus
 Pelag.
 1. Ioan.
 c. 2.
 1. Ioan. c.
 3.

Aug.
traët. 5.
in Epist.
Ioan.

1. 2. 3. 4.

1. 2. 3. 4.

Lib. 2.
contra
Epist.
Parme-
niani. c.
7. de per-
fectione
iustitia,
de pecca-
torum me-
ritis &
remissio-
ne lib. 2.
c. 7.

Dei dignitatem tandiu retinebimus, quādiu ea sce-
lera deuotabimus, quæ cum charitate pugnant. Qua-
re D. Augustinus duo illa Ioannis loca, quæ tantam
præ se ferre repugnantiam uidentur, concilianda ita
esse existimauit, ut ex Deo nati nulla mortalia scele-
ra admittant, & si reliqua omnia effugere nō possint.
Cuius uerba, Kemnici, quæso attente audi, Fortassis
(inquit) secundum quoddam peccatum uoluit intel-
ligi, cum dixit, Qui natus est ex Deo, non peccat. Nā
erit aliter cōtrarium illi loco, Si dixerimus, quia pec-
catum non habemus, nos ipsos seducimus, & ueritas
in nobis non est. Sic ergo fortè posset solui quæstio,
Est quoddam peccatum, quod non potest admittere
ille, qui natus est ex Deo, et quō non admissio, soluun-
tur cætera: quō admissio confirmantur cætera. Quod
est hoc peccatum? facere contra mandatum Christi,
contra testamentum nouum. quod est mandatum no-
uum? Mandatum nouum do. uobis, ut uos inuicem
diligatis. qui facit contra charitatem, & contra dile-
ctionem fraternam, non audeat gloriari & dicere, na-
tum se esse ex Deo, qui autem in dilectione frater-
na constitutus est, certa sunt peccata, quæ non potest
admittere, & maximè ne oderit fratrem. Et quid de
cæteris peccatis facit, unde dictum est, Si dixerimus
quia peccatum non habemus, nos ipsi seducimus, &
ueritas in nobis non est? Audiatur securitatem de alio
loco scripturæ, Charitas cooperit multitudinem pec-
catorum. Hæc Augustinus. Non me latet eūdem Au-
gust. longè aliter hunc Ioannis locum quàm sæpissi-
mè fuisse interpretatum, ut scilicet ex Deo nati dice-
rentur non peccare, quā ex illo nati sunt. At quan-
diu

diu inest in nobis quòd ex Adam nati sumus, peccatis uacare prorsus non posse; illam tamen priorem explicationem magis Epistolæ Ioannis contextui quadrare, ipse etiam Augustinus confitetur. Non est igitur, Kemnici, quòd nobis Augustinum tam audacter insolenterq; obiiicias, à quo potissimum Colonienfes didicerunt, legem perfectè ab illis seruari, qui amoris Dei ac proximi iura non uiolant, sed charitatem integrè conseruant, quauis peccata uenialia, humana infirmitate impulsì, quàm sapissimè admittant. ita enim contra Parmenianum scribit, Peccato nemo potest dicere se carere, quandiu caro concupiscit aduersus spiritum, etiam si pro consortio societatis humanæ non absurdè dici possit iustissimè uiuere. quis uerò ita insaniet, ut sine legis obedientia, iustitiam esse existimet?

*Aug. lib.
2. contra
Epist.
Parmen.
c. 7.*

QVALIBET nisi uera essent, ineptè sanè, & temeritate maxima Deum precaremur, ut eius fiat uoluntas, sicut in cœlo, & in terra, hoc est, ut D. Augustinus intelligit, ut obediatur præceptis suis, sicut ab Angelis, ita ab hominibus. non æqualitate quidem, sed quantà fieri poterit obedientiæ maxima similitudine. ita ut diuinæ legi nulla pars nostra, terrenis doloribus, seu uoluptatibus agitata aduersetur (ut idem Augustinus loquitur) preces uerò, quas fideles ad Deum piè & religiosè facere, diuino instinctu consueuerunt, clarissima quidem sunt beneficiorum argumeta, quæ in nos conferre diuina munificentia solet; nisi mendacij Christum arguere uelimus, qui posteaquàm precandi rationem docuit, promisit, impetraturos nos esse omnia, quæcunq; orantes peteremus. Quo-

*De serm.
Domini
in monte
lib. 2. c.
11.*

*Matth. 7
Mar. 11.
Ioan. 1.*

*Hierony.
lib. 1. dia
logorum
aduersus
Pelag.*

circa confiteamur; Kemnici, necesse est, & iustos diuinæ gratiæ amplissimis opibus abundare, quò diuinam uoluntatem facere in terris possint, sicut in cœlis fit, id est, ut diuinam legem perfectè & cumulatè secundum uitæ huius rationem obseruent, sicut sancti pro felicissimi illius status ratione Deum tota mente diligunt, & uenialia illa peccata, quæ effugere non satis possumus, cum hac perfectâ, legis obedientiâ non pugnare. Vnde est, quòd D. Hieronymus, duas ait, in scripturis esse perfectiones, duasque iustitias, primam; inquit, perfectionem incomparabilemque ueritatem perfectamque iustitiam Dei uirtutibus coaptandam: secundum autem, quæ competit nostræ fragilitati, secundum illud, quod in Psalmis dicitur, Non iustificabitur in conspectu tuo omnis uiuens. ad eam iustitiam, quæ non comparatione, sed Dei scientia dicitur esse perfectâ. Iob. quoque, & Zacharias, & Helisabet, iusti dicti sunt, secundum eam iustitiam, quæ possit aliquando in iniustitiam mutari, & non secundum eam quæ nunquam mutari potest; de qua dicitur, Ego Deus, & non mutor. Hactenus Hieronymus. At stabilis & perpetua in hac imperfecta perfectione permansio, assiduis est deprecationibus à Deo exoranda. Neque enim quidquam est, quod nos Angelis, beatisque illis mentibus similiores faciat, quàm in uirtutum maximarum studio perseverantia, quam non quidem operibus promereri, sed orando impetrare possumus.

C V M uerò confitemur, neminem (unica Deipara uirgine Maria, cum unigenito ipsius filio excepta) peccata omnia uenialia effugere, quandiu corporis mole

mole premitur, posse; nec arbitrij quidem libertatem, nec peccati rationem à nobis copiosè explicatam evertimus. Nam quanuis mens carnis infirmitate præpedita, uarijsque cupiditatum generibus agitata, non omnia possit peccata euitare (superata enim iracundia, emergit ambitio; qua profligata, sese infert libido; ea depulsa, subrepat avaritia, insolentia, fastidium, ac infinitæ sese cupiditates intrudunt) si tamen peccata singula percontemur, nullum est, quod non sponte nostra admittamus, & cui non possit uoluntas occurrere, atque obistere. Quibus accedit, satis esse uoluntarium illud peccatum, quod ex infirmitate oritur, in quam sponte nostra incurrimus. In quem modum respondet Aug. Cœlestio probanti, non esse homini uitio uertendū, in peccata incidere, quæ effugere non potest. Ideo inquit, est culpa hominis, quod non est sine peccato, quia sola hominis uoluntate factum est, ut ad istam necessitatem ueniret, quam sola hominis uoluntas superare non possit.

Aug. lib. de perf. iust. ad 13. rationem Cæles.

NON possum autem non confiteri, ualde mihi placere Durandi à sancto Portiano sententiam, existimantis, peccata, quæ genere ac natura sua uenialia sunt, ut pote per iocum mentiri, uerba inania eloqui, ac cætera eiusmodi; euitari ab homine iusto nō minus posse, quàm mortalia: quippe quia cum integram deliberationem non aliter exigant, quàm mortalia, ditioni uoluntatis maximè subsunt. Quæ uerò ob imperfectam actionem uenialia sunt, ut superbia, fastus, libidinis, avaritiæ, ac reliquarum huiusmodi cupiditatum repentini motus, quibus non plenè

2. sent. dis. 28. q. 3. quæ peccata uen. uitari nō possunt, et quæ possunt.

nè uoluntas annuit, cum in mentem atque uoluntatem irreperere, magis quàm ab illa deliberatè eligi uideatur, euitari prorsus in tanta naturæ imbecillitate cupiditatumque procella non possunt. Liberè enim

*Hierony.
in Epist.
ad Ctesiphontem*

D. Hieronymus cōfitetur, multa se agere peroptasse, quæ tamen implere nullo modo potuit, Spiritus enim (inquit) fortitudo ducit ad uitam, sed carnis fragilitas ducit ad mortem; & audio Dominum commo-

nentem, uigilate & orate ne intretis in tentationem: spiritus quidem promptus est, caro autem infirma. Cum uerò declinari peccata uenialia à nobis non posse dicimus, non tam gratiæ ac liberi arbitrij uim, quàm humanæ naturæ infirmitatem, peccandi que

*Aug. lib.
2. de peccatorum
meritis
et remission. c. 6.*

usum ac consuetudinem spectamus. Si enim ad gratiam, & liberum arbitrium animum aduertamus, hisce uerbis D. Aug. confitetur, posse hominem omni prorsus peccato carere. Qui dicunt esse posse hominem in hac uita sine peccato, non est eis continuò incauta temeritate obfistendum. Si enim esse posse negauerimus, & hominis libero arbitrio, qui hoc uolendo appetit, & Dei uirtuti uel misericordiæ,

Ibidem.

quæ hoc adiuuando efficit, derogabimus. Et haud multò pòst addit, Innumerabilibus scripturæ testimonijs dubitare non possum, nec Deum aliquid impossibile homini præcepisse, nec Deo ad opitulandum & adiuuandum quò fiat, quod iubet, impossibile aliquid esse; ac per hoc potest homo, si uelit, esse sine peccato, adiutus à Deo. At uerò quoniam, (ut idem Aug. tradit) nemo unquàm fuit, aut futuris sæculis inter tot ac tantos cupiditatum fluctus erit, omni prorsus culpa uacuuus, fieri non posse dicimus

cimus, ut quis peccata omnia dum uiuit, declinet.
 Inane enim est dicere, ut D. Hieronymus ait, pos-
 se illud esse, quod nunquam fuit, aut fieri, quod ne-
 minem unquam fecisse testeris. & dare nescio cui,
 quod in Patriarchis, & Prophetis, & apostolis ne-
 queas approbare. Quocirca circumspectissime sanè,
 sacrosanctum Cōcilium Tridentinum diffiniuit, ne-
 minem in tota uita peccata omnia etiam uenialia;
 nisi ex speciali Dei priuilegio uitare posse, quemad-
 modum de beata Virgine Ecclesia sentit. Quæ si le-
 gere quis optat copiosè & prudentissime disputata,
 legat D. Aug. librum secundum de peccatorum me-
 ritis & remissione. Non est autem, Kemnici, quod Colonien-
 sibus obiticias Paulum dicentem, per legem, peccati
 ac infirmitatis nostræ, non autem uirtutis & firmita-
 tis cognitionem haberi. Nam quandiu lex extremo
 supplicio afficiebat eius uiolatores, neque se obser-
 uandi facultatem ullam largiebatur, ministratio
 mortis iure optimo dicebatur, & peccati tantummo-
 do cognitionem dabat. At posteaquàm iustificati
 sumus per redemptionem, quæ est in Christo Iesu,
 & lex gratiæ, atque fidei esse cœpit, hoc est, fide ex-
 citari, atque foueri; uitæ quidem ministratio effe-
 cta est, neque tam peccati, quàm uirium nostrarum
 cū diuina gratia reficiuntur, & recreantur, cogni-
 tionem præbet. Quocirca nisi temeritate maxima
 perneges, euangelicæ legis beneficio gratiæ uim ma-
 ximam nobis compertam esse & exploratam, confi-
 rearis necesse est, eiusdem nos legis magisterio dis-
 scere quod, & quantum in uirtutum officijs præsta-

Hierony.
 Epist. ad
 Ctesiph.

Conciliū
 Trident.
 Sess. 6.
 sub. Pau-
 lo 3. can.
 23.

Rom. c. 3

Rom. c. 3

re possimus. Nostræ enim vires magis quidem iam gratiæ opibus, quibus effervuntur, quam naturæ imbecillitate, quæ deprimuntur, & quasi in terram deijciuntur, metiendæ sunt. Neque enim omnipotens Deus unigenitum filium suum misit in humana forma, & habitu latentem, ut legem instauraret, ex qua peccati tantummodo cognitionem caperetur, sed quæ firmissimis gratiæ opibus humanam infirmitatem contra peccati vires muniret, ut nihil iam impossibile nobis aut difficile videri posset. Nam quod possibile erat legi, in quo infirmabatur per carnem, Deus filium suum mittens in similitudinē carnis peccati, & de peccato damnavit (hoc est deleuit, & funditus sustulit) peccatum in carne, ut iustificatio legis impleretur credentibus.

NEQUE mouere quæpiā debet, quod Coloniensibus ut summū scelus obijciat, quod eisdem argumentis, quibus olim Pelagius, probent, legem seruari à nobis perfectè posse, ut uerò tibi demus, Kemnici, Coloniensium argumenta cum Pelagianis aliqua ratione conuenire, magnum ne scelus suscipere tibi uidentur, qui ex hæreticorum argumentis, diuersas contrariasque sententias concludunt? Si hæreticorum etiam uerba usurpare religio est, quo modo sacrarum literarum lectionem tam audes uendicare, quam omnibus semper fuisse hæreticis, per quàm familiarem non ignoras? Quod si anilis hæc est ac uana superstitio, non est quod Coloniensibus succenseas, si rationibus, quibus Coelestius olim uetatorie contendebat, naturæ uiribus posse nos diuinam legem perfectè seruare, ipsi efficiant, liberum arbitrium

arbitrium non nisi diuinæ gratiæ opibus præditum, & mirabiliter confirmatum, diuinis iussis parere egregiè posse. Quæ quàm sint aduersa, satis Aug. explicauit, qui Cœlestij argumenta non alia ratione refellit, quàm gratiæ necessitatem crebrò inculcando. Cum enim Cœlestius ex legis ui concludit, posse nos omni prorsus culpa uacare, Neque enim (inquit) Deus præciperet, quæ præstare ipsi non possumus. respondet Augustinus, consultissimè homini præcipi, ut rectis passibus ambulet, ut cum se non posse perspexerit, medicinam requirat, qua interioris hominis ad sanandam peccati claudicatione gratia Dei est, per Iesum Christum Dominum nostrum. Ex quibus concludit, diuina præcepta dici leuia, non quidem solum quia quidquid non fit, ignoscitur, ut tu somnias, sed quia humanis mentibus plurimum cœlestis roboris, & firmitatis diuino beneficio accedit, ut seruare uniuersam legem facile possint. Nec aliam (inquit) ob causam (erige aures Kemnici) scriptura commemorat, nō esse graua præcepta, nisi ut anima, quæ illa graua sentit, intel ligat, se nondum accepisse uires, quibus talia sint præcepta Domini, qualia commendatur, leuia scilicet, atque suauia, & oret gemitu uoluntatis, & impetret donum facilitatis.

VT uerò fides, qua Colonienses calumniaris, omnium sit oculis testatior, non tacebo quàm fraudulenter argumentationem illam, quam ex uerbis Pauli ad Ro. Gentes, quæ legem nō habent, naturaliter quæ legis sunt faciunt. sumunt, inuerſas. Illos enim in hunc modum ratiocinari ais, *Gentes, quæ lege ca-*

Ratiocinatio. 6. Cœlestij lib. de perſect. iust.

Aug. lib. de perſe. iust. in reſponſione ad testi monia Cœlestij.

Rom. c. 2

XX

rent,

Aug. lib.
de spiritu
& litera
6.26.

rent, natura duce faciunt, quæ lex præcipit. Quomodo ergo ea ipsa lex non poteris à renatis perfectâ integritate impleri? Quam collectio nem etfi optimam esse, & ad rem maximè accommo datam asseuero, ipsi tamen tantum abest, ut renatos conferant cum gentibus à uera Dei, ac legis cogni tione alienis, ut Pauli uerba cum Augustino, ad illos referant, qui, abiecta omni impi etate, se in Christi, Euangelijq; disciplinam totos tradiderūt. Hæc enim sunt Colonien sium uerba, Absolutè dicendum non est, non posse quenquam quantumuis perfectum le gem præstare, cum D. Paulus nulla exceptione addi ta dicat, Gentes, quæ legem non habent, naturaliter quæ legis sunt facere, etfi illic gratiam non excludat, eosque fideles intelligat, qui ex gentibus conuersi sunt, si rectè D. Augustinus locum hunc interpreta tus est.

IN quinto Axiomate Kemnicus Deos manes, at que tricipitem Cerberum auxiliariū inuocat. Cum enim totius Ecclesiæ iudicio nihil prorsus tribuat, Laurentium Vallam, locupletissimum scilicet, uerita tis testem, à morte excitare cupit, ut nō minus in pro digiosam, ut ille ait, Iesuuitarum impietatem, quàm olim in Constantini donationem inueheretur. Sed age dum, uideamus, quis tantus hic est Colonien sū error, qui nullo pōt supplicio expiari. Iesuuitæ (inquit) asserunt, misericordiam Dei in Christo, quam euangelium celebrat, in qua nostra omnium uita & salus consistit, esse. Quòd Deus addiderit le gi promissionem, Qui fecerit hæc, uiuet in eis. Hoc cine Kemnici, illud est scelus, quod nullis potest piaculis deleri? An non putas, summum esse Dei beneficium, & infi nitæ cuiusdam misericordiæ documētum, ut iustitias

no-

nostras, quibus nisi diuina gratia accessisset, nihil promereri tanquam serui inutiles poteramus, æternis præmijs afficiat Deus? Ita eris erga diuina muncera ingratus, ut hoc in potissimis beneficijs numerandum esse deneges? Si nostræ omnes actiones quæ nostræ sunt, inanes, futes, ac inutiles prorsus sunt, nihil certè dici potuit à Colonienfibus uerius, quàm summæ fuisse Dei misericordiæ, ut rectè operantibus uitam æternam promitteret. At inquires, multò plura, atque adèd maiora in Euangelio extant diuinæ misericordiæ argumenta. quis hoc quæso inficiatur? quis ita unquam uecors ac bardus fuit, qui infinitam Dei misericordiam, tam contractis terminis circumscriberet? An non tute cùm de Euangelio sermonem instituis, Colonienfes accusas, quòd in Euangelicis beneficijs numerant, gratiam ac uires addere implèdì legem? infinita sunt, Kemnici, beneficia, quæ in nos Christus Iesus Dei filius contulit, innumerabilia, & inexhausta misericordiarum genera, quæ in Euangelica lege continentur. Summum sanè fuit Dei beneficium, quod probè operantibus æterna præmia promiserit, amplissimum, uires suppeditare implendi legem, immensum, sacramenta instituere, cœli aditum aperire, illius uiam commonstrare, omniumque apud Patrem patronum esse, & aduocatum, ac reliqua eiusmodi, quæ nemo non dicam completi orando, sed neque percensere numerando poterit. At illud fortasse tibi in hac Colonienfium sententia potissimum displicuit, quòd in nostris operibus dixerint, diuinam uim inesse, ut promereri plurimum apud Deum possent; nam ita es in Christi be-

neſicia iniurioſus, ut inter opera à pijs iuſtisque hominibus edita, & quæ à perditiffimis atque flagitioſiffimis ſuſcipiuntur, nihil omnino intereſſe putes. Qua tamen diſputatione quia ad eam, quæ de iuſtificatione eſt, magis pertinet, & eandem calumniam eo in loco ſæpius repetis, & à nobis apèrtè coarcebitur, ſuperſedendum eſſe in præſentia, duxi.

De Euangelio.

GRAVISSIME' accuſat Kemnicius Coloniienſes, quòd uix ſemel aut iterum, Euangelij nomen in eorum cenſura inueniatur, quod an ita ſit, non ſatis memini, qui præſtare ſemper exiſtimaui, ſententiarum pondera euangelij trutina examinare diligenter, quàm uerba numerare ſuperſtitioſè. Quanquàm non dubitaui, magnam habituros uocis huius rationem eos, qui illius uenditationem, euangelicæ ſanctitati quàm longiſſimè anteferunt, haberi que euangelici uolunt, eò quòd nudum euangelij nomen ſemper in ore uerſent, quanuiſ illius ſenſus corrumpant, diſciplinam abijciant, & proculcent, Iudæis, ut mihi quidem uidetur, minimè diſſimiles, qui legis confidentia tumentes, à legis mente, quæ Chriſtus eſt, plurimùm abhorrent, inanes uerò umbras ſtudioſè conſectantur, atque à ſe conſectis ſuperſtitionibus adhæreſcunt. Sed eſto (ſi ita uiſ) nunquàm euangelij nomen Coloniienſes uſurpauerint, magnum ue tibi ſcelus uidetur, ſuppreſſo euangelij nomine, fidem, pietatem, religionem,

nem, iustitiamque; euangelio comprehensam, luculentissimè tradere? Dei uirtutem in salutem omni credenti, quam Paulus non erubescbat, inesse in nuda euangelij uoce, atque in occidente litera putas, an in spiritu uiuificante rebusque ipsis, quæ uocibus exprimuntur? Si euangelium uitam præstare confiteris, an non uides, illustre euangelij nomen uiuificanti spiritui potissimum conuenire? Quare, qui euangelij sensa fideliter aperit, qui illius disciplinam incorruptè tradit, legem castè docet, religiosè seruat, dignitatem tuetur, atque integritatem literarum monimentis conseruat, magnam quidem de euangelio mentionem facere uideri debet, etsi euangelij nomen silentio prætermittat. At qui euangelij nomen in ore semper habent, pro euangelio tamen, Lutheri, Caluini, similibusque insanias; pro pietate, putidas hæreticorum opiniones; pro religione, Ecclesiæ despectionem; pro lege, ipsius contemptionem & acerbissimorum in ipsam odium hominum mentibus infundunt, an non grauissimam euangelio, quòd inaniter ostentant, iniuriam faciunt? Atque ita qui in euangelio gloriantur, per euangelii deprauationem summo dedecore & ignominia eius auctorem Christum afficiunt; nihil minus quàm euangelium noscunt. Cum igitur sanctissima Iesu societas, fidem euangelio consignatam, in Colonienſi censura integrè sanctèque explicarit, disciplinam, atque pietatem, moribus mirabiliter exprimat, nihil sanè illi magis familiare quàm euangelium debet uideri.

QUALB uerò illud sit euangelium, quàm incon-

ORTHODOX. EXPLIC.

Matth.
c. 19.

constans, & permutabile, quod Kemnicius tam arroganter uenditat, fatis aperuit, cum Colonienſes acriter reprehendit, quod cum Chriſto dicente, Si uis ad uitam ingredi, ſerua mandata. aſſerant, Euangelium iniungere quidem opera, ſed gratiam uiresque addere, ut præſtare illa commodè poſſimus. Hanc enim Colonienſium, hoc eſt, Chriſti orationem, cum illis Pauli ſententiis, quibus fidem miris laudibus effert, iuſtitieque initium, ac poſſiſſimum fundamentum eſſe demonſtrat, tantopere pugnare arbitratur, ut cohærere nullo modo poſſint. Quæ diſputatio quia ad tractationem de fide & operibus maximè pertinet, animum nunc, quæſo, aduertat lector, quale ex Paulo Euangelium hauſerit Kemnicius, quod à Chriſti doctrina plurimùm de ſciſcere confitetur. Quod ſi Pauli Epiſtolæ in Chriſti Euangelio numerandæ ſunt, quàm inane, quæſo, inconstans, & mobile illud eſt Euangelium, quod ſententias inter ſe minimè aptas & cohærentes continet? Quæ qui conſiderauerit diligenter, facere quidem iudicium commodè poterit, Kemniciusne, an Colonienſes de Euangelio præclariùs mereantur.

Primos
motus nō
eſſe peccata.

S E D quoniā is inuehi in Colonienſes nunquàm deſinit, quod primos cōcupiſcentiæ motus oī culpa uacare dicant, nō poſſum nō hanc quæſtionē paucis euoluere, quanquàm ab illa, quæ carnis cōcupiſcentiam in peccatis numerabat, ita oriatur, ut exiſtimē, fœdiſſimo illo fonte obturato, hanc etiam calumniā fatis coercitam eſſe, atque compreſſā. Sed quando illam inferciendi finem nunquàm facit, paucis
de

demonstrabo, quid Colonienses de primis concupiscentiæ motibus sentiant. Concupiscentiæ motus, qui primi dicuntur, duplices esse, sapiētissimè Theologi tradunt. Nām quidam ex corporis constitutione, atque habitu oriuntur, qui animos ipsos afficere, atque agitare ui sua solent. Cum enim tam arcta sit corpori cum anima societas, fieri certè non potest, quin diuersæ corporum constitutiones, uariè etiam animos permoueant, atque propellant. Quis enim non uidet, longè diuersis animi perturbationibus agitari, qui nimio calore æstuant, & qui immodico frigore à natura algent? Concupiscentiæ igitur motus, qui ex sola corporis constitutione ortum ducunt (ut libidinis prurigines, ex natiuo calore excitatæ) culpa omni uacare dicunt. quippe quia solius sunt naturæ corporisq; ipsius pulsus, & agitationes, quas neque in laude neque in uituperio ponendas esse, spectatissimi etiam Philosophi semper existimauerunt. Theologi uerò, qui gymnicum dicendi genus sequuntur, hos concupiscentiæ motus, primò primos appellarunt, quia omnem mentis atque uoluntatis actionem præcurrunt. De his uerò sermone habuisse Colonienses Patres, satis ipsi explicarūt, cū fol. 54. quod Kemnicus ad criminandum induxit, reprehendunt Monhemium, quòd illos etiam primos concupiscentiæ motus crimine condemnet, qui præter cogitationem irrepunt. Qui tamen tandiu culpa carent, quandiu uoluntas illis assentiri renuit, quā annuente, iam primi dici nulla ratione possunt. Alij uerò sunt primi concupiscentiæ motus, qui cum à sensibus, aut cogitatione ortum habeant, sensua-

sensualitatis dicuntur, atque peccata uenialia esse confitemur, quandiu uoluntatis ui atque imperio non colliduntur prorsus, & comprimuntur, quanuis uoluntas rebus alijs præclarissimis intenta, illos coercere, & reprimere nõ ualeat. Cùm enim sensuum hi & cogitationis inordinati & perturbati motus, qui sensualitatis dicuntur, uoluntatis potentia cohiberi possint, & retardari, eorum certè petulantia peccato carere nunquàm potest, ut præ cæteris præclarissimè; hoc est more suo demonstraui D. Thomas Aquinas. De priori uerò concupiscentiarum genere uerba fecisse D. Anselmus uidetur, cum asserit, illos, qui concupiscentias sentiunt nolentes, non peccare, Pauli uerbis inductus, qui nihil damnationis esse illis asserit, qui sunt in Christo Iesu, qui non secundum carnem ambulant.

*Prima 2.
q. 74. ar-
tic. 7.
Anselm.
de Conc.
gratiæ &
libe. arb.*

CACHINNIS demum ac petulantissimis sibilis Colonienfes insectatur, quòd Christianis hominibus persuadeant, ut diligentissimam operam nauent in animi perturbationibus sedandis, concupiscentiæque motibus in dies magis ac magis reprimendis, atque compescendis. quod, ut præstare commodius possemus, Christum aiunt, Euangelica consilia literarum monumentis consignata reliquisse. Quam sententiam officij pietatisque plenissimam, is solus calumniari mihi quidem posse uidetur, qui cupiditatibus omnibus habenas omnino laxauit, earumque intolerandam licentiam præscindere nõquam cogitauit. Quis enim ita esse perditio & dissolutio animo potest, quis ita temerarius, & prociæ, qui refrenandi libidines, spernendi uoluptates, iracundiam

cundiam tenendi, coercendi auaritiam, ceterasque animi labe repellendi acre, & constans studium damnare audeat? Quis in uitandis insidijs, quas lasciuientis carnis motus uirtuti innocentiaeque instruunt, inque dedecoris ac turpitudinis superbissimo dominatu abiiciendo, summam uigilantiam reprehendat? Quod si in uirtutum maximarum studiis, Christiani hominis officium positum est, nihil illum certè magis decet, quàm cupiditates, quæ animum turbant, & innumeris erroribus complent, quoad eius fieri poterit, elidere, atque comprimere, Euangelicæ uerò disciplinæ nihil est magis propriū, quàm ea præcepta tradere, quibus cupiditatum dominatus pelli, atque extingui possint. Qualia illa sunt, quæ raræ cuiusdam ac singularis uirtutis speciem, & cum cupiditatibus maximè pugnantem cōmonstrant, ut pote se ipsos castrare propter regnum cœlorum, hoc est, ab omnibus libidinosi uoluptatibus, quas etiam sancta connubia cohonestare solent, sibi temperare, egestatem, atque ad eò mendicitatem sponte colere, deprecationibus continenter, uacare, & reliqua eiusmodi, quæ ad nefarias carnis titillationes coercendas, auaritiam, ambitionem, similtates, elationem, nefariasque omnes cupiditates delendas plurimū ualere ij sanè intelligunt, qui se in ijs studiis diligenter exercuerunt. At iniquies, nullam esse tantam curam, nullamque tantam uigilantiam, quæ cupiditatum omnium fibras euellere funditus ualeat. nam quandiu in corpore sumus mortis huius, membrorum legi, quæ cum lege mentis pugnat, subijciamur, illiusque impetus

sustineamus oportet. Estō Kemnici, neque enim id Colonienſes inficiantur, ſed ideò non eſt nobis cum nefarijs cupiditatibus dimicandum? ideò eſt ſœdiſſimis illarum impulſibus parendum? ideò immaniſſimi huius hoſtis impetus non ſunt coercendi, atq; reprimendi, quia necem omnino interitumq; afferre illis non poſſumus? Ideò immanēs illius vires debilitare, potentiam refrenare, petulantiamq; cohibere minimè curabimus, quia delere, funditusq; extingui non poſſumus?

Horatius

Epist. li. 1.

Epist. 1.

» Non poſſis oculo quantum contendere lyncus,

» Non tamen idcirco contemnas lippus inungi:

» Nec quia deſperes inuili membra Cliconis,

» Nodosa corpus nolis prohibere chiragra.

Iob. c. 7.

1. Epist.

Pet. c. 2.

ut Ethnicus ille poeta ait. Nam, ſi cum nefarijs cupiditatibus pax concilianda eſt, ac non potius acerbiffimum, & æternum bellum gerendum, quid eſt quòd Iobus hominis uitam, militiam uocat ſuper terram? Animarum enim & non corporum prælium illud eſſe, apertè D. Petrus docuit, cum cunctos ranquàm aduenas & peregrinos, qui maximo patriæ deſiderio tenentur, orat, atque obteſtatur, ut abſtineant à carnalibus deſideriis, quæ militant aduerſus animam, ne quid ſit, quod illorum in patriam aduentum impedire poſſit. Quibus uerò armis hoc ſit prælium committendum, quàm ſæpiſſimè D. Paulus explicauit. in Epistoſola enim, quam ad Romanos ſcripſit, armorum lucis, in ſecunda uerò, quæ eſt ad Corinthios, armorum iuſtitie nomine, uirtutum omnium officia, cupiditatumq; omnium oppugnationem complectitur. Quo domeſtico ac turbulento

Rom. c.

» 3.

2 ad Cor.

rint. 6.

bel-

bello, etsi hostem delere illiusq; copias omnes extinguere funditus non possimus, in dies tamen illius vires magis ac magis franguntur, atque potentia magna ex parte labefactabitur. Quam fuisse Coloniensium sententiam, ea, quæ calumniaris, uerba fati indicant. Hæc (inquiunt) unicuique Christiano opera danda est, ut quantum in eo est, has animi perturbationes paulatim euellat, ut concupiscentiæ in dies magis sedentur impetus, Consilia sua Euangelica, ut id commodius fiat, Christus reliquit, & ea amplectenda suasit; & tandem concludunt, gratissimum Deo fore, si sequentes Euangelica consilia, & omnes peccandi occasiones fugientes, sensim illos extinguamus & tollamus. quibus uerbis non quidem asserunt, ut falsò arbitraris Kemnici, extingui prorsus cupiditatum omnium impetus, atque deleri in hac uita usque adeò posse, ut nihil omnino, quod menti, ac legi Dei repugnet, reliquum fiat, sed Christiani hominis officium esse affirmant, id ardentissimè expetere, atque in eam curam & cogitationem potissimum incumbere, in qua sine maximo fructu elaborare nemo unquam poterit, quanuis cupiditatum omnium importunitate liber omnino esse, ac solutus nemo possit, quandiu corporis ergastulo inclusus sempiterna illa felicitate non perfruitur. Quæ Coloniensium sententia tam est Augustino familiaris, ut nihil curiosius meditatus fuisse uideatur. Eò enim spectat quod toties inculcat, legis scilicet perfectionem (quam duobus inquit capitibus contineri) Diliges Dominum Deum tuum, & non concupisces. ideò hominibus fuisse propositam,

*Aug. de
perfect.
iustitia.*

tam, ut quò illis currendum esset, non ignorarent.
 Currere uerò nihil est aliud, quàm omni opera niti,
 ut ad tantam illam legis perfectionem, quàm maxi-
 mè accedamus. Quòd si labore & sollicitudine non
 consequamur ut ne cupiditatum aculeis pungamur,
 consequemur certè, ut illis minùs in dies tangamur,
 neq; cupiditatum impulsionebus suggestionibusq;
 pareamus. Quæ ut quamplurimis aliis in locis, tum
 libro de perfectione Iustitiæ ita docet; Si nolle De-
 us hominem esse sine peccato, non mitteret filium
 suum sine peccato, qui sanaret homines à peccatis.
 hoc fit in credentibus & proficientibus renouatio-
 ne interioris hominis, de die in diem, donec fiat per-
 fecta iustitia, tanquàm sanitas plena. Hanc uerò per-
 fectam animæ salutem, futuram esse paulò post ait,
 quando accipietur tanta libertas, in qua sicut neces-
 se est, permaneat beatè uiuèdi uoluntas, ut sit etiam
 bene uiuèdi, & nunquàm peccandi uoluntaria fe-
 lixq; necessitas. Et haud multò post, id ipsum his uer-
 bis edocet. Non concupiscendo uetustate expolia-
 mur, & nouitate induimur diligendo. Sed nec quis-
 quam potest continens esse, nisi Deus det, & chari-
 tas Dei diffunditur in cordibus nostris, non per nos
 ipsos, sed per Spiritum sanctum, qui datus est nobis.
 hoc autem fit de die in diem in iis, qui uolendo, &
 credendo & inuocando proficiunt, & præterita obli-
 uiscentes, in ea, quæ ante sunt, extenduntur. Infi-
 nitum esset singula Augustini loca numerando percen-
 sere, quibus docet, Christianæ uitæ, dum corporis
 carceribus detinemur, perfectionem, in eo maximè
 consistere, ut cum cupiditatibus cōtinenter bellum

geramus, arque indies singulos proficiendo, ad perfectam illam beatorum libertatem magis ac magis accedamus: Quæ si tibi minus probantur, Evangelium etiam ipsum improbes, & condemnes necesse est.

De iustificatione

De iustificatione. In hoc libro tractatur de iustificatione, quæ est actus iudicis, quo peccatoris culpa remittitur, et homo iustus fit. Hic tractatus est in octo capitulis. In primo dicitur, quod iustificationis gratia non datur propter opera, sed propter fidem in Christum. In secundo dicitur, quod iustificationis gratia non datur propter meritum, sed propter misericordiam Dei. In tertio dicitur, quod iustificationis gratia non datur propter meritum, sed propter misericordiam Dei. In quarto dicitur, quod iustificationis gratia non datur propter meritum, sed propter misericordiam Dei. In quinto dicitur, quod iustificationis gratia non datur propter meritum, sed propter misericordiam Dei. In sexto dicitur, quod iustificationis gratia non datur propter meritum, sed propter misericordiam Dei. In septimo dicitur, quod iustificationis gratia non datur propter meritum, sed propter misericordiam Dei. In octavo dicitur, quod iustificationis gratia non datur propter meritum, sed propter misericordiam Dei.

DIEGHI PAYVA

ANDRADII, LVSITANI,

ORTHODOXARVM EXPLICA-
TIONVM LIBER SEXTVS.

De Iustificatione.



I QVANDO puram, & integram mentem omniq; scelere uacuam magnopere optaui, Spiritus sancti afflatum, eruditionis præstantiam, orationis grauitatem, eloquentiæque uim singularem uehementer unquam expetiui, nûc profectò maximè expeto, qui eâ de iustitiæ ui atq; ratione disputationē ingredior, in qua Ecclesiæ hostes pertinacius delirant, & petulantius insaniunt. Tantis uerò est difficultatibus implicata, ut nisi iustitiæ cognitionem is largiatur, qui iustitiam copiosissimè donat, maximis tenebris inuoluamur, atque in summa ignorationis nocte uersemur necesse sit. Cuius numine fretus auxilioque confisus, ea potissimùm iustificationis capita explicabo, quæ Kénicius euertere in primis cupit. Ita enim in diuinam gratiam ueluti furore percitus insultat, ut ipsa etiam iustificationis fundamenta labefactare, & conuelleremoliatur. Cùm enim impia Caluini uestigia persecutus, iustificationem putet in sola scelerum uenia positam esse, non potest non grauitè reprehendere
Co-

Colonienses, quod affirmant, iustificationis nomine solam iustitiæ acquisitionem significari; sicut & iustificari, unde iustificationis uocabulum ortum habet, iustum fieri designat. Id enim cum Hebraicæ linguæ, cuius ignarum se esse satis prodit, proprietate (unde scripturæ sacræ uerum sensum petendum esse ait) in primis pugnare arbitratur. Hebræis nanque פָּרַק־יָרִי siue iustificare, *Verbum* (inquit) *est forense, significans reum in iudicio absolvere, iustumque pronunciare*. unde concludit, *iustificare impium, nihil esse aliud, quam peccatorem per, & propter Christum absolui à reatu, & sententia damnationis imputata, sibi per fidem iustitia mediatoris Christi.*

Vt uerò à uocis huius ui atque usu ordiamur, *Quid sit iustificare, apud Hebræos. Ies. c. 5.*
 Non inficior, iustificare, sæpius in diuinis scripturis, pro eo quod est, reum absolvere, accipi: unde est, iusta illa apud Iesaiam reprehensio; Væ qui iustificationis impium pro muneribus, & iustitiam iusti auferitis ab eo. hoc est, uæ illis, qui corrupti muneribus, nocentes absoluunt, & innocentes scelere condemnant, omnemque iudiciorum rationem, non æquitate causæ, sed magnitudine pecuniæ metiuntur. Et alibi, in hunc modum inanum Deorum uanitatem, & illorum hominum, qui in illis spem collocant, amentiam condemnat, Omnes gentes congregatæ sunt simul, & collectæ sunt tribus, quis in uobis annunciet istud, & quæ prima sunt, audire uos faciet? dent testes eorum, & iustificentur. hoc est, testes adducant, an à suis Dijs similia beneficia acceperint, causam dicant, uanitatis à se suspicionem depellant, ut hominum sententijs absolui possint. Quæ uocabuli huius notio etsi in sacris literis
Ies. c. 43.
 fre-

frequentissima sit, non ita tamen perennis est ac propria, quin plurimis in locis iustum facere, iustitiaque mentē exornare significet. Iesus enim Sirach filius, cum pietatem & religionem erga Deum commendat, illam (inquit) iustificare cor, summamque illi iucunditatem atque gaudium tribuere. Et alibi, Nihil (inquit) sit, quod te impediat orare semper, prohibeatue usque ad mortem iustificari, hoc est, maiores in dies in iustitia progressus facere. Neque enim primum pijs iustisque hominibus propositū inane est, & terminatum, sed constans atque sempiternum. cuius sententiæ minimè dissimilis est illa apud Ioannem; Qui iustus est, iustificetur adhuc, & qui sanctus est, sanctificetur adhuc. Cum uerò scelerum uenia imperfecta esse & inchoata, nec augeri ullo modo possit, in illam sanè hæc sententia quadrare nequit. Iesaias item maxima illa beneficia, quæ Christus in nos sua morte contulit, commemorans, in potissimis numerat, quod scientia sua multos mortales errore liberauerit, & cognitione diuini numinis illustrauerit, ut non solum ipse iustus sit, sed omnes; pro quibus poenas grauissimas pertulit, à prauitate conuersos, iustitiæ diuinis opibus & ornamentis afficiat. In scientia sua (inquit) iustificauit ipse seruos meos multos, & iniquitates ipsorum ipse portabit. Cum uerò Christi scientia iustificatos dixit, satis indicauit, non aliam se iustificandi rationē significare uoluisse, quam Christum euangelij doctrina, diuinarumque rerum cognitione hominibus ad iustitiam aditum dare, uiamque monstrare, qua iustitiæ opes comparare faciliè possint.

Vnde

Vnde euangelij doctores, Daniel כְּצָרִיק חֲרָכִים *ideſt* *Dan. c. 12*
iustificatores multorum uocat, quod uulgatus in-
terpres, ſenſum magis, quàm uerba retinens, uertit,
qui ad iuſtitiam erudiunt multos. Duces enim no-
bis ſunt, ut flagitiorum contagijs abiectis, iuſtitix
præclariffima ornamenta confequamur. Illam uerò
iuſtificandi rationem, quæ in ſclerum uenia poſita
eſt, etiam Ieſaias innuit, cùm ait, Et iniquitates ip- *Ieſ. c. 53.*
ſorum ipſe pertulit. Quare, Kemnici, ſi tantummo-
dò Hebraicæ linguæ uſum ſpectes, nihil ſanè certi ha-
bere poteris, cùm iuſtificandi uocem non ſemper eſ-
ſe forenſem, ſed uariè in ſcripturis uſurpari, ſatis cõ-
ſtet. Quare quæ ſit iuſtitix ratio, ac qua in re iuſtifi-
cationis uis potiffimùm poſita ſit, nõ tam ab Hebrai-
cæ linguæ proprietate, quàm ab apertiſſimis ſcri-
pturæ locis, quæ iuſtificandi ordinem ac rationem,
iuſtitixquæ ipſius uim & naturam tradunt, accipien-
dum eſt. quibus inducti Coloniènſes, docent, iuſti-
ficare, nihil eſſe aliud, quàm iuſtum facere, atque
iuſtitix ornamenta tribuere. Quæ cum legerem, &
ſumma uoluptate afficiebar, & Kemnicij in mentien-
do audaciam & procacitatem non poteram ſatis mi-
rari; quẽ non pudet affirmare, Coloniẽſes arbitrari,
ex ſolis placitis Ariſtotelis, atque ex uſu linguarum uulgarium peten-
dam eſſe uocabuli, iuſtificationis, uim & ſignificationem, non autem ex
ſcripturæ ſacræ loquendi uſu, & conſuetudine. Quanquàm enim
principiò phyſicis illi rationibus, uocis huius, qua
de agitur, propriam notionem acutiſſimè indagaue-
rint, atque patefecerint, eam tamen demum, quàm
plurimis ſcripturæ ſacræ atque ſanctorum patrum te-
ſtimonijs apertè & copioſè demonſtrarunt: à qua ne

que Hebraicæ linguæ usum abhorrere, non obscure indicarunt.

¶ QVI uerò loca omnia, in quibus iustificationis uocabulum à Mose atque prophetis usurpatum est, diligenter examinauerit, uix quidem reperiet, peccatorum ueniam illo unquam significari, sed diuina iussa atque præcepta, debita legis officia piè & religiosè suscepta; ut apud Danielelem, Non in iustificationibus nostris prosternimus preces antefaciē tuā, sed in miserationibus tuis multis. quippe quia is solus uerè iustus dicendus est, qui diuinam legem sanctè obseruat, ut paulò post demonstrabimus. Iustificari uerò non eò solùm impios dici, quia eis scelera condonantur, sed quia illorum mentes diuinis opibus atque muneribus abundè exornantur, satis. D. Paulus significauit cum iustificationem à peccatorum uenia usque adeò disiunxit, ut hæc Christi mortis, illam uerò eiusdem resurrectioni ascribendam esse existimauerit. non quidem quòd Christi mors iustitiam humano generi promereri non satis potuerit, sed quia peccatorum necem atque interitum, illa magis exprimit & designat. Iustitiæ uerò ornamenta resurrectionis Christi gloriam & splendorem præferre magna ex parte uidentur. Quare cum Colonienses iustificare diffiniunt, esse iustitiam infundere, siue iustum facere, ita cum philosophis consentiunt, ut à sacris literis & à sanctis patribus dissentire nullo modo uideantur. Denim ^a Augustinus atque Hieronymus, ut cæteros sanctissimos patres taceam, quàm sæpius asserunt, iustificare, esse ex impio facere pium, ut de cætero in ipsa pietate, atque iustitia

Dan. c. 9.

ad Rom.
c. 84.

^a Aug.
epist. 120
& lib. ex
positionū
quarundā
propos. e-
pist. ad
Rom.
Hieron. in
epist. ad
Gal. lib.
1. c. 5.

iustitia permaneat. Cum uerò Augustinus ait, si quis ex agro iniuste inuaso largas facit eleemosynas, non ideò rapinam iustificat (quo se loco potissimum tueretur Kemnicus) nihil aliud iustificandi uerbo intelligit, quàm iustam facere rapinam, quæ summum habet scelus atque iniuriam coniunctam, ut iam nò sceleratè, sed iustè alienum à agrum possidere uideatur, quem iniuste inuaserat. quod mox explicat cum addit. Ita neque concubinæ ad tempus adhibitæ, si filiorum causa concumbant, iustum faciunt concubinatum suum.

*Aug. de
bono con-
iugali. c.
14.*

At inquis, ista iustificatio, quam sancti Patres definiunt, esse ex impio facere pium, nullam quidem inhærentem iustitiam secum adfert, ut Colonien- ses fingunt, sed in sola scelerum uenia posita est, cum is iustus ac pius dicendus sit, cui remissæ sunt iniquitates, & cuius resecta sunt peccata. Quam Caluini nouam, futilem, & commentitiam sententiam, ex uocabuli iustificandi, uerbi, atque usu, probari nullo modo posse, apertè (ut puto) demonstrauimus. at uerò quantum à ueritate absit longissimè, diuino fauente numine mentium omnium iustificatore, mox docebimus. Diuersæ enim & maximè disunctæ quæstiones sunt, An ita se res habeat, & Vtrum ex uocis significatione concludi rectè possit. qua posteriore explicata, de priori iam sermo est nobis instituentis, atque principiò Kemnicij sententia aperienda, ut quid in quæstione, disceptationeque uersetur, constet.

In priori, secundo, sexto, & septimo Axiomate accusat acerbissimè Colonien- ses, quòd doceant iu-

Z z 2 iustificare,

stificare, esse iustitiam inhærentem in hominum mētes infundere. Caluini enim impietatibus delibutus persuadere sibi nullo modo potest, iustitiam nostram, diuinam esse aliquam qualitatem, mentibus infixam, quippe qui arbitratur, iustificari, nulla alia ratione impios dici, quàm quia peccata à Deo, illis condonantur. Cum tamen uideat, secū illos pugnare, qui iustum eum dicunt, qui iustitia caret, iustos ait nos esse ob solam Christi iustitiam, non quidem nobis collatam, sed fidei ministerio nobis imputatam. Nam cū Christi mortem fide apprehendimus, scelera censet nobis condonari, & Christi iustitiam coram Deo nostram haberi. Minimè tamen iustificari audet, *In iustificatione simul dari Spiritum sanctum, qui mentem illuminat, cor renouat, noua dona, & nouas uirtutes inchoat in mente, uoluntate, & corde renatorum.* Quæ ad iustificationem pertinere, nullo modo putat, sed ad renouationem potius, seu sanctificationem interni hominis, quam à iustificatione ualde esse disjunctam, & diuersam arbitrat. Qui uerò amoris, quo Deus homines prosequitur, præstantiam, condonandi; illorum scelera rationem, diligenter expenderit, satis profectò intelliget, quàm ii à ueritate absint longissimè, qui ueram iustitiam, aut peccatorum ueniam, sine diuino aliquo mentibus inhærente dono, extare posse existimant. Nam si sacrarum literarum monimenta accuratè euoluerimus, perspicuum sanè fiet, impios & sceleratos homines, non modò Dei in se iracūdiam, atque indignationem flagitijs commouere, sempiternisq; se supplicijs deuouere, sed in acerbissimum diuini numinis odium incurrere, illiusq; hostes effici.

ci. Paulus enim sumptò ex Malachia testimonio; *Malach. c. 1.*
 Deum affirmat Iacob dilexisse, Esau autem odio habuisse; Solomon uerò non impietatem modò, sed & *Sap. 14.*
 impium ipsum summo odio, Deum prosequi testatur. Ecclesiasticus item eò potissimùm miseram & *Eccl. c. 14.*
 infelicem flagitiosorum hominum conditionem iudicat, quia Deo in summo odio sunt. Quare tum certè illorum scelera condonata esse uidebuntur, cū Deus Opt. Max. inimicitiis depositis, acerbum illud odium, in amplissimum, & dulcissimum amorem cōuerterit, atque in illius gratiam reconciliati, non iā hostes, sed amici Deo charissimi esse cœperint. Quò Dei erga se amore quandiu quis caret, tamdiu in uitorum luto, atque stercore uoluetur necesse est. Diuini uerò in omnes amoris uis, atque ratio, in eo qui dem sita est, ut summis illos, quos diligendos suscipit, atque amplissimis beneficijs exornet. Omnia enim, quæ Dominus fecit, idcò diligere dicitur, quia admirabili illa prouidentia gubernat, charitate fouet, potentia tuetur, & conseruat. Nam cū diuina mens constans maximè sit, & immutabilis, nulla unquam certè amoris noua affectione permoueri, & excitari, neque illius stabilis, & firma uoluntas ab odio, in amorem mutari potest. At cū amplissimis Dei inuneribus augemur, tantisq; ac talibus beneficijs afficimur, quæ satis Dei erga nos amorem, officiosissimam charitatem, egregiamq; beneuolentiam declarant, à Deo diligere dicimur. Est enim Dei amor à nostro uel ea de causa maximè disiunctus, quòd nos ex præconcepta aliqua pulchritudinis & bonitatis specie ad amandum inducimur, & incitamur.

Dei

Dei uerò in nos amor omnibus nos bonis cumulat, innumerisque beneficijs afficit, quod Moses apertè docuit, cum his uerbis filios Israel ad pietatem & Diuinum amorem incitat, & allecat, Non quia cunctas Gentes numero uincebatis, uobis iūctus est dominus, & elegit uos, quum omnibus sitis populis pauciores, sed quia dilexit uos dominus, & custodiuir iuramentum, quod iurauit patribus uestris, eduxitque uos in manu forti, & redemit de domo seruitutis, de manu Pharaonis Regis Aegypti. Cum igitur peccatorum uenia sine Dei in nos amore esse non possit, consequitur sanè, coelestibus opibus, atque muneribus mentes illas abundè exornari, quibus scelera, Dei beneficio condonantur. Quæ uerò illa sint munera, apertè Christus docuit, cum apud Ioannem ait, se atque patrem ad eos uenire, quos diligunt, atque mansionem apud ipsos facere. At uerò cum rebus omnibus ij. continenter assideant, neque abesse ab illis unquam possint, liquidò sanè constat, peculiari aliqua ratione, iustorum mentes habitare, diuinaq; secum ornamenta asferre, quibus cū mentes illustrantur, Spiritus sancti domicilia, æterniq; numinis sedes dici possunt. Qui enim fieri potest, ut quam mentem Deus bonorum omnium fons & scaturigo incolit, non egregiis opibus locupletet? Quod satis Solomon explicauit, cum impossibile fore asserit, ut à Deo is diligatur, qui cum sapientia non habitauerit, quæ (inquit) per omnes ætates in animas sanctas delabitur, atque amicos Dei, & prophetas constituit. Hanc autem sapientiam, qua cum habitare is debet, quem Deus amore complectitur,

pau-

paulò antea idem Solomon ita de finiuit, Est spiritus intelligentiæ sanctus, unicus, multiplex, subtilis, disertus, mobilis, incoinquinatus, certus, suavis, amans bonum, acutus, qui nihil uetat benefacere, humanus, benignus, stabilis, certus, securus, omnem habens uirtutem, omnia prospiciens, & qui capiat omnes: spiritus intelligibilis, mundus, subtilis, qui uerò talem domi habet, non hospitem quidem, & peregrinum, sed domesticum, & contubernalem, nullis diuinis ornamentis affectum iri putabimus? cum præsertim non alia ratione tam illustres tituli illi conueniant, quàm quia hominum animos hisce honoris insignijs cœlestibusque opibus locupletat. Neque enim quia ipsæ, diuinæ personæ in hominum mentibus, atque ipsis uisceribus penitus insident, apud illos habitare dicuntur, sed quia summis atque amplissimis donis à Deo augentur, cœlestisque ac diuina quædam uis illis inhæret, quam nos gratiam, atque iustitiam appellamus. Quod D. Paulus Romanos docuit, cum illorum, in quibus Christus habitat, corpora, mortua esse asserit propter peccatum, spiritum uerò uiuere propter iustificationem, hoc est, ob iustitiam illis Christi beneficio collatam. quod apertius explicauit, cum dona nobis Christi morte data, cum damnis Adæ peccato, humano generi allatis conferens, piorum hominum uitam in abundantia gratiæ, donationis, & iustitiæ sitam esse, ait. Hanc uerò gratiæ, & iustitiæ abundantiam D. Aug. in eo positam esse ait, quod nō ei tantum peccato, in quo omnes peccauerunt, sed ei etiam, quæ addiderunt, gratia remissionis datur, atque

Rom. c. 8.

Rom. c. 5.

Lib. 1. de
pecca. me
ritis, &
remiss.

c. 13.

atque etiam quia ipsis hominibus tanta iustitia donatur, ut cum Adam consenserit ad peccatum suadenti, non consentiant isti etiam cogenti, quæ sine in hærenti aliquo dono effici nullo modo possunt.

Cum igitur iustificatio sine peccatorum uenia esse nullo modo possit, hæc uerò ex peculiari Dei in nos amore pendeat, quo illos solum complectitur, quorum mentem habitat; suam uerò istam habitationem omnibus hisce, quæ enumerauimus donis, & amplissimis muneribus necessitate quadam compleat, & exornet, colligitur sanè, iustificationem sine in hærentibus Dei donis esse, nullo modo posse.

Q U O D quidem longè fiet exploratius, si ad iustitiæ uim atque rationem animum aduertamus.

Nam cum iustificare, sit iustum facere, iustificatus certè is dici nullo modo potest, qui iustus non est: iustus autè esse nequit, qui iustitia caret. quare ex iustitiæ ratione diuinis literis explicata; iustificationis uis, atque ratio petenda est. Iustitiam uerò constantem esse mentis rationisq; æquitatem, & moderationem, quæ omnes suas actiones & consilia, diuina lege, atque uoluntate metitur, sacræ nos literæ docet.

Cic. li. de legibus.

quam & Cicero præclare admodum definiuit, esse obtemperacionem legibus. Nam cum diuina uoluntas, omnis sit æquitatis, & iustitiæ norma, iustus certè is solum dici potest, qui diuinæ uoluntati omnibus in rebus paret: quare & diuina ipsa præcepta, passim iustitiæ appellantur. Ita enim Moses filios Israel ad legis officia hortatur, Attende & audi Israel, hodie factus es populus domini Dei tui, audies uocem eius, & facies mandata atque iustitias, quas ego

Deut. c. 23.

præ-

præcipio tibi hodie. Solomoni uerò amplissimos ho-
 noris, atque dignitatis gradus Deus Opt. Max. polli-
 cetur, si omnes eius iustitias, atque iudicia serua-
 set. Extrema uerò supplicia, maximasq; calamitates
 comminatur, si eas ipsas iustitias atque præcepta
 uiolasset. Regius item uates Dauid, cum Deum in-
 terrogat, quis habitare in eius domicilio, atque sta-
 bilem sedem in sancto atque cœlesti eius monte ha-
 bere possit, ita Deum respōdentem inducit; Qui in-
 greditur sine macula, & operatur iustitiam, quam in
 mētis puritate, uirtutumq; omnium officiis positam
 esse, consequēter toto Psalmo docet: vnde est, ut uul-
 gatus. interpretis uocem Hebræam פִּי, quæ ius atque
 scitum propriè significat, modò iustificationem, mo-
 dò præceptū uerterat, quippe quia æquè ad diuinam
 legem notandam utrunque nomen ualet. Christus
 item cum apud Matthæum docuit, Christianis ho-
 minibus maximè cauendum esse, ne iustitias suas
 in omnium ore atque oculis, ad inanes plausus ca-
 ptādos facerent, omnia officia, iustitiæ nomine com-
 plexus est. In quibus quantum oporteat, præter cæte-
 ros antecellere eos, qui in sacro lauacro Christo no-
 men dederunt, his uerbis significauit, Nisi abunda-
 uerit iustitia uestra plusquam Scribarum & Phari-
 sæorum, non intrabitis in regnum cœlorum. Cum
 uerò ex iustitia iusti nominemur, D. Ioannes, eos, qui
 iustitiam faciunt, hoc est, qui diuinam legem
 perfectè obseruant, iustos esse, atq; ex iustissimo Deo
 ortos fuisse, testatur. Quod quidem cum Philoso-
 phorum egregio illo axiomate, iustitiam suo cōple-
 xu uirtutes omnes coercere, atque continere, maxi-

2. lib. Pa-
ralip. c. 3.

Psal. 14.

Psal. 118

Matt. c. 6

Matt. c. 5

Ioan. 1.
epist. c. 3.

mè conuenit. Quare nihil iustitia est aliud, quàm habitus animi diuina lege conformatus, ad parendum diuinæ legi, atque uoluntati, uirtutumque omnium officia obeunda inducens. Quod D. Paul. apertè his uerbis designauit in ea epistola, quæ est ad Rom. Si præputium (inquit) iustitias legis custodiat, non ne præputium illius in circumcisionem reputabitur? & iudicabit id, quod ex natura est præputium, lege consummans te, qui per literam & circumcisionem præuaricator es legis? Non enim qui in manifesto Iudæus est, neque quæ in manifesto, in carne est circumcisio, sed qui in abscondito Iudæus est, & circumcisio cordis in spiritu non in litera. hoc est, qui mentis affectione, legis obseruantiam retinent, illamque animo inclusam uenerantur, uerè iusti, uereque Iudæi sunt, & filij Abrahæ, cui fides reputata est ad iustitiam. Cum tamen peccatum diuinæ legi quàm 'maximè aduersetur, iustus certè is dici non potest, qui tetrīs est peccatorum maculis inquinatus, & cui nondum sunt omnia crimina condonata. Quare iustificari aliquando ij etiam dicuntur, quibus peccata diuino beneficio condonantur. Ita enim Paulus Iudæos alloquitur, Notum sit uobis fratres, quia per hunc uobis remissio peccatorum annuntiatur, ab omnibus, quibus non potuistis in lege Moſis iustificari. Romanis etiam scribens, illos à peccato iustificatos dicit, quia illi mortui sunt, nō quidem quòd hic scelerum interitus omnes in se iustitiæ numeros cōtineat, sed quia iustificationis pars est altera; quam duabus constare partibus, remissione scilicet peccatorum, & legis obedientia, satis ex his, quæ diximus, constare puto,

puto, & D. Paul. apertè his uerbis docet, Quod im- *ad Rom.*
 possibile erat legi, in quo infirmabatur per carnem, *8.*
 Deus filium suum mittens in similitudinem carnis
 peccati, & de peccato (idest gratissimâ Deo hostiâ, &
 quæ scelera expiare facilè potuit) damnauit, pecca-
 tum in carne, ut iustificatio legis impleretur in no-
 bis, qui non secundum carnem ambulamus, sed se- *ad Ro. 8.*
 cundum spiritum. At secundum spiritum ambulare,
 is solum dici potest, qui legem spiritus uitæ in Chri-
 sto Iesu studiosè obseruat. quæ legis obseruatio cum
 peccatorum ueniâ coniuncta, iustificationem perfici-
 cit, & absoluit. Quod quidem Concilium Mileuita- *Conci. Mi-*
 num contra Pelagij delirationes coactum, ita defini- *leuitanik.*
 uit, Quicumque dixerit, gratiam Dei, in qua iustifi- *cap. 3.*
 camur per Iesum Christum dominum nostrum, ad
 solam remissionem peccatorum ualere, quæ iam
 commissa sunt, non etiam adiutorium ut non com-
 mittantur, Anathema sit. Cum uerò is, qui se ab om-
 ni flagitiorû genere tēperat, legem castè & sanctè
 obseruare uideatur, gratia uerò, qua iustificamur,
 uires addat, ut à peccatis omnibus abstinere possi-
 mus, diuinæ certè legis amorem atque obseruan-
 tiam in iustorum mentibus insculpit. Quare præ-
 clarè admodum D. Aug. sentit, uniuersam iustitiæ
 rationem, unico innocentie uocabulo contineri. *August.*
 Nam qui uerè innocens est, non modò omni sce- *in Psal.*
 le re caret, sed sibi ab omni flagitio temperat, atque *100.*
 diuinam legem sanctè custodit; quam esse accom-
 modatam iustitiæ rationem egregiè quidem colli- *August.*
 git, ex peruulgata iustitiæ definitione; Iustitia est *19. De Ci-*
 uirtus, quæ suum cuique tribuit. Cùm uerò debi- *uit. Dei*
c. 21.

*August.
19. lib.
de Ciuit.
Dei. c. 27*

*Aug. lib.
9. contra
Iul.*

*Strom.
lib. 6.*

*Quomo-
do iusti-
tia in le-
gis obser-
uatiā po-
tuit fieri.*

tum esse nihil magis possit, quàm ut homo Deo seruiat, animus corpori, ratio libidini, cæterisque nefarijs cupiditatibus imperet, qui fieri potest, ut iusti ij sint, qui Dei obedientiam abijciunt, rationisq; diuinæ legi conformatæ imperium recusant? Qua propter uitæ huius iustitiam in eo sitam esse ait, ut obedienti Deus homini, animus corpori, ratio autem uitijs etiam repugnantibus imperet, uel subigendo, uel resistendo, atque ab ipso Deo petatur uel meritorum gratia, uel ueniā delictorum, ac de acceptis bonis gratiarum actio persoluatur. Et alibi, iustificationem inquit, in hac uita nobis secundum tria conferri, lauacro regenerationis, quo remittuntur admissa peccata; congressione cum uitijs, à quorum reatu absoluti sumus; atque dum exauditur nostra oratio, qua dicimus, Dimitte nobis debita nostra. Clemens uerò Alexan. uirtutum omnium perfectionem, quadratam iustitiam elegantissimè uocat.

At (iniquis) ij, quibus gratis Deus scelera condonat, & qui cum impij essent; diuino beneficio, nullis præeuntibus meritis iustificantur, isti certè dicendi sunt, etiam antequàm ulla præclara opera suscipiant, atque ulla officia exequantur. Quod sanè si ad infantes, quorum maculæ sacro lauacro eluuntur, animum aduertamus, fiet notius & exploratius, quos iustificari satis constat, cùm nondum sint mentis ac rationis compotes, neque diuinam legem tenere ulla ex parte possint. si tamen diuinæ legis momenta diligenter obseruemus, & quæ sit illius potissima uis, accuratè inquiramus, iustificationis certè rationem præclare percipiemus, neq; quid-

quidquam erit, quod nobis in hac quæstione difficultatem afferre possit. Quare animum, quæso Kemnici, attende, in hoc enim quæstionis summa, causaque tota consistit.

UNIVERSAM legem in diuina dilectione inclusam contineri, & alias demonstrauius copiosè, & ex sacris literis apertè constat. omnia inquit Paulus unico uerbo instaurari, Diliges Dominum Deum tuum ex toto corde tuo. Christus uerò solam dilectionem, suum præceptum appellauit, quippe quod sibi esset quasi peculiare, atque reliqua omnia cõplecteretur. Sed quid Christum gratiæ auctorem, charitatisque exemplar commemoro? Moses quidem ipse, qui tanta præceptorum atque ceremoniarum mole miserum populum prefferat, omnia tandem dilectione complexus est; Circumcidet (inquit) Deus cor tuum, & cor seminis tui, ut diligas dominum Deum tuum ex toto corde tuo, & in tota animâ tua, ut possis uiuere. Quare qui charitatem Spiritus sancti munere menti habent infixam, & penitus insitam, totam sanè legem intra se continent; animûq; illa habent mirabiliter informatum, atque adeò uerè iusti sunt, quanuis nulla sese diuinæ legis officia exequendi occasio offerat; quippe quia mens charitate exornata, non modò à diuina lege, atque uoluntate non est auersa, sed omnes eius partes ita in proprio cuiusque munere illius ui continentur, ut facillè Spiritus sancti impulsu duci se patiantur; & charitatis, quæ animi imperium tenet, inductum sequantur. Cum igitur iustitia in peccatorum condonatione, atque diuinæ legis obseruantia posita sit, ut demon-

Rom. 6.13

Dent. 6.

E. 2

E. 1

E. 1

E. 1

Rom. 5.

Ieremi.

c. 31.

Prouerb.

c. 10.

1. Petri.

c. 4.

ad Colo.

c. 3.

1. Ioan.

c. 4. 7.

Luc. c. 7

monstrauimus, tum certè homo iustificatur, cùm
 charitas Dei diffunditur cordibus nostris, per Spiritum
 sanctum, qui nobis donatur, ut mens coelesti
 lege informata, Dei uoluntati non aduersetur, sed
 potius eius amore illustrata, ad legem seruandam pa-
 rata sit, & expedita. Quinimmo Dei conseruare le-
 gem is solus dici potest, qui charitate, qua uniuersa
 lex continetur, est mirabiliter exornatus. Quare
 fœdus illud nouum, cum filiis Iudæ, atque Israel
 Christi sanguine ictum, quo omnis iusticiæ summa
 continetur, duobus capitibus constare Ieremias di-
 xit. primum illud est, quòd Deus omnibus esset sce-
 lera libenter condonaturus: alterum uerò, quòd
 diuinam legem eorum esset uisceribus insculptu-
 rus, mentibusq; impressurus. id autem fit, quando
 diuina charitas hominum animis infunditur, quæ
 uniuersam legem complectitur, crimina diluit, sce-
 lera extinguit, omneq; tetri facinoris uestigium abo-
 let. Eam enim præ cæteris officijs Solomon ac D. Pe-
 trus ideò commendant, quia peccatorum multitu-
 dinem operit. D. autem Paulus eandem, perfectissi-
 mum uinculum appellat, quia sceleribus omnibus
 extinctis, nos cum Deo arcuissimè connectit, & co-
 pulat. Cuius dignitatem non aliter explicari posse
 D. Ioannes existimauit, quàm si Deum illam appel-
 laret, qui tum nostras mentes habitare censetur, cùm
 illas charitate perfundit: quæ peccatorum ueniam,
 diuinaq; ornamenta secum infert. Mulier enim, quæ
 tam erat scelerum turpitudine infamis, ut peccatrix
 uulgò diceretur, ideò ueniã tam facilè est consecu-
 ta, quia multum diligebat. nisi enim charitas præ-
 eat,

eat, mentemq; illustret, peccata deleri nullo modo possunt. Lex enim (inquit Paulus) spiritus uitæ in Christo Iesu, liberauit me à lege peccati, & mortis. legem autem spiritus uitæ uocat; charitatis legem, quam diuinus ille, uitalisq; spiritus iustorum mentibus inscribit, cuius ope à durissima peccati seruitute eripiuntur, & in libertatem, quæ filiis Dei propria est, & peculiaris, asseruntur. vnde est quod D. Augustinus iustitiam, nihil esse aliud putat, quàm charitatem, Charitas (inquit) inchoata, inchoata iustitia est; charitas prouecta, prouecta iustitia; charitas magna, magna iustitia; charitas perfecta, perfecta iustitia est. Quare nihil sanè potuit ineptius, & diuinis oraculis magis repugnās excogitari, quàm sanctificationem à iustificatione seiunctam esse, & separatam. Nam cùm ex sacris literis constet, terribimas peccatorum tenebras nō nisi charitatis luce, & splendore expelli atq; exterminari, qui ita desipiunt, ut iustificationem in sola scelerum condonatione, sanctificationem uerò in charitatis, uirtutisq; infusione ponant, sanctificationem certè præcurrere, & præire iustificationem, dicant necesse est, atq; adeò, sanctificationem, iustificationis causam esse. quod ab omni est, & scripturarum, & rationis sensu alienum. Sanctificatus enim is esse, neq; intelligi quidem potest, qui tetro aliquo fuerit, peccati contagio contaminatus. Quare nulla quidem ratione sanctificationem, à iustificatione separare, ac discernere debemus, quin immo in ipsa sanctificatione iustificatio collocanda est. Quauis enim, si tempus spectemus, eodem momento, quo charitas infunditur, peccatorum omnes

sordes

Rom. c. 8.

August.
lib. de na-
tura &
gratia. c.
70.

forde diuino beneficio eluantur. attamen si ad ordinem, quem Philosophi naturæ uocant, animum aduertamus disiuncta hæc sanè sunt ualdè, & separata. charitatis enim in animam ingressione, priorem esse, uel inde satis constat, quòd illius uis & potentia crimina omnia eluuntur. Quòd si ad rerum naturam animum aduertamus, facillè intelligemus, ea, quæ tempore disiungi nunquàm possunt, ordine esse quàm disiunctissima. quis enim ita cæcus est, qui nõ uideat, teterrimas tenebras toto aere circumfusas, non aliis machinis quàm candentis solis radiis expelli? Quis item nesciat, aerem illustrem esse ac clarum, nisi expulsis tenebris non posse? Quæ omnia si tempus spectes, simul esse, ac maximè coniuncta, satis inter omnes constat: si uerò ordinem, ac causam, primò quidem aduentantem solem, tenebras deinde luminis uim ac impetum declinantes, splendentem tandem aerem, & undiquaque clarum, intelligas oportet. Quod ipsum in rerum omnium generatione cernere est. fieri enim nulla ratione posse, ut ultima materiæ ad formam concipiendam præparatio, quam ultimam dispositionem uocant, materiæ insit absente forma, egregii Philosophi apertè demonstrant: illam tamen materiæ postremam præparationem ordine formam præire, uel ipsum præparationis, siue dispositionis nomen satis edocet. Quare minimè mirandum est, si dicamus, charitatem ordine ac causa anteire peccatorum interitum ac ueniam, cum tempore sint coniunctissima, neque ullo momento cum sceleribus illa esse simul possit. Quare impij iustificationem magis in charitate diuinam legem

gem complectente atque coercente, quæque mentem informans hominem Deo pergratum, perq; acceptū reddit, quàm in scelerum uenia positam esse, satis constat: quanquàm sine peccatorum uenia neque intelligi quidem iustificatio possit. Nèc enim æterna illa Dei sapientia, diuinusq; spiritus corpora habitat scèdissimis peccatis contaminata. à quibus expurgari, nisi aduentante iustitia, quæ diuinæ legis obseruantiam continet, nullo modo possunt. Charitas enim Dei diffusa est in cordibus nostris, per Spiritum sanctum, qui datus est nobis. Tum uerò Spiritus sanctus nobis confertur, quando, peccatis omnibus extinctis, in gratiam cum Deo redimus, iustiq; efficimur. Nisi ita iustificationem abijcis, & contemnis; ut iustos illos dicas, à quibus Spiritus sanctus abest quàm longissimè; qui tunc aduenire dicitur, cum mentem charitate perfundit. Quæ quia animum diuinæ legis amore informat atque ad illius obseruantiam incitat, & inducit, iustitia dicitur.

At inquis, si reconciliatio cum Deo, & adoptio nostra, dilectione comparatur, falsum est quidquid scriptura concionatur de reconciliatione, et adoptione per et propter Christum. iusto ergo dolore exclamabimus cū Paulo, si nostra charitate, quæ est legis summa, cū Deo reconciliamur, & filij Dei efficimur, frustra ergo Christus mortuus est.

Quàm uerò hîc Kemnicus turpiter labatur, & erret, satis intelliget, qui discrimen inter causam aliquid efficientem, & inter causam informantem perpende rit. formæ enim, quibus res quæpiam constituuntur, ab efficientibus causis quodammodo efficiuntur, atque exoriuntur, quare non solum causæ sunt, sed etiam effectus. Causæ uerò efficientes in uniuersa a-

tione sunt principes. Charitati igitur, nemo est, qui
 causæ efficientis in impij iustificatione nomen, ac di
 gnitatem tribuat, quod soli Deo omni ratione con
 uenit. is enim solus est, qui iustificat impium; is, qui
 Rom. c. 4. peccata delet propter seipsum; is, qui Spiritum san
 Iesa. 43. ctum donat; qui charitatem infundit, & à quo omne
 Iac. c. 1. datum optimum, & omne donum perfectum profi
 ciscitur: charitas uerò, illa forma est, quam Deus à
 seipso prouocatus, solaq; misericordia permotus mè
 tibus infert, cùm impios iustificat, & ob quam iusti
 dicimur. quippe quia, peccatis eius munere dele
 tis, in Dei gratiam reconciliamur, & humana mens
 diuinæ legi conformatur. Quare minime quidem
 Colonienſes sentiunt, impij reconciliationem cum
 Deo, dilectione nostra effici, sed ueluti perfici; non
 comparari, sed expleri, & tunc iustum quempiam di
 ci, cùm Spiritus sanctus in illius cor diuino benefi
 cio diffusus, charitate illud exornat, & locupletat.
 vnde constat, nihil eos Christi morti ac sanguini de
 rogare, qui charitatem, qua iustificamur, illi uni re
 ferunt acceptam. Quod præclarè admodum Conci
 lium Tridentinum explicauit. Nam iustificationis
 causas enumerās, efficientem inquit esse, misericor
 Sess. 5. dem Deum, qui gratuito abluit, & sanctificat, signās
 sub Pau- & sanctificans spiritu promissionis sancto; qui est pi
 lo. 3. c. 7. gnus hæreditatis nostræ; meritoriam autem dilectis
 simum unigenitum eius filium dominum nostrum
 Iesum Christum, qui cùm essemus inimici, propter
 nimiam charitatem, qua dilexit nos, sua sanctissima
 passione in ligno crucis nobis iustificationem me
 ruit, & pro nobis Deo patri satisfecit. Formalem de
 mum

num (ut cæteras taceam) iustitiam esse Dei, non quæ ipse iustus est, sed quæ nos iustos facit; quæ uidelicet, ab eo donati, renouamur spiritu mentis nostræ, & non modò reputamur, sed uerè iusti nominamur, & sumus. Hanc uerò nos iustitiam, charitatem esse dicimus, quæ legem uniuersam coercet, & continet, cuius officia sacræ literæ iustitiam uocant. quæ & D. Aug. ait nos sanctificari, efficiq; ne à Deo auertamur, sed ei potius quàm huic mûdo conformemur.

NEMO uerò mihi obiciat Paulum, abiciens tem & cõtēnētem iustitiam, quæ ex lege est, extollentem uerò atque mirum in modum commendantem illam, quæ est ex fide; & inter ea, quæ propter Christum quasi summa detrimenta despicienda esse putauit, enumerantem, iustitiam, quæ in lege est, ut ne scilicet inueniretur in Christo, iustitia quæ ex lege est, sed illa, quæ ex fide Christi excitatur, auctus atque exornatus. Nam si omnia Pauli loca, in quibus de hac iustitia, quæ ex lege habetur, sermonem facit, diligenter expendamus, fiet sanè compertum, non quidem illam, quæ in iusta ac pia legis obseruatione posita est, improbare, sed eam, quæ cum summa quadam mentis elatione coniuncta, non diuinæ gratiæ opibus, sed solis liberi arbitrij uiribus ascribitur; nec ardēti in Deum charitate, sed cruciatuum, quos lex minitatur, terrore comparatur. Multis uerò iam demonstrauius, officia sine diuini numinis auxiliis atque amore suscepta, fucatas magis quàm ueras uirtutes esse. Quare eandem ipsam iustitiam, modò ex lege, modò suam uocat Paulus, hoc est (ut sancti patres interpretantur) propriis laboribus, ac sudo-

*August.
de mori-
bus Eccle
siæ Catho
licæ.
Philippé
ser. c. 3.*

Rom.
c. 10.

ribus partam, non diuina liberalitate tributam. Quocirca in epistola, quā ad Romanos scribit, summæ ignorantiaē condemnat Iudæos, quod ignorantes Dei iustitiam, idest quam Deus gratis donat, peccatorum uenia, legisq; officijs constantem, suam uerò, hoc est, proprijs uiribus comparatam, inani quadam arrogantia ostentantes, iustitiæ Dei non sint subiecti. iustitiam autem Dei, siue iustitiam fidei, illam Paulus uocat, quæ fide excitata, diuinoq; beneficio ac munere hominum mentibus impressa, ad legem obseruandam inducit: quare legis etiam iustificati-

Rom. c. 8.

tionem, eam Paulus appellauit. multum enim apud Paulum interest inter iustitiam ex lege, & iustitiam legis. iustitia. n. legis, in legis studio posita est, quod non naturæ uires, non terror, quem lex incutit, sed charitas Dei diffusa in cordibus nostri per Spiritum sanctum nobis abundè donatum, suppeditat. Quid uerò sit iustitia ex lege, apertè sanè D. Aug. explica-

August.
libro de
gratia
Christi
c. 13.

uit, cum ait, Tantum inter legem distat & gratiam, ut cum lex esse nō dubitetur ex Deo, iustitia tamen, quæ ex lege est, non sit ex Deo, sed iustitia, quæ per gratiam consummatur, ex Deo est, quia ex lege iustitia dicitur, quæ sit per legis mandatum, iustitia ex Deo dicitur, quæ data est per gratiæ beneficium, ut non sit terribile, sed suaue mandatum, sicut oratur in Psalmo, Suauis es domine, & tua suauitate doce me iustitiam tuam: idest, ut non formidine pœnæ seruiliter cogar esse sub lege, sed libera charitate delecter esse cum lege. præceptum quippe liber fecit, qui libens facit. Nam qui non uoluntate (ut inquit Primasius) sed timore non peccat, in ipsa profectò uo-

Primas.
in. 3. c.
epist. ad
Philipp.

lun-

luntate intus peccat. Quare iustitia ex lege, & iustitia fidei, non quidem officijs (utraq; enim legis obseruantiam habent necessariò coniunctam) sed officiorum modo distinguuntur. Illa.n. aut cruciatuum metu, aut sola legis confidentia ad obseruandum legem inducitur, hæc uerò diuinis tamen auxilijs fidei, diuiniq; spiritus impulsione atque charitate excitatur. Quod D. Aug. satis explicat, cum interpretatur locum Pauli ad Romanos, Ignorantes Dei iustitiam, & suam uolentes constituere, iustitiæ Dei non sunt subiecti. suam uerò (inquit) iustitiam dicit, eos uolentes constituere, quæ iustitia est ex lege, non quia lex ab ipsis sit cõstituta, sed in lege, quæ ex Deo est, iustitiam constituerunt, quando eam legem suis uiribus se implere posse credebant, ignorantes Dei iustitiam, non qua iustitia Deus iustus est, sed quæ iustitia est homini ex Deo. Et ut sciatis hanc illum eorum dixisse iustitiam, quæ est ex lege, hanc autem Dei, quæ homini est ex Deo, audite quid alio loco dicat, cùm de Christo loqueretur, Propter quem omnia (inquit) non solum detrimenta esse credidi, uerum etiam ut stercore existimaui, ut Christum lucrifacerem, & inueniar in illo, non habens meam iustitiam, quæ ex lege est, sed eam, quæ est per fidem Christi, quæ est ex Deo. Quid est, non habens meam iustitiam, quæ est ex lege, cùm sua non esset lex ipsa, sed Dei? nisi quia suam dixit iustitiam, quanuis ex lege esset, quia sua uoluntate legem se posse putabat implere, sine adiutorio gratiæ, quæ est per fidem Christi, quæ est ex Deo. Hæc Aug. neque uerò dubitare integrum est, Iudæos, qui olim non legi fidentes, aut pro-

*August.
de gratia
& libero
arbit.
Ro. c. 10*

*Philipp.
c. 3.*

Luc. c. 1.

propriis uiribus fulti, sed diuinæ gratiæ auxilijs confisi, charitateq; confirmati, in legis studia piè, & religiosè incumbabant, fuisse iustificatos. Iustos enim coram domino appellat Lucas, Zachariam, & Helisabeth, quippe quia ambulabant in omnibus mandatis, & iustificationibus domini sine querela. Illam tamen iustitiam non lex, sed diuina largitas donabat, etsi cum legis obedientia necessitate maxima connexa esset, & implicata; quinimmo habitus esset quidam, diuina lege atque uoluntate confirmatus, ut demonstrauiamus.

Gala. c. 2

SED ne iustitiæ expertes iustos appellare Kemnicius uideretur, *Iustos*, inquit, *nos esse, ob solam Christi iustitiam nobis diuina misericordia non donatam quidem, sed imputatam, ut scilicet, dum misero homini apud seuerissimum diuinæ iustitiæ tribunal profligatissimorum scelerum conuictō, Christi iustitia, quam fide apprehendit, adiudicatur, liber euadat iustusque pronuncietur.* Quam amentissimam insaniam, cum multis ac magnis rationibus Colonienſes in Monhemio reprehendissent, illas Kemnicius eludere magis, quàm soluere conatur, cum iniuriosos eos, & quàmmaximè contumeliosos in Christum Dei filium, illiusq; diuina merita, uocat; quippe qui nouam hanc, fictam, atq; commētitiā iustitiā improbant. quod solo Pauli testimonio confirmat, *Viuo ego, iam non ego, sed uiuit in me Christus.* Quibus uerbis, Paulū significasse arbitratur, illis tantūmodò Christum uitam esse, quibus illius iustitia imputatur, quiq; non propria, sed Christi iustitia iustos se esse fatentur. At quorum mentibus, Christi beneficio iustitia impressa est, & consignata, neque iusti à Kemnicio, neque

que in Christo uiuere, sed mori potius dicuntur. Quæ quidem satis profligata esse puto his argumentis, quibus demonstrauius, non in sola scelerum uenia, sed in charitate potissimum, iustificationem positam esse; ex qua cum iusti nominemur, iustitia Christi non quidem imputata nobis, sed cōmunicata nobiscū uideri debet. de plenitudine nanq; eius nos oēs accepimus. Nā cum is nō sua, sed nostra causa in terras descēderit, humanæq; naturæ copulatus tot se calamitatum generibus addixerit, miserijs implicauerit, horrendosq; cruciatus pertulerit, nō sibi quidem, sed nobis iustitiam promeruit, quam potissimum intuebatur, & quò omnes suas actiones, consilia, uniuersæq; uitæ cursum dirigebat. Eum enim, qui non nouerat peccatum, pro nobis Deus peccatum, hoc est, hostiam, ceu piaculum fecit, ut efficeremur iustitia Dei in ipso. Quocirca iustitia nostra, quam Paulus, cum ad humanarum actionum infirmitatem animum aduertit, gratis nobis conferri dixit, unde & gratia dicitur, Christi meritis, non tam ex diuina liberalitate, quàm ex æquitatis, iustitiæq; ui debetur. Neque enim audiendi ij sunt, qui sophisticis quibusdam rationibus permoti, Christi dignitati tantum derogant, ut in egregijs, planeq; diuinis eius meritis, atque pro nostris in Deum criminibus, cumulatissimis satisfactionibus, non iustitiæ uim, sed singularis cuiusdam clementiæ, ac misericordiæ Dei patris rationem, quam meritum de congruo uocant, agnoscunt. Neque enim ingeniosi alioqui homines aduertunt, satisfaciendi pro nefarijs hominum sceleribus officium, non humanæ Christi naturæ

Ioan. c. 1

2. ad Cor. c. 5.

Ro. c. 4.

Diu. 3.
sent. dist.
20. q. 2.

ORTHODOX. EXPLIC.

ræ solùm, sed ipsius personæ, quæ diuina est, atque
 idcò infinitam uim continet, conuenire. Cuius cum
 tanta sit dignitas & amplitudo, ut quam naturam si-
 bi copulasset, non posset Deus optimus & iustissimus
 non diligere, Dei certè patris in humanam filij sui
 naturam inflàmatus amor, non solùm patris sponta-
 neæ liberalitati, sed filij etiam præstantiæ, atque ex-
 cellentiæ tribuendus est. Quæ efficiebat, ut omni-
 bus, quæ cum Christi fuissent diuina persona copu-
 lata, ex iustitia diuinus amor deberetur. Quare cu-
 mulatissimè, atque per infinitam redundantiam,
 pro nostris in Deum sceleribus satisfecit, & iusti-
 tiam, sanctitatem, omniaq; animi ornamenta nobis
 Heb.c.5. promeruit. vnde est, quòd uitæ auctorem atq; còsum-
 matorem Paulus illum uocat, æternamq; redemptio-
 nem, hoc est, perfectam iustitiam, ab illo fuisse in-
 uentam dicit. Cumq; in diebus carnis suæ, atque in
 carne mortali agens, preces, supplicationesq; ad Deū
 patrem cum clamore ualido, & lacrymis pro nobis
 fudisset, exauditus fuit pro sua reuerentia, hoc est
 (ut Anselmus ait) quia ob filij Dei amplissimam di-
 gnitatem, dignus erat, qui exaudiretur. Quantope-
 re uerò illi fallantur, qui ex infinitis beneficijs, qui-
 bus humana Christi natura Deo patri deuincta e-
 rat, & deligata, concludunt, non potuisse pro nobis,
 ex iustitia satisfacere, uel ex eo satis constat, quòd
 is, qui quandoq; parem beneficijs acceptis gratiam
 referre nullo modò potest, debitum in quod sceleri-
 bus incurrit, soluere cumulatissimè queat. fieri nan-
 que potest, ut uis, atque opes, quæ beneficiorū mul-
 titudine ac præstantia sunt longè inferiores, susce-
 ptorum

ptorum scelere atrocitatem quàm lōgissimè antecel-
lant. quibus accedit, quòd quæ à Deo accepimus be-
neficia, reddenda gratia augentur, quæ uerò admissi
mus scelera, satisfactionibus extinguuntur. Quare
quanuis beneficia, quæ à Deo patre Christi huma-
nitas accepit, magis ac magis perpetuò augerētur; il-
lorū tamen tanta erat uis & potentia, ut pro nobis sa-
tisfacere cumulatissimè Christus potuerit, quinim-
mo quòd maioribus fuerat à Deo patre beneficijs o-
neratus, eò maiorem habebat ad satisfaciēdum pro
humano genere uim atq; uirtutem. ut uerò ad insti-
tutam disputationē reuertamur, cū in nobis inhæ-
rere iustitiam dicimus, minimè sanè Christi iustitiæ
ac meritis uim, auctoritatē uē derogamus, quem
iustitiæ nostræ auctorem, atque consummatorem a-
gnosceamus, & cui omnia animi ornamenta accepta
referimus, sed augemus potius, & amplificamus;
cū non fictitiā atque imputatiuā iustitiā,
qua ii, qui re ipsa scelerati sunt, & inquinati, iusti ha-
bentur, nec sunt, sed ueram, solidam, atque expres-
sam animoq; mirabiliter insignitam, atque impres-
sam, nobis promeruisse dicimus. Neque enim exco-
gitari quidquam potuit, quod magis iustificatoris
nostri Christi dignitati detraheret, quàm excellen-
tissimā illam perfectissimāq; iustitiā, quæ illi
tantis laboribus constitit, adumbratā, atque im-
putatiuā nominare. Cū præsertim ueterum pa-
trum, qui Christū ætate præcucurrerunt iustitiā, non
imputata quidem, sed uera atque expressa dici ulla
ratione potuerit. Quare & de Adamo D. Cyrillus
ait, quòd tam diu in paradiso mansit, quàm diu gra-
tiam

2. lib. in
Ioan. c. 3

ORTHODOX. EXPLIC.

tiam creatoris Spiritu sancto inhabitante seruauit. Neque enim imputari Christi redemptoris nostri iustitia illi potuit, qui nondum culpam admiserat, quæ Christi sanguine atque iustitia foret expianda. Cum uerò Christus iustitiam Adamo collatam non euertere, sed instaurare; non mutare, sed augere & amplificare uenerit, atque saluum facere, quod perierat, nostra certè iustitia non imputata, sed uera esse animumq; ipsum informare debet. Quocirca cum Dauid suscepti sceleris immanitate deterritus, & Natham prophetæ oratione prouocatus, ad misericordiam à Deo lacrymis, & oratione impetrandam animum conuertit, non solam scelerum ueniam, sed etiam iustitiam, quæ ipsius animum illustraret, atque exornaret, deprecatur, Cor mundum; (inquit) crea in me Deus, & spiritum rectum innoua in uisceribus meis. Ne proijcias me à facie tua, & Spiritum sanctum tuum ne auferas à me. Redde mihi lætitiā salutaris tui, & spiritu principali (seu potius נְרִיבָה spon-
tanco) confirma me. dicitur autem Spiritus sanctus, quo impii iustificantur, uoluntarius, siue spontaneus, quia in libertatem filiorum Dei illius munere uendicati, eiusdem impulsione diuinæ legi non coactè, sed sponte, & summa cum uoluptate paremus. Quod D. Paulus apertè iis uerbis significauit dum
inquit, Gratias Deo quòd fuistis serui peccati, obedistis autem ex corde, in eam formam doctrinæ, in qua traditi estis; liberi autem à peccato, serui facti estis iustitiæ, quæ non coacta, sed liberalis & quàmmaximè spontanea seruitus est.

Psal. 50.

Ro. c. 6.

NON inficior quòd si nullam nobis aliam iustitiam

tiam Christus promereri, quàm imputatiuam hanc, quam Kemnicius, eiusq; impurissimi præceptores fingunt, uoluisset, magno etiam nos beneficio affecisset. Nam cùm peccati ui ita essent humanæ uires prostratæ & debilitatæ, uq̃ad iustitiam neque aspirare quidem possemus; quacunque nos ratione à diuina indignatione, sempiternisq; cruciatibus uendicare, & iustos habere uoluisset; infinito nos sanè beneficio cumulasset. At cùm suam iustitiam non imputare nobis, sed impartiri, nosq; iustos non habere modò, sed efficere uoluit, tanto certè maioribus beneficiis humanum genus cumulauit, quantum uera iustitia imputatiuæ præstat, quantumq; iustum esse, excellit, iustum haberi. Quare uos quidem, Kemnici, in Dei filium humani generis liberatorem iniuriosi estis, uos inquam, illius amplissima beneficia imminuere, attenuare, atque deprimere studetis, qui eal peccata manere dicitis, quæ ipse sanguinis sui lauacro deleuit: sordibus eos inquinatos esse iudicatis, quos ipse infinita uirtute mundauit, iustitiamq; nobis illam præripere conamini, quam multis cum laboribus ac sanguine, humano generi promeruit. Fatemur namque nos cum sacro Concilio Tridentino, misericordem Deum, causam esse efficientem iustitiæ. Neque charitatem solùm, fidem atque sanctitatem, sed quas uis etiam animi opes Dei dona esse, neque nostris uiribus, aut meritis comparari posse. Christum etiam Iesum Dei & hominum mediatorem, confitemur nobis omnem iustitiam promeruisse, nihilq; spiritualis cœlestisq; boni cōtingere hominibus posse, quod ipsi non debeamus, referre acceptum. Iustificati enim

*Conciliū
Trident.
sub Paul.
3. Sess. 6.
cap. 7.*

- Rō. c. 3.** sumus gratis per gratiam cœlestis patris. verum per redemptionem, quæ est in Christo Iesu, quem proposuit Deus propitiatorem per fidem in sanguine ipsius. Quocirca & si gratis à Deo iustificamur, quia nostris antecedentibus meritis iustitia nullo modo debebatur, Christus tamen persoluto precio, nos à dæmonū tyrānide uendicauit, & luit pœnas nostris sceleribus debitas. Quod Græca uoce ἀπολύτρωσις, Paulus apertè innuit, quæ redēptionem illam significat, quæ soluto precio fit. quò ēt spectant, quæ idē
- Eph. c. 2.** Paulus alibi ait, Nunc autem in Christo Iesu uos, qui aliquando eratis longè, facti estis propè in sanguine Christi. ipse enim est pax nostra, qui fecit utraque unum. Quomodo uerò duos, hosce Gentilium ac Iudæorum populos tam disiunctos coniunxerit, mox explicat, Quoniam (inquit) per ipsum habemus accessum ambo in uno spiritu (quò scilicet impij iustificantur) ad patrem. Ne uerò quis existimaret, hunc spiritum, credentibus in Christo communicari, per Christi iustitiam illis tantum imputatam, dixit eos signari spiritu promissionis sancto, qui est pignus hæreditatis nostræ. negare uerò nemo potest, cœlestis atque sempiternæ hæreditatis pignus nobis conferri cum à peccatis iustificamur. Qui quidem spiritus testatum apud omnium animos reliquit, iustitiam atque redemptionem nobis in Christo contingere. neq; est quòd propositionis, in, uim nobis obiicias, atque ex ea concludas, non aliter nos iustificari, quàm imputata nobis iustitia, quæ in Christo est. nam qui in sacris literis fuit aliquanto uersatus, & aliqua Hebraicæ linguæ, cuius uim atq;
- proprieta-

proprietatem D. Paul. retinere solet, cognitione im-
 butus, satis intelliget, propositionem, in, pro, per, sæ-
 pius usurpari. Quare quæ nos in Christo habere
 Paul. ait, per Christum intelligenda sunt nobis ac-
 cidere. nam Deo, inquit, Patri placuisse omnia *Colossen.*
 per Christum reconciliari. quod quidem fit paci- *c. 1.*
 ficans per sanguinem crucis eius, siue quæ in ter-
 ris, siue quæ in cœlis sunt. Vnde etiam est, ut idem
 Paul. in Christo dicat nos redemptionem, sapien-
 tiam, pacē, omnia deniq; bona spiritualia fuisse con-
 secutos. Benedictus (inquit) Deus, & pater domini *ad Ephef.*
 nostri Iesu Christi, qui benedixit nos in omni bene- *cap. 1.*
 dictione spirituali in cœlestibus in Christo. Quare
 qui hac loquendi forma inducuntur, ut nulla nos iu-
 stitia informari, sed ipsam Christi iustitiā nobis im-
 putari arbitrentur, dicant certè necesse est, neque sa-
 pientiam, neque pacem, neque sanctitatem, neq; spi-
 ritualem aliquem ornatum nobis inesse: sed solūm
 diuinas Christi opes nobis imputari, quinimmo ne-
 que prædestinatum quempiam à Deo esse, quippe *ad Ephe.*
 quia in Christo fuisse sanctos prædestinatos ante *cap. 1.*
 mundi constitutionem, idem Paul. testatur. Atq; ita
 quæ ab Adamo contraximus mala, usque adeò uera
 dicēs, ut separari nulla ui, aut ratione possint. quæ ue-
 rò à Christo accepimus bona, imputata solūm & ficti-
 tia crunt.

NON tamen ita insanit Kemnicius quin confi-
 teatur, in mentis cum Deo reconciliatione, *simul da-
 ri Spiritum sanctum, qui mentem illuminat, cor renouat, noua dona,
 & nouas uirtutes inchoat in mente uoluntate & corde renatorum.*
 Iustitiam tamen non in hisce animi opibus, sed in so-
 la

ORTHODOX. EXPLIC.

la peccatorum uenia, atque in imputatione iustitiæ Christi positam esse arbitrat. Sed age dum uideamus, quid est, quod Iustitiam, quam sanctitatis, atque renouationis quasi fundamentum ponis, non expressam, sed imputatiuam dicas, cæteras uerò animi opes ueras esse, animumq; illustrare confitearis. cum præsertim æquè omnia à diuina liberalitate, Christi; in nos meritis, atq; singulari amore pendeant. At inquis, cum iustificatio in sola peccatorum uenia posita sit, Christi sola iustitia nobis imputata sufficit, ut nos Deus iustos, omnibusq; sceleribus liberos & immunes pronunciet. Perge quæso, & nouā hanc iustificandi rationem magis explica. ob Christi iustitiam, fide apprehensam nobisque imputatam, ita ne scelera omnia condonari putas, ut omnis lues atque macula, quam anima peccando contraxerat, abstergetur, illiq; pristina elegantia, & uenustas ita restituatur? sicut Dominus apud Iesaiam pollicetur, Si fuerint (inquit) peccata uestra ut coccinum, quasi nix dealbabuntur, & si fuerint rubra quasi uermiculus, uelut lana alba erunt. aut certè quemadmodum iustitiā, ita & peccatorum ueniam imputatam esse existimas? hoc est, quod cum iustificati hominis mens, turpis, deformis, fœdissimisq; sordibus inquinata maneat, tamen ob Christi iustitiam sibi imputatam, iusta ac munda pronuncietur. atque ita, qui innumeris est peccatorum maculis contaminatus, mundus non quidem fiat, sed habeatur? Si illud primum (quod cum sacris literis maximè consentit) tibi magis ut debet, arridet, aliquid certè Deū in anima, quam ex deformi pulchram, ex inquinata decoram,

coram, ex foeda elegantem reddit, efficere existimare debes. Neque enim sine magna aliqua mentis mutatione foedissimæ peccatorum sordes elui atq; extinguere, egregia uerò quædam puritas, atque integritas comparari potest. Quare non in sola imputatione iustitiæ Christi, impij hominis iustificatio, sed in mentis illa præclara immutatione posita erit. Quod si peccatorum impuram luem iustificatas mentes occupare arbitraris, an non uides, mendacii te Deum æquissimum atque uerissimum iudicem conuicere, qui impuros, nefarios, maximisq; flagitiis inquinatos iustos atque incontaminatos pronunciat? Expende igitur, Kemnici, quis maiorem ignominiam Deo Patri & Christo Iesu eius filio innurat; aut quis firmiori consolatione hominum mentes priuet, nos ne qui omnia crimina, Christi meritis deleri prorsus, mētes uera iustitia perfundi atq; obsignari, diuinisq; opibus & ornamentis illustrari contendimus, an uos, qui peccatorū maculas immobiles esse, mentibusq; semper hære, neque uera iustitia miseros homines unquam insigniri, sed tantum iustos à Deo haberi, cum sint infinitis maculis delibuti, arbitramini? ut igitur rem paucis absoluam, qui nullis sunt præcōceptis erroribus obcæcati, sed in diuinarū literarū studiis purè & candidè uersantur, sanctis intelligunt, imputari Christi iustitiam aut in Christo nos iustificari, siue Christum esse nostram iustitiam, nihil significare aliud quàm Christum ueram expressamq; iustitiam nobis promeruisse, quæ peccatorum tenebras propulset, mentem informet, diuinisq; ornamentis illustret, atque nos efficiat diuinæ consortes

autem in carne non estis, sed in spiritu, si tamen spiritus Dei habitat in uobis. Si quis autem spiritum Christi non habet, hic non est eius. unde fit perspicuum, eos, qui Christi spiritu fruuntur, & quibus Christus uita est, non quidem carnis cupiditates sitienter cōsectari, sed diuini amoris impulsione tanquā uitali quadam ui gubernari. Cum uerò iustis omnibus Christus uita sit, (ut Kemnicius confitetur) iustitia certè sine Christi amore extare nullo modò potest, quinimmo charitas est ipsa uera atq; perfectā iustitia. unde est quòd maximas gratias Paulus Deo *Ephe.c.1* agit, quòd in Christo nos prædestinauerit ante mundi constitutionem, ut essemus sancti & immaculati in conspectu eius in charitate. quippe quæ omnium peccatorum numerum delet, & extinguit.

NISI uerò effrenatā Kemnicii calumniandi libido nota admodū esset, & explorata, mihi sanè maximam admirationem mouisset, quòd affirmet, Colonienfes patres iustitiam Dei in Euangelio reuelatam ita definire, Est uirtus in Deo, quæ iuxta uniuscuiusque dignitatem singulis tribuit, cū eo in loco non quidem de iustitia, quam Paulus inquit, in *adRo.c.1* Euangelio reuelari, ex fide in fidem, neque de ea, ex qua iusti nominamur, uerba faciant, sed de illa Dei iustitia, quæ in suū cuique tribuendo cernitur. Nam cum multis sanctorum patrum testimonijs probarēt, iustorum præclara opera plurimū apud Deum mereri, inter cæteros testem adferunt Dionysium illum Arcopagitam, qui eā, inquit, in Deo iustitiam commendari qua iuxta uniuscuiusq; dignitatem singulis tribuit. nanq; eos, qui fidem præclaris actionibus

exornarūt, æternis præmijs afficit, illos uerò, qui turpissimis se flagitijs inquinarunt, sempiternis cruciatibus addicit. quod iustitiæ genus in distribuendo cuique suum, positum esse constat. At cum de iustificationis nostræ causis agunt, Tridétini Cōcilij sanctissimis diffinitionibus inhærentes, formalem causam nostræ iustificationis esse aiunt, Dei iustitiam, nō qua ipse iustus est, sed qua nos iustos facit, quæq; in animum nostrum ipsius benignitate infusa cum pulchritudine sua exornat. quare non in Deo, sed in animis nostris impressa est, atque infixæ.

NE uerò quicquam esset à calumnijs & reprehensione liberum, non maledictis modò, sed horrore atque stomacho prosequitur Kemnicius Colonienſes, quòd animum dicant ad iustitiam fidei, spei, & charitatis motibus præparari. Id nanq; & in Christū contumeliosum esse, & de meritorū illius dignitate plurimum detrahere, arbitratur. *Nam si hæc, inquit, nostra propria sunt, quæ oportet in nobis adesse, priusquam donetur nobis prima illa quam, sic uocant, iustificatio, quid igitur et quantum, quæso est, quod merito Christi, etiam in prima Iesuitarum iustificatione tribuatur? Quid alijs accidat nescio, ego sanè exhorresco hæc referens. Tu lector considera, si ante primam iustificationem in homine adest fides, charitas, misericordia, spes, & alia multa, quæ Iesuitæ nolunt enumerare, quid igitur prior illorum iustificatio confert, quam Christi merito dicunt donari? utinam uerò, Kemnici, simulatæ huic tuæ pietati, animi candor, ueritatisq; ardens studium respondisset. neq; enim tuam hanc orationem acerbitatis, indignationisq; plenissimam, non mirificè commendare potuissem, Cum esse nihil posse existimem, quod aut Christianas aures offendere magis, aut*
pios

pios animos irritare iustius possit, quā fidem, spem
 charitatem, uirtutumq; maximarum splendorem no-
 stris uiribus grauissimorum scelerum contagio fra-
 ctis atque debilitatis, ascribere, & Christo bonorum
 omnium auctori, & cui nostra iustitia tantis labori-
 bus constitit, non referre acceptum. sed ubi, quæso
 te, societatis Iesuiri piissimi, & eruditissimi tantas
 hæc animi opes, nostras proprias appellarunt? ubi
 tradiderunt non Christi meritis, sed nostris esse uiri-
 bus attribuendas? Legi ego quidem Colonensem
 censuram accuratè & diligenter, non tamen reperire
 uerbum ullum potui, quod tantam hanc impieta-
 tem præferre aliquo modò uideretur. Sed multis
 ac magnis rationibus sanctorumq; patrum apertissi-
 mis testimonijs, ut sæpius inculcauimus, demonstrant
 præclaras omnes animi dotes, uirtutumq; omnium
 splendorem à diuina gratia, atque Christi meritis
 proficisci. Quare si te sola religio, meritorumq; Chri-
 sti dignitas mouet, nihil est quòd Iesu societati suc-
 censeas, quæ confitetur, præueniente Dei gratia
 torpentes animos ad egregios fidei, spei, & charita-
 tis motus, acerbumq; in omne peccatorum genus o-
 dium excitari, cui gratiæ neque assentiri liberum ar-
 bitrium possit, nisi eadem fuerit Dei gratia erectum
 & recreatum, ut abundè cum de peccato & libero ar-
 bitrio ageremus, demonstrauius: quam tamen gra-
 tiæ tantam copiam Christus Iesus in nos unà cum
 sanguine effudit. unde est, quòd nos illi non solum
 iustificationem, sed egregios omnes animi motus,
 qui iustitiam ueluti quædam animi præparationes,
 atque præmunitiones antecedunt, referamus acce-

*Cōcilium
Arausi-
canū. c. 4.*

ptos. Confitemur nanq; cum Arausicano Concilio, quòd si quis, ut à peccato purgemur, uoluntatem nostram Deum expectare contendit, non autem ut etiā purgari uelimus, per sancti Spiritus infusionem & operationem in nos fieri constet, resistit ipsi Spiritui sancto, per Solomonem dicenti, Præparatur uoluntas à Domino. & Apostolo salubriter prædicanti, Deus est, qui operatur in nobis, & uelle & perficere pro bona uolūtate. & cum Palæstina Synodo, gratiā Dei ad singulos actus dari, atq; itē quòd quādo contra tentationes, concupiscentiasq; illicitas dimicamus, quanuis illic habeamus propriā uoluntatem, non tamen ex illa, sed ex adiutorio Dei uictoriam nostram esse. Nam cū Theologi nostri, à quibus Colonienſes doctrinam pietatis plenissimam hauserūt, gratiam diuidant in antecedentem siue præuenientem, & subsequētem; antecedentemq; illam dicant, qua Deus sceleratos ad iustitiam præparat & premunit, subsequētem uerò ipsam iustitiam uocent, quæ hominum animos informat & illustrat, Deoq; gratos facit, utranque sanè gratis à Deo, ob sola Christi merita conferri, certò & constanter affirmant. Præuenit (inquit Aug.) nos Dei gratia ut sanemur, subsequitur, ut sanati uegetemur. Neque enim sacræ literæ sanctiq; Patres tanta nos cōtentione adhortarentur, ut animi hanc præparationem à Deo efflagitaremus, si à sola nostra potestate pendere arbitrentur. Quare non est quòd aut Christi merita, quæ quantum maximè possumus ornamus, atque amplificamus, nobis obijcias; aut à præparationis nomine tantopere abhorreas. nam cū sola fide ap-
prehē-

*Aug. de
natura et
gratia. c.
32.*

prehendente Christum, nos iustificari asseris, non obscure quidem fidei præparandi ad iustitiam animi officium tribuis. neque enim ita insanis ut fidem ipsam, iustitiam esse existimes, sed fide animum præmuniri arbitraris ut sibi Christi iustitia imputari possit. Tot uerò sunt, ac tam aperta sacrarum literarum testimonia, quæ præparationis huius necessitatem demonstrant, ut illis non magis repugnare, quam soli splendorem eripere possis. Ecclesiasticus enim cum timori Domini expellendi peccatum uim & potentiam tribuisset, atque asseruisset, sanctissimi huius timoris expertes non posse iustificari, tantam illius uim magis explicans ait, Qui timet Deum, præparabunt corda sua, & in conspectu suo sanctificabunt animas suas. Cum enim sanctissimam hanc præparationem, quam Dei timor mentibus ingenerat, iustitia necessitate quadam sequatur, non immerito sanè illi iustificationem nostram ascribit. Cum item Deus significare uoluit quàm sibi gratum esset templum à Solomone tam magnificè exædificatum, atque fuisset pollicitus, quemuis eo in loco, & scelerum omnium ultionem declinare, & illorum ueniam impetrare facile posse; ne quis existimaret, in templi parietibus, aut in magnificæ ædis sanctitate, diuinam misericordiam inclusam esse, ait; Si clausero coelum & pluuia non fluxerit, & mandauero atque præcepero locustæ ut deuoret terram, & misero pestilentiam in populum meum (quæ susceptorum scelerum supplicia esse solent) conuersus autem populus, super quos inuocatum est nomen meum, deprecatus me fuerit, & exquiescit faciem meam, & egerit poenitentiam à uitiis suis

Eccl. c. 1.

Eccl. c. 2.

2. lib. Paralip. c. 7

fuis peſſimis; & ego exaudiam de cœlo, & propitiuſ
ero peccatis eorum, & ſanabo terram eorum. Non ui
des, quam diuinæ miſericordiæ impetrandæ, iuſti
tiamq; conſequendi rationem iuſtus, ac clemens Do
minuſ demonſtrauerit? Quē etiam ſonum, uox il
la;

Ieſa. c. 4. la; quam acriter in deſerto clamantem. Ieſaias audi
uit, edebat, Parate (inquit) uiam Domino, rectas fa
cite in ſolitudine ſemitas Dei noſtri. quam uerò

Marc. c. 1. Domini uias præparandi rationem inierit, ſatis ex
plicauit Marcus, qui Ioannem ait ueniſſe prædicare

Marc. c. 1. baptiſmum pœnitentiæ, in remiſſionem peccato
rum: non quidem quod Ioannis baptiſma ullam de
lendi peccata uim haberet, ſed quia hominum ani
mos pœnitentia præfulciebat, & præparabat, ut ni
hil eſſet, quod aduentantem Chriſti gratiam retarda
re, aut peccatorum ueniam impedire potuiſſet. Qui

Marc. c. 1. uerò & rei naturam & iuſtificationis rationem dili
genter perpenderit, ſatis intelliget, iuſtificari nemi
nem poſſe, qui non fuerit prius fidei ſplendore illu
ſtratus, ſpe erectus, charitatisq; in Deum facibus in
flāmatuſ. ut uerò de fide taceam, quam Kemniciuſ

mirum immodum efferit, & cōmendat, & in qua uni
uerſam iuſtificationis uim collocat, quā fieri poteſt,

ut quis ſclerum conſcientia cruciatus, & diuinæ iræ
ſenſu perterrituſ animum conuertat, ut fide Chri
ſtum apprehendat, à quo ſolo peccatorum ueniam,

iuſtitiam atq; ſanctitatem pendere intelligit, ni fue
rit in magnam ueniam, atque iuſtitia conſequendæ

ſpem ingreſſuſ? qua niſi erectuſ fuiſſet, & recreatuſ,

in perpetuiſ ſanè peccatorum ſordibuſ ac ſœcibuſ

uolutaretur. Debet enim in ſpe, qui arat, arare, &

qui

1. ad Cor. c. 9.

qui

qui triturat, in spe fructus percipiendi. unde est ut fa-
cræ literæ spei attribuant nostram iustificationem. spe enim (inquit Paul.) nos saluos fieri. & cùm Ioan. *Rom. c. 8*
filiorum Dei dignitatem commendat, quibus Deus
ipse summa atque sempiterna hereditas, futurus est,
Omnis (inquit) qui habet hanc spem, sanctificat se *1. Ioan. c. 4.*
ipsum, hoc est, fieri certè non potest, quin ij, qui ma-
xima certissimaq; spe tenentur, fruendi diuino con-
spectu, ad dignitatem filiorum Dei non aspirent, at-
que omnem operam nauent, ut iustitiæ & sanctita-
tis ornāmēta, sine quibus nemo uidebit Deum, con-
sequantur.

Qv i s deinde sempiternæ fœlicitatis desiderio
æstuans, potest non summo amore Deum prosequi,
in quo omnem habet spem positam, & colloca-
tam? Cùm igitur ueram fidē, cui iustificationem tri-
buis, Christum ut salutis atque iustitiæ auctorem re-
spicere dicas, aut certè humana mens illum maxi-
mopere diligit, aut neq; ueram iustitiam expetere,
neque se ad illam consequendam adiungere censen-
da est. Quibus accedit, quòd cùm animus tam diu à
Deo auersus sit, quàm diu peccatorum uinculis con-
strictus tenetur, iustitia uerò diuinus nodus sit, qui
mentem cū Deo aptat & coniungit, necesse quidem
est, humanum animum contrarijs motibus ad iusti-
tiam atque ad peccatum ferri. Cùm igitur peccare
nihil sit aliud quàm amorem à Deo summo & incō-
mutabili bono auertere, & in labentibus, caducis, ac
facile commutabilibus rebus collocare, nulla certè
alia patere potest ad iustitiam uia, quàm omnem a-
morem in Deum transferre, & ab infimis atque abie-
ctis

† ORTHODOX. EXPLIC.

Etis rébus abalienare; unde iustificatio, conuersio in
 sacris literis sæpe dicitur; quippe quia animus à la-
 bentibus rebus, quas studiosè conſectabatur, auer-
 ſus, toto ſe impetu ad diuinum numen conuertit,
 quod non corporis (ut inquit Aug.) ſed amoris paſſi-
 bus fit. Quare D. Ioan. tam diu inquit, quempiam
 in morte manere, quâdiu non diligit. vnde colligi-
 tur, fidem, cui Paul. tribuit iuſtificationem, eſſe il-
 lam, quæ per charitatem opèratur. In Chriſto enim
 Ieſu, neque circunciſio aliquid ualet, neque præpu-
 tium, ſed fides, quæ per charitatem operatur. ſi igitur
 ſola fides, quæ per charitatem operatur, plurimū
 apud Deum ualet, quæ maior eſſe infania poteſt,
 quàm fidei cæterarum omnium uirtutum nudæ, ac
 uacua, iuſtificandi uim, qua maior nulla eſſe poteſt,
 tribuere? Fides enim (inquit) Aug. quæ per dilectio-
 nem operatur, nihil operatur, niſi ipſa dilectio Dei
 diffunderetur in cordibus noſtris, per Spiritum ſan-
 ctum, qui datur nobis. Quare fateor, Kemnici, primā
 animi ad iuſtitiam motionem eſſe, fide Chriſtum Ie-
 ſum ut iuſtitiaſe noſtræ auctorem & promeritorem in-
 tueri, quæ tamen ſi ſpe, & charitate ſpoliata ſit, ne-
 que cum acerbo animi mœrore iob admiſſa ſcelera
 coniuncta, nunquàm profectò iuſtitiam impetrabit.
 Neque enim fieri poteſt, ut quis grauiffimorum ſce-
 lerum ueniam conſequatur, niſi ſummo odio illa pro-
 ſequatur, & quàmmaximè deteſtetur. quod Domi-
 nus apud Ieremiam his uerbis edocet, Repente lo-
 quar aduerſus gentem & aduerſus regnum. vt e-
 radicem & deſtruam & diſperdam illud. ſi poenit-
 tentiā egerit gēs illa à malo ſuo, quod loquutus ſum
 aduerſus

aduersus eam, agam & ego pœnitétiam super malo, quod cogitauí ut faceré eis, & subito loquar de gente, & de regno, ut ædificem & plantem illud. si fecerit malum in oculis meis, ut non audiat uocem meã, pœnitétiam agam super bono, quod locutus sum ut facerem &. Nam quẽadmodum scelerum atrocitate diuinum numen irritatur, ita eorum pœnitentia ad summam quandã misericordiam flectitur, quod omnibus satis testatũ Christus reliquit, cùm apud Matt. dixit, se nõ uenisse uocare iustos, sed peccatores *ἡς περ* *ῥαβοίαν*. i. ad pœnitentiam. quam uocem in Latinis, qui circumferuntur codicibus, aliquorum fortè incuria deesse ostendunt, non modò codices Græci, sed D. etiam August. qui cùm hunc locum interpretatur priori lib. de peccatorũ meritis & remissione, diligenter inquit quomodo pueri ad pœnitentiam uocati esse uideantur. & ad hunc modum respondet, Si propterea pœnitentes dicendi non sunt, quia sensum pœnitendi nondum habet, nec fideles dicendi sunt, quia similiter sensum credendi nondũ habent. si autem propterea rectè fideles uocantur, quoniam fidem per uerba gestantium quodammodo profitentur, cur non prius etiam pœnitentes habentur, cum per eorundem uerba gestantium diabolo, & huic mundo renunciare monstrantur? Totum hoc in se fit uirtute sacramenti. Cùm igitur, Kemnici, ecclesia in puerorum baptismo cum fidei confessione, pœnitentiæ etiã apertam significationem coniunxit, satis indicauit, fidem sine pœnitentia ad impiorum iustificationem minimum uirium momentiq; habere.

QVOD si iustificationis actus is est, quem tu de-

E e c scribis,

Matt.
c. 9.

Aug. lib.
1. de pecc.
meritis. &
remiss. c.
19.

scribis, quod scilicet, conscientia lege Dei accusata, & sensu ira Dei propter peccata territa, quasi ad tribunal Dei sifteretur, et quia ex milibus non potest ad unum respondere, omne os obturatur, & totus mundus reus sit Deo, in quo Agone conscientia doctrina Euangelij monstrat agnum Dei, qui tollit peccata mundi, qui factus est nobis à Deo iustitia, & fides edocta hoc Euangelio, pronocat à throno seuera iustitia, ad thronum gratiae, ibi interueniente sanguine Christi, quem fides uera fiducia approbendit, Deus peccatorem qui iam passus est iustam sententiam legis, per, & propter Christum absoluit, à reatu & sententia damnationis. Hæc inquam si uera sunt, fidem certè, spem, charitatem, ueramq; pœnitentiā, ad iustitiam uiam munire confitearis necesse est. Nam si mens ad iustitiam exoptandam, & scelerum conscientia, & diuini iudicii terrore excitatur, an non confiteris, acerbò quodā dolore affici, quòd ea flagitia suscepit, quibus & diuinam indignationem iustè protocauerit, & se in apertum discrimen coniecerit? Neque enim uideo quonam modo quis se ab ijs uinculis extricare summa animi contentione cupiat, à quibus non sūmopere abhorreat, aut nō maximè ea detestetur, quorum conscientia tantopere conflictatur, quem animi mœrorem, cum scelerum summo odio atque detestatione coniunctum, pœnitentiam uocamus, quæ obseruandi diuinæ legis animum coniunctum habet & implicatum; si fides item, Christum esse salutis quammaximè exoptat auctorem, docet, & in eo solo sperare iubet, certissimamq; consequendæ salutis spem erigit, quomodo non eximium quendam erga ipsum amorem excitabit? aut quomodo Christi iustitiam illi imputandam iri existimabis, qui tanti beneficij magnitudine non commouetur? Mentem enim

enim quæ tam fuerint in diuina munera ingrata, ut certa hac salutis spe, tantorumq; beneficiorum recodatione non inflammètur, à iustitia quamlongissimè abesse censendæ sunt. Quare iustificationis fundamenta in fide posita esse, non dubitamus, sed non prius iustificationem fides absoluet, atque perficiet, quàm animum scelerum dolore excruciet, spe erigat, amore inflammet; quibus anima apprime præmunita, iustitiæ tandem diuinis ornamentis splendescit, atque excolitur. Quare præclarè admodum, inquit Aug. præcedere aliquid in peccatoribus, quo quanuis nòdum sint iustificati, digni tamen efficiuntur iustificatione. Quid uerò illud sit, Christus docuit cum eos à patre suo diligi testatur, à quibus & ipse diligitur. Qui diligit (inquit) me diligetur à patre meo, & manifestabo ei meipsum. Is igitur nos prior diligit, cum animos ad se diligendum excitat. Cùm uerò nos illi in amore, eius beneficio incitati respondemus, iustitiam largitur, in qua præcipuam Dei erga nos amoris uim positam esse demonstrauius.

Ioan. 14.

At inquires, si iustitia in charitate posita est, qui fieri potest, ut charitate ad iustitiã præparemur? neque enim idem seipso prius, aut posterius esse, ullo modo potest. uariè homines à Deo iustificari, ualde est compertum, quosdam enim diuina clementia, rara quadam & insolenti misericordia, atque nihil minus quàm Deū cogitantes, ad se pertrahit, & ueluti corū se mentibus ingerit. quemadmodum Paulū, effrænato quodā & præcipiti furore insanientē, Christi quæ sanctissimum nomen immanissimè insectantem, ita Deus inuasit atque cōmouit, ut unā & Chri-

Ecc 2 sti

sti uocē audiuisse, & iustitiæ charitatisq; opibus exornatus fuisse uideretur. Nam cum diuina uirtus nullis certis legibus astringatur, aliquando quidem humanam mentem tanta ui excitat, ut illam unā & cōmoueat, & iustificet. Cum tamen diuina gratia nemini uim inferat, eò quidem liberius humanus animus Dei uocibus auscultat, oblatasq; sibi cœlestes opes eò libentius prosequitur, quò firmiori, & exaggerationi gratia fuerit à Deo excitata. liberum enim arbitrium, per gratiam non euacuatur (ut inquit August.) sed statuitur; non enervatur, sed multò maiores uires accipit. Cum uerò animus eò paratior ad iustitiam recipiendam esse uideatur, quò acerbiori odio peccatum, maiori uerò amore Deum prosequitur, amplissima hæc sanè iustificandi ratio non quidem præparationem tollit, sed confert; non minuit, sed auget.

August.
de spiritu
& litera
c. 30.

¶ QUANDOQUE uerò Deus, mentem diuinarum rerum contemplatione sensim à peccatorum sordibus auocat, ad se allicit, suiq; amore inflammat. quibus omnibus charitatis imperfectis, atque inchoatis motibus, ad iustitiam paulatim præparatur, qui ipsam antecedunt quidem, quousque tandem animus perspecta sceleratæ uitæ infelicitate, se totum in charitatis potestatem tradit, quod Philosophorum loquendi formam imitati, ultimam præparationem uocamus, charitatis iustitiæq; habitu ordine ac ratione quadam priorem, tempore uerò cum illo coniunctissimam. neque enim egregius hic in Deum amor, quo mens tandem iustificatur, sine iustitia charitatisq; habitu esse potest, qui solam mētem Deum præ

præ cæteris rebus omnibus amantem informat, ut haud multò antea à nobis demonstratū fuit, cum peccata probauimus, non nisi charitatis luce, & splendore deleri, atque extingui.

SED uideo illis te Pauli locis potissimum confidere, in quibus fidei legis operibus uacua iustificationem ascribit, usque adeò ut affirmet, quòd si Abraham ex operibus iustificaretur, omni gloria apud Deum careret. ut uerò Origenem, Anselmum, Primum, cæterosq; sanctos Patres taceam, qui hæc omnia de ueteri lege Christi sanguine, ac Euangelio abrogata, intelligenda esse arbitrantur; Aug. quidem, qui hæc loca quàm diligentissimè expendit, satis ostendit, Paulum tum fidei, quæ per dilectionem operatur, iustificationem tribuere, tum uerò operum, quæ iustificationem antecedunt, infirmitatem declarare. quæ & si necessaria sint, non tamen iustitiam promereri aliqua ex parte possunt, quippe quia si gratia ex operibus sit, gratia certè dici nullo modo potest. Cum enim interpretatur uerba illa Pauli, Scimus, iustificari hominem per fidem, sine operibus legis, inducit Apostolum ita loquentem, Propterea hoc tibi dixi ò homo, nò quasi de operibus tuis præsumere uidereris, & merito operum tuorum te accepisse fidei gratiam. & paulò inferius, Si uis esse alienus à gratia, iacta merita tua: Deus enim uidet quid sit in te, & quid cui debeat. nemo uerò nostrum adhuc tantoperè insaniuit, ut iustificationem alicuius meritis, præter unius Christi, ascribendā esse existimaret. Operibus enim, quæ iustificationem antecedunt, nò quidem diuinam gratiam promeremur, sed

Rom. 4.

Aug. in
Psal. 31.

sed animum præmunimus, ne quid sit, quod illam retardare possit. Cùm enim Deus solis uolentibus iustitiam tribuat, uelle autem nemo censeatur, nisi, qui oblatam sibi gratiam amplectitur, idque non externis corporis brachijs, sed animi affectibus, fiat, ij quidem motus quibus aduentantem gratiam spontè & iocundè excipimus, sunt fides, spes, atque eximius quidam erga Deum amor, qui pœnitentiam, hoc est, maximum ob admissa scelera mœrorem coniunctum habet, & implicatum, qui gratiam quidem non merentur, sed gratis à Deo collatam amplectuntur. unde cõstat, falsissimè & per summam calumniã à Kemnicio dictum esse, quòd Colonienfes Patres peccatorum remissionem nostris meritis ascribunt. Nã cum sola iustitiæ uis & splendor peccata deleat, eaq; à nobis promereri non possit, consequitur sanè, neque peccatorum ueniam nostris esse meritis tribuendam. Tanta enim est animi nefariis criminibus inquinati fœditas, & deprauatio, ut nihil ab illo proficisci possit, quod aut diuinum numè sceleribus uiolatum placare, aut illius gratiam impetrare queat.

Rom. 4. Quod D. Paul. satis docet cùm ait, credenti in eum qui iustificat impium reputari fidem ad iustitiam, secundum propositum gratiæ Dei, hoc est, non quidem fidei uiribus & dignitati iustitiam deberi, sed tantum esse Dei erga nos amorem, ut eum constituerit iustificare, qui fide quæ per dilectionem operatur Christum complecteretur. quare scelerum ueniam iustitiæq; splendorem, omni ex parte, diuinæ benignitati debemus referre acceptum. Neque est quod nobis quis, promerendi illam rationem, quam de congruo

gruo quidam ex nostris uocant, obiciat. nam uel ipsum congrui nomen indicat, non uerè ac propriè meritum esse, cui quidquam iure debeat, sed quod Dei misericordia magis, quàm iustitia innititur.

At uerò postquàm tantam hanc turpitudinem humana mens diuino beneficio abiecit, & iustitiæ dotibus illustrata, ad gloriam filiorum Dei ascita est, nihil mirum si opera Deo grata edere, si iustitiæ, uirtutumq; omnium incrementa, si demum amplissimum quendam sempiternæ felicitatis gradum promereri possit. Paul. enim qui primam nostram iustitiam in epistola ad Ephesios Christi liberalitati attribuit, cum unicuique (inquit) nostrum datam esse gratiam secundum mensuram donationis Christi. paulò inferius admonet, ut nostris operibus illam augemus, & amplificemus. veritatem (inquit) facientes in charitate crescamus in illo, per omnia qui est caput Christus. & in ea quam ad Corinthios secundo scripsit, multis demonstrat, non inanes esse labores, quibus ob Euangelij amplificationem defungebatur, quippe quia licet is qui foris est mortalis homo illorum atrocitate corrumpatur. Is tamen qui inuitus est, de die in diem renouabatur, maioresq; in charitate progressus faciebat. Et D. Petrus Apostolorum facile princeps deponere præcipit omnè malitiam, dolum, simulationem, inuidias, simultates, atque de tractiones, & sicut modò geniti infantes rationabiles, hoc est, qui diuinæ uoluntatis ac legis ratione ducuntur, sine dolo lac diuini uerbi concupiscere, ut in eo crescamus in salutem. quo etiam spectant celestes illæ ac planè diuinæ Ioannis, Solomonisq; hortatio-

ad Ephe.

c. 4.

ad Cor. 2

cap. 4.

Petrus

1. epist.

c. 2.

rationes, ne in aliquā iustitiæ & sanctitatis gradu de
fixi hæreamus, sed oēm operam nauemus, ut magis
ac magis in dies iustificemur. Est enim ab omni ra-
tione prorsus alienum, existimare, uirtutum ac uitio-
rum omnium habitus exercitatione augeari, charita-
ti uerò, quæ ociosa esse nequit, nullam unquam pos-
se nostris officijs fieri accessionē. Cum præsertim ij,
qui non desidia torpent, sed in lege domini meditan-
tur die ac nocte, nihilq; diuina dilectione antiquius
ducunt, longo usu & experiētia intelligant, se eò ma-
gis charitate inflammari, quò studiosius in illius offi-
cia incūbunt. Quare D. Gregorius, fidem inquit, per
occultam inspirationem gratiæ, meritorum suorum
gradibus crescere. Quod magis quidem charitati, un-
de meritum omne oritur, conuenit. Prætermitto D.
Aug. qui charitatem inquit, augeri, ut aucta me-
reatur perfici D. quidem Hilarius cōstanter affirmat,
præstare dominum iis sapientiam, qui per meritum
operum, gratiam intelligentiæ consequuntur. D. e-
tiam Cyprianus ad Nemesianum, ac reliquos mar-
tyres qui ad metalla effodiēda erant adaçti scribens,
tantam illā martyrij gloriam eximiis pietatis, fidei,
& religionis eorum meritis ascribit. D. item Ambro-
sius, acquirere nos, inquit, Sanctitatem, si accepta
peccatorum remissione, bonorum operum æmuli
fuerimus. tanta enim est charitatis uis, ut ardentes il-
lius motus iustitiam aliqua ex parte attenuatam at-
que imminutam redintegrare atque amplificare pos-
sint. Quæ tanta charitatis uis, meritorum in nos Chri-
sti magnitudinem magis declarat, quippe qui non
modò iustitiæ dotes, sed merendi etiam efficacita-
tem

*Cypr. e-
pist. lib. 3
epist. ul-
tima.*

*Amb. in
6. c. epist.
ad Rom.*

tem nobis promereri uoluit. Quare cum Aug. confitemur, bona opera, quæ post iustificationem agimus, potius Dei, quam nostra esse, quia & ipso instigante eduntur, & omnis illarum uirtus diuinæ liberalitati debetur. atque aded quia is, qui paruulis (ut idem Aug. ait) subuenit, quorum nulla sunt merita, maiores præuenit, ut habere aliqua merita possint. Quæ quidem qui cum. Paulo asserente, iustificari hominem per fidem, sine ullis legis operibus, aliquo modo pugnare existimat, ad Pauli mentem non satis penetrauit. ille enim de priori iustificatione, quæ in peccatorum uenia, atque charitatis infusione posita est, uerba facit. Neque enim aliter orationis illius consequentia, atque argumentorum uis constare poterit, nam multis humanarum uirium, legisq; imbecillitatem, & peccati, quod in omnes peruaferat, uires & potentiam declarat, ut perspicuum euadat, iustitiam Dei non nisi per fidem Iesu Christi in omnes, & super omnes, qui credunt in eum, extare posse. Omnes (inquit) peccauerunt. unde est, quod omnes egerint ut diuinæ iustitiæ gloria in illis illustris appareat quod sit cum gratis iustificantur per gratiam ipsius, per redemptionem quæ est in Christo Iesu, quem proposuit Deus propitiatorem per fidem in sanguine ipsius, ad ostensionem iustitiæ suæ, propter remissionem præcedentium delictorum. Cum uero Abraham, cui fides reputata est ad iustitiam, induxit, ut planum faceret, neminem sine fide iustificari, mox Davidis sententias connectit, qui illos beatos appellat, quorum remissæ sunt iniquitates, & quorum tecta sunt peccata. Quæ quidem omnia in aliam quam in primam,

August.
epi. 157

Rom. c. 3.

Rom. c. 4.

Fff iusti-

iustificationem, in qua mens peccatorum foeditatem deponit, & iustitiæ ornamentis illustratur, quadrare nullo modo possunt.

SED iam uideamus argumenta illa quæ nullis societatis Iesu sophismatibus eludi posse Kemnicius ait. cuius uerba referam, ne me ratione aliqua calumniari possit. Hoc tamen (inquit) dicam, Iesu uita impudentissime mentiri, quod Rom. 4. describatur prima (ut ipsi loquuntur) iustificatio. Spiritus sanctus enim per Moysen & Paulum, monstraturus exemplum ueræ iustificationis in Abraham, studiosè non uoluit sumere illud tempus cum Abraham primum ex idololatria Chaldaica uocaretur, & conuerteretur, sed cum à cap. 11. Genes. usque 15. per multos annos in uarijs exercitijs fide Deo obedisset, Heb. 11. in medio illo cursu, cum multis præstantissimis uirtutibus à Spiritu sancto esset ornatus, sumit Paul. Abrahamum, & dicit, Abraham non operanti, credenti autem in eum, qui iustificat impium, reputari fidem ad iustitiam, ita ut beatitudo eius sit, quod Deus illi imputat iustitiam sine operibus, iuxta dictum, Beati quorum testata sunt peccata. Hactenus Kemnicius, quem non miror, hac in re fuisse hallucinatum, cum uideam aliquos egregiæ eruditionis uiros, in eadem hærere salebra, à qua tamen se putato facile explicabit, qui ad orationis Pauli filum animum diligenter aduerterit. qui ut probet omnes per fidem sine legis operibus ex impijs & sceleratis iustos fieri, inducit Abrahamum, singulare quoddam iustitiæ, sanctitatisq; exemplum, qui non ex operibus, sed ex fide iustificatus est. Nam cum nihil laude ac gloria dignum esse, coram Deo uideatur, nisi ex fide ortum ducat; si Abraham ex operibus iustificatus esset, haberet quidem gloriam, sed non apud Deum. Quantam autem fuerit apud Deum gloriam consequutus,

quutus, satis scriptura indicat, cum Abrahamum ait, Deo credidisse, & reputatum illi fuisse ad iustitiam. Cum uerò ex scriptura non apertè constet, quo nam primùm tempore ac ratione, Abrahamus peccatorū ueniam consequutus fuerit, atq; in Dei gratiam, amicitiamq; uenerit, sumpto ex loco, quem dialectici, à minori ad maius uocant, argumento, apertè concludit, Non operum merito, sed ex fide fuisse primò iustificatū. Estq; hæc Pauli ratiocinatio, Abrahamo iā iustificato, amplissimisq; beneficijs aucto fides reputata est ad iustitiam, hoc est, fidei merito multò iustior euasit. ergo cum adhuc esset scelerum sordibus inquinatus, non ex operibus, sed per fidem iustificatus est. Cum quo Dauidis sententiæ, quæ mox sequuntur, mirabiliter consentiunt.

At inquires, quid igitur est, quòd tantopere iustorum opera cōmendatis, atque ad iustitiam augendam plurimòdum ualere arbitramini, si Paulus iustitiæ Abrahamæ incrementum soli fidei ascribit? Hunc quidem nodum facilè expediet, qui Paulum cum Iacobo contulerit, qui Abraham, inquit, ex operibus iustificatum fuisse offerentē Isaac filium suum super altare. Hæc uerò cum pugnare mutuò non possint, fit certè, operum nomen non idem apud duos hosce sanctissimos Apostolos ualere. Quid autem operum nomen cum Paulus de iustitia agit, significet, satis docuit in epist. quam ad Galat. scripsit, in qua cum idem de iustificatione nostra per fidem argumentū tractet, atque Abrahami mentionem faciat, probat, legis operibus neminem iustificari, quia iustus ex fide uiuit. Lex autem non est ex fide, hoc est, legis

Gen. c. 15

Iacob.
epist. c. 2.

Gal. c. 3.

21

hæc opera, quæ ad iustitiam comparandam nihil faciunt, non quidem à fide tanquàm amplissimi quidã atque uberrimi fructus eduntur, sed lege imperante solis liberi arbitrij uiribus fiunt. Quare præstare nihil aliud possunt, quàm ut qui secerit ea homo uiuat in eis. hoc est, ut supplicia, quæ legum transgressoribus infliguntur, euitare possit. nihil tamen laudis ac gloriæ apud Deum consequetur. Cùm igitur Paulus legis opera fidei opponit, satis ostendit, de illis se operibus agere, quæ nullam habent cum fide communionem. At opera, quæ sunt ex fide & à fide oriuntur, adeò sunt ad iustificationem necessaria, ut si fides illis fuerit destituta, nihil momenti habere possit. Nam si ita Abrahamus Dei uocibus fidem adiungeret, ut filij amorem ipsius uoluntati anteferreret, nunquàm profectò illi fuisset fides ad iustitiam reputata. fuit uerò fidei potius quàm operibus Abraham iustitia attributa, quia eximium illud atque egregium facinus, fide impellente atque adeò imperante ab illo susceptum est. fide enim, inquit Paulus, obtulisse Abrahamum Isaac filium suum cum tentaretur. Quare cum iustorum præclara opera plurimùm ad iustitiam augendam ualere dicimus, nihil sanè fidei detrahimus, sed solam uberem, fecundam, atque feracem fidem illam esse dicimus, cui Paul. omnem nostram iustificationem tribuit. Quòd latius cum de fide agemus, Kemnicio cogente, explicabimus.

Infistorum opera uitam æternam promereri. NON solum aut ad iustitiam augendam, iustorum egregia opera magnam uim Christi beneficio habent. sed etiam ad sempiternam illam felicitatem, quam Deus diligentibus se præparauit promerendam, atque

que comparandam. Quod tam fuit uniuersæ Ecclesiæ semper notum & exploratum, ut de eo dubitare neminem posse, sancti patres semper existimauerint. neq; enim quidquã est scripturæ familiaris, quàm bonorum operum retributionem inculcare. quod qui ad iustitiam, quæ in suo cuiusq; tribuendo cernitur, pertinere negat, retribuendi sanè uim atque significationem prorsus ignorat. neque enim retribuere id dici potest, quod gratis & nullis antecedentibus meritis tribuitur, quod quidem D. Paulus satis aperuit ad Thessalonicenses scribens, Nos ipsi (inquit) ^{2. ad The. 6. 1.} in uobis gloriamur in ecclesiis Dei pro patientia uestra, & fide in omnibus persecutionibus uestris, & tribulationibus, quas sustinetis in exemplum iusti iudicii Dei, ut digni habeamini in regno Dei, pro quo & patimini. Si tamē iustum est apud Deum retribuere retributionem ijs, qui uos tribulant, & uobis, qui tribulamini, requiem nobiscum in reuelatione Domini Iesu de cœlo, cum angelis uirtutis eius. quæ quidem satis indicant, non minus sempiternā felicitatē iustorum esse præclaris operibus debitam, quàm æternos cruciatus eorū sceleribus, qui nō nouerunt Deum, neq; obediunt Euangelio Domini nostri Iesu Christi. Quare idem Paulus seruos admonet, ut liberaliter dominis seruiant, scientes quòd à domino ^{ad Colof. 6. 3.} sint retributionem hæreditatis accepturi. uox autem Græca *ἀντιδόσεις*, quæ Paulus utitur, mercedem propriè significat, quæ bonis actionibus debetur. Ecclesiasticus item, omnes hortatur, ut iustos debitis officijs prosequantur, certissimè sperantes, quòd amplissimam sint retributionem inuenturi, si non ab ipsis ^{Ecc. 1.} certè

ORTHODOX. EXPLIC.

*Ioan. epi
sol. 2.*

Luc. c. 6.

Rom. c. 4.

certè à domino. Ioannes uerò Apostolus, Videte (inquit) uos metipfos ne perdati, quæ operati estis, sed ut mercedem plenam accipiat. & Christus Iesus gaudere omnes & exultare iubet, qui pro diuini nominis gloria, aliquibus sunt laboribus, atque incommodis agitati, quoniam illorum merces certissima fit in cœlis. quod si scripturæ sacræ loca omnia, quæ de iustorum mercede agunt, cum Pauli uerbis de gratiæ ratione differentis conferamus, perspicuum sanè fiet, coelestem illam felicitatem, quam iustorum retributionem & mercedem scriptura uocat, non tam gratis & liberaliter illis à Deo conferri, quàm illorum esse operibus debitam, atque ita meriti ratio satis constare poterit. Paulus enim cum demonstrare statuit, Abraham fide fuisse iustificatum, & non ex operibus, hac una potissimùm id ratione efficit. ei qui operatur, merces non imputatur secundum gratiam, sed secundum debitum; ergo si iustitia Abrahamæ esset operum illius merces; debitum sanè potius, quàm gratia dici debuisset, nam mercedis ratio cum gratiæ nomine ex aduerso pugnat. si enim gratia ex operibus, iam quidem non est gratia, sed debitum. Cum igitur infinita sint scripturæ sacræ loca, quæ sempiternam felicitatem bonorum operum, & quæ ex charitate proficiscuntur mercedem uocant, colligitur sanè non debere illam secundum gratiam, sed secundum debitum imputari. Nam ut merces cum gratiæ ratione pugnat, ita ubi debiti ratio abest, merces reperiri nullo modo potest. si ergo iustorum præclaris actionibus aliquid mercedis debetur, est certè in illis uera atq; integra meriti ratio, quod sancti patres

tres ita diffiniūt, Est libera actio, cui præmium debetur. Quare D. Paul. diuinum illud, & cœlestē præmium, ad quod aspirabat, coronam iustitiæ, hoc est, sibi debitam appellare audent. Bonum (inquit) certamen certavi, cursum consummaui, fidē seruauī, in reliquo reposita est mihi corona iustitiæ, quam reddet mihi dominus in illa die iustus iudex. Quem lo- cum explicans Primasius, sumptis ab Augus. uerbis, ait, Quomodo esset ista corona iustitiæ, nisi præcessisset gratia, quæ iustificat impium? quomodo ista debita redderetur, nisi prius illa gratuita donaretur? qui igitur pijsissimus pater est, cum iustificat impiū; iustissimum se iudicem gerit cum coronat iustum.

*Primas.
in 2. epist.
ad Timo.
Aug. lib.
de gratia
& libe.
arb.*

Quod si ad dignitatem filiorum Dei, atque ad diuinum illum spiritum, qui in illis habitat, & illos certiores reddit quod sint filij Dei, animum quis ad uerteret, mirari certē nullo modo poterit, quod dicamus, illorum operibus sempiternæ felicitatis opes deberi. Neque enim operum, quæ à iustis & pijs hominibus suscipiuntur, uis & efficacia tam est ex humana infirmitate, quàm ex diuini spiritus, quo ducuntur, uirtute metienda. Vt enim opera, quæ solius naturæ corruptæ, & deprauatæ adminiculis suscipiuntur, corruptionem illam semper redolent, ita & præclaræ actiones, ad quas diuinus spiritus mentem habitans incitat & impellit, diuinitatem quandam habeāt necesse est. Quare in illis, qui iustitiæ aquam biberunt, inquit Christus, fieri fontem aquæ salientis in uitam æternam. Nam si filiorum Dei spiritus, cœlestis est & diuinus, egregiæ sanè actiones, quæ ex illo effluunt & erumpunt, non nisi cœlestibus & diuinis

*Efficacia
operū
hominum
infortunum.
magis di-
uina est
quàm hu-
mana.*

nis præmijs possunt cōpensari. nā si in iustis pijsq;
Gal. c. 3. hominibus solus Christus uiuit, si illorum mentes
 is solus occupat, si uoluntatem oēsq; actiones ille po-
 tissimum moderatur, si illius spiritu usque adeò du-
 cuntur, ut propria uita carere uideantur, quid mi-
 rum, si ab illis edita opera non tam ipsorum quàm
 spiritus Christi esse dicantur? atque tantum prome-
 reantur quantum spiritus, quo ducuntur, dignitas &
 amplitudo postulat? Quod D. Paulus apertè signi-
 ficauit, cum nos non nothos quidem sed legitimos
 Dei filios appellat, atque adeò eos, quibus filiorum
Rom. c. 8 hæreditas iure debeatur, Si filij (inquit) & hæredes,
 hæredes quidem Dei, cohæredes autem Christi. filij
 uerò hæreditate spoliari sine iniuria non possunt.
 Cuius cœlestis hæreditatis pignus uocat idem Pau-
 lus Spiritum sanctum, qui habitat in filiis Dei, in
Eph. c. 1. quo (inquit) Christo & uos cum audissetis uerbum
 ueritatis, Euangelium salutis uestræ, in quo & cre-
 dentes signati estis spiritu promissionis sancto, qui
 est pignus hæreditatis nostræ in redemptionem ac-
 quisitionis, in laudem gloriæ ipsius. Neque enim di-
 uinus hic spiritus tantummodo testimonium reddit
 spiritui sanctorum, quòd sint filii Dei, sed etiā quod
 hæreditas illis, & filiorum iure, & promissionis illis
 factæ ratione debetur, quam iustissimus iudex, atq;
 uerissimus dominus exoluet. quare eundem, spiri-
 tum promissionis uocat. quem Pauli locum enar-
 rans D. Hieronymus inquit, Latinum interpretem,
 pro arrabone posuisse pignus, multūq; inter pignus
 & arrabonem interesse. nam arrabo (inquit) futuræ
 emptioni quasi quoddam testimonium & obliga-
 mentum

mentum datur; pignus uerò sine *ἐνέχυρον* pro mutua pecunia opponitur, ut cùm illa reddita fuerit, reddenti debitum pignus à creditore reddatur. Non erat igitur, Kemnici, quòd tam acriter Colonienſibus cū de operibus agis, succenſeres, quòd dixerint, rectè quidem, ſi cum ueteribus patribus loquendum ſit, dici poſſe, Deum uitam æternam nobis uenalem propoſuiſſe, cum uideas Hieronymum affirmantem, uocabulum *ἀπαλῶν*, quo Paulus utitur, ad emptiorem, atque uenditionem propriè pertinere. Quin immo & Clemens Alexandrinus, omnes ad ſempiternam uitam emendam inuitat & allecitat, Ne pigeat (inquit) uel laboraſſe, ſi uelitis precioſiſſimam ſalutem emere pro theſauro, charitate & fide uitæ. Quod quidem eſt iuſtum precium, quod libenter Deus accipit. quòd ſi ſanctorum patrum monimenta euoluamus, facilè uidebimus, ita omnibus fuiſſe perſuaſum, iuſtorum opera plurimùm apud Deum promereri; ut de eo dubitare nemo unquam in animum induxerit. Origenes enim multis docet, unicuiq; dum uiuit gratiam donari, pro fidei meſura, & in futuro pro meſura meritorum. Quid uerò hac de re ſenſerit Diuus martyr Cyprianus, ut plurimis in locis, tum maximè ad ſanctos quòſdam martyres, qui ad metalli fodinas adaſti erant, ſcribens, ornatifſimè, & diuino quoddam ſpiritu percitus aperit, An ego (inquit) poſſum tacere, & uocem meam ſilentio premere, cū de chariſſimis meis tã multa & glorioſa cognoſcam, quibus uos diuina dignatio honorauit? ut ex uobis pars iam martyrii ſui conſummatione præceſſerit, meritorum ſuorum coronam de domino

*Clemens
Alex. in
parænet.*

*Cypr. lib.
3. epiſto-
la. 25.*

G g g receptu-

receptura, pars adhuc in carceris claustris, siue in metallis & uinculis demoretur, exhibens per ipsas suppliciorum moras, corroborandis fratribus, & armandis maiora documenta, ad meritōū titulos ampliores, tormentorum tarditate proficiens, habitura tot mercedes in cœlestibus præmijs, quot uincendis numerantur in pœnis? & cum elegantissima oratione cœlestis præmij certam spem, meritōrumq; amplitudinem exornet, ut sanctorum martyrum dolorem leuare, atque suppliciorum atrocitatem aliqua ex parte lenire posset, sic tandem concludit, Qui nunc uobis, dilectissimi fratres, conscientia uictoris uigor? quæ sublimitas animi? quæ in sensu exultantia? qui triumphus in pectore? unumquenque uestrum stare ad promissum Dei præmium, de iudicij die esse securum, ambulare in metallo, captiuo quidem corpore, sed corde regnante? scire Christum secum esse præsentem, gaudētem tolerantia seruorum suorum, per uestigia, & uias suas ad regna æterna gradientium? Expectatis quotidie cœli professionis uestre salutarem diem, & iam iamq; de sæculo recessuri ad martyrum munera, & domicilia diuina properatis. D. etiam Hilarius, ex Christi uerbis demonstrat, non solis uerbis, sed de nostro, hoc est, uirtutum officijs esse uitam æternam promerendam. D. item Ambrosius ad Vercellensem Ecclesiam scribens, plurimis scripturæ locis atque rationibus eos redarguit, qui existimabant, nullum esse ieiunij atque continentia meritum. Qui (inquit) sunt ij præceptores noui, qui meritum excludant ieiunij? Non ne Gentilium uox ista est dicentium, Manducemus & bibamus?

*Hilarius
in Matt.
com. 6.
Ambros.
lib. 6. epi
stola 82.*

mus? quos bene irridet Apostolus dicens, Si secundum hominem pugnavi Ephesi ad bestias, quid mihi prodest, si mortui non resurgunt? Manducemus & bibamus, cras enim moriemur. hoc est, quid mihi profuit usque ad mortem contentio, nisi ut hominē redimērem meum. Et paulò inferius, Epicureorum discipulos eos vocat, qui perire merita uirtutum arbitrantur. prætermitto sanctissimum uirum Ephrem Syrum, qui castitatem, continentiam, humilitatem, obedientiam, cæterasq; omnes uirtutes plumas uocat, quibus ad Deum mens uolat. Quòd si Diuum Augustinum, qui ea, quæ ad iustificationem attinēt, cæteris etanibus & uberius, & felicius explicauit, cōsulas, facili uidebis, nulla de re crebrius, quàm de bonorum operum meritis facere mentionem. Post hanc uitam (inquit) merces perficiens redditur, sed eis tantum, à quibus in hac uita eiusdem mercedis meritum comparatur. Non enim ad saturitatem iustitiæ, cum hinc exierit, quisquam perueniet, nisi ad eam cum hic est, esuriendo & sitiendo cucurrerit. Et alibi, multis contendit, diuinæ iustitiæ ualde illum iniuriosum esse, qui optat, ut uita æterna, quam uirtutum præmiū sacre literæ ponunt, antecedit merita. Et Valentiniano scribens, ostendensq; iustitiam à nemine posse promereri, ait, Ne quisquam dicat, meritis operum suorum, uel meritis fidei suæ, sibi traditam esse Dei gratiam, & putetur uerum, esse quod illi hæretici dicunt, gratiam Dei secundum merita nostra dari, quod omnino falsum est, non quia nullum est meritum uel bonum piorum, uel malum impii, alioqui quomodo iudicabit Deus hūc mun-

*Aug. lib.
de perfec.
iust.*

*August.
De mori-
bus eccle-
siae cath.
lib. 1. c.
25.*

*Aug. epi.
46.*

Ggg 2 dum?

merita humana sic prædicant, ut ea ex semetipso habere hominem dicant, prorsus rectissimè respondet Apostolus, Quis in te discernit? quid autem habes, *Gal. c. 7.*
quod non accepisti? Si autem accepisti, quid gloriaris quasi non acceperis? prorsus talia cogitanti, uerissimè dicitur, Dona sua coronat Deus, non merita tua, si tibi à te ipso, non ab illo sunt merita tua. hæc enim si talia sunt, mala sunt. quæ autem mala sunt, non coronat Deus; si autem dona sunt, Dei dona sunt. *Gal. c. 5.*

At inquis, Paulus expressis uerbis dicit, iustitiam legis esse, qui fecerit ea homo, uiuet in illis. & rursus c. 5. Si ex lege iustificatio, hoc est, ex illo pacto, qui fecerit hæc, uiuet in eis. euacuati estis à Christo, à gratiâ exciditis. aliaq; eiusmodi quàm plurima infarcis, quæ satis indicant, te non tam causæ patrocinari, quàm imperitis hominibus ueritatis quadam specie imponere uoluisse. Ne uerò frustrà tempus infumatur, satis abundè explicauimus, D. Paulum ea appellare opera legis, quæ cum non ex fide proficiuntur, externum tamen quoddam uirtutis specimen habent, quod D. Paul. eadem in epistola satis significauit, cum legem dixit, non esse ex fide; hoc est, opera à lege præscripta, quatenus legis sunt, non oriri ex fide. unde fit ut uitam æternam, quæ non nisi fide, & singulari charitate exornatis exhibetur, promereri nullo modo possint. Ne tamen omni prorsus præmio destituta esse uideantur, Moïsi illa uerba adiungit, Qui fecerit ea homo, uiuet in eis. hoc est, supplicia legis uiolatoribus constituta effugiet. Quod uerò attinet ad locum alium Pauli, Si ex lege iustificatio, euacuati estis à Christo. magna mihi quidè, Ke-
mnici,

*ad Galat.
c. 3.*

Leu. c. 18

Gala. c. 5

mnici, iocandi occasio oblata abs te erat, si de re tam seria iocari liceret. Ita enim, Paulo inuito, ipsius sententiam inuertis, atque extranea quadam interpretatione corrupis, ut illam somniasse magis quàm meditatius fuisse uidearis. Quid enim magis extraneum esse potest, quàm ea, quæ de Mosaicæ legis præceptis quàm apertissimè dicta sunt, de nescio qua promissione, in qua causæ quasi arcem collocasti interpretari? Audi, quæso, Pauli uerba, quæ te forte à tam graui somno nunc tandem excitabunt. State, inquit, & nolite iterum iugo seruitutis contineri. Ecce ego Paulus dico uobis, quoniã si circumcidamini, Christus uobis nihil proderit. Testificor autem rursus omni homini circumcidenti se, quoniam debitor est uniuersæ legis faciendæ. Animum, quæso, diligenter aduerte de quibus legis operibus Paulus uerba faciat. Euacuati, inquit, estis à Christo, qui in lege iustificamini, à gratia excidistis. hoc est, illis, qui in circumcisione, & legis ceremonijs iustitiam quarunt, prodesse Christus nihil potest, cuius mox rationem adiunxit, Nos enim spiritu & fide iustitiam expectamus: nam in Christo Iesu, neque circumcisio aliquid ualet, neque præputium, sed fides, quæ per charitatem operatur. Hoc est, nos, qui Christianum nomen uerè & sincerè profitemur, legis spiritu magis, quàm intermortua litera ducti, speramus iustificari per fidem, cuius signum gerebat circumcisio. Certò enim scimus, in Christo Iesu neque pelliculæ illius abcisionem religiosam esse, neque præputium profanum dici posse, apud quem sola fides, quæ ardentis charitatis facibus incitata, uirtutum præclara opera edit,

Gal. c. 5.

edit, plurimùm ualet.

OBIICIT demum Kemnicius illa Iesaiæ uerba, *Ies. c. 64.*
Omnes iustitiæ nostræ sunt, ueluti pannus menstrua-
ta, quibus cum existimet significari, nullum esse uir-
tutis opus, quod non sit aliqua turpitudinis labe re-
persum, concludit, Nihil nostra opera apud iustissi-
mum Deum promereri, qui omnes iniquitates sum-
mo odio prosequitur, quod argumentum tanti facit
Caluinus, ut eo potissimùm omnem se meriti uim
deiecisse atque labefactasse arbitretur. Quocirca ad
orationis Iesaiæ seriem animum aduertamus, quæ o-
mnibus nos his angustiis liberabit. Is igitur ornatissi-
ma moestissimaq; oratione populi Israelitici calami-
tates & miseras lamentatur, quas eò maiorem sibi
tristitiam & moerorem afferre ait, quia ex populi sui
infinitis sceleribus occasionem habuisse uideantur,
atque idè diuinam clementiã precatur, ne eos diu-
tius in errore uersari sinat, neque eorum animos con-
tra spiritum obdurari permittat, sed illos molliat at-
que leniat, in uiamq; legis suæ reuocet, ut tandem
Dei timore coerciti, sanctissimi spiritus imperium se-
quantur, cœlesteq; numen omni mente colant, & ue-
nerentur, Quare (inquit) errare nos fecisti domine
de uijs tuis, indurasti cor nostrum ne timeremus te?
conuertere propter seruos tuos tribus hæreditatis
tuæ. quia uerò satis intelligit, hoc tantum Dei bene-
ficio, non nisi per Christum posse mortalibus con-
tingere, ipsius aduentum omni animi contentione
deprecatur. vtinam (inquit) cœlum discinderes, at-
que te diumitteres in terras, numenq; tuum cōfestim
appareret, mentesq; ut olim in conspectu tuo magno
quo-

quodam motu concussi diffluerent, atque ut subiectis ignibus omnia colliquefacta labuntur, & aquæ uehementius efferuescentes effunduntur, ita totius Orbis terrarum principes furenter agitati, flamarum quæ incendio corruerent, ut hostes nominis tui uim tuam atque potentiam cernerent, & gentes in conspectu tuo contremiscerent. Quanta uerò sit iustorum hominum, & qui cum aduentante Christo ardentissimo sunt amore copulati, beatitas & amplitudo, mox explicat, A sæculo, inquit, non audierunt, neq; auribus perceperunt, oculus non uidit, Deus absque te, quæ præparasti expectantibus te. illis enim in uotis atque precibus semper occurristi, usque adeò, ut nos etiã, qui infinitis sumus sceleribus commaculati, in eorum patrocínio certum perfugium haberemus, quippe qui nobis à Deo misericordiam & scelerum ueniam impetrare soliti erant. At nunc facti sumus ut immundi omnes nos, & quasi uestis laceræ & sordida omnes iustitiæ nostræ: unde fuit ut quasi folium uniuerſi ceciderimus, & iniquitates nostræ nos tanquàm uentus sublatoſ dispellant. illud uerò ad miseriæ nostræ cumulum accessit, quòd non sit, qui inuocet nomen tuum, & qui apud te tantum nunc gratia ualeat, ut consurgere possit, & tenere te, hoc est, ut tibi, quemadmodum olim homines sanctissimi faciebant, uim precibus intentare possint. Hæc, Kemnici, est uera & germana Iesaiæ sententia, quam eò fusiùs fortasse quàm par erat, explicauimus, ut uideas quanto in errore tu tuiq; præceptores uersentur, qui omnibus hominibus etiã sanctissimis uerba illa accommodant, quæ de filiis Israël idololatris

tris atque infinitis sceleribus inquinatis dicta sunt. Cum præsertim propheta eodem orationis contextu, iustorum dignitatem atq; gloriam mirum modum exornet & illustret, atque ita amplificet, ut asserat, posse illos Deo uim precibus inferre, alijsq; misericordiam faciliè implorare. Non inficior tamen quin si iustorum opera non modò cum diuina iustitia, sed etiam cum beatorum sanctitate, qui iam sunt iustitiæ perfectionem consecuti, conferantur, sint ueluti uestes laceræ, atque sordibus respersæ: inde tamen non fit, nullum posse in hac uita iustorum præclarum opus reperiri, quod omni culpa uacare uideatur.

De Fide.

GRAVIS sanè atque perdifficilis quæstio est, de fide & operibus, & in qua explicanda præclara ingenia magna cum laude incubuerunt, his præsertim temporibus, in quibus ita est à fidei proditoribus obscurata, difficultatibusq; inuoluta, ut pro fide perfidiam uoluisset nobis obtrudere uideantur. Quoniam uerò solùm institui Colonienſium censuram à Kemnicij calumnijs uindicare, ea autem, quæ ab illo hîc inconsideratè, ne dicam impiè, & temerariè dicuntur, magna ex parte sunt à nobis cum de iustificatione egimus, profligata, breuius omnes de fide controuersias, quàm soleo, perstringam. Kemnicio tamen non possum non principiò gratulari, quòd ueterem Ecclesiæ fidem, quam Lutherus prorsus abie-

H h h cit,

cit, ipse aliqua ex parte retinuisse præferat. Nam multis cōtendit, se non nudæ & ociosæ fidei tribuere iustificationem, sed illi, qui per charitatem operatur, atque adeo confitetur, inter mortuam fidem, & dilectionis pœnitentiæq; expertem, non esse illam, quam Paulus iustificantem uocat, & cum de operibus agit, nihil sibi suisq; esse antiquius affirmat quàm uniuer-
sæ plebi charitatis & officiorum necessitatem demon-
strare, atque ad eorum studia modis omnibus illam incitare; in eoq; potissimum à nobis dissentire in-
nuit, quod nos iustorum præclara opera plurimum promereri credamus, ipsi uerò contrà, leuia illa esse, inania & quibus nihil prorsus apud Deum promeri possimus, indicent. quod quantum cum sacris lite-
ris & diuina bonitate pugnet, satis (ut puto) demon-
strauimus. Quid autem Kemnicius eiusq; complices de bonorum operum necessitate populum doceant, ignoro quidem, attamen quantum egregijs ipsi per-
suasionibus profecerint, satis Hieronymus Mentze-
lius nō ignobilis inter eos auctor his, uerbis docuit; Postquā per sanctum Euangeliū à Papæ tyrannide & potestate liberati sunt (Germanos intelligit) & assue-
uerunt homines illius cōstitutiones reiicere, progre-
diuntur ulterius, & uolunt, eandem consuetudinem in alijs quoque rebus omnibus, siue sint bonæ, siue malæ, retinere; uolunt esse liberi, nec à quoquam prohiberi, quo minus arbitrato suo uiuant, haud ali-
ter quàm si Euangelium esset talis doctrina, quod u-
nicuique concedat potestatem faciendi, quod illi placet, quæ nullum ordinem, nec ullam disciplinam ferre possit: quod si quis eis resistere fuerit ausus, cō-
ueniunt

Hierony.
Métzel.
lib. de Pa-
storibus.
Quem fru-
strum Lu-
theri do-
ctrina at-
tulerit ex
eorsidem
testimo-
nio.

ueniunt audaciæ, ut non solum odia suscipiant erga suos prædicatores, & eos contumelijs afficiant, sed etiã pro uirili sua tyrannicè insectentur. At si quem uolunt ordinem prædicatores instituere, statim uim esse dicunt minimè Christianam, & nouationem quandam, & introductionem ueteris Papatus, per quam prædicatores propriam suam potestatem & dominationem in commissum sibi gregem stabilire uelint. Qui si pergant urgere, quæ sanctè constituerunt, non solum conuicijs afficiuntur, uerum etiam ad extremum expelluntur. Neque dissimilia queritur Ioannes Spangenbergius. nam inter maxima à Luthero accepta beneficia numerans, quòd Romani Pontificis, hoc est Ecclesiæ, iugum ab eorum ceruicibus deiecisset, quem ex tanto illo beneficio fructum perceperint, his uerbis edocet, Vetus prouerbium & à multis doctoribus repetitum, quòd post reuelationem Antichristi, tam erunt homines fieri, quòd iam deinceps nolent Deum agnoscere, nec ullam illius rationem habere, sed iuxta suam quisque uoluntatem faciet quidquid Diabolus, & caro suascribit. hoc tempus iam (inquit) completum uidemus, postquàm enim admirabili quadam, & singulari Dei gratia, Antichristianismi, siue Papatus deceptiones manifestæ sunt, incipiunt iam homines nihil amplius credere. Et postquàm à uinculis Papatus se liberos esse uident, uolunt etiam esse liberi ab Euangelio, & præceptis Dei, & uolūt ut deinceps rectum sit ac iustum quidquid unicuique uisum fuerit. Sed iam, Kemnici, aduerte quantus sit furor atque insania, cum Antichristum appellare, cuius leges quàm diutissimè

Germaniam in fide atque officio continere potuerunt, & quas cum primùm conuulsit & conculcavit, Pontificiam auctoritatem contempsit, obedientiam abiecit, paternumq; iugum repulit, ad omnia scelera tetraq; facinora fores patefecit. Nec plebs fidem diutius tueri pietatem, conseruare, officiumq; colere potuit, nihilq; fuit, quod illius furorem cohibere potuerit, quo minus effrenata quadam licentia, & præcipiti audacia in omne uitiorum genus raperetur. quæ satis magno argumento sunt, ita esse Romani Pontificis auctoritatem cum uera fide & pietate coniunctā, ut nemo illius proditor esse possit, quin huius sit etiam nefarius ac sacrilegus desertor. Cum igitur insana illa & temeraria Lutheri turba in nuda fide confidentia, tantas turbas in Germania concitauerit, & uestrum per multi tantæ insanix debitas poenas luerint, non miror si uestro periculo docti, alienoq; malo admoniti, charitatis, modestiæ, temperantiæ, omniumq; bonorum operum necessitatem, tanquā iustificationi, atque saluti necessaria officia uestris persuaueatis, quibus rebus non magis illorum saluti, quā uitæ uestræ consultum iri putatis: sed quacumque tandem id ratione inducti agnoscatis, uobis gratulor, & nobis gaudeo. Nam siue per occasionem, siue per ueritatem Christus annuntietur, & in hoc gaudeo, sed & gaudebo, et spero breuī uos ad Romanam Ecclesiam communem Christianorum omnium matrem redituros, atque id ipsum nos omnes esse dicturos.

Phil.c.1.

S E D quando de bonorum operum ad iustificationem necessitate nihil te dubitare asseris, *questionis statum*

Statum, inquis, esse, An fides iustificet propter opera, quæ parit? an uerò propter Christum, quem apprehendit, qui factus est nobis à Deo iustitia. quæ magnam præferunt coniecturam, haud te percipere, qua ratione fides iustificare dicatur. nā cum ipsa non sit causa efficiēs iustitiam, quæ sola est diuina misericordia, nec meritoria, quæ solū Christo competit, qui non alia de causa nostra dicitur iustitia, sanctificatio, & redemptio, quā quia ea omnia nobis abundè promeruit (ut apertè demonstrauimus) nec item forma sit illa, quæ cū mentem informat, iusti dicimur; colligitur sanè, idè iustificandi uim fidei in sacris literis tribui, quia iustitiam necessariò præit, & præcurrit, atque animum ad iustitiam accipiendam præparat, & præmunit. nam sine fide impossibile est placere Deo; atque adèd quamcunque tu tandem iustificandi rationemingas, siue fictitiā illam, & imputatiuā, quam profligauimus, siue uerā atque expressā, nullā certè aliam ad iustificandum uim fides habet, quā animū præparare, ne iustitiæ sit prorsus indignus, quod explicatissimè Theologi scholastici dixerunt, Tenere se, scilicet fidem ex parte nostra, ut iustitia exornari possimus. Cū igitur ex impijs iusti efficiamur, Christus mentium sanctificator non quidem sola fide, sed spe atque charitate apprehenditur. fide enim credimus in eo uno uitā nostrā atq; salutē positā esse; spe excitamur, ut Christi nos bonitate atque meritis uitā, sanitatēque recuperaturos esse, speremus. Charitate incēdimur, illumq; omni studio atq; amore prosequimur, quem iustitiæ, ac bonorū omnium fontem esse intelligimus: quæ amoris uis, in animis nostris

nostris magnum certè in ea scelera odium, quibus diuinam indignationem prouocauimus, filium Dei conculcauimus, atq; spiritum gratiæ, contumeliam fecimus, concitare solet. Quare impius fide iustificari ideò dicitur, quia fides initium ac fundamentum est iustificationis, atq; ad spem & charitatem fores quodammodo aperit, quæ opera sunt ad iustitiã comparandam necessaria, & quibus Christum perfectè appræhendimus. Non igitur inficiamur, omnes iustificari per Christum mente appræhensum, asserimus tamen, neminem rationis ac cõsiliij compotem iustificari, ni Christum fide, spe, ac charitate simul appræhendat, quibus animus cumulatè ad iustitiam præparatur. quod Paulus in epistola, quam ad Hebræos scripsit, satis aperuit, cùm fidei dignitatè commendans atque exaggerans, illi plurimorum iustificationem tribuit, non ob Christum solo intellectu, qui fidei sedes est, appræhensum, sed quia ad spei, & charitatis egregia opera illos uiros præclaros incitabat. Noe inquit, responso accepto de ijs, quæ adhuc non uidebantur, metuens, aptauit arcam in salutem domus suæ, per quam damnauit mundum, & iustitiæ, quæ per fidem est, hæres est institutus. An existimas, quòd nisi Noah fidei, quam diuinis uerbis habuit, certam spem, obedientiamq; adiunxisset, iustitiæ, quæ per fidem est, hæres unquam institueretur? sed quia fides, quam diuinis uerbis habuit, illum in certissimam salutis spem adduxit, atq; Dei, qui eius salutem tam studiosè curabat, amore inflammauit, fide iustificatus dicitur, quod paulò pòst magis idè Paulus aperit. Deficiet, inquit, me tempus enarran

tem

tem de Gedeone, Barac, Sanſon, Iephthe, Dauid, Sámuel, & Prophetis, qui per fidem uicerunt regna, operati ſunt iuſtitiam, adepti ſunt repromiſſiones, obturauerút ora leonum, extinxerunt impetum ignis, effugauerunt aciem gladij, conualuerunt de infirmitate, fortes facti ſunt in bello, caſtra uerterunt exterorum. Qui ideò hæc tam præclara facinora per fidem præſtitiffe dicunt, quia non niſi fide ducti, & incitati, ad omnia ſe charitatis officia adiunxerunt. Colonienses uerò, hauð quidem arbitrantur, præclaris hiſce operibus impios iuſtitiam promereri, ut tu temerè calumniaris, quam gratis nobis à Deo conferri cum Paulo ſæpius conſtitentur, ſed quemadmodum tu fidem, quæ iuſtitiam neceſſariò præit, & præcurrit, non quidem iuſtitiam promereri (neque enim iam eſſet gratia) ſed animum ad eam ſuſcipiendam præparare arbitraris, ita illi cùm ſpei, & charitatis actiones cum fide colligandas eſſe dicunt, non quidem meriti aliquam uim conſtituunt, ſed ad animũ præparandum, & præfulciendum, neceſſarias eſſe, ſacrarum literarum testimonijs edocti affirmant.

QV I D horum uerò in hac animi præparatione primas partes obtineat, etiam inter catholicos non ſatis conſtant, dum quidam fidei, alij uerò charitati ac pœnitentiæ, quæ ex charitate oritur, primas deferunt: ipſe uerò & ſi fidem, iuſtitia eſſe quaſi fundamentum agnoſcam, & ex ea egregios omnes animi motus ortum ducere nõ ignorem, principem tamen locum charitati ſemper defero, quæ & ad Deũ mentium iuſtificatorem, & ad ipſam iuſtitia formam propius accedit. quare D. Paulus apertè charitatem fidei

ORTHODOX. EXPLIC.

dei præfert, cum sine charitate, quæ Euangelii summam continet, fidem nihil prodesse, asserit. Cum qua si coniuncta sit, & copulata, mentem sanè mirabiliter illustrat, & exornat. Quòd si ad rerum naturam animum aduertamus, facilè uidebimus, ea ad quidpiam efficiendum potissimùm ualere, quæ ad illud augendum plus uirium momentiq; habent. Cum igitur iustitiam augere, atque amplificare, nullæ res magis, quàm charitatis officia possint, colligitur sanè necessariò, ea in animo ad iustitiam præparàdo principem locum obtinere: quæ tamen non de charitatis habitu, sed de actionibus intelligenda sunt.

IN tertio Axiomate illud solùm adnotabo, quàm uasfrè & ueteratoriè Kemnicius asserat, Colonienses arbitrari, *Obiectum fidei iustificantis, non esse promissionem misericordiæ in Christo mediatore, sed uersari in omnibus illis, quæ a Deo Ecclesiæ in uerbo reuelata sunt.* qui tamen eo in loco, quem ipse calumniandum suscepit, reprehendunt Monhemium, quòd Caluini impietatibus delibutus, doceat, nos ea tantùm credere, quæ ad promissionem spectant, non autem illa, quæ minas inducunt, multisq; demonstrât, fidem illam, ex qua fideles nominamur, in omnibus uersari, quæ à Deo Ecclesiæ suæ per scripturas, siue per traditionem, indicata sunt. Neque tamen inficiantur, cum iustificamur, fidem potissimùm in salutis nostræ auctorem atque consummatorem Iesum respicere, quippe cuius meritis innixi, salutem, iustitiamq; speramus. iustitia enim Dei per fidem Iesu Christi in omnes, & super omnes, qui credunt in eum. Cui (ut D. Petrus ait) omnes Prophetæ testimonium perhibent, remissio-

Róm. c. 2.
act. c. 10.

missionem peccatorum accipere, per nomen eius, omnes, qui credunt in eum.

QUATVOR ultimis Axiomatibus Kemnicius tanta procacitate in Colonienses inuehitur, quod affirmant, fidem in uniuersalibus tantum pronuntiatu uersari, ut scurrām consulto agere uideatur. quæ uerba qua solet sinceritate in hunc modum interpretatur, *Iesu ita asserunt, fidem in eam non debere in Christo hoc querere, ut ego saluer, sed debere contentam esse generali assensione, Certam esse hanc sententiam, Qui crediderit saluus erit.* quæ omnia edendū, ut omnes cum Luthero & Caluino certò credant secumq; statuunt, iustitiam se per fidem fuisse consecutos. quā insanam temeritatem eum refellunt Colonienses, multis ac magnis argumentis ostendunt, fidem non spectare priuatas hominum actiones, sed de uniuersalibus tamen rebus agere. Euangelica enim doctrina docet, eos, qui sincera fide & ardenti charitate Deum prosequuntur, iustitiæ ornamenti illustrari, minimè tamen asserit, an ipse ea omnia habeam, quæ ad iustitiam comparandam, sunt necessaria. Edocet fides, me in nullo alio salutem querere, aut ab alio quam à Christo iustitiam sperare posse, atque aded ut tuis uerbis Kemnici utar, docet, fidem meam potissimum debere in Christo querere, ut ego saluer. sed an eam operam ad iustitiam consequendam, quam oportebat, adhibuerim, ex fide nō accepimus. Nam etsi iustitiam nemo ullis officijs promereri possit, ijs tamen solum à Deo tribui, qui pœnitentiæ se ac charitatis actionibus ad illam suscipiendam præpararunt, abundè demonstrauimus. Quare cum fidei testimonio non constet, an ea

omnia quis præstiterit, quæ sunt ad iustitiam compa-
 randam necessaria, præclarè quidem à Colonien-
 sibus dictum est, fidem in singulis hominum iustitijs
 minimè uersari, quod & tu, si modò tibi constas, con-
 fitearis necesse est. neque enim ita nudæ fidei iusti-
 ficationem tribuis, aut illā omnibus esse officijs spo-
 liatam uelis, quinimmo hypocritam illam fidem ap-
 pellas, quæ poenitentia caret, neque ad iustificatio-
 nem quidquam ualere arbitraris. Sed agedū uidea-
 mus, ex quo scripturæ loco constet, tuam fidem, cum
 poenitentia coniunctam esse, aut hanc, quam tu poe-
 nitentiam ducis, ueram esse, neque quidquam hypo-
 crisis ac fallaciæ coniunctum habere? quòd si aliqua
 offendisti scripturæ sacræ arcana mysteria, quæ Ca-
 tholicam ecclesiam de tua, aut Caluini uera poenitē-
 tia certiore facere possint, nobis commōstra, nam &
 uobis gratulabimur, & confitebimur, uos uerè iustos
 esse. de me id certè testari possum, quòd certissimè
 credo, & nulla ratione dubito, mihi ad iustitiam adi-
 tum patère, si sincera fide, ueraq; poenitentia ad diui-
 næ gratiæ thronum accessero. Sed an id uerè ac inte-
 grè aliquando præstiterim, constare mihi certè nun-
 quam potuit, neq; alicui constabit unquam, nisi sin-
 gulari Dei beneficio illi fuerit diuinitus reuelatum.
 At cum Philippo inquires, fidei tantam uim esse, ut si
 qua poenitentia defuerint, ea ipsa abundè suppleat.
 An non uides, id nihil esse aliud, quàm poenitentia
 necessitatem eludere, & soli fidei, quam tu ipse infor-
 mem & hypocritam uocas, iustificationem tribuere?
 Nam si fides, quod poenitentia defuit, supplet, ergo
 ipsa sola etiam poenitentia expers iustificat. sin uerò
 poenitentia

pœnitētia semper est apprimè necessaria, ut & tu ipse fateris, & ex sacris literis demonstrauiamus, aut certè pœnitentiam nos ueram habere constet, necesse est, aut nunquam iustitia nos esse exornatos, perspicuum esse potest.

QVOD si ad peccatorum uarietates atque dissimilitudines animum aduertas, id clarius perspicere poteris; neque enim inficiari potes, aliqua esse peccata, ipsis etiam peccatoribus usque adeò occulta, ut illa internoscere nullo modo possint, ut quæ ex pingui quadam ignoratione procedunt. Quare & D. Paulus ait, *1. ad Tim. c. 1.* se fuisse misericordiam consecutū, quoniam per summam ignorantiam, Dei ecclesiam tam fuerat acriter infectatus, à quo quidem scelere se libentissimè abstinuisset, si in Christi cogitationem aliqua ex parte uenisset. quinimmo neque negare ipse potes, ignorantem ipsam quandoque summum scelus esse. nisi fortè Anabaptistarum, Cœlestium Prophetarū, Præmonstratensium, atque similium monstrorum impietates omni culpa uacare arbitraris, quia falsa quadam persuasione decepti, inscienter peccant. Quare Dauid sanctissimus humani cordis tenebras, & quasi latibula, ad quæ nemo penetrare nisi Deus potest, ueritus, diuinum numen precatur, ut sibi occulta & abscondita scelera condonaret. quod si ex Anabaptistis, Catharis, Arrianis, atque ex ijs demum, qui abditis hisce sceleribus inquinati sunt aliquis, Christū mediatorem Dei & hominum fide apprehēderit, & certò sibi persuaserit, iustificatum se esse, putasne tantam esse fidei huius uim, ut omnes illius impietates contegantur, neque illi aliqua ex parte impu-
tentur,

Psal. 50.

tentur, usque aded ut credere teneatur, se iustum esse? quod si ita se habere existimas, quid est, quod tantopere in religionis nostrae mysterijs confirmadis digladiamur? si unica haec iustitiae persuasio omnia crimina delet, & omnem fidei uirtutumque iacturam resarcire facile potest, hanc iustificationis rationem mortalibus omnibus persuadeamus, reliqua uero cuiusque iudicio, libidini, atque uoluntati relinquamus. Si uero haec uel cogitare impium est, nemo certe sine maxima temeritate sibi salutem certo polliceri, aut tanquam fidei dogma minimè dubium credere potest, iam se esse iustificatum, cum scire nemo possit, an aliquo sit crimine implicatus, cuius nulla sit ratione conscius. Quare neque D. Paulus iustum se ducebat, & si nullius criminis conscientia esset cõuictus, quippe qui nouerat, diuinum iudicium à nostro tam esse disiunctum, ut multa nefaria crimina admittamus, quae omni culpa uacare ducimus. quod si uobis rationem aliquam antiquus ille serpens nuper demonstrauit, qua altissimo similimi effecti, ita cordis uestri recessus introspiciatis, ut nulla uos crimina latere possint, nihil mirum si iustitiae etiam ornamenta explorata uobis esse possint. sed si multa uestram, ut aliorum hominum, cognitionem effugiunt, haec sanè uestra confidentia temeritati quidem potius, quam fidei ascribenda est: nisi forte cum Bucearo, ridiculè magis, quam acutè respondeas, fide tum hominem certum reddi, quod iustitiae sit luminibus illustratus, quando Spiritus sanctus id intus in animo testatur. quod nemo unquam dubitauit. Nam cum Spiritus sanctus neque falli, neque fallere possit,

si constiterit, aliquid esse Spiritus sancti testimonio
 firmatum, tam est certò credendum, quàm reliqua
 fidei mysteria. illud tamen in quæstione uersatur, an
 scilicet constare certò possit, illam, quam multi sen-
 tiunt, mentis testificationem, esse Spiritus sancti uo-
 ces. atquì affirmamus id constare nemini sinè pecu-
 liari reuelatione posse. Non negamus tamen, pluri-
 mas esse coniecturas plurimaq; argumenta, quibus
 sine temeritatis nota persuadere sibi quis possit, Deo
 se gratum esse. Pernegamus tamen cum Concilio *Concil. Trid. sess. 6. sub Pau-
lo 3. c. 9a*
 Tridentino, euidenter id alicui constare, aut fidei te-
 stimonio sciri ab aliquo posse, nisi peculiari Dei re-
 uelatione fuerit certior factus. Nam sicut (inquit)
 nemo pius de Dei misericordia, de Christi merito,
 deq; sacramentorum uirtute & efficacia dubitare de-
 bet, sic quilibet dum se ipsum, suam propriam infir-
 mitatem & indispositionem respicit, de sua gratia
 formidare & timere pòtest, cum nullus scire ualeat
 certitudine fidei, cui non potest subesse falsum, se
 gratiam Dei esse consecutum. Quod D. Hieronymus,
 sæpius inculcat, cum Prophetæ scelerum ueniã cum
 aliqua dubitationis nota pollicentur. ut apud Danie- *Dan. c. 4.*
 lem, Peccata tua eleemosynis redime, & peccata tua
 misericordijs pauperum forsitan ignoscet dominus;
 delictis tuis. & apud Ioelem, Quis scit si conuerta- *Ioel. c. 2.*
 tatur & ignoscat, & relinquat post se benedictione;
 ex quibus colligit Hieronymus, summã illos temeri-
 tatis reos esse, qui confidenter ueniam pollicentur
 peccantibus. quæ loquendi forma cum sit diuinis
 scripturis usitatissima, dementissima ac planè Phari- *Mat. 23. 12*
 saica temeritas est, ut nobis eam salutem certò polli-
 ceamur,

ORTHODOX, EXPLIC.

Provrb.
c. 28. ceamur, de qua Spiritus sanctus dubios nos esse uoluit. Quare Solomon postquam poenitentes misericordiae spe erigit atque recreat, beatos illos dicit, qui semper sunt pauidi, neque unquam securitatis confidentia sibi ad flagitia aditum aperiunt.

Cypr. sermo. de E-lecmofyna. Quid si ad sanctorum patrum monumenta, unde disciplinae integritas & fidei certissima regula petenda est, animum aduertamus, facile intelligemus, persuasionem esse minimè Christianam, sibi de consecuta iustitia blandiri. D. enim martyr Cyprianus, ita nos uitam instituere docet, Nemo (inquit) sic sibi blandiatur de puro, & immaculato corde, ut innocentia sua fretus medicinam non putet esse adhibendam uulneribus, cum scriptum sit, Quis gloriabitur castum se habere cor? aut quis gloriabitur, mundum se esse à peccato? D. uerò Hieronymus id luculentius docet, cum uerba illa Ieremiae interpretatur,

Prov. 20. Ecce ego implebo omnes habitatores terrae huius, & reges, qui sedent de stirpe Dauid, super thronum eius ebrietate. Hac (inquit) ebrietate, qua obliuiscimur praeceptorum Dei, & uitij atque peccatis omnis impletur humana conditio, dicente Propheta, Non iustificabitur in conspectu tuo omnis uiuens. non ad comparationem Dei (ut ueteres & noui haeretici uolunt, & patroni haeticorum) sed ad scientiam eius. homo enim uidet in facie, Deus in corde, & quod nobis interdum mundum uidetur, illius oculis sordidum deprehenditur. quae satis indicant, tam esse reconditum atque occultum mentis nostrae statum, ut à nemine quàm à Deo perspicui aut cognosci possit. Et contra Pelagianos agens, illa Solomonis uerba

Hier. lib. 2. contra Pelag.

uerba amplificans, nemo scit quid futurum sit, quia sicut est, quis annuntiabit ei? sunt iusti, ad quos peruenit quasi opus impiorum, & sunt impij, ad quos peruenit quasi opus iustorum. hoc (inquit) idcirco dicitur, quia certum iudicium solius Dei est, & quos putamus iustos, sæpe peccatores inueniuntur; & quos è contrario peccatores, apud Dei scientiam iusti sunt, quantumcunq; laborauerit homo, ut inquirat, non reperiet. & si dixerit sapiens, se nosse, inuenire nō poterit. Infinitum esset singula huius sancti & incorruptissimi doctoris loca percensere, quibus apertissime sanè docet, & ex scriptura ductis argumentis probat, neminem sibi certò persuadere posse iam in gratiam cum Deo rediisse. Neque pauciora sunt apud D. Augustinum de eadem re testimonia, qui ideò gratiam Christi, qua iustificamur, occultissimam uocat, atque latenter puerorum mentibus infundi ait. & alibi, in hunc modum Pelagianos alloquitur, Audiant, à domino diriguntur gressus uiri, mortalis autem quomodo intelliget uias suas? Audiant, Omnis uir uidetur sibi metipso iustus, dirigit autem cor da dominus. Et cū uerba illa Dauidis interpretatur, Tibi soli peccaui, ait, Superas omnes homines, omnes iudices, & qui se putat iustum coram te, iniustus est. Quare, Kemnici, malumus coram Deo, tanta hac Augustini humilitate iustificari, quàm tua inani fide & confidentia, uobiscum damnari.

Hoc ipsum Catholici omnes probare solent illis Ecclesiastici uerbis, De propitiatu peccatorum, noli esse sine metu. cuius sententiæ uim cum eludere nullo modo possit Kemnicus, ait, *uocem peccatorum, ab aliis quibus*

August. de pecc. merit. & remi. lib. 1. c. 9. 10
Aug. de prædest. sanc. c. 20
Aug. in Psal. 50.

quibus monachis additam esse, cum textus Syriacidi solum habeat *תפלתו*, quod redditum fuit, de propitiato, cum condonatione. Ommitto, Kemnici, Tigurinā uersionem, quæ tuis in magno precio esse solet, eundem sensum multò explicatius reddidisse, Super data (inquit) uenia non sis securus. sed si ipsa quidem Græca uerba pondereamus, hunc profectò sensum satis confirmant; cum enim propitiatum illud solum dici possit, quod alicuius benignitate est condonatum; sicut & propitiare, est propitium reddere, atque placare, nihil certè aliud significare Spiritus sanctus uoluit, quàm non debere eos, omni metu deposito, securòs uiuere, qui Deum sibi propitium esse arbitrantur: quod magis explicant quæ mox sequuntur uerba, Et ne (inquit) dicas, miseratio domini magna est, multitudinis peccatorum meorum miserebitur, misericordia enim & ira ab illo citò proximant, & in peccatores respicit ira eius.

Ecd. c. 9. ELVDERE etiam conatur Kemnicus Solomonis sententiam, Nescit homo utrum amore uel odio dignus sit. quia, inquit, tam Hieronymus, quàm septuaginta interpretes longè aliter illam sententiam ex Hebræo transferunt. Scio, Kemnici, Hebræa uerba diuersa aliquantulum esse, sed quæ sensum eundem prorsus faciant. Hæc enim sunt נִסְאָה אֵין יִרְעָה הָאָדָם, hoc est, tam amorem, quàm odium nescit homo. quæ nihil sanè aliud significant, quàm tam esse hominis uiuendi rationem obscuram, ut nescire possit, quid potius mereatur; odium ne, an amorem. quanquàm scio Rabinos hoc in loco sicut in plerisque alijs ridiculè delirare.

RISV demum maximo prosequitur Colonienfes, quòd

quoddā dicant D. Paul. cum in ea epistola, quæ est ad Romanos asseuerat, certum se esse, quoddā nec mors, neque uita; neque creatura aliqua separare eum posset à charitate Christi, certum esse, pro sperare, usurpasse. Sed si ex alijs scripturæ locis huius sensum eruere, Kemnici, uoluisses, tuos profectò magis irridendos existimasses, qui Pauli uerba, quæ solam per suasionem designant, decerta, & minimè dubia fide interpretantur. Paulus enim uerbum *πίπισμαι*, quo hîc utitur, quàm sepius, pro existimare, atque per suasum esse (ut Brasmus uertit) usurpare solet. In hac enim eadem epistola, certum inquit, se esse quoddā Ro. c. 15 ipsi Romani pleni sunt dilectione, repleti omni scientia, ita ut possint alterutrum monere: & in ea, quæ est ad Hebræos, Cōfidimus (inquit) de uobis dilectissimi, meliora, & uiciniora saluti. & ad Timoth. certum, inquit, se esse in Timotheo habitare fidē, non fictā, sicut & in eius matrē Loide. quibus omnibus in locis Paulus eodē uerbo *πίπισμαι* utitur. nemo uerò ita insaniet, qui existimet hæc eadē fide Paulum credidisse, quæ credebat Deum trinū esse ac unum; Christum Iesum mediatorem esse Dei & hominum, humaniq; generis iustificatorem. Quare cum in alijs locis persuasum esse significet, nihil est quoddā in hoc uno, certam ac minimè dubiam fidem designare arbitremur.

QVAM uetèratoriè autem Colonienfibus imponere studeas, dum ais, eos dixisse, idem esse in diuinis scripturis sperare & dubitare, satis intelliget, qui ad spei rationem, quam ipsi luculenter explicant, animum aduerterit. nam quanquàm spes aliquam ha-

unde spes
dubitatio
nem ha-
beat.

beat dubitationem coniunctam & implicatam, à dubitatione tamen ualde differt. Cum enim spes, qua nobis uitam æternam pollicemur, cum nostris operibus tum maximè diuinæ misericordiæ & omnipotentis fideat, quippe quæ ex meritis & gratia proficitur, gratiæ autem Dei, iacturam peccatis sæpe faciamus, atque ne in mentes nostras influat, impedimento simus; fit sanè ut ita certa sit spes, ut semper cum metu ac dubitatione sit coniuncta & copulata. qui enim Dei bonitatem & omnipotentiam intuetur, nūquam hæsitat, nihil pauet, sed sicut mons Sion nulla ex parte commouetur, at cum propriam fragilitatem & ad peccandum propensionem considerat, quā diu uiuit, ueretur ne Dei benignitatem impediat atque expellat. quare cum D. Paulus spem ait non confundi, & ancoram animæ tutam illam uocat, Dei omnipotentiam atque uirtutem, cui potissimum spes nititur, intuetur, ex quo habet, ut omnis sit, dubitationis expers. Colonienses uerò cum dubitationis plurimum illam habere aiunt, ad naturæ nostræ infirmitatem, cupiditatemq; impetus animū aduertunt, qui nos de mentis ac diuinæ legis statu sapius depellunt, inq; ea scelera quodammodo impellunt, quibus iustitiæ splendorem amittimus, & in diuinum odium sempiternosq; cruciatus incurrimus.

Rom. c. 5.

Heb. c. 6.

DIEGHI PAYVA

ANDRADII, LVSITANI,

ORTHODOXARVM. EXPLICA-

TIONVM LIBER SEPTIMVS.

De Cœna Domini.



TA est animus hominis à natura in-
formatus, ut cum semel diuinum im-
perium incoeperit detrectare, à recta
ueritatis uia declinare, clarissimo fi-
dei splendori mentis oculos occlu-
dere, nullum faciat errandi finem, ni-
hilq; sit tam certum & explicatum, in quo non falla-
tur ac decipiatur. Cum enim diuina sapientia Chri-
stus Iesus, sit uera illa lux, quæ omnes ignorationis
tenebras expellit; ueritas, qua omnes errores decli-
nantur; uia, qua rectà ad ueram sapientiam & im-
mortalitatem tendimus, quem in sola uera ecclesia
fide fundata, miraculis aucta, multorumque clarissi-
morum hominum sanctitatis splendore illustrata re-
perire licet, quì fieri potest, ut qui ab illa deficiunt,
& nudum Christianorum nomen retinent, teterri-
mas tenebras euadere, turpissimosq; ac miserandos
errores declinare possint? Quæ cum mecum ipse re-
puto, nihil miror, eos, qui in Romana, hoc est, uera ec-
clesia à pueris educati, sacro lauacro expiati, diui-
nis præceptis & doctrina imbuti, in eademq; diu ac

multum uersati sunt, ita religionē, fidem, pietatem
 ac reliqua Christianæ uitæ instituta aliquando abij
 ciant, ac si inter truculentissimos Christianæ fidei
 hostes nati, educatiq̃ue fuissent. Nam cum uel ijs in
 rebus, quas minimas esse ducunt, incipiunt falsis &
 peregrinis doctrinis cedere, neque conantur maio
 rum instituta quoad eius fieri potest retinere, & con
 seruare, fugata semel uerā lūce, & paulatim progred
 iente impietate, atque sensim aucta, & se se in socor
 des animos magis, ac magis insinuante, in omne tan
 dem impietatis genus prouoluuntur. Quocircā scitē
 admodum sensit Aristot. philosophorum omniū fa
 cilē princeps, nullum esse tam paruum errorem, cui
 nisi ac tutum occurratur, præscindaturq̃; primordia,
 temporis progressu in infinitum non augeatur, ac
 pestiferos funestosq̃; fructus edat. Qui enim minutis
 sima quæque Ecclesiasticæ disciplinæ principio de
 spiciē, & aliquid de debita Ecclesiæ obseruantia in
 termittit, pedetentim maiora contemnit, atque inso
 lentior factus, suo omnia iudicio metitur; ex quo cū
 omnes insint errores, fit, ut nihil apud illum certa
 demum rationē constet, sed omnia peruertat, immi
 sceat, & cōfondat, diuina humanaq̃; iura abijciat, &
 proculet, atque quouis doctrinæ uento hac illac cir
 cunferatur. cuius etsi omnis antiquitas uaria & aper
 ta exempla suppeditet, tot tamen ac tam miseranda
 sunt, quæ nostra hæc calamitosa fert ætas, ut super
 uacuum sit pristina commemorare: quod si paulō
 superiora, & quæ ante cēntū quinquaginta & quin
 que annos in Boemia gesta sunt, memoria repeta
 mus, faciliē uidebimus, paruula quadam scintilla ma
 ximam

ximam sylvam exarsisse, neque alijs quàm ijs, quæ commemorauimus exordijs, florentissimum illud regnum, misero atque execrabili schismate fuisse inuolutum. Nam cum anno à Christo nato 1409. Ioannes quidam Hus in Boemia uirus ex Ioannis Vicleff libris hauſtum, & intra pectoris angustias aliquandiu inclusum optaret quidem, sed non auderet, euomere, ne catholica & religiosa plebs blasphemiarum immanitate admonita, latens uenenum internoscere, sacrilegaq; impietate deterrita, se ab impietate abstinere posset; callida quadam religionis simulatione, cleri uitia palàm & acriter increpare incœpit, illumq; in populi odium & inuidiam adducere; atque imperitæ multitudini persuadere, ut quod debuissent odio uitia, uitæ institutum ipsum sanctissimum prosequerentur; atque ita paulatim effecit, ut rudis plebs, quæ ordinis dignitatisq; amplitudinem à uirtutis pulchritudine discernere nesciebat, Prælatorum obedientiam abijceret, præcepta cõculcaret, statuta tanquàm scelerata contemneret, atque ita animos à clero alienatos, facilè fuit omni impietate imbuere, nefario ac truculento scelere inuoluere, Christi q; hostes usque ad eò efficere, ut diuina omnia sacramenta conculcauerint, templa profanarint, sacra polluerint, diuinum humanumq; imperium propulsauerint, monachorum uiuendi genus sanctissimum, quod præsentissimum semper malorum omnium anthidotum in Ecclesia extitit, innumeris contumelijs affecerint, mirisq; modis irriserint, exsibilarint, exploderint: uniuersam denique pietatem & religionem pietatis simulatione deseruerint ac prodiderint.

*Inter er-
rores Io.
Vvicleff
damna-
tis in Cō-
cilio Con-
stant. er-
ror. 6.*

derint: usq; adeò, ut neq; summo & omnipotenti nu-
mini pepercerint; sed ita insanierint, ut Deū Diabolo
obedire oportere dicitauerint. Aduertamus iam,
quæso, Ecclesiastici ordinis uiri, quos Christus tan-
quàm lumina quædam in Ecclesia collocauit, quot
errorum tenebris, quotq; calamitatibus corruptis, &
deprauatis moribus occasionem dederimus. Quare
tempus sanè est, ut incipiat iudicium à Domo Dei,
& illa iam tandem damna illustri quodam sanctita-
tis exemplo compensemus.

BOEMORVM igitur gente ita tumultuante, atque
per fraudem à uera fide & religione deficiente, & in
summam impietatem prolapsa, facilè fuit peregrina
quæuis dogmata illis persuadere, & quam impieta-
tem semel conceperant, nouis persuasionibus auge-
re. Inter plurimos uerò, qui id facere tentarunt fuit
uîr quidam Germanus Petrus ex Desdra Misniæ ci-
uitate oriundus, cuius cùm sacrilegum animum, at-
que Ioannis Vvicleff impietatibus pollutum & infe-
ctum sui percepissent, patria pulsus est (tanta erat
Germanicæ gētis olim pietas & religio) qui in ciuita-
tem Pragensem non minus religione quàm doctrina
quondam florentissimam, unde uenenum hauserat,
extorris se contulit; ubi anno 1413. primus eos om-
nes diuinæ legis uiolatæ reos facere incœpit, qui sub
altera tantum specie sacrosanctum eucharistiæ sacra-
mentum sumunt. Quare illis solùm uitam æternam
pollicebatur, qui hac in re Ecclesiæ iudicium & au-
thoritatem contempsissent: quam cum diuinis insti-
tutis ex diametro pugnare affirmabat. Cum tamen
non ea auctoritate polleret, ut multis in nouo hoc
schisma-

schismatis genere auctor esse posset (erat. n. grammatices ludi magister) adrepsit ad amicitiam cuiusdam Iacobelli egregij & eloquentissimi concionatoris, quem cum in sceleratam suam sententiam pertraxisset, facile etiam fuit homini leuissimo laudisq; cupidissimo persuadere, ut omnes vires compararet, quod uniuersam plebem pari posset errore implicare. quod eo libentius fecit Iacobellus, quod nactum se esse occasionem est arbitratus, ut clerum in maius populi odiū & inuidiā adduceret. Quocirca & libris editis, & publicis concionibus ecclesiæ Romanæ obtreāre, tyrannidis illam insimulare, atque plebem aduersus Ecclesiasticum ordinem acrius concitare cœpit. quippe qui Christianum populum per summam inuidiam integro eucharistiæ sacramento tot sæculis priuasset, sibiq; id soli insolenter arrogasset, quod Christus non modò omnibus commune fecerat, sed ut ab omnibus sumeretur, summo cum studio sancteq; præceperat. Vt uerò acerbum hoc in Ecclesiasticum ordinē iam plebisq; animis penitus insitum odiū, magis ac magis augetur, imperitumq; uulgus in sua pellicere castra commodius posset, illi persuasit, clericos hoc nomine plebi se præferre uoluisse, quod ipsi integra, illa uerò mutila & quasi decurtata sacramenta acciperet. Quam opinionem uelut noua quadam exorta luce ita imbiberunt, atque retinuerunt Boemi, ut illam neque Conciliorum auctoritate, neque bellorum calamitatibus unquam deposuerint. Iam igitur uidere quiuis poterit, quale illud sit Euangelium, quod his auctoribus instauratum, his præsidij munitum, inuidia introductum, odio

ORTHODOX. EXPLIC.

odio inuectum, maleuolentia firmatum atque constabilitum est; quod quidem multò luculentius Lutherus aliquanto post declarauit; nam cùm uehementer principiò insectaretur Boemorum peruicaciam, quòd hanc solùm ob causam charitatis arctissimam coniunctionem diremissent, atque dictitaret, duas eucharistiæ species non fuisse à Christo institutas ut salutis necessarias, sed ut quiuis altera tantùm, uel ambabus liberè uteretur; tamen mox cum & Boemorum gratiam inire, & plebis odium aduersus Ecclesiam Romanam augere uoluit, Iacobelli exemplo prouocatus, illiusq; armis instructus, crebris sermonibus usurpare cœpit, tyrannide Pontificia alteram speciem populo præreptam esse, sine qua nemo posset cœlestis uitæ fieri particeps. Cùm uerò natura quadam atque penitus insita animi elatione & insolentia, ægrè nobis quempiam præferri omnes patiamur, nihil mirum si nefarij istorum hominum conatus illis feliciter atque ex animi sententia successerint. Quibus uerò potissimùm rationibus in hanc fuerit Lutherus sententiam adductus, satis explicauit, cum affirmauit tam diu uelle suos sub utraque specie eucharistiæ sacramento uti, quandiu Ecclesia reluctaretur. quòd si aut Pontificis summi conniuentia, aut uniuersalis alicuius Concilij decretis utraque laycis permitteretur, tum contrà suos, aut altera tantùm uti, aut ambas potius reijcere oportere. O præclarum Lutheri Euangelium, ò egregium de animarum salute studium. Infelix nostrum sæculum, cui tam nefarius Christianæ disciplinæ corruptor cōtigit. quid enim excogitari potuit petulantius, quàm Euangelicæ

licæ uitæ perfectionem, quam in animorum coniunctione & mutua charitate Christus collocauit, in dissensione, odio, atq; inimicitijs ponere? quid scelerius, quàm sacramentum ad fidelium animos summa charitate copulandos, indissolubiliq; amoris uinculo cōstringendos inuētum, utq; omnes unam, eandemq; mentem, fidem, atque uoluntatem perpetuò tuerentur, & conseruarent, à Christo institutum, inaudita quadam metamorphosi inimicitiarum, odij, & dissensionis facere seminarium? quid quæso cum Christi institutis pugnare magis potest, quid procacius, funestius, perniciosius animo concipi potuit, quàm eū de augustissimo hoc sacramento præclarius mereri qui pertinacius à Catholica Ecclesia in eius usu descīuerit? Sed fac, Lutheræ, Ecclesiæ decreto calicis usus laicis permittatur, quod ab illa fieri posse nō dubitamus, quid tuis faciēdum erit? in quas inciderēt salebras? in quas redigentur angustias? Nā si nobiscum cōsentiant tuisq; præceptis obtēperauerint, illis erit non modò permolestū, sed nefarium scelus suscepisse arbitrabuntur: sin uerò dissentient, eadem diuina præcepta, ea ipsa Christi uerba, quæ tu nobis, illis obijciemus, & illos uiolatæ diuinæ legis, te auctore, condemnabimus. Quare cū tuos doces tam diu utranque eucharistiæ speciem sumere, quamdiu nos altera abstinemus, satis quidem uerè, imprudentamen declarasti, nunquam ita insaniuisse, ut aliquam à Christo hac de re certam legem latam fuisse existimares, sed cuncta, quæ nobis obijcis, ad inuidiam concitandam, & contumeliam Ecclesiastico ordini inferendam (quibus semper studuisti) fuisse à

te excogitata. Cuius tamen præcipitis furoris & in Christi Ecclesiam immanis ac crudelis odij idè multò apertiora dedit documenta. nota enim est eius epistola, qua ægerrimè fert, quòd Carolstadius, & qui eius impietatem imitati sunt, pernegant, Christum in sacrosancto eucharistiæ sacramento præsentem esse, non ei potuerint tãtam illam blasphemiam mox persuadere. nam ea unica uia maximas se in Ecclesia tragœdias concitare potuisse, arbitrabatur, atque Papæ (ut illius uerbo utar) plurimum incòmodi detrimentiq; afferre. Quare seipsum execratur, quòd tantæ impietatis auctor neque extiterit, neque in ea eius animus unquam potuerit conuiuiescere. Ne uerò cum Ecclesia, quam infinito odio prosequabatur, ulla ratione consentiret, suis tandem persuasit, figmentum esse uanitatis plenissimum, quòd panis ac uini substantiæ, Christo aduentante, loco cedant, atque in Christi corpus sanctissimum & sanguinem immutentur, quinimmo panis ac uini substantiam unà cum Christi corpore & sanguine manere, nefariè docuit. Quæ quanquàm satis firma sint, ut animus bene informatus nullam Luthero fidem habendam esse intelligat, quem odium atque inuidiam auctores & præceptores omnium consiliorum, totiusq; uitæ suæ habuisse apertè constat, ij tamen, qui se à nobis præciderunt, & in Christi hostium uerba iurarunt, tanquàm si offusa illis sempiterna nox esset, apertam & claram lucem, neque in suis ducibus aspiciunt, à quibus ita quidem errata hauriunt, ut quæ ipsi diuina magis prouidentia, quàm proprio consilio ueritatis edunt testimonia, ueluti crassis occultata
&

& circumfusa tenebris non uideant, neq; cessent nos ignorantix impietatisq; arguere, diuini fœderis uiolati, legis præcisæ, Christi præcepti conculcati reos facere. Inter quos non infimum locum habet Martinus Kemnicius, qui tanta audacia omnes Lutheri impietates Colonienfibus obijcit, ac si non satis essent Conciliorum auctoritate præclarissimorumq; hominum scriptis profligatæ & contritæ.

PRINCIPIÒ uerò acerbè illos arguit, quòd cum Concilio Lateranensi primo affirmant, in sacrosancto eucharistiæ sacramêto panis ac uini substantiam in corpus & sanguinem Christi ita transsubstantiari, ut quæ sensibus percipiuntur accidentia, sine subiecto cohæreant. qui tamen si aut uerborum Christi, aut totius Ecclesiæ, ætatum omnium, gentium, populorum, qui Christianum nomen professi sunt, consensus, quem ueteres naturæ quasi uoces appellauerunt, rationem habendâ esse existimaret, nunquàm profectò Colonienfes patres hac in re reprehendendos suscepisset. Quo enim, te quæso, pacto Christi uerba, Hoc est corpus meum. uera esse conuincas, si panis substantia ac natura integra maneat? Nâ cum illa unum atque idem esse cum Christi corpore sanctissimo nunquàm possit, & demonstrationis illa nota, rem tum præsentem, tum existentem, quæ manibus conteritur, & oculis cernitur secundum usitatam dicendi formam demonstrat, si substantia panis adest, illam certè magis quàm corpus Christi notare debet, quod ibi tanquàm in secreto quodam loco solum contineri arbitraris; diuersumq; est ualde ab illo corpore, quod oculis uisitur, & manibus contre-

statutur. quare significari atq; designari illa nota, hoc, nullo modo pōt, quinimmo dicere Christus debuisset, Hoc in loco est corpus meum. Sicut enim nunquam ita erō Germaniæ iniuriosus, ut illam Kemnicium appellem, quanquā ibi te degere intelligam, ita cum nota, hoc, substantiam sub accidentibus latentem significet, aut corpus Christi illa denotari nullo modo potest, aut certè illud solū ibi existit, in quod cum panis substantia tota immutatur, uerè dicimus, Hoc est corpus Christi. Quod etsi naturæ uires ac modum, humanumq; captum longo intervallo superet, ueniat tamen, Kemnici, tibi in mentem, præclara illa Augustini sententia, Cum Deus aliquid facit, quod nos inuestigare non possumus, ratio facti, est potentia faciētis. Hunc uerò germanum esse atque uerum uerborum Christi sensum, testatur

Cyrellus Hierosolymitanus Archiepiscopus cum de ueritate corporis ac sanguinis Christi agit. Cū Christus (inquit) ipse dicat atque affirmet de pane, Hoc est corpus meum. quis audeat dubitare? ac, eodem quoque confirmante & dicēte, Hic est sanguis meus. quis unquam dubitet, & dicat non esse illius sanguinem? aquam aliquando mutauit in uinum, quod est sanguini propinquum, in Chana Galileæ, & non erit dignus, cui credamus, quod uinum in sanguinē transmutasset? si enim ad nuptias corporeas inuitatus stupendum miraculum operatus est, & nō multò magis corpus & sanguinem suum filijs sponsi illū dedisse cōfitebimur? Quare omni cum certitudine corpus & sanguinem Christi sumamus. Nam sub specie panis, datur tibi corpus; & sub specie uini, datur sanguis.

Quod

*August.
epist. 2.*

*Cyrellus
Hierosolymita-
nus cate-
chesi my-
stagogi-
ca. 4.*

QVOD si sanctorum patrum monumenta euoluas, satis intelliges, ita omnes confiteri, panis ac uini substantiam in Christi corpus & sanguinem. omnino cōuerti, ut nullum aliud fuerit unquam Ecclesiæ iudicium. In ea enim quæ D. Iacobi nomine circunfertur, *Lyturgia* hæc habetur precatio, Spiritum tuum sanctissimum dimitte nunc quoq; Domine in nos, & hæc dona sancta proposita, ut superueniens sancta, & bona & gloriosa tua præsentia sanctificet, & efficiat hunc panem corpus sanctum Christi tui, & calicem hunc, preciosum sanguinem Christi tui. Neque dissimilem precationem extare in ea, quam D. Clemens Pontifex summus, Petriq; discipulus conscripsit *Lyturgia*, testantur Marcus Archiepiscopus Ephesinus, & Nicolaus Episcopus Methonensis, qui etiam diuinam hanc transubstantiationem, apertissimis uerbis edocet, Mysticam, inquit, hanc & incruentam consecrationem, qua panem & calicem consecratos, in corpus & sanguinem domini transmutari credimus, à quo nam principium accepisse dicas? non ne ab ipso & seruatore nostro Iesu Christo, quem admodum nos sacra docent Euangelia? Neque prætermittam quæ paulò post addit uerba, cum ad rem explicandam plurimum momenti habeant, Non ne, inquit, ipse est, qui ex nihilo omnia ut essent, fecit, unus trium personarum diuinitatis, qui postremis temporibus incarnatus est, & panem in suum corpus transmutari iussit? Quid requiris causam & ordinem naturæ panis transmutationis in Christi corpus, & aquæ, uiniq; in sanguinem, cum supra naturam, rationem, mentem, & cogitationem ex uirgine sit natus?

Non

*Lyturgia
Iacobi
Apostoli*

*Marcus
Archie-
piscopus
Ephesi-
nus.*

*Nicola-
us Episco-
pus Me-
thonēsis.*

Non credes itaque, nec mortuorum resurrectionem, nec in cœlos eius assumptionem, & alia Christi miracula supra naturam, mentem & cogitationem eminentia? Id tibi accidit, quòd Christum non Deum uerum ac filium Dei confitearis, sed Arrianismum, uel Iudaismum respicis. At fortasse dubitas minimeq; credis, quòd nò uideas carnem & sanguinem. Sed iam præsento, Kemnici, te ac tuæ factionis homines Methonenfi huic Nicolao respondere, nihil uos de Dei potentia, sed de uoluntate ac facto dubitare, quòd in scripturis sacris, quibus solùm fidem adiungitis, nò satis explicatum esse arbitramini. sed esto id ex nullo scripturæ loco (ut falsò arbitraris) apertè concluderetur, oppositum certè nullis posse diuinis oraculis persuaderi, apertè demonstrabimus, cum loca ea, quibus uestram insaniam confirmatis, explicabimus. Quis igitur furor maior, aut impudentior temeritas esse potest, quàm de rebus nullis scripturæ sacræ testimonijs apertè diffinitis, atq; explicatis, omnium sanctorum patrum sententiam, fidem, atque auctoritatem contemnere & conculcare? An non pij & Christiani hominis est, existimare, ea, quæ, uniuerſa Ecclesia nò reclamante, scriptura semper agnouit, & amplexata est, aut in diuinis literis esse inclusa, aut à Christo Apostolisq; profecta ad nos, per manus tradita peruenisse? An quia tu cum Luthero, Caluino tuiq; similibus hunc, quem dicimus uerborum Christi sensum non satis percipis, totius antiquitatis iudicium Ecclesiæque auctoritas contemnenda atque reiicienda est? An ea solùm uera sunt, quæ uos percipitis? An is solùm uerus scripturæ sensus,

sus, quem uos probatis? an uestro iudicio est Chri-
 stiana fides religioq; uniuersa metienda? an omnes
 sacrarum literarum recessus, quos uobis mirificè pa-
 tère arbitramini, uniuersi Ecclesiæ clausi semper &
 obserati fuerunt? ò incredibilem audaciam, ò inau-
 ditam temeritatem, ò execrandam intolerandamq;
 insolentiam. Nam si omnes terrarum orbis oras men-
 te & cogitatione lustraueris, si omnes gentes, popu-
 los, nationes, in quibus aliqua diuinæ cognitionis
 lux affulsit, memoria repetas, faciliè reperies, hanc
 omnium fuisse semper fidem, hanc fidelium omnium
 animis persuasionem penitus insitam, oēsq; hoc mō
 Christi illa uerba, Hoc est corpus meum. semper in-
 tellexisse, neq; ullum tuæ impietatis nisi apud Vvi-
 cleffum, Petrum Parisiensem, Berengarium, aut ali-
 quos huius factionis perditissimos homines repe-
 ries. An existimas, omnes sanctos patres sanctissimi
 huius sacramēti uim atque rationem semper latuif-
 se; Luthero uerò soli suiq; similibus ganeonibus no-
 tam fuisse & explicatam? An tantum hoc ac tam in-
 effabile mysteriū, sanctis omnibus, religiosissimisq;
 uiris absconditum semper esse, diuinum numen uo-
 luit, perditis uerò quibusdam & impuris hominibus
 reuelauit? uide, quæso, de hoc sacrosancto mysterio
 quid magnus ille Cyrillus Hierosolymitanus Archi-
 episcopus scriptū reliquerit, Deum benignissimum
 oramus, ut super illa proposita sanctum spiritum e-
 mittat, ut panem quidem faciat corpus Christi, ui-
 num uerò sanguinem Christi. omnino enim quod
 attigerit Spiritus sanctus, hoc sanctificatur & tran-
 smutatur. Et alibi de corpore & sanguine Christi a-
 gens,

*Cyrillus
 Hieroso-
 lymita-
 nus. cate-
 chesi my-
 stagogi-
 ca. 5.*

*Idē Cyril-
 lus cate-
 chesi. 4.*

Idem catechesi. 5

Tertullianus libro 4. contra Marcionem. Chrysost. in missa. & homi. 83. in Matt. et hom. 60. ad populum Antiochenum. Chrysost. serm. admonitorio de Eucharistia in Encænijs.

gens, Hoc (inquit) sciens & pro certissimo habens, panem hunc, qui uidetur à nobis, non esse panem, etiamsi gustus panē esse sentiat; sed esse corpus Christi; & uinum, quod à nobis conspicitur, tametsi sensui gustus uinum esse uideatur, non tamen uinum; sed esse sanguinem Christi. & cum ritum porrigendi fidelibus sacrosanctam eucharistiam describit, accurateq; explicat, ait, Auditis deinceps psallentem atque ad sacrorum mysteriorum communionem uos adhortantem, Gustate & uidete, quòd Christus est Dominus. Num hoc corporeo palato, ut istud diiudicetis, uobis præcipitur? nequaquam, sed potius fide certa, & omnis dubitationis experti. gustantes enim non ut panem aut ut uinum gustent, iubentur, sed quod sub specie est, corpus & sanguinem Christi. Tertullianus item, Christum ait, panem efficisse corpus suum, uinum uerò sanguinem; quod uerum minimè esset, si panis substantia unà cum Christi corpore maneret. quam etiam dicendi formam Chrysostomus sæpius usurpat. quinimmo & transmutari panem ac uinum in Christi corpus & sanguinem, non modò in Missa (quam ut notham contemnit, cum de inuocatione sanctorum agit, Kemnicus) sed Matthæi Euangelium explicas & sæpius aliàs asserit. qui nimmo panis substantiā consumi diuina uirtute, aperte testatur, Num (inquit) uides panem? num uinum? num sicut reliqui cibi in secessum uadunt? absit. Ne sic cogites. quemadmodum enim si cæra igni adhibita, illi assimilatur, nihil substantiæ remanet, nihil superfluit; sic & hîc puta mysteria consumi corporis substantia. D. uerò martyr Cyprianus, Panem inquit

inquit, quem Dominus discipulis porrexerat, non effigie, sed natura mutatum fuisse. Basilij autem sanctissimus frater Gregorius Nissenus id ipsum apertissimis uerbis edocet, Rectè (inquit) nunc Dei uerbo sanctificatum panem, in Dei corpus credimus transmutari. etenim corpus illud, panis erat potentia, sanctificatum est autem habitatione uerbi, quod in carne habitauit. Itaque qua ex causa panis in eo corpore mutatus in diuinam uirtutem transiit, eadem de causa nunc etiam fit. ut enim illic uerbi Dei gratia sanctum efficit illud corpus, cuius firmamentum ex pane constabat, & ipsum etiam quodam modo panis erat, sic etiam hic panis, ut ait Apostolus, per uerbum Dei, & orationem sanctificatur, non quia comeditur, eo progrediens ut uerbi corpus euadat, sed statim per uerbum in corpus mutatur, ut dictum est à uerbo, quoniam hoc est corpus meum. Theodoretus item; Symbola (inquit) corporis ac sanguinis Domini alia esse ante inuocationem Sacerdotis, quippe quia post inuocationem mutantur, & alia fiunt. Prætermitto Diuum Ambrosium, qui de sacramentis agens, multis probat, id, quod ante consecrationem panis erat, Christi uerbis ac uirtute accedente, corpus Christi fieri. quippe quia diuina illa uirtus, quæ efficere facillè potuit, ut ea essent, quæ nō erāt, multò facilius, quæ iam existunt, transmutare potest. Infinitum etiam esset, Diui Augustini loca omnia numerando percensere, quibus id ipsum dilucidè & apertè docet. hæc tamen ipsius uerba eiusmodi sunt, ut ipsius mentem apud omnium animos testatam relinquere facillè possint, Memini (inquit) sermonis mei

*Cypr. ser.
de Cena
Domini.
Gregor.
Nissenus
oratione
catechisti
ca.*

*Theodo-
retus.*

*Ambros.
lib. 4. sa-
cram. c. 4*

ORTHODOX. EXPLIC.

*Augu. de
uerbis do-
mini ser-
mo. 28.*

*Iuo de cr.
lib. 2.*

cum de sacramentis tractarem, dixi uobis, quod ante Christi uerba quod offertur, panis dicatur; ubi Christi uerba deprompta fuerint, iam non panis dicitur, sed corpus appellatur. Quare ergo oratione dominica, quæ postea sequitur, ait, panem nostrum, panem quidem dixit, sed *ἰν' οὐνοῦ*, hoc est supersubstantialem. Non iste panis, qui uadit in corpus, sed ille panis uitæ æternæ, qui animæ nostræ substantiam fuit. Neque tacita relinquam illustrissima quædam eiusdem egregij doctoris uerba, quæ apud Iuonem conscripta extant, deprompta ex quodam Augustini sermone nondum (ut ille ait) typis excuso. Sensuum enim infirmitatem cum fidei præstantia & dignitate conferens ait; Quod uidetis in altare panis est, & calix, quod etiam oculi uestri uobis renūciant; quod autem fides postulat instruenda, panis est corpus, calix est sanguis. Breuiter quidem hoc dictum est, quod fidei forsitan sufficere debeat, sed fides instructionem desiderat. Dicit enim Propheta, Nisi credideritis, non intelligetis. potestis ergo dicere mihi, præcepisti ut credamus, expone ut intelligamus: potest enim animo cuiuspiam cogitatio talis oboriri, Dominus Iesus Christus nouimus unde accepit carnem, de uirgine scilicet Maria; infans lactatus est; ligno suspensus est; interfectus; de ligno depositus, sepultus est; tertia die resurrexit; quo die uoluit, ascendit in cælum; illuc leuauit corpus suum, unde uenturus est iudicare uiuos & mortuos. ibi est modò sedens ad dexteram patris. quomodo ergo panis est corpus eius? & calix, quomodo est sanguis eius? Ista fratres idè dicuntur sacramenta, quia in eis aliud uidetur,

detur, & aliud intelligitur. quod uidetur speciem habet corporalem, quod intelligitur fructum habet spirituales. Hæc August. Euolue, quæso Kemnici, sanctorum omnium patrum monumenta, perlege ea omnia diligenter, quibus fidei nostræ mysteria, Christianæque uitæ instituta piè atque sincerè posteritati tradiderunt, & uide an aliquod extet apud illos tuæ infanitiæ uestigium. Quod si omnes in summo errore uersatos fuisse arbitraris, fuisseque ueritatem hanc tam crassis occultatam & inuolutam tenebris existimas, ut nusquam antea, illâ intueri Ecclesiæ licuerit, confitearis etiam necesse est, aut nunquam ante Lutherum Ecclesiam fuisse, aut funditus periisse. Cum. n. uera Ecclesia à uera fide potissimum pendeat, Christi certè illa Ecclesia dici non potest, quæ in summorum mysteriorum ignorance uersatur, quæ quotidie manibus uersat atque contrectat, turpiterque in illis decipitur. Ita uerò uniuersæ Ecclesiæ fuit semper persuasum totam panis substantiam in Christi corpus sanctissimum mutari, ut Græci qui à nobis plurimis in rebus turpiter, petulantissimeque desciscant, nullamque in uerbis illis, Hoc est corpus meum. uim ad eucharistiam conficiendam inesse existimēt, idque ut persuadere aliqua ratione possint, sanctorum patrum uerba inuertunt & corrumpunt, non possunt non confiteri nobiscum aduentante Christi corpore ac sanguine nihil præter externa panis et uini signa atque species manere, omnemque panis, ac uini substantiam in Christi corpus & sanguinem immutari, ut ex Marco Archiepiscopo Ephesino, Nicolao Cabasila, ac cæteris, qui Græcorum illam delirationem defen-

*Conc. Tri-
dēt. Sess.
3. sub lu-
lio 3.
can. 2.*

sanctam susceperunt, aperte constat. Cùm igitur sancta & œcumenica Tridentina Synodus, hanc fuisse sanctorum omnium patrum persuasionē, Ecclesiāq; totius fidem, intellexisset, scitè admodum eos omnes Anathemate damnauit, qui dixissent, in sacrosancto eucharistiæ sacramēto remanere substantiam panis & uini, unà cum corpore & sanguine Domini nostri Iesu Christi; negassentq; mirabilem illam, & singularem conuersionem totius substantiæ panis, in corpus, & totius substantiæ uini in sanguinem, manentibus duntaxat speciebus panis ac uini. quam quidem, inquit, conuersionem catholica Ecclesia aptissimè transubstantionem appellat.

At inquis, scriptura sacra, cui maior est fides habenda, eucharistiam, panem ac uinum sapius appellat. Quid igitur est, quòd nos horum substantiam ab eucharistia abesse dicamus? Neque enim panis id dici potest, cuius tantum externa forma restat, atque character. Neque ullus est alius scripturæ locus, cui uos fidere aliqua ratione posse arbitramini. Hæc uerò quàm parum firma sint, & quàm faueant minimum uestro huic furori, satis quidem Colonienſes patres aperuerunt, cùm aiunt, eucharistiam, panem appellari; tum qui uerus panis fuit, cuius speciem ac formam perpetuò conseruat. esseq; aiunt, sacræ scripturæ morem, rerum nomina perpetuò retinere, quanquàm rei uis atque substantia mutetur. Quare nihil mirum est, si eucharistia, panis nomen simul cum specie retineat. Tum uerò maximè, quia animæ nutrimentum est, mentesq; nostræ hoc diuino pabulo

lo aluntur & sustentantur. quare accommodatissimè panis dicitur, non quidem terrenus & abiectus, sed cœlestis atque diuinus. Cùm igitur sacrosancta eucharistia non simul panis officium cum substantia abiecerit, sed mirabiliter conseruauerit, atque commutauerit, meritò quidem panis nomen retinuit, quod ipsius uim atque rationem, quæ in mente alenda & sustentanda potissimùm posita est, aptissimè declarat. Quòd si Luthero tuo credis, panis uocabulo fidè, qua credimus & certò speramus per Christi nos sanguinem iustificari & saluari, Ioan. c. 6. significari confiteberis. quippe quæ humanos animos tãquàm diuinum quoddam pabulum alere, & ad omnia officia acres atque uegetos redere faciliè potest. In homilia enim dici illius, quo sanctissimùm Christi corpus anniuersaria celebritate colitur, petulantissimè, & impudentissimè, hoc est, more suo, in summum Pontificem uniuersamq; Romanam Ecclesiam inuehitur grauissimisq; illam lacerat contumelijs, quòd Ioan. c. 6. sanctissimè eucharistiæ accommodauerit, diuinæq; iracundiæ atque implacabilis odij, indicium esse arbitratur, quòd patiatur Papistas (ut ille ait) in scripturæ sensu tam turpiter errare, diuinaq; uerba in expiabili scelere peruertere. Quare nullum festum maiorem sibi nausçam mouere ait, quàm hoc unum, quòd corporis Christi uocatur. nullumq; uehementius optare ab Ecclesia funditus conuelli; quippe quia scripturæ sacræ uerba eo die tam turpiter deprauentur atque corrumpantur, ad quod facinus peragendum suos longà oratione hortatur. Age igitur, Keimnizi, quid quæso à terreni panis natura,

atque

*Luth. ser
mo. de
cor. Chri
sti.*

atque ratione longius abest, fides ne, quæ etsi mentem nutriat, solo tamen animo concipitur: an eucharistia, à qua, etsi panis substantia absit, quàm longissimè, panis tamen fuit, illius speciem characteremq; retinet, corporis ore sumitur, dentibus mādatur, extenuatur, molitur, in stomachum traicitur, plurimamq; ibi efficit, quæ uerus ac corporeus panis præstare solet. animam uerò, cui alendæ potissimùm accommodatur, mirabiliter reficit, alit, recreat, & sustentat? quare & anima, cibus à sanctis patribus appellatur. Qui igitur existimatis, panis uocabulo, fidei uim atq; naturam aptissimè in scripturis designari, quid est, quòd ex eadem uoce concludatis, substantiam panis in eucharistia remanere, cum tam multa in illa sint, quæ hanc compellationem postulare possint? Quòd si ad scripturæ sacræ loquendi modum animū aduertas, facile uidebis, panis nomine, omnem hominum cibum notari atque designari. Quare cum sacrosancta eucharistia cibi rationem cum panis substantia non amiserit, panis certè dici scripturæ peculiari phrasi debet, quæadmodum & uictum omnem, atque cuncta naturæ necessaria, sub panis nomine à Deo in oratione Dominica postulamus.

At inquis, si metaphorica est panis ista appellatio, dicemus ergo quando Christus accepit panem, et benedixit, quòd non elementum accepit, sed seipsum: Id uerò quàm sit puerile, uel ex eo satis constat, quòd etsi Christus accepit cōmunem panem, accedente tamen diuina uirtute, & Christi benedictione, qua panis substantia in Christi corpus est immutata, non quidem terrenum panem, sed diuinum atque cœlestem, hoc est, seipsum manibus habuit;

habuit; immo & tu ipse fatearis necesse est, Christū ē mensa quidem terrenum solum, atque uulgarem panem accepisse, ac postquā diuina uirtus accessit, Christi corpus in panem aduenit, non iam panem uulgare, sed coelestem, & unā cum pane seipsum manibus sustentasse. Nos uerò, qui Ecclesiae fidem ac sensum integrè retinemus, religioseque conseruamus, & omnem asserimus panis substantiam in Christi corpus sanctissimum fuisse immutatā, affirmamus, quod quanuis Christus ē mensa panē acceperit, ita tamen fuisse diuina uirtute mutatum, ut non iam panem, sed seipsum in illis speciebus, quæ sub aspectum cadebant, inclusum manibus habuerit, discipulisque porrexerit.

REPREHENDIT rursus Kemnicius Colonien-
ses, quod doceant, primum ac præcipuum augu-
stissimi huius sacramenti effectum, non esse peccato-
rum condonationem; nam cum animæ sit pabulum,
uiuis solum ad uegetis mentibus prodesse solet. Qua-
re qui maiestatis Christi obliti, & obseruantiae ipsius
corpori debitæ inmemores, sanctissimum illud diui-
næ gloriæ thronum adire, uniuersæ sanctitatis illud
domicilium ingredi, coelestique illo pane uesci, into-
lerabili peccatorum foeditate inquinati, pedore cor-
rupti, turpitudine infecti, atque nefarijs sceleribus
intermortui non uerentur, ut summa Christum iniu-
ria afficiunt, ita in grauissimam illius iram offensio-
nemque incurrunt: neque quidquam earum opum
consequuntur, quibus sacrosanctum hoc sacramen-
tum pias mentes locupletare solet. Cum igitur puras
ac sinceras mentes à crimineque omni, quod mortale
uocant,

uocant, liberas, hoc sacrosanctum sacramentum requirat, colligitur sanè, primum ac præcipuum illis effectum non esse, peccata condonare, sed animi opes, iustitiæq; ornamenta mirificè augere, & illustrare. Cum tamen ea sit humanæ naturæ infirmitas, ut neque scelera omnia, quæ passim suscipimus, memoria complecti, neque iusto dolore prosequi semper possimus: euenire quidem sæpe solet, ut sacræ eucharistiæ ui ea peccata deleantur, quæ poenitentia non prorsus extincta fuerunt atque deleta. Hanc uerò dilucidam, ueram, atque catholicam Colonien-
*sium sententiam, qua fide & integritate referat Kemn-
 nicius, audiamus, sententiam (inquit) illam, quod filius Dei
 sumptione eucharistiæ, singulis uera fide utentibus, largiatur, applicet,
 & obsignet illa beneficia, quæ traditione sui corporis, & effusione sui
 sanguinis promeruit, & negant, & pernegant.* Maeste Kemnici,
 tuam istam calumniandi rationem persequere, ne
 desiste, noua semper mēdacia excogitare, nouasq; ca-
 lumnias fingere. neq; enim fieri potest, quin uestros
 & perfidiæ uestræ, & errorum, in quibus miserè uer-
 santur, non tandem admoneant. Quó enim, quæso,
 in loco Colonienſes pernegant, sacrosanctæ eucha-
 ristix ui non donari nobis ea beneficia, quæ Christus
 sanguinis sui effusione promeruit? An iustitiam auge-
 re & amplificare, animum charitate inflammare) cu-
 piditatum impetus coercere, infractas uires, ad om-
 nes Dæmonum impetus propulsandos suppeditare,
 uirtutem ad omnia officia! forti & inuicto animo exe-
 quenda impertiri, infinitasq; alias dotes cœlestiaq;
 ornamenta, quibus humanus animus sacramenti hu-
 ius ui mirificè excolitur & illustratur, cōferre, in be-
 neficijs

nescijs à Christi sanguine atque passione profectis non esse annumeranda putas? An hæc Christum nobis promeruisse, pernegabis? Cùm igitur hæc omnia & alia longè plura, quæ nemo oratione consequi unquam poterit, sacrosanctæ eucharistiæ in hominibus confiteri Colonienſes dicant, qua fronte tantâ istam insaniam doctissimis hominibus ascribere audes?

At inquis, *testamentum nouum sacre literæ interpretantur remissionem peccatorum, manifestè enim dixit filius Dei, Bibite, hoc poculum nouum testamentum est.* vnde colligis, quòd si eucharistia peccata non condonet, minimè ea nobis dona conforte dicenda est, quæ nouo sunt testamento peculiararia. Principiò aduerte, quæso Kemnici, quantum Christi sanguini nouoq; testamento detrahas, qui illius uirtutem tam angustis terminis circumscribas. Nam etsi scelerum omnium condonatio, omnium sit beneficiorum Christi quasi fundamentum, quare à Ieremia atque Paulo tantopere commendantur, non tamen illud solùm nos Christi sanguis cõtulit, sed alia longè plura atque præstantiora, ut demonſtrauimus, cum de iustificatione egimus: & D. Paulus apertè testatur in ea epistola, quæ est ad Romanos, Abundantiam (inquit) gratiæ & donationis & iustitiæ accipientes, inuita regnabunt per unum Iesum Christum, & paulò inferius, Vbi abundauit delictũ, superabundauit & gratia. quòd si uirtute Christi peccata nostra solùm condonata essent, neque amplissimis diuinæ gratiæ opibus essemus exornati, nunquàm profectò Paulus dixisset, eorum mentes, quibus peccata Christi beneficio condonata sunt, gratiæ iustitiæq; ornamentis redundasse. Quare non

Rom. 5.

edò quidem solum Christus, poculum suo sanguine re-
 fertum nouum testamentum appellauit, quia pecca-
 ta illud bibentibus condonare poterat, sed quia cru-
 Coloss. c. i. cis suæ sanguinem continebat, quo pacificata sunt
 omnia, siue quæ in cœlis, siue quæ in terris sunt, &
 qui omnium est diuinorum beneficiorum quasi fons
 & scaturigo. quanuis enim non omnia sacramenta
 sint ad eisdem effectus accommodata, sed singulis
 peculiaris quædam uis infideat atque inhæreat, om-
 nia tamen uim & efficacitatem ex Christi sanguine
 hauserunt, easq; nobis cœlestes opes, cœlestisq; glo-
 riæ ea insignia tribuunt, quæ Christus passione sua
 promeruit. Sunt enim ueluti promptuaria sanguinis
 ac meritorum Christi, quæ nobis summus Pontifex
 Christus ministrorum Ecclesiæ suæ opera communi-
 cat. Inter reliqua uerò sacramenta hoc unum maxi-
 mè excellit, quippe quod ipsum salutis auctorem
 Christum, nouiq; testamenti sanguinem continet;
 unde reliqua uirtutem habent. Atque adeò præ cæ-
 teris omnibus æternis beneficijs illos auget, opibus
 locupletat, ornamentis illustrat, gratijs cumulat at-
 que exornat, qui, pro dignitate illud suscipiunt.
 Non igitur negamus, Kemnici, sacrosancto hoc sacra-
 mento uim inesse delendi peccata, sed affirmamus,
 eos, qui sanctissima mysteria ita contemnunt, ut gra-
 uissimorum scelerum sibi consciij illud suscipiant,
 non modò nullam à Deo gratiam consequi, sed gra-
 uissimo atque nefario scelere inuolui, atque idèò do-
 cemus, illius potissimùm effectum non esse peccata
 delere, quia oportet eum, qui pro dignitate hæc de-
 bet sacrosancta mysteria contingere, quo ad eius fie-

ri potest eniti, ut scelerum omnium ueniam à Deo prius impetret. Quod D. Paulus docuit cùm Corinthios admonuit, ut seipsum is primùm probaret, qui de cœlesti isto pane edere ac calice bibere, debet; nam qui manducat, & bibit indignè, iudicium sibi manducat & bibit. Sed uideo te tuumq; Lutherum existimare, D. Paulum non aliam optare seipsum probandi rationem, quàm nudam fidem, cum firma spe diuinæ misericordiæ coniunctam & copulatam, quod quàm sit à ueritate, & à totius Ecclesiæ sensu alienum, mox ostēdemus. Sed esto ea sit Pauli mens, Kemnici, si tibi constas, tuiq; Lutheri uestigia fideliter persequeris, iam eos iustificatos esse, eorumq; peccata condonata esse dices, qui ita probati ad hoc sacrosanctum sacramentum accedūt. Nam cùm hanc unam fidem ad peccatorem iustificandum, scelerumq; omnium ueniā impetrandam satis esse arbitremini, is certè qui sola fide probatus est, iustificatus omnino erit à peccatis. Nam age nunc uideamus, qui ad eucharistiam percipiendam accedunt, aut hac tua fide & spe probati sunt, aut minimè: si probati sunt, ergo aut omnibus iam sceleribus liberi & immunes, uereq; iustificati sunt; aut certè, sola fides cum firmissima spe coniuncta, ad iustitiam consequendam nequaquam sufficit. sin uerò illa fide destituti Christi corpore uescuntur, iudicium ergo sibi manducant & bibunt, grauissimamq; diuini numinis offensionem incurrūt. Qua uerò ratione seipsum homo probare debeat, ne fiat Dominici corporis ac sanguinis reus, satis D. Augustinus docuit, cum quo reliqui omnes sancti patres consentiunt. Secundum

(inquit) quòd unumquenque ornatum bonis moribus uiderit, ita illi gratiam suæ misericordiæ dispensabit. si enim uiderit charitatis luce uestitum, iustitiæ uel misericordiæ margaritis ornatum, castum, humilem, misericordem, benignum, & sobrium, si talem agnouerit, corpus & sanguinem suum ei non ad iudicium, sed ad remedium per sacerdotum suorum manus dispensabit. si uerò aliquem uiderit adulterum, ebriosum, cupidum & superbum, timeo ne illi hoc dicatur, quod in Euangelio dominus dixit, Amice quomodo huc intrasti non habens uestem nuptialem? & quod Dominus auertat, fiat hoc, quod sequitur, Ligate illi manus & pedes & projicite in tenebras exteriores, & rursus, Mutet, quæso, uitam, qui uult accipere uitam. Nam si non mutet uitam, ad iudicium accipiet uitam, & magis ex ipsa corrumpitur quàm sanatur, magis occiditur quàm uiuificatur. sic enim dixit Apostolus, Qui manducat corpus Domini & bibit sanguinem eius indignè, iudicium sibi manducat & bibit. Quod & ueteris Ecclesiæ integritati mores atque consuetudines apertè declarant. D. enim martyr Cyprianus, ne lapsi sine pœnitentia serua ad communionem eucharistiæ admitterentur, longa & ornatissima oratione cauitè cuius, quæso, uerba amoris pietatisq; plenissima, attentè auscultat, Emergit, fratres dilectissimi, nouum genus cladis, & quasi parum persecutionis procella læuierit, accessit ad cumulum sub misericordiæ titulo malum fallens & blanda perniciēs. Contra Euangelij uigorem, contra Domini ac Dei legem temeritate quorundam laxatur incautis communicatio. Irrita & falsa pax, periculosa

1. ad Cor.
c. 11.

Cypr. ser.
mo. 5. de
lapsis.

riculosa dantibus, & nihil accipientibus profutura. Non quærunt sanitatis patientiam, nec ueram de satisfactione medicinam. Pœnitentia de peccatoribus exclusa est, grauissimi extremiq; delicti memoria sublata est. Operiuntur morientium uulnera, & plaga lethalis altis & profundis uisceribus infixæ, dissimulato dolore contegitur. A Diaboli aris reuertentes ad sanctum Domini sordidis & infectis nidore manibus accedunt. Mortiferos idolorum cibos, adhuc penè ructantes, exhalantibus etiam num scelus suum faucibus, & contagia funesta redolentibus, Domini corpus inuadunt, cum occurrat scriptura diuina & clamet, & dicat, Omnis mundus māducabit carnem, & anima quæcunque manducauerit ex carne salutaris sacrificij, quod est domini, & immunditia eius super ipsum, & peribit anima illa de populo suo. Apostolus item testetur & dicat, Non potestis calicem Domini bibere, & calicem dæmoniorum, non potestis mensæ Domini communicare & mensæ dæmoniorum. Idem contumacibus & peruiacibus comminetur & denuntiet, dicens, Quicūque ederit panem, aut biberit calicem domini indignè, reus erit corporis & sanguinis domini. Spretis his omnibus atque cōtemptis, uis infertur corpori eius & sanguini eius. Plus modò in dominū manibus atq; ore delinquūt, quàm cum dominum negauerunt. Ante expiata delicta, ante exomologesin factam criminis, ante purgatam conscientiam, sacrificio & manu sacerdotis: ante offensam placatā indignantis domini & minantis, pacem putant esse, quam quidā uerbis fallacibus uenditant. Non est pax illa, sed bellum. nec eccle-

siæ

ORTHODOX. EXPLIC.

fiæ iungitur, qui ab Euangelio separatur. Quid iniuriam beneficium uocant? quid impietatem uocabulo pietatis appellant? quid eis, qui flere iugiter, & rogare dominum suum debent, intercepta pœnitentiæ lamentatione communicare se simulant? Hactenus Cyprianus. Quò etiam spectabat quòd sacerdos antequàm eucharistiàm populo porrigeret, magna & clara uoce dicebat, Sancta sanctis. hoc est, ut D. Cyrillus Hierosolymitanus interpretatur, Hæc, quæ in ara proposita, aduentu Spiritus sancti sanctificata sunt, sanctos solùm & diuino spiritu donatos decet. populus deinde respondebat, Vnus sanctus, unus dominus Iesus Christus. quo circà pœnitentes, qui ecclesiæ iudicio non satis erant expurgati, à communione sacrisq; mysterijs arcebatur, ut D. Chrysostomus auctor est. quippe quia quemadmodum, inquit, nemini eorum, qui initiati non sunt, adesse licet, ita neque initiatis, si sordidi, & commaculati fuerint. Et alibi, Sacram eucharistiam nullus crudelis adeat, nullus immisericors, nullus impurus, quouis modo, hæc tam ad uos, qui communicatis, quàm ad uos, qui ministratis, dicta esse uolo. oportet enim eadem etiam ad uos dicere, ut magno studio, & diligenti cura, dona hæc distribuatis. non parua nobis imminet pœna, si quem aliqua improbitate teneri scitis, esse huius mensæ participatione permittatis. sanguis enim eius ex manibus uestris requireretur. si dux igitur quispiam, si consul ipse, si qui diademate ornatur, indignè adeat, cohibe ac coerce, maiorem tu illo habes potestatem. longaq; oratione persuadere studet, omni esse dæmoniaco peiorem, qui sceleris alicuius sibi

Cyrrillus
Hieroso-
lymita-
nus. cate-
chesi my-
stagogi-
ca. 5.

Chrysost.
in primis
c. epist. ad
Eph. ser-
mo. 3.

Chrysost.
in Matt.
cap. 26.
hom. 83.

sibi conscius, ad eucharistiam accedit. Ischyus item sacerdotem inquit polluere mensam domini, qui iniquitate pollutos non præcipit abstinere, sed indifferenter permittit terribilia illa & sancta contingere. & paulò inferius, Quando quis, inquit, poenitentiae lacrymis ablutus fuerit, tunc sancta sanctè comedit. Quo circa publicæ Ecclesiæ preces, quæ corporis Christi consecrationem antecedunt, in tres olim erant partes distributæ, ut ex Cócilio Laodicensi constat, priori, quæ summissa, ac suppressa uoce dicebatur, Catechumeni ad Episcopi pedes prostrati & abiectioni intererant, quare Catechumenorum missa dicebatur. quibus discedentibus, secunda per cantum ad uocum modulationem incipiebatur, cui grauissimis etiam sceleribus inflames, & qui publicam poenitentiam agebant, aderant: quare poenitentium missa appellabatur. quibus egressis, reliqui fideles, qui nullis erant nefarijs sceleribus notati, osculo pacis, quod sacram oblationem antecedebat, & sacris mysterijs interesse liberè poterant. quod mihi quidem significare uidetur Gregorius, cum ait, cum missarum solennia celebrantur, Diaconum clamare, Qui non communicat, det locum. hoc est, quibus communicare ex more non licet. Neque enim ij. excludebantur, qui ab eucharistia sponte abstinabant; sed ij, quibus ob publicas poenitentias & excommunicationem, sancta mysteria contingere non erat integrum. Cum igitur, uetus Ecclesia semper habuerit persuasum, summam quandam animi munditiam & innocentiam necessariam esse, ut quis sanctissimo Christi corpore dignè uesci possit, in more institutoq; Ecclesiæ

*Ischyus
in ca. 21.
Leuit.*

*Idè in c.
22. Leuit.*

*Cócilium
Laodice-
nū, can.
19.*

*Gregor.
dialogo-
rū lib. 2.
cap. 13.*

*Athana.
apologia
de fuga
sua.
Chryso. in
primâ ad
Cor. c. 11
hom. 27.
Cōcilij Li
bertini.
Can. ult.
ca. omnis
homo. de
cōst. dif. 4*

*Conci. To
leta. pri
mâ can.
18.*

fiæ Africanæ positum fuit, ut qui ad eucharistiam accedere debuissent, noctu ad ædes sacras uigilias agerent atque ibi in precibus pernoctarent; ut D. Athanasius auctor est, moris uerò Græcorum fuisse mentem ad eucharistiam suscipiendam ieiunijs præparare & præmunire, testatur D. Chrysostomus. quo etiam spectat canon ille Concilij Libertini decernens ut omnis homo ante sacram communionem à propria uxore abstineat tres aut quatuor aut septē dies. ne scilicet quidquam sit, quod charitatis ardorem restringere aliqua ex parte possit. quod si ad seueros illos summamq; integritatem spirantes canones, quos poenitentiales uocant; animum aduertamus, facile uidebimus, sanctos patres semper existimauisse, eos qui ad sacrosanctam eucharistiam accedere dignè debent, non modò omni lethali culpa uacare, sed ab omni nefarij sceleris suspitione quàm longissimè abesse debere. Hinc fuit quòd Concilium Toletanum primum, sacra eucharistia uxoribus Episcoporum, Presbyterorum, atque Diaconorum perpetuò interdixit, si priori marito uitam deserente, secundo nupsissent, sed morienti tantum sacramentum subuenire posse decernebat. Nam cùm Ecclesiastici uiri, singulare esse debeant continentia, integritatis, religionisq; exemplum, insigne sanè esse uidebatur impudicitia documentum, si uxores, quæ illis fuerant familiarissimæ usæ, secundas nuptias ipsis mortuis affectassent. atque adèò indignam prorsus iudicabāt, quæ mundissimum Christi corpus contingeret, quæ illa incontinentia nota esset suspecta. ut item sancti patres maiores nostri declararent, charitatis luminibus

bus expertes, indignos prorsus esse, qui diuina hæc sacramenta contingerent, nulla ratione patiebatur non modò eucharistiam percipere, sed ne interesse quidem sacris, qui publicè mutuum amorem, charitatisque summam quandam coniunctionem profiteri recusarent. Nam cum primùm sacerdos aram sacra facturus concedebat, Diaconus clamabat, Osculamini uos inuicem. qua uoce omnes, qui sacris interesse, uolebant, admoniti ad mutua oscula currebant. quam ceremoniam cum Cyrillus Hierosolymitanus interpretatur, inquit, Non hoc ita accipias, quasi osculum illud sit eiusmodi, quale in foro inter communes amicos esse consuevit: neque enim tale est. Hoc igitur osculum animas mutuò conciliat & omnem malorum obliuionem illis spondet. signum igitur est hoc osculum reconciliationis animorum, & uniuersæ iniuriarum memoriæ deletæ. Quinimmo in Concilio Carthaginensi cautum erat, ne oblationes dissidentium fratrum in sacrario, aut gazophylacio reciperentur, ne uicorum, qui pauperes opprimunt, dona à sacerdotibus aliqua ratione acciperentur. Ex quibus satis quidem patere existimo, sanctos patres persuasos semper fuisse, oportere eos, qui pro dignitate ad diuinum hoc eucharistiæ sacramentum percipiendum accedere debuissent, quoad eius fieri posset eniti ut scelerum omnium ueniam à Deo prius impetrarent. Nam si omnia eorum crimina illo deleri existimarent, qui sola fide exornati illo uterentur, Ecclesia sanè atrox, crudelis, atque iniquus in eos esset iudex, quos tanto hoc morborum omnium medica-

O o o mento,

*Cyrillus
Hierosol.
c. eclesi-
myologo-
gica. 5.*

*Concil.
Carthag.
c. 39. &
94.*

*Palladi-
us hiflor.
Laufya-
ca. & Ni-
cephorus
lib. II. c.
34.*

mento, quouis nomine atque ratione arceret. Non
omittam quod Palladius atque Nicephorus de Eu-
logio raræ cuiusdam sanctitatis uiro scriptum reli-
querunt, quem tanta inquirunt, fuisse internoscendi
qua quisque mente ad eucharistiam percipiendam
accederet, uirtute à Deo exornatum, ut monachos
quosdam, qui impuris mentibus Christi corpore ue-
sci tentabant, ab altare arcuerit, & ad hunc modum
alloqueretur, Quid ad sancta sacramenta accedere
non uereimini, qui mētes habetis nefarijs cogitatio-
nibus implicatas & contaminatas? Et tu (inquit) fœ-
dam, mulierosam, libidinofamq; cogitationem te-
cum animo hac nocte uerfasti, alius uerò existima-
uit, nihil referre iustus ne, aut peccator quis ad hæc
sancta myſteria accederet. Alius itidem dubitauit,
cœleſte hoc ac planè diuinum donum mentes sancti-
ficare poſſet. à sanctis igitur sacramentis abſtinete,
sancta impuri nolite contingere, ſed admiſſorum cri-
minum uos ſeriò pœniteat, & pœnam tantis ſcleri-
bus dignam ſuſcipite, ut ita peccatorum uenia à Dei
benignitate impetrata, digni tanto ſacramento effi-
ciamini. D. item Gregorius Nazianzenus in hunc
modum innocentiam ſacerdotibus neceſſariam e-
xaggerat, Cùm (inquit) ſcirem ego, quòd nemo di-
gnus ſit magno Deo atque pontifici ſacrificium of-
ferre, niſi qui prius ſeiſpſum obtulit Deo hoſtiam
uiuam, ſanctam; neque rationabile obſequium ac-
ceptabile exhibuit, neque immolauit Deo ſacrifi-
cium laudis, & cor contritum, quod ſolum, qui om-
nia dedit, exigit à nobis ſacrificium; quomodo auſu-
rus eſſem offerre ipſi ſacrificium exterius magno-
rum

*Gregor.
Nazian-
zenus in
Apologe-
tico.*

rum sacramentorum? Quare, Kemnici, aut Paulum uniuerſamq; Eccleſiam ignorantia, ſummæque tyrannidis condemnes, aut Colonienses abſoluas, neceſſe eſt.

S E D iam uideamus quid de communione ſub altera tantum ſpecie ſentias, quam Romanæ Eccleſiæ tam petulanter exprobras, ut illius exiſtimationem expugnaffe, auctoritatem labefactaſſe, atque triumphum de illa agere uidearis. quod argumentum lubenter quidem fuſius explicaeſſem, niſi tam eſſet diligenter & copioſè à plurimis doctiſſimis uiris pertractatum, ut uererer ne, quæ ab illis piè, doctè, & eleganter dicta ſunt, contaminare potius & obſcurare, quàm illuſtrare uiderer. Inter reliquos uerò Reuerendiſſimus Gaſpar Caſalius, Epiſcopus Leirienſis Luſitanus, cum nuper in ſacroſancto Concilio Tridentino de calice concedendo Boemis controlueretur, tam prudenter, eruditè & copioſè omnem hac de re quaſtionem explicauit, atque enodauit, ut nihil ultra deſiderari poſſe uideatur. Quare Kemnicij ſolùm calumnias coercere conabor; qui audacia maxima affirmat, Coloniēſes & diuinæ legi, & maiorū conſuetudini repugnare, cū aſſerūt, laicos ſub unà uel utraq; ſpecie cōicere, humani eſſe & non diuini iuris, unde homo diſertus & argutus cōcludi poſſe exiſtimat, *ex Chriſti inſtitutione nec unam quidem ſpeciem laicis deberi, quod illis tamen una detur, non fieri diuino, ſed humano iure, hoc eſt, gratia, munificentia, & liberalitate Romani Pontificis.* O egregium dialecticum, ò acutum ſophiſtam. Non uides, quā hæc ſit collectio inanis & puerilis. Inſtituit quidē Chriſtus eucharistiā in duabus ſpeciebus, præ

Cōmunicare ſub altera tantum ſpecie.

cepit, ut illa omnes uterentur, quã tamen earum specierum consultius foret plebi porrigere, Ecclesiã iudicio reliquit. quare quanuis diuini sit iuris sacram eucharistiam sumere, humani tamen est, aut utranq; speciem accipere, aut ex illis duabus unam certam atque definitam præscribere, quã uniuerso sit populo exhibenda. Quemadmodum & ab ecclesiã arbitrio pendet, certum tempus definire, quando eucharistia uti necesse sit. Atq; ita, quod hac in re diuinum est, constans, atq; immutabile permanet; quod uerò humanum, pro morum, gentium, locorumq; uarietate, atque pro rerum uicissitudine uariatur. Vt tamen apertius fiat atque testatius, qua lege altera tantum, aut utraque eucharistiã specie uti debeamus, omnes obligationum fontes principiò aperiamus; ut quid æquum in hac causa iniquum uel sit, ex illis haurire facillè possimus.

OMNEM autem obligationem ex lege aut consuetudine oriri, Kemnicius etiam confitetur: consuetudinem docere, calice abstinendum esse, paulò post aperiemus. Legis uerò duo sunt genera, alterum humanum, alterum diuinum: humanam legem & Kemnicius irridet, atque contemnit, & catholicã Ecclesiã consuetudinem approbat, & commendat. Legem uerò diuinam, quam Kemnicius & eius factionis homines petulantissimè iactant, nullam esse, quã calicem laicis porrigendum esse decernat, paucis aperteq; demonstrabimus. Cùm uerò non eadẽ sint negantium & affirmantium partes, quippe quia negantium muneris est, aduersariorum argumenta refellere: atque tum maximè causam probasse

basse uidentur, cum nulla poterit ratione improbari; satis officio meo functus esse uidear, si ostendero, nullū ex ijs scripturæ locis, quibus Kemnicius Colonicenses oppugnat, causæ esse accommodatum.

KEMNICIUS uerò contempto. 6. Ioan. cap. quod cum suo Luthero de solo spirituali esu intelligendum esse ducit, inquit, *argumentum se formare ex uerbis inquit inquit cæne, in quibus Christus iubet, corpus suum sub specie panis manducare; & sanguinem sub specie uini bibere. uehementerq; inse-* ctatur Colonicenses quod dicant, manducare & bibere non propriè hîc à Christo, sed metaphoricè usurpari, ut nihil aliud quàm sumere, significare possit. Cogitet, inquit, *lector quàm sit effrenata illorum hominum malicia, qui ad retinendum crassissimum istum errorem, non ueremur omnia inuicere & deprauare, ita ut inter manducare & bibere in cæna nulla sit differentia.* principiò aduertere, Kemnici, debuisses, Colonicenses hanc explicationem accommodasse non quidem uerbis, quæ Christus dum cœnaret, discipulis dixit, sed illis, quæ Ioan. cap. 6. continentur, quod de sacrosancto Eucharistiæ sacramento cum plurimis ex antiquis patribus intelligendum esse arbitrantur. Nanque in ultima cœna solos sacerdotes Christum compellasse, prudentissimè affirmant. Quare cedo Kemnici, quid homini Eucharistia utenti uitam, tribuere existimas? externas ne panis ac uini species, an Christum ipsum Dei filiū sub speciebus latentē? quodd si uiuificandi uim in Christo, qui ē uia, ueritas, & uita, inesse arbitraris. externæ uerò species sunt ueluti quædā fistula ac rubus, quo Christus sese in nostra uiscera trāsfundit & illabitur, quid est, quodd tā acriter illos insecteris, qui dicunt, cœlesti uita eos

exornari, qui uiuificantem Christi carnem ac sanguinem in eucharistia delitescentem, quacun- que uia ac ratione sumunt? Quòd si Philosophos con- sulas, omnes unà confitebuntur, uitam illum tue- ri diu ac conseruare non posse, qui neque comedit, neque bibit. nullus tamen ita insaniet, qui come- dendi magis bibendique actioni, quàm cibi ipsius substantiæ uitæ nostræ cōseruationem ascribat. qua- re quacunque uia ac ratione in stomachum illa inii- ciatur, etiã ore occluso alemur sanè & sustentabi- mur. Quare cum comedendi ac bibendi actioni- bus, uitæ nostræ conseruationem ascribunt, nihil sa- nè aliud quàm sumendi pabuli necessitatem signifi- care uolunt. comedendi autem & bibendi uocabu- la usurpant, ut rerum se usui, dicendique consuetu- dini accommodent. Cùm igitur Christus sumendi corporis ac sanguinis sui necessitatē explicare Ioan. c. 6. uoluit, nullis certè aliis uocibus uti commodè potuit, quàm quæ ijs rebus maximè sunt accommo- datæ. Quinimmo & tu, qui spiritualiter illa esse om- nia intelligenda arbitraris, propriè ne ac uerè come- dendi & bibèdi uerba à Christo usurpari ducis? an non mente accipere animoq; Christum complecti, il- la significare existimas? quid igitur est, quòd tanto- pere Colonienfibus succenseas, qui cùm eucharistiæ eadem ipsa uerba cum sanctis patribus accommo- dant, hac uestra utantur libertate? An quæ uobis licent, alijs esse interdicta arbitraris? At cùm tu Christi hæc uerba, quæ Boemorum præceptores maximi semper fecerunt, minimè esse causæ accom- modata iudices, ea, quæ Christus inter cœnādum di-
xit,

xit, quibus potissimū confidis, diligēter expēdamus.

MATTHÆVS cū postremam Christi cœnam *Matth.*
describit, ait, Christum cū calicem sanguine suo *c. 26.*
refertum, Apostolis, qui soli ad mensam consistebāt,
propinauit, præcepisse, ut ex illo omnes biberent.
vnde Kemnicius eiusq; omnes complices conclu-
dūt, Christianis omnibus hominibus à Christo præ-
ceptum esse, ut eius sanguinem sub uini specie laten-
tem biberent. qui uerò Euangelistarum omniū, qui
hanc Christi cœnam historiæ mandarunt, orationis
seriem atque concentum considerauerit, neque ullo
fuerit præiudicato errore occupatus, satis quidem in-
telliget, præclarè Colonienſes existimasse, non alios
quàm præſentes Apostolos Christum compellasse.
principiò nanq; cū Marcus id ipsum his uerbis nar- *Marcus.*
rat, Et accepto calice gratias agens dedit eis, & bibe- *c. 14.*
runt ex illo omnes. satis indicat, illis Christum præ-
cepisse, ut omnes biberent, qui biberunt; atqui no-
tam illam, omnes, non alios, quàm præſentes designa-
re, qui quàm mox Christi præcepto obtemperantes
biberunt. Diuinus enim ille spiritus, qui sanctissimis
Euangelistis non res ipsas modò, sed uerba etiam di-
ctauit, consultò fecit, ut qui primò animum ad scri-
bendum adiunxit, Christi imperium tanta in re ex-
plicaret, qui uerò secundo historiam narrauit, Apo-
stolorum obedientiā describeret, ut unus alterius es-
set fidelissimus explanator. Quòd si cū Luca Matthæ- *Luc. c. 22*
um conferas, id fiet longè manifestius atq; explica- *c. 22*
tius. eandem nanq; historiam his uerbis describit,
Et accepto calice gratias egit & dixit, Accipite & di-
uidite inter uos. hoc est, quot quot præſentes adestis,

ex meo sanguine, qui hoc poculo continetur, bibite, illumq; inter uos distribuite. Cùm enim non commune iam ac uulgare uinum sit, quod ad corporis sitim expellendam bibitur, sed diuina mysteria, quæ ad animæ sitim satiandam ualent, contineat; non est quodd cœlestium donorum affluentiam potius quantitate metiamini. neque enim qui plus biberit, ut de cœlesti illo manna scriptura ait, habebit amplius, neque qui minus, replet minus. Quare nihil sanè aliud apud Matthæum significat, Bibite ex hoc oēs. quàm apud Lucam, Accipite & diuidite inter uos; nempe ut omnes, quot quot aderant, Christi illum sanguinem biberent, qui eo poculo continebatur. uerba namq; Lucæ, nullis quidem nisi præsentibus accommodari ullo modo possunt.

Quod si ad reliqua omnia, quæ in cœlesti illo ac planè diuino conuiuio Christus præcepit, animû ad uertas, satis uidebis, quàm turpiter illi scripturarum sensum deprauent, qui ad omnes fideles legē illam pertinere arbitrantur. Tria enim tunc Christum imperasse, Euangelistæ tradunt; ut scilicet corpus suum acciperent, & manducarent; ut omnes ex calice sanguine suo referto biberent; atq; ut id in sui cōmémorationem perpetuò facerent. Ineptissimum autem est existimare, non eisdem hæc omnia, quæ una eadēq; oratione continentur, dicta fuisse. Et accepto (inquit Lucas) pane gratias egit & fregit, & dedit eis dicens, Hoc est corpus meum, quod pro uobis tradetur, hoc facite in meam cōmémorationem. quæ posteriora uerba etiam calici Paulus accommodat. Hoc (inquit) facite quotiescunque bibetis, in meam cōmémorationem.

memorationem. At uerbis illis, Hoc facite in meam commemorationem, Christum præsentem Apostolos sacerdotes creasse; illisq; potestatem dedisse corpus ac sanguinem suum conficiendi, tam est compertum, ut de eo dubitare nemo sine summa proteruita possit. Cum enim nullam Christus in Ecclesia potestatem reliquerit, quæ cum hac sit aliqua ex parte conferenda, diuinumq; hoc sacramentum omnium sit beneficiorum Christi ueluti caput; illud fidei nostræ mysteria, gratiarum fontē, diuinæ bonitatis amplitudinem, liberalitatis redundantiam, unico ueluti complexu coerceat & contineat, nihil certè ab Euangelij dignitate magis alienum dici potest, quàm nullum in sacris literis tantæ huius potestatis extare uestigium. quòd si existimas hisce Christi uerbis minimè quidem conficiendi eucharistiam potestatem contineri, nulla certè alia sunt, quæ id significare aliquo modo possint, cùm Christus in posteriori illa cæna non porrexerit solùm, sed effecerit eucharistiam, & id ipsum discipulis præcepit ut facerent. Quare minimè quidem Colonienſes patres ideò affirmant, illis uerbis, Hoc facite in meam commemorationem. Apostolos factos atq; inauguratos fuisse sacerdotes, quia Maro faciendi uocabulo, pro sacrificare usurpat, cùm ait.

» *Cum faciam uitula pro frugibus, ipse uenito.*

ut per summam calumniam asseris, sed quia & orationis Christi series & sanctorū omnium patrum consensus id apertè docet; usq; adeò ut Victor Antiochenus & antiquitate & eruditione illustrissimus, neminem hac de re dubitare posse existimauerit, Cum

P p p enim

Victor
Antio-
chenus in
cap. 14.
Marci.

ORTHODOX. EXPLIC.

enim uerba illa Marci explicat, Accipiens Iesus panem benedixit & ait. *ὁς τούτων παρέδωκε τῷ μαθητῇ ὑπὸς ὅπτηλῆν αὐτοὺς ὡροσῆκε τῆς χραίνης ὁ δὲ δῆκας τὸ μυστήριον οἱ μαθηταὶ ἀνέταρος εἰποῦν.* hoc est; Per hanc tradidit discipulis quomodo conficere eos conueniret, noui testamenti mysterium, neq; quēquam arbitror aliter dicturum. D. item Chrysostomus, non modò idem sentit, sed nullā esse dubitandi occasionem affirmat. D. etiā Clemens Romanus cū diuini huius conuiuij historiam per Apostolorum personā narrat, ait, Antequā pateretur, nobis cōstituit solis hoc facere, quāquā essent nobiscum alii, qui in ipsum crederent. usq; adeò, ut diuina prouidentia proditorum Iudam, qui ex sacro Apostolorum collegio unus erat, à tantis illis misteriis arcuerit atq; ablegauerit, ut idem Clemens auctor est. quippe qui tanto erat munere atq; dignitate indignus. si igitur, Kemnicij, sanctorum Patrum fides & auctoritas apud te quidquam ualent, non poteris sanè negare, illis uerbis, Hoc facite in meam commemorationem. fuisse astantibus Apostolis efficiendi corpus ac sanguinem Christi potestatem tributam. Quorū tamen si sententiam & auctoritatem contemnis, maximi certè facias necesse est tui in scelere & impietate commilitionis Petri Vireti iudicium, qui id ipsum his uerbis asserit; Eisdem (Apostolis scilicet) disertis uerbis baptizare præcepit, & sacrā deniq; cœnam administrare, dum eos idem facere iubet, quod se facientem uiderunt. Cū igitur hæc Christi uerba solis Apostolis, quos sacerdotes inaugurabat, dicta fuerint, illa certè, quæ cū his sunt connexa, & copulata, ad alios referri nullo

*Chrys. in
serm. de
proditione
Iudæ.
Clemens
Rom.*

*Clemens
Constitu.
Apostoli
carū lib.
3. cap. 6.*

*Petr. Vi
retus lib.
de uerbo
Dei sacra
mentorum
admini-
stratione,
& eccle-
siae mini-
stratio.*

nullo modo possunt, nisi totum uelis orationis Christi contextum inuertere, dirumpere, & dilacerare. Quinimmo si ex hoc scripturæ loco dijudicanda causa est, apertius quidem concludetur, calicis usum sacerdotibus esse proprium ac peculiarem; cum Christus non prius Apostolis, quos totius Ecclesiæ personam tunc sustinuisse arbitraris, sanguinem suum propinauerit, quàm essent sacerdotij dignitate exornati; corpus uerò suum illis porrexerit, omnibus adhuc sacerdotij insignijs atque ornamentis destitutis. Ex quibus satis quidem constat, quàm sit puerile quod tuus Calvinus obijcit, Si (inquit) sua cœna Dominus solos sacrificos dignatus est, quis unquàm hominum ausus esset, uocare in participationem extraneos, qui à Domino exclusi essent? Nam, ut. 6. Ioan. cap. taceam, quod de eucharistia intelligendum esse arbitror, quanquàm Apostoli in cœna sacerdotes inaugurati fuerint, laici certè adhuc erant, cum ad illam admissi sunt. quare etsi sacerdotibus sanguinem suum Christus propinauerit, laicis quidem corpus sub panis symbolis dedit. atq; adeò summx demeritæ est existimare, exclusos illo oēs à Christo fuisse, qui admissi per id temporis non fuerunt. Cum. n. Christus non solum sacramentū, sed illius etiā ministros tūc cōstituere decreuisset, eos solum ad mittere oportebat, quos tāta illa dignitate insignire statuerat. Quæ tamē si te parū mouēt, animum quæso aduerte, uel solā sacramentorū institutionē, claras esse atq; apertas quasdā Christi uoces, quæ oēs ad illorū usum inuitāt & allecāt. Cū. n. ad fidelium salutē fuerint instituta, et Christo tacēte, satis quidē illa per se

*Calu. in-
stitu. c. 18
nu. 48.*

ipsa loquuntur, & nobis persuadent, ne tantis *simus* beneficijs ingrati, ne'ue otiosa illa esse ac uacua patiamur, quæ nostra causa effecta atque comparata sunt. Quare etsi soli Apostoli admissi ad cœleste illud conuiuium fuerint, cum alijs non fuerit interdictum diuinis mysterijs uti, illorumque uis & inexhausta uirtus, plurimis sit diuinarum literarum testimonijs commendata, atque exaggerata, satis quidem admonemur, ut illa magna cum auiditate pro Ecclesiæ iudicio (quod diuinæ legis fidiſſimus est interpres) percipiamus. At inquis sola igitur sanguinis sub uini symbolis effectio nos admonet, ut illo maxima cum audacia omnes utamur. præclara quidem hæc foret collectio, si cœleste aliquod donum hominum saluti necessarium in sanguine includeretur, quo Christi corpus careret; aut unicus esset augustissimi huius sacramenti usus. Cùm igitur, sicut totus Christus sub alterutra specie continentur, ita nulla uni insit uis, quæ illi cùm altera non sit communis, ut præclarè Concilium Tridentinum explicauit, cum ait, quod ad fructum attinet, nulla gratia necessaria ad salutem eos defraudari, qui unam solam speciem accipiunt, fueritque à Christo diuinum hoc sacramentum institutum, non solum ut cœlesti isto pabulo humanus animus aleretur, sed ut mortem atque passionem suam quasi præsentem Ecclesiæ exhibere continenter posset, quod utraque species præstare commodius potest, sit certè ut huiusmodi uini species ociosa esse uideatur quanuis soli sacerdotes illa utantur, quorum est muneris diuinam hanc hostiam Deo immolare, sacrificiumque illud,

*Conc. Trident.
sess. 13.
sub Pio
4. cap. 3.*

lud, quod summus Pontifex Christus Deo patri in crucis ara obtulit, repræsentare. Cum uerò Christus totum sanguinem abundantissimè fuderit, illumq; unà cùm exanguì corpore pro nobis obtulerit, referri certè tantum hoc sacrificium commodè non poterat, ni sanguis fusus & quasi dispersus atque extra corpus esse uideretur. Vt igitur rem paucis concludamus, qui cœlestem hunc cibum capeffunt, ut animæ uires reficiantur, cœlestibus opibus, præclaris animi dotibus, diuinisq; ornamentis augeantur, nihil est, quòd desiderare amplius præter unam speciem possint, in qua integer Christus bonorum omnium fons continetur. Quorum uerò interest, incruento sacrificio cruentum illud repræsentare, sine utraque specie à Christo ad id potissimùm instituta efficere commodè non possunt. Quare quanuis uel sola eucharistiæ institutio nos ad ipsius usum inuitet, & allecetet, non tamen admonet ambas esse species necessarias, quæ in alium etiam usum fuerunt institutæ.

A T Pauli locus prioris epistolæ ad Corint. uos 1. ad Co-
rint. c. 11 potissimùm torquet, qui à Domino se ait accepisse, quod illis tradebat, Christum scilicet in qua nocte tradebatur, accepisse panē ac calicem & gratias egisse discipulisq; dedisse, ac præcepisse ut idem in sui commemorationem & ipsi facerent. Quæ Pauli uerba cùm nullum præceptum contineant, sed nudam historiā narrent (ut egregiè Colonienfes adnotarunt) nullā certè maiorem uim quàm Euangelistarū historia habere possūt. Nam tradendi uocabulum, nō præcipere, ut præfere existimare, sed docere, significat, sicut

sicut & accipere, nihil aliud quàm discere, designat.
Luc. c. i. Quemadmodum & apud Lucam, cùm ait, multos conatos fuisse ordinare narrationes, quæ in illis completæ sunt rerum, sicut, inquit, tradiderunt nobis, qui ab initio ipsi uiderunt & ministri fuerunt sermonis. hoc est, sicut nobis retulerunt ac renuntiaverunt. quæ uerbi huius notio etiam apud Cicero- nem & alios purioris linguæ auctores est perquàm usitata. Cùm uerò Paulus inculcare solitus sit, Euangelium, quod docebat, non ab hominibus se didicisse, sed ab ipso Christo, quem Petrus ac reliqui Apostoli præceptorem habuerunt, hoc etiam in loco ait, sibi non minorem fidē quàm reliquis omnibus Apostolis habendam esse, quanuis cœlesti illi conuiui- o non interfuerit, cùm omnia, quæ ibi acta sunt, ab eodē Christo didicerit. Quare nihil est, Kemnici, quòd nobis tam audacter atque insolenter Pauli uerba ob- iicias, quæ nudam historiam describunt, neque ab illis, quæ à Matthæo scripta sunt, aliqua ex parte differunt. Sed iam uideamus, quam calumniandi oc- casionem tam aperta in re oculatissimus hic cēser of- fenderit. *Paulus, inquit, dicit, sicut à Domino accepi, ita & tradi- didi uobis. Iesuitæ hanc traditionem ita interpretantur, quòd non ob- liget, sed sit arbitraria, & rationem reddunt, quia tradere Apostolo- rum, non est percipere. Notabis hoc lector, quam faciant Iesuitæ differentiam, inter traditiones Apostolorum scriptas, & inter eas, quas ipsi sub nomine Apostolorum consingunt: scriptas dicunt esse ar- bitrarias, consitas dicunt obligare sub periculo salutis. Fateor, Kemnici, hanc me tuam orationem crebrò legisse, neque oculos, quos me fallere putabam, ab illa de- iicere sæpius potuisse. mihi enim persuadere nullo modo*

modo poteram, quin te tui ualde puderet, cùm tam impudens mendacium animo uersabas, atque quin tanti sceleris conscientia te à scribendo retardaret. quòd si te societatis Iesu odium in tãtam perfidiam præcipitabat, nominis certè atque honoris tui ratio, pudor, perpetuæq; ignominiaæ metus cohibere atq; comprimere debuissent. Neque enim uideo, quis sit tam profusus & perditus, quis fidei & religionis tam prodigus, qui post tam apertam perfidiaæ significationem, fidem tibi habendam esse arbitretur. Id tamen me tibi debere confiteor, quòd in ea, in qua semper fui, opinione magis tua hac oratione confirmatus sum. nihil scilicet uos minus credere, quàm quæ docetis. neque enim fieri posse existimo, ut uera illa esse ducatis, quæ mendaciorum præfidijs potissimùm munitis, sed ut adumbratam illam existimationem ac gloriam, quam fallacijs potissimùm apud uestros comparastis, tueri ac conseruare diu possitis, fidem, charitatem, religionemque libentissimè proditis. Vbi, quæso, Colonienfes docent, Apostolorum traditiones, esse arbitrarias, non scriptas uerò necessárias? ubi has illis esse anteferendas tradunt? qui dicunt tradere, sæpius pro docere usurpari, qui D. Paulum hoc in loco nihil præcipere, sed historiam describere, affirmant, traditiones contemnendas esse docent, aut scriptis traditionibus non scriptas anteferunt? aut tradere Apostolorum non esse præcipere, sentiunt? An cùm nobis Apostoli tradiderunt, Deum trinum esse ac unum, Christum Dei filium, in Bethleem natum fuisse, octauo à natiuitate die circūcisum fuisse, cæteraq; fidei mysteria,

quid

ORTHODOX. EXPLIC.

quid quam præcepisse existimas? An qui hæc nullum præceptum continere affirmant, præcepta contemnenda esse, aut nullis Apostolorum traditionibus præcepta contineri censent? non uides, Kermnici, quàm hæc sint ridicula & puerilia? tecum ipse, quæso, recale, quid Colonienses dicant, & uidebis nihil eos aliud affirmare, quàm Pauli illa uerba nullam legem de Eucharistia includere, sed nudam ac simplicem historiam, Euangelistarum instar, narrare, atque idè non magis inde quàm ab Euangelistarum historijs duci posse argumentum ad utriusque speciei necessitatem probandam. quippe quia tradere, hoc in loco, non præcipere, sed docere significat. Et considera quàm egregiè colligi inde possit, Apostolorum traditiones scriptas, esse arbitrarias; non scriptas uerò necessarias. Cum præsertim quæ mox Paulus de animi præparatione, quæ eucharistiæ usum antecedere debet, annectit, tam esse necessaria arbitrentur Colonienses, ut nefarium scelus illos suscipere dicant, qui sacrosancto Christi corpore, inquinato animo uescuntur. Quæ enim nobis Apostoli tradiderunt; quædam leges sunt, ad mores componendos, animumq; uirtutibus exornandum, cum primis necessariæ; quædam uerò diuinorum mysteriorum cognitionem ad animum fide & pietate illustrandum afferunt. Quod si Pauli uerba præceptum aliquod continere debent, nullum sanè aliud esse potest, nisi ut quicumque eucharistiam sumit, in Christi commemorationem id faciat. Nam cum ait, Hoc facite, quotiescunque bibetis, in meam commemorationem haud quidem

dem decernit, bibendum esse Christi sanguinem, sed nos admonet, ut dum illum bibimus, Christi qui sanguinem illum profudit, memoriam conseruamus. Non quidem imus inficias in Corinthiorum more atque instituto positum fuisse, calicem unà cum Christi corpore sumere; sed non ita sumus stupidi, quin uideamus, Pauli uerba ita Corinthiorum usum innuere, ut nullam de illo potando certam legem contineant.

Cum igitur nulla diuina lex eucharistiæ usum sub utraque specie præcipiat, age nunc uideamus, quantum uobis faueat Ecclesiæ consuetudo, quam sanctos patres maiores nostros maximi semper fecisse, & ex plurimis scripturæ sacræ atque sanctorum patrum testimonijs constat. & in duabus illis epistolis, quas Polycrates Ephesi Episcopus, & Irenæus Lugdunensis ad Victorem Romanum Pontificem dederunt, cum omnes ille Asiæ Ecclesias excommunicatione precellere decreuisset, ob dissensionem, quæ inter Romanam & Asiaticam Ecclesiam de paschate, & ieiunio iam inde ab initio nascentis Ecclesiæ fuerat, prudentissimè expressum est. Quòd si hanc de suscipienda eucharistia sub altera tantum specie legem ad suam reuoces originem, apertè uidebis nulla Conciliorum antistitum uel auctoritate, sed sola consuetudine in Occidentalem Ecclesiam introductam fuisse: quam sancti omnes Patres atque Concilia summopere de inde commendarunt atque comprobauerunt, ut ex Constantiensi, Basileensi, & sacrosancta Tridentina Synodo constat. Quòd si consuetudo, legis uim atque robur habere aliquando po-

*Euseb.
hist. Eccl.
lib.
5. c. 24.
25. et 26.*

*Conc. Constant.
sess.
13. Basi.
sess. 30.*

Qq q test,

Trident. test, hæc certe, quæ Romanæ, hoc est, uniuersalis Ec-
sub Pio . clesiæ usu recepta approbatione retenta, auctoritatē
4. sess. 5. confirmata, sanctissimorum atque doctissimorum ho-
cap. 1. minum iudicio comprobata, ut fidissima diuinæ le-
 gis interpret suscipienda atque obseruanda est.

A r inquis, quid tantopere consuetudinem la-
 etatis? consuetudini consuetudinem opponimus, po-
 steriōri priorem, labentis Ecclesiæ, nascentis atque
 florentis, quadringentorum aut quingētorum, plus
 mille annorum morem obijcimus. Quid igitur huic,
 quæ calicē eripit, plus quàm illi multis nominibus
 superiori, quæ propinabat, tribuetis? uos (inquis)
 maiorum uestrorum auctoritatem contemnitis, uos
 illorum iudicium, morem & disciplinam aspernamini,
 uos (inquam) purissimæ atque ad eō sanctissimæ
 Ecclesiæ cōsuetudinem traditionemq; corrumpitis,
 & proculcatis. Hac tu, Kemnici, tuiq; præceptores
 nos oratione incessitis, neque antiquam Ecclesiæ cō-
 suetudinem obijcere unquam cessatis, quam tūm
 maximè ueneramini, cū dissidij occasionē asferre
 posse existimatis. Ne uerò antiquæ nos Ecclesiæ iu-
 diciū formidare, fidem'ue aliquā in re abijcere ar-
 bitremini, fatemur quidem in illius more atque in-
 stituto positum fuisse, sub utraque specie eucharis-
 tiam populo porrigere. quod Græcorum quorūn-
 dam adhuc hodie cōuentus retinent. Sed iam, quæ-
 so, aduerte in quanta omnes ignoratione uersimini,
 & quàm uetus illa consuetudo non enernet modò,
 sed mirum in modum nostram corroboret & confir-
 met. Nam quēmadmodum cōstans, & immutabilis
 consuetudo, atque ab ipsis nascentis Ecclesiæ pri-
 mordijs

mordijs continuata diuinam legem nobis demonstrat, ita inconstans & commutabilis, certissimo argumento est, nullam ea de re diuinam legem extare, neutramq; partem à Christo præceptam fuisse, sed rem esse uicissitudini expositam, & quæ pro temporum ratione possit uariari, atque adeò eam fuisse perpetuam & constantem omnium temporum persuasionem. Nam cum hic de quo agitur, mos, non fuerit, sicut mundus ab Aristotele cõfictus, omnis principij expers, sed aliquando primò incœperit, illius certè initium, si memoria reperas, in aliquod tempus incides, in quo illi ipsi, qui se calice priuari passi sunt, eodem usu aliquando fuerint. vnde quam de calicis usu opinionem habuerint, faciliè uenaberis. An putas, passuros Christianos homines unquam fuisse, sibi illam sacramenti partem eripi, aut spontè id aliquando abiecissent, quod ad salutem necessarium esse existimarent, aut cum ea, quam à maioribus acceperant, fide pugnare arbitrarentur? At dicces, rudis & imperita plebs, neque cuius præcepto utraque specie uteretur, neque quod ius cum alteram abiecit, uiolaret, satis sciebat. esto, Kemnici, tam crassa ignoratio barbarorum quorundam animos occuparet; per omnium ne mentes persuadere illam potuisse existimas? omnium animos tetris his tenebris, & obscura caligine tectos fuisse ducis? ut uerò id etiam tuæ proteritiæ demus, omnes ne diuini juris doctores & Episcopi huius legis rudes erant & ignari? Quòd si persuasi fuerant, communicandi sub utraque specie, rationem esse ad salutem necessariam, illamq; persuasionem simul cum calice ipsis

propinauerat antiquitas; quò fieri potest, ut paterentur sibi subiectam & obedientem plebem consuetudinem illam abijcere, quam necessariò fore retinendam existimarent? At inquires cum Luthero, Episcopos & omnes Ecclesiastici ordinis uiros nulli rei magis quàm seducendæ plebi incubuisse. Sed fac, unum aut alterum oppidum, ciuitatem unam, aut prouinciam aliquam decipi ab illis tunc potuisse, ut plurimæ nunc à uobis supplantantur, omnes ne totius, orbis prælati tam fuerunt scelerati & immanes, ut contra omnium animarum salutem unà conspirarent? Omnes se hoc tanto scelere inuoluerunt, & contaminarunt? Omnes ad inferendam hanc iniuriam toti Orbi de industria se compararunt? nullus exitit ab hoc tanto crimine liber & solutus? aut uniuersus Orbis tam fuit stolidus, stupidus ac bardus, ut ita miserè decipi se pateretur? nec quisquam fuit in tam uasta hominum multitudine, in tanta ingeniorum uarietate, qui tantum hoc suum malum præsentiret? fieri enim nullo modo potuit, ut uniuersus Occidentis Orbis tam facilè à calice, quo fuerat nutritus, abduci potuisset, si cum diuinis decretis, aut cum maiorum traditionibus id pugnare aliquando didicisset. aut uerius nunquam se ipsum cuiusuis sacrilegij metu ac fuga ab hoc usu remoueret. Neque enim, ut diximus, cuiusquam auctoritate fideles à calicis usu abacti sunt, sed cum aliqui pij & religiosi uiri, qui faciliè intelligebant, & sub panis & sub uini speciebus, totum, uerum, uiuum Christi corpus, non cadauer mutilum aut membratim discerptum existere, longaq; experientia didicissent, non posse sine maximis peri-

periculis calicis usum retineri; non solum illum à se dimouerunt, sed singulare quoddam fidei & pietatis exemplum ad posteros transmiserunt, quo paulatim omnes Ecclesiæ filij prouocati, à periculoso illo sanguinis potu se se abduxerunt: atque ita hauriendi calicis consuetudine abrogata, hic edendi tantum sub specie panis Christi corpus mos ad omnes Occidentis angulos peruénit. Cuius manifestum argumentum est, quod nusquam ante Concilium Cōstantien- se Ecclesia, decreto interposito, laycos, calice prohibuerit. quod quidem Concilium susceptam consue- tudinem approbat; atq; ut religiosè obseruetur san- ctè præcipit. Neque desunt summorum Pontificum epistolæ, quæ Concilium Constantiense ducentis fe- rè annis præcesserunt, qui eundem morem mirum immodum celebrant, atque commendant. Iam igitur uides, Kemnici, quàm uerè à nobis dictum sit, ue- teri illa consuetudine hoc Ecclesiæ decretum non e- uerti modò & labefactari, sed magis ac magis confir- mari. Cùm enim illi, qui utrâq; specie olim uteban- tur; à se communi animorum consensione alterant abduxerint, satis apertè declararunt, persuasos sem- per fuisse; ita licitum esse utraque specie uti, ut altera solum foret necessaria; neque secus eorum maiores solitos fuisse Christi legem, sacramentiq; huius insti- tutionem interpretari. Neque enim aliter tanta opi- nio tam penitus insita, tam uetusta ex uniuersitate ge- neris humani euelli unquam potuisset. Quare mo- rum hæc uarietas & uicissitudo satis explicat, nihil certi hac in re à Christo præceptum, ab Apostolis ue- traditum fuisse; sed ex eorum numero esse, quæ Ec-
clesiæ

clésiæ subsunt iudicio. Iam uerò perpende in tanta hæresum uarietate, tantaque errorum multitudine, quibus Christi Ecclesia ab ipsis primordijs afflictæ & oppressa fuit, nunquàm defuisse uiros eruditione & uirtute præcellentes, qui ueritatis forent propugnatores; illius patrocinium forti & constanti animo susciperent, eamque ab omni impietate uendicaret. Solus igitur hic error liberè potuit in omnium animos irreperere? sola hac in re licuit communi consensu diuinam legem abijcere ac repudiare, & Christi institutionem in dissuetudinem trahere? in hac unica causa Ecclesia extitit tot sæculis omnidefensione & patrocinio destituta? & ij clarissimi uiri, qui toto hoc tempore fuerunt impietatum omnium uindices, & oppressores, hac una in re sceleris atque impietatis fautores atque propugnatores fuerunt? Nemo certè erit, qui res debitis ponderibus examinet, qui non faciliè ex ijs intelligat, ita fuisse calicis usum apud ueteres in more positum, ut illius abstinentiam minimè ducerent perniciosam, aut cum diuina lege pugnantem; quod ipsius etiam antiquitatis exemplis atque testimonijs apertè monstrabimus.

UT uerò Colonienses planum faciant, ueteres Patres persuasos fuisse, nullum de utraque specie certum præceptum à Christo traditum fuisse, Augustinum atque Theophilactum inducunt, affirmantes, Christum duobus discipulis, quos ad Emaus euntes offendit, corpus suum sub unica panis specie porrexisse; idque significare Lucam uoluisse. cum dixit, Accepit panem, benedixit, ac fregit, & porrigebat cis. Verba autem Augustini hæc sunt, Ne quisquam Chri-

Lucas.

24.

Christum se agnouisse arbitretur, si eius corporis particeps non est, idest, Ecclesiæ, cuius unitatem in sacramento panis commendat Apostolus dicens, *de consensu Euāgelist. lib.*
 Unus panis, unum corpus multi sumus. uoluit cum eis benedictum panem porrigeret, ut aperirentur oculi eorum; & agnoscerent eum. & paulò pòst, Non autem incongruenter accepimus, hoc impedimentum in oculis eorum à Satana fuisse factum, ne agnosceretur Iesus, sed tamē à Christo est facta permissio, usque ad sacramentum panis, ut unitate corporis eius participata, remoueri intelligatur impedimentum inimici, ut Christus possit agnosci. Quam tamen apertam sententiam cum omni ratione eludere conetur Kemnicius, inquit, *Augustinum quidem allegoriam texere ex illa fractione panis, & accommodare illam etiam ad mysticum corpus Christi, hoc est, Ecclesiam;* Nec aduertit acutissimus & perspicacissimus censor, allegoriam non uersari in explicatione uerborū Lucæ, quæ de mystico pane, hoc est, de sacrosancta eucharistia intelligenda esse planè & sine una translatione docet. At cum sanctissimi panis uim atque naturā Ecclesiæ accommodare uult, eadem translatione, qua Paulus in priori epistola ad Corinthios utitur; qui quanuis apertè & sine ulla allegoria de sacrosancta eucharistia loquatur, cum ait, Calix benedictionis, cui benedicimus. non ne communicatio sanguinis Christi est? & panis, quem frangimus, non ne participatio corporis Domini est? cum tamen addit, Quoniam unus panis & unum corpus multi sumus, omnes, qui de uno pane & de uno calice participamus. panisq; rationem ad mutuam animorum coniunctionem corporisq; Christi mysti-
 ci

1. ad Cor.
 rym. c. 10.

ci unitatem, quæ fide atque charitate perficitur, accommodat, elegantissima translatione utitur. quem D. Aug. perclarè sanè hoc in loco imitatus est. Opponit rursus Kemnicius, *Dinum Augustinum suam sententiam his uerbis explicasse, epistola 38. illud uerò sacramenti, esse credo, quòd qui in uia ambulantes non fuerat agnitus, in fractione panis reuelatus est. id tamen tuo sensu uolo te tenere, non meo. Notet (inquit) hoc lector, quòd Augustinus suam allegoriam non uult esse dogma.*

Non potero quidem satis unquàm mirari garrulam Kemnicij infantiam cum incredibili audacia coniunctam, qui non modò Paulini ad Augustinum epistolam pro Augustini nobis epistola obtrudit, sed illius sensum unà cùm uerbis prorsus inuertit & corrumpit. Isti enim Euangelij corruptores non eos solum, qui superstites adhuc uiuimus, diuexant & exagitant, sed diuis etiam, qui sempiterna iam felicitate fruuntur, funestum bellum intentat. quippe quorum monimenta ita deprauant & corrumpunt, ut eam ipsis fidem ascribant, à qua illi semper maximè abhorruerunt. Vt uerò, Kemnici, te aliquando tantæ petulantix pudeat, aduerte, eam, quam Colonien-
sibus obijcis epistolam, Paulini esse, non Augustini, qui cùm multa ab Augustino quærat, illud unū est, Quare fuit in causa quòd duo illi discipuli, qui in Emaus ibant, non potuerint agnoscere Christum, cuius corporis forma nulla ex parte resurrectione fuit immutata. Mox addit, Illud uerò sacramenti esse credo quòd qui in uia ambulantes nō fuerat agnitus, in fractione panis reuelatus sit. Id tamē (aduerte Kemnici quātòpere uerba corrueris) tuo sensu tenere uolo non meo. Tantùm enim Augustino, sibi uerò,
tam

*inter epistolae. ep.
8.*

tam parum tribuebat, ut nihil illa in re secum, nisi de Augustini sententia uellet statuere; cui Augustinus respondet, principio nihil mirum esse, si discipuli Christum non agnouerint, quem Marcus inquit apparuisse illis in alia effigie. Quod uero ad fractionem panis, in qua ab illis agnitus est, attinet, sacramentum (inquit) esse, eius, qui nos in agnitionem suam congregat, nullus debet ambigere. uide ergo, Kemnici, an Augustini hæc uerba, dubitationem aliquam contineant, aut potius omnem nobis dubitandi audaciam eripiant.

*Aug. epi
sola. 59.*

*Marc. c.
16.*

DEDISSE igitur Christum duobus illis discipulis sacrosanctam eucharistiam, confirmant item Colonienfes Theophilaeti testimonio, cuius hæc sunt uerba, Insinuatur autem & aliud quiddam, nempe quod oculi eorum, qui benedictum panem assument, aperiuntur ut agnoscant illum. Magnam enim & indicibilem uim habet caro Domini. neque tamen ueretur Kemnicus summæ impudentiæ ascribere, quod illustri hoc Theophilaeti testimonio Colonienfes utantur. Cum inquit, toti mundo notissimum sit; Græcam Ecclesiam nunquam probasse, nec dum recepisse tyrannicam illam mutilationem cænæ Dominicæ. Esto, Kemnici, nunquam Græca Ecclesia hunc usum admiserit, non uides quantum roboris & firmitatis nostræ sententiæ accedat, cum ij, qui morè à nobis ualde dissentiunt, fide atque opinione mirabiliter consentiant? & qui calicis usum constanter retinendum esse existimarunt, confiteantur, minimè inter diuina scita illorum morem contineri? Non inficior, Kemnici, Græcos nunquam se calicis usu prorsus abdicasse. cum tamen

*Theophi
lastus. in
c. 24. Lu
cæ.*

Theophilactus indicat, Christum duobus illis discipulis eucharistiam sub specie tantum panis dedisse, satis inquit, nunquam Græcos ita insaniuisse, ut sanguinis sub uini specie potum, ad salutem necessarium esse existimarent. Quod non uerbis modò, sed exemplis etiam sæpius declararunt. Neque erat quòd tam longa oratione, & tam multis argumentis demonstrares *summæ esse ignorantie existimare, Christum in ultima cæna instituisse eucharistiam pro sacerdotibus, post resurrectionem uerò in Emaus instituisse pro laicis unam tantum speciem.* quod falso Colonienfis tribuis, cum nec unum quidem ea de re uerbum usquã fecerint, sed his sanctorum Patrum testimonijs ostendunt, Christum sui ipsius fiddissimum interpretem hoc facto ducuisse, calicis usum, quem discipulis paulò antea commendauerat, non esse ad salutem necessarium.

Ambrosius in oratione funebri, de obitu fratris sui.

PROBANT id ipsum Colonienfes exemplo Satyri fratris Ambrosii, qui cùm præsens naufragium ntueretur, metuens ne sacro eucharistiæ uiatico destitutus, è uiuis discederet, à presbyteris sacramentum poposcit; quod (inquit) ligare fecit in oratione, & orarium inuoluit in collo, atque ita se deiecit in mare. Nemo uerò tam est sensibus destitutus, qui ne sciat, uinum in uolui in orario non posse. quod uerò egregius hic uir, non alio consilio ad eucharistiæ præsidia confugeret, quàm ut illa ante obitum uteretur, satis Ambrosius docet, cùm ait, petiisse diuina illa sacramenta, non mortem metuentem, sed ne uacuis mysterij exiret è uita. sed iã uideamus quã ratione tam apertum Ambrosii testimonium Kemnicius eludere uelit. *Sed oppono (inquit) responsionem solennem &*

sacrosan-

sacrosanctam, quæ apud ipsos Iesuitas omni exceptione maior esse debet. Nam sacrosanctum Concilium Constantiense pleno ore & expressis verbis fatetur, utranq; speciem eucharistiæ à Christo institutam, fuisse ab Apostolis traditam, & à primitiua Ecclesia usurpata. Ergo Concilium illud vel ignorauit, vel non credidit, in primitiua Ecclesia arbitrium fuisse usum calicis in cæna Dominica. Hoc enim si certò probari potuisset, non opus fuisset flagitiosa illa clausula (hoc non abstante) sed simpliciter dixisset, semper arbitrium fuit in primitiua Ecclesia &c. Hoc argumentum oppono omnibus exemplis, quæ Iesuitæ cumulant. vt uerò nihil de egregia ista tua petulantiâ, quæ Concilij Constantiensis auctoritatē incessis, dicam, non obscurè sanè indicas, non te percipere, quid significare Colonienſes uoluerint, cum aiunt, calicis usum, priscis illis Ecclesiæ temporibus arbitrium fuisse. neque enim putant, felicissimis illis integerri misq; temporibus, disciplinam Ecclesiasticam ita syluestrem atque incultam fuisse, ut nullus certus modus ac ratio utendi eucharistia perscriptus esset, sed quiuis unus utraque aut altera solùm specie pro libito uteretur. certi nanque semper fuerunt Ecclesiæ ritus, præfixa erat sacramenta administrandi ratio, à qua discedere nemini sine maiorum auctoritate licebat. At non aliter illi tum utraque, ac nos nunc altera specie utimur, hoc est persuasi erant, illum morem, non à diuina lege, sed ab Ecclesiæ iudicio atque uoluntate pendere; atque adeò pro temporum necessitatibusq; ratione immutari posse. neque enim una, eadem, ac cõstans ratio erat, omnibus in locis ac temporibus eucharistiam sumendi. Quare cum Concilium Constantiense asserit, ueterem Ecclesiam, Christi sanguinem sub uini specie Christianæ plebi propinasse,

pinasse, sibiq; integrum esse putat, illam laicis eripere, recentioremq; Ecclesiæ morem approbare atque commendare; non obscurè quidem docet, ueterem illum usum arbitrium semper extitisse, hoc est, qui non à Christi præcepto quod perenne, constans, atque sempiternum est, sed ab Ecclesiæ ipsius consuetudine & arbitrio pendêret. Quod plurimis in rebus sancti illi Patres declararunt. Nam si uetera Concilia Ecclesiæq; annales euoluas, intelliges sanè, uix unquam ad ægrotos eucharistiam sub utraque specie delatam fuisse. Quod Serapionis illud factum apertè declarat. cui cùm à puero deferretur eucharistia, quam senex ui morbi oppressus deglutire non poterat, præcepit (inquit) presbyter puero ἀποβρίξαι, καὶ τὸ πρὸς βυτὴ κατὰ τὴν συνήθειαν ἐκτίναξαι, hoc est, præcepit (inquam) madefacere, & senis ori instillare. quod puerum diligenter cûrassè, mox ait Eusebius. ἀποβρίξαι uerò, quod perfundere ceu madefacere significat, in solam panis speciem quadrare posse, certò constat. neque enim uini species madefieri potest. quem morem Græci adhuc studiosè obseruant. Nā etsi utriusque speciei usum semper retinuerunt, ægris tamen solam panis speciem (ut ipsis referentibus sæpius audiui) deferunt. quam uini specie respersam in sacratio diutissimè asseruant. At uerò quoniam die parasceues unà cum chrismate tantum Eucharistiæ conficiunt, quantum ad annum integrum sufficere posse uideatur, illamque ne putrescat, de industria quantum maximè possunt, arefaciunt, ita tandem obdurescit, ut nisi uino molliatur, ne à ualentibus quidem ac sanis uiris deglutiri ullo modo possit.

Qui

Euseb. hi
sto. Eccl.
lib. 6. ca.
44.

Qui uerò aduerterit, quàm facile uini substantia cor-
 rumperetur, si panis tamdiu asseruatus illo resperge-
 retur, satis uidebit, sub uini illis speciebus, quæ con-
 seruari cum eucharistia possunt, Christi sanguinem
 tandem non extare, atque adeò sub altera tantùm
 specie, ægros eucharistiam sumere. Quare longè fal-
 litur Kemnicius, qui existimat, eucharistiam Christi
 sanguine perfundi solitum fuisse, cum in ægrotan-
 tium ora instillari oportebat. quo modo illuisse
 quod de Serapione tradit Eusebius, arbitratur.
 Quod tamen ex Concilio Turonensi multò magis
 constat, quod ita habet, Omnis presbyter habeat pi-
 xidem, aut uas tanto sacramento dignum, ubi cor-
 pus Domini cum diligentia recòdatur ad uaticum
 recedentibus de sæculo. Quæ tantùm sacra oblatio
 intincta debet esse sanguine Christi, ut ueraciter pre-
 sbyter possit dicere infirmo, Corpus & sanguis Do-
 mini nostri Iesu Christi, proficiat tibi, in remissio-
 nē peccatorum, & uitam æternam: Quod quantum
 ad externam speciem, atque uisionem intelligèdum
 est, quod nunquàm sanè hoc Concilium decreuif-
 set, si in more fuisset panis species tum sanguine per-
 misceri, cum ægròtis porrigebantur: unde etiam li-
 quiddò constat, sanctos illos Patres nunquàm existi-
 masse, in Christi præceptis contineri, singillatim at-
 que seorsum Christi corpus edere, & calicem bibere,
 ut Kemnicius asserit: qui uerò Christi corpus sub
 sola panis specie sumit, non secus quidem corpus ac
 sanguinem Christi accipit, quàm qui panem sangui-
 nie conspersum manducat. quem morem aspergendi
 eucharistiam, Christi sanguine, antea improbaue-
 rat

Iulius 1. rat Iulius Primus Pontifex Max. & multò pòst Con-
Episcopis cilium tertium Bracharense. Nam ubi (inquit) Do-
per. Aegy minus corpus ac sanguinem suum Apostolis com-
ptum. mendauit, seorsum panis & seorsum calicis commen-
Cóc. Bra- datio memoratur. Prætermitto Concilium Ramen-
char. 3. scè celebratum anno à Christo nato 813. Quod cum
cap. 1. prohibet ne Christi corpus laico homini aut scemi-
De const. næ tradatur ad deferendum infirmis, nulla prorsus
dist. 2. c. de sanguine mentio fit.
peruenit.

Cóc. Tol. SED Kemnicius ex undecimo Concilio Toleta
II. c. 11. no probat, moribundis non corpus Christi modò,
 sed sanguinem etiam sub uini specie datum fuisse.

Quem tamen Canonem, oppositum apertè & clarè
Cóc. Tol. demonstrare, semper quidem existimaui. Quare il-
primum lius, quæso, uerba diligenter ponderemus. In quo
c. 14. cùm Patres Canonem illum Concilij primi Toleta-
 ni, qui statuit, ut si quis acceptam à sacerdote eu-
 charistiam, non sumpserit, uelut sacrilegus propella-
 tur, illustrandum suscepissent, ad hunc modum aiūt;
 Solet humanæ naturæ infirmitas, in ipso mortis exi-
 tu prægrauata, tãto siccitatis pòdere deprimi, ut nul-
 lis ciborum illationibus refici, sed uix tantundem il-
 lati delectetur poculi gratia sustentari. Quod etiam
 in multorum exitu uidimus, qui optatum suis uotis
 sacræ communionis expetentes uiaticum, collatam
 sibi à sacerdote eucharistiam reiecerunt; non quòd
 infidelitate hæc agerent, sed quòd præter Domini
 calicis haustum, traditam sibi non possent eucharis-
 tiam deglutire. Non igitur huiusmodi, à corpore
 Ecclesiæ separandi sunt, qui talia non infidelitate,
 sed necessitate fecerunt, præsertim hi, de quibus ni-
 hil

hil finistrè sentitur. Quomodo hæc, Kémnici; constare tibi posse uidentur, si calix moribundis unà cum pane propinabatur? si ægri sæpius eucharistiam reiciebant, quia præter dominici calicis haustum illis tradebatur; an non uides solam panis speciem illis dari solitam fuisse? Neque te prætereant, quod cum tam ingens periculum ex hac tradendi eucharistiam ratione sæpius proueniret, minimè tamè Concilium decreuit, ut sanguis illis propinaretur, qui tanta essent faucium ariditate diuexatis; sed solum statuit, ne ab Ecclesia separarentur, qui ui morbi magis quam sponte sua fideliter & piè susceptam eucharistiam repulissent; quippe qui sine calicis haustu illam deuorare præ gutturis ariditate non possent. Tanta enim tunc fuit Ecclesiasticæ disciplinæ obseruantia, ut de ea uel minimùm remittere maiores nostri nulla ratione uoluerint.

Quod si etià meminisses, consueuisse antiquos patres sacrosanctam Eucharistiam secū deferre; cum longum aliquod iter ingrediebantur, ne tantis, illi cœlestibusq; præsidij immunēs, è uita unquàm excederent; satis profectò intelligeres, nō utraq; sed altera tantum specie pro temporum necessitatūq; ratione usos eos fuisse. Quod ut ex plurimis alijs locis, tum maximè ex historia Stephani Papæ, qui uixit anno à Christo nato 251, apertè constat, in qua singularis Tharsicij cuiusdam diaconi pietas & religio his uerbis commendatur, Eodem die milites Idolorum cultores diaconum quendā inuenerunt Tharsicij nomine, qui purissimum Christi corpus ferebat, comprehensumq; curiosus inquirebant, quid nam ferret,

ferret, at ipse indignum iudicans ante porcos margaritas proijcere, nullo modo adduci potuit, ut sanctissimum & purissimum Christi corpus impuris hominibus reuelaret. virgis igitur & lapidibus edusque Tharsicium contuderunt, quoad spiritum efflavit. cum uero eius corpus exanime per terram uolutaretur, curiosi & sacrilegi milites illi neque sub ulnis intra manicas, neque sub uestibus aliquid inuenire potuerunt, quare relicto sic ut erat uenerando Tharsicij corpore, multo cum stupore aufugerunt. Quibus accedit, in more etiam fuisse, eucharistiam fratribus maximo etiam locorum interuallo disiunctis, in pacis amorisque significationem mittere. Quod à Romanis Pontificibus sæpe factitatum fuisse, tradit Irenæus apud Eusebium.

*Irenæ. in
epist. ad
Victor.*

*R. Pôt. apud
Euseb.
hist. eccl.
lib. 5. ca.
26.*

*6. Syno-
do i Trul-
lo. c. 52.*

QVÆ si tibi obscuriora, aut certè parum firmi uidentur, tecum animo, quæso, perpende sextæ Synodi canonem qui tam apertè Græcorum Patrum mentem declarat, ut nullus iam dubitationi locus reliquus fiat. Nam cum prudentissimi illi Græcæ Ecclesiæ Patres mœrorem ex scelerum conscientia ortum, in quo fideles omnes tempore Quadragesimæ uersari debent, magis ac magis augere uellent, decreuerunt, ne in Quadragesima, præterquam die Dominico ac sabbato, & eo die, quo annuntiationis festum agimus, qui nostræ lætitiæ principium dedit, eucharistia conficeretur, sed fieret τῶν δεσνησμένων sacrificium, hoc est, eorum, quæ præ sanctificata erant. Asseruabatur enim eucharistia, & reliquis hebdomadæ diebus offerebatur, quod quidem de sola panis specie intelligendum esse, satis ex eo constat, quòd
uinum

uinum aqua permistum, sine maximo corruptionis periculo quinque diebus asseruari non potest. Quinimmo & Græci, qui hunc morem adhuc hodie retinent, ut ab ipsis met didici, solum Christi corpus sub panis speciebus asseruant, atque ad eum modum per totam Quadragesimam offerunt quod Romana Ecclesia eo die, quem sanctum uenerem uocamus, facere consuevit. Quod tamen præsanctificatorum sacrificium multò quidem ante sextam Synodum initium habuit. Nam D. Athanasius, qui tempore Concilij Niceni floruit, mentionem facit τῆς λειτουργίας τῶν ἀεθνησιασμένων, hoc est, missæ præsanctificatorum. de qua existimo intelligendum esse Canonem Concilij Laodicensi, qui statuit, nō oportere in Quadragesima panem offerri, nisi sabbato aut Dominica tantum. unde manifestum euadit, non solum laicos, sed etiam sacerdotes altera tantum specie tunc usos fuisse, quando non conficiebant eucharistiam. Quare non est quòd ueteris Ecclesiæ morem nobis tam insolenter obijcias, quæ ita calicis usum retinuit, ut plurimis documentis demonstraret, nullum ea de re se agnoscere Christi præceptum.

Cóc. Laod.
di. c. 49.

Quod si in sententia adhuc perstas, atque censes, omnia, quæ Christus in postrema illa cœna fecit, studiosè ab omnibus obseruanda esse, diuinæ certè legis uiolatores sanctos illos omnes Patres dicas necesse est, qui lege cauerunt, ne quis laicus eucharistiam manibus unquam usurparet. quod & ab Apostolis in diuino illo conuiuio, & in Ecclesia diu obseruatum fuisse, certò constat. Christus enim non modò in Apostolorum manus corpus suum ac sanguinem

Luc. 22.

guinem tradidit, sed illis præcepit, ut sibi mutuò calicem propinarent, Accipite (inquit) & diuidite inter uos. Quare si ea omnia, quæ Christus per id temporis Apostolis præcepit, generalia instituta continent, nulla certè excusatione culpam illi à se propulsare possunt, qui manus à Christi corpore ac sanguine piè & religiosè amouent. Illi uerò longè mea quidē sententia falluntur opinione, qui existimant, plebem olim eucharistiam manibus idèò accepisse, quia ob immane & crudele tyrannorum in Christia nos odium non poterant tutò Ecclesias frequentare. Quare necesse erat ut quisque domum eucharistiam deferret, ubi eam sumere cōmodius ac tutius posset. Nam quanuis Cyrilli Hierosolymitani temporibus tanta pace Ecclesia perfrueretur, ut maximi in templis conuentus celebrarentur, hunc tamen manibus suscipiendi eucharistiam morem seruatum fuisse, hisce uerbis ipse testatur, Accedens autem ad communionem, non expansis manuum uolis accede, neque cum disiunctis digitis, sed sinistram ueluti sedem quandam subijcias dexteræ, quæ tantum Regem susceptrura est, & concaua manu suscipe corpus Christi, dicens Amen. sanctificatis ergo diligenter oculis; tam sancti corporis contactu comunica. Caue autem nequid inde excidat tibi. quod enim amittes, hoc tanquàm ex proprio corpore amiseris. At paulò post, significare uidetur, calicem, qui Christi sanguinem continebat, non fuisse tunc laicorum manibus commissum, ne aliqua (ut ego existimo) per imprudentiam sanguinis Christi guttula efflueret atque delaberetur, Tunc (inquit) post communionem corporis

Cyrillus
Hieroc.
tech. my
Ago. 5.

ris Christi, accede & ad calicem sanguinis illius, non extédens manus, sed pronus adorationis in modum & uenerationis, dicens, Amen. Sanctificeris eo sanguine Christi, quem assumis, & cum adhuc est humiditas in labijs tuis, manibus attingens, & oculos, & frontem, & reliqua sensuum organa consecra. Quanquàm in Italia, Theodosio imperante, non modò Christi corpus, sed calicem etiam omnium manibus tradi solitum fuisse, indicant peruulgata illa atque nunquàm satis laudata Ambrosii ad eundem Imperatorem uerba, Quomodo manus extolles, quæ cæde iniqua disfluunt? quomodo diuinum Domini corpus illis excipies? quomodo sanguinem preciosum ad os efferes, per quod ira transuersum actus, tantum effudisti sanguinis? Quæ magno sanè argumento sunt, non eundem fuisse omnibus in locis suppeditandi sacrosanctum hoc sacramētum ritum & consuetudinem. Ecclesiæ enim est, pro temporum ratione uariare sacramenta conferendi modum, dummodo illorum uis, ratio, atque essentia facta testata conseruetur. vnde & præcepit ut ieiuni omnes ad diuinum hoc sacramentum accedant, quanquàm Christus illud peracta cœna instituisset. Neque enim huic sacramento illa aduersari possunt, quæ ad illius dignitatem tuendam & conseruandam ab Ecclesia comparata sunt. & quemadmodum D. Augustinus ait, quòd si Christus monuisset, ut post cibos alios semper eucharistia acciperetur, nemo uariare eum morem potuisset. Ita pij hominis est existimare, nihil eorum, quæ Ecclesiæ sunt usu & consuetudine comprobata, cum diuinis institutis pugnare, quæ

*Niceph.
lib. 12.
c. 41.*

cum Spiritus sancti firmissimis prælijs muniatur, Christi promissionibus obuallatur, auxilijs protegitur, prouidentia gubernetur, fieri certè non potest, ut ab illius institutis unquam aberret.

NON prætermittam tamen admonere lectorem, aliquos existimare, illam consuetudinem sumendi sacræ Eucharistiæ sub utraq; specie ante Leonis tēpora intermissam fuisse, à Leone uerò reuocatā atq; restitutam esse, qui tamen mirum in modum hallucinantur. Nam cū sanctissimus Pontifex præcipit à fideiū coetū illos expelli, qui se se à Christi sanguine hauriendo abducunt, de Manichæis uerba facit, qui cū existimarent, Christum non uerè humanam naturam induisse, neque pro humano genere uerè sanguinem profudisse, panis tantum speciem sumebant, à calicis uerò usu per summam impietatem abstinebant. Quod illius uerba apertè indicant, Abdicant, inquit, se sacramento salutis humanæ, & Christum dominum nostrum sicut in ueritate carnis nostræ denegant natum, ita mortuum uerè, & resurrexisse non credunt. Et ob hoc diem salutis & lætitiæ nostræ sui ieiunij mœrore condemnant. Cumq; ad regendam infidelitatem suam, nostris audeant mysterijs interesse, ita in sacramentorum communione se temperant, ut interdum tutius lateant: ore indigno Christi corpus accipiunt, sanguinem autem redemptionis nostræ haurire omnino declināt. Quod idè uestram uolumus scire sanctitatem, ut uobis huiusmodi homines & his manifestentur inditijs, & quorum depræhēsa fuerit sacrilega simulatio, notati & proditi, à sanctorum societate, sacerdotum auctoritate-

Leo sermo. 4. de Quadra.

ritate pellantur. Quæ quidem uerba magis significant, nondum ea tempestate calicis hauriendi morem fuisse antiquatum. At postquam Concilij Tridentini decreto, Anathemate illi damnati sunt, qui calicis usum necessarium esse dixerint, si sanctissimū hunc Pontificem consulamus, summum esse scelus dicet, id in controuersiam deinceps uocare, qui ad Martinum Augustum scribens, asserit, quæ ab Ecclesia semel diffinita sunt, alicui in dubium uenire, sine impietatis significatione non posse.

Leo epif.
43.

DIEGHI PAYVA

ANDRADII, LVSITANI,

ORTHODOXARVM EXPLICA-

TIONVM LIBER OCTAVVS.

De Pœnitentia.



ANTIQUVS ille humani generis ho-
 stis, qui suis fallacijs, atq; illecebris,
 parentem illum nostrum, nosq; unà
 ab æterna felicitate abstraxerat, astu-
 que perfecerat suo, ut nihil iam no-
 stro genere miserius fingi posset, fer-
 re quidem nullo modo potest, ut sæuissima ipsius ty-
 rannide ab hominum ceruicibus depulsa, amissus iu-
 stitiæ splendor antiquusq; ille innocentiæ nitor, Chri-
 sti beneficio nobis magna ex parte restitutus sit.
 Quare, non bonis, non fortunis, non mortali huic &
 caducæ uitæ, sed sempiternæ nostræ felicitati insi-
 diatur, nihilq; antiquius habet, quàm, à filiorum
 nos Dei gloria deturbare, Christiq; sanctissimum san-
 guinem & inexhausta merita irrita in nobis aliqua
 ex parte facere. Neq; tamen aliter posse constare sibi
 huius laboris sui rationem sperat, quàm si sacramen-
 ta, quæ passionis Christi uim atque uirtutem conti-
 nent, quæ iustitiæ ornamenta in mortalium animis
 ingenerant, quæ illa mirum in modum augent, am-
 pliciant tuentur, atque conseruant, ab Ecclesia con-
 uellat

uellat funditusque extrahat. Præceteris uerò sacramentis, unicum sanè pœnitentiæ sacramētum, quod eius conatus omnes eludit, prædas ab ipsis quasi faucibus eripit, uires infringit, diuinamque nobis gratiam continenter conciliat, infinito odio prosequitur. Quare in ipsis ferè Ecclesiæ initijs. Nouatum furij percitum, ambitione tumentem, inuidiæ cupiditatisque stimulis agitatum, nulla re magis quàm perfidia insignem, sanguinem, cædesque spirantem, excitauit, qui fucata quadam sanctitatis specie, Christianæque sinceritatis atque integritatis inani ostensione aditum illis esse ad diuinam misericordiam occlusum dictitabat; qui se sceleribus post baptismū contaminassent, candidissimamque innocentiae uestem, quam in sacro lauacro induerāt sceddassent atque commaculassent. neque ullam extare in Ecclesia potestatem existimabat, qua suscepta post baptismum scelera deleri & condonari possent. diuina tamen prouidentia, quæ perditorum hominum furori hæreticorumque insanix multa permittit, ut qui probati sunt manifesti fiant, effecit, ut tam atrox, immanis, funestaque sententia eum auctorem habuerit, qui à dæmone diu occupatus & diuexatus fuerat, ut satanicum istud esse figmentum, & ab hæreditario humani generis hoste confictum atque excogitatum, omnibus notum esset, atque testatum. Quauis enim exorcistarum uirtute & beneficio fuerit Nouatij corpus à dæmonis tyrannide libertatum, ut Cornelius Pontifex apud Eusebium auctor est, ita tamen illius mentem pèrpetuò possedit & constrinxit, ut omnibus in rebus eum præceptorem atque impulsorem habuisse

*Cornelij
epist. Fa-
bio An-
tiocheno
Episcopo
Euseb. hi-
storia Ec-
cles. lib. 6
cap. 43.*

uide-

uideretur. Nouatij uerò impietatem, Ioānes Vui clef imitatus, pœnitentiæ sacramentum irrisit, explosit, & exsibilauit. Quod tamen multò petulantius fecit Lutherus, qui etsi principiò rei atrocitate deterritus, nihil aliud auderet affirmare, quàm iniquū esse, peccata uenialia sacerdoti confiteri, minimè uerò necessarium, mortalia omnia in confessione numerando percensere, sensim impudentior factus, cœleste hoc ac planè diuinum sacramentum, quod humanæ fragilitati maximam consolationem afferre, cœlestisq; hæreditatis certissimam spem excitare solet, ab Ecclesia tollendum ac funditus extirpandum esse docuit. A quo tam feliciter Kemnicius disciplinam accepit, ut summum hoc Christi in nos beneficium, cœlesteq; sacramentum, *inueteratum abusum*, *conscientiarumq; carnificinam* appellet, atque innumeris alijs opprobrijs & contumelijs afficiat, quippe qui omnem pœnitentiæ uim & rationem, in sola fide positam esse existimat. quæ insania cum à nobis multis iam profligata sit, cum de fide & iustificatione egimus, breuiter ea nunc refutabo, quæ huic sunt causæ peculiaris. quæ duobus potissimùm capitibus continentur, nullum scilicet esse pœnitentiæ sacramentum à Christo institutū, in quo enumeratis peccatis intimisq; animi sceleribus patefactis, sacerdos Christi nomine pœnitentem absoluat: & minimè item esse necessarium ut Deo pro nostris in illum iniurijs, aliquo officij genere satisfaciamus. Ita enim fidei uim Kemnicius exaggerat, ut non modò scelera ipsa, sed omne etiam sceleribus debitum supplicium, liberaliter à Deo illis condonari arbitretur, qui Christi passio-

nem

nem uera & integra fide complectuntur. unde est, ut Purgatorium, summum esse figmentum, anilemque quandam fabulam existimet.

QVOD si obscura essent, atque ambigua illa Christi uerba apud Ioannē, Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt. aliquam profectō sēua istorum hominum stultitia excusationem habere potuisset. at cū tam sint aperta, & ex omni parte patentia, nemo unquam antiquorum patrum in illis hāserit, sed omnibus idem semper significauerint, egregiamque illam atque diuinam sacerdotum potestatem suscepta scelera, Christi nomine condonandi, illis contineri omnes semper intellexerint, nullus profectō excusationi locus relictus est. Cum. n. pater non iudicet quenquam, sed omne iudicium dederit filio, potestatemque ei tradiderit, iudicium exercendi, non in eos solum, qui uita iam functi sunt, sed in illos etiam, qui adhuc uiuunt superstitēs (est enim à Deo constitutus iudex uiuorum & mortuorum) hanc quidem tantam potestatem Christus in sacerdotes magna ex parte transfudit, quos sui iuris uicarios cōstituit, & quorum opera iudicis illud munus sibi à patre traditum, nunc exequitur. quod sanē tunc illis delegauit cum ad patrem iam iam conscensurus dedit eis potestatem pro arbitrio & æquitate ligandi, & soluendi. Est enim (inquit Chrysostomus) Apostolis diuina quædam potestas, spiritualisque gratia à Christo tributa, non ut portentosa & naturæ uim superantia miracula ederent, sed ut peccata condonarent. Idque non propria ipsorum uirtute,

Ioā. c. 20

Ioan. 5.

*Chrysost.
in Ioan.
homil. 85*

T t t sed

sed Spiritus sancti, qui illorum opera atque ministerio, uti decreuerat: quod ut declararet Christus, Spiritum sanctum illis tunc dedit. Expende uerò, Kemnici, quid sit iudicium exercere, & uide an qui potestatem habent pro arbitrio & æquitate, condonandi atque retinendi peccata, hominum iudices sint constituti. Putas ne, homo disertus, & argutus, iudicis munus esse innocentem absolvere, & reum condemnare? illum, quem uenia dignum esse iudicat, à scelere atrocitate liberare; inter reos autem eum referre, quem multam magis, quàm misericordiam promereri censet? quam accommodatè uerò inde concludatur, peccata omnia esse sacerdoti aperienda, aduerte. Quis quæso tam erit bardus, qui ignoret, neminem iuste atque legitimè sententiam ferre posse, nisi causam prius perclarè cognitam atque perspectam habuerit? quis iudicium illud esse temeritatis plenissimum dubitabit, in quo incognita crimina condonantur, aut retinentur? Quare cum Christus sacerdotibus potestatem dedit condonandi peccata, apertè quidem insinuauit, occulta scelera illis aperienda, atque patefacienda esse; quinimmo minimè posse, criminum ueniam à Deo impetrare, qui sacerdotum conspectum, & iudicium recusât. Quare nihil est, Kemnici, quòd curiosè à nobis requiras, expressum aliquod Christi præceptum de peccatorum omnium confessione. Nam quemadmodùm cum Cæsar grauem aliquem & spectatum uirum reip. cuius præficit, munere uel alio exornat, cum quo iurisdicendi potestas coniuncta sit; ciuib. legem imposuisse censetur, ut apud illum causam omnes dicant;

atque

atque adeò perturbatæ reip. legisq; nefariè uiolatæ reus habetur, qui illius tribunal contemnit & aspernatur; ita cùm Christus sacerdotes peccatis condonandis præfecit, legem simul rogasse uidetur, ut qui scelerum essent conscientia conuicti, ad hos tãquàm ad cœlestes quosdam medicos concurrerent, qui salutem mentibus afferre faciliè possent. Prudētissimè nanq; sacramētorum uim atq; rationem, ij mihi perspexisse uidentur, qui in illorum cōstitutione, legem de eorum usu inclusam esse & implicatam arbitrantur. Nam cùm sacramenta, cœlestes sint quædam atque perpetuæ animorum medicinæ, quæ mortifera scelerum uulnera sanare possunt, ad illas sanè accedere, ij omnes diuina lege tenentur, qui ijs animi morbis affliguntur, quibus curandis hæ sunt accomodatæ. Quemadmodum qui uenenato telo ictus, præsentem iam mortem intuetur, ea omnia remedia comparare debet, quæ saluti suæ subuenire posse putauerit. Quare cùm Christus nostris malis prouocatus, miseraq; illa ad peccandum propensione commotus, ligandi atque soluendi potestatem sacerdotibus contulerit, quæ calamitatum nostrarum leuamentum, scelerumq; præstantissimum remedium foret, uel ipso quidem beneficio omnes obstrinxit atque obligauit, ut cœlestem hanc medicinam exerceremus. At, inquires, ligandi ista atque soluendi potestas, in solo uerbi mysterio posita est. id quàm sit fucatum ac fallax, qui Euangelistas omnes inter se contulerit, satis intelliget. Neque enim obscurè indicant, Christum tria hæc inter se distincta ualde, atque diuersa munera Apostolis detulisse, Euangeliū

ORTHODOX. EXPLIC.

Marc. 16 scilicet, quod scelerum ueniam pollicetur, & largi-
Mat. ult. tur, prædicare omni creaturæ, sacro lauacro crimi-
Ioan. 20 na omnia expiare, remittere, ac retinere peccata.
Chrysost. quæ potestas, si Chrysostomo fides habenda est, tam
in Ioã. ho erat Euangelij doctoribus necessaria, ut sine illa do-
mil. 85. cendi officio fungi nullo modo potuissent. Cum.n.
 abiecta & repudiata obedientia, neque præclara ui-
 tæ institutio feliciter progredi, neque disciplina con-
 seruari diu possit, pessimè sanè Christianæ institutio-
 ni consultum foret, si Ecclesiæ doctores ligandi atq;
 soluendi potestate carerent, qua mentium morbos
 internoscere, salutarem illis medicinam facere, effre-
 natosq; impetus coercere atq; comprimere possent.
Mat. 16. Quæ cœlestis potestas ne ulla unquam ui labefacta-
Mat. 18. ri posset, firmissimisq; esset sacrarum literarum præ-
 fidijs munita, nō soli Petro, sed omnibus etiam Apo-
 stolis regni cœlorum clauēs tradidit, quibus & om-
 nes mentium latebras atque recessus aperirent, & di-
 uinæ misericordiæ thesauros nobiscum communica-
Ambro. rent. Clauis enim, auctore D. Ambrosio, dicenda
serm. 66 est, qua ad fidem peccatorum dura reſerantur, men-
de natali tium secreta pandūtur, & quicquid intrinsecus clau-
Aposlo. sum tenetur, in palam rationali manifestatione pro-
Petri & ducitur. Clauis inquam, est, quæ & conscientiam ad
Pauli. confessionem peccati aperit, & gratiam ad æternita-
 tem mysterij salutaris includit. ut uerò diuinā hanc
 potestatem à docēdi functione ualde esse disiūctam
 declararet, mox addit, Ambo igitur (Petrus scilicet
 & Paulus) clauēs à Domino perceperunt: scientiæ
 iste, ille potestatis. diuitias immortalitatis ille di-
 spensat, scientiæ thesauros iste largitur. & alibi, Re-
 mittuntur

mittuntur (inquit) peccata per Dei uerbum, cuius
 Leuites est interpres, & quidam executor. Remittun-
 tūr etiam per officium sacerdotis sacrumq; ministe-
 rium. Quomodo uerò Ecclesiæ ministri peccata con-
 donent, docuit idem Ambrosius libro de Spiritu san-
 cto. Non in suo (inquit) sed in patris & filij & Spi-
 ritus sancti nomine peccata dimittunt. isti rogant, di-
 uinitas donat, humanum enim obsequium, sed mu-
 nificentia supernæ potestatis. Quam eandem pote-
 statem illis esse Christi ad Petrum uerbis signa-
 tam, Pasce oues meas. luculenter docet D. Basilius.
 in ligandi nanque atque soluendi potestate, pastoris
 officium potissimum cernitur. quam etsi non eodem
 modo semper, sed uariè exerceat, illa certè ligandi
 atque soluendi ratio, qua occulta & recondita pec-
 cata condonantur ceteris omnibus longius præstat.
 Neque enim cœlestis hæc planeq; diuina auctoritas
 clarius unquam elucet, quàm cū is, qui scelerum
 atrocitate deterritus, diuinoq; amore inflammatus,
 crimina summo opere detestatur, atq; deprecatur, suis
 meritis diffidens, ad sacerdotem, quem Christi uica-
 rium esse intelligit, sponte confugit, ab illo opem pe-
 tit, apud eum seipsum reum facit, susceptaq; crimi-
 na patefacit, quæ ille tanquàm uerissimus quidam,
 humanissimus atque sanctissimus iudex, pro miseri-
 cordiæ iustitiæq; ratione aut condonat, aut retinet.
 Iam igitur uides, Kemnici, quàm sit à te petulanter
 & ueteratoriè dictum. *hunc reconciliationis modum cum Deo,
 post lapsum, doceri & monstrari non ex scripturæ sententijs, sed ex pra-
 ctica Oldradi, ex speculo Durandi, et summa ex processu iuris.* Qui ta-
 men auctores Colonienſibus neque de nomine for-
 tē

*Ambro.
lib. de Ca
in, et A-
bel. c. 4.*

*Ambro.
lib. de Spi-
ritu san-
cto. c. 19.*

*Ioan. c. 1
Basil. de
uita soli.
c. 23.*

ORTHODOX. EXPLIC.

tè noti sunt, nisi tu Ambrosium, Basilium, Chrysostomum, cæterosq; sanctos Patres illis esse similes iudicas, aut certè aperta hæc & manifesta Christi testimonia à sacris literis relegare & expellere cupis.

*Lib. 6. de
iustificac.
& fide.*

At inquis, in toto illo iuridico processu, ne semel quidem mentio sit veræ fidei, quæ in Christo mediatore quærit & apprehendit misericordiam Dei, reconciliationem, & remissionem peccatorum. Quem locum fides in peccatoris cum Deo reconciliatione habeat, iustificationisq; nostræ esse quasi fundamentum, & explicauimus abundè, & Colonienses docuerunt copiosè. Quare nihil attinet eadem hîc rursus inculcare, mirari tamen Kemnicij petulantiam non satis queo, qui nullam fidei mentionem ab ijs fieri arbitratur, qui contritionem in potissimis pœnitentiæ partibus enumerant, neque aduertit, mœrorem illum, animi dolorem atque ægritudinem, quam cōtritionem uocamus, fide potissimum excitari. quare, qui contritionem commédant, qui illius uim atque rationem explicant, non quidem fidem obscurare, sed illustrare, censendi sunt. Nam cùm fides certiores nos faciat, tam esse miserandum flagitiosorum hominum statum, ut nulla humana uir atque potentia ab illa sceditate emergere, aut ab illis se uinculis exoluere, nisi Christi Iesu beneficio possint, & quàm sit peccatum fugiendum ac detestandum, fide præeunte cognoscimus; & in quantis miserijs atque ærumnis prolabantur, qui crimen suscipiunt non nisi Christi sanguine expiandû, satis intelligimus. Quare ea omnia medicamenta summo studio adhibere conamur, quæ à Christo ad tantâ animi turpitudinem sanandâ parata esse, certò scimus. Cùm item eodem
fidei

fidei splendore humana mens illustrata, ardentem Dei in se amorem intuetur, qui flagitijs, quibus debuisset extingui, magis ac magis exarsisse uidetur, fit, ut uel sola peccatorum recordatio illi sit horribilis & formidabilis, diuinam uerò bonitatem, cui se tot ac tantis beneficiis deuinctam agnoscit, inflammata charitate prosequatur, illi totam uitam, pietatem, studiumq; deferre, in amore respondere, atque ipsum, quoad fieri potest, ad calculos uocare, statuat. Quibus partibus cum animi dolor constat, uerè contritio appellatur. Cum igitur acerbus hic angor, quo poenitentis animus premitur, à prauisq; cupiditatibus abducitur, à fidei luce proficiscatur, illiusq; tanta sit uis, ut pium hominem quodam modo impellat, ut se se ad sacerdotis pedes prosternat & abiiciat, cordisq; sui arcana omnia, non sine maximo pudore ipsi patefaciat; illos tu, Kemnici, nullum in poenitentia locum fidei reliquum fecisse arbitraris, qui contritionem & confessionem, poenitentiae partes esse dicunt? confer, quaeso, fidem illam, quae solis internis animi motibus Deum intuetur, ab illoq; misericordiam deprecatur, cui tu iustificationem tribuis, cum hac, quae cum eisdem egregijs animi agitationibus integram, ueram, pudorisq; plenissimam confessionem coniungit, & diligenter expende, quae pluribus rationibus praeclarior praestantioribusq; officiis illustrior existat; & planè uidebis, fidei te uim atque rationem nullo modo percepisse, cum contemptae atq; spretae fidei Colonienses accusasti, qui etiam fidei nomine suppresso, cum illius munera atque officia praestantissime explicarunt; non illam à poenitentia abijciunt,

ciunt, sed ueræ pœnitentiæ esse ueluti fundamentum docent.

Pœnitentiam esse sacramentum.

HOC uerò pœnitentiæ genus, quod pœnitentis dolore, scelerum omnium confessione, sacerdotisq; absolutione (ut satisfactionem interim omittamus) constat, uerè ac propriè sacramentum esse, ex nota atque peruulgata sacramenti ratione, satis constat. Est enim sacramentum aspectabilis quædam forma eius gratiæ, quæ sub aspectum cadere nullo modo potest, quam non modò refert ac repræsentat, sed etiam efficit. ea uerò, quæ à pœnitente ad pedes sacerdotis prouoluto geruntur, apertè quidem præseferunt, illius animum à sceleribus esse omnino alienatum; quæ uerò sacerdos præstat, non obscurè significant, omnia pœnitentis crimina à Deo condonari, quod cumulatissimè intus in mente is præstat, qui suis ministris ligandi atque soluendi potestatem dedit. At inquis, uisibile elementum, quod ad definitionem & substantiam sacramenti requiritur, non posse in confessione reperiri. Sed quid fuit, Kemnici, ut tu contempta Augustini, quem plurimi facere præfers, sacramentorum definitione, Hugonis illam rationē, quæ neque breuiter, neque lucidè rem explicat, amplectereris? Sed elementi notio tibi sum mopere arrisit, qua maximam te sacramentorum Ecclesiæ partem delere posse existimasti. quod magno sanè inditio est, haud te percipere, quid per inuisibile elementum doctissimus Hugo significare uoluerit. Neque enim unum ex illis quatuor, ex quibus terrena omnia, concretaq; corpora constantur, is intelligere potuit, qui ministrorum Ecclesiæ ordinationem

tionem atque matrimonium, sacramenta esse credit. quæ quidem ex nullo elementorum conficiuntur. Neque enim à D. Augustino, hoc est, ab Ecclesiæ iudicio, discedit, qui constanter affirmat, neminem unquam dubitasse, ordinem sacramentis fore annumerandum matrimonium; item in Ecclesia Dei nostri, in monte sancto eius sacramentum esse, plurimis apertissimisq; rationibus cõfirmat. quinimmo & ipse Hugo, cuius tu nobis sacramenti definitionem obijcis, minimè dubitauit, pœnitentiam inter sacramenta à Christo instituta collocare. Quare nihil quidem aliud elementum, quàm rem quauis aspectabilem, & quæ oculis uideri queat, significare potest. Quòd si ad pœnitentiæ actiones, sacerdotisq; uerba animum aduertas, satis intelliges, hanc sacramenti definitionem, pœnitentiæ aptissimè conuenire.

*Aug. de
bono con
iuga. c. 7*

SED Kemnicius antiquitatis diligentissimus insidiator, testatur, hunc iudiciariũ processum, hoc est, ut ipsemet interpretatur, quòd nulla peccata in absolutione remittantur, nisi sacerdoti tanquàm iudici per enumerationem fuerint patefacta, priorem antiquitatem nunquàm agnouisse. quod Chrysostomi atq; Ambrosii testimonijs probare conatur. Quare antiquitatis hac de re sensum diligèter inquiramus. cui, si stare Kemnicius uoluisset, nunquàm profectò ab Ecclesiæ Romanæ fide discessisset. Vt uerò Clemētis in ea epistola, quæ est ad Iacòbum fratrem Domini, apertam dilucidamq; sententiam omittam; non meministi, Kemnici, quàm acriter Dionysius Demophilum reprehendat, quòd peccatorem ad sacerdotis pedes abiectum, scelera confitentem, illorumq; ueniam deprecantem, calce percusum repulerit? Nun-

*Dionys.
epist. 6.*

Vuu quam

*Tertullia-
nus lib.
de pœni-
tentia.*

quàm legisti, egregium illud Tertulliani opus de pœnitentia, in quo pluribus demonstrat, aduersus gehennam, post prima illa intinctionis Dominicæ monumenta, esse adhuc in exomologesi secunda subsidia? hoc est, ut D. Hieronymus dixit, Pœnitentiam esse secundam tabulam post naufragium? Ne uerò quis existimaret, de interiori se criminum confessione agere, quando scilicet peccator Deo recogitat omnes annos suos, in amaritudine animæ suæ, elegantiori oratione exaggerat in quanto illi periculo uersentur, qui pudoris magis quàm salutis memores, aut defugiunt, aut differunt scelera presbyteris aperire, ueluti (inquit) illi, qui in partibus uerecundioribus corporis contracta uexatione conscientiam mendantium uitant, & ita cum erubescencia sua pereunt.

*Tertullia-
nus lib.
de pœni-
tentia.*

si memoria tenes, quæ Fabianus Pontifex sanctissimus, martyrq; clarissimus de sacerdotum dignitate Orientis Episcopis scripsit, apertè uidebis, eos, qui peccata admittunt, sempiternis supplicijs digna, nequaquàm à miserando illo infamiq; statu emergere unquàm posse, nisi eis sacerdotali auctoritate subuētum fuerit. Quod si ad ea, quæ nobis sunt D. Cypriani monimentis tradita, animum aduertas, nihil profectò tibi frequentius obuium esse poterit, quàm saluberrimam esse atq; necessariam peccatorum medicinam confessionem cum integra, perfectaq; satisfactione coniunctam.

*Fabianus. epi. 2
ad Orientis Episc.*

NON me latet qua ratione Erasmus Roterodanus (cuius tu tuiq; omnes hac de re iniquissimum iudicium, maximo cum applausu & gratulatione excipistis) sanctorum omnium Patrum sententias elude-

re potius, quàm interpretari uoluerit, de ea scilicet pœnitentia sermonem illos facere, quam publicè fieri solemne erat. Quod quàm sit uerum, paulò pòst demonstrabimus, sed esto, Kemnici, ita se res habeat; quid tum inde? Ecclesiæ ne de sacramento pœnitentiæ iudicium infirmari ac tolli, Colonienesium uel sententiam labefactari ducis? in maximo profectò errore uersaris, neque percipis, in quo huius sacramenti uis ac ratio posita sit. ad quam nihil attinet publicè ne an priuatè, in omnium conspectu, an ad solius sacerdotis aurem confessio fiat, dummodo uera illa atque integra sit. Sacramenti enim pœnitentiæ ratio in eo potissimùm sita est, quòd is, qui peccatorum est sordibus inquinatus, uerè & ex animo scelera omnia sacerdoti, qui legitimam absoluendi potestatem habet, confiteatur, paratusq; sit animo, illi omnibus in rebus (ut par est) obtemperare: sacerdos uerò omnia ei peccata, Christi nomine condonet. Quòd uerò id clam secretoq; fiat, ex peccatorum magis turpitudine ac sceditate quàm ex sacramenti natura, oritur. Nam cùm peccata infamiæ quandam notam coniunctam habeant, uel naturæ ipsius instinctu scimus, nō esse sine maximo iudicio & ratione publicè aperienda. Quare cùm Christus decreuerit, ut qui scelorum ueniam optaret, non publica modò, sed recondita etiam & maximè abdita peccata sacerdoti confiteretur: necessarium quidem fuit, ut remotis id arbitris fieret. Neque enim aliter diuinum hoc sacramentum cōseruari diu potuisset; nam cùm famam atque existimationem nemo libenter deferat ac prodat, minimè sanè induci homines potuissent, ut ea publi

ORTHODOX. EXPLIC.

cè aperirent , quæ neque sine inuidia audiri , neque sine pudore referri queût . quare qui uiam aliquam ineunt, ut scelera, quæ sacerdotibus tanquàm Christi uicarijs , manifestantur, illorumque creduntur fidei , ante aliorum oculos quoûis nomine ac ratione ponantur , huic sanè cœlesti sacramento funestum bellum indicunt, illudq; quoad eius fieri potest, conuellere, atque labefactare moliuntur . Cùm igitur in sacramenti poenitentiae natura ac ratione non insit, ut criminum confessio secretò audiatur; apertè quidem sancti patres cum decreuerunt , nequis à publicis sceleribus liber ac solutus haberetur, nisi ea palàm confiteretur, à sacerdoteq; absolueretur, declararunt, unicam peccatorum medicinam esse confessionem , atque penès Ecclesiam esse potestatem Christi nomine illa aut condonandi , aut retinendi . Nam quanuis ad ecclesiasticæ disciplinæ conseruationem expediret, ut publica scelera, & quæ concitare offensionem solent, in ore atque oculis omnium punirentur, minimè tamen sanctissimi illi Heroes miseros homines impulissent, ut propria scelera apertè confiterentur, aut tantam illam auctoritatem condonandi Christi nomine crimina, sibi usurpassent, nisi tã hoc, quàm illud à Christo esse institutum iudicarent : sed cùm certò scirent ita Christum cœlorum clauēs in sacerdotum potestate posuisse, ut nemo Christianorum , illorum criminum ueniam impetrare posset, quæ sacerdotibus aperire recusaret, persanctè statuerunt, ut omnes nota, testata, atque aperta crimina palàm confiterentur, decentiq; multa imposita, in omnium conspectu absoluerentur; ut quam, plebs ex
scele-

sceleribus offensionem exceperat, tanta illa humilitate atque poenitentia deponeret. quæ publica confessio si integra esset, omnibusq; illis partibus, quæ ad hoc sunt sacramentum necessaria, abundaret, non dubito quin tam esset verè sacramentum quàm illæ, quæ clam & remotis arbitris fiunt. Multa tamē sunt, ex quibus licet coniecturam non leuem facere, nequaquàm confessiones illas publicas, sacramenta fuisse; nam & integræ persæpe nō erant, quippe quia aperta solū ac nota scelera euulgabantur, & non solū presbyteris, sed diaconis etiam licebat poenitentes reconciliare, cū ingens aliqua necessitas imminerebat, ut D. Cyprianus auctor est, qui tamen sacramenti poenitentiae ministri esse nulla ratione possunt.

Cypr. lib. 3. epi. stola 17.

Quo'd si diligenter, Kemnici, ad sanctorum Patrum monumenta animum aduertisses, perspexisses sanè clarè & euidenter, non publicam modò, sed occultam etiam confessionem in more priscis illis, felicissimisq; temporibus fuisse, in qua abstrusa & maxime recondita peccata sacerdoti, tâquàm iudici Christiq; Vicario, aperiebantur. Quorsum quidem spectat, illud à Cypriano toties inculcatum, in minoribus peccatis, & quæ in Deum non committuntur, agere peccatores poenitentiam iusto tempore, & secundum disciplinæ ordinem ad exomologesim venire, & per manus impositionē Episcopi & cleri ius comunions accipere. Quod multò apertius edocet

Cypr. 3. lib. epi. 1. & 16.

Origenes hom. 2. in psal. 28.

Origenes. confessionis enim necessitatem exaggerās, atque consulens, ne peccatores sacerdotem quem cunque temerè adeant, sed prudentissimum, atque circumspectissimum medicum quærant, cui animæ suæ

ORTHODOX. EXPLIC.

suæ salutem committant atque credât, ait, Circumspice diligenter, cui debeas confiteri peccatū tuum; proba prius medicum, cui debeas causam languoris exponere, qui sciat infirmari cum infirmante, flere cum flente, qui condolendi & compatiendi nouerit disciplinam, ut ita demum, si quid ille dixerit, qui se prius & eruditum & misericordē medicum ostenderit; si quid consilij dederit, facias & sequaris. sed aduerte, quæso Kemnici, diligēter, quæ mox sequuntur uerba, quæ rem ipsam ueluti digito attingunt. Si intellexerit, inquit, & præuiderit (spiritualis scilicet ille medicus) talem esse languorem tuum, qui conuentui totius Ecclesiæ exponi debeat, & curari, ex quo fortassis & cæteri ædificari poterunt, & tu ipse facilè sanari, multa hoc deliberatione, & satis perito medici illius consilio procurandū est. quæ quidem in aliam quàm in priuatam confessionem quadrare nullo modo possunt. Cū quo Diuus Basilius non modò consentit, sed hanc esse ueterem Ecclesiæ consuetudinem apertè testatur. Necessarium, inquit, uidetur ijs, quibus dispensatio mysteriorum Dei commissæ est, confitenda esse peccata. sic. n. & ij, qui antiquitus pœnitebāt, inueniuntur apud sanctos cōfessi esse peccata sua. Si D. etiā Augustinum ad puriorem antiquitatem pertinere putas, illiusq; hac de re sententiam diligenter indagaueris, apertè sanè uidebis, nihil ueterem Ecclesiam à nobis diuersum unquàm sensisse. ut uerò cætera sanctissimi huius antistitis testimonia taceam, relege, quæso, quàm appositè ex resurrectione Lazari concludat, mentes, quæ scelerum foeditate occupatæ sunt, ueluti putida quædam cadauera

*Basil. in
regula
Monach.
c. 21.*

*Aug.
tract. 49
in Ioan.*

dauera, quæ tam diu sepulta iacent, quamdiu peccata Ecclesiæ ministris non aperiunt; tunc resurgere cum ab illis soluuntur, quibus dictum est, Quodcumque solueritis super terram, solutum erit & in cœlis.

Si meministi Kemnici, quæ Ecclesiastici scriptores literis mandarunt de abrogato à Nectario Constantinopolitano Archiepiscopo publico pœnitentiario, qui secundum antiqua Ecclesiæ decreta audire secretas confessiones in Ecclesia solitus fuerat, ob stuprum nobili cuidam mulieri, quæ Ecclesiam frequentabat, à diacono quodam illatum, unde & confessio ipsa antiquari in aliquibus Orientis locis cœpit, facile nidebis, non nouum hunc morem esse, neque paulò antea excogitatum, sed qui cum ipsa Christi Ecclesia cœperit, & religiosissimè conseruatus sit. Quantum uerò damni imprudentissimum illud Nectarij factum Orientis Ecclesiis attulerit, apertè quidem Socrates, & Sozomenus testantur, qui pudorem cupiditatum omnium moderatorem unà cum confessione abrogatum, dissolutam uerò consuetudinem, & impudentem licentiam magis ac magis auctam & amplificatam fuisse, testantur. Quod ipsum non minùs uerè quàm imprudenter Norimbergensis ciuitas declarauit cùm ad Carolum V. inuidtissimum Cæsarem oratores misit, qui quantum maxime possent, ab illo efflagitarent, ut Imperatorio edicto, secretam peccatorum confessionem restitueret. quippe cuius abrogatio portentosa, incognita, atque nefanda inauditaq; sibi scelera, in eà innexerat, quæ profigare aliter non posse sperabat, quàm secreta peccatorum confessione restituta. atque ita, qui diuinam

*Niceph.
lib. 12. c.
28.*

*Socrates,
Eccl. hist.
lib. 5. c.
19.
Sozomenus
lib.
7. c. 16.*

ORTHODOX. EXPLIC.

nam legem sceleratè abiecerant, proculcauerant, conscientiarumq; carnificinam illam, cum Luthero appellabant, Cæsaream, quàm eludere quiuisset, maxime expetebant.

*Anastaf. Antioche. quæ-
stionibus
et respon-
sionibus
Theologi-
cis. c. 7.*
Iac. c. 5. Vt uerò ad institutam disputationem reuertamur; si Anastasii Patriarchæ Antiocheni, qui ante septingentos Annos uixit, scripta perlegas, apertè uidebis, quàm prudenter illorum insaniam refellat, & coarguat, qui affirmant, neminem debere peccata confiteri mortali homini sibi simili, illisq; ea potissimum duo scripturæ loca obicit, Quodcunque solueritis, solutum est. & Confitemini alterutrum peccata uestra. Quod de confessione, quæ sacerdoti fit, intelligendum esse, ipsa orationis Iacobi series indicat. cuius Anastasii hæc quæso uerba diligenter expende, Quamuis homo sit, qui audiat confessionem, tamen Deus est, qui per eum conuertit, erudit, remittit, sicut fecit Danieli per Natham, & à Domino conuertebatur per eundem, unde aiebat, Conuertant me, qui timent te, & qui cognoscunt testimonia tua, & castigabit me Dominus in misericordia, & arguet me. Sancti enim, ministri sunt Dei, & auditores ac dispensatores ad salutem eorum, qui uolunt salui fieri. & si nactus fueris uirum spirituales, qui te curare possit, sine erubescencia, & cum fide confiteri ei tanquàm Domino, & non tanquàm homini.

At inquis, Chrysostomi sententia est, cogitatione fiat delictorum exquisitio, absque teste sit hoc iudicium, solus te Deus confitentem uideat. Quis, quæso Kemnici, hoc confitendi peccata genus damnat? quis peccatorum illam confessionem, quæ

quæ soli Deo fit, improbat? quis illius studium reprehendit, qui ad Christi pedes prouolutus & abiectus, propria scelera accusat, maximaque lacrymarum uim misericordiam deprecatur? An putas, hanc cum ea, quæ sacerdoti fit, pugnare? aut utranque simul consistere nequaquam posse? longè profectò falleris opinionione, & quæ sit perfectæ sacramenti huius ratio ignoras. Nam tunc externa hæc, de qua agimus, peccatorum confessio optima est, quando interna illa, quæ soli Deo fit, antecessit. quare Theologi nostri poenitentiam diuiserunt in officium, & sacramentum; officium autem, quod maximum de susceptis sceleribus dolorem animi, & seipsum accusantis pium quendam affectum continet, ad sacramentum confessionis quodammodo perficiendum, & illustrandum accedit. Quod si quæ D. Chrysost. de sacerdotio scripsit, per legas, facile uidebis, non soli Deo, sed sacerdoti etiam aperienda esse peccata.

*Chrysost.
de sacer-
dotio lib.*

MULTO autem acerbius insectatur Kemnicus Colonienſium doctrinam, de satisfactione. putat. n. blasphemum esse, & in meritum Christi contumeliosum affirmare, necesse esse, ut post culpam à Deo condonata, poenitentes officijs, & uirtutum maximarum studio debitas sceleribus poenas persoluant. nec aduertit, ita Christum Iesum infinitam suam misericordiâ temperasse, ita nostris sceleribus medicinam fecisse, ut torpentibus animis stimulos admoueret, ignesque adhiberet, quibus ad pietatis, & uirtutum studia dies, noctesque incitarentur. Nullum uerò hominum genus fingi potest, quod ista debitas poenas persoluendi necessitas, non ad omne officij genus maxi-

*3.
Satisfac-
tionē ne-
cessariā
esse.*

ORTHODOX. EXPLIC.

mè stimulet, atque excitet. Nam, qui diuino amore ardent, nullum sanè non perferent laborem, ne quid quam eos ab illius, quem inuicem charum habent, conspectu remoretur, ac retardet. Qui uerò solo cruciatuum terrore commouentur, omnibus se quidem huius uitæ incommodis atque ærumnis libentes mulctabunt, ut horrendos futuri sæculi cruciatus, in tolerabilesq; dolores effugere tandem possint. Quare, qui & iustificationem in sola fide collocant, & satisfaciendi diuinæ iustitiæ pro susceptis sceleribus necessitatem tollunt, ad dissolutam sanè uiuendi libertatem, atque ad omne flagitiorum genus fores aperiunt. Quare Christi ille præcursor Ioannes Baptista, qui primus pœnitentiam confidenter docuit, omnes, qui optabant uenturam iram effugere, adhortabatur, ut facerent fructus dignos pœnitentiæ; hoc est, ne in solo scelerum odio, ac delectatione consisterent, sed eos uirtutum fructus ederent, qui digni essent hominibus uerè pœnitentibus, & quibus diuinum numen scelere uiolatum, placarent. quod magis explicat cū mox addit, Qui habet duas tunicas, det unam non habenti, & qui habet escas, similiter faciat. Cum quibus Ioannis uerbis, si plurima alia scripturæ loca conferamus, satis uidebimus, tantam esse eleemosynæ uim, ut peccatorum interitum afferre faciliè possit. Per misericordiam, inquit, Salomon, & fidem purgantur peccata. & Ecclesiasticus, eleemosyna præsens, non erit in obliuione. nam pro peccato matris, restituetur tibi bonum, & in iustitia ædificabitur tibi, & in die tribulationis commemorabitur tui; & sicut in sereno glacies, soluentur peccata

Luc. c. 3.

Prouer.

cap. 15.

Ecc. c. 3

peccata tua. Et haud multò post; Ignem ardentem
extinguit aqua, & eleemosyna resistit peccato. Quis
uerò ita erit diuinarum rerum inscius, qui existimet,
eleemosynarum uel peccatorum sceleratam & turpi-
tudinem (quæ sola diuina gratia & misericordia de-
lere potest) tolli, atque abstergi? Quare cum extin-
guendi peccata uirtus, eleemosynæ in scriptura tri-
buitur, illa certè persoluendæ poenæ obligatio, quæ
condonata iam culpa relinquitur, intelligatur neces-
se est, quæ etiam peccatum in scriptura appellatur.

Neque enim aliter constare Spiritus sancti mens at-
que sensus potest: & illud certè est genus dæmonio-
rum, quod Christus dixit non eiici, nisi per oratio-
nem & ieiunium. Quorsum sanè spectat, quod Domi-
nus Mosi pro Mariæ sanctitate deprecanti, respondit,
Si pater eius spuiisset in faciem illius, nonne debue-
rat saltem septem diebus rubore suffundi? Cum igitur
cœlestem nos patrem ad indignationem nefarijs
sceleribus prouocemus, quanuis ille tanquàm beni-
gnissimus pater omnia facinora ignoscat, filiorum sa-
nè modestiam & æquitatē decet, ieiunijs, orationi-
bus, inedia, uigilijs, alijsq; corporis molestijs, pudor-
is aliquàm significationem dare, & uiolatæ paternæ
legis poenas à nobis ipsis repetere. Quocirca quan-
uis diuinum numen Mosi precibus inductum, Ma-
riæ scelus condonauerit, uoluit tamen, ut septem
diebus à castris illa exularet, admissique flagitij ius-
tum supplicium lucret. unde fuit, ut sanctissimus Da-
uid, qui iam à Propheta Natam intellexerat, nefaria
sibi scelera à Deo esse condonata, misericordiam mul-
tis lacrymis deprecaretur. Totum enim egregium il-

Mat. 19.

Num. 6.
12.

Iud quinquagesimum Psalmum in petēda scelerum, quæ sibi condonata esse certò sciebat, uenia, positum est. quippe qui intelligebat, iustam scelerum pœnam illos solum posse euadere, qui lacrymis, eleemosynis, alijsq; officijs illam persoluerint. Quo exemplo prouocati quamplurimi uiri, sanctitate, & diuinarum rerum cognitione illustrissimi, uniuersam ferè ætatem in acerbissima pœnitentia insumpserunt; non quidem, quòd tanto labore opus esse existimarent, ut in gratiam cum Deo uenire aliquando possent, aut quòd illis se laboribus iustitiam, quam gratis à Deo conferri satis sciebant, promereri posse sperarent, sed partim, ut lasciuiētis carnis impetus coercerent, & comprimerent; partim uerò, ut debitas sceleribus pœnas darent, nec quidquam post hanc uitam illorum felicitatem retardare posset.

Q V O D si sanctorum patrum monimenta euoluas, nihil profectò frequentius reperiēs, quàm omnium studia ab illis ad supplicia sceleribus debita, persoluenda incitari. Neque enim quidquam est, quod maiori patrum consensu, illustrioribus sanctorum omnium testimonijs, firmioribusq; totius antiquitatis præsidijs firmatum, atq; fulcitum sit; adeò, ut omnes ad id unum constituendū & stabiliendum de industria conspirasse uideātur. Publicas illas pœnitentias taceo, cum scilicet ij, qui nefaria publica; scelera susceperant, proni sese in terram abiciebant, Ecclesiæq; pauimentum lacrymis respergebant, unaq; Episcopus, ac uniuersa plebs multis lacrymis ueniam pro illis deprecabatur; quam tamen non prius intelligebant se esse consecutos, quàm inedia,

Sozomenus histo.
eccles. lib. 7
c. 26.

elec-

eleemosynis, deliciarumq; omnium abſtinentia corpus quandiutiffimè affeciffent. Quorſum ſanè ſpectat, quod à ſexaginta Episcopis, & pluribus preſbyteris in Romana Synodo cōtra Nouatum coacta ſancitum eſt; Fratres, ſcilicet, tempore calamitatis lapſos reſiſcentiæ pharmacis curandos & ſanandos eſſe; ut auctor eſt Dionyſius Alexandr. apud Euſebium.

Euſeb. hiſt. eccle. lib. 6. ca. 43.

Quòd ſi Originem, quem uniuerſa antiquitas meritò ſuſpexit, & admirata eſt, perlegas, uidebis ſanè, non modò ſatisfactionem neceſſariam eſſe, ſed tandiu quempiam pœnitentiæ uacare debere, quandiu ſe ſe corporis uoluptatibus dedit, ut ſicut fecimus membra noſtra ſeruire immunditiæ & iniquitati, ita eadem faciamus ſeruire iuſtitie in ſanctificationem. neque ueretur appellare lacrymas & bona opera precium, quo peccata redimuntur. cuius tamen uerba diligenter, quæſo Kemnici, auſcultas; Eſt dura & laborioſa uia per pœnitentiam remiſſio peccatorum, cum lauat peccator in lacrymis ſtatum ſuum, & ſunt ei lacrymæ penès die ac nocte, & cum non erubescit, ſacerdoti Domini indicare peccatum ſuum. D. item martyr Cyprianus non ſemel aſſerit, peccata ablui & extingui ſatisfactionibus; pœnitentiam uerò hiſ uerbis deſcribit, Pœnitentiam ille agit, qui diuinis præceptis mitis, & patiens, & ſacerdotibus Dei obtemperans, obſequijs ſuis, & operibus iuſtis dominum promeretur. Ex qua ſanctiſſimi martyris ſententia ſatis conſtat, tum non in ſolis diuinæ legis officijs ſatisfactionem poſitam eſſe, tum uerò ſacerdotis munus eſſe, ea pœnitenti præcipere, quibus maximè ſatisfacere illum poſſe iudicauerit.

Orig. homil. 3. in lib. Iudicum.

Orig. homil. 15. in Leuit. Orig. homil. 2. in Leuit.

Cyp. lib. 3. epi. 18.

Plin. 3. lib. 8.

ſum

sum uerò funestissimi isti Lutheri, Kemnicij aliorūq;
 similibus conatus euadant, præclarè sanè egregius
 idem martyr Cyprianus præuidit: elegantissimèq;
 his uerbis explicauit, Hæc, qui subtrahunt fratribus
 nostris (pœnas scilicet, peccatis debitas sponte sua
 luere) decipiūt miseros, ut qui possunt agentes pœni
 tentiam ueram Deo Patri ad misericordiam preci
 bus & operibus suis satisfacere, seducuntur, ut ma
 gis pereant; & qui erigere se possunt, plus cadant.
 Perlege, quæso, quæ D. Ambrosius ad uirginem
 quandam, quæ nefaria se libidine scœdauerat, scri
 psit; & uide quibus uerbis satisfactionis necessitatē
 exaggeret. multis enim probat, magnum scelus, non
 nisi magna satisfactione posse expiari. D. item Augu
 stinus admonet, ne sibi quis persuadeat, nefanda illa
 crimina, quæ qui agunt, regnū Dei non possidebunt,
 quotidie perpetranda esse, & quotidie etiam eleemo
 synis redimenda; sed, inquit, in melius est uita mu
 tanda, & per eleemosynas est propitiandus Deus, nō
 ad hoc emendus quodam modo, ut ea semper liceat
 impunè committere. nemini enim dedit laxamen
 tum peccandi, quanuis miserando delectat iam facta
 peccata, si non satisfactio congrua negligatur. & Au
 gust. Non securus sis cū confessus fueris peccatum
 tanquā semper paratus ad confitendum, & com
 mittendum peccatum, sic pronuncia iniquitatem
 tuam, ut curam geras pro peccato tuo. Quid est cu
 ram gerere pro peccato tuo? curam gerere pro uul
 nere tuo? si diceres curam gerant pro uulnere meo,
 quid intelligeretur, nisi dabo operam, ut sanetur?
 hoc est, curam gerere, pro delicto semper niti, sem
 per

Cyp. lib.
 3. epi. 14

Ambro.
 episto. ad
 uirginem
 lapsam.

Augu. in
 psal. 37.

per intendere, semper studiosè & sedulò agere, ut sanes peccatum. Ecce de diè in diem plangis peccatū, sed sortè lacrymæ currunt, & manus cessant, fiant eleemosynæ, redimantur peccata, gaudeat indigens de dato tuo, ut tu gaudeas de dato Dei; eget ille, eges & tu, eget ille ad te, eges & tu ad Deum; tu contemnis egentem tui, Deus non contemnit egentem sui. Ergo impleto tu egentis inopiam, ut impleat Deus interiora tua; Hoc est, curā geram pro peccato meo, faciam omnia quæcunque facienda sunt, ad ablucendum, & sanandum peccatum meum. Quæ sancti Patres maiores nostri, Apostoliq; ipsi non uerbis modò sed factis etiam apertè declararunt. notum enim, ac peruulgatum est, quod de D. Ioanne Euangelista narrat Clemens Alexandrinus apud Eusebium; qui cum iuuenem quendam Asiaticum, qui ex pio ac religioso, latronum ac sicariorum princeps factus fuerat, ad pietatem officiumq; colendum multis precibus ac lacrymis alliceret & excitaret, eiq; prolixè promitteret, se à Christo esse scelus illius ueniam impetraturum; non aliter datam fidem se liberare posse, est arbitratus, quàm si assiduè ad Deum pro illo preces funderet, ieiunijsq; sese, inedia, atque uigilijs, dies, noctesq; cruciaret. qua pœnitentia peracta, eum tanquàm criminis omnis expertem Ecclesiæ restituit. Quare, Kemnici, si horrendam ducis blasphemiam affirmare, satisfactionem pœnitentium, non in sola fide, quæ apprehendit, Christum pro eis satisfecisse, consistere; Ioannem profectò illum, qui Domino præ cæteris charus erat, Augustinum, Ambrosium, Cyprianum, omnesq; sanctos Patres blasphemos

*Euseb. hì
sto. eccle.
lib. 3. ca.
22.*

sphemos dicas, necesse est; qui sacrarum literarum oraculis admoniti, eleemosynas, ieiunia, preces, ceteraq; charitatis ac pietatis officia, ad peccatorum expiationem necessaria semper iudicarunt; nisi fortè ipsum ueritatis spiritum, improbiſſimum aliquem planum, atque impostorem esse existimas, qui ut miseros homines deciperet, in sacris literis pœnitentiæ opera, charitatisq; officia, tanquàm remedia ad peccatorum expiationem salutaria, maxime commendauit. Quæ cum impiũ sit cogitare, nihil nos sanè, Kemnici, satisfactioni Christi diffidimus, nihil ue detrahimus, cū nostras esse necessarias arbitramur; quippe qui certò scimus, oẽm nostrorum operum efficacitatẽ, ex illa una prouenire, nihilq; in nobis esse boni, quod ipsi nõ debeamus referre acceptum, ut abundè, cum de fide egimus, explicauimus. Quod quidẽ, ut sancti Patres maiores nostri significarẽt, prudentissimè sanè statuerunt, ut pœnitentes, qui ex Ecclesia expulsi, atq; eiectioni erant, eo die, quo ultima Christi cœna anniuersaria celebritate colitur, ad Ecclesiam admitterẽtur. quippe, quia eam tunc mortem in memoriam reducimus, unde omnis ad nos misericordia profluxit, & unde nostra pœnitentia uirtutem, & efficacitatem hausit, ut auctor D. Cyprianus. Quare, cū nostra opera necessaria esse dicimus, nihil Christi satisfactionibus derogamus, sed cum sanctis Patribus, cum uniuersa Ecclesia, immo cū diuino ipso spiritu affirmamus, inexhausta Christi merita, sanguinisq; eius infinitam uirtutem, nequaquàm in nos sine sacramentorum opera ac ministerio, aut certè sine fidei, charitatisq; operibus, diffundi

*Cypr. ser
mone de
unõione
chrisma-
tis.*

fundi & dimanare. neque enim Christus temerè nobis suas satisfactiones imputauit, ut uos falsò existimatis, sed tantum quēque ex infinito illo, cœlestiq; thesauro habere uoluit, quantum sibi sacramentis, & charitatis officijs applicaret. Nā si sola fides Christum complectens, efficeret, ut nobis omnia Christi opera perinde imputarentur, ac si edita à nobis essent; minimè sanè alius alium sanctitate, meritis, uirtuteq; excellere unquàm posset, nemoq; tam perditis ac corruptis moribus excogitari posset, quem sola fides minimo momento non efficeret Deiparæ Virgini, Ioanni Baptistæ, cæterisq; sanctissimis Heroibus sanctitatis gloria, & splendore parem. nam cum nulla tanta sint merita, nullaq; tam cumulata satisfactio, quæ cum Christi meritis ac satisfactionibus possit conferri, tantaq; sit fidei uis, ut ea nobis peculiaris ac maximè propria efficiat, colligitur sanè, eos qui sola fide sunt exornati, sanctissimis uiris, & qui in uirtutum omnium studijs semper excelluerunt, æquari conferriq; debere. quod non modò Euangelium pietatis, modestiæ, integritatis, sanctitatisque fontem euertit, sed naturæ ipsius iura uiolat, ad omnēq; improbitatis genus fores aperit. Quare, Kemnici, noli, quæ sò, tuis Braunsuicensibus Propheta esse mendax, qui fallacis cuiusdam securitatis, contra Domini spiritum confictæ, pollicitatione, miseros eludas: noli ibi polliceri pacem, ubi pax reperiri non potest: noli dum eos à suauissimis poenitentiae uinculis exoluere cogitas, in sempiternos illos, nefandosq; Inferni laqueos induere. consule potius, ut cum Dauide per singulas noctes stratum suum lacry

Yyy mis

mis respergant, quibus peccatorum sordēs facilè eluuntur, ut peccata eleemosynis redimant, ut ieiunijs, alijsq; officijs debitas pro scelerib. pœnas luant, ne tandem incidant in manus. Dei uiuentis. qui. n. dum uiuunt diuini numinis misericordia abutuntur, cum sanè è uiuis excesserint, illius iram & indignationem, non sinè summo dolore, experientur.

*Purgatorium a-
struitur.*

Qui enim nunc sese nobis indulgentissimum patrem præbet, post mortem acerbum, seuerum, æquissimumq; iudicem præstabit. æquitatis uerò ratio postulat, ut omnes susceptorum criminum meritas, debitasq; pœnas persoluant. unde est, ut eos, qui hîc satisfacere recusant, certissima post mortē supplicia maneant; nisi fortè omnem tu iustitiæ memoriâ Deum abiecisse arbitraris. Quare sancti Patres maiores nostri persuasi semper fuerunt, locum esse unum post hanc uitâ illis destinatum, qui etsi nullis sint nefarijs sceleribus inquinati, non tamen cumulatè dum uitam degerent, pœnas sceleribus debitas persoluerunt; quem ideo Purgatorium uocarunt, quia mentes ab illis sordibus ibi perpurgantur, quæ illarum felicitatem retardant, cœlestisq; illius Hierusalem, in quam nihil inquinatum ingreditur, fores aliquandiu occludunt. Quæ sanctorum Patrum certa, & minimè dubia fides quàm sceleratè à te contemnatur, & exhibetur, apertissimis sanè sacrarum literarum testimonijs, apertaq; traditione nunc demonstrassem, nisi eam contra alium tuæ perfidiæ socium, disputationem suscepissem, quam etiam breui peruulgatam iri spero. interea tamen hæc, quæso, Augustini uerba diligenter expende, Non sim Domine inter illos, quibus

*Aug. in
Psal. 37.*

quibus dicturus es, Ite in ignem æternum, qui paratus est Diabolo & angelis eius. Neque in ira tua emendes me, ut hac uita purges me, & talem me reddas, cui iam emendatorio igne non opus sit, propter illos, qui salui erunt, sic tamen quasi per ignem.

Quare nisi quia hîc ædificant supra fundamentum ligna, scœnum, stipulam? si ædificarent autem aurum, argentum, lapides preciosos, & de utroque igne securi essent, non solum de illo æterno, qui in æternū cruciaturus est impios, sed etiam de illo, qui emendabit eos, qui per ignem salui erunt. Dicitur enim, Ipse autem saluus erit, sic tamen quasi per ignem. & quia dicitur, saluus erit, contemnitur ille ignis. Ita planè quanuis salui per ignem, grauior tamen erit ille ignis, quàm quidquid potest homo pati in hac uita. Hactenus Augustinus.

SED quoniam tu Græcorum nobis errores & deliramenta obijcis, memineris, illorum uos insaniam quàm longissimè superare. illi enim, non quidem de Purgatorio, sed de illius igne ac cruciatibus dubitât, ut ex Apologia, quam Concilij Basileensis Patribus obtulerunt, satis constat. Nam & in liturgijs pro ijs, qui è uita iam excefferunt, ad Deum publicas preces fundunt, & cum sanctis omnibus Patribus confitentur, mortuos uiuorum precibus plurimum adiuuari. Qua de re Cyrilli Hierosolymitani dilucidam, præ-

*Cyrril.
Hier. ca
tech. my
sagog. 9*

claramq; sententiam diligenter aduerte, Deinde offerimus pro defunctis Patribus & Episcopis, deniq; pro omnibus, qui inter nos uita functi sunt, maximum esse credentes animarum iuamē, pro quibus offertur precatio, sancti illius & tremendi, quod in

Yyy 2 altare

altare positum est, sacrificij: quod exemplo vobis de
monstrare volumus. scio enim multos dicere, iuua-
ri animas, si earum in adhibendis precibus memine-
ritis: siue cum peccatis, siue absque peccatis à vita re-
cesserint. An enim si Rex aliquis eos, à quibus offen-
sus est, in exilium pepulerit, postea uerò illorum pro-
pinqui, coronam aliquam conficientes, pro his, qui
sunt in supplicio, exulibus, eidem offerrent, non ne
condonationem aliquam suppliciorum ipsis daret?
Ad eundem modum, & nos pro defunctis precatio-
nes adhibentes, quanuis sint peccatores, nō quidem
coronam plectimus, sed Christum pro peccatis ma-
statum offerimus, ut & nobis, & illis, eum, qui est
benignissimus, propitium reddamus. Et D. Ioannes
Chrysostomus de mortuis agens, Opitulemur (in-
quit) his fratres, memoriam pro ipsis faciamus. Nam
si Iob illius liberos patris uictima purgauit, quid du-
bites à nobis quoq; si pro dormientibus offeramus;
solatij quiddam illis accessurum? Et paulò inferius,
Inter martyres, inter confessores, inter sacerdotes;
mortuos recensemus. Vnum enim corpus omnes su-
mus, sint membra licet alia alijs illustriora: undique
ueniam ipsis impetrare licet, precibus pro ipsis effu-
sis, muneribus datis, consortio eorum, inter quos ue-
lut commune corpus referuntur. Quid igitur doles?
quid lacrymaris? cū impetrandæ mortuo ueniae
tot extent rationes. Quare Kemnici, si Ecclesiæ Græ-
cæ plus quàm Latinae fides, si illius re sola auctoritas
mouet, magis quidem sanctis hisce Patribus, qui il-
lius duces & quasi primipili extiterunt, credere,
quàm barbaris quibusdam, ignarisq; hominibus,
qui

Chrysost.
in prim.
epist. ad
Corint.
homil.
41.

liber
no. 1111
10. d. 33
1. 202

Y

qui à suo illo antiquo splendore tantopere degenerarunt, deberes. quorum tamen si sensum sequi malueris, etsi ad ueram & integram de Purgatorio, fidem non omnino penetres, at certè confiteberis, eos, qui dum uiuerent, non persoluerunt pœnas suis scelerebus debitas, post mortem à diuino conspectu aliquandiu retardari, atque uiuentium precibus illorum luctu & squalore leuari.

De Confirmatione.

QVANTVM Christi in nos beneficia non solum nostra in illum merita, sed cogitationem etiam antecellant, uel inde sanè constare potest, quòd nunquam perditì & insani homines defuerunt, qui illorum uel atq; magnitudine obruti, magnam ipsorum partem obscurare, tenebrisq; offundere conarentur. Cùm enim diuinæ sapientiæ leges imponere, infinitam ipsius bonitatem certis quibusdam terminis circumscribere, abditissima illius consilia suo iudicio tanquàm norma quadam metiri uolunt, fit, ut ea solum Christo beneficia accepta referant, quæ sibi necessaria fuisse arbitrantur; quæ uerò non percipiunt; nefariè abiiciant, aspernentur, cõculcent. Quod quidem in cœlesti hoc planeq; diuino confirmationis sacramento apertè cernitur. Nam cùm salutis nostræ principium atque fundamentum in fide, Christi que cognitione ponatur, quæ & ad felicitatem nobis à Christo promissam aditum aperit, & ad omne officii genus ueluti stimulis quibusdam excitat; tantaque sit

fit humanæ naturæ infirmitas, ut præsentis mortis metus nos faciliè de fide deiicere, atque deturbare possit Christus Iesus, qui humani generis necessitatibus prouidentissimè inuigilauit, & suos tãquàm oues inter lupos constituit, diuinum hoc sacramentum instituit, illiq; sanguinis sui uim & potentiam impressit, ut fidem nobis in sacro lauacro collatã firmaret, perficeret, atq; ueluti altissimis radicibus defigeret, quò mentes tanta hac Spiritus sancti uirtute confirmatas & roboratas, neque periculi tempestas, neque honoris aura posset à fidei cursu spe, aut metu dimouere. Quare excellentissimum hoc sacramentum, confirmatio appellatur. Et quemadmodum Spiritus sanctus in sacris literis olei nomine diuinas opes, spiritualium bonorum affluentiam, atque cœlestium ornamentorum abundãtiam significare solet, ita Christus Iesus oleum ipsum in cœlesti hoc sacramento usurpare uoluit, ut Spiritus sancti dona, quibus confirmatorum mentes locupletantur, planè & apertè repræsentaret. Quod si aduertas, non minorem significandi uim rebus ipsis, quàm uerbis inesse, satis intelliges, eundem spiritum, qui olei notione, cœlestium donorum copiam designauit, sacramenti huius auctorem extitisse, atque easdem Spiritus sancti opes oleo ipso significare & efficere uoluisse. Nam quauis cum oleo balsamum commistū esse debeat, quod suauissimum iucundissimumq; odorem in sacris literis sæpius designat, quem ij sanè omnes afflāt, qui nulla ui à uera fide abduci possunt, nō desunt tamen eruditissimi magniq; nominis Theologi, qui existiment, illud magis quidem ad sacramenti huius ornatum

*Caiet. 3.
p. q. 72.
art. 1. et
Dominicus
Sotus
4. sent.
dist. 7. 9.
1. art. 2.*

natum, quàm ad essentiam pertinere; atq; adeò quauis nefarium scelus is antistes suscipiat, qui cōtra diuinam ordinationem in confirmatione oleum balsamo destitutum usurpauerit, uerum nihilo secius sacramentum illum administrasse arbitrantur. Quam sententiam non obscure sanè approbat doctissimus Innocentius III. Pontifex Maximus, qui interrogatus, an sacramentum confirmationis nouandum atque iterandum esset, si confirmatus non chrismate, sed oleo perungeretur, respondet, nihil iterandum esse, sed cautè supplendum, quod incautè fuerat prætermisum. quòd si chrisma ex oleo & balsamo permistū necessaria esset huius sacramenti materia, non secus quidem eo interueniente casu, confirmatio nouanda, & redintegranda foret, quàm baptisumus si uera aqua defuisset. Cùm uerò Concilium Florentinum ait, huius sacramenti materiam esse chrisma ex oleo & balsamo confectum, putant uiri isti egregij & eruditissimi, describi magis materiam præceptam, quàm necessariam. multa enim in sacramentis usurpantur, quæ quanquam ad sacramentorum essentiã non pertineant, necessaria tamen sunt, si legem respicias, quæ administrandi sacramenta modum ac rationem præscribit: quemadmodum azimus panis, qui quauis materia sit sacramenti eucharistiæ, si legem respicias: at si ad solam sacramenti rationem animus aduertat, parum refert azimus ne, an fermento permistus panis sit. Diuinus igitur ille Spiritus, qui mentem omni scelere liberat, cùm corpus aqua perfunditur, qui panis substantiam in Christi corpus transmutat, cùm quatuor illa uerba sacerdotis ore

*C. Pastoral. de sacramen.
nō iteran-
dis.*

ore proferuntur, qui deniq; diuina opera edit, cum aliorum sacramentorum signa adhibentur, animam diuinis charismatibus perfundit, fidemq; corroborat & cōfirmat, cum corpus sanctissimo chrismate ab episcopo oblinitur. quam ueram & minimè dubiam doctrinam omnium sanctorum Patrum testimonijs, Conciliorum auctoritate, totiusq; ecclesiæ consensu satis firmatam, quia conuellere, & labefactare non posse Kemnicius uidit, scurram magis quàm Theologum agere, irrisionibusq; diuinum hoc sacramentum incescere callidè & ueteratoriè instituit. ut quos ueritate non posset, salibus certè ab ecclesiæ sensu abduceret. *Iesuita (inquit) qui in Purgatorio nuper erant calefactores, iam in confirmatione facti sunt pharmacopei; docent enim compositionem chrismatis ex balsamo & oleo, & quæ sint simplicium illorum qualitates disputant. Cuius chrismatis usum non modò diuinum sed humana etiam (inquit) quæ aliquid ponderis habeat, auctoritate carere.* Ne uerò illi sanctissimi Fabiani Pontificis & martyris illustre testimonium quis obijciat, qui affirmat, sanctissimum hoc sacramentum à Christo fuisse in ultima cœna institutum, illius epistolas tanquàm fabulas Lucianiq; narrationes contemnit. Sed agendum uideamus, an Conciliorum etiam decreta, Luciani fabulas esse existimes, atque sanctorum Patrū testimonia, aliquid ponderis habere ducas. Meministi, Kemnici, quàm diligenter caueat Conciliū Tarraconense, ne quis bis baptizetur, aut confirmetur, usque adeò, ut qui alterum ex hisce sacramentis bis acceperit, monachorum aut clericorum uiuendi generi ui addictum esse perpetuo uelit. In Concilio uerò Laodicensi, quod magnæ illi Nicenæ Synodo proximum

*de const.
dist. 5. c.
dictum.*

*Cōc. Lao
dicenum
Can. 48.*

ximum fuit, quàm apertè definitum est; oportere baptizatos post baptismum, sacratissimū chrisma percipere, & regni cœlestis participes fieri? In concilio item Aureliensi quàm religiosè cauetur, ne quis ad confirmationis mysteria ueniat, nisi ieiunus, utque moneantur integræ ætatis homines, omnia prius peccata confiteri, quàm cœleste hoc sacramentum accipiant? Ut (inquit) mundi donum Spiritus sancti ualeant accipere, & quia nunquàm erit Christianus, nisi in confirmatione episcopali fuerit firmatus. Nam cùm fides, hoïes Christianos reddat, tunc sanè integrè Christiani quodāmodo cēsendi sumus, cùm fides perficitur atq; firmatur. Conciliū uerò Meldēse uoluit, ut etiam Episcopi ieiuni per manus impositionem Spiritum sanctum darent. Sicut (inquit) duobus temporibus, Pascha uidelicet, & Penthecostes à ieiunis celebrari debet baptismus, ita etiam traditionem Spiritus sancti à ieiunis Pontificibus conuenit celebrari. D. uerò Gregorius Pontifex ad Ianuarium Episcopum Caralitānū scribens, lege cauet, ne quis presbyter audeat pueros chrismate in frontibus signare, quippe quia proprium sit Episcopi munus in frontibus confirmare. Quòd si eorundem Conciliorum decreta diligenter expendas, apertè sanè uidebis, sanctum chrisma in tanto precio apud ueteres, sanctissimosq; Patres semper fuisse, ut magnum aliquod, diuinumq; mysterium illo cōtineri, satis significarent. In Concilio enim secundo ac tertio Carthaginensi, diligenter cauetur & sancitur, ne quis presbyter chrisma conficere audeat, quippe quod Episcopi sit proprium munus. In Concilio uerò Turo-

*de const.
d. 5. c. ut
ieiuni.*

*de Const.
dist. 5. c.
ut Episco
pi.*

*de Const.
dist. 3. c.
presby-
teri.*

*2. Carth.
c. 3.
3. Car-
thagi. c.
34.*

1. q. 1. c.
statui -
mus.

191. c. di
ctum est.
¶ Iuo de
cretorū
1. parte.
c. 195.

Cyrl.
Hic. cat.
mysta. 3.

nenſi præcipitur, ut ſacrum chriſma & oleum confe-
cratum, diligenter, & circunſpectè cuſtodiatuꝛ, Ne
(inquit) illud, unde Chriſto incorporamur, & unde
omnes fideles ſanctificamur, unde Reges & ſacerdo-
tes inunguntur aliquis infidelis, aut immundus tan-
gat, aut aliquis perſidus ad Dei iudiciuꝛ ſubuerten-
dum ſubripiat. Patres item Concilij Cabilloneniſis
ut chriſmatis ſanctitatem apud omnium animos te-
ſtatam relinquerent, diligentiffimè cauerunt, ne epi-
ſcopi quidquam preciꝛ aut exigerent, aut acciperent
pro baſſamo, conficiendo chriſmati neceſſario. Con-
cilij uerò Triburieniſis, cui Arnolphus Imperator in-
terfuit, patres, anathemate eos percuſſerunt, ſimonia
cæq; hæreſis damnarunt, qui pro ordinatione, chriſ-
mate, baptiſmo, baſſamo, ſepultura uel communio-
ne quidquam exigerent, Sed gratis (inquiunt) dona
Chriſti gratuita diſpenſatione donentur. Quòd ſi
ſanctos Patres conſulas, apertè ſanè uidebis, non ali-
ter quidem eos de hoc ſacramento, quàm de baptiſ-
mo ſermonem feciſſe. inter cæteros uerò Cyrillum
Hieroſolymitanum patienter quæſo auſculta. Cùm
enim multis demõſtraſſet, ſanctum hoc chriſma ima-
ginè gerere diuini illius Spiritus, quo Chriſtus per-
unctus eſt, cùm à Patre euangelizare pauperibus miſ-
ſus eſt, ait; Vide ne illud (chriſma ſcilicet) putes eſſe
unguentum tantum. Quemadmodum enim panis
Eucharistiæ poſt ſancti Spiritus inuocationem, non
amplius eſt panis communis, ſed corpus Chriſti, ſic
& ſanctum hoc unguentum non amplius eſt unguen-
tum nudum, neque (ſi quis ita appellare malit) com-
mune, poſtquàm iam conſecratum eſt, ſed eſt chriſ-
ma,

ma, quod Christi & Spiritus sancti, idest, diuinitatis eius præsentiam efficit. Quod uerò cœleste hoc mysterium, Dei nobis gratiam cōciliat, mox docet, Quo (inquit) unguento frons & alij sensus corporis tui symbolicè inunguntur, & corpus quidem isto uisibili unguento perungitur; anima uerò sancto uiuificoq; spiritu sanctificatur. & paulò inferius, Vt enim Saluator post baptismum, & illud sancti spiritus aduentum egressus, in prælium, deuicit aduersarium, sic & uos post sacrum baptisma & chrisma mysticū, induti armis sancti spiritus, aduersus oppositam uobis potestatem consistitis, & præliamini dicētes, Omnia possum in eo, qui me confortat. multisq; deinde demonstrat, hoc cœlesti sacramento Christianos homines perfici; quippe quod à Christo institutum est, ad protegendum corpus spiritualiter & ad salutem animæ. Cornelius uerò summus Pont. Fabiano Antiochiæ episcopo de Nouatio scribens inquit, fieri non potuisse ut Nouatius Spiritum sanctum consequeretur, cum nunquàm ab episcopo fuerit confirmatus. D. uerò Augustinus cum interpretatur, uerba illa Dauidis, Sicut unguentū in capite, quod descendit in barbam, barbam Aaron, sibi à Petiliano Donatista obiecta, ait, Et in hoc unguento sacramentum chrismatis uult interpretari, quod quidē in genere uisibilium signorum sacrosanctum est, sicut ipse baptismus, sed potest esse in hominibus pessimis, in operibus carnis uitam consummantibus, & regnum cœlorum non possessuris, & ideò neque ad barbam Aaron, neque ad oram uestimenti eius, nec ad ullam contextionem uestis sacerdotalis pertinentibus, cu-

*Ensch. bi
flo. Escl.
lib. 6. ca.*

43.

*Aug. cō-
tra lit.*

*Petiliani
lib. 3. ca.*

104.

psal. 133

ius sacramenti uim ac numen prodigijs etiam Deus declarauit. Malachias enim episcopus sanctissimus, Diuq Bernardo auctore, cum puerum mēte captum confirmandum suscepisset, sanctissimi huius chrismatis uirtute illi mentem integrè restituit. Iam igitur uide, Kemnici, an cœleste hoc sacramentum omni auctoritate, quæ aliquid pōderis habeat, prorsus destituatur; & quàm temere & petulanter sanctissimo Fabiano, Melchiadi, Eusebio, cæterisq; sanctissimis Pontificibus, qui illud à Christo esse institutum affirmarunt, summisq; ipsum laudibus extulerunt, succēscas. Nisi fortè unius Lutheri auctoritatem omnium tu Conciliorum maiestati, sanctorum Patrum testimonijs, totiusq; Ecclesiæ iudicio anteferendam esse existimas, eaq; solùm plurimùm apud te momēti habent, quæ illius sunt calculo comprobata. Quare nihil est, quod à nobis iam diuina oracula aut communem Ecclesiæ fidem postules, quæ si aliquid apud te ponderis momentiq; habuisset, nunquàm profectò, unius tu perduellis religionisq; desertoris auctoritatem illi antetulisses.

De extrema vnctione.

DE extremæ vnctionis sacramento nihil modestius agit Kemnicus, illudq; irridet magis quàm oppugnat: neque enim aliā putat vnctionem ægroris adhibendam esse, quàm illos uerbo Dei consolari, & eo laborantium animos erigere, & unā cum Ecclesia pro salute ipsorum & corporis & animi orare. Neque tamen meminit Iacobum

Epist. Iacobi. c. 5.

bum præcipere, ut si quis infirmatur, inducat presbyteros Ecclesiæ & orent super eum, ungentes cum oleo in nomine Domini, & oratio fidei saluabit infirmum & alleuiabit eum Dominus. & si in peccatis sit, remittentur ei. Cum uero sancto illo oleo cum oratione coniuncto, tantam uirtutem tribuat, ut peccata remittere possit, aperte sancte declarauit, illum perungendi ægrotos ritum sacramentis fore annumerandum; quorum proprium est, externis quibusdam signis mentem sanctificare. Diuino enim spiritu afflatus Iacobus, neque oleo, neque orationi solum tantam illam uirtutem ascripsit, sed utrumque prudenter coniunxit, ut sacramenti materiam, ac formam, quæ tota in precibus posita est, significaret. quare & orationem fidei illam appellauit, quippe quæ egregiam quandam ægroti fidem declarat, qui fide magis, quam sensibus ductus, omnibus iam humanis medicamentis diffidens, in cœlesti illo oleo totā spem collocat, diuinamq; uirtutem ad peccatorum reliquias depellendas in eo inclusam esse, constanter credit. Quocirca sancta Dei Ecclesia, non solum sermone sanctam hanc unctionem semper commendauit, sed opere usurpauit atque cōprobauit. Vnde in Concilio Meldensi sancitum est, ut presbyter in cœna Domini ampullas tres secum deferat, unam ad chrisma, alteram ad oleum ad catechumenos unguendos, tertiam ad infirmos, iuxta sententiam Apostolicam, ut quando quis infirmatur, inducat presbyteros Ecclesiæ. Innocentius etiam primus, qui floruit anno à Christo nato 408. cum docet, non presbyterorum modò, sed Episcoporum etiā esse, ægrotos

*Cœc. Mel
dense ca-
non 1.*

*Innoc. I.
ad Decen-
tium Eu-
gubinum
Episc. can.
8.*

*Conc. Tri
dent. sub
Iulio 3.
sess. 4.*

tos chrismate perungere, Pœnitentibus (inquit) externam hanc unctionem infundi non posse; quippe quia genus est sacramenti. Nam quibus reliqua sacramenta negantur, quomodo unum genus putatur posse concedi? Quare præclare admodum sacrosanctum Tridentinum Concilium (ut Florentinum omittam) eos omnes Anathemate percellit, qui negarent, extremam unctionem uerè sacramentum esse à Christo institutum, & gratiam conferre, ut D. Iacobi aperto testimonio, & Ecclesiæ constanti & perpetua firmâq; traditione constat. Quocirca non quidem improbamus, Kemnici, illorum humanitatem, qui ægros Dei uerbo consolantur, & pro eorum salute Deum precantur: quinimmo plurimorū Conciliorum decretis; sancitum est, ut à presbyteris præstantissimum charitatis officium ægris hominibus tribuatur. at cum uerbum Dei neque unctio dici, neque sacramentis annumerari possit, præter hoc consolationis genus moribundos sancto chrismate perungendos esse, ut si in peccatis fuerint cœlestis sacramenti uirtute remittantur eis, cum Diuo Iacobo, & Ecclesiæ consensu affirmamus. Mirum autem esse non debet, si Lutherus quibus fidei integritatem, uerum sacramentorum usum, felicitatisq; aditum dum uiuerent eripuerit, morientibus etiam cœlestia hæc diuinâq; præsidia inuideret.

DIEGHI PAYVA

ANDRADII, LVSITANI,

ORTHODOXARVM EXPLICA-

TIONVM LIBER NONVS.

De Inuocatione sanctorum.



V' M plurimis in rebus cernere liceat,
 nihil sub sole nouum esse, nec posse
 quenquā dicere, Ecce hoc recens est;
 tum maximè in hac hæresum uarieta
 te, quibus Dei Ecclesia infelici hoc

Ecd. c. 1.

sæculo distrahitur, & exagitur. Nā
 si uetera memoria repetamus, facile quidem uidebī
 mus, nihil ab hæreticis nunc inuehī non inuetera-
 tum, & putidum, nihil non antiquatum & obsoletū,
 nihil non multò antea à perditissimis hominibus ex
 cogitatum, nihil, quod iam dudum non fuerit uerita
 tis ui & potentia compressum. Tantus enim est uerita
 tis splendor, ut quanquā aliquādiu mendacio-
 rum tenebris obnubilari, minimè tamen obrui aut
 extinguī possit. Quocirca cū Dæmon omnes uires
 semper comparasset, ut clarissimam fidei lucem mor
 talibus eriperet, & satellites ac ministros, quibus per
 petuò abundauit, uario mendaciorum apparatu,
 multipliciq; simulationū genere ad mortaliū exi
 tium instruxisset, effecit quidem sæpe, ut plurimi pu
 ra illa atque sincera ueritatis luce minimè frueren
 tur.

tur. Facere tamen non potuit, quin impietas sub quibusdam pietatis inuolucris recta & obuoluta tandem internosceretur, omnes reserarentur fallaciæ atque figmenta ueluti tenui nebula ad illustres atque ardentis solis aspectum euanescerent. Cum igitur Martinus Lutherus, & qui illius exemplum imitati, à uera Ecclesia defecerunt, omnem operam in sepultis iam hæresibus ab Orco reuocandis contulerint, nihilq; fuerit peruerforum dogmatum tam exoletum & putidum, cuius non susceperint patrociniū, nihil est quod sibi quisquam persuadeat, nunc demum figmenta illa firmiora, ueritatis autem uires magis debiles, infirmas & protritas euasisse, nisi aut ueritatem mutatam, aut Deum Ecclesiæ suæ curam abiecissemus arbitremur. Quid enim, quæso, isti Satanæ emissarij, Sataniciq; Euangelij instauratores de humani arbitrij libertate diuersum ab impurissimis Manichæis sentiunt? in quo de peccato originali à Pelagianis tam strenuè à D. Augustino profligatis, dissentiunt? Aquæ Baptismatis infirmitatem an non Lutherus à Massilianis hausit? Eiusdem sceleratissimum contemptum, à quibus Calvinus, si nō à Seleucis & Herminis didicit? Quot Lutherus, Zuinglius, Calvinus & reliqui huius factionis homines commenta portentosasq; opiniones excogitarunt de augustissimo Eucharistiæ sacramento, an non à Nestorio & Berengario acceperunt? Impiam illam insolentiam, qua sacramenta omnia Lutherus conculcat, humanaq; figmenta appellat, atque diuina uirtute spoliāt, quibus nisi stolidissimis Armenis, & impurissimis Catharis debet referre acceptam? Nisi infinitum esset

esset; & minimè necessariū singula istorum hominū deliramenta, uniuerfasq; insanias connumerare, facillè esset fontes indicare, à quibus hoc suum Euangelium hauserunt; quos habeant suæ fidei duces, & Apostolos, quos auctores atque præceptores. Qui etsi maxima olim eloquentiæ ubertate, adumbratæque eruditionis summa ostentatione, contentione, importunitate, & incredibili audacia contenderint, eas ipsas opiniones Ecclesiæ insinuare, fuerunt tamen diuina in primis uirtute, communi deinde piorum hominum consensu, Sanctorum patrum maiorum nostrorum industria, fide, pietate, & singulari eruditione profligati, & cōtriti. Vt enim diuinis consilijs & uoluntati nemo potest repugnare, ita illa perpetuò consistent necesse est, quæ diuino nutu atque uoluntate constant, diuinisq; sunt oraculis confirmata. atque adeò humana consilia atque conatus contra diuinam legem comparati, labi, ac ruere oportet, ut egregius ille Gamaliel, grauissimis exemplis ab antiquitate petitis, illustrauit, & confirmauit. Cum igitur figmenta omnia, quibus nunc miserorum mentes decipiuntur, sæpe olim citata intèrierint, magna ui erecta, multò maiori impetu corruerint, eximia quadam atq; incredibili multorum contentione & pertinacia, eloquentiæ fluminibus, rationibus summo ingenio excogitatis, summorum Regum auctoritatē, clarissimorum Imperatorum potentia, totius ferè Orbis conspiratione munita, tandem non modò intermortua, sed planè fuerint extincta; quis ita erit cæcus, qui non uideat, illa esse diuinis consilijs atque placitis aduersa? si præsertim in-

act. ca.

5.

tueatur, solani inermes ueritatem potuisse tantas copias euertere, atque de tam ferocibus & immanibus perduellibus triumphare. Si modò inermis illa dicenda est, quæ etsi omnibus sit humanis auxilijs destituta, diuino tamen præsidio & consilijs fota, atque tutata, cœlestibus armis pugnat, aut quis existimare poterit, diuersum exitum illa esse habitura, quorum est una sententia? Ne uerò ueteribus hæreticis aliqua in re concessisse Lutherus, Caluinus Zuinglius, Oecolampadius, Bucerus, Kemnicus, Osiander, ac reliqui eiusdem factionis homines uiderentur, Caianorum, Vigilantij, Eunomij, Catharorum, perfugæq; Iuliani exemplo prouocati, Sanctorum sacrilegam contemtionem, & despicentiam nunc demum post tot sæcula, ab Herebi sedibus reuocarunt, ut scilicet quibus sempiternam felicitatem extorquere non poterant, honorem saltem atque uenerationem quoad eius fieri posset, eriperent. Caianos enim primos fuisse, qui præcipiti quodam & immani furore concitati, Sanctis nullum esse cultum uenerationemq; deferendam dicitarunt, D. Hieronymus contra Vigilantium differens auctor est. Quorum conatus Tertullianus, uir eximia quadam eruditione illustris, in ipsis quasi faucibus compressit. Neque mirum uideri debet, quod diuorū ij capitales hostes fuerint, qui fratricidam Cainum, Christi q; proditorē Iudā perfidos & sacrilegos homines in summa ueneratione habēdos esse, existimarunt unde & Caiani dicti sunt. Illā uerò tantam dementiam sanctorumq; tam sacrilegam ac nephariam contemtionem, Cathari, & eos aliquot post sæculis imitati Eunomius atque Vigilantius
rursus

rursus excitantur. quæ à sanctissimis illius ætatis uiris, & in primis D. Hieronymo ita oppugnata est, atque profligata, ut ipsius neque uestigium quidem ante Lutherum extare uideretur; eam tamen is ita suorum animis impressit, ut qui cæteris in rebus delirare, in hac certè insanire atque furere uideantur. Quæ quidem faciliè declarant, quantopere Satan, qui istorum hominum mentes ac linguas moderatur, sanctorum preces, quarum uim atque potentiam sapius expertus est, uereatur. Neque mirum, si quorum uirtutem uitæ huius periculis oppressam & implicatam ferre nullo modo potuit, sempiternæ felicitatis dotibus audiam, atque exaggeratam, summopere reformidet. Quocirca omnes uires comparat, ut illis nostrum cultum atque uenerationem, nobis uerò ipsorum auxilia atque patrocina eripiat. Cui strenuam sanè operam nauat Kemnicius, eisdemq; nos armis oppugnat, quibus olim Christianam religionem, & pietatem apud Cyrillum oppugnabat Iulianus, qui *ὁμοσεύτης* hoc est, transfuga, religionisq; desertor dictus est. cultum enim atque honorem, quem Sanctis Ecclesia deferre solet, his uerbis calumniabatur, Si Hebræorum quidē sermones attendissetis, non omnibus modis tam infelicitè ageretur, sed peius nunc habetur, quam si adhuc nobiscum essetis, leuia autē quasi essetis & tolerabilia, unum. n. pro multis dijs coluissetis. non hominem, immo non multos homines, miseros, ufos lege dura quadam, & aspera, agrestemq; barbariem inspirante. Et libro decimo, eadem rursus in hunc modum exprobrat, Sed hoc quidem malum (quòd scilicet Christus habeatur Deus) acco-

*Cyril. lib.
6. cont.
Iulianū.*

*Cyrillus
lib. 10. cō
tra Iulia
num.*

pit à Ioanne principium, quæ autem uos deinde ad inueneritis, addentes ad antiquum illum mortuum multos recens mortuos, quis pro dignitate abominetur? Neque dissimili procacitate Maximus Madauræsis Idololatra honorem, quæ martyribus habemus; inter ep. Augustino, per summam irrisiōem obijcit, Quis (in Aug. ep. 43. quit) ferat Ioui fulmina uibranti præferri Mygdonæ? Iunoni, Mineræ, Veneri, uestæq; Sananem & cunctis pro nefas, Dijs immortalibus, archimartyrem Namplanionem? inter quos Lucitas etiam haud minori cultu suscipitur, atque alij interminato numero, Dijs hominibusq; odiosa nomina, qui conscientia nefandorum facinorum, specie gloriosæ mortis scelera sua sceleribus cumulantes, dignum moribus factisq; suis exitum maculati receperunt. Faustus Aug. lib. 2. contra item Manichæus, pari impudentia Christi Ecclesiæ Fauulum. exprobrabat, quod idolatrarum sacrificia uerteret in c. 6. Agapæ, idola uerò in martyres, quos similibus uotis coleret. Quod si ex inimicis salutem petere, integrum est, eorumq; testimonia momenti quidquam habere possunt, satis hæc quidem indicant, quantos honores sanctis martyribus Christi Ecclesia semper edtulit. Qui nisi eximij ac singulares fuissent, nunquam profectò calumniandi tantam occasionem offerre Christi hostibus potuissent. Quibus cum se socium atq; commilitonem adiungit Kemnicus, idololatriæ nos insinulat, quod sanctos diuinis honoribus afficiamus, atq; nō aliter quàm Deū ipsum adorādos esse, arbitremur. Atque ita cum in diuos esse uolumus admodum superstitiosi, sit ut in Deum ipsum iniuriosi simus, & contumeliosi. Sed quando, Kemnici,

nici, Iuliani nunc mauis, quàm Christiani personam
sustinere, æquum est, ut Cyrillum respondentem au-
dias, Sanctos martyres neque Deos esse dicimus, ne-
que adorare consueuimus, laudamus autem eos po-
tius summis honoribus, quòd pro ueritate strenuè
certarunt, & fidei sinceritatem seruauerunt, ita ut & suā
animam contempserint, & mortis terroribus uale di-
centes, præualuerint in summis periculis, tantaque
fuerint fortitudinis, quasi statuas sibi suæ uitæ excita-
turi. Proinde non est indignum, immo etiam neces-
sarium, eos, qui tam claris operibus gloriosi sunt, per-
petuis honorare laudibus. Neque aliter Augustinus
Fausti commilitonis tui impietates, his uerbis, quæ
rem multo magis aperiunt & illustrent, refutat, Po-
pulus (inquit) Christianus memorias martyrum re-
ligiosa solennitate celebrat, & ad exercitandam imi-
tationem; & ut meritis eorum consocietur, atque o-
rationibus adiuuetur, ita tamē ut nulli martyrum, sed
ipsi Deo martyrum quanuis in memoria martyrum
constituamus altaria. Quis enim astantium in locis
sanctorum corporum assistens altari aliquādo dixit,
Offerimus tibi Petre, aut Paule, aut Cypriane? sed
quod offertur, offertur Deo, qui martyres coronauit,
apud memorias eorum, quos coronauit, ut ex ipso-
rum locorum admonitione maior affectus exurgat
ad acuedam charitatem, & in illos, quos imitari pos-
sumus, & in illum, quo adiuuante possumus. Coli-
mus ergo martyres eo cultu dilectionis, societatis,
quo & in hac uita coluntur sancti homines Dei, quo
rum cor ad talem pro Euangelica ueritate passionem
paratum esse sentimus. sed illos tãto deuotius, quan-

*Cyrl.
lib. 6. con-
tra Iulia-
num.*

*August.
lib. 20.
contra
Faust.
Manich.
c. 21.*

*Theodo-
retus.
lib. 8. de
græcorū
affectioni-
bus.*

tò securius post incerta omnia superata, quanto etiā
fidentiore laude prædicamus iam in uita feliciore
uictores, quàm in ista adhuc usque pugnantes. At il-
lo cultu, qui Græcè latrìa dicitur, Latinè uno uerbo
dici non potest, cùm sit quædam propriæ diuinitati
debita seruitus, nec colimus, nec colendum doce-
mus, nisi unum Deum. Hactenus Augustinus. Quæ
ipsa non semel inculcat Theodoretus contra Græco-
rum deliramenta agens, Nos, inquit, ò Græci homi-
nes, non hostias martyribus, nec libamina ullâ defe-
rimus, sed ut sanctos homines Deiq; amicissimos ho-
noramus. Tanto enim amore creatorem Deum, ge-
nerisq; humani uindictam persecuti sunt, ut amabile
illis fuerit pro accepta semel religione iugulum per-
cussori porrigere. Quam sententiam sancta Romana
Ecclesia tam constanter semper retinuit, & conserua-
uit, ut nulla impiorum hominum importunitate ab
illa abduci unquam potuerit. Cū enim sanctos Deo
charissimos esse intelligat, illos religiosè obseruat,
suspicit, ueneratur, non tamen ut Deos colit, aut di-
uinis honoribus afficiendos esse existimat, nisi fortè
non contumelijs illos uestro more insequi, non in-
cessere opprobrijs, non prosequi blasphemijs, non
laceessere iniurijs, diuinum uos cultum existimatis,
aut certè tam ambitiosum Deum fingitis, ut omnem
Sanctis suis honorem habitum, sibi præreptum esse
iudicet. At inquis, Diuus Antonius non infimus,
neque ineruditus auctor, apertè asserit, Sanctos no-
bis à summo Pontifice adorandos proponi, qui soli
Deo cultus ac ueneratio debetur. Sed quale illud sit
adorationis genus, mox explicat, cùm ait, Sanctos
adorandos

adorandos esse, ut fidei, & sanctitatis exemplaria. Cum enim adorandi uerbum, uariè in sacris literis usurpetur, neque semel honorem illum designet, quo principes, & qui dignitatis gradu in Rep. antecellunt, afficiuntur; plurimi sanctorum patrum eodem uocabulo cultum illum significarunt, qui uiris sanctitate clarissimis, Ecclesiæq; primarijs defertur. Quis enim cum Loth tres angelos adorasse intelligit, cum religiosissimum Abraham, filios Het adorantem, atque filio suo Iacob, ut ab omnibus tribubus adoraretur, præcantem intuetur; cum Ioseph à fratribus fuisse adoratum legit, cum Mephiboset Ionathæ filium, ad sanctissimi Dauidis pedes abiectum & pro uolutum ipsiusq; uestigia adorantem intuetur, existimare poterit, integerrimos hosce uiros fidem religionemq; prodidisse, atque diuinum cultum & uenerationem mortalibus hominibus summa cum impietate detulisse? Quòd si adorandi uerbum in sacris literis singularem quèdam atque eximium honorem quàm frequentissimè significat, qui egregijs ac primoribus uiris iustè honesteque tribuitur, quid est, quòd tam audacter illos reprehendendos arripias, qui eadem uoce honorem Sanctis debitum significarunt? Quid illos Idololatrias appellas, qui scripturæ uocem usurpare sibi licere existimarunt? Aut igitur Spiritum sanctum, qui non res ipsas modò sacris literis consignatas, sed uoces etiam diuinis illis scriptoribus suppeditauit, uituperes, aut eorum certè studium commendare necesse est, qui scripturæ sacræ dicendi formam imitari, honorem sanctis debitum, adorationem appellarunt. Nisi fortè miseros ac mortales

Genes.

19. 23.

49. 50.

2. Reg. 6.

9.

tales homines, & qui à iustitiæ splendore quandoq; plurimum absunt, diuis esse præferendos arbitraris. Cum igitur Colonienſes negāt, sanctos à nobis adorari, non quidem Ecclesiasticos scriptores uituperāt, sed de illo adorationis genere sermonem faciunt, quod Græci *λατρεία* uocant, ut satis ipsi explicarunt. Quæ cum propria sit diuinitati debita seruitus, ut D. Augustinus ait, illi sanè deferri solū potest, quæ Deum esse credimus.

NON tamen inficiamur, hac nos latriæ adoratione Christi præclarissimam crucem colere, & uenerari: quod tu nobis tanquā summam impietatem obijcis. Nam cum Christum Dei filium, qui chirographum decreti nobis contrariū cruci affigens, deleuit, illa referat, & repræsentet; eadem certè pietate, cultu & religione ipsam, qua & Christum ipsum, prosequi necesse est; quam cum intuemur, Christum nos cernere arbitramur, illumq; pio atque religioso animi affectu complectimur. Quare qui idololatriæ illos condemnant, qui *τὴν λατρείαν* augustissimū cultum Christi cruci deferunt, pari certè crimine eos condemnent oportet, qui eodem cultu Christum Dei unigenitum filium, atque Deum uerum de Deo uero prosequuntur, quem nobis diuinā crux quasi præsentem exhibere uidetur. Vnde est, quod D. Paulus cruci ea accommodat, quæ in solum Christum conuenire possunt. Potissimum enim Christiani hominis officium esse arbitrat, nullam aliam gloriam sitienter appetere quā eā, quæ in cruce domini nostri Iesu Christi posita est. Atque idcō impios & sceleratos homines, crucis Christi inimicos appellat.

Ipsam

ipsam uerò crucem pereuntibus quidem stultitiam esse, ijs autem, qui salui fiunt, diuinam uirtutem continere, testatur. Crucis uerò uocabulo nihil quàm Christum ipsum cruce affixum denotare, satis idem Paulus docuit. Quia in ea ipsa priori epistola ad Corinthios, quæ de cruce obscurius dixerat, Christo dilucidè accommodat, Nos (inquit) prædicamus Christum Iesum, & hunc crucifixum, Iudæis quidem scandalum, gentibus autem stultitiam. Ipsis autem uocatis Iudæis, ac Græcis Christum Dei uirtutem & Dei sapientiam. Nā postquàm Christus Iesus hoc mortis genere humani generis peccata expiauit, nihil quidem aliud crucis sanctissimum nomen significare, aut forma repræsentare potest, quàm Christum Iesum, & hunc crucifixum. Vnde etiam est, ut pij & Christiani homines, qui in spiritu & ueritate adorare solent, non externā crucis materiam sub aspectum subiectam, sed Christum, quem in cruce pendētem mentis oculis intuentur, adorent & uenerentur, in illumque omnem crucis gloriam, & splendorem, omnesque laudes redundare arbitrentur. Quæ D. Ioannes Damascenus libro quarto de fide Orthodoxa ijs uerbis docuit, Adoramus figuram preciosæ & uiuificæ crucis, tametsi ex quauis materia facta sit, non materiam uenerantes (absit enim) sed figuram tanquàm Christi signum. Et paulò pòst, Adorandum est igitur signum Christi. ubi enim fuerit signum eius, illic & ipse erit. Quod si Iacob cum fide incitatus adorauit fastigium uirgæ Ioseph, non quidem filij personā aut ditionem, sed Christi, quem Iosephus præfigurat, summum imperium uenerabatur. quippe cui &

Matth.
c. 28.

Genes. c.
47.

patre tradita est omnis potestas in cœlo & in terra .
mirari certè non debes , Kemnici, si nos pari fide in-
formati, eodemq; cœlesti spiritu ducti , augustissimā
crucis effigiem, hoc est, uirgam illam, qua inferni ua-
luas Christus confregit, uenerantes, Christo potissi-
mè cultum, atque honorem deferre uideamur. Non
me latet quàm sint hæc Pauli uerba ab hisce diuer-
sa, quæ in Genesis uulgata translatione habentur,
quæ hæc sunt, Adorauit Israel Dominum conuersus
ad lætuli caput. Sed cùm Hebræa sublatis puncto-
rum notulis , reddere utrunq; sensum faciliè possint,
non uideò quare nō cum sensum amplectemur, qui
D. Pauli est auctoritate confirmatus, præsertim cùm
Hebræis scribat, quibus sensus ab Hebræis uerbis a-
lienus placere nullo modo potuisset. Hebræa autem
uerba habent *וישתחו ישראל על ראש המטה* ubi princi-
piò uerbum illud, Dominum, minimè reperitur, sed
ab interprete additum fuisse uidetur, ut quem ani-
mo conceperat sensum, redderet explicatiùs. Nomē
uerò *מטה* quod lætulum significare fateor, demptis pū-
ctis legi & *מטה* quod uirgam, ceu baculum significat,
accommodatissimè potest. Cum uerò punctorum ha-
sce notas Rabinorum inuentum fuisse, inter omnes
doctos constet, qui cùm uerba erant ambigua, & du-
bia, interpretum etiam munere functi sunt, faciliè qui-
dem fuit, pro Match. legere Mithah. hoc est pro bacu-
lo, lætulum. Quòd uerò Iacob in filij uirga magnificū
aliquid, atque diuinum corporeis oculis caliganti-
bus, mentis clarissimis luminibus intueretur, quod
tanta religione uenerabatur, satis D. Paulus docuit,
cùm fide, quæ circa diuinas res potissimū uersatur,
incita-

incitatum, illum fuisse ait, ut uirgam filij sui adoraret, hoc est, Christo infinitam potentiam, & latissimè patens imperium, quod in magna illa Iosephi potentia præfiguratum fuisse, sancti patres semper existimarunt. Nò igitur est, Kemnici, quòd D. Gregorium, ac cæteros sanctissimos uiros tam acriter, & petulanter reprehendas, quòd Christianos omnes ad crucis cultum uenerationemq; inuitent, & allectent; quam antiqua Ecclesia fidei religionisq; notam appellare, non fuit uerita, atque adeò in publicis templis uniuersæ plebi adorandam exponere. quippe quia Christi crucifixi memoriam reuocare, atque quodammo præsentem exhibere uidetur. quod apertè explicauit Leontius Neapoleos Cypri episcopus, Ego (inquit) quatenus duo ligna crucis colligata sunt, typum quidem adoro, propter Christum, qui in ea crucifixus est. Cum uerò fuerint dissoluta à se, abijcio, & ea exuro quoque. Et quemadmodum qui mandatum Imperatoris suscipit, illius sigillum osculando, non ipsam cæram, aut characterem, aut plumbum ueneratur, uerum Imperatori ipsi adorationem, & cultum exhibet, ita quoq; Christianorum filij, typum crucis adorantes, non naturam ligni adoramus, Sed per sigillum, & anulum, & characterem, Christum ipsum aspicientes, per hoc eum, qui in illo crucifixus est, salutamus, & adoramus. Et cùm id ipsum multis atque egregijs exemplis illustrasset, addit, Ego igitur imaginè Christi adorans, non lignorum aut colorum naturam adoro (absit) sed inanimatum characterem Christi. hunc enim cùm habeam, ipsum Christum me tenere, & adorare mihi uideor.

lib. 5.

Apolog.
contra Iu-
deos. pro
Christia-
nis.

*Ephrem
Syrus li.
de pan.*

Ad quem inanimum charactērem, ut Leontij uerbo, utar, cum sanctus Ephrem Syrus animum aduertit, miris atque diuinis laudibus crucē extulit, Mortis enim uicttricem, fidelium spem, lucem orbis terrarum, paradisi referatricem, hæresum profligatricem, dæmonum expultricem, monachorum adminiculum, fidei firmamentum, magnam salutaremq; custodiam, atque perpetuam orthodoxorum omnium gloriam, illam appellauit. libro uerò de armatura spiritali, Crucem ualidissimam armaturam uocat, ad omnes Dæmonum impetus faciliè propulsandos.

*Niceph.
lib. 10.
c. 3.*

Quod quidem Deus op. Max. ut sæpius aliàs, tum maximè Iuliano imperante, re ipsa declarauit. cum enim nefarius Imperator à Christiana religione, in qua natus & honestè institutus fuerat, iam defecisset; atque sese ad inanem & exitiosum Dæmonū cultū, totum conuertisset, in secretiorem celeberrimi cuiusdam templi partem, quam Græci *ἀνὰ* uocant, diuinandi gratia, cum paucis quibusdam sacrilegis sacerdotibus, fortè secessit, & ecce horrenda sese quædam spectra ingerunt, quorum aspectu consternatus Iulianus, atque eius rei, propter quàm illò se contulerat, oblitus, crucis signo se obsignauit, non tam sponte, quàm casu, atque consuetudine, quam simul cum lacte suxerat, & haud multò antea, impiè abiecerat, inductus. Cuius sanctissimi signi uim Dæmones non ferentes, eamq; per summam Dei prouidentiam apertè declarantes, cōfestim euauerunt. quare peragere scelerata & impia sacra nefarius Imperator non potuit. Omitto crucis sanctissimæ insigne, Chosra rerum summa apud Persas potente, in tanta

*Niceph.
lib. 12.
c. 20.*

BA s cccn

ueneratione

ueneratione apud Thurcas, qui eius mysteria minime nouerant, fuisse, ut in fronte illud perpetuo gestaret, eo quod eius uirtute fuissent experti, cum uersa Persis à grauiissimo pestilentiae morbo illius fuit beneficio liberata, non sine magna Christiani nominis augustissimæq; crucis gloria & admiratione. Cui quantus sit honor à Christianis hominibus habendus, his uerbis explicauit sexta Synodus, *Sexta Synod. can.*
 Cum crux uiuifica illud salutare nobis ostenderit, nos omne studium adhibere oportet, ut ei, per quam ab antiquo lapsu saluati sumus, eum, qui par est, honorem habeamus. unde & mente & sermone & sensu adorationem ei tribuentes, crucis figuras, quæ à nonnullis in solo ac pauimento fiunt, omnino deleri iubemus, ne incedentium calcatione uictoriæ nobis trophæum iniuria afficiatur. qui secus fecerit, excommunicari decernimus. Quod ipsum Theodosius Imperator Eudoxio P. P. scribens, his uerbis statuit, *Codicis Iustiniani lib. 1. tit. 8.*
 Cum sit nobis cura diligens per omnia superni numinis religionem tueri; signum Saluatoris Christi nemini licere uel in solo, uel in silice, uel in maribus humi positis insculpere, uel pingere, sed quodcunque reperitur, tolli: grauiissima poena multando eo, qui contrarium statutis nostris tentauerit, specialiter imperamus. Nō est igitur, Kemnici, quod nobis succenseas, quod eum cultum uenerationeq; sanctissimæ cruci deferamus, quem Ecclesiæ iudicio, sanctorum patrum auctoritate, cœlestibus prodigijs; plurimisq; diuinæ uoluntatis documentis confirmatum esse scimus. Quinimmo si pietatis, & religionis aliquem

*Epiph.
Episcop.
Thirti ep.
ad sancta
synodū.*

aliquem sensum habes, tuis potius succensere, tuis irasci, in tuos inuehi, uehementer debuisses, quòd Seueri Nestorianæ impietatis, complicitis proteruitatem & dementissimam petulantiam imitati, salutare hoc signum, passionis Christi monumentum, sempiternum lacerant, proscidunt, innumerisq; probrijs, & contumelijs afficiunt, quæ neque Christiani animi sine mœrore cogitare, neque oculi sine lacrymis intueri possunt.

SED iam ad eam, quam instituimus, de sanctorum cultu & inuocatione disputationem, reuertamur, quos non ut Deos, sed ut Dei amicos colimus & ueneramur, & quorum opem & patrocinium non eò quidem studiosè imploramus, quòd bonorum, quæ expetimus, dominos illos esse arbitremur, sed quòd tantum gratia, atque auctoritate apud Deum, à quo bona omnia speramus, ualere credimus, ut facile impetrare ab illo quiduis possint. Quo sanè modo illæ sunt fidelium preces interpretandæ, quibus à Deipara uirgine ceterisq; Diuis gratiam, iustitiam, scelerum ueniam, salutem, animiq; ornamenta postulant; ut scilicet à diuina misericordia, qua summa cū uoluptate fruuntur, ea nobis impetrent. Quod satis Ecclesia explicauit, cū uota ac preces, quas ad Deiparam uirginem instituere solet, in hunc modum inchoat, Ora pro nobis Sancta Dei genitrix, ut digni efficiamur promissionibus Christi. Quæ sanè uerba satis demonstrant, nos Christi potissimum meritis ac promissionibus fidere; Deiparam uerò uirginem ceterosq; Sanctos omnes, aduocatos adhibere. Qui cū sint nobiscum arctissimo societatis ac
com-

communione uinculo constricti, fieri certè non potest, quin & ardentissima sint charitate conglutinati, nostramque salutem auidiſſimè procurent. Vnicam nanque eſſe ſanctam Eccleſiam catholicam, in qua Sanctorum eſt indiuidua communio, tam illis, qui in cœlis conſcripti iam ſunt, quàm ijs, qui à Domino adhuc peregrinamur, conſtante, certa, ac minimè dubia fides ſemper docuit. cuius cum unitum ſit caput Chriſtus Ieſus, qui mortuus eſt, ut uiuorum & mortuorum dominetur, mutua ſanctæ, eiufdemque corporis membra omnes ſimus, atque mutua nobis officia impendamus, neceſſe eſt. Quare prudenter admodum D. Auguſtinus Angelos etiam ipſos, in proximorum numero habendos ardentiſque charitate à nobis diligendos eſſe exiſtimauit. quæ cum languere, atque ocioſa eſſe nequaquam poſſit, ij certè, qui aut mortales à debitis ſanctis officijs uenerationeque auocant, aut illos uiuorum curam gerere, cauſamque apud Deum omnipotentem noſtram agere, pernegant, hanc Chriſti unicam Eccleſiam, quoad eius fieri poteſt, lacerant, & dirumpunt. Eos nanque ſolos proximos appellat Aug. quib. uel præbendum eſt, uel à quib. nobis præbendum eſt, officium miſericordiæ. Quod in precationibus, quas pro nobis ad Deum fundunt, maximè cerni teſtatur, cum ait, Dominus noſter Ieſus Chriſtus adhuc interpellat pro nobis. Omnes martyres adhuc interpellant pro nobis, non tranſeunt interpellationes eorum, niſi cum tranſierit gemitus noſter. D. uerò Ambroſius in potiſſimis, quæ uiduæ Chriſtianæ conſolationem afferre poſſunt, numerat, quòd tot habeant in cœlis proxi-

Ro. c. 4.

Aug. lib.
1. de doc.
Chriſt. c.
30.

Aug. li.
1. de doc.
Chriſt. c.
30.

Ambro.
lib. de ui
duis.

proximos, qui illius miseriam & calamitates precationibus leuare possint, habes (inquit) proximos, qui pro te supplicent; habes Apostolos proximos; habes martyres proximos, si ipsa martyribus deuotionis societate, misericordiæ quoque muneribus appropinques. proximus est enim, qui misericordiam facit: fac & tu misericordiam, & eris Petro proxima. Non sanguinis necessitudo, sed uirtutis cognatio facit proximos, quia non in carne ambulamus, sed in spiritu. Ama ergo propinquitatem Petri, affinitatem Andreæ, ut pro te rogent, & recedât cupiditates tuæ uerbo Dei pulsæ. Et paulò inferius, Petrus, & Andreas frater eius, tunc pro affinitate poterant, nunc iam possunt pro nobis & pro omnibus impetrare. Hætenus Ambrosius. Cùm enim felicissimus ille beatorum cætus omni sit molestia, animiq; ægritudine uacuus, non quidem summum erga nos amorem simul cum corpore abiecit, sed illius omnes numeros, ut felicius, ita facilius & cumulatius explet. Caritas enim, Paulo auctore, nunquàm excidit, sed cum semper eternæ illius felicitatis dotibus magis ac magis augetur, atque perficitur. Vnde est quòd sacræ literæ Ieremiam Prophetam uita iam functum, fratrum amatorem uocant, multumq; orare testantur pro populo, & uniuerfa sancta ciuitate. Quem unà cum O-nia summo sacerdote, strenuus atque sanctissimus Iudæorum dux, Machabæus conspexit, diuinum numè deprecantem, ut infinitis populi sui malis atque calamitatibus contentus, illi iam tandem opem ferret. Neque uerò sine summa impietate id uocare somniantis deliramenta, quis poterit; quod fide dignissimum

gnissimum somnium sacra scriptura uocat? Quòd si nefarius ille & inhumanus Epulo patrem Abrahamum orabat, ut Lazarum beatissimum mendicū ad fratres eius delegaret, quòd eos ad uirtutum studia alliceret, tantorum cruciatuum commemoratione excitaret, quis dubitare poterit, beatos ardenti in fratres charitate impulsos, easdem preces adhibituros, quas infelix ille cruciatuum ui atq; terrore, pro uocatus fundebat? Omitto innumera sacrarum literarum testimonia, ex quibus apertè constat, Angelos, qui minori sunt nobiscum naturæ, atque necessitudinis uinculo copulati, hominum causam apud Deum agere, humanisq; rebus tantopere affici, ut ob sceleratorum hominum poenitentiam summo gaudio perfundantur. video enim Ioannem Caluinum impietatum omnium patronum, quod sanctis denegat, angelis tribuere. quippe quia administratorij (inquit) sunt spiritus, quibus delegatum est ministerium curandæ salutis, quibus demandata est prouincia custodiendi nos in omnibus uijs nostris, qui nos circumeunt, qui monent & consolantur, qui pro nobis excubias agunt.

Luc. 6. 16

Calu. instit. c. 15
num. 17

Qvòd si sanctorum omnium patrum, qui in Ecclesia semper & ubique floruerunt, monimenta euoluamus, facilè uidebimus, hanc persuasionem ita in omnium animis penitus infedisce, ut posteritati nullum dubitandi locum reliquum fecerint. Anacletus summus Pontifex, qui accepit à beato Petro disciplinam, inquit, pro omnibus assiduam apud Deum, omnium sanctorum effundi orationem. Irenæus, qui Apostolorum temporibus uixit, Deiparam uirginē

Anacle. epist. 3.

Irenæus lib. 5.

82. 3. 3. 3.

*Origen.**In diuer.
hom. 3.**Euse. hist.
Eccl. lib.
6. c. 5.*

Mariam cum Heua conferens ait, quòd sicut illa Heua seducta fuit ut effugeret Deum, sic hæc Maria sua est obedire Deo, uti uirginis Heuæ uirgo Maria fuerit aduocata, Origenes, qui imperante Seuero, hoc est, anno à Christi sanctissima morte 168. floruit, ad sanctorum omnium quasi pedes prouolutus, & abiectus, eos precatur, ut sibi scelerum conscientiam conuicto, neque audenti oculos ad cælum erigere, opem ferant, sibiq; à Deo, peccatorum ueniam impetrent, illosq; ita alloquitur, O sancti Dei, uos lacrymis & fletu, pleno dolore deprecor, ut procidatis misericordijs eius pro me misero. Heu mihi, pater Abraham, deprecare pro me, ne de finibus tuis aliener, quos ualde concupiui, nec condignè quidem, propter ingens peccatum meum. Hanc uerò deprecandi Diuos rationem, non fuisse à se, proprio (ut dicitur) Marte in Ecclesiam inuectam, sed maiorum esse iudicio & auctoritate firmatam, hisce uerbis docuit, Bene & secundum uoluntatem Dei Innocentiū memoriam sancti patres celebrari mandauerunt sempiternam in Ecclesijs, ueluti pro Domino morientium, ueluti pro Iudæis, & gentibus credituris, uel etiam pro ipsis parentibus, quorum parètes præ nimio dolore (ut diximus) percutiebantur, ut eis intercessio filiorum plurimum profuisset. Prætermitto eundem affirmantem, sanctos Martyres pugnare nobiscum, & nos suis precationibus adiuuare, idq; senioris testimonio cuiusdam magnæq; auctoritatis magistri cõprobantem. Neq; latere quempia potest Basilidem Martyrem inuictissimum, qui sub eodem Seuero Imperatore stipendia merebat, Potamianæ uir-

uirginis iam uita functæ precibus nõ solum ad Christianam fidem, atq; religionem adductû, sed martyrij etiam palmam fuisse consecutum, ut Euseb. Cæsar auctor est. Iam uerò Cyprianus, qui Valeriani iniquissimi Imperatoris temporibus, hoc est, anno post Origenem 45. martyrij triumpho decoratus est, Cornelium per literas hortatur, ut qui eorum prior ab hac uita diuino beneficio discederet, charitatem nõ abijceret, sed Dei patris misericordiam pro fratribus & sororibus continenter deprecaretur. Ex cuius etiã sanctissimi martyris epistolis constat, eos, qui lapsi fuerant, & publicè de more Ecclesiæ poenitentiam agebant, martyres, hoc est, eos, qui in carceres ob fidei confessionem erant coniecti, adire solitos fuisse, ut ueniam deprecarentur: quam si editis ueræ poenitentię documentis impetrabant, id martyres per literas Episcopo, aut presbyteris significabant, quas libellos appellare soliti erant, quibus acceptis ad communionem constituto tempore recipiebantur. Erant enim sancti patres maiores nostri persuasi, ut idem Cyprianus ait, tantum apud Deum sanctorum martyrum preces, atque merita ualere, ut ab illo facile possent, lapsis, quibus pacem promittebant, delictorum ueniam impetrare. Magnus ille ac illustris Athasius, quem antiqua Ecclesia præcipuum habuit fidei & pietatis propugnatorem, ac uindicem, multis in locis apertè docuit, quanti sanctorum, qui semper piterna iam felicitate fruentur, patrocinia, ac preces faciendæ essent. Ita enim Deiparam Virginem alloquitur, Et iam scilicet audi filia David, & Abraham, & inclina aurem tuã in preces nostras

*Cyprian.
epist. 1.*

*Cyprian. lib.
3. ep. 18.*

*Athanas.
in Euãg.
de sanctis-
sima Ma-
ria Virg.*

et ne obliuiscaris populi tui, neq; nostri, qui sumus de familia & domo patris tui. parentes enim tui sumus secundum generis profapixq; rationem, nostraque filia es, quia ex nobis genita es. & paulò inferiorius, Ad te clamamus, recordare nostri, sanctissima uirgo, quæ etiam à partu uirgo permansisti, & retribue nobis pro exiguis istis eloquiis magna dona ex diuitiis tuarum gratiarum, tu, quæ gratia plena es. & sic tandem orationem concludit, Ave gratiosa, Dominus tecum, intercede hera, & Domina, & Regina, mater Dei pro nobis, quoniam ex nobis tu oriunda es, & is, qui editus est ex te carnigerus, Deus noster est. Et de interpretatione psalmorum agēs, inquit, cauendum esse, ne quis eos sæcularibus ad eloquētiā uerbis ornet, neue conetur dictiones immutare, aut omnino aliud pro alio substituere, sed simpliciter ut scripta sunt, recitet, & psallat quemadmodum dictum est. ut sancti, qui ista uerba suppeditarunt, sua esse agnoscetes, comprecantur nobiscum. Ephrem Syrus Diuo Athanasio cōtaneus, qui sanctitate atq; eruditione, ut Hieronymus auctor est, usq; ad eò clauit, ut eius monimenta in plurimis Ecclesiis publicè post diuinarum scripturarum lectionem recitarentur, ita Deum alloquitur, Grex tuus electus, monachorum quoque conuentus, & omnium sanctorum, qui placuerunt ante te, qui nunc in paradiso exultant, iam deprecantur pro me & obsecrant te solum amatorem hominum. Exaudies quoque eos, & salua bis me obsecrationibus eorum, ego uerò per eos tibi gloriam & laudem offeram, qui exaudisti orationes eorum, quæ pro salute animæ meæ profusa sunt.

Gre-

*Athana.
de inter-
pre. Psal-
morum ad
Marcel.*

*D. Hiero.
descripto-
ribus Ec-
clesiast.
Ephrem,
lib. de cō-
punctio-
ne cord.*

Gregorius uero Niss. Episcopus, Basilij magni frater, orationem, qua sanctissimi huius Ephrem laudes & res gestas complectitur, ad hunc modum claudit, Tu uero diuino assistens altari, uitæq; participi, ac sacrosanctæ, unâ cum Angelis sacrificans Trinitati, omnium nostrorum recordare, nobisq; peccatorum ueniam impetra, ut sempiterna regni cœlestis beatitudine perfruamur. Quid referam Theodosii religiosissimi Imperatoris egregiam erga sanctos pietatem, fidem, religionem? cuius cum præclara aliàs edidit documenta, tum maximè cum bellum contra Eugenium impiissimum tyrannum suscipere cogitauit. nam ut se magis sanctorum auxilijs, quàm Barbarorum copijs confidere significaret, circumibat (Ruffino auctore) cum sacerdotibus & populo omnia orationum loca, ante Martyrum & Apostolorum techas iacebat, cilicio prostratus, & auxilia sibi fida sanctorum intercessione poscebat. Quam illustrem pietatem non uulgaris aliqua, & consuetâ, sed insolens & portentosa uictoria est subsecuta. nam Barbaro milite, in quo Theodosii exercitus uis potissima posita erat, diuina prouidentia fugato, atque profligato, ne illius robori magis quàm cœlestibus copijs uictoria ascriberetur, desperatisq; iam religiosissimi Imperatoris rebus, Ecce tam uehemens uentus atque tam immodica tempestas incidit, ut telis in eos, qui iecerant, retortis, hostes proprijs iaculis interirent. Qui uentus tam diu perstitit, ut profligatis diuina uirtute Eugenij copijs, uinctis post terga manibus ad Theodosium is adduceretur, ubi nefariæ impietatis, & audaciæ penas luit. Sed tam Leonem sanctissimum pontificem

Gregor.
Nissenus

Ruffin. li.
2. c. 33.

Leo. Pôt.
sermo. de
nati. Pen-
tri, &
Pauli.

Leo. sermo. 5. de Epipha.

Leo sermo. in de ieiun. decimi mens. Theodo.

Chrysost. hom. 1. in 1. c. prioris epistolae ad Thes.

tificem hac de re loquentē audiamus, Sicut (inquit) nos experti sumus, & nostri probauere maiores, credimus, atque confidimus, inter omnes labores istius uitæ ad obtinendam misericordiam Dei, semper nos specialium patronorum orationibus adiuuandos, ut quātum proprijs peccatis deprimimur, tantum Apostolicis meritis erigamur. Et alibi, Cōfirmate, inquit, amicitias cum sanctis Angelis, intrate in ciuitatem Dei, cuius nobis spōdetur habitatio, & Patriarchis, Prophetis, Apostolis, martyribus sociamini, unde illi gaudent, gaudete, horum diuitias concupiscite, & per bonam æmulationem ipsorum ambite. Suffragia cum quibus enim fuerit, uobis consortium deuotionis, erit & communio dignitatis. & alibi, Sabbato apud beatissimum Petrum Apostolum uigilias celebramus, qui & orationes & ieiunia, & elemosynas nostras precibus dignabitur adiuuare. Omitto Theodoretum, qui in libris, quos de martyribus scripsit, quam sæpissimè illos hominum duces appellat, principes, propugnatores, custodes, medicos, auxiliares, per quos à nobis infortunia auertuntur, proculq; arcentur omnia, quæ à Dæmonibus inferūtur mala. D. uerò Chrysost. quem ex aduersarijs plurimi impietatis suæ patronū sceleratè asciscūt, satis aperuit, quid hac in re sentiat, cū uerba illa prioris epistolæ, quam Paulus ad Thessalonicenses scripsit, Gratias agimus Deo pro omnibus uobis, semper memoriam uestri facientes in orationibus nostris. explicans, deq; sanctis, qui iam sempiterna felicitate fruuntur, uerba faciens, ait, His itaq; cognitis, nec sanctorum preces contemnamus, neque totum in illas proiciamus,

ciamus, hoc quidē ne temere insidiis opprimāmur,
 illud uerò, ne extra multum lucrum, & profectum
 excidamus, sed oremus etiā ut pro nobis precen-
 tur, manumq; porrigant, adhæreamusq; ipsi uirtutis
 studio, ut bona diligentibus Deum promissa, conse-
 qui ualeamus. Quam integram Chrysostomi homi-
 liam, quā multis & grauissimis argumentis demon-
 strat, sanctorum preces plurimū bonis ac piis
 uiris, quique diuinæ legi studiosè parent, prodes-
 se, illis uerò nihil prorsus, qui Christiani hominis
 debitum officium deserunt, te quæso Kemnici, di-
 ligenter, & consideratè legas: clarè enim uidebis,
 quā pueriliter, & sophisticè ex illo Ieremiæ loco,
 Si steterit Moses & Samuel coram me, non est anima
 mea ad populum istum. tuus Calvinus concludat,
 mortales sanctorum, quos ille sceleratè & per sum-
 mum contemptum mortuos uocitat, precibus nihil
 iuari. Prætermitto Oecumenium, qui cū illa Pe-
 tri uerba interpretatur, Dabo autem operam & fre-
 quenter habere uos post obitum meum, ut horum
 omnium memoriam faciatis. affirmat, aliquot san-
 ctos Patres ea per traiectiōem intelligenda, arque
 in hunc modum legēda esse, existimasse, Etiam post
 meum obitum operam dabo, ut uos semper horum
 memoriam habeatis, ita ut Petrus significare uolue-
 rit, studium, quo illorum salutem curabat, & chari-
 tatem, qua illos complectabatur, non esse cum mor-
 te interituram. Iam uerò ut Hieronymi, Hilarij, Ba-
 siliij, Cyrilli, Bernardi, Anselmi, cæterorumq; sancto-
 rum patrum sententias omittam, si ad unius Aug.
 opera animum aduertamus, infinitum sanè erit loca
 singula

Calvin.
 insti. c. 15
 nu. 17.

Oecume.
 in 1. c. 2.
 epist. Pet.

singula numerando percensere, quibus & sanctos in maximo honore habendos esse, & illorū preces plurimū nobis opis, auxiliūque afferre posse, demonstrat. Ut uerò supersedeam precationibus, quibus ipse sanctos omnes, atque in primis Deiparam Virginem deprecatur, ut se foueat, tueatur, atque scelerum omnium ueniam impetrent, cū uerba illa

Exodi c.

26. Aug.

quæst. super Exo.

q. 108.

Aug. 22.

de ciuit.

Dei c. 9.

Cap. seq.

Aug. con.

ses. lib. 9.

c. 3.

tatus? Significantur etiā Martyres sancti, quorum orationibus propitiatur Deus peccatis populi sui. Et alibi demonstrans miracula, quæ martyrum meritis fiunt, certissima esse Christianæ fidei documenta, ait, Pro ista fide mortui sunt, qui hæc miracula à Domino impetrare possunt, pro cuius nomine occisi sunt. Et paulò inferius, Siue omnia ista per Angelos, quibus inuisibiliter, immutabiliter, & incomparabiliter imperat, operetur, ut quæ per martyres fieri dicuntur, eis orantibus tantum, & impetrantibus fiant, siue alia fiant istis, alia illis modis, qui nullo modo compræhendi à mortalibus possunt, ei profectò attestantur hæc fidei, in qua carnis in æternum resurrectio prædicatur. Et paulò post, Faciunt autem ista miracula martyres, uel potius Deus, uel orantibus, uel cooperantibus eis, ut fides illa proficiat, qua eos non Deos esse nostros, sed unum Deum habere nobiscum credamus. Et de Nebidij sibi familiaritate coniunctissimi morte agēs ait, Iam non ponit aurem ad os meum, sed spirituale os ad fontem tuum, & bibit quantum potest sapientiam

tiam, pro auiditate sua sine fine felix. Nec sic eum arbitror inebriari ex ea, ut obliuiscatur mei, cum tu Domine, quem potat ille, nostri sis memor. Quoddāsi uera est Leonis sanctissimi pontificis sententia, dubitandum scilicet nō esse, quidquid ab Ecclesia in consuetudinem est deuotionis retentum, de traditione Apostolica, & de sancti Spiritus prodire doctrina, nihil certē pijs omnibus notius, atque testatius esse debet, quā & summum esse sanctis honorem habendum, & plurimū corū preces & merita apud Deū ad miseras nostras leuandas, uitæ incommoda leniendā, maximāq; beneficia consequenda, ualere: cū hanc fuisse omnium ætatum, gentium, populorum, qui Christianam fidem pietatēq; coluerunt, constantem, perpetuāq; sententiam, satis constet. Nam si sanctorum omnium patrum sententias non numeremus modō, sed diligenter, & accuratē ponderemus, satis uidebimus, neminem esse, qui id tanquā nouum ac recens insinuet, sed omnes una tanquā de re explorata, atque antiquitatis auctoritate, & certissima traditione firmata, uerba facere.

At inquis Gregorium Nazianzenum, quem multis hac in re superstitionibus occasionem dedisse arbitraris, non ausum fuisse affirmare, Basilium in cœlis pro nobis sacrificia offerre, atque pro populo orare, sed ut animi sui dubitationē declararet addidisse *ὡς ὁ Θεός* hoc est, ut ego quidē arbitror, quod ipsum (inquis) fecisse in epitaphio patris sui, unde colligis priuatas hasce fuisse Nazianzeni cogitationes, sine expresso uerbo Dei. Neque enim (inquis) de articulis fidei loquitur Ecclesia hoc modo, sed certus est sermo, & omni acceptione dignus. Vt autem præter-

Dddd mittam

Leo. ser.
2. de ieiunio
Pentecostes.

mittam hunc esse Græcis auctoribus maximè usitatū loquendi modum, non solū cū de incertis atque dubijs rebus, sed cum de certissimis agunt, qui ad Nazianzeni orationem animum diligenter aduertērit, facillè intelliget, uerba illa *ὡς οἱ μὲν* non tam ad Basilij pro nobis intercessionem, quàm ad felicissimū eius statum esse referenda. Nam cū paulò ante è uiuis excessisset, inter Diuos illum sine temeritatis aliqua nota certò connumerare non poterat. cū nemo quamdiu uiuit, scire possit, dignus ne amore sit, an odio.

UT uerò sanctorum omnium patrum auctoritatē eludas, ais, *te ad cumulum omnium sententiarum, quæ afferri ex illis possunt hæc tantū respondere, quòd Epiphanius inuocationē Mariæ, uocat errorem antiquum.* Quod tam asseueras constanter, ac si uerum diceres. ò incredibilem importunitatē, ò præcipitem furorem: quis tantam licentiam æquo animo ferat? quis tam effrenata audacia non commoueatur. Non sat tibi fore putasti, sanctorum omnium patrum auctoritatem contemnere, testimonia abijcere, sententias proterere, conculcare, nisi etiam tam grauem ignominiam sanctissimo Epiphanio inuississes? ubi, quæso, unquam Mariæ inuocationem, inueteratum errorem appellauit? ubi sanctorum inuocationem impietatis insimulauit? Nisi fortè ita desipisti, ut inuocationem à Latriæ adoratione non distinguas. neque intelligas quantum intersit inter sanctorum implorationem, & Diuino numini debitum cultum, atque adorationem. Epiphanius enim nunquàm eorum studium improbauit, qui Deiparæ uirginis auxilia implorant: grauius tamen & profariorii

farisj sceleris atrocitate reprehēdit mulierculas quasdam Arabes, quæ Deiparæ uirgini sacrificia faciebant. currum enim quendam (ut ille ait) siue quadratam sellam linteolis ornare, ibiq; illustri quodam & sacro anni die panes apponere, atque in Mariæ nomine offerre, solitæ erant. quem errorem ad eò inuenteratum appellat Epiphanius, quia antiquam & obsoletam idololatriam reuocabat. Neque id alio animo atque consilio faciebant, quàm quòd Deiparam uirginem, Deum esse sibi persuaserant. Quod aperte D. Epiphanius contra Antidicomarianitas agens, qui sanctissimam Mariam post partum uirginem perstitisse negabant, ijs uerbis edocet, Quemadmodum dicimus, nos hoc audisse, quosdam ita ausos fuisse, ut facilimè se proijcerent in peccatum, sic admirati sumus, quum aliud rursus audiuissemus, alios nimirum ita desipere, ut in tractatione de ipsa sancta semper Virgine, pro Deo hanc introducere studuerint, & adhuc studeant, & furore quodam ac amentia ducantur. Narrant enim, quòd quædam mulieres illic in Arabia à partibus Thraces, hanc uanitatem inuenerunt, ut in nomine semper uirginis collyriam quædam sacrificent, & simul congregentur, & in nomine sanctæ uirginis ultra modum quid tentent aggredi, nefario ac blasphemio negotio, & in nomine ipsius sacra celebrent, per mulieres, quod totum impium est, ac nefarium, alienum à prædicatione sancti Spiritus, ut sit totum Diabolicum opus, & spiritus immundi doctrina. A qua Epiphanijs sententia, Romana Ecclesia non modò non discedit, sed eos omnes execratur, atque à fidelium cœtu & communio-

*Epiph. li.
3. Hæres.
79. quæ
est Colly-
ridiano-
rum.*

*Epiph. li.
3. Hæres.
78.*

ORTHODOX. EXPLIC.

ne ablegat, qui Deum alium præter unicū ac Tri-
 num colunt, qui sanctos pro Dijs habent, qui sacra
 illis faciunt, aut honoribus soli Deo debitis profe-
 quuntur. Neque enim Ecclesia consuevit unquā
 sacra Diuis facere, aut dicere (ut Aug. ait) Offeri-
 mus tibi Petre, aut Paule. quanuis illorum memo-
 rias sacrificijs cohonestare solita sit. Quod D. Aug.
 multis locis docet, Nos autem (inquit) martyribus
 nostris non templa sicut Diis, sed memorias sicut ho-
 minibus mortuis, quorum apud Deum uiuit spiri-
 tus, fabricamus: nec ibi erigimus altaria, in quibus
 sacrificemus martyribus, sed uni Deo & martyrum et
 nostro, sacrificia immolamus, ad quod sacrificium
 sicut homines Dei, qui mundum in eius confessio-
 ne uicerunt, suo loco & ordine nominantur, non ta-
 men à sacerdote, qui sacrificat, inuocantur: Deo qui p-
 pe non ipsis sacrificat, quanuis in memoria sacrificet
 eorum, quia Dei sacerdos est, non illorum: ipsum ue-
 rò sacrificium, corpus est Christi, qui non offertur ip-
 sis, quia hoc sunt & ipsi. Hactenus Aug. Quinimmo
 in Synodo Carthagenensi tertia cautum est, ne quis
 altari assistens, ad alium preces quā ad solum pa-
 trem dirigat; nam cū Christus sit quæ immolatur
 hostia, præter decorum facere sacerdos uidebitur, si
 ad Christum, hoc est, ad ipsam, quam sacrificat ho-
 stiam, orationem referat. insignis uerò dementiæ erit
 si sanctis, hoc est Christi seruis Dominum offerat,
 quem semper Ecclesia usum retinuit, & religiosissime
 conseruauit. Neque enim cum alio sacerdos dum sa-
 cra facit, quā cū Deo Patre colloquitur, cui unige-
 nitum eius filium Christum Iesum, & sanctorum me-
 rita,

Aug. 22.
 lib. de ci-
 ui. Dei c.
 10. & 8.
 li. de ciu.
 6. 27.

Synod.
 Carth. 3.
 can. 23.

rita, ac preces offert. quo uerò consilio Ecclesia sanctorum mentionem faciat in Missæ sacrificio, satis illa precatione explicauit, Communicantes, & memoriam uenerantes in primis gloriosæ semperq; uirginis Mariæ genitricis Dei, & Domini nostri Iesu Christi: sed & beatorum Apostolorum, ac martyrum tuorum Petri, & Pauli, & omnium sanctorum tuorum, quorum meritis, præcibusq; concedas, ut in omnibus protectionis tuæ muniamur auxilijs, per eundem Christum Dominum nostrum. Quod sacrum Tridentinum Conciliū apertè definiuit, Quauis (inquit) in honorem, & memoriam sanctorum nonnullas interdum missas Ecclesia celebrare consueuerit, non tamen illis sacrificium offerre docet; sed Deo soli, qui illos coronauit. vnde nec sacerdos dicere solet, Offero tibi sacrificium Petre, uel Paule: sed Deo, de illorum, uictorijs gratias agens, eorum patrocinia implorat: ut ipsi pro nobis intercedere dignentur, in cœlis, quorum memoriam facimus in terris. Anathemateq; eos percellit, qui imposturâ, esse dicunt, missas celebrare pro sanctorū intercessione apud Deum obtinēda. Non igitur est, Kemnici, quòd nobis Epiphanium Collyrianos summæ impietatis damnantem obijcias, qui non modò nemini sanctorum sacrificia facimus, sed neque eorum in sacrificijs auxilia imploramus, sed memoriam solū ueneramur, & coonestamus, merita uerò ac preces unā cum Christi corpore meritorum omnium fonte Deo patri offerimus. At uerò extra altare ad illos orationem Ecclesia dirigit, ipsorum opem & aduocationē implorat, quos tantum gratia apud Deum ualere intelligit, ut omnia

*Concil.
Trid. sub
Pio 4. sēs.
6. c. 3.*

*Ibidem
can. 5.*

Cyrl. Ca
teche. my
flag. 5.

omnia impetrare facile possint, quod nusquam Epi-
phanus reprehensione dignum esse existimauit. Ex
quibus aperte sanè constat, quàm præposterè ex istis
Aug. uerbis lib. 22. de ciuitate Dei colligas, quòd
quidquid fuerit de depræciatis quorundam ueterum cogitationibus, siue
(ut dicunt) deuotionibus, manifestum esse ex Augustini testimonio in
publicis & solennibus Ecclesiæ orationibus inuocationem sanctorum
non fuisse usitatam. Multum enim interest inter sacrificia
re sanctis, illosque in sacrificiis compellare, aut no-
stras orationes cum illorum precibus coniungere;
& illorum merita atque preces Deo patrî, ad quem
orationem habemus, unâ cum Christi corpore offer-
re. hoc enim ita ecclesia semper usurpauit, ut ab illo
ualde abhorrerit. Quod ex Cyrillo Hierosolymita
no satis constat, qui Augustinum ætate præcucurrit.
Deinde inquit, postquàm confectum est illud spiri-
tuale sacrificiû, & ille cultus incruentus, in ipsa pro-
pitiæ hostia obsecramus Deum Patrem, pro
communi Ecclesiarum pace, pro tranquillitate mun-
di, pro ægrotis & afflictiis, & in summa pro his omni-
bus, qui egent auxilio. Rogamus te inquam nos om-
nes, & hoc sacrificium tibi offerimus, ut memineris
etiam eorum, qui ante nos obdormierunt, primùm
Patriarcharum, Prophetarum, Apostolorum, Marty-
rum, ut Deus orationibus illorum & deprecationi-
bus suscipiat preces nostras. Sed iam uideamus,
quantum ualeat argumentum illud, tibi eiusque tam
familiare, quod à meritorum Christi dignitate atque
amplitudine sumitis, de qua plurimùm ab iis dero-
gari existimatis, qui sanctorum auxilia atque aduo-
cationem procurant, *In nomine inquis Christi omnia esse peten-*
da,

da, illum enim scriptura nobis proponit, non tantum ut mediato rem expiationis, uerum etiam ut aduocatum, qui intercedit & apparet uultui Dei pro nobis. ad huius intercessionem & merita, scriptura nos iubet confugere, quando in inuocatione sentimus nostram indignitatem. Nihil uerò tale dicit de sanctis mortuis. Ex quibus concludis, ualde esse Christi meritis contumeliosum, si quis sanctorum sibi patrocinia asciscat. Principiò libenter confitemur, aduocatum nos habere apud Patrem Christum Iesum, qui introiuit in ipsum cœlum ut appareat uultui Dei pro nobis, non quidem tanquàm inane aliquod & mutum spectrum, sed ut causam nostram apud Patrem continuò agat. cumque pro nostra salute semper deprecetur, non iam quidem cum clamore ualido, & lacrymis, ut in diebus carnis suæ facere consueuerat, sed solo humanitatis suæ conspectu, infinitique amoris erga nos sui significatione. Nam si iusti Abelis sanguis ad Deum è terra clamabat, illumque ad iram atque in dignationem prouocabat; Christi Iesu sanctissimum corpus, sanguis pro humano genere profusus, inflammataque in nos charitatis insignia sanctissimo ipsius corpori impressa, quæ Deo patri semper adsunt præsentia, an non maximos clamores edere, an non Deum ad misericordiam flectere, ipsiusque nobis amorem conciliare iudicabimus? Hanc esse precationis Christi rationem, satis hisce uerbis Gregorius pontifex sanctissimus explicauit, Vnigenitum filium pro homine interpellare, est apud æternum patrem seipsum hominem demonstrare, eique pro humana natura rogasse, est eandem naturam in diuinitatis celsitudinem suscepisse. Interpellat igitur Dominus
pro

ad Hebr.
c.9.

Lib. 22.
moralis
c.18.

ORTHODOX. EXPLIC.

act. 12.

Theff. 1.

c. 5. 1. c. 3

Iaco. c. 5.

pro nobis, non uoce (scilicet gemebunda) sed mise-
ratione, quia quod damnari in electis noluit, susci-
piendo liberauit. Adiutor ergo quæritur, ut deside-
rium exaudiat. Quia nisi pro nobis interpellatio
mediatoris intercederet, ab aure Dei proculdubio
nostrarum precum uoces silerent. Huic uerò Christi
pro nobis perpetuæ intercessioni si sanctorum pre-
ces quidquam detraherent, nunquàm profectò tota
Ecclesia, tam ardentè Deum deprecaretur, ut sibi
Petrum in uincula coniectum, saluum restitueret.
Neque unquàm Paulus toties Thessalonicenses ro-
garet, ut pro se preces funderent. Non Iacobus fide-
les omnes admoneret, atq; obtestaretur, ut mutuam
salutem à Deo assiduis precibus efflagitarent. Ora-
te (inquit) pro inuicem ut saluemini. At inquis, ual-
de hæc esse disparia. nam cùm de uiuorum mutuis
intercessionibus extet exemplum in scripturis, neq;
ullum in ipsis extet uestigiū de precibus, quas post
mortem pro nobis sancti fundunt, non est quòd unū
cum alio conferamus, aut unum ex alio concluda-
mus. Nam Deus (ut D. Ambrosius ait) non nostris
argumentationibus, sed suis æstimandus est uocib.
Sed aduerte, quæso Kemnici, quàm longè ab scopo
aberres; ualde nanque diuersa sunt, atque disparia,
ex scripturis probare, sanctos, qui iam sempiterna il-
la uita fruuntur, pro nobis intercedere, aut illorum
preces nihil de unius mediatoris Christi meritis, at-
que auctoritate detrahere. Cum uerò ex scripturis
constet, cum uiuorum, tum Angelorum, qui diuinā
uoluntatem perspectam habent, & exploratam, pre-
ces Deo gratissimas esse, neq; Christi meritis, quid-
quam

quam derogare, rectè sanè concluditur, minimè esse eos in Christum contumeliosos, neque de eius dignitate uel minimùm detrahere, qui alium præter Christum intercessorè atque aduocatum quærunt. Nisi fortè ita insanis, ut sine ulla scripturæ, quam tam insolenter uenditas, auctoritate, existimes, solam Diuorum intercessionem Christo iniuriosam esse. neque enim ineptius atque puerilius quidquam excogitari possit, quàm eos scripturæ locos, qui Christi pro nobis apud patrem intercessionem prædicant, qui inflammatum eius in nos amorem commendant, qui stimulos addunt, ut illi fidamus, ab illo animis pendeamus, illius potissimùm opem atque auxilia imploremus ita interpretari, ut qui uiuorum hominum, atque Angelorum preces Christi precationibus coniungere curauerint, nullius sint criminis rei: qui uerò à sanctis, qui è uiuis iam excesserunt, ut unà cum Christo regnent, idem officium expetuerint, nefarium crimen suscepisse, & Christum grauissima iniuria affecisse uideantur. Quare uos quidem estis, qui scripturæ sacræ sensum contorquetis, uos, qui illius sanctitatem, atque fidem uestris imposturis corrumpitis, uos, qui Spiritus sancti sensa deprauatis. nos uerò à sacræ scripturæ uero & integro sensu nulla ratione discedimus, Ecclesiæ iudicium antiquitate firmatum retinemus, patrum nostrorum fidem, ueteris Ecclesiæ erga diuos pietatem, antiquamque religionem conseruamus. à qua nullis uestris figmentis atque machinationibus abduci unquam Deo auspicante, poterimus. D. autem Hieronymus contra Vigilantium (cuius uos auctoritatem uniuersali Ecclesiæ prætulistis)

E e e tulistis)

tulistis) disputans, summum ducit furorem existimare, sanctos, qui uitæ huius doloribus oppressi, periculis expositi, calamitatibusq; implicati poterant, pro cæteris hominibus preces fundere, postquam molestiis omnibus liberi Christo fruuntur, nec hiscere quidem posse.

OB IICIS rursus quòd *quauis Paulus inueniens non dubitauerit, se in Petri dum uiueret, precibus comprehendere, non tamen dixit S. Petre pater noster, qui es in cælis, quod nos facere calumnia ris.* Ne uerò in hac calumnia diluenda multis agam, fateor, Kemnici, quòd si quis tã fuerit amens, qui dominicam precationem diuis ea ratione adhibeat, ut ad illos precationis uerba referat, atq; intellecta de illis esse uelit, grauissimo errore tenebitur, neque eam unquam Diuos precandi rationem ab Ecclesia didicerit. quæ docet, unicum nos in cælis habere patrem Deum, cuius nomen apud omnes gentes sanctum esse cupimus, cuius regnum auidissimè exoptamus, & à quo solo bona omnia speramus. At si quis Ecclesiæ fide imbutus, sanctorum preces Deo esse gratissimas arbitretur, quippe quas incensum Deo suauissimum Ioannes uocat, atque eo animo Petrum compellat, ut unà secum orationem coniungat, & dominicam illam precationem Deo offerat, quid admisisse criminis existimare poteris? Neque enim mediatoris munus ij Christo præripiunt, qui scelerum conscientia deterriti, amicos Christo charissimos precantur, ut causam apud Christum eorum agant; sintque mediatores apud mediatorem Christum, ut D. Bernardus ait. quinimmo Christi dignitatem maximo percre augent, & amplificant, gratiaq; illius uim mirum

rum in modum commendant, qui sanctos suos ita locupletavit, tantisq; iustitiæ opibus & ornamentis auxit, atque illustravit, ut mortalium patroni & advocati esse possint. cum præsertim non tam suis, quàm Christi meritis fidant, illaq; potissimum Deo nobiscum offerant. quod satis Ecclesia docet cum omnibus precationibus finem imponit meritorum Christi commemoratione, quæ cum nostris, tum nostrorum omnium precibus uim atque efficacitatem afferunt. Quòd si proteruitatem atque petulantiam aliquantum abijcere, & ad hanc unam precationem, qua Ecclesia D. Aug. intercessore utitur, animum aduerteris, satis tanquàm in exemplari perspicies, quantum ab omni impietate absimus longissimè.

Adesto (inquit) supplicationibus nostris omnipotès Deus, & quibus fiduciam sperandæ pietatis indulges, intercedente beato Aug. confessore tuo, atque pontifice, consuetæ misericordiæ tuæ tribue benignus affectum: per Dominum nostrum Iesum Christum filium tuum. hoc est, egregia illa atque cœlestia beneficia, quæ ardentè optamus, Christi filii tui meritis, & intercessione potissimum confisi, petimus: quam & nostris & Aug. precationibus uim tribuere confitemur. ex quibus liquidò sanè constat, sanctos non eodem modo, quo Christus, esse mediatores.

Christus enim quia non per sanguinem hircorum, *Paul. ad Heb. c. 9.* aut uitulorum, sed per proprium sanguinem introiuit semel in sancta, æterna redemptione inuenta, non ui testamenti mediator dicitur, hoc est, quia non aliena, sed propria uirtute homines in Dei gratiam recôciliauit, illisq; obedientiæ spiritum promeruit.

Eccc 2 At

*Lib. 2. cō
tra epist.
P. 111.
c. 8.*

At uerò sanctorum omnium preces, Christi potissimum meritis nituntur, quibus & spiritum, quo Deo placent, & intercedendi uirtutem acceptam referūt. Mediator autem solum is dici accommodatè potest, pro quo nullus interpellat, sed ille pro oībus, ut D. Aug. ait. & paulò inferius, Oratio pro inuicem membrorum omnium adhuc in terra laborantium, ascendat ad caput, quod præcessit in cœlum, in quo est propitiatio pro peccatis nostris. Nam si esset mediator Paulus, essent utique & ceteri coApostoli eius, ac sic multi mediatores essent, neque ipsius Pauli constaret oratio, qua dixit, Vnus enim Deus, unus mediator Dei & hominum homo Christus Iesus, in quo & nos unum sumus, si seruemus unitatem fidei in uinculo pacis. Quare etsi unicus sit mediator Christus, qui uirtute propria nobis Dei amorem conciliat, & uirtutum omnium ornamentis locupletat, multi tamen sunt, qui nobiscum unà diuinum istum mediatorem precantur, cuius meritis atque benignitate animati, animum ad precandum appellimus. Quæ omnia & meritorum Christi amplitudinem illustrāt & ipsius gloriam mirum in modum commendant, & exornant. Quare Theodoretus inter Græcos scriptores eloquentia & eruditione egregius, ex miraculis naturæ uim atque modum superantibus, quæ Deus martyrum precibus prouocatus in eorum templis facere sæpe consuevit, apertè & euidenter cōcludit, ueram illam esse fidem ueramq; religionem, pro qua ipsi occubuerunt, Martyrum (inquit) templa conspicua cernuntur, magnitudineq; præstantia, omni præterea ornatus genere uariata, splendoremq; quodam modo

*Theodo.
Græcarū
affect.
lib. 8.
c. 11.*

modo pulchritudinis suæ latè fundentia. Neque uerò ad hæc per annū semel aut bis, aut quinquies aduentamus, sed in eis sæpenumero dies festos peragimus, sæpe diebus singulis eorum martyrum Domino laudes, hymnosq; cantamus. quiq; homines prospera sunt ualetudine, conseruari eam sibi à martyribus petunt, qui uerò ægritudinem aliquam patiuntur, sanitatē exposcunt. Insuper & steriles uiri, & mulieres dari sibi filios petunt. qui uerò parentes sunt, integra sibi, & propria custodiri, quæ consequuti sunt, dona. Item qui peregrè aliquò proficiscuntur, petūt martyres sibi comites esse in uia, uel potius itineris duces. qui uerò iam hospites redierunt, gratias agunt, acceptum beneficium confitentes. Non qui se ad Deos accedere arbitrētur, sed qui orent Dei martyres, tanquā diuinos homines, intercessoresq; sibi eos apud Deum aduocent, ac precentur. Piè uerò fideliterq; precatos ea maximè consequi, quæ desiderant, testantur illa, quæ uotorū rei dona persoluunt, manifesta nimirum adeptæ sanitatis indicia. Nam alij quidem oculorum, alij uerò pedum, alij porò manuum simulacra suspendunt ex argento, aurōue confecta. Gratissimè nanque accipit eorum Dominus qualiacunque sunt dona, nec exigua, nec uilia dedignatur, quippe quia ea pro ferentis facultate metitur. Hæc itaque omnium spectaculo exporrecta, testantur morborum depulsionem, cuius ipsa certissima signa sunt, à sanitatem consequutis allata, hæc inquam sepulcorum ibi martyrum, quæ sit uirtus ostendunt; martyrum autem uirtus, quem ipsi coluerunt Deum, uerum esse Deum declarat.

De

De Imaginibus.

VARIUM esse atque multiplicem Imaginum usum, non modò rerum gestarum monumenta, sed ratio etiam ipsa edocet. Nam uel ad domos decorandas & exornandas adhibentur, uel ad eorū, quos summo honore dignos esse iudicamus, quosq; in primis charos habemus, memoriam tuendam & conseruandam, doloremq; ex illorum absentia perceptum minuendum atque emolliendū, uel ut rerum gestarum sint monumenta sempiterna, eaq; doceant, quæ nos maximè scire conuenit, neque enim minorem ad docendum uim imagines, quàm literarum notæ habere solent. aut certè eò adhibentur, ut illis cultum uenerationemq; quis deferat, quemadmodum à sacrilegis Idololatriis impiè factitatum est, & à nobis per summam pietatem & religionem fit. Cùm enim animus impietatis sedes existat, illi cerè gestus ac corporis motus impietatis dānādi sunt, qui à nefaria, ac impia persuasione profisciscuntur. De duobus primis imaginum usibus, qui nihil habent cum religione commune, nulla fuit unquàm inter catholicos & hæreticos controuersia. quinimmo Solomon cùm maximè ab omni impietatis significatione abhorrebat, uariis imaginibus augustissimum illud templum illustrauit & cohonestauit. De postremis uerò duobus imaginum rationibus, uariæ sunt hæreticorum huius temporis sententiæ. Kemnitiuè uerò, cum quo mihi potissimū res esse, nondū ita insaniuit, ut illarum historicū usum damnare

audeat; probare tamē nullo modo potest, quod Colonienses dicant, non modò rudes & ignaros homines, sed etiam doctos, plus interdum imaginibus, quàm libris commoneri. quod in lectionem scripturæ sacræ maximè putat esse contumeliosum. *de qua* (inquit) *habemus promissionem, de imaginibus uerò minimè.*

Principiò nemo sanè, nisi oculis orbatus sit, negare potest, tantam esse uisionis uim, ut animus multò magis conspectis, quàm auditis rebus afficiatur.

Quare cùm imagines rem ipsam ueluti sub aspectū ponant, sit, ut animus ea, quæ depicta cernit, ueluti præsentia complectatur, atque ita imagines duplicem uim ad animos afficiendos habent; nam & rem gestam non secus, quàm ornatissimè conscriptæ historiæ narrant, & res ipsas ueluti præsentis exhibēt.

Quare Gregorius Nicenus testatur, se quàm sæpissimè lacrymas continere uix potuisse, cùm Christi cruci affixi imaginem intueretur. Id uerò qui existimat

*Gregor.
Nicen.
serm. de
Abrahâ.*

Dei uerbis, sacrisq; literis iniuriòsum esse, satis prodit, ignorare se prorsus, in quo diuini uerbi uis ac ratio posita sit. Nam si ad ea, quæ D. Augustinus de signis tradit, animum aliquando aduertisset, satis profectò perspexisset, nò minus sacrarum rerum imagines, Dei uerba dicendas esse, quàm uoces, quibus illæ explicantur, aut ipsæ, quibus conscriptæ sunt, literarum notæ. Cùm enim rerum aliæ ad aliquid notandum, atque designandum adhibeantur, quæ idèò signa dicuntur, aliæ nihil prorsus significant, omnis quidem signorum uis, in significando posita est, atque à significatis rebus pendet. Est enim signum (ut D. Augustinus ait) res præter speciem, quam inge-

*Aug. lib.
2. de doc.
Christi.*

rit

rit sensibus, aliquid aliud ex se faciens in cognitio-
nem uenire, sicut uestigio uiso transisse animal, cu-
ius uestigium est, cogitamus. signorum uerò, eodem
Augustino auctore, quædam ad oculorum sensum
pertinent, pleraque ad aurium, paucissima ad cæte-
ros sensus. Cum uerò cuncta, tam quæ auribus, quã
quæ oculis percipiuntur, signa solùm sint, ad signifi-
candum comparata, prudenter admodum idem Au-
gustinus ait, uisibiles quasdam uoces appellari pos-
se: quippe quæ earum rerum, quarum sunt signa, co-
gnitionem, non secus, quàm uoces nobis suppedit-
tant. Cum igitur eximia illa uirtus, quam Diuinis
rebus, sacrisq; literis cœlestia oracula tribuunt, non
in aeris cogitatione uocisq; sono, neque in ipsis lite-
rarum notis, sed in rebus significatis posita sit, parũ
sanè refert, per aures ne, an per oculos illis aditus ad
animum pateat; atque auribus an oculis signa diui-
nas res designantia percipiantur. Quare cum non
aliud Christum nobis imagines annuntient, quàm
uerũ illũ Dei filium, qui sacris literis continetur, nõ
minus sanè sacrarum rerum imagines, Dei uoces cœ-
lestiaq; oracula appellari, quàm uerba sacris literis
comprehensa, possunt. Nam si cœli enarrant glo-
riam Dei, si illius infinitam potentiam enunciat fir-
mamentum, si Dei opera omnia uisibiles quædam
sunt uoces, nos Dei gloriam, maiestatem, & ampli-
tudinem docentes, quid est, quòd imagines eadem
ipsa, quæ Euangeliorum uolumine continentur, my-
steria, oculis subijcientes, diuinarum uocum nomi-
ne indignas iudicemus? aut si diuinæ sunt quædam
uoces, quo modo Dei uerbis is iniuriam infert, qui
magis

magis eorum se intuitu, quàm sacrarum literarum lectione quandoque affici fatetur? magisq; commoueri ait, cum Christum cruci affixum intuetur, quàm cum rem gestam literis consignatam legit? Age, quæ so Kemnici, magnam ne illū diuinis uerbis sacrisq; literis ignominiam innuississe putas, qui surdo homini, qui uarietates uocum ac modos noscere non potest, corporis motibus diuinas res significaret? quod si eum omni culpa uacare arbitraris, quippe quia diuinorum uerborum uirtus in rebus ipsis significatis magis, quàm in signis inest, quid est, quod reos illos facias, qui multò magis commouentur, cum sacras res oculis quàm auribus usurpant? quid, cedò te impulit, ut historicum imaginum usum non esse improbandum putares? si tibi constas, nihil certè aliud, quàm quod illæ diuinas nos res doceant, & ueluti præsentes exhibeant. quid igitur ille criminis admisit, qui quandoque mauult oculis, quàm auribus doceri? Quocirca octaua Synodus generalis definiuit, sacram Domini nostri Iesu Christi & omnium Saluatoris imaginem æquo honore cum libro Euangeliorum adorandam esse. quippe quia sicut (inquit) per syllabarum eloquia, quæ in libro feruntur, salutem consequuntur omnes; ita per colorum imaginariam operationem & sapientes, & idiotæ cuncti, ex eo, quod in promptu est, perfruuntur utilitate. Quæ enim in syllabis sermo, hæc & scriptura, quæ in coloribus prædicat & cōmendat. Quare nihil est, Kemnici, quod sanctam Romanam Ecclesiam reprehendas, quod in omnibus angulis Christi crucem collocari uelit; cum hoc egregium signum tacita sit quæ-

dam uox, quæ nos perpetuò Christianæ uitæ, gloriæ, atque instituti admonet.

*Imagi-
nes ado-
randas ef-
se, et quo
modo.*

AT Kemnicius, qui historicum imaginum usum damnare non audet, acerrimè insectatur Colonien-
ses, quòd uenerandas atque adorandas esse illas cen-
seant. quos quanuis idololatriæ condemnet, irrisio-
nibus tamen magis, quàm rationibus illorum doctri-
nam oppugnat, quam paucis expendamus necesse
est. Cùm imagines signa quædam esse demonstra-
uerimus, in quibus non tam est spectandum quid
sint, quàm, quid significant, peruium sanè atque a-
pertum esse cuius poterit, non debere cultum, non
pietatem, non religionem, non mentem atque ani-
mum in externa effigie persistere, sed ad eas res, qua-
rum signa sunt penetrare, illisq; omnem cultum &
uenerationem deferre, quos tanti fecimus, ut & illo-
rum memoriâ perpetuò conseruare, & eos egregio
cultu ac ueneratione prosequi uellemus. Nam cùm
effigies ipsa inanime quoddam atque mutum simu-
lacrum sit, nemo sanè esse tam stupidus potest, ut cū
se ante imaginem prosternit, spectrum ipsum huma-
no ingenio fabricatum intueatur, ab illo opem atq;
auxilium petat, quod omnis esse diuinitatis expers
satis nouit, sed omnem cultum in illum transfert,
quem imago præsefert ac repræsentat, atque adeò,
quanquàm si corporis motus, externamq; ueneratio-
nem spectes, imago ipsa colatur, animæ certè, quæ
pietatis religionisq; sedes est, nihil minus quàm li-
gnum, colores, atque imaginem intuetur, sed totus
in re, quam imago refert, positus est. Quare qui ima-
ginem se adorare & affirmabit, & negabit, non pu-
gnantia

gnantia quidem, sed inter se aptissime coherencia dicet, nam & corpore se ante imaginem obijcit, illamque eximio honore ac ueneratione prosequitur, & animum in re, quam imago illa refert, defixum habet, corporisq; illis motibus animi sui aduersus Diuos Christumq; ipsum pietatem atque religionem, quoad eius fieri potest, testatur. Neque enim ulla est tam imperita & ignara anus, quæ cum uota ad certam aliquam Deiparæ uirginis imaginem nuncupat, aliud quidpiam animo complectatur, quam cœli illam Reginam, quam Christi esse matrem credit, à qua opes, atque auxilium implorat, quam animi sui pietatem nulla re magis se declarare posse arbitratur, quam si hanc aut illam imaginem, quæ cœlestem ipsius personam refert, & repræsentat, omni ratione ueneretur. Quod uel ex eo sanè euadet manifestum, quod si agresti cui uis ac barbaro homini imago aliqua offeratur, quam is alicuius diuorum esse ignoret, nullum quidem religionis signum edet: at cum primum intellexerit Pauli illam aut Petri esse, mox plurima exhibet religionis suæ documenta. quippe qui satis nouit non imagines se, sed illos, qui in cœlis sunt Diuos, nos colere & uenerari debere. cum igitur uerus ac legitimus cultus in Christum Diuosq; ipsos referatur, ad quorum uenerationem imagines inuitant, & allectant, is sanè imaginum ueneratione solus damnare potest, qui res, quibus imagines adhibemus, ueneratione iniquas esse iudicat. Quod apertè sanè declarauit magnus ille Athanasius, qui causam inuestigans cur cruces fabricemus, quibus Christi crucem repræsentemus, minimè uerò spongiæ ac lanceæ

Ffff 2 figuram

*Athana.
in quæst.
ad Ar-
thio. quæ
fl. 16.*

ORTHODOX. EXPLIC.

figuram formemus, cùm tamen hæc non minus sint sancta quàm crux: respondet, figuram quidem crucis ex duobus lignis compingentes conficimus, ut si quis infidelium id in nobis reprehendat, quòd ueneremur lignum, possimus duobus inter se disjunctis lignis, & crucis dirempta forma, ea tanquàm inutilia ligna reputare, & infideli persuadere, quòd non colamus lignum, sed quòd crucis typum ueneremur: in lancea uerò aut spongia, uel arundine, nec facere hoc, nec ostendere possimus. Et contra Arrianos agens, Si quis (inquit) post conspectam imaginem, uelit regem uidere hunc, ad eum modum ita imago iure loqueretur, Ego & rex unum sumus: ego enim in illo sum, & ille in me, & quod in me animaduertis, id quoque in eo animaduertas, & quod uideris in illo, uideris & in me. Qui igitur adorat imaginem, in illa adorat ipsum regem; quippe cùm ipsa imago nihil aliud sit, quàm regis forma ac species. Quod ipsum Magnus Basilius sæpe edocet, nam contra Arrium ac Sabellium disputans, Neque (inquit) qui in foro imaginem regiam intuetur, & regem dixit eum, qui in tabula est, duos régēs confitetur, tum imaginem, tum eum, cuius est imago; neque si ostenso, qui in tabula pictus est, dixerit, hic est rex, exemplar, regis appellatione priuat, immo potius illius honorem per huius confessionem confirmat. si enim imago rex est, multò profectò uerosimilius est, regem esse eum, qui imagini causam exhibuit. Et alibi, Quomodo (inquit) unus & unus, non duo Dei? quia rex dicitur etiam, regis imago, & non duo reges: neque enim imperium scinditur, nec gloria diuiditur,

*Athana.
serm. 4.
cōtra Arrianos.*

Basil. serm. contra Arrium, & Sabellium.

Basil. lib. de Spirit. Sancto.

uidetur. quemadmodum enim principatus, & potestas una est, quæ nobis dominatur, sic etiam glorificatio à nobis una est, & non multæ, propterea quòd imaginis honor ad exemplar transit. Cum igitur omnis, qui imaginibus adhibetur cultus, in rem ipsam, quam repræsentant referatur; illi sanè, qui imaginum uenerationem damnant, ipsismet Diuis, quos nobis imagines quodam modo præsentantes exhibent, cultum, atque honorem inuident.

QVOD si diuina mysteria sacris literis consignata penitus cōsideremus, uidebimus sanè, imaginum cultum cum ipsa ferè hominum aduersus Deum pietate & religione incœpisse. Nam si Origeni, Eusebio, Hilario, plurimisq; aliis sanctis Patribus fidem habeamus, confitebimur, Dei filium humana effigie assumpta, Adamo, Abrahamo, cæterisq; sanctis Patribus apparuisse, quoties scriptura ait, Deum in illorum se conspectum dedisse. quæ humana effigies, imago quædam illius erat corporis, quod tempore diffinito à Patre erat assumpturus, quo & summum in nos amorem Christus declarabat, & humanam naturam ei semper in maximis deliciis fuisse non obsecrè significabat. Cum igitur sancti illi Patres diuino spiritu afflati, hominis illam effigiem, quam intuebantur, & quæ Christi humanitatem repræsentabat, non secus quàm Deum ipsum uenerarentur, an non satis nos docuerunt, quem honorem imaginibus habere debeamus? Parum enim ad rem, de qua agimus, refert, ex ære ne, ligno, auro, argento, aut aere, imago formata sit, & humana, an diuina opera sit fabricata. Nam cum omnes imagines parem ha-

Gen. c. 8.

ORTHODOX. EXPLIC.

habeant repræsentandi uim, par certè omnibus debetur cultus, quà imagines sunt; et si imagines humana arte fabricatas piaculum est adorare, minimè etiam eas colere integrum foret, quæ miraculo-formatæ essent. Quocirca cùm Dei filius, toties humanitatis suæ imaginem uenerandam sanctis Patribus exhibuit, apertè sanè declarauit. quo honore ea nos prosequi oporteat, quæ illum referunt ac repræsentant. Vnde etiam fuit, quòd Dominus, filiorum Israel, qui à sancta Hierosolymæ ciuitate abessent, preces tum illi gratas fore significauerit, cùm eas Hierosolymam uersus funderent; quippe quia in ea augustissimum illud erat templum exædificatum, quod Christi filii sui corpus repræsentabat. Si item ad ignem, quem in rubo Moses uidit, summoq; honore prosecutus est, si ad ignis columnam, quæ ad portam tabernaculi, cunctis filijs Israel aspectantibus apparuit, & unde Dominus Mosem alloquebatur; si ad auram illam, quam Helias in monte Dei Horeb conspexit, animum aduertamus, facilè uidebimus, hæc omnia, quasdam fuisse Dei imagines, quæ ipsius numen atq; maiestatem referebant. quas tamen tanto honore sanctissimi illi uiri persecuti sunt, ut Moses non solùm pedes nudauerit, sed faciem etiam absconderit. Neque enim (inquit) audebat aspicere contra Deum. Helias item in terram abiectus, uultum pallio occultabat. qui tamen non ita erant diuinarum rerum ignari, ut diuinitatis aliquid in rebus, quas intuebantur, inesse existimarent, sed cùm Deū ueluti præsentem illæ exhiberent, pietatis sanè erat, eas summo honore prosequi, ac uenerari.

Quòd

QVÒD si Arcæ fœderis, quam Dominus à filiis
 Israel maximi fieri uoluit, maiestatem expendamus,
 perspiciemus sanè, nihil aliud eam numinis habuisse,
 quàm quòd diuinorum beneficiorum monumen-
 ta contineret, Dei gloriam repræsentaret, humanam
 quæ Christi naturam, in qua habitabat, omnis pleni-
 tudine diuinitatis præfiguraret. at quem illi hono-
 rem sanctissimi uiri habuerint, uel ex eo satis cõstat,
 quòd Dauid non modò summa cum pompa in do-
 mum suam illam trãsportauerit, sed quòd Regiæ am-
 plitudinis oblitus, diademate, omnibusq; imperii
 insigniis atque splendore abiectò, accinctus ephod li-
 neo, coram illa totis uiribus saltauerit. Quocirca
 quanuis tu, Kemnici, eximiam nostram erga imagi-
 nes, quæ Christum, & diuos non minùs referunt,
 quàm fœderis illa arca Dei gloriam repræsentabat,
 pietatem, & religionem, sicut olim inanissima Mi-
 chol irrideas; breui tamen fiet, ut uberrimum nos,
 atque sempiternum pietatis fructum, sicut olim Da-
 uid, reportemus, tu uerò in infami Micholis sterili-
 tate perman eas. Nam quemadmodum tùm maxi-
 mè nostram erga Diuos pietatem declarare arbitra-
 mur, cùm illis statuas in templis statuimus; ita qui il-
 las contemnunt & abijciunt, non æri aut ligno, sed
 Diuis ipsis iniuriam inferunt. Qui enim (inquit Am-
 brosius) Imperatoris imaginem coronat, utique il-
 lum honorat, cuius imaginem coronauit, & qui sta-
 tuam contempserit Imperatoris, Imperatori utique,
 cuius statuam conspuerit, fecisse uidetur iniuriam.
 Vnde fuit, ut religiosissimus Constantinus lege caue-
 rit, ne ipsius imago, quæ deprecantis formam ac si-
 militudi-

2. Reg.
c. 6.

Ambr. in
Ps. 118.
serm. 10.

Euse. lib.
4. de uita
Constant.

ORTHODOX. EXPLIC.

*Sozome.
hisl. Eccl.
li. 5. c. 21*

militudinem habebat, in idolorum templis colloca-
retur. summant enim inde contrahere ignominiam
est arbitratus, si aliquam ipsius imago impietatis spe-
ciem præ se ferret. Iulianus uerò Imperator, qui ni-
hil antiquius habebat, quàm omni contumeliarum
genere Christi sanctissimum nomen afficere, ut im-
mane hoc ac crudele odium declararet, Christi ima-
ginem, quam in Cæsarea Philippi repererat, antiqui-
tate & miraculis clarissimam, quæ egregium illud
beneficium, quod Christus in mulierem sanguinis
profluuiolaborantem, contulerat, accommodatissimè
repræsentabat, contumeliosè deiecit, suamq; in il-
lius locum substituit, atque supposuit. Sed ecce sacri-
lega illa Iuliani effigies de cœlo tacta, non modò cõ-
minuta, sed maxima ex parte humata est. quo mira-
culo pij omnes animati, Christi illam imaginem in
templum detulerunt, atque (ut Nicephorus auctor
est) in Diaconico Ecclesiæ collocarunt, & honoratio-
ri loco positam, cultu conuenienti prosecuti sunt.

*Niceph.
hisl. eccl.
lib. 10.
c. 30.*

nam locum (inquit) libenter frequentantes, & i-
maginem ipsam inspectantes, desiderium suum &
amorem erga statuæ ipsius archetypum, primari-
umque exemplar declarabant. At impii & scele-
rati homines, qui tantum hunc Christi honorem
in inanium Deorum, hoc est, dæmonis ipsius
dedecus & ignominiam redundare arbitra-
bantur; insano quodam furore perciti, furiarumque
quasi tædis ardentibus agitati, sacram illam imagi-
nem arreptam funibus ad pedes iunctis, hac illac
per mediam urbem summo cum dedecore & igno-
minia traxerunt, omniumq; contumeliarum genere affe-

affecerunt (quod & ipse, Kemnici, à tuis etiam Deiparæ uirginis Mariæ imagini fieri aliquando, non sine maximo animi mei dolore uidi) quæ tamen impietas minimè sanè piorum hominum animos frangere, & abijcere potuit. plurimi nanque Christianorum eas imaginis partes, quæ ex tanto illo incendio superfuerunt, colligentes, in Ecclesiam religiosissimè reportarunt. Quod quantum absit à superstitione, satis quidem uidebis, si sanctorum Patrum, qui ubique floruerunt, scripturarum monumenta euoluas. quippe incredibili semper Christi sanctorumq; imagines honore fuerunt prosecuti. Quod uel ex Basilii Magni uerbis intelligere poteris, Sanctos (inquit) Apostolos & Martyres & ad supplicationem, quæ est ad Deum, inuoco, ut per eos, idest, per interuentionem eorum, propitius mihi sit misericors Deus, & culparum redemptio fiat. unde & characteres imaginum eorum honoro & adoro, præcipuè cum hoc traditum à sanctis Apostolis, & nō prohibitum sit, quin & nobis & Ecclesiis nostris ostendatur depictum. D. uerò Gregorius Magnus, quem ex uestris plurimi suæ impietatis patronum sceleratè adoptarunt, Secūdiū his uerbis compellat, Scio quidem quòd imaginem Saluatoris nostri non idèò petis, ut quasi Deū colas, sed ob recordationem filij Dei in eius amore recalescas, cuius te imaginem uidere consideras, & nos quidem non quasi ante diuinitatem, ante illam prosternimur, sed illum adoramus aut natum, aut passum, sed & in throno sedentem recordamur; & dum nobis ipsa pictura, quasi scriptura, ad memoriā filium Dei reducit, animum nostrum aut de resurre

*Basil. in
epist. ad
Iulian.*

*Gregor.
epist. ad
Secundū.
nūc. 53.*

G g g g ctione

2. uolu.
Concil. in
ter decr.
Grego. 3.

atione lætificat, aut de passione mulcet. De Grego-
rio uerò Tertio, sanctissimo Pontifice memoriæ prodi-
tum est, quòd dum daret operam funeri Gregorij se-
cundi prædecessoris sui, literas ad Carolum dedit,
ut Italiam à Longobardis liberaret, Synodumq; Epi-
scoporum nonagintatrium coegit, quæ oppugnato-
res cultus imaginum damnauit. qua de re cùm lite-
ras comminatorias ad Leonem Imperatorem, & Con-
stantinum illius filium misisset, & tabellarij, qui per
annum integrum detenti fuerant, contumelijs affe-
cti, ad illum re infecta rediissent, ex illis Georgius
presbyter, qui literas Imperatori reddere ueritus fue-
rat; ad eundem (inquit) Imperatorem reuersus est,
sibi poenitentia imposita. quo tempore præclarissi-
ma sanè Pontifex sanctissimus Christianaq; plebs u-
niuersa pietatis & religionis erga imagines documé-
ta dedit. Quanto uerò cum studio Christiani homi-
nes crucis signum, Christi q; imaginem semper colue-
rint, uel ex impijssimo Iuliano constare poterit, qui si
delibus apud Cyrillum obiicit, quòd Iouis, ac Mar-
tis simulachris abiectis, crucis signum adorarent, il-
liusq; imaginem in fronte, & ante domos pingerent.
quòd Cyrillus non quidem inficiatur, sed à nobis fie-
ri respondet; quia hoc salutare lignum nobis Chri-
sti infinita in nos merita in memoriã reuocat; & sua-
det (inquit) ut cogitemus, quòd sicut dicit D. Pau-
lus, unus pro omnibus mortuus est, ut uiuentes non
ultrà sibi ipsis uiuant, sed ei, quĩ pro ipsis mortuus
est, & resurrexit. multisq; demonstrat, quantum cru-
cis effigies nobis commodi atque emolumenti adfe-
rat. Quibus autem uerbis septima Synodus ad Con-
stantinum

Cyr. lib.
6. contra
Iulianũ.

7. Synod.
actio. 7.

Constantinum Imperatorem & Irenem matrem scribens imaginum cultum commendet, diligenter, quæso, aduerte, In confesso (inquit) est, & sine ulla dubitatione credimus, acceptam, & placitam coram Deo esse uenerandarum imaginum depictionem, & earum, quæ dispensationem domini nostri Iesu Christi expriment, & Virginis quoque Mariæ Deiparæ, intemeratæ: quin etiam gloriosorum Angelorum, & omnium sanctorum, has quoque adorandas esse, & salutandas putamus. qui uerò ita non est animatus, sed circa uenerationem sanctarum imaginum laborat & dubitat, cum Anathematizat sancta & ueneranda nostra Synodus, quæ efficacia diuini Spiritus, & Ecclesiasticis Patrum traditionibus munita est, & cincta.

At non memineram non minus uobis sacrosanctam hanc Synodum odiosam atque inuisam esse, quam imagines ipsas. Quare quid in octaua acciderit, ausculta. Aderat fortè Synodo Theodorus quidam Iconoclasta, qui in magno se precio habere iactabat numum sibi à Basilio Imperatore donatum, quo eiusdè Imperatoris effigies impressa erat, cumq; ei Concilij Patres multis persuadere conarentur, ut Christi etiã ac sanctorum imagines debito cultu, ac ueneratione prosequeretur, respondit, non prius se honorè imaginibus habiturum, quàm sibi ea de re Christi præceptum fuisset ostensum. Quare eorum, qui ab errore Iconoclastarum reuersi erant, unus præcelsum quendam, atque editum locum cōscendens singillatim Anathematizauit hæresim Iconomachorum, & primores eius, & Patriarchas Theodotium, uidelicet, Antonium, Ioannem, & Theodorum nominatū

8. Synod.
actio. 8.

G g g g 2 Chri-

ORTHODOX. EXPLIC.

Christinum. & paulò inferius scriptum extat; Deinde aduocās Basilius pijsſimus & Magnus Imperator, unumquenque ipſorum, oſculatus eſt eos, & dixit; Nūc erepti eſtis à diabolica poſſeſſione, & facti eſtis Chriſtiani ueriſſimi, & ſaluandi eſtis cum omnibus orthodoxis à Chriſto Deo noſtro, & uita æterna efficiemini digni. nam niſi hæreſim Iconomachorum Anathematizafferis, Chriſtus uobis nihil prodeſſet. & haud multò poſt, Anathematizat ſancta hæc & uniuerſalis Synodus Theodorum, & omnes conſectaneos eius, qui imaginibus nullum honorem habendum eſſe exiſtimabant, tam qui nunc adhuc ſuper ſunt, quàm qui in eodem ſenſu & opinione uita exceſſerunt. Quam ſanctorum Patrum perpetuam & conſtantiſſimam fidem, ut Conſtanti- nus ille Magnus declararet, cœleſtiq; admonitioni obtemperaret, crucis ſigno pro labaro (quod militare uexillum eſt, auro gemmiſq; illuſtre, ante Imperatorem geſtari ſolituſ, quod milites adorare conſueuerant) utebatur, ut milites cultum atque honorem illi perpetuò deferrent, ut Sozomenus auctor eſt. quam egregij Imperatoris pietatem, diuinum numen maximis uictorijs ſibi grauiffimam eſſe declarauit. Ne uerò in inculcandis ſanctorum Patrum apertiffimis testimonijs moleſtus ſim; perlege, Kemnici, quæ hac de re D. Damascenus elegantiffimè ſcripſit, & apertè uidebis, ab ipſis Apoſtolorum temporibus, pios ſemper ac fideles homines perſuaſos fuiſſe, Chriſti ſanctorum imagines egregio quodam cultu atq; ueneratione proſequendas eſſe, atq; quàm uerè à te dictum ſit, *rem hanc obſcuris ſolū, atque abiectis auctoribus dignam eſſe.*

Non

Sozome:
li. 1. c. 4.

Non tamen prætermittam quid sanctissimo uiro acciderit, cum Leonis Isaurij impijsimis conatibus obistere omni ratione conaretur. Nam cum hic ferus atque immanis imaginum hostis, tanto eas odio prosequeretur, ut illarum cultores ultimo supplicio afficeret, aut certè in extremas oras relegaret; Ioannes Damascenus, qui tantam Christi, Diuorumq; ignominiam ferre nullo modò poterat, & Apologiam eruditissimam pro imaginum cultu conscripserat, datis ad pios, fidelesq; homines creberrimis literis, illos in officio pietateq; erga Christi, diuorumque imagines continere studebat. Cum uerò iniquissimus Imperator ferre non posset, impiissimos eius conatus pauperis & abiecti cuiusdam monachi opera eludi, Damasceno Regi persuasit, Ioannem illum monachum, nefarium esse quendam perduellem, qui nihil ardentius optaret, quàm patriam unà cum ipso Rege prodere. Quare subita indignatione commotus barbarus Rex, dexteram sanctissimi uiri, qua profligatissimum Leonem irritauerat, abscindi iussit: ut quæ paulò antea atramento piissimè conscripserat, sanguine consignaret. At uir hic pietate & eruditione illustrissimus, rara quadam & insolèti spe erectus & animatus, ad Virginis Deiparæ quandam imaginem confugit, ab illa, cuius causa in tantam fuerat ærumnam & calamitatem coniectus, opem atque auxilium deposcebat, maximisq; ab ea precibus contendebat, ut stupendo aliquo miraculo & ipsius innocentiam, & quàm piam ac iustam causam tueretur, declararet. Sed ecce arctissimus quidam somnus sanctissimum uirum complexus est, diuinoq; beneficio,

Ioan. Patriar. Constantin. de uitalo an. Damasceni.

ORTHODOX. EXPLIC.

cio, ei manus est subitò restituta, atque, ut ipse narrare solitus erat, in somnis ueluti cœlitus admoneri, sibi uisus est, ne ab incoepta imaginum defensione ulla ratione abduci unquam pōset. quod quàm egregiè præstiterit, apertè sanè illius scripta omnia testantur.

7. Synod.
actio. 5.

QVOD si te, Kemnici, eorum, qui imagines religiosas semper coluerunt, uitæ integritas, sanctitas, innocentia, summa cum auctoritate coniuncta, parum mouent, illorum sanè, qui ipsas insectati sunt, tantæq; impietatis auctores semper extiterunt, perfidia, uitæq; turpitudine ab hac te sententia abducere, atque abstrahere, debuisset. Primus enim, qui Christi sanctorumq; imaginibus bellum indixit, fuit Sarranapechis quidam Hebræus ueneficus, atque præstigiator, qui per id temporis erat Tyberiadis Dux, qui præter odium, quod uasra hæc, & perfida gens in Christi nomen habet, innatum, atque ueluti ab ipsa natura penitus insitum, omnis erat dissensionis amantissimus. Quare, ut Christo, cuius erat infestissimus hostis, atrocissimam iniuriam inferret, Ezido Imperatori, homini leui & inconstanti, omnibusq; fœdis uoluptatibus, quæ rationis inimicæ esse solêt, delinito, triginta annorum uitam pollicitus est, si omnes imagines euerteret, atque demoliri faceret. Quibus inanissimis pollicitationibus, leuissimus Imperator inductus, hoc tantum facinus Hebræis atque Arabibus impijs, & sceleratis hominibus commisit. quippe quia nullus unquam pius atque uerè Christianus extitit, qui tanta iniuria eorum effigies afficere uoluerit, quos omni pietatis cul

tu uenerandos esse ducebant. Non tamen defuit unus Nacoliæ Episcopus, qui se magis Iudæis atque Arabibus Christiani nominis hostibus, quàm pijs & fidelibus hominibus, aggregare uoluerit. diuina tamen prouidentia factum est, ut sacrilegus Imperator, qui longioris uitæ spe, tanquàm mercede, ad tantum scelus fuerat impulsus, paulò pòst, hoc est, ante duos annos mortuus fuerit scelestus uerò ille Hebræus iustas sceleris sui pœnas luerit. Nam ab Vlido, Ezidi filio, imperijq; successore ac hærede, morte mulctatus est.

IN Syria uerò tantæ huius impietatis, Zenone imperante, auctor extitit Xenaïas quidam, callidus ac nefarius homo, qui cùm fugitiuus seruus esset, necdum sacro lauacro expiatus, clericum se esse simulauit; quare à Petro Cnapheo hæretico homine Episcopus Hierapolitanus creatus est, atq; Philoxenus dictus. Cùm uerò Cnapheus intellexisset, hominem à se nondum baptizatum, Episcopum factum fuisse, sufficere dixit pro baptismo consecrationem. Hic igitur Xenaïas cùm nactum se esse occasionem uidit, ut impietatem prodere, atque declarare posset, persuadere populo studuit, Christi, & Diuorum imagines nullo esse cultu ac ueneratione prosequendas. Cuius tamen impietatis auctores, etsi non minoribus quàm uos fuerint præsidij communiti, illorum tamen insania non aliter, quàm cæteri portentosi errores, deleta fuit prorsus atque extincta. Nam si potentiam spectes, plurimi quidem fuerunt Imperatores, qui eam armis, magis quàm officio, in Ecclesiam introducere conati sunt: si ex scripturis ducta argu-

menta

*Niceph.
hist. eccl.
lib. 16.
c. 27.*

ORTHODOX. EXPLIC.

menta quæras, eisdem sanè, quibus uos, scripturarum testimoniis Ecclesiam oppugnarunt. Semper. n. in ore habebant diuinum illud præceptum, toties à Deo per Mosem repetitum, à uobis uerò Dei Ecclesiæ petulantissimè obiectum, Non facies tibi sculptile, neque omnem similitudinem, quæ est in cœlo de super, & quæ in terra deorsum, nec eorum, quæ sunt in aquis sub terra. Quibus uerbis plurimi non incommode arbitrantur, solùm prohiberi ne quis Deum alium, præter uerum coleret. quod Leuitici illa uerba docere apertè uidentur, Non facietis uobis idolum, & sculptile, neque titulos erigetis, neque insignem lapidem ponetis in terra uestra, ut adoretis eum, ego enim sum Dominus Deus uester: custodite sabbata mea, & pauete ad sanctuarium meum, ego Dominus. Si tamen scripturæ loca omnia inter se conferamus, apertè sanè uidebimus, non quidem pingendi, atque sculpendi artem à Deo prohiberi, cùm Dominus multarum rerum similitudines fieri iusserit, omnesq; rerum notiones animis nostris infusæ, eorum, quæ sensibus percipimus, imagines quædam sint, quas non uerbis solùm, sed quauis etiam alia ratione exprimere licet. At ne quis esset in cultu error, cauit Deus, ne ullam filii Israel facerent Dei, quem nemo unquam uidit, similitudinem, & cuius formam, atque speciem percipere nemo hominum potest. Nam cùm cultus, qui imaginibus deferretur, in id, cuius sunt imagines, potissimum referatur; corporea uerò similitudo, non nisi rem corporeâ, atque creatam repræsentare possit; Dei sanè ueritatem in mendacium ii commutant, atque creaturæ potius,

Exo. 20.

Leuit.
c. 26.

Ro. c. II.

potius, quàm creatori ii seruiunt, qui Deum in aliqua corporea imagine colunt, & uenerantur. Quare, etsi filii Israel cum aureo uitulo diuinos honores detulerunt, Deumq; illum appellarunt, qui ipsos de terra Aegypti eduxerat, non aurum ipsum colerent, sed numen, quod uitulo repræsentari arbitrabantur, idololatriæ tamen damnati sunt, quippe qui non Deum, sed bouem reipsa uenerabantur. Cum enim bouis imago nisi bouem referre possit; qui ita insaniebant, ut illum adorarent, quem aureus uitulus repræsentare poterat, boues sanè diuinis honorib. afficiebāt. Quare David sanctissimus, eos dixit mutasse gloriā suā in similitudinē uituli comedētis fœnum. Cum. n. Deus sit in cōpræhēsus, illiusq; formam qualis sit, ne suspēctione quidē attingere ualeamus, detestabilis amentia est, opere uelle, atq; artificio uim illius numinis sempiternam imitari, illudq; uelle similitudine exprimere, cuius nullum exēplum sit, ad quod manum, atq; artem dirigere possis. quo spectāt illa Iesaiæ uerba, Cui similē facietis Deum, aut quā imaginē ponetis ei? Nunquid sculptile constabit faber, aut artifex auro figurabit illud, & laminis argenteis argentarius? Quocirca id potissimū Deus prohibebat filiis Israel, qui ad Idololatriā ualde procliuēs erant, atq; propensi, ne ullum diuinæ maiestatis simulacrum formarent, sed ante tabernaculū, quod Dei gloriam ipsis repræsentabat, omnes pauerent. Quod satis quidem declarauit, cū præcepti huius causam reddens, ait, Non uidistis aliquam similitudinem in die, qua locutus est nobis Dominus in Horreb de medio ignis. Ne fortè decepti faciatis uobis,

H h h h sculptam

Exo. 32.

Ps. 101.

Ies. c. 40.

Deut. 4.

sculptam similitudinem, aut imaginem masculi, aut
Dent. 5. sceminae. Quinimmo scriptura ait, Dominum ad fi-
 lios Israel de medio caliginis locutum fuisse, nihilq;
 cos præter ignem, nubem, atque caliginem inspe-
 re unquam potuisse. ut intelligerent, non eum esse
 Deum, qui humana arte atque ingenio figurari pos-
 set. Nam si alicuius rei similitudinē, cum Deus eos
 alloquebatur, uidissent, eam existimarent Dei esse
 effigem, taliq; forma Diuinum numen præditum es-
 se arbitrarentur, quale illius imago præferret. Et
Rom. c. 1 D. Paulus eorum insaniam reprehendit, qui mutau-
 runt gloriam incorruptibilis Dei, in similitudinem
 imaginis corruptibilis hominis, & nolucrum & qua-
Iuclin. 2. apolog. drupedum, & serpentium. illi enim, ut Iustinus mar-
 tyr auctor est, diuinitatis se formam exprimere taliq;
 Deum effigie, præditum esse arbitrabantur, qualem
 spectra ipsa præseferabant. A qua impietate cum nos
 absimus quam longissimè, non est, quòd diuina illa
 præcepta quis nobis obiiciat, quinimmo summæ es-
 se dementiæ, extremæq; impietatis, cum Damasce-
Damasc. lib. 4. de Fide or- thodox. c. 17. no ducimus, diuinitatem, quam nulla ratio, nullum
 acumen, nullumq; ingenium consequi potest, effin-
 gere, atque figurare, & tales imagines Deo in Chri-
Aug. lib. de Fide et Symbolo c. 7. stiano templo collocare, nefas cum Augustino, duci-
 mus. De quo imaginum genere Concilium Eliber-
Conciliū Elibert. tinum agere mihi sanè uidetur, cum decreuit, ne pi-
Can. 36. cturæ in Ecclesiæ parietibus fierent, ne id, quod co-
 litur, aut adoratur, in parietibus depingatur. At
 postquam Dei filius humana se forma induit, & ho-
 minis naturam sibi arctissimè copulauit, multaq; ges-
 sit, ac perpeffus est, quæ animo concipi, & effingi
 manibus

manibus possunt, nullum certè impietatis specimen habet, Christi Iesu personam resq; ab illo gestas figurare; illiusq; imaginibus ad eum colendum, atq; uenerandum induci. neque est, mutare Dei ueritatem in mendacium, talem Dei filium figurare, qualem se efficere propter nos homines, & propter nostram salutem uoluit. Quinimmo cùm Pater, ac Spiritus sanctus aliquando se ueluti in præsentia, atque ante hominum oculos ponere, sub aspectabilibus aliquibus formis uoluerint, nullum certè is scelus suscipere uidetur, qui eas formas atque species finxerit, illisq; debitum cultum & uenerationem exhibuerit; quatenus res illas à Deo gestas referunt, ac repræsentant; quemadmodum cùm columbæ, aut ingnearum linguarum specie Spiritum sanctum effingimus; cùm uenerandi cuiusdam senis specie, Dei Patris personam significamus, qui, ut suam æternitatem declararet, sub ea forma à Daniele uideri uoluit. Quanteope re uerò illi insaniant, qui dicunt, per antiquum dicrū apud Danielem, non magis Patris quàm Spiritus sancti personam significari, satis intelliget, qui ad reliquum uisionis Prophetæ animum aduerterit, Aspiciebam (inquit) ego in uisione noctis, & ecce cum nubibus cœli quasi filius hominis ueniebat, & usq; ad antiquum dicrum peruénit: & in conspectu eius obtulerunt, & dedit ei potestatem, & honorem, & regnum, & omnes populi, tribus, & linguæ ipsi seruiunt: potestas eius, potestas æterna, quæ non aufertur, & regnū eius, quod non corrumpitur. satis autem ex plurimis scripturæ locis constat, Christo traditam esse à Patre omnem potestatem in cœlo, & in terra.

H h h h 2 ita

Dan. c. 7.

Dan. c. 7.

2^a Sal. 2.S. Syno-
dus Con-
stāt inop.
Can. 82.Eusebius
histor.
Eccl. lib.
7. c. 14.

Ita enim Dauid Christum loquētem inducit, Domi-
nus dixit ad me, filius meus es tu, ego hodie (hoc
& haud dubiè genui te : postula à me, & dabo tibi gē-
tes hæreditatem tuam, & possessionem tuam termi-
nos terræ. nisi fortè unà cum imaginibus, diuinarū
etiam personarum distinctionem istiaufferre cupiūt.
Cum igitur sapientissimus Dominus his se formis,
sub hominis aspectum ponere uoluerit, nemo sanè
uitio uertere potest, si illius nos sapiētiam atque uo-
lūtatem imitati eisdem cum speciebus effingamus,
atque exprimamus. Neq; enim sexta synodus dam-
nare, aut omnino improbare ausa est illam pingē-
di rationem, qua agnus, qui Christum refert, præ-
cursoris digito monstratur, quanquàm consultius
dixit, Christum humana specie figurare cū agnus
ad umbram, ueteremq; legem magis quàm ad nouā
spectaret. At Kemnicius Eusebij nobis Cæsarien-
sis auctoritatem obijcit, qui cū ait, Christi, sancto-
rumq; imagines in usu apud ueteres, fuisse, affirmat
ex Ethnica id consuetudine profectum fuisse. unde
concludit, à pietate ac religione illarum usum abes-
se quàm longissimè. aduertere tamen debuisset Kem-
nicius, non omnia, quæ in Ethnicorum more ac con-
suetudine fuerunt, à sanctis Patribus abiecta fuisse
& repudiata; sed sapienter instituisse, ut quæ illi im-
piè usurpabant, Christiani homines piè & religiosè
conseruarent. Nam Dominus eisdem sacrificiis à
filijs Israel coli uoluit, quæ Ethnici idolis faciebant,
ut eisdem signis, quibus isti impietatem significau-
rant,

rant, suam illi aduersus Deum religionem testatam
 apud omnium animos relinquerent. Quocirca om-
 nes, qui ueram Ecclesiæ fidem confitemur, unà cū
 Basilio Anciræ episcopo, palàm & apertè dicimus,
 imaginum confractoribus, Anathema: his, qui di-
 cūt, quòd sicut ad Deos Christiani ad illas accedūt,
 Anathema: his, qui spernunt magisteria sanctorum
 Patrum, & traditionem catholicæ Ecclesiæ præten-
 dentes & assumentes uoces Arrii, Nestorii, Eutiche-
 tis, Dioscori, Lutheri, Caluini, Zuinglii, Kemnicii,
 atque perhibentes, quòd nisi de uetèri, ac nouo testa-
 mento euidenter tuerimus edocti, non sequimur do-
 ctrinas sanctorum Patrum, atque traditionem ca-
 tholicæ Ecclesiæ, Anathema: his, qui præsumunt di-
 cere catholicam Ecclesiam aliquando idola susce-
 pisse, Anathema.

*Basilius
 Anciræ
 Episcopo. in
 7. Syno-
 do. ait. 1.*

117
R. DO.
DIEGHI PAYVA
ANDRADII, LVSITANI,
ORTHODOXARVM EXPLICA-
TIONVM LIBER DECIMVS.

De Cœlibatu.



V^M princeps mūdi huius, cuius nos
crudeli ac superbissimo dominatu
Christus Iesus liberauit, nihil arden-
tius optet, quàm à Christo instituta
sacramenta, in quibus potissima sa-
lutis nostræ præsidia posita esse intel-
ligit, euertere atque demoliri, nulla se id ratione cō-
modius efficere posse existimauit, quàm si sacerdo-
tes, quibus illorum dispensatio commissa est, de me-
dio tolleret, & Ecclesiasticum ordinem funditus de-
leret, atque extingueret. Quare in ipsa humanæ na-
turæ infirmitate insidias parauit, & in ipsa imbecilla
carne laqueos proposuit, quibus mortales deterriti
egregium hunc, ac planè diuinum statum, tanquàm
saluti uehementissimè nociturum, fugerent, ac decli-
narent. Lutherum enim cæterosq; perditos & scele-
ratos homines, qui illius impietatem imitati, ab Ec-
clesia se Romana his tēporibus præciderunt, ex Here-
bi sedibus excitauit, qui clericorum cœlibatum om-
ni ratione detestarentur, hominibusq; persuaderent,
paucissimis solū Deoq; in primis charis, possibile
esse

esse cœlibem uitam degere, sibiq; à fœdis uoluptatibus temperare. Quare tyrannicam esse Ecclesiæ legem, quæ nuptiis, Ecclesiasticis uiris interdicit, quippe quæ miseros homines in æterna impiorum supplicia, imasq; inferorum sedes præcipitet. Cùm enim Satan meminerit quantũ sibi unius Heuæ opera contulerit, ut uniuersum genus humanum ab altissimo iustitiæ gradu deiectum, in has misérias & angustias coniiceret, atque deprimeret; omnium sibi fœminarum ueluti auxilia nunc adiunxit, magnoq; impetu in Ecclesiasticum ordinem inuasit, ut & illi pudicitia, castimoniamq; splendorem eriperet, & uniuersum tandem ordinem obrueret, atque extingueret. Quod ab aliis iam hæreticis factum esse, D. Hieronymus auctor est, qui procacissimas fœminas sibi ascuerunt, illarumq; opera in hominibus persuadēdis utebantur, ut miseros homines uoluptatum illecebris delibutos, facilius deciperent, & in sua castra minori cum negocio pellicerent. Simon Magus (inquit) hæresim condidit Helenæ meretricis adiutus auxilio. Nicolaus Antiochenus omnium immunditiarum repertor, choros duxit fœmineos. Marcion Romam præmisit mulierem, quæ decipiendos sibi amicos præpararet. Apelles Philomenem suarum comitem habuit doctrinarum. Montanus immundi spiritus prædicator, multas Ecclesias per Priscam & Maxillam nobiles, & opulentas fœminas, primũ auro corruptit, deinde hæresi polluit. Quantum uerò Luthero horum mutatio contulerit, cumulatissimè quidẽ testantur Germania, Vngaria, Boemia, amplissimaq; alia prouincia hac pestifera labe infestæ, quæ
tanta

*Hieron.
epist. ad
Ctesiphonem,
ad-
uer. Pelagianos.*

tanta sacerdotum inopia laborant, ut non modò Ecclesiarum multitudinem non exæquent, sed uix unus sacerdos reperiatur, qui præfici decem Ecclesiis possit, quæ uel potissima causa est (ut à grauissimis uiris sæpius audiui) quòd plurimi tandiu in tantis illis hæresum miserijs uolumentur. Nam cùm homines à natura sint ad effrenatam licentiam corporisq; uoluptates procliuës, nihil mirum, si honesto nuptiarum nomine, honoratiq; cõnubij simulatione, quàm plurimos circumuenire, & in omne turpitudinis genus inducere facilè potuerit. Neque enim ulla esse potest maior turpitudine, nulla tetrior fœditas, quàm perfidam, & sacrilegam obscœnitatem fucatis titulis cohonestare. Quòd si ad diuina oracula sacris literis consignata animum aduertamus, facilè uidebimus, quantum à nobis Deus exigat, ut fidem illi semel datam liberemus, quantumque illi scelus suscipiant, qui promissam Deo corporis castimoniam fœdissimarum nuptiarum simulatione uiolare audent.

Deuter.
23.

Cum uotum (inquit) uoueris Domino Deo tuo, non tardabis reddere: quia requiret illud Dominus Deus tuus, & si moratus fueris, reputabitur tibi in peccatum: si nolueris polliceri, absque peccato eris. Quod autem semel egressum est de labijs tuis, obseruabis, & facies, sicut promissisti Domino Deo, & propria uoluntate, & ore tuo locutus es. Prætermitto Prophetam Dauidem quàm sæpius inculcantem, nihil se antiquius habere, quàm, quæ semel Deo promissæ summa cum fidelitate præstare. Iesaias certè inter Ecclesiarum, quam Christus ex Aegypto conuocaturus erat, signa, atque notas enumerat, quòd uotis dam-

nati,

Iesaias.
c. 19.

nati, ea cum singulari pietate, atque sanctitate persoluerent. Cognoscent (inquit) Aegyptii dominum in die illa, & colent eum in muneribus, & uota uouent Domino, & soluent. Quare si Iesaiæ fides habenda est, illa sanè Christi Ecclesia esse non potest, quæ & uouendi morem atque pietatem damnat, & persoluendi uota studium irridet. At Andreas Fricius, qui hac nostra ætate clericorum, monachorumque coelibatum summa cum procacitate oppugnat, omnia hæc scripturæ loca, sola plurimorum clericorum impudicitæ exaggeratione eludi posse arbitratur.

Nam cum uota, quæ in deteriore exitum uergunt, seruanda non sint, in tam corruptis presbyterorum moribus, in tam effrenata libidine, minimè quidem obligari incontinentes clericos coelibatus uoto arbitratur. Quod probat ex sententia Isidori decernentis ne ea quis præstet, quæ contra Domini præcepta promisit. Neque tamen aduertit homo callidus, quantum intersit inter incommoda, quæ ex re promissa, & quæ ex corrupto atque deprauato uouentis animo oriuntur. Nam si incommoda ita sunt cum re ipsa coniuncta, ut illam ueluti necessitate quadam consequantur, atque uitari à uouente commodè non possint, minimè quidem uoto constringitur. Nam cum nuncupata uota in Dei cultum atque honorem potissimum dirigantur, minimè quidem præstanda, sunt, si cum diuina lege atque uoluntate aliqua ex parte pugnent; ueluti si qui ieiunium uouit, in eam ægritudinem incidat, ut non possit sine maximo salutis dispendio ieiunare. At incommoda, quæ ex deprauato animo, cupiditatibusque imbuto profiscun-

*Andreas
Fricius. 4
lib. de Ec
clesia.*

*22. q. 4.
c. si quis
& c. si a-
liquid. ea
dem q. ex
Sothere
Papa.*

tur, minimè quidem reuellunt obligationis uinculum. Nam qui se sponte aliquo uoto damnarunt, simul etiam se obligarunt ea omnia studiosè uitare, quæ mentem ab illo præstando abducere atque auocare possent; quare quò se quis grauioribus cupiditatum ictibus ab instituto pelli uidet, eò maiorem conatum in coercendis uoluptatibus, nefarijsq; cupiditatibus refrenandis adhibeat, necesse est. Cum præsertim certò constet, nullas esse tam effrenatas cupiditates, nullam tam effusam in omni intemperantia libidinem, quæ precationibus atque poenitentia nõ restinguantur. Quare omnes sancti Patres, qui de conseruanda corporis pudicitia sermonem faciunt, preces, atque ieiunia mirum in modum, tanquàm castitatis firmissima præsidia, commendant. Cum igitur profunda plurimorum sacerdotum libido ex deprauatis animis, corruptisq; moribus magis, quàm ex uoto oriatur, possintq; intemperantè illum animum, si uelint, exuere, non est quòd aut cœlibatus uorum damnemus, aut illos obligationis uinculo solutos esse arbitremur. nisi fortè & diuinam legem, quam omnes nefariè uiolamus, & per quam in peccati cognitionem se deuenisse Paulus ait, damnandam esse existimemus.

*Cent. 3.
c. 10. tit.
de Epis.
Cæsareæ
Paleslina.*

NON tamen prætermittam admonere lectorem, quanta sit eorum hominum, qui Centurias conscripserunt, perfidia, & impudentia: quos non pudet affirmare, ex Basilij epistola 63. certò constare, tempore Gregorii, quem magnum atque ταυματουργον appellarunt, non fuisse in usu atque more Ecclesiæ, Litaniis Deum precari, neque cœlibatum uouere.

qua

qua in epistola cum D. Basilius tueatur monasticum uiuendi genus, atque rationem canendi in Ecclesia Psalmos alternis uersibus, contra Sabellii & Marcelli importunitatem, qui hæc Gregorii illius Magni auctoritate oppugnabant, Respondet, demirari se quòd illius auctoritatem obiiciant, cuius testimonia afferre nullo modo possent, Quod (inquit) hæc non erant temporibus admirandi illius Gregorii, quæ testimonia producere potestis? nihil enim illius institutorum, neque ad hoc tempus conseruastis. Et ad finem epistolæ inter ea, quæ Neocæsariensibus cauenda erant, enumerat, Gregorii uoces, ne falsò exponi te. Ex quibus constat, ab illis hæreticis aliqua Gregoris uerba conficta aut adulterata fuisse, quibus & monasticæ uitæ sanctitatem, & psallendi pietatem oppugnabant. Sed non memineram Centuriarum auctores maiorem fortasse Sabellio atque Marcello fidem, quàm Basilio habendam esse, arbitrari. Quare illorum nobis calumnias pro Basilij sententia obtrudunt. Sed ut institutam disputationem persequamur, si sacerdotalis dignitatis amplitudinem debitis momentis ponderemus, facile uidebimus, nihil magis sacerdotes, quàm corporis castimoniam, atque cœlibatum decere. Vt uerò egregiis, & accommodatissimis D. Hieronymi uerbis rem explicem, si *ἐκκλησια* Græcè, fors Latine appellatur, propterea uocantur clerici, uel, quia de sorte sunt Domini, uel, quia ipse Dominus sers, idest, pars clericorum est. Qui autem uel ipse pars Domini est, uel Dominum partem habet, talem se exhibere debet, ut ipse possideat Dominum, & possideatur à Domino; qui Dominum

*Hier. ep.
ad Nepo-
tianum,
de Vita
cleri. et sa-
cerdoti.*

psalmo.

1. ad Cor.
6.7.

1. ad Cor.
6.7.

possidet, & eam Propheta dicit, pars mea Dominus; nihil extra Dominum habere potest. si autem ego pars Domini sum, & funiculus hæreditatis eius, nec accipio partem inter cæteras tribus, sed quasi Leuita & sacerdos uiuo de decimis, & altari seruiens, altaris oblatione sustentor, habens uictum & uestitum; ijs contentus ero: & nudam crucem, nudus sequar. Cum quibus si coniugii incommoda à Paulo enumerata coniungamus, negare certè non poterimus, coniugii statum mirum in modum sacerdotes dedecere. Mulier (inquit) innupta & uirgo cogitat quæ Domini sunt, ut sit sancta corpore & spiritu: quæ autem nupta est, cogitat quæ sunt mundi, quomodo placeat uiro. cum qua importuna sollicitudine, tribulationem etiam carnis coniunctam esse idem Paulus ait. Cum igitur sacerdotum officium sit, Domino addictos esse & consecratos, diuinis rebus perpetuò uacare, altissimis fidei & religionis mysteriis intentos esse; quoniam, quæso, modo cum hoc cœlesti statu illa uiuendi ratio cōuenire potest, quæ hominē in contraria sæpe studia distrahit, quæ animum inanissimis curis excruciat, & tēporalibus rebus immergit? si coniugali uinculo constrictis præcipit Paulus, ut mutuò consensu aliquandiu à corporis uoluptatibus abstineant, quò uacare orationi commodius possint; illis, quorum uniuersa uita precibus atque sacrificiis est mancipata, qui in diuinarum rerum studio atque meditatione incumbere potissimum debent, quomodo illud uitæ genus conuenit, quod sui corporis potestatem non habet, quippe quam omnem ad uxorem transulisset? Quare filiorum

liorum Leui, qui clericorum ordinem designabant, & præfigurabant, benedictio, in eo potissimum sita fuit, quod digni essent, qui sacra Domino facerent: quippe qui omnium rerum curis atque amore abiecto, se totos diuino numini consecrassent. Qui dixit patri suo, & matri suæ, nescio uos, & fratribus suis ignoro illos, & nescierunt filios suos, hi custodierunt eloquium tuum, & pactum tuum seruauerunt, iudicia tua ò Iacob, & legem tuam ò Israel: ponent thymiana in furore tuo, & holocausta super altare tuum. Cuius singularis erga Deum amoris & pietatis, egregium quidem documentum dederunt, cum neque filiorum amore, neque fratrum charitate retardati sunt, quominus Moysi se coniungentes, horribilem stragem ederent, tria quæ circiter hominum millia una die interficerent. Cum igitur ecclesiasticos uiros debeat, diuinis rebus tantopere addictos esse, ut naturæ quodam modo sensum exuisse uideantur; nulla sanè æquior, atque conuenientior lex ferri ab Ecclesia potuit, quàm illis, ne uxores ducerent omni ratione interdiceret. Quibus accedit, amplissimo, atque cœlesti statui, cœlestes mores maximè conuenire; si quid uerò in humanis rebus est, quod cœlitum splendorem præferre, Angelorum puritatē, innocentiam, integritatēque referre uideatur, illa certè est uiuendi ratio, quæ omni se fœda uoluptate abdicat, castumque, atque integrum corpus conseruat. Quare magnus ille Athanasius Alexandrinus, quem fidei & religionis conseruatorem, atque uindicem appellare licet, in potissimis Christianæ religionis insignijs enumerat, quod plurimi in catholi-

ca Ecclesia cœlibem, castamq; uitam degant, Dei (inquit) filius Dominus & Saluator noster Iesus Christus, homo propter nos factus, profligata morte, & ascito à seruitute & corruptione humano genere, inter cætera dona, largitus est nobis in uirginitate exemplar Euangelicæ sanctitatis. certè puellas ea uirtute præditas, sponsas Christi catholica Ecclesia appellare solita est; quas Ethnici conspectas, ut templum uerbi, admiratione prosequuntur. Nusquam enim alibi sanctū illud & cœleste æternæ uirginitatis mandatum sceleratè adimpletur, nisi duntaxat apud nos Christianos, atque in eo magnum documentum est, planè apud nos esse ueram religionem. Has præ reliquis omnibus beatæ memoriæ religiosissimus pater tuus Constantinus Augustus in precio habuit, & tua religiositas sapius eas in suis scriptis preciosas, & sanctas nominat. Et paulò inferius asserit, uirginum membra, præcipua & propria Christi esse. Quis igitur negare poterit, nihil eos, qui dispensatores sunt ministeriorum Dei, qui ueluti luminaria in excelsso loco collocati sunt, ut omnibus in domo existentibus lucem afferant, qui Euangelicæ sanctitatis doctores, atque exemplaria esse debent, qui Christi corpus conficiunt, qui illo familiarissimè utuntur, frequentissimèq; sustentantur, magis decere, quàm eam uitam degere, quæ Christianam religionem mirum in modum illustrat & cõmendat? cùm præsertim (ut Philo Iudæus auctor est) ueteres illi Essæi, qui cultores uocabantur, & qui se totos diuinarum rerum meditationi tradebant, corporis castitatem præ cæteris omnibus uirtutibus colerent, quippè quam sui instituti

*Euse. his.
eccl. li. 2.
c. 17.*

tuti ueluti fundamentum, aliarumq; omnium uirtutum firmissimam basim esse arbitrabantur. At Fricius inquit, non se sacerdotum castimoniam, sed incontinentiam damnare, atque adeò cum uideat Ecclesiasticos uiros, ab illo natiuo splendore, morumq; integritate, quæ illorum ordinem decet, tantopere degenerasse, non posse non iniquam illam legem pronunciare, quæ illos ad castitatem, quam plurimi non seruant, astringit. quinimmo Ecclesiasticorum uirorum turpitudine iam abrogatam illam esse, & antiquatam, præ se fert, existimare. Neque animaduertit homo acer & acutus, quantum intersit inter leges, quæ omnes promiscuè & communiter obligant, & quæ certum aliquod uitæ genus, quod nemo nisi spontè suscipit, instituunt & informant. in illis enim ferendis maximam morum atque temporum rationem habere oportet, in his uerò rogandis, ita est temporum ratio habenda, ut ea potissimum spectentur, quæ uitæ illud genus maximè decent, quæq; illud exornare, atque illustrare in primis possunt. neque enim iniqua & immanis lex dici potest, qua nemo nisi liberè & sponte sua constringitur, & cuius uincula nemo sibi nisi ultrò iniicit. Cum igitur Ecclesia neminem in Ecclesiasticum ordinem ui aut necessitate inferat atque intrudat, neque ad uitæ huius sanctissimum institutum suscipiendum aliqua ex parte cogat, quinimmo omnibus & legum seueritatem principio exponat, & persuadeat, ne temerè & inconsideratè uiuendi illam rationem ingrediantur; nulla certe causa est, quare sanctissimam legem calumniari quis possit, aut illius seueritatem pudoris & modestiæ

stix inuitamentum ægrè ferat. Quinimmo minime sanè Ecclesia suæ dignitati consulisset, nisi Ecclesiasticum ordinem ita æquissimis legibus illustrare, clericorumq; mores grauissimis institutis ita conformare conaretur, ut sanctissima munera, pro dignitate exequi possent. Quòd si peccatorum quorundā hominum nefaria turpitudine, sanctissimarum legum splendorem obscurare, auctoritatem'ue labefactare potest, omnes sanè leges ad rerum publicarum statū conseruandum latas, omniumq; scita ad hominum mores rectè informandos prudenter excogitata, quæ passim contemnimus & conculcamus, iniqua & funesta erunt.

Ies. c. 56. QVANTVM uerò Ecclesiæ hæc de cœlibatu lex cum sacris literis conueniat, uel ex eo Iesaiæ loco apertè constare poterit, Non dicat (inquit) Eunuchus, ecce ego lignum aridum; quia hæc dicit Dominus eunuchis; qui custodierint sabbata mea, & elegerint, quæ ego uolui, & tenuerint fœdus meum, dabo eis in domo mea, & in muris meis locum, & nomen melius à filiis & filiabus, nomen sempiternum dabo eis, quod non peribit. Quæ certè de his sunt eunuchis intelligenda, qui se castrarunt propter regnum cœlorum, atque propter excellentioris sanctitatis studium, à mulierum se consortio reuocarunt, ut liberi & expediti ardentius in studium religionis incumberent, his inquā pollicetur Deus in domo & Ecclesia sua, in qua non adumbrata, sed uera religio summa sanctitate colitur, ne que quadrupedum, sed Christi Iesu sanguine litatur, egregium atque præcipuum locum (quod notæ 7. quæ manum propriè significat,

Deut. 23

significat, uis, abundè explicat) atque adèd illos quibus templi ingressus olim interdicebatur, quosque lex execrabiles ducebat, clarioribus dignitatis ornamentis afficiendos esse Propheta ait, quàm si multiplicem sobolem genuissent. quæ sanè in alios quàm in clericos, qui propter regnum cœlorû degunt quique in Christi Ecclesia principem locum obtinent, quadrare nullo modo possunt.

Quòd si quàm longissimum interuallum est, inter Euangelium hoc nostrum & Leuiticum sacerdotium interiectum, quis non uidet cœlestes hosce ac planè diuinos sacerdotes, illos castimonia & sanctitate quàm longissimè antecellere debere? illorum uerò si uitæ instituta memoria repetamus, facilè uidebimus, tandiu ab uxoribus illis temperandum fuisse, quàm diu sacris muneribus fungi, Deoq; litare debuisse. Quare neque Dauidi panes propositionis contingere licuit, nisi à mulieribus mundus esset. quæ satis indicant, aliquid inesse in uxoribus turpitudinis, quæ eos uiros maximè dedecet, qui diuinis rebus uacare debent. At Calvinus homo acutus ac callidus, inquit, non eandem esse personam Euangelici ministri, quæ fuit sacerdotij Leuitici. Nam illi tanquàm ἀντιτύποι Christum repræsentabant, qui mediator Dei & hominum sua puritate nobis erat Patrem reconciliaturus. cum uerò omni ex parte exhibere peccatores typum sanctitatis eius nō possent, quibusdam lineamentis ut adumbrarent, iussi sunt, ultra humanum morem se purificare, dum ad sanctuarium accederent, qui tunc Christum propriè significabant. hanc personam quia hodie non sustinēt

Calu. in-
stit. c. 3.
n. 69.

Kkkk Eccle-

Ecclesiastici pastores, frustra cum illis comparantur. ò inauditum acumen, ò singularem solertiam, quis tam egregium diuinarum rerum æstimatorem non admiretur? sacerdotes Levitici, Christi personam repræsentabant, Euangelici sustinent: illi referebant, isti exprimunt: illi Christum præfigurabant, isti eius locum tenent, illos tamen Christi puritatem adumbrare quantum maximè possent, oportuit, istis uerò eò longius ab illa abesse licet, quò ad illius officium atque dignitatem propius accedunt: illi cum agnum immolabant, hostiam à nobis oblatam præfigurantem, sibi ab omni libidine temperabant: nobis qui idem sacrificium, quod Christus semel obtulit, continenter offerimus, libidinem perpetuò explere, putidisq; manibus diuina illa mysteria contrectare licebit? Expende, quæso Caluine, sacerdotij Euangelici dignitatem, & amplitudinem; conser illius munia cum ijs, quæ Christus dum inter homines uersaretur, in reconciliandis cum Patre hominibus præstitit, & perspicias, nostrosacerdotes humanam redemptionem ueluti continuare. nam quòd Christus paucis annis docuit, illi in omnē posteritatem diffundunt: quam Christus iustitiam promeruit, illi quodam modo exhibent, dum sacramenta conficiunt, quæ iustitiam, & sanctitatem continent. quò fit, ut cooperatores Dei dicantur. Quare nihil à te, Caluine, magis absurdū magisq; præposterum dici potuit, quàm eos ad Christi sanctitatem propius accedere debuisse, qui ab illius muneribus atque excellentia longius aberant.

Hebr. c.

13.

At inquis, Paulus uocat honorabile connubium in omnibus, & thorum immaculatum; quare nihil
de

de sacerdotum dignitate is detrahit, qui illis uxores permittendas esse censet. unde, etiam concludis, mirum nos in modum matrimonii honestatem deprimere, dum sacerdotii, atque cœlibatus dignitatem amplificare, & illustrare cogitamus. sed quare tam magnificis titulis coniugiū Paulus exornauerit, mox explicat, Fornicatores enim (inquit) & adulteros iudicabit Deus. ea enim à coniugibus licitè, & quando que sanctè fiunt, quæ ab aliis sine scelere ne cogitari quidem possunt; tantaq; est matrimonialis thori honestas, ut illa cohonestare possit, quæ sine maxima ignominia effari, atque ab impuris & mulierosis hominibus, sine summo flagitio admitti non possunt. si præsertim eas leges cōiuges obseruent, quibus Christianorum matrimonium, ab eorum, qui ignorant Deum, matrimoniis maximè distingui, docet Augustinus, ut scilicet concupiscentiam illam carnis, qua caro concupiscit aduersus spiritum, in usum iustitiæ conuertant, habentes animum, non generandi modò, sed generandi regenerandos, ut qui ex iis secuti filii nascuntur, in Dei filios nascantur: & qui hoc animo non concurrunt, carere putat Augustinus uera pudicitia coniugali. in quem sensum interpretatur illa Pauli uerba, Hæc est uoluntas Dei sanctificatio uestra, ut abstineatis uos à fornicatione, ut sciat unusquisque uestrum suum uas possidere in sanctificatione & honore, & non in passione desiderii, sicut & Gentes, quæ ignorant Deum. mutuam (inquit) fidem sibi coniuges seruare debere, non mutuam carnem zelantes, sed ne per adulterium à Christo separentur. quando igitur coniugale thorum hisce fuerit lu-

Aug. 1.
lib. de
nuptijs
et concu-
pisc. 4.
c. 8.

ad Thes-
sal. 4.

Aug. de
nuptijs,
et concu-
piscen.
c. 17.

Kkkk 2 minibus

1. ad Co-
rint. c. 7.

Aug. de
gratia et
libero ar-
bitrio. c.
7.

C. iur. 33
q. 3.

Petrus
Viretus,
de Adul-
terinis
sacramē-
tis. c. 15.

minibus illustratum, uerè immaculatum dici potest; quæ qui fuerit consecutus, omnis iam libidinis motus tam habet repressos atque extinctos, ut in mediis flammis non uratur. Attamen infra cœlibatus splendorem & dignitatem, matrimonium semper positū esse, uel ex eo satis patet, quod cū Paulus matrimoniū illis, qui continere nollent, permittit, optare tamen se ait, omnes esse sicut se ipsum. quibus uerbis egregiam suam castimoniam, atque ab omni libidine abstinentiam eum significare, inter cæteros sanctos Patres auctor est D. Augustinus. Cū itē idem Paulus consulit, ut coniuges mutuo consensu sibi ad tempus omnibus uoluptatibus interdican, quò uacare orationi commodius possint, satis docet, tantam esse humanæ carnis fragilitatem, ut uix uxore sine la-be atque culpa uti quis possit, atque adeò aliquid inde animum torporis contrahere, quod cœlestis spiritus impetum retardare, charitatisq; ardorem aliqua ex parte extinguere possit. Quo factum est, ut in ueteribus Romanæ Ecclesiæ moribus positum fuerit, ne quis Ecclesiam ea die, qua uxore usus fuisset, ingrederetur, ante quàm se aqua studiosè ablueret. quam consuetudinem pietatis plenissimam D. Gregorius renouauit, atque instaurauit, non quidem quòd sancti Patres existimarent, in aqua aliquam in esse diuinam uirtutem ad culpam in coniugum admistione susceptam eluendam, ut Petrus Viretus procacissimè calumniatur, sed quòd illa ceremonia homines admonitos esse uellent, habere coniuges de admistione sua quod doleant, cū non amor procreandæ sobolis, sed uoluptas dominatur, ut D. Gregorius

gorius ait. Quæ satis quidem ostendunt, quantum illa officia sacros uiros dedeant, quæ præstari sine peccato uix possunt, & quæ diuinarum rerum contemplationi aduersantur.

SED iam uideamus egregia illa argumenta, quibus Lutherus, Calvinus, similesq; ganeones Christi Ecclesiæ maximam cladem attulerunt, plurimorumq; ingenia miserè corruerunt, atque deprauarunt, quorum capita Kemnicius paucis uerbis complexus est. Norunt, inquit, Iesuitæ, Paulum loqui sine exceptione: qui non continet, matrimonium in Domino contrahat. melius est enim nubere, quàm uri. sciunt quid Cyprianus lib. 1. epist. ij. scripserit; quid Augustinus etiam iudicauerit de nuptijs illorum, qui concubatum uouerunt, si continere non possunt. Qui uerò ad orationis Pauli contextum animum aduerterint, satis intelligent, ita licere incontinentibus, matrimonii honestate suæ intemperantiæ mederi, ut possint alia etiam præstantiora remedia adhibere: quare minimè necessarium esse, ut qui non continent, nubant; sed inquit, præstare nubere, quàm nefarijs se libidinibus contaminare. neque enim uterè, significat cupiditatum icibus pelli atque exagitari, cum ad meritum id augendum plurimùm faciat, sed illis cedere atque succumbere, aut (ut Augustini uerbis utar) occulta flamma concupiscentiæ, in ipsa concupiscentia uastari. Quinimmo nubere, eorum est medicina, qui ita sunt desides, ut sibi ipsis uim inferre, nefarijsq; cupiditatibus repugnare nolint. quam Pauli mentem ex superioribus uerbis satis, Kemnici, perspicere poteris; Nolite (inquit) fraudare inuicem, nisi fortè ex consensu ad tempus, ut uacetis orationi.

Aug. de
sãlta uir
ginitate.
c. 34.

1. ad Co-
rint. c. 7.

Ec- . 1. p. 18

Et iterum, reuertimini in idipsum, ne tentet uos Sa-
 tanas propter incontinentiam uestram. hoc autem,
 dico secundum indulgentiam, non secundum impe-
 rium. perspicuum autem est, remedium illud concu-
 piscentiæ non in coniugali uinculo, sed in coniugũ
 admisione positum esse. Cũ igitur matrimonij
 uinculo iam constrictis non præcipiat, sed permittat
 Paulus ut reuertantur in idipsum, ne concupiscen-
 tiæ ictibus succumbant, an non satis indicat, non il-
 lud esse necessarium concupiscentiæ remedium, sed
 pluribus aliis eos posse libidinis impetus comprime-
 re, qui se castrare uellent propter regnum cœlorum?
 neque enim secundum indulgentiam, sed secundum
 imperium dixisset, ut in idipsum reuerterentur, si
 hoc unicum esse cōcupiscentiæ remedium existima-
 ret. quo fit, ut D. Ambrosius dicat, hæc Pauli uerba
 ad non politicā, & ad nondum uelatam uirginē per-
 tinere. nam qui se (inquit) sponndit Christo, & san-
 ctum uelamen accepit, iam nupsit, iā immortali iun-
 cta est uiro, & iam si uoluerit nubere, communi lege
 coniugij adulterium perpetrat, ancilla mortis effici-
 tur. Quæ etiam Pauli uerba, si cum antiquissimis Ec-
 clesiæ consultis conferas, planè uidebis, ita licere
 propter incontinentiam uxorem ducere, ut præsta-
 ret fœdas cupiditates egregiis aliis remedijs coerce-
 re atque comprimere. Nam cū Paulus non innu-
 ptas modò, sed uiduas etiam alloquatur, Ecclesia
 tamen graui pœna eos mulctare solita erat, qui se-
 cundo, aut tertio matrimonio coniungebantur. Con-
 cilium enim Neocæsariense, quod magnum illud
 Nicenum antecessit, aliqua pœna mulctandos esse il-
 los

*Ambr.
ad uirgi-
nem la-
psam. c.
5.*

*Concil.
Neocæs.
can. 3. &
c. de his,
qui fre-
quenter.
31. q. 1.*

los statuit, qui sæpius uxores ducunt. Quare presbyteris interdixit, ne conuiuiis, quæ fiunt nuptarû, quæ secundò cõiunguntur uiro, ulla ratione interessent. quòd si matrimonium, necessarium esse incontinentiæ remedium Paulus existimaret, minimè sanè sancti Patres Apostolorum temporibus proximi, eos pœna aliqua affecissent, qui libidinis stimulis excruciat, diuinæq; legi obtemperantes, uxorem duxissent. At cùm plurima alia sint incontinentiæ præstantissima, Christianoq; homine dignissima medamenta, prudentissimè existimarunt, intemperantis animi, & qui sibi imperare nesciat, documentum esse, secundò uxorem ducere. quare audentes hoc, inter eos, qui non satis Christiani hominis officia didicerant, collocabant. Nam cùm Christiana disciplina in animo maximarum uirtutum luminibus illustrâdo, atque in prauis cupiditatibus refrenandis potissimum posita sit; qui sibi ipsi uim asferre nesciunt, minimos sanè in Christianæ religionis institutis progressus fecisse uidetur. Quare cùm Ecclesia in eos, qui sæpius uxores ducunt, animaduertit, non quidè secundas nuptias, sed incontinentem animum improbauit. Vnde fuit, quòd lenius cū illis agebatur, qui ex priori coniugio liberos non suscepissent; quia filiorum desiderio ad matrimonium induci uidebatur: in eos uerò, qui filijs abundabant, seuerius animaduerti, solenne erat; quippe, quia corporis uoluptatem, filiorum amor, liberaliq; eorum educationi anteferre uiderentur. Quod quidem lex ab Imperatore Constantino Porphyrogeneta hac de re lata, satis indicat, Si illi (inquit) qui quadragessimum annum

*Eodem
Conc.
can. 7. et
c. de his,
qui. 32.
q. 4.*

Theodot. annū exceſſerit, & nec naturam reueritus, ne chone
Balsamō ſtate uitæ, quæ à Chriſtianis debetur, ullam curam
in 4. can. gerens, ſed ſola libidinis perturbatione uictus ſe in
Baſil. tertium matrimonium proiecerit, & cum omni dili-
 gētia & obſeruatione ſit uſque ad quinquennium ſa-
 cramenti communionis minimè particeps, & nec hoc
 tempus illi contrahatur. Qui autem poſt quadrage-
 ſimum ſordem in Chriſti Eccleſia eſſe, uel dici ama-
 uit, quod melioris uitæ argumentum præbebit? Et
 paulò poſt, Hæc autem dicimus, quando ex prioribus
 matrimonijs non fuerint liberi iis, qui poſt 40.
 annum tertiam uxorem ducere uoluerint. nam ſi li-
 beros habuerint, eis nullo modo tertium permittitur
 matrimonium. eſt enim ualde iniquum tempeſti-
 uæ libidini indulgere, priorum autem matrimonio-
 rum liberis non proſpicere, & à moleſtia ac pertur-
 batione remoti. Quòd ſi quis 30. annos natus & ex
 prioribus matrimonijs habens liberos, tertiæ mulie-
 ri coniunctus fuerit, is quoque nulla ei uenia data,
 ad quartum uſque annum communionis ſacramen-
 torum ſit expers, quia manifeſtum eſt, eum ſola intē-
 perātia motum, & quòd ſit carnalis libidinis ſeruus,
 ad hoc ſe matrimonium conferre. quò ſit, ut D. Chry-
 ſoſtomus dicat, ſecundam uxorem accipere, ſecundū
 præceptum Apoſtolicum, licitum eſſe, ſecundū
 autem ueritatis rationem, ueram eſſe fornicationē.
 ferè enim ſit, ut qui ſecundò contrahunt matrimo-
 nium, libidine, quam rafrenare neſciant, potiſſimum
 inducantur. Quare quæ ex ſe honeſta connubia
 ſunt, magnam quidem turpitudinis ſpeciem gerunt,
 ſi ad contrahentis animum aduertas.

31. q. 1.
 c. hac ra-
 tione.

At apertè (inquit Kemnicius) Cyprianus ait, quòd uirgines, quæ se ex fide Christo dicarunt, pudicè & castè sine ulla fabula perseuerent, ita fortes & stabiles præmium uirginitatis expectent: si autem perseuerare nolunt, uel non possunt, melius est ut nubant, quàm in ignem delitiis suis cadant. qua Cypriani sententia ita omnes exultant aduersarii, ac si de uniuerſa iam Ecclesia triumphassent. neque aduertunt, plurima per magistratum auctoritatem fas esse admittere, quæ priuato iudicio suscipi sine nefario scelere non possunt. Cùm igitur Martyr sanctissimus non præcipiat, fœminas uoto obſtrictas, quæ in duci ad castimoniam non possunt, in matrimonium collocari, sed solùm dicat, satius esse nubere, quàm sempiternas turpitudinis pœnas dare, non aliud certè innuit, quàm æquum esse, ut illis liberum ac Episcopi auctoritate integrum fieret nubere. quod sanè proprio arbitrio facere, nullo modo licebat. quippe quæ uoto omnem sibi nubendi potestatem præciderant. Nam cùm uir sanctissimus Carthaginensis esset Ecclesiæ antistes, qui inter omnes Africæ Episcopos, primas tenebat; quare primæ sedis Episcopus dicebatur, ut ex 3. Concilio Carthaginensi constat (quod ineptissimè quidam de Romano Pontifice intelligendum esse arbitrantur) illius sanè erat totius Africæ rebus consulere, atque prospicere, & Deo facta uota cùm æquitatis iustitiæq; ratio postularet, irrita facere siue (ut dici solet) dispensare.

QVÒD uerò ad Augustinum attinet, fateor quidem, apertè demonstrare, fœminas, quæ castitatis uoto contempto, matrimonio alicui coniunguntur,

LIII adulteras

*Cyp. lib.
1. epist.
ad Pomponium.*

*Conc. 3.
Cathag.
can. 26.
& dist.
99. c. pri
mæ sedis:*

*Aug. de
bono ui-
duit. c. 9.
& 10.*

*Aug. de
Bono ui-
dicitatis.
c. 20.*

adulteras dici non posse, cùm uerum illud, & non fu-
catum, ac fallax coniugium sit, quod nos minimè in-
ficiamur; nam quamdiu uotum Ecclesiæ auctorita-
te sacrum, religiosum, ac solenne non efficitur, ma-
trimonia uera atque solida esse, certò scimus. At ue-
rò quantum illi scelus suscipiant, qui uoti sanctitate
despecta, fidem Deo datam fallunt, mox idem Au-
gustinus his uerbis docet, Non possum (inquit) di-
cere à proposito meliori lapsas, si nupserint, foemi-
nas, adulteria esse, non coniugia; sed planè non dubi-
tauerim dicere, lapsus & ruinas à castitate sanctiori,
quæ uouetur Deo, adulterijs esse peiores. si enim,
quod nullo modo dubitandum est, ad offensionem
Christi pertinent, cùm membrum eius fidem non ser-
uat marito, quanto grauius offenditur, cùm illi ipsi
non seruetur fides, in eo, quod exigit oblatum, qui
non exigeret offerendum? Cùm enim quisque non
reddit, quod non imperio impulsus, sed consilio cõ-
monitus uouit, tanto magis fraudati uoti auget ini-
quitatem, quanto minus habuit uouendi necessita-
tem. Quare, Kemnici, si Augustino credis, si illius iu-
dicio rem diiudicare uelis, corū sanè impudentiam
detestaberis, qui fidem Deo datam fœda quadam uo-
luptate commutarunt, eaq; uota quæ minimè solu-
rent, nuncuparunt.

*27. dist.
c. Diacono-
nus.*

ANDREAS uerò Fricius decretorum insignis cor-
ruptor, clericorum cœlibatum oppugnat Martini te-
stimonio, quem inquit statuere, ut diacono, qui à mi-
nisterio cessare uoluerit, fas sit, contracto matrimo-
nio uti. quippe quia & si in ordinatione castitatis uo-
tum obtulerit, tamen tanta est uis in sacramento con-
iugij,

iugii, ut neque ex uiolatione uoti ipsum possit coniugium dissolui. qui nisi temeritate ac perfidia magis, quàm fide aut pietate duceretur, nunquàm profectò Gratiani ineptissimam explicationem, pro Martini integerrimo decreto, & quod antiquam illam Ecclesiasticæ disciplinæ seueritatem, continentiaq; splendorem non obscurè præ se fert, atque declarat, nobis obiiiciendam existimasset. cuius hæc sunt uerba, Diaconus, qui eligitur, si contestatus fuerit pro accipiendo matrimonio, & dixerit se in castitate non posse manere, hic non ordinetur. quòd si in ordinatione tacerit, & ordinatus fuerit, & postea matrimonium desiderauerit, sit alienus à ministerio & uacet à clero. Quæ matrimonium à Diacono nefariè initum, non quidem approbant, ut Gratianus delirans somniat, sed grauissima illum poena afficiendum esse decernunt, non solùm (ut mihi quidem uidetur) si matrimonium contraxerit, sed si significauerit facti eum uoti poenitere, atque nuptias ardentè exoptare.

Gratiani error.

Plurimis enim ac magnis argumentis Augustinus probat, uirgines, quæ nubere uolunt, ob solam nefariam uoluntatem, uiolati uoti reas esse. Continentia (inquit) expetita & electa, & uoti debito oblata, iam non solùm capeffere nuptias, sed etiam si non nubât, nubere uelle, damnabile est. Quod D. Paulus apertè significauit, cùm de adolescentioribus uiduis agens (inquit) quòd cùm luxuriatæ erint, in Christo nubere uolunt, habentes damnationem, quia primam fidem irritam fecerunt. quanuis enim nunquàm matrimonio coniungantur, fidem tamen Deo datam fregisse censendæ sunt, si matrimonij de-

Aug. de bono uinduit. c. 9.

1. Tim. c. 5.

litias, castimoniam, sanctitati, uel solo animo anteferebant. Quare nisi Dei timore rursus libidinem uincant, in mortuis deputandos esse idem Augustinus ait, Siue (inquit) in delitiis agant, siue in laboribus atque ieiuniis, nulla cordis correptione superfluis & magis ostentationi, quam emendationi seruientibus. Quocirca nihil aliud, mea quidem sententia, Martinus Pontifex significare uoluit, quam Diaconos, quos facti uoti poenitet, quiq; prae se ferunt matrimonia se uehementer cupere, non aliter mulctandos fore, quam si re ipsa fidem Deo datam fessellissent. quod aperte sanè innuit, cum non in eos animaduerti statuit, qui uxores duxissent, sed qui matrimonium desiderassent. quippe qui in corpore necessitate magis, quam uoluntate continenti animum haberent incontinentissimum.

SED Calvinus omnis turpitudinis patronus ac defensor, tantam hanc perfidiam & impietatem diuinorum beneficiorum necessitate tanquam firmissimis praesidiis munit. in quibus exaggerandis, etsi quandoque summo cum illorum dedecore nimius sit atque profusus, nunc tamen tam angustis ea, atq; breuibus terminis circumscribit, ut maximam immanitatis notam diuinæ benignitati inurat. Castitatem (inquit, donum Dei esse) nō passim omnibus, sed certis quibusdam hominibus tributum, ut apud Matthaeum Christus dixit, Non omnes capiunt uerbum istud, sed quibus datum est. Et paulò post. Qui potest capere, capiat. unde concludit, eos, qui castitatis dono carent, diuini praecepti esse uiolatores, nisi matrimonio coniungantur. Ne uerò quis diuinæ gratiae

Calu. 9.
insti. c. 3.
n. 64. &
65.

gratiæ uim illi opponeret, quæ educit montes in conualles, & aspera in uias planas, ut est apud prophetam, nihilq; est tam durum, atque asperum, quod illa non leniat atque emolliat, ait cœleste hoc auxilium illis solum à Deo tribui, qui in uis suis ambulant, hoc est, in sua uocatione, à qua illos omnes se subducere affirmat, qui reiectis Dei subsidiis, necessitates suas superare, eluctariq; inani temeritate contendunt. Quare cum maior hominum pars incontinentiæ sit uicio subiecta; qui(inquit)se à matrimonii uocatione subducit, cum perspectum non habeat donum continentiæ, est in Deum ingratus. cum præsertim cœleste illud donum sæpe à Deo tribuatur tantum ad tempus. quare cum quis respicit sibi ad domandam libidinē uires deficere, intelligat se à Deo uocari ad matrimonium. Hæc Calvinus. Ex qua facta inaniq; oratione apertè sanè concludit, diuina auxilia ad lasciuiētis carnis impetus coercendos necessaria illis solum tribui, qui iam habent castitatis donum, neque ulla ratione à Deo precibus, atque officiis impetrari posse. Nam si illis tantummodo Deus opem atque auxilium fert, qui aut castitatis donum habere certò sciunt, aut qui ad matrimoniū, cum ardentissima libidine exagitantur, tanquam ad sacram ancoram confugiunt, sanè eos, qui seipsos propter regnū cœlorum castrare animo obfirmato statuunt, atque ut præstare id possint, sibi ipsis uim afferunt maximam, diuinam opem summis precibus implorant, castitatis donum toto pectore à Christo efflagitāt, nullumq; officium prætermittunt, quo omnem à se nefariam turpitudinem propulsare possint,

ab

Matth.
c. 7.

ab optimo atque benignissimo Deo deferi, & tan-
quàm ingratos repudiari. quæ tamē ex aduerso cum
illis Christi apud Matthæum uerbis pugnant, Petite,
& dabitur uobis: quærite, & inuenietis: pulsate, &
aperietur uobis. omnis enim, qui petit accipit, & qui
quærit, inuenit; & pulsanti aperietur. Nam si pessi-
mi, & scelerati homines solent egregia dona effragi-
tantibus filiis tribuere, quanto magis Pater noster
cœlestis dabit bona petentibus se? Neminem, Calui-
ne, à certissima impetrandi Spiritum suum spe exclu-
sit Christus. omnibus hæc est promissin communis,
omnibus fidem recepit suam, qui excellentissima fi-
de erecti, certissima uerò spe confirmati ad Spiritus
sancti dona petenda accedunt. Quare cùm tam sint
certa diuina subsidia omnibus, qui precibus debi-
tisq; officijs illa consequi conantur, eorum sanè, qui
castitatis uotum nuncuparunt, uocatio est (quantum
uis cupiditatum iñtibus impetantur) fidem Deo da-
tam præstare, & omnes neruos contendere, ut casti-
tatis donum à Deo impetrent. Nam si rem accuratè
expendas, facillè uidebis, non minus castitatem con-
iugalem, quam cœlibatum, donum Dei esse. quin-
immo plurimos esse, uel Augustino auctore, qui faci-
lius se abstinere, ne unquam utantur nuptiis, quàm
sibi temperent, ut illis bene utantur. Quare confe-
rens idem Augustinus continentiam Ioannis Bapti-
stæ, cum matrimonio Abrahami inquit, quòd quem
admodum non impar est meritum patientiæ in Pe-
tro, qui passus est, & in Ioanne, qui passus non est;
sic non est impar meritum continentiæ in Ioanne,
qui nullas expertus est nuptias, & in Abrahamo, qui
filios

Aug. de
bono con-
iug. l. 27

filios genuit. Et haud multò pòst, candidè de se ip-
so fatetur, quòd facilius non uteretur nuptijs, qui-
bus usus est Abrahamus, quàm sic illis uti quemad-
modù Abrahamus usus est. Quid igitur illis facien-
dum esse existimas, qui quannis matrimonio cõiun-
cti sint, uagæ tamen, ac dissolutæ libidinis ardore
æstuant, egregioq; illo continentix dono, quo fœdæ
omnes cupiditates coercentur, se carere intelligunt?
quo, quæso, se uertent? quid capient consilij? An
quia diuini illi doni sunt prorsus expertes, nefariis
cupiditatibus habenas laxabunt, & in omne se turpi-
tudinis genus ingurgitabunt? Quòd si maxima spe
recreatus ad cœlestia illa præsidia impetranda se ad-
iungere, & ad præstantissimum continentix donum
exornandum omnes animi, ac corporis uires compa-
re debet, quid est, quòd existimes, eum, qui Deo
cœlibatum uouit, non posse eadem subsidia impe-
trare? an quia plura sibi de diuina misericordia pol-
licetur, maioraq; propter Christum præstare cupit,
minora à Deo beneficia consequetur? aut quia maio-
ri Deum charitate complectitur, seueriores, & im-
maniores illum experietur? Quæ si te parum mouët,
agedum uideamus, quid tuis faciendum esse censeas,
cum coniugum alter graui & assiduo morbo uehemē-
ter afflicatur; si per id temporis dono se continentix
carere, atque ad domandum libidines uires deficere
intelligent? si tibi constas, secundam ac tertiam con-
iugem permittas, necesse est; atque sensim ad effre-
natam Mahometi turpitudinē accedas: quin etiam
si mulier à uiro fuerit lōgissimis locorum spatijs dis-
iuncta, quippe qui in Indiam iusta decaula nauiga-
uerit,

uerit, mœchum ne introducere, aut alteri se collocare licebit? Nam ut omnes in matrimonia promiscuè impellas, constanter affirmas castitatis donum sæpe ad tempus tantum tribui. quare necesse est, ut tunc matrimonia omnes ineant, cum se cœlesti illo dono destitutos esse intelligunt. Quare nisi confitearis eos, qui castitatis dono carent, illud posse à Deo precibus & officijs exorare, omnia certè sacrilegis turpitudinibus ex plebis, nefariisq; libidinibus pollues. Quod ut apertius uideas, audi qua illos oratione ad castimoniam Augustinus inducit, qui uxorem ob adulteriū repudiarunt. Hos igitur alloquor, ut quod facere deberent, si haberent coniuges, diuturno languore marcescentes, uel loco sibi inaccessibili absentes, uel animositate illicita continentes, hoc faciant, si habuerint coniuges adulterina iniquatione sordentes, & propter hoc à suo consortio diuortiantes, non alia quærant coniugia, quia nō erunt coniugia, sed adulteria. & haud multò post, Non eos terreat sarcina continentix, leuis erit, si Christi erit; Christi erit, si fides aderit, quæ impetrat à iubente, quod iusserit. non eos frangat quod uidetur eorum continentia necessitatis esse, non uoluntatis, quia & illi, qui eam uoluntatem delegerunt, fecerunt eam esse necessitatis, quoniam uani sine damnatione ab illa deuiare non possunt, et qui in eam necessitate contrusi sunt, faciunt eam esse uoluntatis, si non de se ipsis, sed de illo, à quo est bonum omne, confidunt. Illi ad eam conscenderunt causa maioris gloriæ, ut aliquid amplius inuenirent; isti ad eam confugerunt, cura salutis nouissimæ, ne perirent: utrique permanent,

ug. de
Adulterinis
conjug. lib.
2. c. 19.

neant, utrique in quod peruenerunt, ambulent usq;
 in finem; seruiant studiis, supplicent uotis, quia & il-
 lis salus cogitanda est, ut ab eo, quod uoluntas arri-
 puit, cadere timeant, & istis gloria desperanda non
 est, si in eo, quod necessitas intulit, persistere dili-
 gant. fieri enim potest, ut Deo terrente & hortante,
 conuertente & impellente, humanus in melius mu-
 tetur affectus, atque ita uoueant sine coniugio, & si-
 ne ullo cōcubitu, atque immunda libidinis attrecta-
 tione perseuerantissimè uiuere, ut etiam si separata
 coniugia locum ducēdi alias moriendo aperuerint,
 claudatur ex uoto, quod patēret ex licito, & quod
 erat necessitate cōceptum, fiat charitate perfectum.
 Hactenus Augustinus. Et paulò inferius incontinen-
 tium hominum turpitudinem, in hunc modum re-
 prehendit, quæ uerba diligenter, quæso Caluine, ex-
 pende; neque enim fieri potest, quin tuæ te impieta-
 tis ualde pudeat, nisi fortè ostiū nefariis adulteriis,
 foedisq; libidinibus de industria aperire optas, Cum
 à foeminis (inquit) habentibus carnem, tantam flagi-
 tant mariti castitatem, ut quando ab uxoribus diu-
 tissimè peregrinantur, uelint eas ab adulterino con-
 cubitu incontaminatas feruorem transigere iuuen-
 tutis, ut plurimæ pudicissimæ transigunt, & maximè
 Syrae, quarum mariti negociandi quæstibus occupa-
 ti, iuuenes adolescentulas deferunt, & uix aliquan-
 do senes ad aniculas reuertuntur, eò ipso euidentius
 conuincunt, non esse impossibile quod se non posse
 causantur. si enim hoc non posset infirmitas homi-
 num, multò minus id posset sexus infirmior foemina-
 rum. Quid uerò de sacerdotum continentia idem

*Aug. de
 Adulterinis con-
 iugijs.
 lib. 2. c.
 10.*

M m m m Au-

*August.
ibidem.*

Augustinus sentiat, & quibus eam præfidiis munire, atque tutari debeant, paulò post aperuit, cùm impuris, impudicisq; hominibus sacerdotes his uerbis obiicit, Solemus (inquit) eis proponere etiam continentiam clericorum, qui plerunque ad eandem sarcinam subeundam capiuntur inuiti, eamq; susceptam usque ad debitum finem, Domino adiuuante, perducunt. dicimus ergo eis, quid si & uos ad hoc subeundum populorum uolentia capere mini? non ne susceptum castè custodiretis officium; repentè conuersi ad impetrandas uires à Domino, de quibus nunquam antea cogitastis? sed illos inquit, honor plurimum consolatur. Respondemus, & uobis timor amplius moderetur. si enim hoc multi Dei ministri repentè atq; inopinanter impositum susceperunt, sperantes se illustrius in Christi hereditate fulgere, quanto magis uos adulteria cauendo uiuere continenter debetis, metuentes non in regno Dei minus lucere, sed in gehennæ ignibus ardere? Quod si sanctorum res gestas accuratè, Caluine, euoluas, perspicies sane, plurimos ardentes libidinis flammæ precibus & austera pœnitentia restinxisse, illustreq; illud continentiae donum, quo diutissimè caruerant, à diuina tandem bonitate impetrasse. ne uerò à D. Aug. cuius testimonia plurimum apud te momenti habere debent, recedamus, is ingenuè fatetur, tam ardenti se libidine diutissimè deflagrasse, ut uix tres integros dies contineri potuerit, quod tamen malum non nuptiis, sed precibus, atque uigiliis curauit. quod uerò ad Christi uerba attinet, Non omnes capiunt uerbum istud, sed quibus datum est. apertè sanè D. Augustinus

*Aug. de
diligen-
do Deum
c. 13.*

*Matth.
c. 19.*

gustus

gustinus docet, diuinæ solùm gratiæ necessitatem illis demonstrari, tantamq; esse liberi nostri arbitrii in firmitatem, ut nisi diuinis auxiliis muniatur, atque confirmetur, minimè possit lasciuiantis carnis impetus comprimere. Nam quanuis Paulus nemini nubendi necessitatem asserat, sed unumquemque dicat habere potestatem suæ uoluntatis, licereq; aut uirginem suam in matrimonium collocare, aut uirginem perpetuò conseruare: non ita tamen à liberi arbitrii uiribus pendet, quin diuinæ gratiæ præsidis egeat. non enim omnes capiunt uerbum istud, sed quibus datum est. At dices, qui nam sunt isti tam beati, atque felices, quibus egregium hoc, planeq; diuinum donum à Deo conceditur? Apertè respondet Augustinus, Quibus (inquit) non datum est, aut nolunt, aut non implent, quod uolunt; quibus autem datū est, sic uolunt, ut impleant, quod uolunt. Quare, qui omnem conatum ad fœdas cupiditates propulsandas adhibent, qui precibus inuigilant, diuinaque subsidia omni animi cōtentione deposcūt, nec quid quàm eorum prætermittunt, quæ sunt ad castimoniam comparandam necessaria, difficile illud ac arduum uerbum capiunt, ipsisq; cœleste continentix donum à Deo conceditur, quo feliciter conseruare queant, quæ piè & sanctè uouerunt.

SED ad sanctissimæ Societatis Iesu aduersarium Kemnicium reuertamur, qui audacissimè Colonien-sibus Græcæ Ecclesiæ morem obijcit, quæ & si deprauata, multisq; erroribus deformata, atque turpificata sit, hac tamen in re gloriatur, se à ueteribus decretis, maiorumq; institutis minimè discedere. Nam

M m m m 2 cūm

Aug.
lib. de
gratia, et
libero ar
bi. c. 4.
1. ad Co-
rint. c. 7.

cùm Tridenti ipse agerem, & per literas Zachariam Carapharam Cretensem Patriarchæ Constantinopolitani Venetijs Vicarium rogarem, ut omnem mihi Ecclesiæ suæ de sacerdotum matrimonio morem significaret, ueteres Conciliorum canones ad me misit, quos à suis sacerdotibus sanctè conseruari affirmabat. Quare ueteris Ecclesiæ ritum ab ipsis Apostolorum temporibus paucis inquiramus, ut quæstionis huius penetralia illustrius pateant. Vt uerò Paulum prætermittam, qui unicam uxorem Episcopis permittit (neque enim bigamos sacerdotes Ecclesia unquam passa est) principiò ex antiquitatis munitis satis constat, Ecclesiam ab Apostolis accepisse, ne quis sacris iam initiatus, matrimonium contra heret. In canonibus enim Apostolorum decretum est, ut ex illis, qui cœlibes ad Ecclesiasticum ordinem conscendissent, solis Lectoribus, atque Cantoribus liceret uxores ducere. cum quo Neocæsariense Cōcilium, & sexta Synodus mirabiliter consentiūt. quæ decreta tam religiosè perpetuò conseruarūt sancti illi patres ut plurimis in locis, neque Cantoribus quidem atque Lectoribus integrum fuerit uxores ducere, ut ex Concilio Calcedonensi constat. Nam cùm, ait, quibusdam in prouinciis licere psalmistis, & lectoribus uxores ducere, atque illis interdicit, ne uxores à Christiana religione alienas ducant, satis significat, plurimis etiam in locis id illis fas minimè fuisse. Quin etiam pii, & religiosi Imperatores, qui Ecclesiæ decreta legibus confirmare soliti erant, sæpius decreuerunt, ut qui uxorum expertes ordinandos suscepissent, diligenter inquirerent, an uellent cœlibe

atque

*Can. A-
post. 26.
Conciliū
Neocæ-
sariense.
cap. 1. 6.
Synodus.
can. 6.*

*Concil.
Calced.
can. 13.*

atque castam uitam perpetuò degere, ut qui continere non possent affirmarent, uxores prius ducerent quàm ad Diaconatus dignitatem conscenderent. Quare Episcopos, qui Diaconum matrimonium inire permitterent, Episcopatus priuandos esse decernebāt. Quinimmo Diaconissæ, quæ quanquàm inter Ecclesiasticos gradus à ueteribus Conciliis enumeratæ fuerint, infimum tamen in Ecclesia locum semper obtinuerunt, nam ægris mulieribus curandis, earumque corporibus lauandis uacabant, cum presbyteri (ad quos pauperum cura ac prouidentia spectat) id præcipiebant, ut D. Epiphanius auctor est. Atque item in Orientis Ecclesiis baptismati mulierum ministrabant, illasque fidei nostræ mysteria priuatim domi docebant, ut auctor commentariorum in epistolam ad Romanos, quæ Hieronymo ascribuntur, asserit. Illæ inquam, Diaconissæ extremo supplicio afficiebantur, si matrimonium cōtrahebant. Concilium enim Calcedonense Diaconissam unà cum marito anathemate percellit, quia iniuriam (inquit) affert gratiæ Dei. Imperatorum uerò scita, eas mortis reas faciebant, illarumque bona omnia proscribebant, & in Ecclesias ac monasteria transferebant, maritos uerò capitis condemnabant, quorum etiam fortunas omnes fiscus inuadebat, quippe quia summam dedecoris ac turpitudinis notam sancto ordini inusserant. Quibus accedit sanctissimi atque continentissimi uiri Paphnutii auctoritas, qui cùm in Concilio Niceno prohibuisset, ne aliqua de sacerdotum cœlibatu noua lex rogaretur, dixit, satis esse ut qui clericatu ante nuptias potiti essent, secundum antiquam Ecclesiæ traditionem,

*Concil.
Nicen.
can. 19.*

*Epiph.
lib. 3. b.
ref. 79.
et eo-
dem lib.
in com-
pèdiaria
doctrina
fidei.
In 16. c.
epist. ad
Rom.
Concil.
Calced.
can. 14.*

*Socrates
Hist. Ec-
cl. lib. 1,
c. 11.*

ditionem, ad nuptias amplius non accederent. Quæ uerba Calvinus, ac cæteri, qui egregium Paphnutiū impietatis suæ patronum adoptare solent, silentio uafre & ueteratoriè prætermittunt.

DEINDE, qui Ecclesiæ annales diligenter euoluerit, luculenter intelliget, Ecclesiam plurimi semper cœlibes sacerdotes fecisse, magnæq; apud omnes existimationis, atq; cæteris omnibus antelatos fuisse.

Epiph. lib. 1. hærefi. 25. Epiphanius cum de perditissimo Nicolao Diacono agit, qui Ecclesiæ temporibus, ab Ecclesiæ fide defecit, inquit, quòd cum haberet spectatæ formæ uxorem, ab illius tamen consuetudine se aliquandiu abstinuit, ad eorum imitationem, quos Deo dicatos uidebat. ad quod Apostolorum magis cōsilio, quàm lege inductos fuisse, ex posterioribus Conciliis constat: quemadmodum & bona omnia uendere, atque ante Apostolorum pedes abiicere soliti erant. Quæ multò apertius alibi idem Epiphanius edocet. nam cum de creandis Ecclesiæ ministris agit, & affirmat, Ecclesiastici ordinis ueluti fundamentum esse sanctam uirginitatem, quam multi (inquit) sanctè & magna cum laude perpetuò conseruant, ad hūc modum scribit, Sacerdotium ut plurimum quidem ex uirginibus procedens, si uerò non ex uirginibus, at ex solitariam uitam degentibus: si uero hi non sufficiant ad ministerium de illis, qui continent à propriis uxoribus, aut ab unis nuptijs uiduitatem seruantibus.

Epiph. lib. 3. in compendiaris doctrinæ catholice. Nam eius, qui secundas nuptias contraxit, non licet sacerdotium suscipere. At quoniam sæpè rari erant, qui ab uxoribus abstinere uellent, Ecclesia ut plebis necessitatibus consuleret, atque prospiceret, illos etiam

tiam ad sacerdotii dignitatem admittere solita erat; qui unius essent uxoris uiri cum cœlibes non reperiuntur. Quod D. Epiphanius contra Catharos agens, explicatè demonstrat, Adhuc (inquit) uiuentem & liberos gignentem unius uxoris uirum Ecclesia non suscipit, sed cum, qui se ab una continuit, aut in uiduitate uixit Diaconum, & presbyterum, & Episcopum, & hypodiaconum, maximè ubi sinceri sunt Canones Ecclesiastici. At dices mihi, omnino in quibusdam locis liberos adhuc gignere presbyteros, & Diaconos, & hypodiaconos. At hoc non est iuxta canonem, sed iuxta hominum mentem, quæ per tempus elanguit, & propter multitudinem cum non inueniretur ministerium. ut uerò Ecclesiæ mentem, sanctissimamq; instituta apertius declararet, addit, Nam quod decentius est, id semper Ecclesia per Spiritum sanctum bene disposita uidens, statuit apparere, ut cultus diuini indistracti Deo perficerentur, & spirituales necessitates cum omni beniuola conscientia peragerent. Dico autem quod decorum est propter repentina ministeria, ac necessitates, ut presbyter, & Diaconus, & Episcopus Deo dicatus sit. Hæc Epiphanius. Socrates uerò scholasticus præcipuos (inquit) maiorisq; auctoritatis clericos in Oriëte uxoribus consuetudinem prorsus abiēcisse, non necessitate legis, sed sponte sua: quæ castimonia tantopere Thessalonicensibus, Macedoniis & Helledis placuit, ut illos tantum sacra facere permitterent, qui cœlibem uitam degerent. quam consuetudinem uni uersam postea Græciam usurpasse, testatur Nicephorus: quæ tamen temporum iniuria, hominumq; in-

continen-

*Epiph.
lib. 2. hæ
resi. 59.*

*Socrates
Hist. Eccl.
lib. 5.
c. 22.*

*Niceph.
Historia
Eccl. lib.
12. c. 34.*

continentia antiquata fuisse uidetur.

QVOD uerò attinet ad aliam quæstionem, an scilicet fuerit sacerdotibus olim integrum uxoribus uti, in qua uideo diuerfas esse doctorum hominum sententias, satis puto ex ueteribus Conciliis constare; non eundem fuisse Orientis & Occidentis morem. Nam cum nulla extet à primis illis uniuerfalibus Synodis ea de re lex lata, diuinoq; præcepto uxorum usus sacerdotibus non sit prohibitus, licuit sanè pro uincialibus Synodis uarias ac diuerfas leges condere, ex quibus regionum mores, atque instituta luculentissimè aucupari licebit. Quæ si euoluas, perspicuum sanè fiet, Ecclesiæ Occidentali, quæ ut Petri cathedra cœlesti beneficio exornata, atque illustrata est, ita fidei integritatem, pietatis candorem, religionis sinceritatem, disciplinæ præstantiam cumulatius semper conseruauit, familiarem, atque sacrosanctum fuisse sacerdotum, Diaconorumq; coelibatum; Ecclesiam uerò Orientalem suis sacerdotibus uxorū usum permisisse. quod tamen tantum discrimen in fide consensionem, mutuamq; conuinctionem non disrumpebat. Vt uerò ab Apostolorum canonibus ordiamur, Presbyteros illos excommunicant, & ab Ecclesiæ corpore abscindunt, qui uxores obtentu religionis abiiciunt, atque repudiant; cuius canonis uerum sensum ab illo eorundem Apostolorum canone petendum esse existimo, qui in illos Episcopos, Presbyteros, & Diaconos seuerè animaduertendū esse decernit, qui nuptiis, carnibus & uino abstinēt, non ut mens ad cultum pietatis reddatur exercitior, sed propter abominationem. quem sensum satis

Can. A-
post. 6.

Can. A-
post. can.
59.

tis uerba illa sexti canonis præ se ferunt, obtentur religionis, à Latinis enim auctoribus religio, sæpius pro scrupulo usurpatur, qui alicuius mentem stimulat, ac pungit, & quo quis ab aliqua actione retardatur; ut apud Ciceronem iniicere alicui religionem, & habere aliquid religioni. Quare Concilium Gangrense contra Eustachium, qui nuptias damnabat, coactum, anathemate eos percellit, qui presbyterorum uxores habentium oblationes detrectassent, immundasq; iudicassent. Quare quauis hi canones satis apertè innuant, integrum olim fuisse sacerdotibus, uxoribus coniunctos esse, nihil tamen de eorum usu certi decernunt. Quòd uerò clericorum cœlibatus semper fuerit in more atque instituto Ecclesiæ Occidentalis, satis, ut dixi, ex prouincialibus Conciliis, quæ prioribus illis quingentis annis à Christo nato celebrata sunt, constare potest. Concilium. n. Elibertinū in Hispania coactum, magno illi Niceno proximum decreuit, ut Episcopi presbyteri, diaconi, & hypodiaconi à coniugibus omnino abstinerēt, neque liberis operam darent, huius uerò sanctissimæ legis uiolatores à gradu, atque dignitate deijciebat. In Concilio uerò Arelatenſi secundo Syluestri temporibus in Gallia celebrato, cauetur, ne ex illis, qui matrimonio coniuncti sunt, ad sacerdotium quis assumatur, nisi conuersionem, hoc est, perpetuam castimoniam prius promiserit. Et paulò post per sanctè prohibetur, ut unà cum presbyteris, aut diaconis eadem in domo scæminæ habitent, exceptis auia, matre, sorore, filia, nepte, atque conuersa uxore, hoc est, quæ castimoniam etiam uouisset. Quod explica-

Concil.
Gangrē.
Can. 4.

Concil.
Eliberti-
num can.
33.

Concil.
Arelat.
l. can. 2.

Concil.
Agaten-
se in Gal-
lia. can.
12.

Nnnn tius,

*Concil.
Carthag.
2. can. 2.*

tius, multoq; seuerius Agathensis Synodus statuit, Si coniugati (inquit) iuuenes consenserint ordinari, etiam uxorū uoluntas ita requirenda est, ut sequestrato mansionis cubiculo, religione promissa, postea quàm pariter conuersi fuerint, ordinentur. In Concilio uerò Carthaginensi Siricii summi Pontificis tēporibus, hoc est, anno à Christo nato 428. celebrato, scriptum extat, Aurelium Episcopum dixisse tres gradus, Episcopatum scilicet, presbyteratum, diaconatum, præscriptione quadam castitatis per consecrationem annexos esse. qua oratione Patres omnes inducti, lege iusserunt, ut tres illi gradus perpetuam continentiam seruarent, quò facilius omnia possent à Deo impetrare, Vt quod (inquiunt) Apostoli docuerunt & ipsa seruauit antiquitas, nos quoque custodiamus. In Concilio uerò Africano clauum in Ecclesia tenente Bonifacio primo, his uerbis interdicitur clericis uxorū usus; Cùm de quorundam clericorum, quanuis erga uxores proprias incontinentia referretur, placuit Episcopos, presbyteros, & diaconos secundum priora statuta etiam ab uxoribus contineri. Quod nisi fecerint, ab Ecclesiastico remoucantur officio: cæteros autem clericos ad hoc non cogi, sed secundum uniuscuiusque Ecclesiæ consuetudinem obseruari debere. Quas sanctissimas leges integerrimaq; instituta Occidentalis Ecclesia religiosè temper retinuit, studioseq; conseruauit. à qua integritate nulla unquàm potuit principis tenebrarum ui atque potentia conuelli.

*Concil.
Africa-
num. can.
37.*

ORIENTALIS uerò Ecclesia quanquàm sacerdotum castimoniam semper fuerit admirata, nunquàm

quàm tamen illis omnino uxorum usu interdicere anſa fuit. Quare cùm plurimi ſint canones, qui de uxoriſus ſacerdotum agant, nullus tamen eſt, qui caueat, ne illis utantur. Concilium enim Anciranum ante magnum illud Nicenum celebratum, hoc eſt, anno à Chriſto nato 308. ſtatuit, quòd ſi quis diaconus dum ordinatur, proteſtatus fuerit, uelle ſe habere uxorem, neque poſſe continere, ſi poſtea ad nuptias uenerit, manere debere in miniſterio, propterea quòd illi Epiſcopus licentiam dederit. Qui uerò tacuerit, & ſuſceperit manus impoſitionis profeſſi continentiam, ſi poſtea ad nuptias uenerint, à miniſterio ceſſare debent. ex quo canone duo aperte conſtant, cùm fas olim fuiſſe clericis matrimonii uinculo iam conſtriſtis, uxoriſus uti, tum poſt conſecrationem id integrum nequaquàm fuiſſe, cùm diaconibus id non fuerit permiſſum, niſi primùm & ſuam incontinentiam profiterentur, & ueluti quodam pacto Epiſcopiſq; fide interpoſita, diaconus ſe creari pateretur. Concilium uerò Neocæſarienſe, quod Nicenum etiam anteceſſit, legem rogauit, ut ſi clerici aliquius uxor adulterio ſe contaminafſet, eã quàm primùm maritus repudiaret: at ſi eius conſortium retinere uoluifſet, ſuſcepto miniſterio, perfrui nequaquàm poſſet. ſicut neque ad Eccleſiaſtica munia obeunda aſſumi illi poterant, qui aut ſcortum duxiſſent, aut quorum uxores, dum eſſent laici, adulterium admiſiſſent. Prætermitto Concilium Gangrenſe, quod ab Eccleſiæ communionem illos reiicit, qui ſacrificia à ſacerdotibus matrimonio cõſtriſtis oblata ſpernunt, & condemnant. Quibus accedit ſacro-

*Concil.
Anciranum can.
10.*

*Concil.
Neocæſarienſe
can. 7.*

Lateranenſe. 1.

ſancti Concilii Lateranenſis œcumenici ſub integer
rimo atque doctiſſimo Pontifice Innocentio Tertio
coaſti auctoritas; quod cum ſeuerè animaduerten-
dum eſſe in turpes & impudicos clericos ſtatuit, ait;
Qui autem ſecundum regionis ſuæ morem non ab-
dicarunt copulam coniugalem, ſi lapſi fuerint, gra-
uius puniantur, cùm legitimo matrimonio poſſint
uti. Ex quibus perſpicuum ſanè eſſe puto, Orienta-
lem Eccleſiam ita ſemper fuiſſe clericorum caſtimonia-
m admiratam, aliquibusq; in locis eam coluiſſe,
ut neque generali lege, & quæ ad omnes pertineret,
illam iuſſerit, neque à ſacerdotibus perpetuò reten-
ta, atque conſeruata fuerit. Quare Græci ſacerdo-
tes, qui hodiè antiquis illis Orientis legibus ſe uiue-
re dicunt, ita uxoribus fruuntur, ut omni ratione co-
nentur continentix aliquod ſpecimen edere. Nam
unicam uxorem ducunt, illamq; uirginem, à qua ali-
quot diebus abſtinent ante quā ſacra faciant, & poſt
quā ſacris initiati ſunt, diaconi præſertim, & præ-
byteri matrimoniū inire nulla ratione poſſunt. ſem-
per enim integrè conſeruarunt

Concil.
Neocaſa-
rienſe. c.
1.

Neocaſarienſis Syno-
di canonem, qui præbyteros ab ordine deponi iu-
bet, qui uxorem duxerint. At Kemnicius, qui non
Germaniam modò, ſed Orientem etiam nefariis libi-
dinibus replere optat, Conciliorum auctoritati, le-
gum ſanctitati, hiftoriarumq; fidei opponit narrationem
Eraſmi, qui (inquit) in *Apologia aduerſus Pariſienſes* ſcribit, ſe *Vene-
tijs* apud Græcos uidiſſe ſacerdotem poſt ſuſceptum ordinem ducere uxo-
rem, ſed unicam, ac uirginem; & *Vuolſangum Muſculum*, qui, inquit,
recitat anno 1540. Græcos quosdam aduiſſe *Vuormatiæ*, & confir-
maſſe, Diacono in Græca Eccleſia licere, etiam poſtquā electus eſt, ut

uirginem

uirginem ducat uxorem; etiam eum, qui in sacerdotium ordinatus est, posse uxorem ducere, si id faciat *ἄνθρωπος τοῦ ἱερωσύνης*, sed si postquam sacrificauit, hoc fecerit, à sacerdotio remoueat. Narrarunt itaque sacerdotes statim post ordinationem, prius quàm sacrificent, matrimonium contrahere. Omitto, Kemnici, Gentium instituta, atque ritus, magis ex legibus, quibus instituuntur, quàm ex corruptis moribus accipienda esse. Quare cùm Conciliorum illæ leges, quibus se uiuere Græci iactant, id religiosè prohibeant, nihil est, quòd paucorum quorundam corruptos, & deprauatos mores Colonienfibus obiicias; nisi fortè nostris etiam licere sacerdotibus existimas scortari, quia plurimi turpem uitam & nefariis libidinibus respersam, summoq; Ecclesiastici ordinis dedecore agunt. Sed quādo Græcorum, qui Venetiis uiuunt, auctoritatem, Conciliorum sanctitati præfers, eorum & ego tibi testimonia oppono, cum quibus sæpissimè egi, & à quibus eorum mores, & instituta curiosè & diligenter didici. quibus cùm ego hanc Erasmi & Vuolfangi fabulam narrassem, mihi persanctè affirmarunt, summam ignominia notam Græcæ Ecclesiæ illos inurere, qui hoc dictarent. quippe quia solis eorum hypodiaconis liceret post consecrationem, unicam ac uirginem ducere; quòd si quis Diaconorū, aut presbyterorum, postquàm sacris essent initiati uxorem duceret, mox altaris ministerio illis interdici & laicis annumerari; meq; obnixè illorum quidam orauit, ut illos à tam graui infamia liberarem. Te igitur per uiscera Domini nostri Iesu Christi, Kemnici, oro, perq; salutem tuam obtestor, ut calumniandi istum animum aliquando deponas, summoq; ueritat

ORTHODOX. EXPLIC.

Rom. c.
12.

tis cognoscendæ studio flagres, atque diuinum illum spiritum, qui sapientium dux est, & prudentium omnium emendator, qui omnibus sapientiam abundè largitur, & non improperat, qui solus erroris omnes nebulas expellere, mentemq; ueritatis splendore illustrare potest, toto pectore deprecis, ut puram tibi atque sinceram ueritatis lucem commonstret, errorumq; omnium tenebras ab animo tuo expellat; atque edoceat, quæ sit uoluntas Dei bona, benè placens, & perfecta. Nam si ad diuinæ gratiæ thronum non fide & fallaciter, sed uerè ac candidè accesseris, à coelestiq; illo spiritu puram, & integram ueritatis cognitionem depoposceris, fieri certè non potest, quin diuino splendore te illustratum, harum omniū calumniarum ualde pœniteat; Ecclesiæ Romanæ fidem sacris oraculis munitam, diuinis præsidij tutam, omniumq; sæculorum consensu firmatam, quam tui præceptores per summum scelus abiecerunt, & repudiarunt, auidè complectaris, societatemque Iesu, quæ uniuersam hanc Ecclesiæ fidem mirabiliter edocet, Christianæ uitæ instituta purè & religiosè aperit, diuinamq; legem sanctè & castè custodit, ab omnium calumniis & importunitatibus tuearis & defendas.

F I N I S.



R E R V M, E T V E R B O R V M
 Memorabilium, quæ in Reu. Dom. DIEGHI
 PAYVI ANDRADII doctissimis atque elegan-
 tissimis libris continentur, nec non locorum, quæ
 in sacra scriptura illustrantur atque explicantur,
 I N D E X locupletissimus;

A' BERNARDINO GNISSIO Theologo Carboncionensi in
 Christiani lectoris gratiam conscriptus.

A. chartæ frontem. B. tergum significat.



- CTIO, quan- 288.a
 do humana
 dicenda sit. 299.a
 80.a. *anapla dicitur peccatum in diuinis*
litteris. 77.b
ἀνταρ'δοσις, quid sit. 211.a
 Actuum Apo-
 stolorum lo-
 cus explica-
 tur. 66.a
 Adam peccauit, ne Euam contri-
 staret. 83.a
 Adæ peccatum qua ratione in nos
 dimanauit. 83.b
 Adam non solum priuatam, sed
 publicam totius humani generis
 personam gessit. 83.b. 88.a
 Adorandi uerbum uariè in scri-
 ptura accipitur. 284.a
 Affirmationem & negationem
 Philosophi ad idem genus re-
 currere tradunt. 76.b
 Albertus Pighius. 68.a
 Amor et odium unde potissimum
 oriuntur. 168.a
 Angeli in proximorum nobis nu-
 mero habendi, & ardenti chari-
 tate diligendi. 288.a
 Angeli hominum causam apud
 Deum agunt. 299.a
 Antiquus dierum, Patris & Spi-
 ritus sancti personam significat
 apud Danielelem. 310.a
 Antonius sanctus eremita, litera-
 rum quanuis ignarus omnino,
 Dei tandem beneficio diuinorū
 uerborum cognitionem adeptus
 est. 64.a
 Antonij magni uita causam præ-
 buit ut D. Augustino nunc frua-
 tur Ecclesia. 7.b
 Apocalypsis auctoritas cur olim
 dubia fuerit. de ea iudicium Dio-
 nysij Alexandrini. 52.b
 Apostoli maxime studuerunt ut
 Iudæos ad ueram pietatem pelli-
 cerent. 159.b
 Apostolos quibus uerbis Chri-
 stus sacerdotio inaugurauerit. 245.a

243.a
Aqua lustralis præstigias demonis depulit. 132.b
Aqua lustralis, sine benedicta aspressionis quæ utilitas. 132.a.b. & infrâ.
Aqua lustralis miracula. 132.b & infrâ.
Aquæ benedictio instituta ab Apostolis. 133.b
Arbitrij libertas est efficiens causa applicationis voluntatis ad gratiam. 144.b
Amorum lucis & iustitiæ nomine quid Paulus significet. 181.b
Auctor ab ineunte ætate in Conimbricensi Academia literis operam nauauit. 2.b
Augustinus suarum sententiarum censor & exagitator. 87.a
Augustinus Ciceronis Hortensio mirè delectatus est quid in eo de siderauerit. 1.b
Augustinus Manichæorum hæresi implicatus diu mansit. 44.a
Augustinus in quæstione de peccato originali uacillat & nutat præ difficultate. 86.a
Augustinus à Caluino laudatur. 107.b
Augustini locus quomodo sit accipiendus. 115.b. 116.a. 186.a
Augustianorum quorundam protestatio aduersus Tridentinum Concilium mendacijs referta. 14.b
Axiomati cuidam Philosophorum concinit D. Ioannes. 189.a

B.

BAPTISMVS peccata omnia abluit. 102.a.b
Baptisma à ieiuniis celebratum. 277.a.
Baptisma gratiâ Clemens Alex. lauacrum et illuminationem per secliam uocat. 101.b
Baptismi nis quanta sit. 101.a.b & infrâ.
Baptismo omnia prorsus peccata deleri. 97.b
Baptismo in ipso Adamus metus, totus moritur. 102.a
Baptismum nostrum Christi mortis imaginem gerere, quæ ratione dicatur. 106.a
Baptismum filios Dei nos faciet. 104.b.
Barbarorum Indorû ingens multitudo idolis relietis sacri baptismatis aqua abluitur. 21.b. 22.a.
Basilicorum uolumen à quo scriptum. 162.b
Berebenses primarij erant Iudæorum. 66.a
Boëmos hæresis inuadit. 227.b
Bonauenturam iniuria Kemnicus reprehendit. 127.a.b
Bononiensium ciuitas ad Christianam pietatem maximè à Iesuinitis inflammata. 15.a
Brasilienses Iesuitarum opera feritatem abijciunt. 3.a
Brasilienses populi humanarum carniû esu hodie horribiles. 3.a
 Brasilien-

I N D E X.

Brasiliensium anthropophagorum
multi ad rectam fidem à Iesu-
nitis perducti. 31a

C.

CA I N V M & Iudam pro-
ditorem pro sanctis colendos esse
quidam censuerunt. 281.b

Cainum Iudamq; proditorem Ca-
iani uenerati sunt. 71.a

Calicis usu nunquam se Græci pri-
uarunt. 253.a

Calvinus quid delibero arbitrio
senserit. 139.a

Calvini error maximus. 317.a.b

Canones Ecclesiasticos scire tenen-
tur presbyteri & Episcopi. 162.a.

Carthagini Episcopus primas in-
ter omnes Africa Episcopos te-
nebat. 321.a

Cassitatis donum ad tempus sæ-
petribui putat Calvinus. 324.b

Castrare seipsum propter regnum
calorum, quid sit. 181.a

Catechismus Monheimi hæretici
à Colonienſi Academia proteri-
tur. 2.a

Causa efficiens applicandi ani-
mum ad gratiam, quæ sit. 143.a.

Centuriæ Basileæ nuper cense men-
dacij passim & ipsoſuris scæter. 31.a. earum error. 160.b. 313.b

Charitas Augustino idem quod in-
ſtitia. 192.a

Charitatis uirtus quæ sit. 191.b

Charitas ordine ac causa anteit
peccatorum interitum. 192.b

11111

Charitas prora est & puppis to-
tius legis. 172.b

Charitas perfecta, in quo sit.
170.a.b.

Chrisma presbyteri nõ faciunt.
277.a.

Chrismatis sacramentum minime
est iterandum. 276.a

Chrisma, gratiam nobis Dei con-
ciliat. 278.a

Chrismatis sacramento cuidam
mens reſtituta. 278.b

Chrismatis sacramentum an à
Christo institutum. 276.b

Christo quomodo simus facti inſi-
ti. 106.b

Christum patibulo crucis affixum
de diuina misericordia desperaſ-
se quidam impij opinati sunt. 71.b.

Christi sanguinis, qui in baptismo
communicatur, uirtus quata sit.
101.b.

Christi corpus et sanguinem, uerè
sub eucharistia esse. 230.a.b. &
infrà.

Christum fuisse colubrum illum,
qui Enam decepit, quidam arbi-
trati sunt. 71.a

Christi oblatio & mors quomodo
peccata nostra exhauriat & de-
leat. 98.b. & infrà.

Christus quæ nobis promeruerit.
198.a.

Christi epistola, dicta Pauli episto-
la. 27.a

Christi manus in terris, quod nam
potissimum fuerit. 25.b

0000 Cbr-

I N D E X.

- Christiana religionis fundamentum in fide positum.* 58.a
- Christiana religionis instituta per multa, chartis minimè comprehensa.* 29.a.b.30.a
- Christiana plebs ad quid explicitè credendum obligetur, & ad quid implicatè.* 59.b.60.a
- Christianos, quos homines Iustinus appellet.* 120.a.b
- Christianam ad fidem atque disciplinam omnia necessaria, quomodo sint sacris literis comprehensa.* 34.a
- Chrysostomi locus de lectione scripturarum omnibus permissi, quomodo à Colonienfis accipitur.* 49.b
- Clemens Alexandrinus cur ad scribendum accesserit?* 29.b
- Clerici unde sic dicti.* 314.a
- Cælestius Pelagij affectator.* 165.b. unde huic errandi ansa. 166.a.
- Cælibatus sacerdotum asseritur.* 311.b. & infra.
- Cælibem vitam seruare debent sacerdotes.* 317.a. & infra.
- Cælibatus matrimonio præfertur.* 318.b.
- Certitudo pro spe aliquando accipitur.* 225.a
- Colonensium de libero arbitrio sententia.* 139.b
- Communicare sub altera tantum specie.* 242.a
- Conciliorum uoluminis primi locus emendatur.* 161.b
- Confessiones secretas audire permissum Iesuuitis quo tempore.* 12.a.
- Confessio peccatorum externa quando necessaria sit.* 269.a
- Confessio peccatorum, quæ sacerdoti sit, astringitur.* 268.b
- Confessio peccatorum.* 265.266.267.
- Confirmatio quæ oleo fit.* 275.a.b & infra.
- Concupiscentia motus quidam culpa carent.* 180.a
- Concupiscentia, quæ in renatis relinquitur, peccati rationem non habet.* 105.a.b.107.b.108.b.109.a.b.
- Concupiscentia motus primus nuncupatus, duplex.* 180.a
- Coniugij status mirum in modum sacerdotes dedecet.* 314.b
- Constantinus Porphyrogeneta.* 162.b.
- Contritio unde nascatur.* 263.a
- Contritio in peccatore quanta esse debeat.* 127.a
- Conuersio nostra à sola Dei gratia non pendet.* 144.a
- Corpus & sanguinem Christi uerè esse in eucharistia, qui negent.* 232.a.
- Corporum diuersæ constitutiones, animos uariè permouent.* 180.a
- Creatura omnis Dei, bona est.* 73.b.
- Crucis signum in magna ueneratione olim apud Thurcas.* 286.b.287.a.

Crucis signo quantus sit honor deferendus. 287.a

Crucis signum in silicibus, et mar moribus humi positis insculpi uetat Theodosius Imp. 287.a

Crucis uocabulum, Christum significat. 285.a

Crux adoranda. 284.b. & infr.

Crucis dissolutæ ligna exuri, si id per contemptum non fiat, posse demonstrat Leontius Episcopus. 286.a.

Crucem miris laudibus extulit Ephrem Syrus. 286.b

Crucis imaginem Christiani in fronte olim gestabant. 305.b

Crucis signo pro labaro usus est Constantinus Imperator. 306.b

Cultores qui nam à Philone dicti. 50.b.

Cupiditatum solis aculeis incitatus, diuinæ ultionis reus non est. 110.b.

Cyprianum Augustinus suspexit. 145.b.

Cyprianus ab Ecclesiæ consensu recedens aliquando, magnopere errauit. 43.b

Cyrilli locus explicatur. 33.a.b

D.

Dæmones quidam, naturæ beatissimis quibusdam præstantiores spiritibus. 76.a

Danielis locus. 185.a.b

Davidis locus declaratur. 25.a

69.b. 70.a. 75.b. 100.a. 103.b

104.a. 170.a.b. 172.a. 189.a

198.b. 310.b.

Definitio fundens se extra rem definitam, inepta est. 75.a

Deo se gratum esse, an sine temeritatis nota quis sibi persuadere possit. 223.a.b. 224.a

Deus omnia quæ fecit, quæ ratione diligere dicatur. 187.a

Deus quando tota mente diligere non possit. 167.b

Deus quid ante conditum mundum faceret, omnino obscurum est. 56.b.

Deus efficit quædam in nobis, nullo nostro consensu accedente. 143.a

Deum Diabolo obedire oportere, quicquid fuerint. 227.b

Dei uera cognitio unde nobis concilietur. 117.a

Deus omnibus rerum functionibus affidet. 93.b

Deus salutem nostram maximè prospexit. 6.a.b

Deus quo pacto in nobis uelle operetur. 142.a.b

Deum per se ipsum omnia præstare, quæ sensibus percipiuntur, quidam Theologi existimant. 150.a.

Dei prouidentia naturæ nullam uim infert. 143.a

Dæteronomij locus. 6.a

Die Dominico ieiunare cur prohibeamur. 159.b. 160.a

Diuina uoluntas, norma omnis institutiæ & æquitatis. 188.b

Doctores munere qui fungitur, singulari uirtutis splendore ceteris debet præstare. 136.b

O o o o 2 D. Domi-

D. Dominicus Orbis lumen.
3.a.b.
Dona sua in nobis quomodo Deus
coronet. 214.b

E.

E B V R E N S I S urbs Lusita-
niæ. 2.b. eius Academia. 3.a
Ecclesia interpret scripturæ sacræ
41.a. 53.b.
Ecclesiæ Antistitum auctoritas
cælestis est & planè diuina.
161.a.

Ecclesiæ patrocínio & auctorita-
te fides eget. 35.b
Ecclesiæ proceres scripturæ sacræ
rectam debent callere interpre-
tationem. 58.b
Ecclesia quid sit nobis, & quid hæ-
reticis. 41.b. & infrà
Ecclesiæ iudicium, fidei regula est.
35.a.

Ecclesiæ quæ et quanta in ferendis
legibus auctoritas. 159.a.b
Ecclesiarum præsides diebus do-
minicis populum docere iubet
sexta Synodus. 54.b
Ecclesiæ sensus cum scripturæ uer-
bis ferruminandus. 68.a
Ecclesia uniuersalis falsis pronun-
ciatis tanquam fidei dogmati-
bus certissimis nunquam assensa
est. 42.a
Ecclesiæ uniuersales consuetudi-
nes etiam scriptis minimè man-
datis, Dei uoces & sanctas ma-
tris nostræ leges uocat Epipha-
nius. 40.b
Ecclesia scripturarum interpre-

-est. 41.a. 42.a
Ecclesiæ traditiones, sacræ sunt
scripturæ annectendæ. 44.a
Ecclesiast. locus. 224.b
Enoch libri ob antiquitatem, su-
spectæ fidei habiti. 39.a
Enunciati ueritas ex rebus signi-
ficatis pendet. 41.b
Episcopus primæ sedis quis dictus
321.a.
Episcopi qui dicantur. 160.b
Episcopo inobediens, sine Deo om-
nino est. 160.b
Episcoporum ignorantia, non mi-
nima Ecclesiæ calamitas. 58.b
59.a.
Erasini praua sententia. 265.b
Eremitarum sanctorum uitæ ad-
miratio magis à peccatis homi-
nes abduxit, quam doctissimorum
hominum oratio ornatissima. 8.a.
Error paruus initio, maximus in
fine. 226.b
Esse an Christiani fuerint. 51.a
Esse minus dicimur, quo magis su-
mus mali. 93.a
Essei castitatem maximè colue-
runt. 315.b
Ethnici, qui uirtutem coluerunt,
mitiori pœna torquentur. 113.b.
Ethnicorum bona opera an meri-
toria. 113.a.b. 114.a.b.
Euangelij doctores, iustificatores
dicti. 185.a
Euangelium è Matthæo quo tem-
pore scriptum, et cur. 18.a
Euangelio

I N D E X.

Euangelio scripto, viginti annorum spacio caruit Ecclesia. 27.b
Euangelij illiusre nomen, uiuificantis spiritui maximè conuenit. 179.a.

Eucharistiæ super sumptione, determinare potest Ecclesia. 242.b
Eucharistiam suscepturi, ieiunio mentem præparabant. 240.b
Eucharistiæ sacramento sub utraque specie quandiu suos uti noluerit Lutherus. 228.b
Eucharistiam sacratissimam seculi antiqui patres in itinere deseruebant. 253.a

Eucharistiam sacram sumendi sub utraque specie consuetudo quando obsolescit. 258.b
Eucharistiæ altera tantum specie utebantur laici Ambrosij ætate. 253.b

Eucharistiam manibus tangere laicis an olim liceret. 257.a.b
 & infr.

Eucharistia sacratissima cur panis & uinum appelletur. 235.a
Eucharistiæ sacramentum quæ bona nobis conciliet. 236.a.b

Eucharistiæ in sacramento fit transsubstantiatio. 234.b

Eucharistiæ usum sub utraque specie lex diuina non præcipit. 249.a. 251.b.

Eucharistiam populo porrecturus sacerdos quibus olim uerbis inclamaret. 239.b

Eulogius quidam Christianorum mentes inter noscebat. 241.b

F.

FACERE uerbum, Maroni quid significet. 245.a

Festinitates Ecclesiæ & ceremoniæ, quam asserant plebi utilitatem. 60.a

Fides implicita & explicita. 61.a.b.

Babylonica seruitus, fides implicita à Kemnicio dicta. 61.a

Fidei essentia & natura quando satis sit completa. 64.b

Fidem implicitam abominari non debemus. 61.b

Fides & uera Dei cognitio, iustitiæ nostræ fundamentum. 116.b

Fidei dogmata ad normam scripturæ sacræ si cuius exigere permittatur, quæ mala sequuntur, sint. 67.a

Fide constituta, non sunt omnia in examen modò uocanda. 66.b
 67.a

Fides uera illa est, quam antiquitus Ecclesia retinuit. 42.a.b

Fide in ipsa hominum maxima etiam ruditas, non est sine salutis certæ spec. 63.a.b

Fide iustificari impius cur dicatur. 219.b

Fidei Christianæ status. 33.b

Fidem in quæstionem cum operibus uocatam edisserere, haud facile est. 217.a

Fides quam uim habeat ad iustificandum. 319.a

Fides uera & incorrupta quo loco decumbat. 41.a

Fig-

I N D E X.

*Figmentum cordis humani quid
Mosi significet.* 95.a.b

Franciscus Siluestrius Ferrariensis. 92.b

D.Franciscus, Orbis lumen. 8.a.b

*Franciscus Xavier Iesuista in
Indiam a Lusitaniæ Rege conciona
tor euangelicus missus.* 15.b. pro
phetico uir spiritu. 22.a

G

*GALLIA Martyrum sangui-
nereccus madet.* 17.b

*Gasparris Casalij Episcopi Leirien-
sis Laus.* 242.a

Genesis locus. 95.a.b. & 144.b

*Genesis uersionem a uulgata &
ab Hebraico contextu ualde di-
uersam citat Augustinus.* 84.b

*Germanorū Collegium cuius sua-
su & auspicijs Roma ad Germa-
nos pueros literis & pietate
imbuendos constitutum.* 16.a

*Germania multiplicibus scatet hæ-
resibus.* 46.b

Goe ciuitas regia in India. 21.b

*Goncali de Silueira Lusitani re-
cens martyrium.* 22.b. 23.a.b

*Graci agris solam panis speciem
in communionem tribuunt.*

254.b

Gratiani locus emendatur. 161.b

*Gratiam aduentantem, quibus re-
bus excipiamus.* 207.b

*Gratia in futuro pro mensura me-
ritorum tribuitur.* 213.a

*Gratia Dei non solum condonat
peccata admissa, sed cōtra admit-
tenda nos pramunit.* 190.a

*Gratia & liberum arbitrium se
minimè impediunt.* 140.a

*Gratia Dei quam utilitatem asse-
rat libero arbitrio.* 140.b. 142.a

Gratia Dei uoluntatem inuauat.

149.a

*Gratiæ diuinæ quantum tribueret
Pelagius.* 138.b

*Gratia Dei nihil in nobis efficit si
liberum arbitrium non annuat.*

141.b

*Gratia Dei, in nobis aperit oculos
uoluntatis.* 146.a

Gratia Dei cooperans quæ sit.

141.a

*Gratia Dei quid in nobis opere-
tur.* 145.a

Gratiani error demonstratur.

322.a

H

*HENRICVS Cardinalis, Lusita-
nia princeps.* 2.b. 3.a

*Hæretici nostræ memoriæ falsa do-
ctrina pueros imbuendos cu-
rant.* 2.a

*Hæretici omnes scripturæ sacræ
sensus incertos reddunt.* 47.a

*Hæretici qua ratione in sacræ scri-
pturæ explicatione profint.* 57.b

*Hæreses omnes sacræ scripturæ te-
simonijs luxatis maleque usur-
patis confirmatæ sunt.* 70.b

*Hæreses fornicarum auxilio in
populos diffusæ.* 312.a

*Hæresibus implicati, commiserat-
ione digni.* 44.a

*Hieronymus scripturam sacram
difficilem ad intelligendum esse
te-*

- testatur. 52.a
 Hieronymus totam adolescentiã
 in linguarum cognitione con-
 sumpsit. 51.b
 Hieronymi preceptores Didymus,
 Gregorius Nazianz. & Basi-
 lius. 52.a
 Homini tanta cursit imperata per-
 sectio, quantam nemo in hac ui-
 ta consequatur. 169.a
 Homines, qui humanarum rerum
 cura abiecta, Deo uitam suam di-
 cant, providentiæ diuinæ non le-
 ue sunt argumentum. 6.b
 I
 IACOBVS Laines Præpositus
 generalis Iesuuitarum. 11.a
 Iacobi Apostoli locus. 135.a
 210.a
 Iapanica gens noui Orbis. 22.a
 Iberi qua ratione ad Christianam
 religionem illece. 27.b
 Ieiunantes die Dominico, aut Sab-
 bato, Ignatius, Christi interse-
 ctiores uocat: 159.b. 160.a
 Ieremias fato sumctus, fratrum a-
 mator in sacris literis cur di-
 ctus. 288.b
 Iesaiæ locus quo pacto sit accipien-
 dus. 216.a.b
 Iesuuitarum primò numerus cer-
 tus à Pontifice summo præfixus.
 12.b. 13.a
 Iesuuitarum societas à Io. Petro Ca-
 rapho, qui Paulus III. postea
 ad summum pontificatum eue-
 ctus, dictus est, falsò instituta
 dicitur. 13.a
 Iesuuitarum sodalitiũ non Ve-
 netijs sed Romæ ortum habuit.
 14.a
 Iesuuitæ molestijs grauissimis in-
 dignè exagitati. 12.a.b
 Iesuuitarum uitæ institutum à
 Paulo III. Pontifice Maximo
 primò approbatum. 12.b. secun-
 dò confirmatum. 13.a
 Iesuuitæ quo tempore facultatem
 acceperint audiendi secretas con-
 fessiones. 12.a
 Iesuuitæ multis in locis pueros ad
 ueram pietatem informant, &
 humaniores literas docent.
 17.a.b
 Iesuuitæ in Lusitaniam à Ioanne
 eius nominis Rege 3. euocati.
 15.a
 Iesuuitæ pueris pietate Christi-
 ana & literis informandis operã
 egregiam nauant. 2.a.b
 Iesuuitarum cænobiũ in signe Co-
 loniæ. 2.a
 Iesuuitæ Brasilienses barbaros im-
 manissimos ad rectam fidem per-
 ducunt. 3.a
 Iesuuitarum in Germania cæno-
 bia non pauca. 20.a
 Iesuuitæ Bononiam maximè ad
 Christianam pietatem inflam-
 mant. 15.a
 Iesuuitæ quæ ex eorum institutis
 à summo Pontifice approbatis
 præstare teneantur. 19.b. 20.a
 21.a
 Iesuuitarum nomine non tam face-
 re quàm impiè ludit Kenni-
 cius.

I N D E X.

- cūs.* 19.a
Iesuitæ in Germaniâ missi. 13.b
 16.a
Iesuitas Pelagianismi Kemni-
cūs insimulat. 138.a
Ignatij Epistolæ à Polycarpo Ioâ-
nis Euang. discipulo maximè cõ-
mendantur. 160.b
Ignatius Christum de facie no-
uit. 30.a
Ignatius Loyola bombardæ pila
uulneratus. 9.a. *Cæsarea arma*
repudiat, & in Christianam mi-
litiã nomen dat. 9.b. *sacco indu-*
tus austera uitæ rationem init.
Hierosolymas religionis ergo
proficiscitur. 10.a.b. *In Hispan-*
niã reuertitur, literarumq; se
totum studijs dat. *Lutetiam Pa-*
risionum proficiscitur. 10.b. *Ie-*
suitarum sodalitiij primus insti-
tutor. 9.a. *eiusdem laus.* *ibidem*
& infra.
Imaginum usus uariis ac multi-
plex est. 299.b
Imaginum in ecclesia quis usus
existat. 300.a
Imaginem Christi crucifixi cum
intueretur Greg. Nicenus lacry-
mas cõtinerere uix poterat. 300.a
Imagines rerum sacrarum Dei
uerba dicenda sunt. 300.a
Imago Christi æquo honore cum li-
bro Euangeliorum adoranda.
 301.a
Imagines quo pacto sint adoran-
dæ. 301.b. & *infra.*
Imaginum cultus cum ipsa ferè in
Deum pietate cõpit. 303.a.b
Imaginem Christi Iulianus Impe-
rator impiè deiecit. 304.b
Imaginu' ho'is, Xenaias. 308.a
Imaginibus Christi & sanctorum
quis primus bellum indixerit.
 307.b
Imperatores Rom. Ecclesiæ decre-
ta obseruari præcipiunt sèque il-
lis subiiciunt. 162.a
Impossibile nulla est obligatio.
 118.b
In, propositio, pro Per, sapius usur-
patur. 199.a
Indoctis multa uidentur absurda
in sacra scriptura. 48.b
Indumenta à reliquorum hominũ
uestitu diuersa cur Dini Franc.
& Dominicus suos gestare no-
luerint. 8.b
Infidelium opera in quo genere po-
nenda. 3.a.b. & *infra.*
Ioannis locus. 145.b
Ioannes nonagenarius Euange-
lium scripsit. 28.b
Ioannis locus malè ab hæreticis
perceptus, explicatur. 65.a.b
Ioannes Moronius Cardinalis.
 16.a
Ioannis Hus, & Ioannis Vvichef
heresis in Boemia. 217.a
Ioannes Monhemius ludi ma-
gister puerorum animos hære-
si corrumpere studuit. 2.a
Ioannes Vvicleff pœnitentiæ sa-
cramentum irrisit. 260.b
Isebia Lutheri solũ natale. 19.a
Iudices ab odio, inuidia, amicitia,
inimi-

I N D E X.

inimicitia, & ira uacui esse debent. 68.b
Iustitia quid sit. 188.b. 189.b
Iustitia in uersaratio, innocentia. uocabulo unico continetur. 190.a
Iustitia ex lege, & *iustitia* regis differunt multum Paulo. 194.b
Iustitia Augustino, nihil aliud est quam charitas. 192.a
Iustitiam ad ipsam primam animi motio quæ sit. 204.b
Iustitiam ad ipsam nostram applicationis quæ sit causa. 143.a
Iustitia nostra prima Christo tribuitur. 208.a
Iustitiæ causa efficiens, Deus misericors. 198.a
Iustitia originalis naturam ipsam omni ex parte perficiebat. 92.b
Iustitia uitæ nostræ, in quo sita. 190.b
Iustitia uera in animo potissimum sita. 136.b
Iustitiæ ac perfectiones, duæ in scriptura sacra. 174.a
Iustitia, quam in Adamo accepimus, omnium naturale donum dicta. 90.b
Iustitia quadrata, Clementi Alexandrino quæ sit. 190.b
Iustitia quomodo posita sit in legibus obseruantia. 190.b
Iustitiam solis uolentibus Deus tribuit. 207.b
Iustificandi uox, uariè in scriptura sacra usurpata. 185.a. 188.b
Iustificatio quid significet. 185.b
Iustificationem a peccatorum ue-

nia Paulus disiunxit. 185.b
Iustificationis fundamenta ubi sita. 206.a
Iustificanti homines a Deo uariè. 206.a
Iustificatio nobis, tribus ex rebus confertur. 190.b
Iustificari qui non possint. 203.b
Iustificatio impij hominis ubi sita sit. 200.a
Iustificationis causæ, efficiens, meritatoria, & formalis. 193.b
Iustificare, quid sit Hebrais. 184.a. & infra.
Iustificatio non est sine inherentijs Dei donis. 188.b
Iustus quomodo septies in die peccet. 123.a.b

L

Lapsus Gratiani demonstratur. 322.a
Lectoribus & *Cantoribus* uxores dicere olim licebat. 326.b
Legati Norimbergæ ad Carolum V. 268.a
Lex uniuersa, in diuina dilectione inclusa. 191.a
Legem Dei qui seruare dicantur. 191.b
Legis perfectionem, naturæ solis uiribus comparari a nobis posse Celestius existimauit. 162.a
Lex de coniugijs lata à Constantino Porphyrogenita. 320.a.b
Legis duo sunt genera. 242.b
Leges quibus de rebus ferre possint Prælati. 159.a
Leges Ecclesiasticas qui conuelli-

quàm delinquit. 159.a.b
*Leges à se editas, Domini manda-
 ta appellat Paulus.* 159.b
*Legem ueterem deprimi Paulus
 ac nouam extollit.* 26.b
*Legis diuina summa, in charitate
 posita.* 19.a
*Lege sola natura, quo pacto aliqui
 iustificati sint.* 119.a.b
*Lex Ecclesie de coelibatu, cum sa-
 cris literis conuenit.* 316.b
Legem cur acceperimus. 79.a
*Lege oportet aliquando morem ge-
 rere populis.* 159.a
*Legem diuinam quomodo paruuli
 conuulserint.* 84.b
*Lex à Paulo uirtus seu potentia di-
 cta.* 79.a
*Lege in uetere quænam esset Dei
 notitia.* 25.a
Legis opera quæ sint Paulo. 215.a
Lex æterna quid sit. 77.a
*Liberi arbitrij infirmitas contra
 carnis lasciuias.* 326.a
*Liberi arbitrij quæstio in præci-
 piis huius temporis controuer-
 sijs habetur.* 137.b
*Liberum arbitrium plurimum mo-
 menti habet in rebus, quæ ad salu-
 tem spectant.* 141.b
*Librum arbitrium equo indomi-
 to comparatur.* 144.a
*Libero de arbitrio, Lutheri insa-
 na sententia.* 139.a
*Liberum arbitrium per gratiam
 statuitur.* 206.b
Libidinis ardentes flammæ quæ ra-

tionem restinguantur. 325.b
*Libidine ardentissima exarsit Au-
 gustinus aliquando.* 325.b
*Libido & intemperantia quo pa-
 cto frenetur.* 313.b
*Libri de Vocatione gentium, non
 sunt Ambrosij.* 146.a
*Litanijs Deum precari an antiqui-
 tus fuerit in usu.* 313.b
*Liturgia Diui Iacobi quid de cor-
 pore & sanguine Christi in Eu-
 charistia assermet.* 231.a
Luca locus. 168.b
*Luissius Gonzalez à Camara præ-
 ceptor Regis Lusitanie.* 4.a
*Lusitania, Iesuuitarum canobijs
 permultis abundat.* 2.b
*Lutherus liberum arbitrium de
 medio abstulit.* 139.a
*Lutheri de libero arbitrio insana
 sententia.* 139.a

M

*MALA, permulta peccata non
 sunt.* 109.b. 110.a
*Maledictio pro supplicijs, quæ pec-
 catis irrogatur, accipitur.* 134.b
Manamotapia regnum. 23.a
*Mariam Deiparam, uirginem à
 partu remansisse, traditoribus
 solis constat.* 36.a
*Marie Virginis inuocationem, quo
 pacto Epiphanius antiquum er-
 rorem uocet.* 293.b. & infra.
*Martyres hominum duces, princi-
 pes, propugnatores, custodes, me-
 dici, & auxiliares dicti.* 291.b
Matrimonium quæ contraxissent

Dia-

- Diaconissæ extremo supplicio af-
 fectæ. 327.a
 Matrimonium semper infra cali-
 batus splendorem posuim suis-
 se. 318.b
 Matthæi locus restituitur. 205.a
 Mattheus omnium primus Evan-
 gelium lucris mandauit. 283.a
 Mauri Lusitano nomini infestis-
 simi. 23.b
 Maximus Madaurensis de sancto
 erum cultu male sensit. 282.b
 Maximini Facinus abominandum
 ad abolendum Christi nomen ex-
 cogitatum. 1.b
 Melancthon Luthero aduersatur
 in libero arbitrio. 139.b
 Missa præsanctificatorum. 257.a
 Misericordiæ diuinæ impetrande
 quæ sit ratio. 203.a.b
 Montis Serrati templum Mariæ
 Virg. dicatum. 10.a
 Mortuorum animæ, uiuorum præ-
 cibis adiuuantur. 274.a.b
 Mosi locus. 285.b
 Motus concupiscentia primò pri-
 mi dicti, qui sint. 180.a.b
 Munus Diaconissarum olim quis
 esset. 327.a
 Mulieres Diaconissæ inter Eccle-
 siasticæ gradus olim enumera-
 tæ. 327.a
 N
 NATVRÆ humana Pelagius
 magnopere assentatur. 138.a
 Naturæ opera mirabilia, uoces
 appellat David. 117.b
 Naturæ uim nullam insert diuina
 providentia. 143.a
 Nubere post castitatis uotum, nõ
 possunt uirgines. 319.b
 Nuptiæ quorum sint medicina.
 319.a.
 noua oria. 1.a
 O
 OBLATIONES olim à quibus
 recipere Ecclesiæ non liceret.
 241.a
 Occidentalis Ecclesiæ laus. 328.b
 Opera diaboli, in quib. omnia pec-
 catorum genera comprehendun-
 tur, quæ sint Cyrillo. 77.a
 Opera iustorum, uitam æternam
 promerentur. 210.b. & infrà.
 Opera omnia corporis & animi li-
 bera sunt. 151.b
 Operum iustorum hominum effica-
 citas, magis diuina est quàm hu-
 mana. 212.a
 Opera Legis quæ sint Pau. 215.a
 Oracula diuina in Christianam ple-
 bem non a quouis spargenda. 54.b
 Ordinem fratrum D. Francisci, igno-
 ratiæ ordinis Kennicius iniuriâ
 uocat. 17.b.
 Originali ex peccato quæ mala
 sint in nobis. 96.a.b
 Originalis peccati propriam ra-
 tionem consultò silentio inuoluit
 Concilium Tridentinum. quod
 & ab alijs Concilijs ante est fa-
 ctum. 89.a
 Originale peccatum in paruulis
 nullum agnoscebat Pelagius. 96.a
 Originale illud in nobis peccatum
 est, quod in Adamo olim fuit

- actuale.* 78.a
Originale peccatum, culpa est potius naturæ quàm personæ. 82.a
Orientem uersus conuersi orabant Christiani. 37.a

P

PANIS in sacra scriptura quid significet. 235.b
Panis supersubstantialis. 233.b
Paruulorum sine baptismo decedentium damnatio, minima est. 88.a
Paruuli originali peccato obstricti, legis sunt illius præuicatorum, quæ Adamo in Paradiso data est. 78.a
Paruulorum pro peccatis hostiæ offerri solita. 78.b
Paruuli baptismate accepto decedentes, omni macula & ruga carent. 104.b
Passionis Domini nostri enarratio, suis non caret difficultatibus. 48.a
Pastoris officium in ligandi & soluendi potestate. 263.a
Patrum sanctorum uita quid utilitatis pariat. 7.a
Pauli locus. 25.b. 83.b. 68.a.b. 98.a.b. 100.b. 107.a. 201.a. 209.a.b. 210.a. 222.b. 238.a. b. 247.a
Paulus legem ueterem deprimat, & nouam extollit. 26.b
Paulini ad Augustinum Epistola pro Augustini Epistola falsè citant Kemnicus. 252.b
Peccare quid sit. 204.a
Peccatum quid sit. 75.a. 76.b. 78.a. 77.b
Peccatum originale quid sit, quasi est perdifficilis & ambigua. 38.b
Peccatorum genus triplex Ambrosio. 124.b
Peccata quæ ex infirmitate oriuntur, quæ ratione sint uoluntaria. 173.a
Peccatum quodnam propriè dicatur peccatum. 77.b
Peccatum perfectum, quod sit iacobus. 124.a
Peccata omnia in sacra confessione sacerdoti à nobis esse aperienda. 261.b
Peccatū quibus in hominibus maius sit quàm in reliquis. 79.a
Peccatorū genera duo sunt, actinalia, & originalia. 82.a
Peccatum, nihil esse ait Augustinus. 93.a
Peccatum, humana est actio. 80.a
sine uoluntate esse nō potest. 81.a
Peccata & scelera horrenda propria uoluntatis operatione concluduntur Iesaiæ. 80.b
Peccata magna, magna satisfactione expiantur. 271.b
Peccata fidei solius ope non condonantur. 273.a
Peccatum originale quid sit. 89.a. & infra. controversum adhuc est. 94.a
Peccata res duæ insunt. 99.b
Peccatum originale omnium peccatorum minimum. 28.a
Pec-

Peccatorum mortiferorum, & uenialium distinctio ex natura rei, & non ex penitentis animo. 125.b.

Peccatum uon est omne illud, quod diuinæ legi repugnat. 76.b.

Peccata non sunt inter se æqualia. 121.a.

Peccata uenialia, & mortifera, quæ dicantur. 121.b. quid in nobis pariant. infra.

Peccatum omne positum in diuinæ legis transgressione. 77.b.

Peccata non esse, primos motus. 179.b.

Peccatorum uenia non est sine Dei amore. 87.b.

Peccatum originale qua ratione uoluntarium dicatur. 84.a.

Peccata nobis an condonet Eucharistia. 1236.a.b. 237.a.b.

Peccata in iustis quomodo sint telata. 103.a.b.

Peccata sacerdoti etiam aperienda. 269.a.

Peccati nomen latissime patet in sacris literis. 105.b.

Peccata quibus rebus extinguantur. 270.a.

Peccata quomodo Ecclesia ministri nobis condonent. 263.a.

Peccatum remissum esse quod nã dicatur. 107.a.b.

Peccatis contaminati sumus omnes: & quæ sint hæc. 104.a.

Peccata mortifera, penitentia efficit uenialia. 124.a.

Peccatum mortale inter & uenia

le, quod discrimen Thomas posuerit. 131.b.

Peccata uenialia non possunt prorsus uitari. 121.a.

Peccatum omne, contra hominis naturam esse dicunt Theologi. 77.a.

Pelagij iudicium de gratia necessitate. 131.a.

Pelagius naturæ humanæ, & gratiæ diuinæ quantum tribueret. 138.a.b.

Pelagium Ambrosii ætas non uidit. 146.a.

Pelagiani, Cælestiani dicti sunt. 165.b.

Pennæ, quibus ad Deum uolamus, Ephrem Syro quæ sint. 214.a.

Perfectio uera hominis est imperfectum se esse cognouisse. 173.a.

Perfectiones duæ in scriptura scriptæ. 174.b.

Perfectio Christiana uitæ dum hoc corpore detinemur, quæ sit. 182.b.

ripouola, quid significet. 99.b.

Petrus, Marzarenhas Lusitanicæ Regis ad Pontificem summum iurator. 15.a.

Petrus ex Desdra hereticus. 227.b.

Philippus Imp. Ro. primus Imperator Christianus. 163.a.

Philonis Indæi dictum egregium. 13.b.

Philosophorum ueterum crimina, nulla excusatione digna. 117.a.

Philosophia, paedagogus fuit ad

Chri-

- Christum. 120.b
 Philosophia quosdam iustificatos
 quâ ratione dicat Clem. Alex.
 120.b.
 Philosophia fructum uberrimum
 quem dixeris Plato. 118.b
 Pignus inter et arrhabonem mul-
 tum interest. 212.b. & infra
 Plebis fides subtilius non est in-
 daganda, eiq; quæstiones diffi-
 ciles minimè obtrudenda sunt.
 60.a.b.
 Penitentiam quando agere dica-
 mur. 271.a
 Penitentia sacramenti ratio ubi
 sita. 266.a
 Penitentia, secunda est post nau-
 fragium tabula. 265.b
 Penitentiam esse sacramentum.
 264.b.
 Penitentia virtualis, quæ sit D.
 Thomæ. 128.b
 Penitentia sacramentis adnume-
 ratur. 265.a
 Penitentia quandiu necessaria.
 271.a.
 Penitentia quis usus antiquis.
 270.b.
 Penitentia sacramentum Io. Vni-
 cles irrisit. 260.b.
 Penitentiam confidenter quis pri-
 mus docuerit. 269.b
 Penitentiarius publicus Constan-
 tinopoli cur summotus. 268.a
 Pompeiopolitana arx à Gallis ob-
 sessa. 9.a
 Pontificis Romani auctoritas.
 159.a
 Pontificibus in ipsis diuinus spi-
 ritus peculiari quadam ratione
 residere solet. 13.b
 Pontifex Rom. Christi Vicarius
 & Ecclesia caput. 41.b
 Pontificem Ro. falsò Anticri-
 stum vocant hæretici. 218.a.b
 Præcepta diuina cur leuia dican-
 tur. 177.a
 Præcepta quadam, cur minima à
 Christo dicta. 136.a.b
 Præferri nobis alios agere pati-
 mur. 228.b
 Prælati Ecclesiæ, quibus de rebus
 leges ferre possint. 259.a
 Præmonstratensis hæresis anno à
 Christo nato 1527. exorta, Chri-
 stum in Inferni cruciatus detru-
 sum asseruit. 71.b
 Præposito monasterij, quanta de-
 beatur reuerentia & obediën-
 tia. 163.a
 Præpositis nostris contumaces es-
 se non debemus. 161.b
 Preces Ecclesiæ, quæ corporis
 Christi consecrationem antece-
 dunt, trisariam diuise. 240.a
 Preces sanctorum nobis proficua.
 289.b. & infra.
 Presbyteri, qui religionis obtentu
 uxores abijciebant, cur olim
 excommunicati. 328.b
 Presbyteri regulares, Theatini
 cur dicti. 13.b
 Prophetæ caelestes dicuntur qui-
 dam hæretici. 72.a
 Publica penitentia usus apud an-
 tiquos. 370.b

Pudicitia coniugali qui careant.

318.a.

Pueri quomodo ad penitentiam vocati dicantur.

205.a.

Pueris suis quam doctrinam infunderent Christi hostes.

1.b.

Pueri quomodo ad penitentiam vocati sint.

205.a.

Punctorum nota à Rabinis exco- gitata.

285.b.

Purgatorius ignis.

273.b. 274.a.

R.

RATIONALIUM mentium

quis finis sit.

5.b.

Regula D. Franc. ubi de literarum studio loquitur, à Remnicij calu- nia vindicatur, & genuino sensu explicatur.

18.b.

Reip. felicitas unde pendeat.

1.a.

Reuelabimur posteritati multa,

quæ modò nobis sunt obscura.

611.b.

Romanam Ecclesiam tyrannidis

quidam infimulant.

228.a.

Romane Ecclesie solius iudicium,

iudiciorum omnium instar.

69.a.

SACERDOS altari assistens

preces ad solum Deum patrem

dirigere debet.

294.b.

Sacerdotibus olim an integrum

fuerit uxores ducere.

328.b.

Sacerdote sacra facturo, Diaconus

quid præciperet his, qui ade-

rant.

241.a.

Sacerdotes Græci olim cælibes.

328.a.

Sacerdotes cælibes semper pluri- mis fecit Ecclesia.

327.b.

Sacerdotis potestas maxima.

239.b.

Sacerdotum catholicorum, circiter

sex millia in Gallia trucidati.

18.a.

Sacris initiari an possit qui aut

hereditarijs aut Ecclesiasticis bo-

nis, unde se alit, caruerit.

11.b.

Salus nostra, posita est in nostra po-

testate.

144.b. & infrà.

Salus nostra unde pendeat, si igno-

remus, infinitis miserijs inuolue-

mur.

137.b.

Salutem ad ipsam omnia necessa-

ria in propatulo loco posita esse,

quomodo uerum sit.

57.b.

Sanctorum preces quibus plurimè

profint.

292.a.

Sanctorum ueneratione qui olim

damnauerint.

282.a.b.

Sancti pro nobis Deum orant.

299.a. & infrà.

Sanctorum inuocatio.

280.a.

Sanctorum uenerationem Caiani

primi negarunt.

281.b.

Sanctorum in honorem misse que

itam licet celebrantur.

295.a.

Sanctorum patrocinia dum nobis

asciscimus, Christum contumelia

minime afficimus.

296.a.

Sancti quo pacto colendi.

283.a.

b. & infrà.

Sanctos inuocat Basilius.

305.a.

Sanctos non ut Deos, sed tanquam

Dei amicos colimus.

287.b. & in-

- infra. 48.a
*Sanctificatio à iustificacione non
 selungitur.* 192.a
*Sapientia quæ nostri cum à Deo
 amamur, hospes est, quæ uam sit.*
 187.b. 188.a.
*Satisfactio post confessionem pec-
 catorum an necessaria.* 269.a.b
*Scelera nostra quando condonata
 uideantur.* 197.a
*Sceleratis animis sit exitiosum
 quod nobis est salutare.* 73.b
*Scriptura sacra nihil est uerius,
 firmitus & certius.* 46.a
*Scriptura sacra cur nasus carens,
 & Lesbia norma dicatur.* 46.a
*Scriptura loca multa, quæ late-
 bant, Ecclesia ab hæreticis la-
 cessita declarauit.* 46.a
*Scriptura sacra loca multa aded
 recondita ut cum à nemine intel-
 ligi possint, diuinæ cognitioni
 committenda sint.* 55.b
*Scriptura sacra à Deo uerbo, &
 spiritu dictata.* 56.b
*Scriptura loca duo pugnancia ab
 Augustino conciliantur.* 173.b
*Scriptura sacra studium Christus
 Phariseis exprobrauit.* 65.b
*Scriptura aut uerbo ueritas conti-
 neatur, nihil refert.* 62.a
*Scripturam diuinam, hæreticorū
 librum quis appellauerit.* 71.b
*Scriptura sacra lectio non cui uis
 passim permittenda.* 70.b
*Scriptura sacra noui quotidie the-
 sauri reperiuntur.* 50.b
*Scriptura sacra difficultas unde
 dimanauerit.* 48.a
*Scriptura sacra difficilis est et per
 obscura.* 50.a
Scriptura sacra, fidei regula est.
 53.a.
*Scriptura sacra lectio non cuius
 permittenda.* & cur. 48.a.b
*Scripturam sacra quomodo aper-
 tam dicant Augustinus & Ire-
 næus.* 56.a
*Scriptura sacra hæresibus anſam,
 dum malè accipitur, præbet.* 71
 b. 72.a. 73.b.
*Scriptura hæreticorum delira-
 mentis carea est.* 47.a
*Scriptura sacra interpretatio, &
 uerus sensus in sola Ecclesia repe-
 ritur.* 41.a. 53.b
*Scriptura sacra omnem fidem hæ-
 retici quidam arbrogant.* 72.a
*Scriptura sacra nihil diuinus, ni-
 hil augustius.* 73.a
*Sebastianus Lusitanie Rex à quo
 bonis artibus institatur.* 4.a
*Sepultura pro ipsa, nihil est acci-
 piendum.* 277.b
Signum quid Augustino. 300.a
*Socrates Christum qua ratione co-
 gnouisse dicatur.* 119.b
*Sodalitas Diuini amoris, Clemen-
 tis VII. Pont. Max. tempore
 instituta.* 13.a.b
Solomonis locus declaratur. 75.b
 123.a.b.
Solomonis locus. 75.b
Spes dubitationem unde habeat.
 225.a.b.
*Spiritus sanctus quando nobis con-
 ſera-*

feratur. 193.a

Spiritus sanctus quo impij iustifican-
-cantur, uoluntarius & sponta-
-neus cur dicatur. 197.b

Stanislai Hosi laus. 72. a. idem
ab hereticorum quorundam ca-
-lumnia uindicatur. 72. a. b. 73. a

Syrorum uxores adolescentula à
-maritis mercatura gratia reli-
-cta. 325. a

T.

THEOLOGI scriptores an-
-tiqui magna ex parte monachi
-fuerunt. 18. a

Thomam iniuria reprehendit Ké-
-nicinus. 128. a. b. & infra
Tradendi uocabulum quid signifi-
-cet. 247. a. b

Traditiones ex sacris literis firma-
-menti non parum desumunt. 34
b. 33. a. d. e

Traditionibus uelint nolint here-
-tici credere coguntur. 37. b. Tra-
-ditiones amplectandas esse Pau-
-lus & Chrysostomus docent. 38. a.

Traditiones Apostolorum ad per-
-ficiendam Christianam religio-
-nem ualde necessariae. 30. a

Traditiones Apostolorum. 248
-a. b.

Transubstantiatio in sacrosancto
eucharistiae sacramento. 234. b

V.

VELAMEN in facie Moysi
& Euangelistarum positum esse
Hieron. dixit. 50. a

Velle in nobis quomodo Deus ope-

retur. magis Trunus 142. a. b

Venerem cum uxore exercens
torporis aliquid in operibus spiri-
-tus contrahit. 318. b

Venetos inter & Thurcarum Im-
-peratorem foedera quando uiola-
-ta & fracta. 11. b

Venetiae pacis & quietis egre-
-gium domicilium. 14. a

Venialibus peccatis qui omnino
caruerint. 174. b. 176. a

Venialia peccata ut condonentur,
quid requiratur. 131. a

Venialia peccata à uita aeterna in-
-flum non impediunt. 124. b

Veniali de peccato quid senserit
D. Bonauentura. 127. a

Venialium peccatorum à mente
expulsionem, citra diuinam uir-
-tutem fieri, non putat Thomas.
132. a.

Venialia peccata, aqua lustrali de-
-lentur. 134. a

Venialia peccata non possunt pror-
-sus uitari. 171. a

Venialia peccata, quae uitari pos-
-sunt, quae nam sint. 175. a. b

Venialia peccata charitati non
aduersantur. 127. a

Verallus Archiepif. Rosanensis.
12. a.

Victoris Antiocheni pulchrum
testimonium. 245. a. b

Viduae iterum nubentes. 319.

Viduae Christianae unde potissimu
consolatio petenda sit. 288. a. b

Vires humanas nimium amplifi-

cauit Italianus Pelagian. 115.b
 Virgines quo pacto nubere possent
 uelit Cyprianus. 321.a
 Virgo per uim stuprata, nedum a-
 nimis, sed nec etiam corporis casti-
 moniam amittit. 81.a
 Virginitas sacerdotibus conue-
 nit. 327.b
 Virtutis nouæ atque inusitatae ad-
 miratio quid in nobis efficere con-
 sueuerit. 7.b
 Virtus nulla sine præmio. 113.b
 Virtutes extra ueram Ecclesiam
 non reperiuntur. 115.a
 Virtus quid sit. 75.b
 Virtuti quem finem Romani fla-
 tuerent. 114.b
 Virtutem in quibus reperiri dixe-
 rit Augustinus. 115.a
 Virtutum officia in diuinæ uolun-
 tatis obtemperacione. 77.b. 78.a
 Virtutum omnium actiones pecu-
 liari scripturæ phrasi, recte coram
 Domino appellantur. 76.a
 Vitam æternam uirtutum officijs
 promeremur. 213.b
 Vita monastica ratio ubi potissi-
 mum sita. 8.b
 Vita hominis cur à Iobo, militia
 dicta sit. 181.b
 Vita piorum uirorum quedam
 Spiritus sancti mysteria ostendit,
 quæ studium sacrarum literarum

non potest facit. 27.a
 Vitiosi mores quo pacto secun-
 dum Plutarchum corrigantur.
 157.a
 Vitia omnia ab amore, et odio pro-
 ficiscuntur. 157.a
 Vnctio extrema ab hæreticis im-
 probatur. 278.b. 279.a
 Vnctio extrema à Christo instituta.
 279.b
 Volita quæ sint Theologis schola-
 sticis. 100. 92.a
 Voluntates nostræ quomodo à Gra-
 tia Diuina ad iustitiam allician-
 tur. 242.a.b
 Vota, quæ uouimus Domino, sunt
 reddenda. 312.b. & infra.
 Vota contra Dei præceptum inita,
 an sint reddenda. 313.a
 Vxorē ducere an olim sacerdoti-
 bus licuerit. 326.b. 328.b
 Vxorē secundam aut tertiam ac-
 cipientes, an recte agant. 320.a.b
 Vxorē propria ob solam inconti-
 nentiam qui utitur, non multum
 delinquit. 171.b
 Vxorē ducere Diacono si permi-
 sisset Episcopus, prinabatur Epi-
 scopatu. 327.a
 Vxoribus ab ipsis abstinebant o-
 lim sacerdotes quandiu muneribus
 sacris incumbabant. 317.a
 F I N I S.

Qui Indice hoc nostro uti uoluerint, notas numerales chartarum quater-
 nionum, Cc. Nn. & Ccc. ita emendabunt, ut proxima præceden-
 tibus, & subsequentibus ordine respondeant: sunt. n. Typographo-
 rum culpa deprauata.

R E G I S T R U M Typographorum errata, sic expunges.

*Prior numerus chartam. A. charta frontem. B. tergum
significat. numerus posterior lineam.*

1. A. 14. fallidum. 4. 4. 16. Kemnicij. 8. b. 29. preferant. 9. 4. 30. Loyolam. 11. 2. 6. Xauier. 13.
2. 5. praclarus. 15. b. 9. retento apud se. 17. b. 1. quorum. 18. 2. 4. antea scripisse. 45. b. 10.
fauens. 47. b. 39. compescendum. 53. 2. 1. ne si ipsum. 54. 2. 7. suppediet. 64. b. 27. qui in-
quirit. 70. 2. 5. aduertet. 75. b. 14. certissima norma. 83. 2. 4. praestitit. 89. b. 6. minime con-
sequentiis. 112. 2. 3. dialogo. 132. 2. 15. oppressus. 157. b. 9. obgannat. 158. 2. 3. illud quol-
uam. 160. 2. emenda in margine. Compend. 159. b. 21. Sabbato Pasche. 169. 2. 22. con-
sequatur. 208. b. 5. auctori. 231. 2. 6. de 14. Liturgia. 314. 2. 27. de sorte. 317. 2. 6. calicem
uitam degunt.

REGESTVM.

* ABCDEFGHIJKLMNOPQRSTVXYZ.
Aa Bb Cc Dd Ee Ff Gg Hh Ii Kk Ll Mm Nn
Oo Pp Qq Rr Ss Tt Vu Xx Yy Zz. Aaa Bbb
Ccc Ddd Eee Fff Ggg Hhh Iii Kkk Lll Mmm Nnn
Ooo Ppp Qqq Rrr Sss Ttt Vuu Xxx Yyy Zzz.
Aaaa Bbbb Cccc Dddd Eeee Ffff Gggg Hhhh
Iiii Kkkk Llll Mmmm Nnnn Oooo Pppp Qqqq.

Omnes sunt quaterniones, præter * quinter-
nionem, & Q q q q, duernionem.

Venetijs, ex Officina Iordani Zileti.
M. D. LXIII.





